



FELIX LITERATUS
EX
INFELICIUM PERICULIS
ET CASIBUS,
SIVE DE

VITIIS LITE-
RATORUM
COMMENTATIONES
HISTORICO-THEO-
SOPHICÆ,

QUIBUS INFELICIUM EX
ANIMO, H. E. VITIOSORUM LITE-
RATORUM CALAMITATES ET MISE-
RIÆ, CONQUISITIS EXEMPLIS ET DO-
CUMENTIS SELECTIONIBUS EXPONUN-
TUR, ATQUE ERUDITIS, AD VERÆ ET
IMPERTURBATÆ FELICITATIS SEDEM
TENDENTIBUS VIA TUTISSIMA
OSTENDITUR.

AUTHORE

THEOPHILO SPITZELIO,
D. V. I. E. A. M.

AUGUSTÆ VINDELICORUM,
APUD THEOPHILUM GOEBELIUM
LITERIS KOPPMAYERIANIS.
M. DC. LXXVI.

Lib. Sept. Castell. W. 1676

CELSISSIMÆ
SANCTISSIMÆQUE
TER-OPTIMI TER-MAXIMI
NUMINIS
MAJESTATI,
BEATÆ ITEM ÆTER-
NITATI,
ATQUE PERPETUÆ
LITERATORUM
HOMINUM FELICI-
TATI

OPUS HOC SACRUM EST!





Semper ago quod

veller novissime.

THEOPHILUS SPIZELIUS AUGUSTAN.
ÆTAT. ANNO XXXVII. A.C. MDCCLXXVI.

B. Haugzelmann sculp.


OPERIS HUIUS HISTORICO- THEOSOPHICI CONSPECTUS.

- AD LITERATOS EX ANIMO FELICES PRÆFATIO:
DISSERTATIO PRÆLIMINARIS, DE PRIMA INFELI-
CITATIS LITERARIÆ ORIGINE, EJUSQUE OPOR-
TUNO REMEDIO. pag. 1.
COMMENTATIO I. DE LITERATORUM QUORUN-
DAM IMPIETATÈ SIVE ATHEISMO. p. 89.
II. DE LITERATORUM HOMINUM FASTU SIVE SU-
PERBIA. p. 203.
III. DE LITERATORUM HOMIN. CENODOXIA, SI-
VE INANIS GLORIÆ AMORE AC STUDIO. p. 301.
EJUSD. COMMENT. APPENDIX, DE FELICIBUS ET
INFELICIBUS LIBRORUM CONDITORIBUS. p. 385.
IV. DE LITERATORUM HOMINUM INVIDIA ATQUE
ÆMULATIONE, DEQUE PRUDENTIA CIRCA
ILLAM SIVE DECLINANDAM, SIVE SUSTINEN-
DAM, A FELICE LITERATO ADHIBENDA. p. 413.
V. DE LITERATORUM HOMINUM RIXIS SIVE CON-
TENTIONIBUS. p. 570.
VI. DE LITERAT. HOM. MALEDICENTIA. p. 666.
VII. DE LITERATORUM HOMINUM AMBITIO-
NE, DEQUE NOXA HONORUM ET DIGNIT. p. 776.
VIII. DE LITERATORUM HOMIN. AVARITIA,
NEC NON DE SCIENTIÆ TENACITATE. p. 861.
IX. DE NOXIA LITERATORUM HOMINUM
CURIOSITATÈ, CASSIS QUORUNDAM ET SU-
PERVACAN. LABORIB. UNO DENIQ; NECESS. 348.
CORONIS HISTORICO-THEOSOPH. QUÆ FELICIS LI-
TERATI IMAGO, EXEMPLIS ET DOCUMENTIS
SELECTIONIBUS ILLUSTRATA OSTENDITUR.
LITERATORUM EX ANIMO INFELICIUM FELICIUM-
QUE DESIGNATIO.
INDEX RERUM ET VERBORUM COPIOSISSIMUS.

LITERATIS EX
ANIMO FELICIBUS

S. P. D.

AUTHOR!

 On invenère prisci Sa-
crorum Ægyptiacorum An-
tistites, cui convenientius
PERSEAM arborem (cu-
jus FOLIA LINGUÆ figuram refe-
runt, FRUCTUS CORDIS,) dedica-
rent, quam Sermonum NUMINI, opti-
mè judicantes, COR VIRI SAPIEN-
TIS pariter ac LINGUAM divino
consecrandam ministerio, atque pro-
fundiori rerum cognitioni sociandum
esse omne melioris vitæ institutum. Num
sanctius quicquam monito isto hierogly-
phi-
)?(

AD LITERAT. FELIC.

phico mystæ enunciare, anne salutaris præceptum alumnorum suorum auri-
bus & animis inclamare potuissent? Ast
longe evidentius. disertiusque CHRI-
STIANA PHILOSOPHIA osten-
dit, NON LINGUA SOLUM, SED
VITA etiā moribusq; philosophandum;
qui secus faciant, illos non PERSEÆ,
sed arboribus similes esse SODOMITI-
CIS, quæ pulchram quidem maturitatis
præ se ferant speciem, levi tamen com-
pressæ tactu, illicò in favillas fatiscant &
cineres, atque ut ipse Dominus ait, deal-
batis respondeant sepulchris. Quid quod
universi hujus Conditor Maximus, nobi-
le ejusdem documenti symbolum in ter-
restri Paradiso constituturus, SCIEN-
TIÆ LIGNUM proximè LIGNO
VITÆ duxerit plantandum. *Neque
enim VITA* (uti præclare Justinus Martyr
scripsit ad Diogenem) *sine COGNITIO-*
NE,

P R Æ F A T I O.

NE, neque Cognitio sine verâ **VITA** tanta est, ideoque in propinquo utrumq; fuit plantatum. Et Magno Ambrosio enunciante, multò satius est **VITAM** Bonam (quæ etiam sine doctrina habet gratiam) possidere, quam doctrinam sine vita, quæ nullam habeat **INTEGRITATEM**! Ecquis eum Doctorem **ARBOREM** vocare dubitaret dignam quæ **DEO** consecratur, qui **LINGUAM** in **FOLIIS**, **COR** autem in **FRUCTIBUS** exprimat, adeoque juxta Servatoris ipsius monitum & exemplum **FACERE** pariter ac **DOCERE** laboret, neque eorum inscrip. us sit albo, quibus olim exprobratû fuit, quod **DEUM** **LABIIS** duntaxat suis (**CORDE** autem averso) honorarint. Etiam quem Christianum nonnulli dixere **SENECA**, præclarè docuit, veram Sapientiam non in **VERBIS** solum, sed in **REBUS** etiam consistere, non in hoc adhiberi, ut cum

AD LITERAT. FELIC.

aliquâ oblectatione consumatur dies, ut dematur otio nausea, sed quæ animum formet ac fabricet, vitam disponat, actiones regat, agenda & omittenda demonstrat. Quid, quod toto de brevitate vitæ libro ostenderit, hanc unam esse vitæ extendendæ rationem, quam omnes brevissimam querantur, si cæteris rebus omissis publicis privatisque, quas vel vanas, vel exitiosas (etiam quæ tutissimæ videntur) exitus probet, omnem ætatem **SAPIENTIÆ** studijs impendamus, **NOBIS**que ipsis vivamus, cui uni curæ Paullinum suum, relictis publicis, quibus detinebatur negotijs, voluit occupari. Nos verò coelesti beneficio sanctioribus imbuti placitis, ad **BEATIOREM** longè, solisque fidelibus promissam adspicientes **IMMORTALITATEM**, affatim vitæ hujus, tot miseriarum turbini-
bus agitatæ brevitatem compensatam.
puta-

putabimus, si è seculi hujus tenebris, atque infinitarum vanitatum abyſſo, per Christum in admirabile Divinæ Sapientiæ lumen, atque felicissimum coelestis gloriæ Paradisum transferamur.

Magnæ sunt fateor LITERATI HOMINIS ex assidua studiorum tractatione voluptates, siquidem præ his vix ullæ aliæ ipsi arrideant, non epulorum aut ludorum, aut aliarum quarumcunque illecebrarū delitiæ, imò nihil propemodum delectabilius fingi possit, quam immotæ studiorū suorum axi inhærens literatus. Mente siquidem universum permeat Orbem, quidquid uspiam præclarum & excellens est, intelligentia inspicit, Regnorum ortus, progressiones, inclinationesque, ex eruditione, tanquam è specula contemplatur, videt tot naufragia sine metu, tot bella spectat sine periculo, abditiōra terræ viscera sine fatigatione ri-

AD LITERAT. FELIC.

matur, ingreditur Principum ædes sine
repulsa, subit Templorum Sacra-
ria sine sacrilegio, Sapientum consilijs inter-
est absque censura. E Stoa pro lubitu
in Academiam transit, ex Academia in
Lyceum, Zenone, Socrate, Platone, Ari-
stotele, Pythagorâ, Epicteto, Seneca, cæ-
terisque insignibus Viris utitur familia-
rissimè. Libris circumfusus, delibat quid-
quid est in Grammaticis accuratum, in
Epicis amœnum, in Tragoedis senten-
tiosum, in Comœdis festivum, in Lyricis
excultum, in Satyra falsum, in epigram-
mate acutum, in fabulâ ingeniosum, in
panegyri elegans, in historia varium, in
eloquentia sublime, in Philosophia re-
conditum, in Medicina necessarium, in
Jurisscientia utile, in Mathematicis ad-
mirabile: Quantumvis igitur ingens ea
sit quæ Virum solidè doctum comitatur
delectatio, nihili tamen reputanda est

illius

P R Æ F A T I O .

illius VOLUPTATIS intuitu atque respectu. quæ Literatis ex sinceræ PIETATIS Virtutisq; Christianæ exercitio maximâ beatitatem conciliat. Talia eam excipiunt oblectamenta, quæ etiam sæpius repetita neutiquam displiceant, nullumque unquam fastidium habeant finitimum.

Et cum ad imperturbatæ hujus FELICITATIS sedem tendentibus LITERATIS, paucis ab hinc annis, opellâ peculiari (quæ sub PII SECESSUS * titulo prodijt) quoddam veluti calcar addiderim, atque ERUDITI HOMINIS, à profanæ doctrinæ & vitæ vanitate, ad sinceram veramque PIETATEM exposuerim manuductionem, quâ sc. ratione illi, qui pridem cum cæteris sæculi mancipiis otiosè fuerint negotiosi, latèque hinc inde sint evagati, ad se ipsos tandem accedere propius, secum habitare felicius, inque

* Edit. 1669. Aug. una cum Ep. de Atheismo eradicando.

AD LITERAT. FELIC.

inque PIO quodam SECESSU, velut in
egregio veræ sapientiæ arcano abscon-
diti, res & curas hominum profanè li-
teratorum tutius intueri, DE Oque
optatius servire possint; Animus nunc
est novus (utinam non supervacaneo!)
Opere, Literati Orbis incolas ad celsiora
nitentes, & VITÆ FELICIORIS ty-
rocinia (post superatos plusquam Her-
culeos labores, exhaustas verè omnes
corporis animique vires, immensa deni-
que tædia devorata) ponere optantes
sui admonere officij, & ad hostes illos do-
mesticos debellandos, pestesq; VITIO-
RUM execrabiles exterminandas profligandasque invitare pariter ac incitare;
ne scilicet doctrinâ literisque humanio-
ribus exculti mortales, gravi illâ passio-
num, affectionum & inclinationum per-
versarum (quas antiquus hostis in eos
veluti proditores quosdam suscitare so-
let.)

P R Æ F A T I O .

let) mole in terram defigantur, æternæ-
que tandem dentur internecioni, sed
Divinæ potius **GRATIÆ** radijs collu-
strati, ad veram sinceramque **PIET A-**
TEM convertantur, deq; tenebrarum
filijs, sempiternæ Lucis hæredes efficiantur.
Navigationem quandam toto hoc
opere confecturus, Argonautis **LIT E-**
RATIS, horrendarum procellarum, vi-
tiosorumq; fluctuum impetu abreptis, se-
riæ solidæq; **POENITENTIÆ** ancho-
ram ostendere constitui, ut perspectis tot
eruditorû hominum periculis & casibus,
cognitis tam funestis exitiosisque vitio-
rum scopulis, totque piratarum spiritua-
lium fraudibus insidijsque exploratis, de-
inceps **NAVIGATIONEM** suam, h. e.
SE IPSOS regant prudentius, cogitan-
tesque, quâ sæpè vi ac impetu ab adver-
sarijs ad casum sint concussi, & ex casu in
præcipitium, **MALA** sua, h. e. peccata,

)))

grat

AD LITERAT. FELIC.

gravioraque paroramata sibi frequenter
revocent ad animum, & conscientiam,
perperam gestorum habeant ante oculos,
tum ritè poenitendo ad DEUM accedant,
& salutari horrore perculsi, maximarum-
què illarum procellarum ac belluarum
Marinarum, IMPIETATIS scil. SU-
PERBIÆ, CENODOXIÆ INVIDIÆ,
CONTENTIONIS, MALEDICENTIÆ,
AMBITIONIS, AVARITIÆ, NO-
XIÆ QVE CURIOSITATIS faucibus
erepti, ad divinæ misericordiæ, Christi
Salvatoris merito partæ aram confu-
giant, ei que soli confisi, ac libertati pri-
stinæ restituti, æternam cœlesti ope evi-
tent confusionem. Non mihi in hoc ope-
re adornando consilium, alienam sca-
biem satyrico perfricare sale, non carpe-
re quempiam temerè aut lædere, non
institui summos ac de publica & literaria
re meritissimos Viros atro notare carbo-
ne;

PRÆFATIO.

ne: Prorsus enim anous essem, si quam,
 libro hoc coror evertere quorundam,
 profanè doctorum malignitatem, con-
 vitijs ipse sustentarem. Convitijs inquam
 omissis, **VITIIS** potius **HOMINUM LI-**
TERATORUM sacrum indicere bel-
 lum, easque pestes suis coloribus depin-
 gere constitui. *Siquidem* (scitè dicente
 Paschali) * **NOTITIA VITIORUM**,
omniū saluberrima cognitio, eaq̃ altissimè in-
spicere, idem prorsus sit atque odisse; Vitia ve-
rò odisse sit ipsam amplecti VIRTUTEM, h.e.
esse in consinio, mox in gremio VERÆ FELI-
CITATIS. Et cum **EXEMPLIS** primū,
 dein **DOCUMENTIS** selectioribus **IN-**
FELICIUM EX ANIMO, h.e. VITIO-
SORUM LITERATORUM miseras
 & calamitates duxerim exponēdas, op-
 ram intendi diligentiolem, ne quicqua
 in cerebro natum, aut ambiguo rumo-
 relatum obtruderetur, verum probatissi-

)??(2

mo-

* Paschal. Præf. lib. de Character. Virtut. & Vitiis.

AD LITERAT. FELIC.

morum authorum suffragijs sive testimo-
nijs stabilirentur omnia, atq; quam dili-
gentissimè caveretur, ne eruditi homi-
nes, præter rem culpamve suam temera-
tæ virtutis admissæque vitiositatis obe-
lo notentur, & sive Impietatis atheismiq;,
sive Superbiæ & Cenodoxiæ, sive Invi-
diæ, Contentionis & Maledicentiæ, sive
Ambitionis, Avaritiæ ac noxiæ Curiosi-
tatis veru inique transfigatur. Quod ab
alio quovis ipsi optamus, ait non nemo, vel
steramus officium, nimirum ut post fata etiam
fama persistat integra, & ab hostium vindice-
tur injurijs, hoc nos quoque Viris de publicâ
& literariâ re meritissimis ex animo præste-
mus, & graviter quidem, ne parum seriò id e-
nisse videamur. Ea verò potissimū cura me
ravit atque cogitatio, ut doli frau-
sque (quibus callidus ille veterator
DOCTISSIMIS etiam HOMINIBUS
hactenus imposuit) fideliter detegantur,

PRÆFATIO.

ac INFELICIBUS quibusdam, & in corruptæ inquinatæq; eruditionis Republicâ etiamnum degentibus Literatis, via tutissima ad VERÆ & imperturbatæ FELICITATIS metam ostendatur, denique ut malè (ad animum quod attinet) se se habentibus, remedia præscribantur, quibus à præsentissimo mortis periculo (divinâ adspirante clementiâ) liberari queant. Quod ut aliquousque exequer, nulla non vitæ Literato-Christianæ instituta duxi delibanda, ea ubique persecutus, quæ nō uni Literatorum Ordini, unive Doctorum hominum familiæ, sed unctis omninò convenient, quemadmodum architecti eâdem norma plurimè erigere domos; iisdem sanitatis prædictis, omnium curare morbos, vel firmare valetudinem Medici assueverunt. Ut verò, haud secus ac si quis de vitæ diurnitate scriberet, id spectans, ut ejus

)??(3

tuch-

AD LITERAT. FELIC.

tuendæ & prorogandæ rationem com-
monstraret, ineptè prudentiorum judi-
cio faceret, si de vita, de tempore, de du-
ratione multa Philosophorum in morem
differeret; ad rem verò suam aptissimè, si
de cibis, de diætâ, de otio, laboreque ad
valetudinem conferente, malè affectorū
bono disputaret; Ita hoc in argumento
apprimè vitandū duxi, ne de **VITIIS LI-
TERATORUM**, Scholasticorū in mo-
rem subtilius dicerem, sed potius tū in ex-
cutiendis pestiferis morborū mysticorum
seminarijs, tum oportunis etiam **REME-
DIIS** præscribendis diutius morarer,
operamque collocarem fructuosiore. .
Haud equidem me latet, quam grave hoc
opere volvam saxum, quamque arduum
susceperim onus, utpote invisū Mundo,
eiusque Principi diabolo, cujus fraude &
malitia plerumq; accidit, ut optato pro-
gressu careant, quæ **DEI** pietatisq; pro-
pagan-

PRÆFATIO.

paganda causâ suscipiuntur. Certo certius autem mihi persuadeo, non defuturum meditato operi consilioque successum, quem rebus suis SS. Numen dare solet, licet id non semper fiat modo & tempore à nobis efflagitato. *Quisquis DEVM ejusq. bonorem sincerè amaverit, & spreto fortiter furore favoreque humano, gradu inflexo perrexerit, is ad sinistra neutiquam delabatur, sed suprema FELICITATIS Christiano-LITERARIAE fastigium tandem aliquando conscendet, sempiternâ gavisurus BEATITATIS.* Quem ipsum immarcessibilem laborum certaminumque suorum fructum tempore suo percipient, atque HOMINUM ex ANIMO felicissimorum elogium certo certius consequentur LITERATI singuli, si execrandis illis, quas toto hoc opere detestati sumus, eruditi Orbis pestibus sancti dent repudiij libellum, inque pietatis virtutisque sinceræ palæ-

AD LITERAT. FELIC. PRÆFATIO:

palæstra studio ac labore indefesso se se
exerceant. **DEUM** ipsum sic trahent ad
se, ejusque clementia ac benignitate **FELI-**
CITATIS supremæ apicem rectissi-
mè attingent. Divites sic erunt satis, satis
docti, clari satis, denique in ipsâ infelici-
tate sua (si quæ ijs in seculo obtingat) **FELI-**
LICES satis atque **BEATI. DEUS** fons
omnigenæ prosperitatis ipsis erit omnia,
Pax, gloria, thesaurus, gaudiumquè sem-
piternum. Accipite igitur **O FELI-**
CISSIMA PECTORA, hæc bono ve-
stro conquisitâ, & ad classes suas redu-
cta, nec non **LITERATORUM HO-**
MINUM moribus expoliendis adaptata
monita Theosophica, quæ si sint ad ani-
morum vestrorum emolumentum, in-
terpretabor me in hoc quali quali opere
parando operam neutiquam perdidisse.
Valete, & si libitum est, subsequenter de
prima Infelicitatis literariæ origine, ejus-
que remedio **Dissert. legite.** **DIS-**



DISSERTATIO PRÆLI-
MINARIS

DE

PRIMA INFELICI-
TATIS LITERARIÆ ORIGI-
NE, EJUSQUE OPORTUNO
REMEDIO.

L

A Nimum non semel co-
gitatio subiit, unde tantum
fortunæ erga VIROS LI-
TERATOS odium, ut à
longo seculorum decurso
tempore assidua in eos calamitatum &
miseriarum fulmina emiseric, plerosque
gravi egestatis subjecerit jugo, quosdam
duriori excruciarit carcere, alios in exili-
um egerit, nonnullos injuriis innumeris
affectos horrendæ tandem dederit inter-
necioni, adeoque universum ferè Orbem
crudium tantis cladibus insignem effe-
cerit,

A

*Jo. Pierius Va-
ler. in lib.
de infelic
liter. ed
Helmst.
1664.*

cerit, ut nihil ferè in eò lætabile unquam
sit deprehensum. Molestum eqvidem
foret, arduumqve nimis, omne infelicitatis
literariæ excutere seminarium, atqve
miserandas maximorum etiam Ingenio-
rum commemorare ruinas. Non pau-
cos ex solâ ITALIA Pierius recensuit sui
propè temporis Viros, præclaris animi do-
tibus, pariter ac fortunæ novercantis ludi-
briis illustres. Plures Pieriano pegmati
doctissimus adposuit Toldius. Innume-
ros uterqve scriptor sive data operâ, sive
invito silentio prætermisit. Non paucos
eqvidem hoc ipsum, quo vivimus, ævum
novit viros doctrinâ meritisqve in Rem-
publicam literariam graves, qui fato lugu-
bri à felicitatis throno deturbati, pro spe-
ratis eventibus prosperis, calamitates gra-
visimas & fulminantes miseras aspexere,
& qui (ne ullum infelicitatis genus à lite-
ratis abesset) etiam suas, sibimet invisas
projecere animas. Quod si verò in pri-
ma deploratæ, atqve tot illustribus docu-
menti compertæ infelicitatis incunabu-
la, sive malorum literatos viros exercenti-
um causam palmariam inquisiverimus,
quam-

quamobrem sc. tot ab Orbe condito & restituito eruditorum myriades, graves adeo tempestates subierint, & vitæ non minus quam famæ, fluxæ felicitatis pariter ac beatæ æternitatis tristem passæ sint jacturam, ipso meridiano Sole clarius elucescet, plurimos Musarum filios culpâ non nisi propriâ tantæ miseriæ barathrum incurrisse, atq; ob pudendas animi sui labe iratam habuisse Nemesein, *cum* (ipso Platone enunciante,) *summa ingenia, summis plerunq; VITIIS laborent.* Tanta profectò peccatorum in Orbe literato magnitudo semper fuit, tantaqve frequentia, ut concatenatâ quasi sordium atqve impuritatum serie SS. Numinis Majestatem laceraverint læserintqve doctorem hominum innumeri, ejusqve justitiam in temporale non minus quam sempiternum sui exitiû ac perennans supplicium provocarint.

II. Non sine curâ studioqve singulari *Johann. Bisselins Illustr. Ruinar. Dec. III, p. 622. seqq.* Vir nostrâ ætate celebris notavit præstantissimorum quorundam, & poëtica cum primis facultate illustrium hominum miserabiles ruinas, verum iis probe perspetis, liquido constabit, plerosqve malo suo

culpave propria extremam incurrisse calamitatem, cum in tractandis quidem excolendisque literarum studiis illi fuerint assidui, nullam tamen sive pietatis & Religionis, sive honestatis pudorisque habuerint rationem. Si ullius unquam viri Literati vita calamitosa, ipsius HOMERI fuit ferè universa, ut plane cento quidam & pannucia dici possit infelicitatis, *invidæque fortuna* (quod Pausanias conquestus est) *materies ac theatrum* humana dignum commiseratione, siquidem non solum cum extremâ paupertate semper sit conflictatus, verum luctuosissimam etiam luminum suorum jacturam subierit, ideò miser, quia *Cæcus*, & ideò miserior quia simul *semper mendicus*, ideò autem miserimus, quod fortunæ suæ pessimæ faber ipse fuerit, ob idololatriam pariter ac impias & detestandas de divinitate assertiones etiam de gentiliū quorundam sententia gravissimè punitus. Non solum inquam propterea tam miser ille extitit, quod teterrimos cacodæmonas aut certe opera manuum humanarum aurum & argentum artisque inventionem DEOS
appel-

appellaverit, cujusmodi idololatras sapientia Salomonis *Infelices* pronunciavit; *Sapient. XIII. v.*
 verum quod scripta protruserit pudendis
10.
 execrandisqve narrationibus contamina-
 ta, Deos induxerit ac Divas inter se rixan-
 tes, pugnantes, vulnera miscentes, imò
 detestanda quæque mentis humanæ fa-
 cta cogitataqve Divinitatis cujusdam cha-
 ractere insignire non dubitarit, denique
 stuprorum adulteriorumqve Jovis enar-
 ratione plurimum jam olim nocummenti
 intulerit juvenibus, qui lectis auditisqve
 Deorum ac Jovis ipsius tot stupris ad paria
 ut plurimum sunt provocari, cum Chæ-
 rea illo Terentiano gestientes, *DEUM in* *Terent. Eunuch. Act. III, Sc. 5.*
hominem se convertisse, consimilemq, ludum
jam olim luisse; fucum ab eo factum esse mu-
lieri per scelus clanculum. At Dii boni!
quem DEUM? nimirum illum, qui templa
caeli summa sonitu concutit. Is fecit hæc;
Ego non facerem hæc eadem homuncio? Ta-
 lium itaqve neqvitiarum Dux Homerus,
 tametsi nec idola coluisset, neqve coelestia
 profanasset, meritas vel eo solum nomine
 dedit poenas, quod lectorum mentes &
 aures exempli scriptionisq; pravitate co-

inquinavit, ac ejusmodi divinitati affinxerit scelera, quorum imitatione plurimi in perniciem sempiternamque calamitatem sunt detrusi. Et sanè quantam Melesigenes ille ob pudendam in scribendo procacitatem, ruinam ac jacturam adierit, ipse Pythagoras (profanæ licet sapientiæ magister) innuere voluit, dum Homeri & Hesiodi animas apud inferos ex arbore suspensas, ac serpentibus undiq; circumplacitas esse, gravissimasque ac sempiternas ex morfu poenas luere nescio quo revelante demone commemoravit. Et cum *alii in illis regionibus sedere Homerum* tradiderint unde negetur reditus, vel ut christiæc magis dicamus, ubi conscientia malæ verme roduntur impii, quis dubitaret, illum post fata calamitatem subiisse omniū gravissimā (quæ scilicet animæ est,) ruinarumque supremum apicem & infaustam coronidem attigisse? Nec minus horrendum consimilis infelicitatis exemplum & documentum post Homerum, is, cujus modo meminimus, HESIODUS dedit, qui eadem qua Melesigenes patriâ exortus, cum ob inopiam & æs alienum relictis Jonibus & Æolide, Ascræam,

*Conf.
Gene-
brard.
lib. 4. in
ann. m. d.
di 3186.*

seram. Boeotorum in Græcia exile oppi-
 dum commigrasset, ibi *Theogoniam* suam,
 seu Deorum, Dearumqve natales origi-
 nes, opera diesqve; Mulierum item He-
 roidum indicem, & Herculis aspidam seu
 scutum conscripsit. Ast cum suæ in scri-
 bendo honestati ne utriqve vitæ integrita-
 tem sociarit, nec recordatus sit verborum
Theogoniæ suæ quolibet oraculo Delphi *Hesiod.*
 coveriorum; *Feminam structam esse ma-* *in Theo-*
lum hominibus; Malum pulcrum pro bono, *gon.*
dolum arduum & inexplicabilem perni-
tiosum genus, & noxium valdè damnum
 &c. cum inquam verborum immemor
 horum Hesiodus in Ctemenem Locren-
 sem in Græcia puellam in luco qui Ne-
 mezo Jovi sacer erat incidisset, eamqve li-
 cet non repugnantem vitiaffer, tantam
 culpa sua incurrit fratrum puellæ Amphi-
 phanis & Ganyctoris indignationem, ut
 ab illis (ad Simeonis & Levis exemplum)
 propter vitium sorori illatum sævienti-
 bus, in promontorio per insidias exceptus,
 colligatusqve de rupis editissimæ vertice
 præceps in mare sit datus, cadaver postea
 piscatoriis extractum fuscinis Locriste-

ræ mandatum. Sed & alia nobilissima
 Græciæ Latiiq; ingenia miserè quondam,
 licet non de rupibus, collapsa tamen sunt,
 & in extremæ perditionis barathrum ma-
 lo & flagitio suo deturbata. Periit hoc
 modo Lyricorum ille princeps *Anacreon*
Tejus, vir carmine vitaqve veneri juratus,
 ac lascivus, detestabiliqve puerorum con-
 suetudine contaminatus, periit inquam,
 uva passæ strangulatus acino, quippe cui
 merum nimium in omni vita sæpius col-
 lum ad prava detorserat. Periit non mi-
 nus miserè Lyricorum alius *Alcman Sardi-*
ensis, ex quo nomen & origo versibus Alc-
 maniiis, & scatentibus è corpore vermicu-
 lis ingenii sui scriptorumqve luit sordes,
 ab illis morsu morteqve consumtus. Fœ-
 dum quoque interitum veluti vitæ fœdi-
 oris stipendium accepit Menander, octo-
 ginta fabularum compositor, propter in-
 sanum in feminas ardorem distortissi-
 mus, tandem in Acheruntem (dum exiguo
 nataret in rivo) è populi, scenis ejus ap-
 plaudentis favoribus, ipsaqve Ptolemæo-
 rum Regum amicitia miserè delapsus. Ac
 licet non ita dignum exitio fuerit Euripi-
 dis

Conf.

Plin. lib.

VII. c. 7.

dis caput, à canibus tamen Archelai Macedonum Regis intempesta nocte discerptus, ingenti Athenarum luctu interiit.

Qui tanta cum gloria canem aliquando futuram Hecubam esse cecinit, & canini funeris epigramma sortituram fore, canes ipsos habuit sepulcrum, avidis eorum ventribus absorptus, potuit vel mortuus, ultima sibi sua, quam in naves ablegat Hecuba verba succinere: DURA MORIENDI NECESSITAS!

Quam etiam experti olim sunt Comici inanis gloriæ vento agitati, utpote Philistio Nicæus, Socratis æqualis, quem futile gaudium è victoria theatricorum adversus æmulos successuū conceptum extinxit, ut & *Philippides*, quem infrænis ob reportatam publici plausus palmam lætitia suffocavit. Nec eos, qui alienis in claudibus humanam ostenderunt miseriam, domestica calamitas præterivit, veluti *Sophoclem*, bolo cibi obstrangulatū, *Æschylū*, jactu silicis interemptum, dum pro mœnibus urbis Siculæ inambularet; *Oppianū* Cilicem, pestilenti carbone suffocatum, *Aristonem* fame ab Atheniensibus necatum, quod satyricè nimis mores eorum

perstrinxisset; *Terentium* Afrum, interitu spontaneo obmersas naufragio centum & octo fabulas suas è medio sublatum; *Titum Lucretium Carum*, tanto furore agitatum, ut ipse quoque manum à librorum suorum lima semotam sibi admoverit, fatalem in gladium incumbens. *Ejus cruorem desperatum pollinctor, carminum verò residuam maculam, spongia fertur Ciceroniana revisionis absterfisse.* Omnium autem teterrimum fuit Empedoclis Agrigentini exitium, quoniam scelestissimo sacrilegæ gloriæ venatu quæsitum fuit & consummatum. Nam intempesta se nocte demens ille stolidusque literator in ardentissimam *Ætnæ* montis voraginem dejecit, ut cum postridiè comparere desiisset, à Siculis crederetur ad DEOS translatus DEUS, sed repulsa regeſtaque medio decidentis lapsu vi flammarum, una de crepidis ferreis, & Empedoclis fuisse deprehensa, conjectura mota fuit spectantibus: *In qualem cælum novus hic DEUS abiisset? Loquebantur vestigia iter.*

III. Longum equidē foret commemorare singulos sive veteris sive recentioris ævi custo-

Vid. Lactant. lib. III. de falsa sapient.

custodes literatos, qui vel à fatuis umbratilis gloriolæ igniculis docepti, vel aliis vitiorum pravorumque affectuum turbini-
bus abrepti, adeoque nonnisi sua culpâ à summæ prosperitatis sede deturbati, extremam subierunt infelicitatem. Qvot præstantes doctrinâ literisque viri (in operis nostri decursu notandi) Patrum avorumque; nostrorum memoria vitam miserè peractam exitu æque lugubri ob-
signarunt! Qvot Musarum antistites insolentissimo suo supercilio, & inusitata audacia priscos, atque dampnicis umbrarum gentilium tenebris obnuptos Philosophos supergressi, in perpetui exitii puteum inciderunt! Stupendum sumeque horren-
dum ejusmodi infelicitatis literariæ exemplum præbuit *Antònius Urcens*, qui postea Codri cognomen assumpsit, Grammaticorum ævo suo (nimirum seculo decimo quinto ad finem vergente) doctissimus, qui cum teste Barth. Bonon. in ejus vita, Forolivii habitans cubiculum sortitus esset in penitioris palatii parte adeò tenebricosum, ut vel de die beneficio lucernæ indigeret, eamque per imprudentiam (negotiorum

Barth.

Bon. in

vita Co-

dri.

tiorum gratia in forum egressus) inextinctam reliquisset, accidit ut ignis chartarum fomento coalitus, omnia ejus consumserit parata prælo opera, clademque intulerit viri Museo (in cujus sublimiori parte antea memorabile hoc epigramma cælaverat: *Studia lucernam olentia benè olent,*) planè irreparabilem. Sic iraque cum omnia ejus periissent monumenta, (quæ inter præcipuum locum habuit liber, quem *Pastoris* titulo composuerat,) Codrus veluti furore concitus, ad regiam usque præcipiti gradu ire perrexit, proque cubiculi foribus astans, animi impotentissimi horrendum hoc dedit documentum: *Quodnā ego, dicebat, tantum scelus concepi Christe, quem ego tuorum unquam laesi, ut ita inexplicabili in me odio debaccheris; Audiea* (pergebat ad quoddam conversus simulachrū) *qua Tibi mentis compos & ex animo dicam. Si forte cum ad ultimum vita finem pervenero supplex accedam ad Te opem oratum, neve audias neve inter tuos accipias oro, cum infernis diis in aeternum vitam agere decrevi. Ac licet adstantes insipientis Codri furorem lenire sint conati; surdo tamen narra-*

narravère fabulam, oleumqve consumferre & operam. Adeò in super ira & indignatio hominem oppresserat, ut extra portam urbis egressus, amentia frenos non ante imposuerit, quam in vastum sese nemus proripuisset, ingentiqve cum molestia ibi totos dies transegisset. Sed ultimà tandem aliquando appropinquantē horâ miser ille oculis ac manibus ad cœlum sublatis; *Qui cœlum incolis* (exclamavit) *fer quaso opem peccatori, noli me, qui tuum in sinum confugio supplicem rejicere. Si unquam peccantem hominem voti reum fecisti, sic mihi extrema oranti dextram ab alto porrigas oro.* Ad hunc verò modum se animamqve suam DEO commendans, qvendam conspexit ingentis staturæ virum, capite raso, barbâ ad terram usqve promissa, ardentibus oculis, facies utraqve gestantem manu, ac toto corpore tremebundum, quo viso in hæc à pavore dictata verba erupit: *Quis nam tu es, qui solus furiali habitu ea noctis parte, quâ mortales somno premuntur deambulas, noli ad me qui DEI amicus sum infestus accedere, effare quid quaras, quo ire pergas?*
Hæc

Hæc cum dixisset, è strato profiluit, quasi illum in se irruentem vitaturus. Utrum extremum hoc evaserit periculum, & post tantam tempestatem in perpetuæ felicitatis portum sit delatus, dicere non habemus, nisi quod extremi ejus ad discipulos sermones, ex charitatis debitæ lege meliora quæque de eo sperare nos jubeant. *Nihil aliud (ajebat) vobis mando, nisi ut DEUM in primis colatis, vitam perficiendo bonam usque ad senectutis limen, quod si feceritis invenietis verissimum esse illud Furii Camilli Dictatoris: Omnia prosperè advenisse divina sequentibus Numina, adversa spernentibus. Mementote diebus singulis mortales vos esse, hanc humanam vitam nihil omninò arbitrantur. Quicquid verò de Urceo (ad salutem quod attinet sempiternam) sit statuendum, ex insignis cuiusdam Theologi indicio constat, secundo & quadragésimo ævi currentis anno illustrem doctrinam & literis hominem, cujus ubique celebrantur monumenta, varioque extant idiomate, paulò ante suum ex hac vita abitum abominandæ desperationis subiisse aleam, inque istas extremæ amentię voces*

*May-
fart. So-
dom. in-
fern. lib.
1. cap. 2.*

ces erupisse: Peccatum (eheu!) in Spiritum Sanctum commisi, nulla prorsus mihi venia consequenda spes, Dæmones mox miseram auferent animam, atq; sempiterna eam dabant internecioni! Atq; ut liquidò vobis (ita circumstantes sanioraq; consilia suggerentes viros Theologos est allocutus,) constet me ad tartaramox descensurum, en denuncio, jamjam fatalem imminere horam; hoc ipso momento mihi ex vita esse excedendum, atq; degendum cum dæmonibus. Dictum factum, mox enim infeliciissimam ille efflavit animam, cruciatibus sempiternis affligendam. An non melius illi fuisset omni fama caruisse, quam cum magna miserè adeò æternumq; periisse?

IV. Nec minus constat literatos alios sub postremam vitæ lineam tantū non in furias versos fuisse, rerum tandem ac remedium omnium extorres, intestinis corporis cruciatibus eò adductos fuisse turbationis, ut sive forficis, sive cujuscunque ferramenti tumultuario ministerio dissecto sibi ventre, viscera pariter ac animam effuderint, omniumq; post fata execrationi expositi fuerint, qui vivi nul-

lum

Jo. Pi-
er. Valer.
lib. 1. de
infelic.
liter.
p. 71.

lum sive in dicendo sive in scribendo pu-
dorem præ se tulere. Gravissimum est (sci-
te ait Pierius) in exilio & egestate laboran-
tem (literatum scil.) morbo etiam absumi.
Miserrimum longa alicujus valetudinis in-
commodo cruciari, infelicissimum trucidari;
sed eorum ego sortem omnium teterrimam &
arumnosissimam existimo, qui se tam mise-
ros judicarunt, ut sponte sibimet injicerent
manus. Sic Demosthenes, sic Cato, sic apud ve-
teres clari plerique Viri vitam finire, quod il-
lis tamen vel laudi, vel saluti attributum
est, & fortiter periisse dicti; nobis qui san-
ctius instituti sumus, nihil æque perniciosum
existimatur. Atque hanc ipsam puden-
dam *αὐτοκτενίας* luem tantoperè in Italia
ævo suo viguisse idem Pierius notavit, ut
Florentiæ solùm TRES insignis doctrinæ
elogio conspicui viri tali perculsi insania
semetipsos suffocarint. *Laurentius* vide-
licet *Laurentianus*, quo non elegantior
quisquam Philosophiæ studia à Ciceronia-
nis temporibus ad hæc usque secula sit in-
terpretatus; *Petrus Leon*, artis medicæ
peritissimus, literisquæ politionibus non
mediocriter excultus, variarumquæ re-
rum

rum cognitione nobilis; & *Johannes Baptista Albinus*, legum exquisita peritiâ illustris; hanc inquam infelicissimorum literatorum trigam sponte sua in altissimos aquæ puteos defiliisse, adeoque miserrimo mortis genere periisse laudatus *Pierius* commemoravit. Nec præter rem hoc loco ad animum nobis revocamus funestum illum casum, infelicissimumque ex hac vita exitum, quem sortitus est ille Poëtarum & Comicorum ævo superiori decantatissimus *Nicodemus Frischlinus*. Postquâ is ob neglectum inscribendo dicendoque pudorē obligatis oculis *Uracum* (pervetustam Ducis *Würtembergi* ci arcem) traductus, arctiori que mandato esset custodiæ, frustra que precibus multis flagitasset liberationem, tanto furore est agitatus, ut cum extremo etiam vitæ periculo fuga sibi consulere carceresque evadere sit conatus. Parato enim ex conscis-
sis linteaminibus, lodicibus ac mantilibus *funi*, cum conclave ipsum undique esset clausum per fornacem ferream effractam crepsit, & funem ligno transverso in fenestra *ori* ubi omnium altissimum erat precipitium

Conf.
 Melch.
 Adam.
 vit. Phi-
 los Germ.
 p. 165.

alligavit, deceptus à luna sublustri, sed mox desertus ab illo adminiculo, in petram ex alto muro, de petra in aliam petram, de hac in arbusa, precipitavit, (singula interval- la singulis domibus editioribus fuerant al- tiora,) sicq; horrenda brachiorum, manu- um, costarum, capitis, pedum confractiōe fa- cta, miserrima morte, calamitatibus, qui- bus diu premebatur infelicissimum colopho- nem imposuit. Licet verò successu felici- ori è vinculis suis ætate nostra elapsus sit

Erythr. 1. *Thomas ille Campanella*, postquam & ipse
Pinacoth. durissimi carceris per quinque & viginti
 1. p. 43. annos pœnam omnibus confectus miseri-
 is pertulisset, quæstio tamen de eo quinq;
 & triginta horis dirè ac crudeliter habita-
 tanta ei attulit tormenta, ut ex venarum
 arteriarumq; immani diffractione gra-
 vissimam subierit calamitatem. Nec
 talium ingeniorum decissent exempla, ex
 quibus clarissimè constaret sæpe literatos
 ex hoc, unde ad tempus floruere, tandem
 exaruisse, ex quo resplenduere, ex co-
 dem miserè periisse, post impensos labo-
 res usque ad sudorem, post evolutos scri-
 ptores usque ad pallorem, post exhaustas
 omnes

omnes animi & corporis vires nil nisi urnam pulveris, ipsamque (speratæ gloriæ loco) infamiam perpetuam lucratos fuisse, adeoque palmarios exitii sui architectos extitisse. Sæpè ingratissimus carnalium literatorum grex, DEI ejusque beneficiorum omnino immemor, pertinaci adedò affectu in profunda animi cœcitate cervicibus usque adedò duris perseveravit, ut diabolicæ illius tyrannidis fræna excutere, svaviq̃ue CHRISTI iugo collum subdere nulla prorsus ratione voluerit. Quidam politioris literaturæ principes, nullam priscis Oratoribus latinis in Romanâ facundia, nullam in lepore Græcis reliquissent prærogativam, nisi tantæ eloquentiæ flumen paulatim in vitiorum paludes abire permisissent, turpiter ingenii doctrinæque suæ inquinassent dignitatem, atque nimio sese inutilique studio macerantes, cum Musis vires, spiritus, vitam denique & ipsam animam decoxissent.

V. Et sanè si quis tumultuosum literatorum quorundam consideret genus, curarum multiplicium procellas

horrendos eruditarum mentium motus, invidiâ, æmulationeque urgente concitatos; si quis infinitarum molestiarum (doctos prementium) seriem sibi ob oculos ponat, denique spei ac metus, voluptatis atque doloris pugnantem semper apud illos distractamque naturam diligenter animadvertat, mirabitur maximè, qui fieri possit, ut ab uno eodemque eruditi hominis animo foetus sæpè extiterint genere adeò discrepantes, indole adeò varii, solùmmodò in parentis sui cruciatus angores atque miseras jugiter consentientes. Quod cum vidisset in Platonis Phædone Socrates, nulla que satis idonea ratio suppeteret, nescio quo fabulatore advocato, innocentissimum Numen duxit inculpandum, quippe quod pugnantes tantoperè in animo hominis eruditi concitet affectus, mentes distrahat, atque ita divellat, ut eo dissidio in diem magis ac magis recrudescente, infelicissimus ex solo animo ille efficiatur, quâ ipsa calamitate nihil funestius fingi possit aut excogitari, cum unus idemque animus tunc area bellantibus fiat, & præmium belli, & victori præda, & victo

victo sepulchrum. At verò si sapientis-
 simo Ebraeorum Platoni, Philoni scilicet, de *Philo*
 Hominis (docti cum primis) infelicitate *Sacr.*
 differenti auscultemus, liquidò constabit *allegori-*
 omnium ærumnarum, quæ pro miserâ *ar. lib. 1.*
 & inconstanti vitæ hujus conditione ob-
 tingant causam atque rationem non nisi
 ex ipsiusmet malè affecto, atque huc & il-
 luc disjecto animo esse derivandam. Ni-
 mirum cum prava cupiditas cereum ani-
 mum violenter adorta, in eodem turpes
 quasdam imagines relinquat impressas,
 mirum non est, quod miser ejusmodi ac
 verè calamitosus literatus, affectuum su-
 orum tyrannide de tranquillo statu de-
 turbatus, nullisq; non malæ mentis fu-
 roribus agitatus, mox impotenter irascens,
 mox perditè concupiscens, mox desperatè
 metuens, extremam tandem incurrat
 perditionem. Ut proin benè dixerit D.
 Augustinus, unicuiq; (etiam literato) su- *August.*
 am cupiditatem gravissimam esse tempesta- *Serm.*
 tem, & aureus ille Orator Christianus Jo- *XIII. de*
 hannes Chrysostomus sapientissimè pro- *verbis*
 nunciavit, NEMINEM (etiam in docto- *Domin.*
 rum coetu) LÆDI NISI A SEMET I- *Johann.*
 PSO, *Chrysost.*

pecul.

quod ne-
mo lada-
tur nisi à
se ipso.

opp. Tom

V. fol.

750 r-

dit. Ba-

fil.

PSO. *Indubitata (ait ille) sententia re-
nere debemus, quod si quis laditur, à se-
metipso ladatur, nec ab ullo alio, etiamsi sint
innumeri qui noceant. Et si omnes qui ter-
ram & mare habitant, conveniant ad lade-
dum, nocere nequaquam poterunt ei, qui à
semetipso non laditur. Verum ego & am-
plius adhuc quid assignare tentabo, QUOD
ILLI SOLI LÆDANTUR, QUI LÆ-
DUNT, & nulli alii noceat noxa, quam ce-
teris inferunt, nisi ipsis qui inferunt. Haud
abs re Veteres animum humanum *Æolie*
(quæ patria ventorum est) nomine desi-
gnarunt, ex quâ scilicet erumpentes vari-
arum perturbationum venti, fluctus &
procellas horrificas suscitent, omnemque
tranquillitatem in tempestatem vehemen-
tissimam commutent. Et quemadmo-
dum ex innumerabili ventorum multitu-
dine quatuor præcipuè seliguntur, qui ex
adversis Mundi cardinibus nominantur
CARDINALES; ita præ cæteris animi
malè dispositi affectionibus, quædam tan-
quam præcipuæ notantur à sapientiori-
bus, quarum vel permissione vel confli-
ctu totus (eruditi etiam) hominis animus*

con-

concuti soleat, nimirum ut Seneca Tra-
goedus scitè non minus quam notanter a-
it :

Variamq, nunc huc IR A nunc illuc AMOR Seneca
Deducit, anceps estus incertam rapit in Me-
Ule sava rap di bella cum venti gerunt dea.
Uterinq, fluctus maria discordes agunt
Dubiumq, pelagus fervet, haud aliter mecum
Cor fluctuatur, Ira pietatem fugat
Iramq, Pietas.

Haud aliter inquam impotentes illi motus
suorum malorum alluvione animos nobi-
liores doctrinâque varia excultos ita in-
undant, ut continuis ii intemperiiis agiten-
tur, vel efferantur gaudio, fastuque, vel
metu deprimantur, vel inflammentur ira-
cundiâ, vel invidiâ contabescant, vel de-
nique omni furiarum aut furorum incur-
su divexentur.

VI. Singularem sanè observationem ex-
merentur, quæ famigeratissimus Anglorû
Regis Cancellarius Franciscus Baco Ve-
rulamius de præcipuis literariæ infelicitat-
is causis (ipsorummet scil. eruditorum
flagitiis) alicubi tradidit, præclarè osten-
dens, omnium gravissimum literatorum

Fr Baco

Pern-

lans in-

itis libr.

de angm.

homi- scientiar.

hominum errorem in deviatione ab ultimo doctrinarum fine consistere. Appetunt enim [inquit] homines scientiam alii ex insata curiositate & irrequieta, alii animi causa, & delectationis, alii existimationis gratia; alii contentionis ergo, atq; ut in differendo superiores sint; pleriq; propter lucrum & victum: Paucissimi ut donum rationis divinitus datum in usu humani generis impendant. Planè quasi in doctrina quæreretur lectulium, in quo tumultuans ingenium & astutus requiesceret: aut xystus sive porticus, in quo animus deambulare liber & vagus; aut Tarris alta & edita, de quâ mens ambitiosa & superba despectaret, aut arx & propugnaculum ad contentiones & pralia; aut officina ad questum & mercatum: Et non potius locuples armarium & gazophylacium ad opificis rerum omnium gloriam & vitam humana subsidium. Hoc enim illud est, quod revera doctrinam & artes condecoraret, & attolleret, si CONTEMPLATIO ET ACTIO arctiore quam adhuc vinculo copularentur, quæ certè conjunctio talis foret, qualis est supremorum duorum planetarum syzygia, cum Saturnus quietis & contemplationis Dux cum Jove Duce Societatis agendiq; conspirat. Quanquam cum de praxi & actione loquor, nullo modo ad doctrinam professoriam & lucrosam innuo. Neq; enim me fugit, quantum hoc ipsum progressionem doctrinae & amplificationem moretur. Perinde quidem, ut aureum malum ante oculos Atalanta projectum, quod ut tol-

lat

*Lat dñe flectit se, cursu interea impeditur. -- Sed quē-
admodum cælum & terra simul cor sp̄rant, & con-
sentiunt ad hominum tuendam vitam atq; juvan-
dam, ita sanè hic finis esse debet Philosophia, ut reje-
ctis vanis speculationibus & quicquid inane ac steri-
le est, conservetur quicquid solidum est ac fructu-
osum; ut hoc pacto scientia non sit tanquam scor-
rum ad voluptatem, aut tanquam ancilla ad que-
stum, sed tanquam sponsa ad generationem fructum
atq; solatium honestum* Hactenus sapientissi-
mus Baco, qui pro insigni mentis suæ acu-
mine probe deprehendit, horrendam il-
lam (quā literatorum plurimi tenentur)
tyrannidem non aliunde originem trahē-
re, quam ex putido illo malorum omni-
um fonte, omnigenæque virtutis pessimo
hoste, PHILAUTIA scilicet, seu præpo-
stero & damnifico amore sui, cujus impe-
rio obsequentes literatorum plurimi, ni-
hil in actionibus suis quærunt præter com-
moda, honores, divitias laudesque propri-
as; ast spe suâ frustrati, & ab adversariis
cum infamia dejecti, vix aliquam inveni-
unt requiem, sed mente modoque incon-
dito circumagitantur, continuisque ira-
cundiæ motibus turbantur, donec perpe-
tue tradantur perditioni. Nihil equi-



dem virtutibus pariter ac emolumentis literatorum hominum magis adversatur, nihil graviores in animis ipsorum concitat tempestates, vitiorumque omnigenorum pestilentiora spargit semina, quam **AMOR PROPRIUS**, quippe quo non minus ad illicita quærenda appetendaque maximo ardore illi impelluntur, quam à sanctoribus alienantur institutis, cumque **DEUS** veller mentes ejusmodi præcellentiores ab humilibus vitæ hujus rebus tollere ad cœlestia, ipsæ tamen totæ hærent, philantiæ glutino detentæ, haudquaquam pravæ suas cupiditates abjicientes, aut pestifera vitiorum eradicantes zizania, sed potius cumulatissimè cuncta carnis desideria ad implentes. Quid quod fallaci isto & claudicante charitatis propriæ pede omnia metientes, de proximo suo haud aliter sint solliciti, quam ut sibi eum subjiciant, & ad sua duntaxat commoda illo ejusque rebus pro animi libidine tanquam propriis bonis utantur. Tantas scilicet, tamque altas nefandus ille **SUI AMOR**, in plerisque egit radices, ut mutuæ dilectionis, atque charitatis proximo debitæ
mul-

nullam prorsus habere velit rationem. Nec mirum adeò, quod ex putidissimo illo, factorisque avernalis pleno puteo, impetu quodam maximo prorumpat immensa illa peccatorum sive vitiorum coluvies, quæ torrentis instar rapidissimi hucusq; tantum non universum Orbem eruditum inundavit, & ceu pelagus procellis fluctibusque exæstuans, ingenia etiam nobilissima occupavit, submersit atque suffocavit. Impedit quippe pestilens ille amor sui & propensio ad propria intellectum, ne vitæ melioris documenta homo alioquin doctissimus percipiat, vocantisq; Domini nutibus atque monitis respondeat, quin potius in transgressionibus ac prævaricationibus suis vivere pergat, se suaque continenter anquirens, omnia perrepens, percurrens, & perlustrans, ut reperiat quæ sibi grata, sibi commoda, sibi jucunda appareant, eaque ut consequatur, totis laboret viribus, etsi DEUS id quod agit, sæpissimè nolit, nec ipsi ea quæ habet dona ex gratiâ largiatur, siquidem voluntas, amor & gloria ejus ipsi in omnibus obsistant, atque de perpetua etiam e-

jus salute actum omninò videatur. Cupiditas enim illa præposterusque sui amor mentis humanæ tenebras ita sæpè condensat & quasi conspissat, ut semetipsos neutiquam cognoscant excoecati mortales, de miserrimo suo statu necquicquam suspicari, imò ne centesimam quidem desperatæ suæ miseriæ partem vel imaginando assequi valeant, nec frequenter solum facileque labantur, verum quod vitii reverà est, virtuti summæ adscribere minimè dubitent. Hoc ipsum probè considerans Magnus ille Basiliius, vitiorum portas, contiguas dixit virtutum aditui, tantamque esse virtutibus ac vitiis cognationem judicavit, ut ægrè internoscantur, & vitium sæpè specie & umbra virtutis imponat incautionibus. En verba notatu dignissima.

*Basil.
M. lib.
de verà
virginitate.
Conf. de
ead. virtut.
& vitior.
cognati-*

Proxima & veluti contigua januis Gentiles quoque ajunt vitia esse virtutibus. Qualibet virtutis janua, simillimam in vitia ferentem utrinque speciem aperit, ut qui ad virtutem ingredi nititur, ejus primum janua assistens, dum hanc se pulsare arbitrat, apertâ sibi hinc aut inde, alterâ ex vitiorum januis, deceptus maximâ similitudi-

ne ingrediatur veluti virtutis domum ; deinde cunctis ejus errorem irridentibus, ipse quoque & tempore & experimento commonitus, discat, non solum ab eâ se virtute, cujus aliquando januam pulsare videbatur esse remotissimum ; verumne limina quidem ejus unquam attigisse, neq; ipsi janua, ut prius videbatur, adstitisse saltem aut pulsasse. Audiamus & Senecam de eâdem virtutum vitiorumque cognatione egregiè differentem : Mala interdum speciem honesti obtulerunt, & optimum ex contrario nituit, sunt enim, ut scis, virtutibus vitia confinia, & perditis quoq; ac turpibus recti similitudo est, sic mentitur prodigus liberalem. Sic Seneca literatus sui amans, superbus, ambitiosus, fatuosque umbratilis gloriolæ igniculos insectans mentitur virum strenuum, generosum, indefessum publicisque intentum emolumentis ; Itacundus verò litigiosus, maledicus, rigidus injuriarum ultor, aut aliter vitiosus Doctor, hominis cordati, severi, atque singulari spiritûs libertate præditi præ se fert imaginem, licet omni sinceræ virtutis ornatu destitutus, & à splendida illâ munitissimaque arce lon-

one Na-
Zianz.
in Orat.
de laud.
Bas.
Chrysost.
hom. 28.
in Acta.
is. Hie-
ronym.
Dial. ad-
versus
Lucifer.
& Dial.
3. advers.
Pelag.
Ep. CXX.

gissimè sit remotus, cujus aliquando januam (ut Basilius modo dixit) pulsasse videbatur. Ingerit quippe sese erudito etiam pectori vitiositas, non janua recepta, sed pseudothyro intromissa, ac sicuti latens prædator per occultos tramites ambulans, omnesque humani pectoris latebras ita perscrutans, ut his inquinatis, & inde virtute explosa tandem ibi regnum possideat, totumque hominem literatum suo agitet arbitratu. Et cum prava isthæc vitiositas dotem illam cœlestem, virtutem nimirum solidam exturbet, miser ille veluti viribus cunctis destitutus, jacet emortuus, ejusque cor corruptio adeò enormis permeat intimèque penetrat, ut gravissima inde *Animi* ægrotudo extremaq; infirmitas infausam suam trahat originem.

VII. Sicuti ad cujusvis hominis constitutionem duo quædam admirabili conjunctione consentiunt, CORPUS nimirum atque ANIMUS, in quorum nexu DEI potius quam naturæ manu vitæ totius ratio est posita; ita vix graviolem LITERATUS incurrere posset calamitatem, quam si utrobique, corpore æque ac
 animo

animo miser reddatur. Jam verò nemo est qui nesciat, quot quantisque eruditorum hominum corpora exposita sint periculis atque ægritudinibus; siquidem non unus, non duo, non decem morbi tantum doctis insidientur, multi eorum assidue meditando, legendo, scribendo, totumq; vitæ tempus studiis ac lucubrationibus terendo robur suū ita exhauriant, ut non pallecant solum, verum *malo hypochondriaco* morbisq; aliis miserè tandem contabescant, nec tam labefactando corpus, quam planè absumendo funditusque destruendo vitam suam conterant atque pessumdent. Non multum aberravit elegantis sue allusione ille, qui MINERVAM dictam, quod MINUAT NERVOS, seu vires ac spiritus callidè existimavit. Alius non minus ingeniosè enuntiavit, literatos, chartas (sive libros) assiduà versantes manu, in viros tandem *chartaceos* h. e. infirmos atque valetudinarios evadere, & tam diu literarum invigilare studiis, donec corpus cacoehymicum cachecticumq; tandem istius diligentiz merces existat. Placet de hac ipsa eruditorum hominum miseria & calamita-

D. G.
Francus,
in diff. de
studio-
rum no-
xâ, p. 7.

lamine (ut ita dicamus) corporali quendam audire Medicorum filium, in rem nostram præclare differentem ad h. m. Antiqui artis nostri Conditores sapientissimi admodum benè in sanguine animalis vitam consistere arbitrati sunt, quos feliciter sequuntur interpretanturque recentiores. Sanguis etenim à primordio insitus per nova alimenta ore assumpta in ventriculo concocta, separata in intestinis, & specie chyli per venas lacteas ad eam venam delata, sanguinique venoso ob perennem circulationem à partibus versus cor redeunti admista, inibi beneficio pulsus ita incorporantur, & ut cum Plautina loquar Musa, incordiantur, ut calore ζωόν, mitione, motu atque repetita coctione naturam sanguinis planè induunt, & ita cum novus sanguis per arterias promiscue ad omnes partes propellantur, qui quum aliquoties cordis repetat focus, perfectior fieri nunquam non potest, atque spiritibus locupletior. Hinc & novo apud Medicos venit nomine, vocaturque SPIRITUS VITALIS, hic verò nihil aliud est, quam sanguis subtilissimus, atque quantum fieri potuit, enucleatè elaboratus. -- Cum verò LITERATI à teneris vitam vivant

vant sedentariam, sanguis verò capias vitium, sicut

- - - ni moveantur aquæ :

Rursus cum iisdem studiis, lucubrationibus vigiliisq̃, atq̃ multis cogitationibus plurimum spirituum animalium absumant, qui dein in lympham seu aquam resolvuntur, non erit mirum, si massa sanguinea primo vitalibus dein animalibus privetur spiritibus. Defectum istum spirituum necessario insequitur lymphæ copia, quæ si reliquo accedat sanguini jam dum valdè pauperi ac consumpto, eundem facit catarrhis ichoribusq̃ abundantissimum, nutritioni functionibusq̃ reliquis ineptum, ut taceam dein cessare, vel ad minimum tardio-rem fieri aut depravatam *χυλοποιήσις*, & ita in herba quasi perire corporis actionumque nostrarum integritatem atque refectionem. Inde in fausto sidere largissima messis omnium penè morborum propullulat, quia totius sanitatis fundamentum evertitur, alimentumque depravatur. Hinc & partium tenor, robur, usus, & ut paucis multa; omnia vel imminuuntur, vel depravantur, vel cessant plane. Adeò nocent studia! - - Esto verò obylus crassior distribuatur, perveniatque ad

cor, vitium tamen prima confectionis vix
 corrigetur in secunda, minus in tertia. Qua-
 re crudior, crassior, magisque feculentus san-
 guis ad partes ubi pervenit, sive exeundo in
 arteriis, sive redeundo in venis minimis, fa-
 ciles parat atque patrat obstructions, inde do-
 lores varii, capitis, dentium, aliarumque par-
 tium, nutritio impedita, tabitudo maximus-
 que mali monstrosi atque πολυμύς & dicti
 HYPOCHONDRIACI atque scorbutici
 fomes. Ut silentii peplo involvam alias me-
 senterii, pancreatis, folliculi fellis, (unde i-
 cterus) hepatis, lienis (unde scirrhi) renum
 & vesica (unde calculi,) cæterarumq; parti-
 um obstructions; Inde calor quasi reverbe-
 ratur, uti Chymici loqui amant, fiunt q; subi-
 tanci calores. Calore in super p n aucto non
 possunt non exoriri varia febres, hectica, ter-
 tiana atq; ardentes, cordisque palpitationes
 & anxietates. Adeò nocent studia! - Nec
 minus inflammationes & turbationes nascun-
 tur in variis corporis partibus; ut in capite e-
 jusque partibus. e. g. phrenitis, melancholia,
 mania, vertigo, noctambulatio, insomnia hor-
 rendæ, pavores: in collo angina, lingua aspe-
 ritas, in ventriculo sitis immodica; in tho-
 race

re pleuritis, peripneumonia, & qua sapissima est, phthisis pulmonumque exulceratio, hancque pressopede sequens tabes atque atrophia. Addeò nocent studia ! Quandoquidem igitur misera satis sit Literatorum (ad corpus quod attinet) conditio, multò tamen miserabilior atque perniciosior sæpè est eorum quoad ANIMUM habetudo, si nimirum modo his, modo illis depravatæ mentis tempestatibus infestentur, si Animi sui compositionem pestilenti VITIORUM atque perturbationum summè noxiarum æstu agitari, abripi atque absorberi patiuntur ; Si *Virtuosi sanguinis* perniciosam contrahant corruptionem, ac verè *Vitalis* illius *Spiritus* (Sancti videlicet, corda piorum recreantis, impiorum verò deserentis,) summè miserabilem subeant jacturam. Hinc piarum meditationum cogitationumque veluti *animalium spirituum* suffocatio, hinc cervicosa animi durities ; *Venarum* (pietatis) *lactearam* obstructions, febres vitiorum *hectica*, inflationes (ex fastu) frequentiores, *situs* (honorum & dignitatum) immodica, *calores* cum primis *subitanei*, inflammationes (ad i-

ram, odium, contentionem) continua, *lingua* (maledicæ) asperitas, *angina* (argentariæ videlicet, ex infructu nummorum appetitu progenitæ) horribile tormentum, atrocissimæ cordis vitiosi palpitaciones, livoris nefarii verè *phthisica* malignitas, pectorum pulmonumqve (ex præposterò vindictæ studio) exulceratio, hancq; presso pede sequens tabes atque atrophia sempiterna. Sint licet gravissimæ passionēs literatorum HYPOCHONDRIACÆ, (quas haud inscitè nonnemo collegium ac synodum quandam morborum literatos divexantium nuncupavit,) adeò ut ineffabilis hinc corpori nostro pernicies succrescat, & latens illa perpetuaq; viscerum exustio miseriam, afflictionem, imbecillitatem ac corruptionem summè noxiam concitet; multò tamen graviora damna atque incommoda, extremæque infelicitatis fomitem ex mystico illo literatorum MALO HYPOCHONDRIACO (inveterata scil. sæpèqve incorrigibili delinquendi assuetudine) contrahunt ANIMI, cum gravi illo laborantes malo semper vivant afflictissimi, eorumque

rumque restitutio spiritalis perpetim ambigua dubiaque esse videatur. Non inuitata classicis quibusdam authoribus est phrasis, quâ MALUM FACERE innuitur de seditiosis rebellibusque mortalibus, qui præcepta legum violant, & publicam turbant tranquillitatem. Idem profectò præstant hypochondriacorum illorum, siue vitiosorum literatorum viscera & pectora, *malum* utique isto faciunt sensu; *Mesenterium* etenim ipsis (pariter ac hypochondriacis) est rebelle, *lien* non absque calamitosa molestia seditiosus, reliquæ tandem partes naturæ legumque præscripta cancellosque pessimè transgrediuntur, donec non corporis modo, sed animæ etiam extrema perniciēs subsequatur.

IIX. Utinam malè adeò affecti, tantisque cruciatibus expositi, æternumque (si curari nolint) exponendi literati, quod huc pertinet scaperent ac intelligerent, prævidentes pariter ac sollicitè præcavescentes novissima ! Utinam salutis animarum suarum perpetuæ non minus consulerent quam optatæ *Corporum* (fluxæ tamen fallaciq;) incolumitati, nec

ea quæ ad salubritatem faciunt remedia respuerent. Quo rectius pernovère morbum suum, eò propiores erunt medelæ si-ve curationi. Ad quam (utut difficilis valdè propter symptomatum congeriem ea sit,) curâ singulari aptabunt omnia, quæ veterum pariter ac recentiorum Hierosophiatorum pharmacopolia suppediant. Et cum haud sufficiat, ut quam graves acutosque dolores afferat agritudo intelligatur, si nulla medendi observetur ratio ; hinc non pestifera solùm vitiorum (animos infestantiũ) seminaria à literatis, de restitutione sua sollicitis sunt excutienda, verum damna ipsa oportunis prævertenda remediis, donec divinâ opitulante gratia pristinæ restituantur integritati, atque *Literatorum* (si non è corporis, saltim ex ANIMI constitutione) verè felicium elogio gaudere possint. Utut malè affecta ad vitæ usque terminum circumgestent corpora, nihil tamen inde perpetuæ eorum decedet prosperitati, si nobilissimi in caduca corporis casulâ diversantis hospitibus, ANIMI videlicet justam habuerint rationem. Si lecto semper teneantur affi-

xi. faciant ne teneatur simul animus, tam longè aberunt à sensu dolorum præsentium quam longè animus à corpore abice-
det. Tugurioli istius (quod circumferimus coagmentatio vel calore vel frigore, vel alia quapiam vehementi impulsione labefactetur & frangatur, infinitæque ægritudines occupatas à se corporis partes vehementer exerceant; quid tum? dummodo Animus gravissimis illis vitiorum carcat miseris, funestisque cupiditatum & perturbationum angoribus liberatus instar heliotropii cujusdam ad Solem h. e. Deum ipsum obvertatur, originisque suæ memor eò tendat continuè. *VIRTUS* (ut præclare Seneca) tantum bonum est, ut istas ac-
cessiones minutas non sentiat, brevitate a-
ri & dolorem, & *CORPORUM* varias of-
fensiones. Illud est (scribit idem notanter
alibi) quod imperitos in vexatione corporis malè habet: Non assueverunt animo esse contenti. Multum illis cum corpore fuit, id. d. vir magnus ac prudens animum deducit à corpore & multum cum meliore & divinâ parte versatur; cum hac querula & fragili quantum necesse est. Innuìt quippe (nonne-

Seneca
Epist. 91.
id. Epist.

27.

*Dan.**Part. in**charact.**de part.**l. p. 73.*

mine observante) Seneca, circino similem esse sapientem (h. e. felicem literatum,) qui defixo in centrum pede uno, propius longius circulos circa illud describat; docetq; sapientem ejusmodi virum tanto lætius frontem explicare, quanto immanius dolor incrudescat. Etsi verò vera literati hominis felicitas neutiquam omnem extingvat humanitatem, absolutumque adeò sibi cum priscis illis philosophis sumat in omnes affectus animique perturbaciones imperium; sollicitè tamen cuilibet piè literato cavendum, ne tempestatibus majorum morborumque ingruentibus, de tranquillæ mentis optatæque felicitatis sede deturbetur, suorumque affectuum miserum tandem fiat mancipium. Videntum ipsi, ut in corpore prostrato erectam semper mentem habeat, membrisque distractis nobili illa affectuū gaudeat compositione. Scire volenti, quâ arte id fiat potissimum? respondemus, ANIMUM magis magisque esse excolendum nullis non virtutis pietatisque sinceræ exercitiis, ipsique adeò conversationi spirituum sanctiorum in cœlis esse præparan-

randum. Sicuti lana, priusquam ultimum illum optimumque colorem combibat, succis quibusdam aliis est imbuenda; sic animus virtutum & literarum meliorum purpura prius est tingendus, quam ultimum felicitatis imperturbata indelebilem colorem ille consequatur. Pessum dēt esto, studia vires, consumant lucubrationes sanguineum vitæ nectar, attamen quod corpori decedit, id centies imò milies perpetuè illi adcreset felicitati.

IX. Ceterū hæc iis solūm cognita fiet literatis, qui è regno tenebrarū & caliginis, ut Scriptura loquitur ad Regnū lucis feliciter sunt translati. Licet & ipsi quondam dæmonis fraude in istam corruptæ inquinatāq; eruditionis Rēpubl. devenerint, cura tamē eos cogitatioq; versabit assidua, quomodo vicissim sordibus & oneribus tam pudendis purgentur, cavebuntq; diligentius, ne deinceps in via Domini lapidibus ad eò noxiis (VITIIS puta in Orbe erudito ubiq; regnantibus, innumerisq; malè doctorum imò maledictorum *scandalis*) offendantur. Et cum pro DEO, pro Christo disputare etiam diabolus possit, multi-

que hactenus pro illius Majestate adversus infideles dimicantur fugitiosi Doctores; hinc omnes sacrosanctæ illius Disciplinae candidati cō tendent strenuè, ut Christum sciant, pariter ac vitam in ipso gratam acceptamque DEO transigant, ejusque spiritu agitati in splendidam ipsius imaginem magis magisque transformentur, ejusque præsentia unione gloriaque æternum perfruantur. Cujus supremæ felicitatis consequendæ desiderio si literatus divinæ gratiæ radiis collustratus tebeatur, opera porro illi navanda est satis ardua ut detestando AMORI PROPRIO tum crassiori tum subtiliori, cuncta corporis spiritusque dona ac bona inefficienti ac conspurcanti mittat nuntium, cunctantem verò illum & pro pertinaciâ suâ renuentem ita ex cruciet divexetque, donec impuram suam tandem aliquando efflet animam, vocato in subsidium Sancto illo spiritu ut Rationem naturalem ceu corruptam, carnalem, Deoque inimicam non refrœnet tantum, cohibeat ac reprimat, verum etiam protinus enecet & destruat, atque pestilentissimæ PHILAUTIAE loco saluberrimam cordi ad

ad DEUM convertendo AUTOGNOSIAM, sive accuratam SUI COGNITIONEM instillet. Etenim veræ virtutis principium hoc esse, ut quisque sciat se obnoxium vitiis, etiam damnificis umbrarum tenebris obnupta gens quondam ex Apolline, Cræsum de consultissimo ad felicitatem itinere instruente, assiduamq; sui cognitionem commendante intellexit. Nulla quidem in Orbe Christiano vani Apollinis est auctoritas, sed amplioris multò luminis fulgor nos eò deducit, ut videamus, illâ ipsâ, nec alia viâ, ad veram (Duce DEO) perveniri posse felicitatem, si nimirum naturam acindolem nostram ad lapsus aptatam & proclinantem, inque mala jugiter ruentem aspiciamus, & conscientiam perperam gestorum habeamus ante oculos, tum ritè poenitendo ad DEUM accedamus, cordeque contrito ad cœlestis misericordiæ (Christi Salvatoris merito, partæ) aram confugientes, arcanos cordis recessus coram SS. Numine adaperiamus, atque ad plurimorum piè. literatorum exemplum, vitam pessimè aliquando actam deploremus, pariter ac curâ studioque singulari

gulari emendemus. Hoc etenim post sciam sui cognitionem, vitæque miserabilis deplorationem cum primis sibi curæ fuisse felicissimus ille litteratorum Basilius a-

*Basil. M.
in Epist.
LXXIX.
ad Em-
sthat.
Sebast.*

licubi testatus est, ut *MORUM IN-*
STITUERET CORRECTIONEM, quos
per diutinam consuetudinem cum improbis
contractam perverterat. Sic etiam nos à

doctrinæ & vitæ profanæ vanitate ad sin-
ceram pietatem atque virtutem conversi,
operam continuæ demus sanctificationi,
DEOque deinceps placere studentes, cun-
ctis ejus (quantum fieri potest) obediamus
mandatis, summè caverentes, ne novam SS.
Numinis spontè incurramus offensionem.

*Conf. pi-
um liter-
ati hom.
secess. p.
117.*

Ea nimirum (ut alibi diximus) divini a-
moris vis, ea Spiritus sancti voluntatem
humanam internosque affectus commo-
ventis est operatio, ut unà cum illo con-
versi literati animum virtutum amicarum
chorus confestim subeat, ut qui paulò an-
te arrogans, superbus, sui amans, ambitio-
sus, singularis, avarus, intolerabilis, litigi-
osus, invidus, iracundus aut aliter vitiosus
literatus cernebatur, idem nunc velut al-
ter homo & antiquis exutus vitiis, sui con-

tem-

temptor, modestus, benignus, prudens, verax, demissus, pacificus, benevolus, mansuetus, humilis, aliisque virtutum ornamentis clarus & cunctis charus agnoscat. Sic cœlesti beneficio Doctoris divino amore flagrantis animus arboris instar erit, in quam omnigenæ virtutes insitæ, magis magisque pullulabunt, nullique non FIDEI sinceræ fructus dulcissimi provenient. Quis cum sapientissimo Philone non diceret *gratulandum esse felicibus ejus-* modi literatis *haud secus ac si* (quæ verba ejus dignissima sunt notatu) *post cæcitatem* visum recepissent, *ex altissimis tenebris adducti ad lucem clarissimam.* Tanta (pergit) est vis resipiscientia, rei vehementer necessaria! Postulat autem resipiscientia non solum correctionem opinionis, quæ creaturis tribuebat honorem Creatori debitum, verum etiam officiorum, studiorumq̃, **MUTATIONEM IN MELIUS**, ut relictis inconditis vulgi moribus, transeat ad benè constitutam ornatamq̃ optimis legibus Rempublicam, hoc est ex ignorantia migretur in scientiam, ex imprudentia in prudentiam, ex incontinentia in tem-

*Philo
lib. de
charit.
sub fin.*

pe-

perantiam, ex injustitia in justitiam, ex timiditate in fortitudinem. Bonum enim utileq. fuerit ad virtutem transfugere desertam malitia velut insidiosa Domina, solent etiam pietatem comitari virtutes cetera, à quâ non magis divelli possunt, quam umbra à corpore quod in Sole versatur. Proinde quot ad nostram religionem (seu potius ad veram sinceramque pietatem Christianam) se conferunt, statim fiunt sobrii, continent, verecundi, mites, jucundi, humani, graves, just, magnanimi, veritatis amatores, contemptores voluptatum ac pecunia; quandoquidem è diverso, quicumq. à sacris legibus deficiunt, eos videre licet intemperantes, imprudentes, injustos, leves, pusillanimos, irritabiles, mendaces, perjuros, cupediis, potationibus venereisque rebus deditos, ventri pendentes tributa, cum gravi corporis animique dispendio. Itaque perpulchrè præcipitur, ut discamus vitam componere, & ex perturbatione in meliorem statum reformare. Et post alia: Pulchrè nobis attestatur illud scriptura oraculum: *Fædus fecisti hodiè cum Domino ut sit tibi DEUS, & ipse fædus hodiè fecit tecum, ut fias ei populus; pulchra sanè permutatio,*

ratio, homine (literato) properante ad cultum DEI, DEO quoque sine dilatione adnitente supplicem & occurrente accedenti ad se sincero animo. Talis porro cultor & deprecator etiamsi unus homo fuerit, ipsius DEI existimatione non minus honoratur, quam totus populus, id quod & aliàs usu venit, quemadmodum enim in navi gubernator confertur cum omnibus vectoribus, eodem modo Vir sapiens totius gentis dignitatem obtinet, quippe qui pietatem habeat pro munimento inexpugnabili. Haftenus ille Ebræorum doctissimus Philo. Magis verò agnovère expertique sunt supremam hanc literati hominis felicitatem, quotquot gratiæ verbiq̃ue divini luce collustrati de deferendâ profanæ noxiæq̃ue doctrinæ Republicâ (in quâ magna eruditorum hominum pars declivi naturæ impetu in viriorum lutum prona spiritum trahit anxium, nihilq̃ue cœleste ac divinum sapit) seria huc usque agitavère consilia, eamq̃ue duntaxat quæ siverè & excoluère scientiam, quæ non nisi veram solidamq̃ue spirat pietatem, quæ non fucata, ac inutilium rerum micis fatua, sed constans apparet & utilis, nec otio.

otiosas & spinosas magis quam fructuosas, plusque futilitatis quam utilitatis habentes sectatur quæstiones, sed divina potius mysteria & cœlestia oracula avidissime æmulatur, quæ sinceræ charitati sociata & humilitati, alumnos suos non inflat aut reddit turgidos, sed auræ benignioris perflat suavitate, veterēque dejecto homine cultorem suum è faucibus diaboli mundiꝛue ereptum, ab ejusꝛue corpore avulsum Servatoris corpori per infusatam fidem inserit, arctissimoꝛue & individuo nexu conjungit. *Nihil enim necesse*

Erasm. *est* (præclare alicubi scribit Erasmus) *ut*
in adhort. *quis tot anxiiis disciplinis instructus accedat,*
ad stud. *simplex cuivis paratum est viaticum, tantum*
Philos. *(litteratus supremæ illius scientiæ amore*
Christian. *captus) pium ac promptum afferat animum, &*
Tom. V. *imprimis simplici puraꝛue præditum FID E.*
opp. fol. *Hæc autem vera demum FIDES est, quâ*
117. *piè jam doctus creaturam corde affectuꝛque*
transcendere occipit, sensusꝛue & ratio-
nem propriam despiciens, ac infra se re-
linquens, totus defertur in DEUM, divina
eius verba, promissionesꝛue veras intue-
tur, admiratur, credit, corde fovet, ac in-
timè

timè & animitus denique amplexatur, cumque in JESU CHRISTO lateant omnes divinæ veritates, omnesque parili modo ex ipso promantur ac pateant, in omne DEI consilium omniaque salutis mediæ per ipsum sint reclusa, hinc spiritus ille fidei vivæ ipsum Salvatorem tanquam potissimum objectum cognoscendum, credendum, amplectendum sequendumque proponit, virtuteque sua efficit, ut pie literati omnes sapientiæ thesauros in eo reconditos inveniant, eisdemque ad animæ suæ satietatem pascantur atque fruantur. Ideò enim ille quod nostrum erat assum. sit, ut nos vicissim quod ipsius est accipiamus; ideò Doctor doctorum factus est, atque communis Præceptor, ut nos in illo & ex illo ad salutem sempiternam edocti, sapientes evaderemus, atque sævissimo tyrannidis diabolicæ iugo excusso, DE O deinceps, PROXIMO, NOBISQUE IPSIS vivamus, nec verbis solùm, sed re & opere ipso ostendamus, veram libertatem non in peccandi licentiâ, veram sapientiâ non in philosophicis argutiis, in gentilibus fabulis, in verborum ampullis & calami-

stris, sed in Christo (utpote omnigenæ felicitatis fonte unico,) esse inveniendam ; Utcunq; pulchrum sit audire DOCTUM, pulchrius tamen haberi PRUDENTEM, PULCHERRIMUM autem ESSE PIUM. Hoc nimirum præcipuum est supremæ illius sapientiæ axioma, atque scientiæ, quæ omnem humanam eruditionem stultam reddidit, principium æque ac fundamentum palmarium. Splendor enim illa est æternæ lucis, & divinæ operationis bonitatisq; exactissima imago, non mortua quidem aut insensata, sed viva, mobilis & actiosa, quippe cui inest spiritus intelligens, sanctus, simplex, multiplex, subtilis, impollutus, perspicuus, amans boni, acutus, beneficus, humanus, stabilis, certus, omnia intuens & permeans, ipso Sole speciosior, omnemque stellarum superans claritatem. Non alium DEUS literatum diligit, nisi hoc spiritu impolluto præditum, atque cum vera ista sapientiâ habitantem. Quæ si rectius perpenderent quidam doctrinæ non minus quam vitæ profanæ magistri, longè aliter mores componerent, nec in naturam suam ita abire

pate-

paterentur malitiam, ut non admonitioni ulli, nec DEI ipsius comminationi cedendum existiment, adamantina gestantes adversus bonum pectora, malleum & incudem officinæ coelestis contemnentia, & cum profanis seculi mancipiis ducentia jugum. At verò coelesti illo FIDEI veræ dono præditi, nullis amplius persvaderi se sinunt diabolicis susurrationibus, non corruptissimis seculi offendi exemplis, verum omnem mundi luxuriam ejusque vanitatem corde ore & opere abjicientes, apertè christianam pietatem *suique abnegationem* profitentur, diabolum masculè profligant, Mundi præstigias, pariter ac carnis imposturas turgidam illam sapientiam omnemque scientiam infantem, atque indissolubilibus acerrimarum contentionum modis implicitam, obduratam deniq; peccandi malitiam sacro quodam prosequuntur odio, & ad bonum omne alacres & parati existunt, neque de applausu aliorum, laudeque propria adaugendâ amplius sunt solliciti, sed crucem & tribulationem hilari fronte excipere, & nulla non impii mundi odia atrocesque cruciatus tolera-

re gestiūt. Quamprimū enim supereminens Christi cognitio, quæ omnibus mundi scientiis, honoribus deliciis atq; divitiis est superior, semel iis indita donataq; fuerit, non solum illi vana profanaq; omnia generose despicient, atque cum Apostolo reputabunt pro stercorebus, verum nihil non alacri magnoque animo ac corde libero propter Christum sunt relicturi, imò perdituri etiam, dummodo ei soli servire, perpetimque adhærescere queant. Atque ita divinus ille ignis in cœlestibus eorum animis tantoperè flagrabit, ut non amplius inibi regnare queat prava cupiditas, inordinatusque *sui Amor*, ex animæ fundo reapse eiectus. Quicquid illo urgente olim propter se, idque per grande nefas fecere ac operati sunt *liberati* à servitute peccati *liverati*, postea pro DEO spontè & alacriter facient, quin imò ea absque ullo ferè labore & difficultate perficient, quæ quondam ne cogitando quidem assequi potuere, haudquaquam affectuum suorum & inclinationum corruptarum motus sequentes, sed Regis Dominiq; supremi sacro-sanctos instinctus observantes, e-

jus

jusque voluntati cuncta desideria prom-
 ptè subjicientes imò omnes appetitus su-
 os, si flecti, si cohiberi, si compesci nolint,
 penitus abnegantes, frangentes, rumpea-
 tes, atque se suaque per eandem illam FI-
 DEM Christo ita dicantes, dedicantes ac
 consecrantes, ut jam non amplius suis lita-
 re commodis, *nec sibi ipsis vivere velint, sed* II. Cor. V.
ei solum, qui pro nobis vixit, obiit, nobisque
tandem resurrexit. Hoc fundamentum
 vitæ Christiano-literatæ est solidissimum,
 hæc supereminens illa SCIENTIA CHRI-
 STI, altissimaque & Terræ sapientibus i-
 gnota Philosophia, SCIRE nimirum &
 SEQUI Christum crucifixum, seipsum o-
 disse, & quicquid Orbis profanè doctus a-
 mat magnique æstimat, honores præser-
 tim, gloriam, laudesque proprias, nullas-
 que non corporis animique voluptates al-
 tissimo despicere supercilio. Durum qui-
 dem hoc est, & mundo carni que summè
 contrarium principium, ast si rectè intel-
 ligatur, ipsoque opere comprobetur, insi-
 gni adeò fructu sese commendat, ut eo ipso
 imbutus, eodemque pectoris verè Christi-
 ani caractere ornatus literati hominis a-

nimus, nulla amplius necessitate affligi turbarique, nulla vitæ hujus calamitate tangi, nullis turbinibus dejecti, nulloq; tempestatum impetu de altissimæ tranquillitatis sede deturbari possit.

X. Et cum ad optatæ hujus felicitatis metam tendentibus literatis, præter largissimam divinæ gratiæ & benignitatis sca-
tebram, præter bonam naturæ indolem, animique ad meliora & honestiora quæque insignem propensionem, (ne scil. pravæ inclinationis ductu in mala illi ruant jugiter, atque horrendæ vitiorum tyrannidi tandem subjiciantur,) rectâ apprimè opus sit INSTITUTIONE, & fideli manu-
ducti-
one, quam haud abs re Seneca primam secundam & tertiam vitæ beatioris partem nuncupavit, quâ deficiente vera deficiat vita; Pythagorici verò fontem dixerunt, unde omne bonum proveniat: hinc cura doctioribus & melioribus intendenda est palmaria, ut *instructione* salutari via ad veræ felicitatis literariæ arcem recta simplex & aperta, licet principio difficilis imperitioribus ostendatur, effusâque manu ea spargantur semina, quæ suo tempore re-
vocen-

*Sen. lib.
de brev.
vita.*

Vocentur ad frugem. Tantum pondus
institutionem habere ad vitæ in melius im-
 mutationem Plato asseruit, ut sine illa ina-
 nes judicaret omnes rectè conditas leges,
 cunctaque virtutis dictamina. Constat
 hominem literis in juventute mediocriter
 instructum Proteo similem esse, omnibus pla-
 nè formis suscipiendis oportunum, unde ne
 (in fulgidam doctrinæ lucem suscipien-
 dus,) vitiorum tenebras induat, & earum
 gravi quasi pondere pressus miserè submer-
 gatur, rectâ muniendus est institutione,
 cujus adjumento sponte ruens natura à
 præcipiti loco retrahat pedem, ejus robo-
 retur imbecillitas, vitæque ipsa velut pro-
 cellæ sum mare, Syrenum etiam cantibus
 infestum, feliciter transigatur. Quem
 primum facilè atque præcipuum veri phi-
 losophi characterem olim Plessus (de phi-
 losophiæ definitione differens,) esse judi-
 cavit, scil. *ut is imperfectarum curam gerat*
animarum, easdemque ad perfectionem per co-
cognitionem (uti ipse quidem loquitur) *de-*
ducat; eo character cum primis illi con-
 spicui sint doctores, qui Verorum, h. e.
 Christianorum Philosophorum adimplete

Plato in l.
 de Rep.

Bern.
tractat.
de pass.
Domin.
cap. 10.

partes, divinæ gratiæ radiis collustrati
summoperè laborant, *siquidem* (non pro-
fano quodam Psello, sed piè-literato Ber-
nardo monente) *efficax signū vera & pura*
sit charitatis, ut hi, qui spirituali dilectione
conneētuntur, mutuò calefiant, & per veram
charitatem alterutrum ad exercitia spiritua-
lia accendant. Quidni gaudeat piorum ac
DEUM sincerè amantium quilibet, ubi mi-
nisterio suo plures ad dilectionem & cul-
tum sincerum ejus, quem ipse ardentissimè
amat, omni animi nisu accesserint. Cum-
que exploratum sit omnibus, absque vitæ
probitate, rectæque morum institutione
difficillimè tot illecebrarum demulcenti-
um, tot adversariorum incurfantium insi-
dias evitari posse aut declinari, hinc cunctis
ad optatæ prosperitatis sedem tendentibus
literatis nulla nō SALUTARIS INSTRUCTIO est
admittenda, vita perperam antea cta corri-
genda, motusque à pravo appetitu jugiter
erumpentes validius coercendi, donec flu-
ctibus malæ assuetudinis semper jactata na-
vis, optatam tandem serenitatem, veramq;
vitæ securitatem pariter ac felicitatem
consequatur. Neque verò fieri potest ut
eam

cam obtineat Literatus, nisi qui à VITIORUM fœditate immunis est, & suæ spontis, aliud omninò illi agendum, aliter vivendum, imò aliud longè quam quod vulgò solet cogitandum, multa negligenda, multa contemnenda aliqua naturæ, aliqua & consuetudini vis inferenda est. Et cum multas nobis vel illecebras vel diverticula communis illa Parens omnium objecerit, plerisque abstinendum. Alios superbia, quosdam invidia & avaritia afflavit, si qui sunt literati qui multum agere sibi videntur, hi ambiciosi sunt, istisne verò tantum superesse temporis existinemus, ut vel discant, vel sapiant rectius, si sapientix veræ vacarent studio, non à vitiis modo, sed & ab opinione omni popularique errore mores suos sejungerent, utque discere optima possint, ante vacuum tot instantibus scientiis animum facerent, tum virtutis pietatisque sinceræ studio cura singulari invigilarent.

XI. Ad vim verò ac splendorem ejusmodi magis spirituales eruditæ conciliandum, plurimum forsitan conferret COLLEGIORUM quorundam in civitatibus

tibus & Academiis illustrioribus institutio, atque pia fundatio societatum, quarum membra frequens illa cura versaret atque cogitatio, quomodo majora indies verus DEI cultus capere incrementa, extirpatisque pestiferis VITIORUM zizaniis PIETAS sincera plantari queat. Nimirum curâ studioque singulari viris quibusdam zelo pio flagrantibus eò esset laborandum contendendumque, uti ad fidem veram vivamque, ac inde profluentem DEI amorem, ejusque præceptorum observantiam invitarentur pariter ac incitarentur cæteri, hostisque infernalis perniciosi conatus magis magisque; retundi & sufflaminari possint. Et licet cum maximis initio difficultatibus conjunctum foret salutare ejusmodi institutum, nec quicquam robustus ille armatus (infami desidiosorum quorundam, atque juratorum pietatis hostium cæterâ stipatus,) ad illud destruendum impediendumque esset intermissurus, quinimò labore indefesso semper eò laboraturus, ut gravissimis vitiorum ponderibus mortalium miserrimi in terram defigantur, spissisque immergi tenebris, gratiæ & amo-

amoris coelestis lumine æternum destitu-
antur ; attamen Ter-maximum Numen
assiduus compellatum precibus , pia illa,
gloriæque suæ studiosissima pectora (velut
c machina) benignissimè respiceret , atque
opratissimum meditato operi successum
largiretur. Incredibiles sanè Collegio-
rum ejusmodi institutio haberet utilitates,
fructusque nunquam marcescentes com-
munitati fidelium conciliaret. Non i-
gnoramus nobilis cujusdam Societatis Ger-
manicæ (quæ FRUGIFERA dicitur) sa-
tis felicem progressum, quam brevi scilicet
temporis spatio instituta sit illa, pariter ac
ad stuporem usq; adaucta , præsertim cum
ipsi Principes viri albo illius essent inserti ;
Quid si igitur de magis salutari consocia-
tione quidam pio zelo flagrantes DEOq;
sacrați literati seria agitent consilia,
SOCIETATEM sumè FRUGIFERAM in-
vicem ineuntes , coelestique nixi præsidio,
talem fundantes congregationem , in quâ
verè christiana, verè Evangelica de PRO-
PAGANDA FIDE, pietateque disseminan-
dâ agitentur consilia , curaque singulari
ca conquirentur , quæ ad promoven-
dam

*Ch. Ravi-
us in A-
mica ad-
monitio-
ne, quam
Epistola O-
rientis, si-
v: Catal.
MSR.
Orient.
attexuit.*

dam animarum salutem, technasque dia-
bolicas sufflaminandas maximè conduce-
rent. Haud abs re non ita pridem quidam
multijuga eruditione conspicuus Vir opta-
vit, ut *Collegium* aliquod *Orientale* de pro-
paganda fide sincera instituatur, quo sum-
ptibus non adeò magnis *Iex* ad minimū ex-
citatoris ingenii Juvenes ea lingvarum,
Hebrææ, Chaldæo-Syræ, Rabbinicæ, Ara-
bicæ, Persicæ, Turcicæ ac Æthiopicæ co-
gnitione imbuantur, nec minus eâ Sacra-
rum literarum dogmatumque ecclesiasti-
corum instruantur peritiâ, ut bini eorum
ad Synagogas Judæorum, bini ad Turcicas
sedes, bini ad damnificis idololatricarum
umbrarum tenebris obnuptas gentes, lu-
crificiendosque per DEI gratiam infideles
ablegari, & quaternis semper annis cum
novis aliis commutari possint, prioribus
sex ad functiones Ecclesiasticas vel Acade-
micas adhibitis : Quidni cunctis DEUM
ejusque gloriam sincerè adamantibus arri-
deret, multoque usu sese commendaret ta-
lis consociatio fidelium, quorum curâ sol-
licitoq; ministerio multi, nomine quidem
Christiani, ast Judæis, Turcis, gentilibusq;
cunctis

cunctis longè deteriores mortales conver-
tantur, in melius mutantur, deque ipsis di-
aboli filiis, filii Trin. unius DEI (ejus aspi-
rante gratia) efficerentur, laudes illi sem-
piternas decantaturi. Cæterum res ipsa
loquitur, in *frugiferas* ejusmodi *Societates*
recipiendos esse non alios, quam probitate
& zelo divino eximios Viros, quos (quo fi-
delius illud unum pietatis curent negoti-
um) nullo lucro aut stipendio, solâ autem
operis dignitate & fructûs egregii expecta-
tione allici velim & occupari. Sin verò
aliæ operi tanto injiciantur remoræ, mo-
menti que majoris obveniant difficultates,
inicia illius circulo facienda essent brevio-
ri alia atque alia piè-doctorum exquiren-
da vota, judicia, sententiæ, cum primis au-
tem instruendi de fructuoso adeò conatu
in christianis orthodoxisque Academiis ef-
sent Sacrosanctæ Theosophiæ Candidati,
monendique strenuè, ut non minus vitæ
morumque integritati, quam doctrinæ re-
ligionisque puritati studeant, frequentius-
que ea meditentur, quæ ad divinæ gloriæ
incrementum, & proximorum in viam sa-
lutis reversionem quoquo modo facere
possint.

possint. Et cum abunde constet, nullum DEO gratus acceptiusq; officium præstari posse, quam quod pietatis sinceræ amore studioque suscipitur, idcirco nihil magis animo versandum esset omnibus, quam quâ ratione christiani huius Sacerdotii partes ritè adimpleri, cunctique à virtutis semita aberrantes, ad sempiternæ salutis viam revocari queant. Hoc equidem zelo, hoc igne cum primis incensos esse oportet eos, qui Christum prædicare aliis, cœlique divitias promittere fidelibus constituerunt. Illi aliquando cum fructu omnique imperio (ut Apostolus loquitur) arguere poterunt, qui de BONO EXEMPLO doctrinæ salutiferæ sociando apprimè sunt solliciti, siquidem *divinarum literarum explanatio* (dicente Theodoretō) *opus habeat anima à labe notabili purgatâ, tum mentem desideret agilem, & veluti pennis præditam, quæ in ipsa spiritus penetralia ingredi possit.* Cumque magna adeò sit imò maxima vis EXEMPLI, nemoque major & fructuosior virtuoso Doctore existat, hinc opera strenua navanda non monitoribus solùm, ut de bono exemplo doctrinæ salutari sociando sem-

Theodor.
 pref. in
 Cant. T.
 l. opp. f.
 983.

semper sint solliciti, artemque illam artium tradituri, ejusmodi exemplaria proponant, ad quæ alii vitam moresque rectè componere queant; verum discentibus cumprimis, & ad supremæ illius felicitatis apicem seriò tendentibus curandum sedulò, ut omnem improborum fugiant consuetudinem, & à noxio cœtu prorsus recedant, utque malos socios evitando, ipsam evitent improbitatem. *Etiā pacata antea* Josephus
maria (ait scriptor quidam egregius) *si so-* Maria-
cii accedant interturbantes venti statim ini- vigil. in
ras insurgunt, & nocituras minas, quin eti- Præco e-
am pacatissima flumina, quorum lentitudo ocu- ibico pol.
lis ipsis eripit cursum, si incubent venti, sta- p. 207.
tim exurgunt in fluctus, & mansueta illa ele-
menta, quæ adium instar ignorare motus vi-
debantur, in leoninas exasperantur iras. Non
igitur eorum consuetudine Vir benè moratus
debet oblectari, qui facili negotio in iras, o-
dia, (fastum, ambitionem invidiam, con-
tentionem aliosque vitiorum ignes) exar-
descunt, impellunt siquidem malorum consue-
tudines ad pœnitenda, & sæpè etiam cogunt ad
ea, quæ nullam admittunt emendationem, nul-
lus q̃ lacrymis elui possunt, cum semper serue
post.

post sanguinem mæror sit. Posthabito itaque spretoque malorum consortio bonis potius se jungat, atque non nisi laudabilia virtutum exempla sibi proponat veræ felicitatis candidatus. BONOS imitare (præclare ait Cyprianus) si potes, si sectari non potes, collatæ certè & gratulare melioribus, fac Te illis adunata dilectione participem, fac te consortio charitatis & fraternitatis coheredē. Sed utinam hodiè in erudito Orbe non obtineat, quod Cyprian⁹ hunc in modum est detestatus: Esse jam inter nocentes innoxium, crimen est, malos quisquis non imitatur offendit! Ea quandoque est inter profanè doctos virtutis ejuratio, ut inclytæ pietatis Viros gravissimis vexare contumeliis, ipsaque sancta malignis sermonibus violare illi non dubitent. Multi eorū, quorum similitudinem desperant, (Apuleio dicente) affectare conantur similitatem. Diligendi potius cum reverentiâ & imitandi studio Viri sunt virtute singulari illustres, cum (teste Symmacho) quadam scintilla sapientia sit virtutum luminibus applicari. Memorat de se C. Plinius, quod cum in Syria tribunus militaret, Artemidorum arcta

Symmach. l.
IX. ep. 9.
Plin. l. 3.
ep. 11.

ardua familiaritate fuerit complexus, socerumque ejus Musonium cum admiratione dilexerit, insignes eâ tempestate sapientiae Antistites : *Idq̃ primum (inquit) nonnullius indolis dedi specimen, quod Virum aut sapientem, aut proximum similem q̃ sapienti intelligere sum visus.* Et merito : Nam idem ille Plinius maturiore jam ætate magis admirari se virtutes Emphratis ait, quia magis eas intelligeret. *Ut enim de pictore, sculptore, sictore, nisi artifex judicare, ita nisi sapiens, perspicere non potest sapientem.* Itaque pro certo & indubio felicitatis subsequetur indicio habeant literati, si Viros summa virtute conspicuos, non quos damnificis umbrarum tenebris obnupta gens olim est admirata, sed quos Christiana hucusque pietas commendavit, cum ingenti quadam dignatione in animos admittant, tantis nominibus semper assurgant, & quidem (ut de sese affirmavit Seneca) *cum similitudinis desiderio & affectatione.*

*Sen. de
vit. beat.*

XII. Neque verò aliorum solum instituta exempla que laudatissima literato ad insignem illam felicitatem aspiranti, cum quadam similitudinis affectatione probe
E
confi.

consideranda, sed strenuè etiam IPSI (uti Christiana jubet Philosophia, nosque jam supra monuimus) adversus VITIA & immodicas cupiditates decertandum, hostisque infernalis (auxilio cœlesti) nefariæ semper reprimendæ sunt suggestiones. A vitiis enim remotus, statim virtuti erit vicinior, recedens ab illis, propius ad has accedet, ipsique DEO magis magisque appropinquabit. Quod si verò Vir literatus seriū secum de expellendo omni vitio agitet consilium, fixumque illi sit hostibus tam atrocibus sacrum indicere bellum, non levi equidem brachio, non molli articulo, sed toto totius animi conatu, omni intellectu (divinæ gratiæ radiis collustrati) industriâ, cunctis ingenii nervis, generoso proposito animoque excelso. Quod agit, agat masculè non minus quam sollicitè, ad exemplum Magni illius Doctoris Hipponensis, Augustini, qui notanter de se alicubi; *Multa* (scribit) *ago in cogitationibus meis, pugnans adversus malas suggestiones meas, & habens conflictationem diuturnam, & propè continuam vim cum tentationibus inimici, subvertere me volentis. Gemo ad DEUM in infirmita-*

*August.
Conc. III.
in Ps. 30.*

*semea, & novit quid parturit cor meum ille,
qui novit partum meum.* Nimirum in ten-
tationes superbiæ, ambitionis, gulæ & lu-
xuriæ egregius ille Christi athleta pugna-
vit, ope cœlesti eradicans, evellens, de-
struens ac perdens quicquid ex semine ma-
larum cupiditatum propullulavit. Hoc
itaque sibi (quod imitetur) piè literatus
proponet exemplar, hanc hominis ad DE-
UM tendentis spiret indolem, atque pra-
vis suis affectionibus pari solertia bellum
inferat, cum primis autem VITIIS erudi-
torum detestabilibus, IMPIETATI,
SUPERBIÆ, INVIDIÆ, AMBITIONI,
CURIOSITATI IMMODICÆ, MALEDI-
CENTIÆ, CONTENTIONI, AVARI-
TIÆ, cæterisque mox fusius commemo-
randis ac depingendis monstris, sancti det-
repudii libellum. Sin illa redire, & pristi-
nam animi sedem occupare conentur, pu-
gnet eò fortius, atque ne tandem aliquan-
do hosti succumbat, diligentissimè caveat.
Est illa mascula vox Trajani Ducis Christia-
ni & invicti ad Valentem Imperatorem :
*DEUM semper sequitur victoria, & ad eos
accedit, quibus DEUS se Ducem præbet.* Ita

Theodor.
lib. IV.
h. st. c. 29.

est ô literati Heroes, ubi DEUS vester erit
 sospitator, ibi rosæ laureæque pullula-
 bunt, coronæ vobis texentur, tandemque
 exaudientur epinicia. Cum Dæmone qui-
 dem comparati ut robustissimo gigante,
 vos minuti pygmæi videbimini, quos elide-
 re & audaci pede facilè proterere ille pos-
 sit, sed divino præsidio defensi, in leones e-
 vadetis, ignem spirantes, inimico valdè
 formidandi. Jasonem jactavit fabula gra-
 vissima in navigatione Colchica exantlan-
 dâ, inque auferendo vellere aureo pericu-
 la & discrimina subiisse; Tauri nimirum il-
 li domandierant ignivomi, dein ad arati-
 onem subjugandi, pervigil Draco velleris
 custos superandus, armatorum denique
 virorum è seminatis Draconis dentibus re-
 pentè enascentium exercitus excipiendus.
 Tantum abest ut terruerint ea pericula a-
 nimum *Jasonis* virtutis plenum, ut potius
 accenderint magis, & ad maximum faci-
 nus audendum provocarint. Licet alic-
 no discrimine contremuerint focii, ipse
 neutiquam motus est proprio, nihilq; cun-
 ctatus, furibundis sese objecit bestiis, fre-
 tusque amuleto, quod à Medea acceperat,
 miti-

Ovid. 7.
 meta-
 morph.

mitigavit tauros, iugoque imposto, illos aratro junxit, mox hastatos & galeatos in hostes (infesta arma intentantes,) saxum, quemadmodum erat monitus, ingens projecerat, ita ut conversis exemplo in semetipsos telis, mutuis vulneribus omnes conciderint. Et cum vincendus adhuc superesset Draco velleris custos, crista terribili, linguâ trifurca, fulmineisque oculis horrendus, is quoque feliciter adeo est prostratus, ut liberum mox ad arborem (ex qua vellus aureum pendebat) aditum victori permiserit. En vobis ô LITERATI PRAELIATORES, animi, & bonitate naturæ præstantis, & virtutibus insigniter imbuti, (id quod Jason instructori suo *Chironi* debebat,) verâque gloriæ cupiditate incensi nobilissimum exemplar ! Jason ubique victor vos suo edocet exemplo & triumpho, nihil non virtuti cedere atque magnanimitati, nec quicquam tam arduum, quod non constanti improboque labore, animique firmitate attingi ac obtineri possit. Quilibet vestrum vel me tacente intelligit, quinam illi *rauri sint arripedes*, naribus ignem efflantes, & sub aratri jugum mittendi

tendi, quænam ferrea illa armatorum seges, serpentinis dentibus enata, & in se ipsam adversis conversa hastis; quis Draco ille, arboris aureæ (unde vellus veræ perpetuæque felicitatis literariæ suspensum,) pervigil custos? Nimirum per hæc prævi vestri denotantur affectus, indomitæ cupiditates, efferatæ concitationes animi, horribilis denique ille Draco infernalis, quibuscum hostibus fortiter vobis pugnandum, donec illustriorem longè *Jasonicâ* illâ obtineatis victoriam, cum juxta sapientiss. Salomonis effatum *is qui dominatur ANIMO SUO major sit quovis expugnatore urbium.*

Prov.
XVI.

Naso.

*Audax res (canit Poëta) vicisse alios;
victoria major,
Est ANIMI fluctus composuisse sui.*

Mêd@
cura, cõ-
filium à
Mêdopay

XIII. Sicuti verò sine *Medea* consilio nihil præstitit *Æsonides* ille; ita in gravissimâ vestra adversus Draconem taurosque ignivomos pugnâ fortitudini proxima sit *CURA SERIA*, maximaque sollicitudo, (quæ per *Medeam* significatur,) ne illoris quod ajunt manibus tantum lu-
scipi-

sciipiat^{is} negotium : Euripides ^{Ευλαβειαν} *cura*
 quæ hæc ipsa cura est meritò dixit utilissi- ^{gero deli-}
 mam esse Dearum, cura est illa quæ scien- ^{bero, me-}
 tiæ lumen adhibet negotiis, abstrusa pene- ^{ditor,}
 trat, révelat operta, illuminat obscura, cui- ^{provideo,}
 cunque literato hæc virtus adest, hoc faci- ^{prospicio.}
 le assequetur, ne animus unquam negotiò
 desit nec votis successus. Quodsi juxta
 Mythologorum veterum placitum Jupiter
 ad monstra profliganda eum maximè ido-
 neum judicavit, qui non uno momento, ac
 ne una quidem nocte, sed toto trinoctio es-
 set procreatus ; Vos potius in longè meli-
 orem beatitatis sortem Servatoris benefi-
 cio genitos, par vocatione vestra labor sem-
 per verset & cogitatio, quo dignam officio
 diligentiam præstetis, istamque in proflig-
 andis monstris illis teterrimis observetis
 rationem, nimirum ut ad tanti momenti
 opus neutiquam incuriosi accedatis aut
 imparati, majestati christiano-literariæ
 haud decorum reputantes, circa supre-
 mam felicitatem consequendam ea negle-
 xisse, quæ profana religione imbuti litera-
 tores studiosè duxòre observanda. *Dele-*
et potius (ut cum Magno Gregorio lo-

Greg. M. quar) mentem vestram magnitudo præmio-
rum, nec deterreat certamen laborum. Non
XVIII. in longinquis è terris, non per mille pericula
Evangel. quærendum vobis solidæ illius felicitatis
aureum vellus, sed hostes vincendi doman-
dique sunt domestici, pravi nimirum affe-
ctus, noxiæ quælibet cupiditates, nec non
corporis sensuumque illecebræ, pestes in-
quam illæ execrabiles, SUPERBIA, AM-
BITIO, PHILAUTIA, INVIDIA, CON-
TENTIO, cum omni infamium pedisequa-
rum catervâ, atque inclinationum passio-
numque pudendarum colluvie, quas Dra-
co ille infernalis in literatos veluti prodito-
res suscitare consuevit, & quæ instar gra-
visimæ oneris in terram plerosque erudito-
rum deprimunt defiguntq; , ut ad arborem
aureo conspicuam vellere mentis oculos at-
tollere, exoptatæque felicitatis diademate
compotes fieri nequeant. Licet innume-
ras de hostibus aliis, ô mei, reportetis vi-
ctorias, inque dicendi disputandique palæ-
stra palmâ præripueritis omnibus, attamen
veræ felicitatis brabéo æternum carebitis, si
in gravissima adversus cupiditates vestras,
efferatasque animi concitationes pugna si-
tis

tis segiores. Alexandro tunc evadetis si-
 miles, qui totius terrarum Orbis victor, sibi
 ipsi frequentissimè succubuit. Sapienter
 de illo Arrianus: *Alexandri praeclara faci-* *Arria-*
nora documento esse possunt, sive quis corporis *nus lib.*
viribus polleat, sive generis splendore emicet, *IV. vit.*
sive bellica virtute, felicitateq; Alexandrum i- *Alex.*
psum superet, sive Africam simul & Asiam
(quemadmodum animo ille destinarat) perna-
vans subjugarit, sive Europam, Asia atq; A-
frica tertiam adjunxerit, nihil hae omnia ho-
mini AD FELICITATEM adipiscendam
profuturasunt, nisi pariter moderatio ANI-
MI accedat, quamvis res in speciem gerat ma-
ximas. Affectus igitur vobis o literati, (an-
ne vitio mihi vertitis, quod toties hae ve-
stris inclamem auribus?) sunt edomandi,
& ut rationi pareant, subjugandi, non secus
atque Tauri & Dracones illi Colchici. Non
vicit eos Orbis ille victor, de quo dixi, Ale-
xander, qui IRACUNDIAE, velut ignivo-
mo tauro in se impetum facienti, turpissi-
mè cessit, uti praeter alios Maximus testatur
Valerius: Alexandrum (ait) ira sua prope- *Valeri-*
modum caelo diripuit. Eundem quomodo *Maxim-*
Libido & Ebrietas velut tauri & Dracones *lib. IX.*
c. 3.

Gregor.
M. lib.
II X, mo.
ral.

dejecerint, Curtius & Seneca præter alios memorarunt. Nec eadem vos quoque ô præclara eruditi Orbis ornamenta calamitas excipiat, *fortitudinem* (ut Gregorius monet) *justorum imitamini*, propriis contra euntes voluntatibus, *delectationem vite præsentis extinguentes*, prosperitatis blandimenta contemnentes, omnem adversitatis metum in corde superantes, hujus deniq; mundi aspera neutiquam refugientes. Agite igitur, pugnae periculum faciamus, hostium, literatos ubiq; graviter infestantium conatibus (divino subsidio freti) occurramus, militaremque in suscepto cum nequissimis illis salutis nostræ adversariis, vitiis inquam inter eruditos tantum non ubique regnantibus, certamine prudentiam adhibitori, cura singulari hostium munitiones explorabimus, consilia expiscabimur, arma examinabimus, vires expendamus, ac sedentes denique cum animo nostro deliberemus, quomodo possimus *cum decem millibus occurrere ei, qui viginti millibus* (imò innumeris pravarum suggestionum jaculis) *instructi*, nostram meditantur eversionem. Sagaciter perquiramus qualem machinam
cui-

cuilibet obijciamus passioni. Scrutemur
 (monente Chrysostomo,) suam quisq; con-
 scientiam, & consideremus, quid nam in hac
 hebdomade probè actū sit, quid in alia, & quale
 augmentum fecerimus ad sequentem, quas in
 nobis affectiones correxerimus. Discamus, Chrysost.
 (ait idem) igitur & vitia nostra recensentes Homil.
 ea tempore corrigamus, & hoc mense unum, a. 82. ad
 lio aliud, & ita subsequenter meliores efficiamus. ^{pop. Ans.}
 mur. Sed & insignem illam pugnandi ra-
 tionem observemus, quam Magni Chryso-
 stomi discipulus Johannes Cassianus lu- <sup>Joh. Cas-
sian. coll.</sup>
 culenter hunc in modum delineavit: Ita ^{V. c. 14.}
 nobis adversus vitia arripienda sunt praelia, ut
 unusquisq; VITULUM, quo maxime infestatur
 explorans, adversus illud arripiat principale
 certamen, omnem curam mentis ac sollicitudi-
 nem erga illius impugnationem observatio-
 nemq; desigens, contra illud canētis momentis
 cordis suspiria, crebraq; gemituum tela contor-
 quens, indesinentes quoque orationum fletus ad
 Dominum fundens, & impugnationis suae ex-
 tinctionem ab illo specialiter ac jugiter poscens.
 Cumq; se ab ea senserit absolutum, rur-
 sum latebras sui cordis simili intentione perlu-
 strat, & excipiat sibi, quam intet, reliquas
 per-

perspexerit dirio-rem, atq; adversus eam specialius omnia spiritus arma commoveat, & ita semper validioribus superatis, celerem de residuis habebit facilemq; victoriam, quia & mens triumphorum processu reddetur fortior, & infirmior pugna succedens, promptiorem ei proventum praliorum faciet, ut fieri solet ab his, qui coram Regibus mundi hujus omnigenis congregi bestis pramiorum contemplatione consueverunt, quod spectaculi genus, vulgo Pancarpum nuncupatur. Hi inquam feras quascunq; fortiores robore, vel feritatis rabie conspexerint diriores, adversus eas primæ congressionis certamen arripiunt, quibus extinctis, reliquas quæ minus terribiles, minusque vehementes sunt, exitu faciliore proster-nunt. Ita & vitiis semper robustioribus superatis, atq; infirmioribus succedentibus, nobis absq; ullo discrimine perfecta victoria parabi-

Basil. M.
in Regul.
brev. in-
terrogat.
289.

tur. Ex ipso etiam Magno Basilio discamus, quam in vitiis nostris eradicandis tenere debeamus rationem: Quemadmodum ait, si quis relictæ radice ramos arboris alicujus velit excisos, nihilominus radix manens alios similes illis protrudit; sic quoniam peccata sunt quadam (literatorum) quæ nascen-

di

di principium in se ipsis non habent, sed aliunde originem ducunt, necesse est prorsus, si quis esse ab illis liber velit, is ut causas primas peccatorum illorum stirpitus tollat, veluti **CONTENTIO & INVIDIA** (notissimæ illæ Orbis eruditi peccates) non ex se ipsis nascuntur, sed à radice **APPETITUS GLORIÆ** pullulant. Qui enim humanam gloriam magni facit, is ex emulatione ei obirectat, quem in gloria esse animadvertit, aut à quo in ea superari se videt, invidet. Quocirca qui semel se ipsum invidia, contentionisve condemnavit, is si in eadem ipsa denuò vitia relapsus sit, utiq; intelligat, gravi se ac penitus insito cupiditatis gloria morbo, principe scil. invidia emulationisq; causa laborare, nimirumq; ipsum convenit contraria ratione, nempe **HUMILITATIS** exercitationibus gloria morbum curare, ut hoc modo affectionem illam humilis animi adeptus, deinceps in ea qua ante diximus esse cupiditatis gloria genuina non incideret, eandemq; in singulis peccatis debellandis observet rationem.

XIV. Multa, multa sunt ò **LITERATI**, quæ ut ita faciat, atq; sanctissimo huic & saluberrimo studio incumbatis, vos commo-

vero

vere debeant. Inprimis autem **VITIUM** cum sana literati hominis ratione pugna, continuusque conflictus, quandoquidem (ipsis gentilium magistris assentientibus) vitium rationi atque adeo rationali naturæ ita sit dissentaneum, ut ad ipsas bestias hominem etiam literatissimum abjiciat. Non omnino fabula est Trivenefica illa Circe apud Poëtas, quæ Ulyssis socios eoque dementavit, ut homines in belluas ac pecudes commutaret. Quis verò non totus cohorrescat, si Virum doctrina literisque ornatissimum, in bestiam commutatum intelligat? Quam detestabilis macula pudendaque labes universo **LITERATORUM ORDINI** ex vitiorum pestiferorum confluxu accedat, quamque putidas ex eo ulcere foetor erumpat, nemo satis explicet. Nimirum sublata cœlesti gratia, destructaque supremæ sapientiæ arce, necessum est in animum profani vitiosque literati induci enormem quandam turpitudinem, laborem, pestem, foeditatem, horrendamque adeo *αἰσχρογνώσιαν*, ut peccator oculis animi captus, ac sensibus quasi omnibus destitutus, neque videat quicquam, neque omnino per-

percipiat, cumque veluti phreneticum aut peste infectum sani bonique omnes detestentur. Ut hinc minus mirum videri debeat, si ipsa DIVINA MAJESTAS ex infami adeo prostibulo, pudendaque vitiorum turpissimorum sentinâ singularem suam præsentiam, gratiam, donorumque eminentiam subtrahat, mox verò tartarei demones monstra illa tetra & horrida veluti in vacuum τὸν ἀενάεον, h. e. pseudo-sapientum illorū domū subintrent, teterrimâ ibi tyrannide dominantur, & miseros Musarū filios tanquā stygia quædā mancipia, iniquitatū suarum funibus constricta, in omnium abrupta vitiorum, imò extremi exitū barathrum pertrahant. Nonne ô LITERATI hæc sūt ejusmodi, quæ Vos movere debeant, ut è dirissimo tartarei hostis mancipatu ad veram piè doctorem hominum libertatem aspirare debeatis quantocys, è porcorum barâ redire ad benignissimum parentem, deque exuendâ indignissima illa servitute seria vobiscum agitare consilia. Ast dicetis forsitan profundo sepulti lethargo: *Justi sumus, non indigemus penitentia, nullâ perperam gesserum conscientia* inquit.

inquietamur. Auferat à vobis Numen benignissimum periculofam adeò principis tenebrarum catapultam! Cavete obsecro, ne detestabiles ejusmodi cogitationes vestros unquam subeant animos, planissimè potius vobis persuasum sit, *veminem* (ut scitè ait Lactantius) *tam justum esse posse, ut nunquam sit ei necessaria poenitentia.* Considerate diligentius cunctas domûs interioris semitas, cordis què vestri cubiculum ingrediamini, exploraturi quantis eo usq; involuti errorib⁹, in quâ turpia flagitia inlâiasq; fueritis abducti. *Hoc nos* (literatos) ait

Seneca

epist. 84.

Seneca, pessimus facit, quod nemo vitâ suâ respiciat, quid facturi simus cogitamus, & id raro: quid fecerimus non cogitamus; atqui consilium futuri ex praterito venit. Ne itaque Vos, ô Literati Christiani è profani cujusdam & damnificis umbrarum ethnicarum tenebris obnupti hominis judicio evadatis *pessimi*, VITAM vestram respicite accuratius, quid feceritis diligentissimè cogitate, nec generalem solum de extirpandis vitiis fovere sollicitudinem, verum peculiarem (ut antea diximus) adversus unumquodque institute luctam, donec singula proster-

sternantur penitus. Sive turpi *IMPIE-
TATIS* cœno fueritis maculati, sive *fastu* immenso excœcati, sive *inanem* sectati
gloriam, sive *Invidia* & æmulationis labe
corrupti, sive *Ambitionis* infrunitæ œstro
perciti, sive *Contentionis* immodicæ pesti-
lenti fidere afflati, sive *Maledicentia* mor-
bo occupati, sive *Avaritia* insatiabilis
pondere pressi, sive denique *noxia Curiosi-
tatis* amore deformati : tunc specialius
atque diligentius instituatis scrutinium,
atque pii cujusdam Viri monito obedien-
tes; *VITIU-M* quo maximè laboratis dili- *Entropi-
gentissimè exploretis, & adversus illud prin-
cipale arripiatis certamen, sanctoq; Chry-
sostomo auscultantes : Discatis & vitia
vestra recensere, & tempestivè corrigere, hoc
mense unum, alio aliud, ita ut subsequenter* *us Abbas
ad Petr.
Episc.
Chrysost.
Homil.* 82. *ad
pop. Ant.*
meliores efficiamini. Quoties equidem
propria mihi ad animum mala revoco, &
conscientiam perperam gestorum pono
ante oculos, quā otiosè pridem (licet Deo
in prima ætate consecratus) cum profanis
seculi mancipiis fuerim negotiosus, nihil-
quæ egerim dum perficere volui omnia,
quam inutiliter ipse ineptiverim diutius,
venatus fumos, umbrasq; sectatus, quam
F ardua

ardua tenuesque superantia vires in animo volutarim, quam turpiter sæpè à vero aberraverim scopo, atque perniciosis illis Satanæ catapultis, ELATIONE ANIMI, PHILAUTIA, INANIS GLORIÆ pariter ac infructuosæ CURIOSITATIS amore studioque, veluti gravissimis ponderibus ita fuerim depressus, ut nominis mei mensuram neutiquā adimplere, neq; erectos mentis oculos ad cœlestem AMOREM attollere potuerim, densissimis ut plurimum tenebris immerfus; Quoties inquam pristinum meum, h. e. *miseri* cuiusdam *erroris* statum memori pectore intueor, toties cura me versat atque cogitatio, non solum qua ratione vitiosis illis affectionibus *qua mentem hactenus* (ut cum Ephraemo Syro loquar) *variè distractam* tenere, atq; per animi elationem occulta mea vulnera frequenter instauravêre, sacrum indicere bellum, verum etiam in emendandis reducendisque ad salutis semitam fratribus meis operam collocare queam salutarem. Hinc est quod cunctos Literati Orbis incolas per DEI attributa, per Christi meritum, per salutem eorum sempiternam rogem atq; obtestor, ut intra

Ephram.
Syrus in
in tertio
de com-
panct.
erm.

tra se ipsos reversi, non solum cuncta vitæ præteritæ scelera detestentur atq; adversus illa deinceps fortissimè decertent, verumetiam latens illud, & ex innumeris naufragiis infame saxum (RELAPSUM intelligo) devitent, in quod graviter hætenus omnes illi impegère, qui arrepta quidem pœnitentiæ tabulâ ex priori jactura in portum enatarunt, ast nave resecta, recuperatisque mercibus, non providam satis curam justamque sollicitudinem in cavendis funestis exitiosisque vitiorum scopulis adhibuère, perpetuè tandem justo DEI judicio dati internecioni. **FILI PECCASTI ? NE ADIICI-** *Ecclesiast.*
AS ITERUM, optimè quondam monu- *cap. 21.*
 it sapiens. *Quid juvaret (ait alius) lacrymis faciem lavisse, si iterum iisdem au-*
fædioribus peccatorum sordibus ea macule-
tur ? Talem prævaricatorem literatum
 haud abs re cum Bernhardo sentinæ com- *Bernard.*
 parabimus, ex qua quantum effluit, tan- *serm. de*
 tum influit ocyus, ita ut nunquam ex- *convers.*
 hauriatur. *ad Cleric.*

603.6.71

*Qui pedis offensi lapidem vitare secundo
 Nescit, & incautos iterum vexaveris artus,
 Imputet ipse sibi, nec casibus imputes ullis.*

*Corrige delictum fidamine corrige mentem,
Suffecis peccare semel, desiste vereri.*

Ita ad lapsum Senatorem olim Cyprianus.

*Cypr. ad
Sen. laps.*

Et quia Dux in pralio (verba Gregorii M. adscribo) plus eum militem diligit, qui post fugam reversus hostem fortiter premit, quam illum qui nunquam terga praeiit, & nunquam aliquid fortiter gessit; majorq. proinde DEO & angelis latitia de uno lapsore surgente ad bonam frugem quam de multis molliter se gerentibus, licet nunquam collapsis; hinc quilibet literatorum facile intelligit, gaudium à Deo & angelis de regressu ad bonam vitam receptum, protinus per lapsum disperdi, inque dulcissimum coelestis mensæ cibum immitti plusquam absinthialem amaritudinem, Noli (ait os

Chrysost. de laps. primi hominis.

aureum) peccare post veniam, noli vulnerari post curam, noli sordidari post gratiam. Cogita ô homo (literate) gravem culpam esse post veniam; renovatum vulnus peius dolere post curam, molestius hominem sordidari post gratiam. Et paulò post: Grave est hominem instructum delinquere; gravius absolutum peccare; seruo peior est qui patronum post datam libertatem offendit. Quod si auream hanc sed plumbo graviolem sententiam ad animum VOBIS Ô LITERATA pectora seriò revocaveritis, causâ discetis palmarum-

mariam, cur gravior ipso lapsu sit *Relapsus*, si lapsum priorem excuset naturæ vestræ imbecillitas, relapsus isque frequentior argumento est malum altissimas in cordibus vestris egisse radices, atque de recuperanda sanitate tantum non penitus esse conclamatum. *Jam quidem* [ita præclare Tertullianus, in quinto libri de poenitentia capite, teterrimum literati relapsus *Tertull.* statum delineaturus scribit,] *nullum i. l. de poe-*
gnorantiae prætextum tibi patrocinator, quod Domi. nit. c. 5.
no agnito, præceptiq; ejus admissis, deniq; poeniten-
tia delictorum functus, rursus Te in delicta restituen-
is. Ita in quantum ignorantia segregaris, in tantum contumacia adglutinaris: Nam si idcirco Te deliquisse poenituerat, quia Dominum cœperas timere, cur quod metui gratia gessisti, rescindere maluisti, nisi quia metui desisti? Neq; enim timorem alia res quam contumacia subvertit. - - Ceterum non leviter in Dominum peccat, qui cum amulo ejus diabolo poenitentiam renuntiasset, & hoc nomine illum Domino subiecisset, rursus eundem regressu suo erigit, & exultationem ejus se ipsum facit, ut denuò malum recuperata prada sua adversus Dominum gaudeat. Nonne, quod dicere quoque periculosum est, sed ad edificationem preferendum est, diabolum Domino præponit, comparationem enim videtur egisse, qui utrumq; cognoverit, & judicato pronuntiasset eum meliorem, cujus se rursus esse malioris, - - eritq; tanto magis exosus D&O, quanto amulo ejus acceptus. Quandoquidem verò magna incolumitatis pars, nosse recidivorum sa-
 dices,

dices, ut fibris excisis malum penitus excindatur, duas VOBIS, ô MEI, relapsuum causas amplius dabo expendendas : Una est DÆMONIS IN IMPUGNANDIS CONVERSIS (præsertim Literatis) IMPORTUNITAS ; cum enim probè sciat ex relapsione rursus se suo jure ac dominio in hominem potiri, magisque difficilem inde fugam reddi & exitum, nihil magis nequissimus ille humani generis adversarius molitur, quam ut stantes Viros eruditos rursus dejiciat, inque abominandam suam retrahat potestatem. *Tunc scilicet* (ut præclare Isidorus Hispalensis) *magis gravari nos impulsu vitiorum agnoscimus, dum ad DEI propius accedimus cognitionem, sicuti populus Israëliticus graviore onere ab Ægyptiis premebatur dum per Mo-*
sen à dura servitutis jugo esset liberandus. VITIA enim ante conversionem quasi pacem in homine habent, quando autem expelluntur acriore consurgunt virtute, ac sicuti conversionem præcedit turba peccatorum, ita eam sequitur *TURBA TENTATIONUM.* Dormiendum igitur vobis ô LITERATI non est, neque otiaandum, arma (ut antea monui) tenenda in manu, excitandus contra tentationum hujusmodi diabolicarum machinas animus, fortiterq; & constanter obfistendum, ut consistatis in gradu, nec dejiciamini, imò victores tandem aliquando evadatis. E sua machina Vos pugnantes DEUS ipse contemplantur, juvabit ut potentissimos pariter ac callidissimos hostes vincatis, variarum calamitatum

Isidor.
in lib. de
conversis
cap. 3.
 NB.

tatum mole pressis vitam ac vires tribuet ejus gloriæ propagandæ sufficientes, multosque ad justitiam erudiantibus sempiternæ gloriæ coronam aliquando imponet.

XV. Verum ab inæstimabilis hujus felicitatis fastigio Vos [ni præcaveritis sollicitè] deturbare conabitur altera illa [quam indigetavi] relapsionum causa, INOLITA nimirum VITIORUM CONSVETUDO, habitusq; crebris actionibus perversis acquisitus, qui cum uno alterove virtutis actu non statim expellatur, præsertim si diuturnitate & frequentia fuerit corroboratus; hinc tanto majori curâ studioq; VOBIS al- laborandum, ut vitiorum memoratorum pestes eradicentur potius, quam superficie tenus duntaxat eradantur. *Excisam*, (notanter ait Bernardus.) *non extirpatam arborem in sylvam Bern. pullulare videas densiorem; quod periculum si ve. Serm. lis declinare securim imponas necesse est ad RADI. de assum. CES arboris, non ramos.* Ne igitur noxiæ af- B. M. V. fectionum vestrarum arbores herbæq; mox repullulent, magisq; luxurient, radices etiam penitissimæq; fibræ [quantum fieri poterit] sunt evellendæ, atq; ni retrahi velitis in dirissimam illam peccati servitutem, invigilandum apprimè, atq; pro virili insudandum erit passionum inclinationumq; perversarum dominio, contendendumq; sollicitè, ut vitiorum *consuetudines* per frequentiores virtutum contrariorum actus è medio tollantur. *Secus si agatis* [appositè non minus quam præclare ait Dorotheus]

*Dorothe.
Serm. X.
P. 139.*

us] & studio professionis vestre non ritè incumbatis, non modo nullum impetrabitis fructum, verum etiam inconsideratè vestram finietis vitam, tempusque frustra consumetis. huc atq; illuc omni vento circum-

aeti. Auferat Deus à VOBIS ò præclara Orbis eruditi ornamenta mentes impuras infectasque siti gloriæ, amore proprio, odio proximi, atq; execrabili studio pecuniarum contaminatas, omnem contentionis, maledicentiæ, vindictæq; privatæ in vobis exterminet appetitum, deniq; prohibeat quo minus tempus negotiis supervacaneis impendatis, quæ utut semper turpia non sint, certè hoc ipso perniciofa existunt, quod à curis Vos avocent magis necessariis, indecora autem, quod personis nobiliori ministerio consecratis, neutiquam convenient. Etiam atq; etiam Vos cunctos ò literati [Magno

*Jo.
Chrys.
Hom. 77.
ad pop.
Ant.*

Chrysostomo præunte] rogo atq; obtestor, ne quisq; DEFECTUM à quo vexari senoverit, ex anima pracidere studeat, & PIA quâdam cogitatione, quasi spiritali utens gladio VITIA cuncta præscindat. Igitur faciatis Vos similiter, & vivetis. Atq; hic erit unicus cujuscunq; mei in scribendo, vestri in legendo laboris fructus, quem ut utrinq; decerpamus, inq; sinceræ pietatis semita magis magisq; procedendo, tandem aliquando ad veræ sempiternæq; felicitatis metam pertingamus, TER-Maximum Numen pro bonitate sua inenarrabili clementissimè


largiatur!



COM-



COMMENTATIO I.
DE
 LITERATORUM
 QUORUNDAM IMPIE-
 TATE
SEU
 ATHEISMO.
 I.

mnium scaturigo VITIO-
 RUM, omnium matrix cala-
 mitatum, quæ cataclysmi in-
 star Orbem LITERATUM ha-
 stenus inundarunt, atq; vhe-
 mentiori quodam impetu
 sunt adortæ, IMPIETAS est, DEUM aut pa-
 lam nesciens, ac omninò nullum putans, aut
 rerum humanarum negligentem, eaque pro-
 pter insano planè ausu sinceræ pietatis aram
 G cal-

calcibus petens, atque execrandas mortalium etiam doctissimis de omnium religionum vanitate ac falsitate suggerens cogitationes, nec rarò Viros literarum studiis insignes pro impudentia sua sollicitans, ut personatos agant hypocritas, specieque & forma pietatis externâ contenti, *μόρφωσι* duntaxat (ut Apostolus loquitur) habeant *τῆς εὐσεβείας*, verbi divini respuant magisterium, nec unquam in spiritu vivere cogitent, denique eò impietatis prolabantur, ut Deum apertè negare abjurareq; inducant in animum. Et licet usus obtinuerit, ut nefarii solum Creatoris Conditorisque Maximi contemptores vocentur IMPII, liquidò tamen apertèque satis constat, non contemptu solum & abnegatione SS. Numinis Literatos quosdam enormem suam prodere impietatem, sed modis insuper multivariis pravi erga DEUM ejusque cultum adfectûs detestanda dare documenta: vel admirandam ejus impetentes providentiam, siquidem in eruditorum etiam cœtu:

Sunt qui in fortuna jam casibus omnia ponunt,

Et nullo credunt mundum rectore moveri;

Vel DEUM in curandis rebus humanis negligentia, imò injustitiæ & crudelitatis arguentes, vel Nomen ejus Sacrosanctum dehonestantes, profanè satis scepticeque de rebus divinis differentes, prava ubiq; & impia disseminantes dogmata, irridentes etiam contemnentes, ac blasphem-

blasphemantes supremam Majestatem , vel
tentantes impiè ; cultum Deo debitum creatu-
ris, ipsisque dæmonibus exhibentes, nec ut de-
cet DEUM verum investigantes, nimis autem
curiosè arcana cœlestia perscrutantes, judicia
DEI impudenter reprehendentes, cum ipso
Numine temerè interdum contendentes & di-
sputantes ; quoties res adversæ dubiæque ani-
mos ipsorum pulsan, Dominum non requi-
rentes, nec ipsi ex animo confidentes, peccatis
verò suis iratum nunquam placare laborantes ;
veros Dei pietatisque cultores plusquam vati-
niano prosequentes odio, nulloque non in-
juriarum genere afficientes Viros innocentis-
simos ; cæterum parcè admodum orantes, Deo-
que frigidè satis supplicantes, (sicuti Maxi-
mus Tyrius olim contendit nullatenus DE-
UM colendum esse precibus, quoniam sive
orans sit malus, exauditurus DEUS non sit ; si-
ve bonus, DEUS illi etiam non oranti neces-
saria cuncta sit largiturus) publicum quoque
privatumque Dei negligentes cultum, adeoque
grates illi malè agentes, dona beneficiaque cœle-
stia propriæ industriæ, ingenio, studioque in-
defesso attribuentes, denique verbo DEI reve-
lato minimè obtemperantes, sed suo duntaxat
viventes arbitrio. Prolixum equidem foret
arduumque nimis universum hoc impietatis
pseudo-literariæ excutere seminarium, quod-
que miseros adeò facit eruditorum plurimos,

*Max.
Tyrius
diff. 1.*

92. COMMENT. I. DE LITER. QUORUND. IMP.
cunctis suis coloribus depingere IMPIETA-
TIS scelus. Posthabitis itaque cæteris τῆς ἀ-
σεβείας pudendæ criteriis, præcipuè nunc i-
psam ex Orbe Literato propullulantem inq̃;
verè INFELICES quosdam literatos gras-
santem ATHEISMUM considerabimus, sum-
mè detestandam illam studiorum elegantio-
rum pestem, genimen istud viperarum infer-
narium, atque literati Orbis probrum execra-
bile in perpetuum [si fieri possit] relegaturi,
virosque eruditos spissis adeò tenebris
aliquandiu detentos ad clarissimam veritatis
optatæque felicitatis lucem cœlesti ope revo-
caturi.

II. Non abs re impurissimam illam
ἀθεότητ^ς sectam, cui nimio plures etiam lite-
rati huc usque nomen dedere, Vir quidam e-
gregius novissimum Cacodæmonis fœtum
nuncupavit, qui laboret summoperè, ut in po-
lytheismini gentilis locum ATHEISMUS, Nu-
mini haud minus injuriosus, substituatur. Non
ego fulmen reformido Jovis, nec Jovem fate-
or esse præstantiorem me DEUM, ajebat quon-
dam Cyclops immanis, cui perquam similes il-
li sunt literati, qui patefactæ tot illustribus do-
cumentis veritati pertinacissimè renituntur,
atque cum insipientibus cæteris detestandum
illud axioma chartis inscribunt & infigunt
cordibus: NON EST DEUS. Equis Phi-
lotheus toto non contremisceret pectore, si in
Orbe

Orbe etiam Christiano - literato talia hominum monstra talesque reperiri intelligat doctores maleferiatos, qui omni religione ac pietate conculcata, SS. Numinis ejusque verbi [lucis æternæ veritatis] splendorem detestandis suis sarcasmis extinguere laborent, haudquaquam suum dissimulantes virus, sed dictis pariter ac scriptis perniciosissimis ubique illud effundentes, religionem externè interdum colentes, sed nullam habentes, DEI nomen in ore, in corde nunquam circumferentes, inque concepta opinione sua nefaria plus momenti ponentes, quam in DEI monitis, Christi que præceptis aut pollicitis. De Sabinis olim familiariter dicebatur: *Somniant quod volunt*; id locum magis habere videtur in omni genere literatorum atheorum, quippe qui DEUM non esse somnient, cum animos ab omni ejus reverentia cultuque protinus habeant alienos, haudquaquam reformidantes retro omnium seculorum & sapientum consensum. Refugerem equidem efferre tantum ævi nostri. Orbisque eruditi probrum, nisi vel me silente satis abundè constaret, in ea nos incidisse tempora, quibus profanè-doctorum aliqui eandem cum insipientibus illis à Vate regio notatis inflare tibiam summo opere contenderunt. *ps. XIV. v. I.*

Quantumvis enim pluribus persvasum sit, eorum qui DEUM hucusque negarunt, vel pestilentissimæ Atheorum sectæ nomen dedè-

G 3

runt,

runt ex *VIRIS* eruditis vel nullos esse, vel paucissimos, hominum portenta potius quam homines, nullaque intelligendi dijudicandique facultate præditos; attamen eo (eheu!) nos vivere ævo, quo plus quàm Cyclopica & barbarica cogitata animos eruditorum quorundā subeant, variæ Theologorum aliorumq; piorum ac cordatorum virorum clamant querelæ, *nimirum quod* (dicente nonnemine,) *complures etiam ex eruditorum sint cœtu, qui animo negent divinitatem, non tamen ita passim sint noti, siquidem legum metu premant hoc suum mysterium, nec evulgare id audeant nisi apud familiares.* Et cum piè-literatorum alius pronunciare non dubitaverit, hodiè nullam sectam, nullam religionem esse, locorum amplitudine vel Regionum & provinciarum diversitate secta à *ἑσθη* numerosiorem; imò Mario Merfennenno tradente, vix quisquam apud Gallos sit, qui non fateatur, nefandum illum errorem urbes plerasque ita inficere, ut jam atheismo familiaria plurimorum colloquia scateant, & seriæ multorum maleferiatorum cogitationes in RATIONIBUS INVESTIGANDIS impendantur, quibus DEUM ex mente hominum & è medio tollant, ex consequenti atheismum plenis velis introducant; vix ullus dubio locus est, quin passim eruditorum etiam hominum plurimi eâ labe infecti, atræque istius loliginis succo tincti polluti que inveniantur. Si Athei
appel-

Mar.
Merfennen-
nus
Comm.
in cap. 1.
Gen. f.
233.

appellatio accipiat pro eo, qui nullam religionem externè in alicujus Ecclesiæ communi-
one profitetur, non exiguus sanè ejusmodi a-
theorū in Orbe erudito numerus invenietur; si
quis verò eos hoc notet stigmatè, qui in nego-
tio religionis velificantur, talibus quoque So-
cietas literaria destituetur minimè. Pudenda
etiam vitæ morumque inter literatos corrup-
tio (quam toto hoc incusavimus opere,) lu-
culentum malī istius magis magisque invale-
scentis facit indicium. *Latus certè pestis hæc* Conf. E-
serpsit (ita ad me olim scripsit insignis pist. de
Theolog⁹ D. P. I. S. alibi etiam eo nomine Eradic.
laudatus) *quam quisquam cogitare posset, &* Atheis.
vereor ne brevi tempore aliquam in Germa- p. 5.
nia nostra quod hoc scelus attinet videamus
Italiam vel Galliam, quam multi enim ex il-
lis peregrinis terris (forsitan ex habito fa-
miliari cum eruditis variis colloquio) ni-
hil præter hoc unum adferunt, de quo sibi inti-
me gratulantur, felices si omnino nihil repor-
taissent futuri. Intercessit mihi non cum u-
no multa familiaritas & consuetudo, & hor-
ret sæpè animus repetere quæ ab illis nefanda
audita; usq; adeò ut mirarentur, aliquos E-
MUNCTIORIS nasci esse, qui non arcano in
pectore idem ipsiscum statuunt, sed sibi certò
per-

*persuadeant quæ religionis, imprimis Christiana sunt. Unus aliquando eò audacia procedebat, ut de Augustino aliisque qui inter Patres paulò doctiores & prudentiores fuissent, imò de plerisque in V. T. apud Judæos Heroibus, quorum etiam sacra scripta nunc veneramur, dubitare nollet in eodem fuisse censu, quaque voce & calamo pro religione egerint, ex necessitate personæ egisse. Nonne stant comæ cum hac audimus, vel dicimus relata? Quis itaque inficias ire auderet, maximum in erudito etiam Orbe atheorum esse numerum, nosque in ea incidisse tempora, in quibus infatuati quidam sapientes omnem pro ludibrio habent religionem, ac neminem pro Viro verè docto, qui atheista non sit, habendum esse existimant. Ades mens, (ita haud abs re cum Viro quodam egregio quilibet piè-doctorum dicat,) *stile manus, exsurgite & incalcescite ad illum asserendum, qui vos fecit, direxit, movit! Nam mihi quidem, quæ, non dicam amicitia sed usus vel notitia cum illo sit, qui à communi societate & sensu hominum se abjunxit.* Si Tertullianus inter Ponti Euxini barbaros sedesque eorum incertas, nihil tam barbarum ac triste reperit, quam quod ibi Marcion natus esset, qui duos Deos adserēbat tanquam duas naufragii sui symplegadas; quid obsecro de illis dicemus eruditi Orbis carcinomatibus, qui non Deorum*

rum pluralitatem non binarium invehunt, sed omnem abnegant divinitatem, omnem divini Numinis cultum & reverentiam abjiciunt, inque disseminandis istis zizaniis unice occupantur.

III. Non equidem inficias ire conabor, plurimos ex Eruditorum Virorum cœtu injustè & immeritò isthoc extremæ impietatis sive atheismi stigmatè fuisse notatos, atque nonnisi malevolorum nequitia infami Theomachorum albo insertos. Nolim tale quid de Erasmo Roterodamo suspicari, aut Lucianismi eum cum quibusdam accusare temerariis. Aliud sanè in illo fuit religionis, lectionis sacræ & rerum divinarum studium, & quamvis judicio nonnullorum fuerit quandoque in negotio religionis nimis politicus, inque doctrinâ de Trinitate scepticus, inde tamen nemo evincet, illum àtheis ipsis esse accensendum, aut infami Luciani cujusdam recentioris nomine traducendum, quo etiam probro anonymus quidam Censor Philippū Melanchtonem, ipsumq; Jac. A. Thuanum præter omnem veri speciem infamavit. Ac licet aliqui eruditorum atheismi propterea fuerint participes, quod causam pietatis perperam agendo atheismum imprudentes promoverint, ideo tamen atrocissimi illius criminis peragere reos, nimis inhumanum, nimis rigidum, imò extremæ temeritatis opus haud abs re videretur. Non exi-

Conf. Epist. de rad. ath. p. 14.

Author anonym. animad. vers in Hister. Thuan. c. 11. p. 4.

gulus forsitan inter doctos est numerus *lento-*
rum, qui substitutis immotæ veritatis fulcris
erigendi potius, quam veluti putida ac emor-
tua membra statim refecandi. Multa multa
sunt, quæ in excellentis doctrinæ hominibus
sanos de religione sensus corrumpere solent,
cum vero valdè simile sit, eos qui frequenter
gentilium libros volvunt, colorem quempiam
trahere profanitatis, à quo nescio annon ipse
sibi aliquando metuerit Hieronymus, dum nar-
rat se pro tribunali divino in somnis vapulasse,
quod Ciceronianus magis quam Christianus
esset. Et cum Doctorum Ecclesiasticorum tam
veterum quam recentiorum scripta comparan-
ti mirabilis occurrat dogmatum dissensio, &
variæ hinc suboriantur dubitationes, fieri faci-
lè potest, ut literatus solida veritatis cogniti-
one destitutus, suisque actus cupiditatibus in
ea incidat, quæ fidem ejus labefactare, & peri-
culosum quendam *γογγυσμὸν καὶ διαλογισ-*
μὸν *murmurationem & disceptationem* con-
citare queant, neque propterea tamen atheis-
mi accusarem tales omnigenæ eruditionis su-
pellectile instructissimos Viros. Is in scriptu-
ris *ἐμπαίκτης* nuncupatur, h. e. irrisor seu a-
theus, qui omnem revelatam veritatem, redar-
gutionem pariter ac demonstrationem eludere
flocci quæ facere non dubitat, & putidos quos-
que fucos infrunitæ suæ substernit libidini, ab-
surdis insuper suis philosophematis ita sæpè
indul-

Indulget, ut tantum non omnia scepticis Lucianistisque concedendo in profundissimum atheismi barathrum ipse tandem prolabatur. Optandum equidem foret, ut in censum hunc nemo ex ordine literatorum esset referendus, utque perniciosa ista exitiosaque labe caruissent cuncta doctrinæ abstrusioris sacraria! Fuere equidem multi stupendæ eruditionis Viri ipsis professionis fideique suæ sociis non præter rem atheismi nomine suspecti, quod conquistæ doctrinæ multivarix opes ad stabiliendam desperatam τῶν ἀθεῶν causam duxerint adhibendas. Quemadmodum de Cæsare Cremonino non ignobili Philosopho Patavino disertè Jo. Imperialis in Museo suo historico enun- *Jo. Im-*
ciavit, *cum deteriores & reprobatores de re- per. Mus.*
bus physicis sensus acrius defendisse, quam Hist. p.
orthodoxa fidei alumno liceret, divinos ni- 174.
mirum hominum spiritus cum brutis commu-
nes fecisse, corruptionique obnoxios reddidis-
se vesano rationis ausu. Nec Cremoninum solum, verum etiam Jacobum Zabarellam impensius impugnasse animæ immortalitatem, ac simul haud obscura latentis atheismi documenta dedisse, idem Imperialis est contestatus. *Idem l.*
cit. p. 117.
Quæ de Angelo Politiano, Hermolao Barbaro, Hieronymo Cardano, aliisque literatoribus atque poëtis vulgò perhibentur, talia equidem sunt, quæ Lucianismi eos vel Epicureismi

suspectos reddere queant, convincere verò minime. De Angelo Politiano quidem Jo. Pier. Valerianus scribit, exitum ei obtigisse professione illa execrabili longè dignissimum, cum

Jo. Pier. l. b. II. de infel. l. p. 137. *sub vita finem in tantam inciderit agritudinem, ut in multis & variis molestiis cogitationibusq; consolationem nullam admittere voluerit, atque ita demum dolore intestit-*

aque confectus expiravit, quodque illi longè fuit infelicius, quidam mortis etiam voluntaria causam universo terrarum Orbi magnam ejus infamia propalaverunt.

Tantum verò abest ut casu hoc Politiani cautiores melioresque facti sint literatorum alii, ut potius (dicente Theophilo Raynaudo)

Theophil. Rayn. in limine Theol. nat. *ut a natura repugnarent, ut passi sint sibi ex animo exculpi etiam quam illa mentibus nostris impressit Dei cognitionem, quod scelus aetate sua duo flammis expiarint in duabus præcipuis Galliae urbibus; nimirum Godofredus à Valle, libri nefandi de arte nihil credendi author, Parisiis combustus, & Julius Cæsar Vaninus, scelestus ille atheismi Apostolus, Tolosæ anno avi currentis decimo nono ad flammam damnatus. Quis hujus farinae homines literatos, omnium INFELICISSIMOS nuncupare dubitaret, quippe qui nobilissimas ingenii sui doctrinæque haud vulgaris copias ad fidei ac religionis excidium*
scele-

sceleratissimè adhibere, atque SS. Numini (no-
 vorum Gigantum instar) bellum indicere non
 sunt veriti, cum primis infamis ille Vaninus, qui *Confer.*
 aliquamdiu virus suum ita texit, ut nova quâ- *Scrutin.*
 dam methodo atheorum præ se tulerit convi- *nostr. p.*
 ctionem. Magno siquidem in speciem moli- *19. seqq.*
 mine, libroque peculiari, quem *Amphi-hea- Amphi-*
trum vocavit æternæ providentiæ divino-*mag. cum,* theatrū
 providentiam divinam adversus Philosophos *boc vani-*
 veteres, Epicureos cum primis, Peripateticos & *si pro-*
 Stoicos defendere instituit, revera tamen ubi- *diit Lug-*
 que turpiter destituit, atque prostituit, id a- *duni*
 gens sollicitè, ut incautiores, [si videât tantum *101 f.*

Atlantem tam raris atque tam novis ex Philo-
 sophiâ pariter ac Theologia machinis adhibi-
 tis, argumentorum ab atheis confictorum mo-
 menta & pondera sustinere non potuisse] in
 scepticismum imò ipsum atheismum sponte sua
 prolabantur. Hoc scil. novissimum illud est
τὸ μωριότατον inventum, quod Vaninum in-
 felicissimum tantoperè obfascinavit, ut ad ex-
 tremum usque vitæ suæ terminum scelestam
 propugnare sententiam, atque de DEO pro lu-
 bitu suo statuendi libertatem postulare non de-
 siderit. Cumque more solito imponeretur illi,
 ut à DEO, Rege, & justitia veniam postularet,
 negavit se id facturum; non à DEO, quan-
 doquidem eum esse certum non esset, nec ipse
 crederet, non à Rege, quod nihil in eum pec-
 casset, non à justitia sive iudicibus, quod nec in

eos deliquisset, si diaboli essent in inferno, ut quidem hoc credi & dici soleat, se devoturum iudices, ut ab illis auferantur. Alii perhibent scelestum illum dixisse, se potius deprecaturum ut vindicaret, sed quia certum non esset DEUM & diabolos esse, ideo nec veniam à DEO & iudicibus petiturum, neque vindictam imploraturum. Memorabilis etiam extat de hoc Vanini supplicio relatio B. Grammondi

B. Gram. celebris Gallorum historici in h. m. *Erat illi*
lib. 3. Hi- in extremis aspectus ferox & horridus, in-
stor. pag. quæta mens, anxium quodcunque loquebatur,
210. & quanquam philosophicè mori se clamabat
 identidem, finisse ut brutum nemo negave-
 rit. Antequam rogo subderetur ignis, jus-
 susque sacrilegam linguam cultro submitte-
 re, negat, neque exerit, nisi forcipum vi
 apprehensam carnifex ferro abscindit. Non
 alias vociferatio horridior, diceret mugire i-
 etum bovem. Reliqua absumsit ignis, in aë-
 rem sparsi cineres. Hic Vanini finis, cui
 quanta fuerit constantia probat belluinus in
 morte clamor. Vidi ego in custodia, vidi in
 patibulo, videram antequam subiret vincula.
 Flagitiosus in libertate, & voluptatum se-
 ctator avidus, in carcere Catholicus, in ex-
 tremis omni philosophia præsidio destitutus,
 amens

*amens moritur, Vivens arcana natura se-
 Etabatur, Medicumque sapiebat magis quam
 Theologum, quanquam pro Theologo audiri a-
 mabat. Capta cum ipso supellex omnis, in-
 ventusque inclusus vase crystallino immanis
 inter aquas bufo. Obicientibus veneficium,
 respondit ex vivo bufone postquam ad ignem
 liquatus fuerit, malo remedium esse etiam
 lethali. In carcere sacramentis frequenter
 utebatur, dissimulans astute conscientiam, u-
 bi videt ereptam spem vitæ, larvam exuit,
 qualisque vixerat, moritur. Et cum infamis
 hic atheorum literatorum aquila Vaninus an-
 tequam Tolosæ vivicumburio esset è medio
 sublatus, publicè fassus sit, Neapoli tredecim
 emissos, qui venenum hoc per omnem Euro-
 pam spargerent, sibi autem designatione certa
 Lutetiam contigisse, ubi strenuè execrabili i-
 sto functus sit munere; mirum adeò non est,
 quod ab eo tempore ejusmodi nebulonum so-
 cietas in immensum excreverit numerum, sola-
 que Lutetia Mersenno teste circa annum xvi
 hujus tertium & vigesimum plusquam quin-
 quaginta τῶν αἰσίων millia comprehenderit,
 inque unica domo sæpè duodecim reperti sint
 istam vomentes impietatem. Ne quis suspi-
 cet me injuria conqueri, vel paucos vel nullos Mersen-
 esse qui DEUM negent, scias velim non so-*

in Genes.
p. 671.

lum in Gallia, sed etiam in aliis regnis tantam esse nefandorum atheorum multitudinem, ut jure mirari possimus, quomodo DEUS eos vivere sinat, quippe qui bonitatem infinitam in eis ad resipiscentiam expectandis effundit. Quis verò tantam atheorum turbam

Conf. e-
jud.

Mer-
senni

præfat.
oper. ad

Johanne
Franc.

de Gon-
dy Ar-

ch-Epi-
scop. Pa-

ris.
Idem

Merfin
præfat.

ad lecto-
rem.

Idem l. c
p. 1830.

Petrus
Firmia-

nus in
Genio

Seculi,

hominibus literatis credat fuisse destitutam, præsertim cum eodē Mersenno teste non pauci insanis interrogationibus & spiculis tartareis à Cacodæmone fabricatis fideles sapē hunc in modum sint aggressi: UBI EST DEUS TUUS? Cur alium tibi fingis præter rationem? An Numen aliquod abest, si sit prudentia? Nunquid omnis cultus ideò fictus est, ut populus in officio contineatur? &c. Quinam alii quam eruditi, qui eodem authore tradente, nullum credunt verè DOCTUM, qui non sit ATHEISTA? Nec leviter hætenus literis tincti fuere illi Gallorum DEISTÆ, qui Deum absque justitia fingunt atque providentia, & omnia quæ Sacra profanaque pagina de illo referunt, fabulis accensenda pronunciant. Magis verò horrenda ea sunt, quæ non obscurus adeo ævi hujus scriptor Petrus Firmianus, de nefario quodam literatorum atheorum gymnasio à multis intempesta nocte Lutetiæ olim frequentato prodidit, quæ cum non usque adeò trita sint aut vulgaria, nec parum lucis huic de Literatorum Atheismo conciliare Com-
men-

mentationi videantur, ideò cum pluribus denuò ea duxi communicanda:

Ignota (*scribis ille*) vobis loquar. Etiam impiæ fortitudinis (*h. e. nequitie atheistica*) schola fuit. Urbem quæritis? Ea est, cui nomen seu à luto (*Lutet. Paris.*) seu à luce rectissime impositum, nihil enim illa præclarius, si fortunarum, si munerum, si ædificiorum dignitatem spectes, nihil si vias ipsas lutulentius. *Et post alia*: Hæc loci dispositio erat; in amplissimo cubiculo exilis lucerna noctem ita amovebat, ut non tota abscederet, lunam esse putares, orbe imperfecto vix inter densissimas nubes pallida cornua proferentem, nec viatoribus ita consulentem maligna luce, ut securè possint iter capere. In cubiculo adesse non paucos, plus ex vestigiis se prementibus, quam ex aspectu aut vario vocum tenore tremens tyro agnovit. In loci ambitu cathedræ plures (inter quas una remotior,) tacentes exceperunt, ipse qui novus accedebat, amico monstrante in una sellarum acquievit, mox ille qui locuturus secesserat, ubi nulla exigui lumi-

nis posset timeri proditio, de DEO & providentia ita differere cœpit, ut non sine pietatis sensu audiretur ab eo, quem ceteri mox suum fore præmaturo gaudio existimabant. Media pars horæ in iis, quæ de DEO, de animarum immortalitate, de judicio futuro credimus, ferè consumpta est, nec argumentis, quibus religio firmaretur deerat illa quæ affectus movet orationis vehementia, ut nihil eorum quæ pietatem quoquo modo mentibus humanis infundant, sincerus homo, causam ipsius agens de industria omisisse videretur. Posthæc admirationi datus est locus, dictumque submurmurantibus suffragiis: Quicquid veteres Patres, quicquid omnis Theologorum chorus in hoc argumentum solidioris doctrinæ adducerent, illo sermone comprehendere. Reddito silentio, vox eadem audita est, majora se verioraque habere professa, quæ de religione diceret, à commiseratione impius sermo incepit, pessimum servitutis genus illud esse, quo animus humanus cogeretur incredibilia credere, & quæ sentienda essent de DEO ita accipere à maioribus,

ribus, ut nefas esset simplicissimæ ætatis pietatem vel leviter nimix credulitatis insimulare. Ita quemlibet hominem nasci, ut jus ad rationem habeat, nec fidei leges justè nobis imponi ab eis, qui ideò solum sapientiores existimantur, quia priores nati sunt. Plura dixit in gratiam libertatis; Inde ad argumenta illa ventum est, quibus oppugnatam religionem adversus impios tuemur, quæ ut dissolveret callidus homo, primum ratiunculis usus, quarum tota vis in gratia verborum & eloquentiæ imagine, sensim venit ad illas argutias quibus olim Christiana religio apud dicaces infideles scurriliter traducebatur. Nihil nobis reverendum, nihil sanctum, quod non luderet urbanus Evangelii obtrectator, impietatem ideò salibus condiens, ut venenum cujus horror esse posset si solum, voluptatis societate ad gustum accedens sumeretur fidentius. Sic exhilaratis animis, ita postea differuit de Christo, ut ipse Julianus Apostata desertionis suæ crimen diluens, & Lucianus in DEUM facetiis ac ox impietate vincerentur. Interea per vices au-
dito-

108 COMMENR. I. DE LITER. QUORUND. IMP.
ditorum risu incitabatur scenica Viri eloquentia, laudem ex sacrilegio captans, & quam placeret cachinnatione indicans semper in progressu impudentior. Finito sermone, qui propiores novitio homini fuerant, blandè petierunt, quid sibi de doctrina ista videretur? Sed anxie, nec ad expectationem satis respondebat, integre adhuc conscientie minis prohibitus ne tantæ impietati suffragaretur. Laudavit tamen Viri in dicendo copiam, seq; dixit amico multum debere, qui viam sibi præiisset ad honestissimorum (*scilicet*) Virorum congressum & stupendæ eruditionis arcana. Non placuit perplexa laudatio verbis ea arte dispensatis, ut ne scires eamne doctrinam monstrum diceret an miraculum? Frigidius ergò noctivagi abierunt quam venerant, nec Magistri facta est epiphania, qui non nisi credentibus suum vultum exhibere solitus erat, ut & apud illum visio esset fidei merces. Hæc mihi ab eo relata sunt, qui nocturnæ concioni interfuit, ita feliciter mixtus nequissim¹ Viris, ut deinceps religiosior esset, impietatis enim atrocitate commo-
tus

tus & ex periculo prudentissimus effectus, ne nomen quidem Virorum fortium sine stomacho audiebat. Nuper Vir religiosus nomine Nikon, unum ex istis obvium habuit in itinere, qui ex veste Deo sacrum agnoscens, admotis equo calcari-
bus, ut velociori cursu ad eum pergeret, mox ut potuit audiri; Et heus Tu religi-
ose inquit: mene nosti? Cum ille negas-
set; Ego retulit homo Arrebatius vocor,
ea vi mentis famosus, quam vos impieta-
tem appellatis, & vos miseri, qui futu-
ram vitam expectantes, præsentem da-
mnatis, & à DEO, qui (*proh-scelus!*)
NUSQUAM EST, mercedem laborum
præstolamini. Nonne stant comæ, cum
hæc Petro Firmiano perhibente audimus, vel
dicimus relata? Toti profecto exhorrescimus,
cum infrunitam adeò infelicissimorum illorum
literatorum, vel tenebrionum potius Gallica-
norum audaciam imò insaniam nobis revoca-
mus ad animum, præsertim quod detestandis
assertionibus quasdam illi subicere rationes,
aut fucos potius fumosque addere non dubita-
verint.

IV. Neque verò Galliam solum, urbem-
que Parisiorum tot nefariis scatere tenebrioni-
bus, sed ubivis locorum innumera seculi hujus
man-

mancipia (literarum etiam artiumque studiis imbuta) reperiri , dubitare nos neutiquam sinunt frequentissima Theologorum & Concionatorum diversarum partium Nationumque memorabiles querelæ. ITALORUM cum-

*Petr.
Matth.
lib. VII.
narrat.
2. § 8.
in Hist.
Henr.
IV.*

*suis tantum placitis fidem habentia, animam-
que humanam tantum pro salis grano vendi-
tantia, quod corpus à corruptione tutum ser-
vet, atque in hoc unice incumbentia ne homi-*

nes videri queant, quidam non infimi sub-
sellii scriptor est contestatus. Nec facile quis-
piam ibit inficias, renascentibus in Italia bo-
nis literis, antiqua quoque Lucianica, Epicu-
rea, Horatiana &c. recocta, exulta, adaucta-
que fuisse, quemadmodum resuscitata philo-
sophia græcâ nec non Medicinâ & Matthesi,
nonnulli earum disciplinarum professores unâ
cum illis atheismos suos priscæ aûthoritatis
prætextu propinarunt, ut pro in eâ ipsâ de cau-
sâ in Italia olim tot tractatibus pro vindicandâ
animæ immortalitate fuerit decertandum, imò

*Concil.
Later.
Sess. IIX.
die 19.
Septem.
1513,
hab.*

*peculiare in Concilio Lateranensi Leone X.
præsidi faciendum decretum, quo reprobantur
omnes, animam intellectivam mortalem esse asse-
rentes, aut unicam in cunctis hominibus, & hac in
dubiū vocantes &c.* ex quo clarissimè colligitur,
pudendum illum, ipsique atheismo sociatum
de mortalitate animæ errorem nullibi vulgati-

orem quam inter Literatos ac Professores Italos à longo annorum decurso tempore fuisse. Si somniis, non quidem stultorum sed sapientum, quæ laudatus modo Firmianus multo cum sale finxit fides est adhibenda, ita se à Flavio quodam de pietate fugitivà agens informari passus est : *In his habes Italica pietatis fidelissimam iconem. Multa in signis est, conspici vult, ita sine arte nihil agens, nisi sua gentis genium omninò exuerit, ut etiam dum videtur simplicior, apud sagaces suspitione* (fraudis scil. hypocriseos imò atheismi ipsius) *non careat, &c.* Cæterum inter Italarum doctiorum atheistas præter infamem illum Vaninum eminuere illi Duumviri infelicissimi, Nicolaus Machiavellus, qui omnem religionem ad statum civilem, continendosque intra officii fines subditos accomodari voluit; & Petrus Aretinus, libri de tribus impostoribus nequissimi sive author, sive fautor singularis, ad cuius tumulum Venetiis in Ecclesia S. Lucae hoc epigramma (Laurentio Crasso teste) fuit compositum :

Condit Aretini cineres lapis iste sepultos

Mortales atro qui sale perfricuit.

Intactus DEUS est illi; Causamq; rogatus,

Hanc dedit: Ille, inquit, NON MIHI

NOTUS ERAT.

Quid quod negato DEO ipse sibi homo pessimus

Conf.

Scrutin.

atheismi

pag. 18.

& Cl.

Reiseri

epist. de

orig. &

progressu

atheismi

p. 244.

Cujus

tiam epi-

graphis

meminit mus quandam arrogaverit divinitatem, atque
Claud. cufis monetis DIVUS ARETINUS voluerit
Clemens nuncupari. *Cur verò sibi* [ita in libro de Scri-
in ex- ptoribus non-Ecclesiasticis Jacobus Gaddius]
truct. arrogaverit aliorum consensu divinitatem,
Musei nescio, nisi forte DEl munus exercuisse di-
la. sect. 8. cendus sit, cum summa capita velut celsissi-
c. 4. p. mos montes fulminaverit, linguâ corrigens
269. & mulctans, qua ab aliis castigari nequeunt.
Jac. Utrum Petrus quoque Bembus doctis Italorum
Gaddius atheis sit accensendus, eò quod omnes Pauli e-
Tom. I. pistolas (teste Thoma Lansio) palam con-
de scri- demnaverit, easdemque deflexo in contume-
prior p. liam vocabulo Epistolarias ausus sit appellare,
13. cum nimirum amico auctor esset, ne illas at-
Thomas tingeret, vel si cœpisset legere, de manibus
Lans. O- abjiceret, si elegantiam scribendi & eloquen-
rat. con- tiam adamaret, judicent alii, dispiciantque
tra Ital. accuratius, qualem tum Philippus Faber Faven-
p. 782. tinus, tum ipse Campanella homines aliàs do-
783. ctissimi in convincendis con futandisq; atheis
Conf. habuerint intentionē. Non equidem desidero
land. Dn. curiosam in celebrium hujusmodi Virorum ul-
Reiser. cere habere manum, neque mentis ingenuæ in-
l. 6. de o- dicium existimo de quibusvis eorum gestis i-
rig. & ipsaq; intentione animi ferre calculū. Et quam-
progr. vis plures diversarum Nationum nominari
 possent eruditi, passim pudendo atheismi no-
 tati

tati stigmatē eos tamen silentii populo potius
duximus involvendo, ne atheistarum nume-
rum temerē adauxisse videamur. Durius li-
cet nonnulli de Johanne Bodino, Guilielmo
Postello, Roberto Fluddio, Taurello aliisque
doctioribus judicant, nobis tamen integrum
haud est illos ob suspiciones quasdam leviores
nequissimorum mortalium inferere albo. Ex-
trema dies Orbis universi conspectui sistet
cunctos empæctas literatos, Judexque ventu-
rus risu eorum Sardonios æterno fletu strido-
reque dentium infernali remunerabitur. Tan-
to periculosius etiam est de occultis cordium
cruditorum recessibus ferre judicium, quanto
diligentius animi sui sensa literati quidam te-
nebriones tegere, suumque dissimulare virus
laborant, non quidem ex ullo DEI timore aut
reverentia, sed quod reformident retrò omni-
um seculorum & sapientum consensum, ne de-
sipere soli videantur, hinc cum Barlæus Vani-
ni infelicissimi mentionem in epistola quâdam
fecisset, summæ cum imprudentiæ accusavit,
quod TALIS CUM FUERIT, SIBI SOLI
NON FUISSET. Tantum verò abest ut do-
ctrinæ quam profitentur athei literati arca-
na semper dissimulare, aut in imâ tantum men-
te detestanda sua axiomata submurmurare pos-
sint, ut potius variis ea signis prodant atque
criteriis, mox quâvis arreptâ occasione negan-
tes aut in dubium vocantes supernaturalia, mi-

arb. pag.
241. sqq.
& Gisb.
Voetii
Tom. 1.
Dispp. sel.
de atheis.
p. 141.
seqq.

Cass.
Barlæus
Epist.
CLXII.

racula, prophetias, operationesque spirituum, cunctaque ad naturalem vim, sympathias, & antipathias, ad fictas crassies, & peculiaria hominum temperamenta referentes; mox Sacrae Scripturae auctoritatem tam in historicis quam dogmaticis suspectam contemptamque reddentes; mox metum omnem justamque omnibus sollicitudinem excutientes; mox atheismos aliorum cupidè enarrantes, aut frigidam eorum rejectionem, aut elumbem refutationem subjungentes, aut tanquam ἀλυστα quaedam admirandasque subtilitates relinquentes in medio, publicas etiam atheorum impugnationes agrè ferentes, à cunctis animarum pastoribus summopere abhorrentes, illosque veluti styges aut aves infelices declinantes, religionem aut pietatem (quam titulotenus præferre videntur) nunquam, aut rarò ac parcè admodum exercentes; denique pro lubitu suo Religionem permutantes, atque de Secta in sectam, non veritatis sed ventris & gulæ amore transeuntes, summamque sibi pariter ac aliis in hac vel illa religione amplectendâ permittentibus libertatem, siquidem [juxta maleferiatum] cuiusdam informatoris monitum,] uni religioni neutiquam ita sese mancipare velint, ut ei adhaereant pertinaciter, sed potius pro temporis & loci necessitate sive hanc, sive illam (citra levitatis tamen notam) ducant amplecten-

Vid.

anonymi

Hom.

Politic.

S. 2.

plendans. Hæc nimirum est decantata illa in Orbe literato pseudo-PRUDENTUM RELIGIO, diversas religiones, earumque partes miscens, jam ex hæc, jam ex alia, quod congruum videtur arripiens, inque rem suam vertens, *Conf. D. D.* hæc Neo-Pythronica illa est *πρόψις*, pudendo Kromay-credendi libertinismo sociata; hæc Philosophica illa fides, cujus Sectatores instar Philosophorum in nullius verba volūt jurare Magistri. *de Relig. prud. sub fin. Læcor. An-ri-Syn-crisit. p. 323.* Sicuti gentes quædam religiones habent annuas, eas mutant cum Calendario, ita & illi pseudo-prudentes vertumnos agere volunt, citra tamen levitatis [si Diis placet] notam evidentiorem. Dictu equidem incredibile est, quam multa à divinis abhorrentia scripturis omnique pietati repugnantia ex tam infau-
sto principio, quo humana divinis, sacrisque profana miscentur, & quæ sunt inferiora anteponuntur dignioribus, consequantur. Nonne ejus farinæ homines literati tandem planè fateantur necesse est, se nulli religioni studere, nulli favere ex animo, nec sese Religioni, sed religionem suis accomodare commodis, exemplo nimirum Senecæ asserentis, *Romanorum religionem magis ad MOREM quam ad REM pertinere, eamque a sapiente servari, tanquam legibus jussam. non tanquam DEO gratam.* Si-
que omninò hanc animi sui de religione nefariam sententiam pseudo-prudentes illi literati propalare recusent, planum tamen sa-
tisque

tisq; exploratum est, ejusmodi omnium Religi-
onum homines in pectorum suorum scriniis de-
testandū fovere atheismi monstrum. Quid quod
id ipsum è quorundā eruditorū sermonibus &
actionibus, véluti patentibus fenestris sapè ita
sefe præbeat conspiciendum, ut datā quasi o-
pera illi omnem religionem conculcare, & SS.
Numinis splendorem detestandis suis sarcas-
mis extingvere laborent, cum Gottofredo à
Valle execrandam illam NIHIL CREDENDI
ARTEM publicè profitentes, atq; [præclare
dicente Ambrosio] *pravā quādam impunitatis*

Ambre- cupidine illecti vim sua ad DEI imaginem condita
suu lib. 1. *nature inferentes.* Et cum Justino Martyre be-
de offic. nè observante, nihil magis contendant ii qui
c. 14. dæmones vocantur, quam ut homines à DEO
Justin. conditore suo, & primogenito ejus Christo ab-
Martyr ducant, eos quidem qui se humo tollere ne-
in Ape- queunt, terrenis & manufactis affigendo, eos
log. ad vero qui ad RERUM DIVINARUM contem-
Anton. plationem se erigunt, [nisi modestè sentiant,
Pium. & puram liberamq; à perturbationibus vitā de-
conf. e- gant] ELIDENTES, IN IMPIETATEM præ-
pistol. cipitando; hinc liquido constat, qua fraude di-
nostr. de abolica eruditorum plurimi fascinentur, inque
eradicā- horrendū atheismi barathrum detrudantur. *Eos*
de atheis. [repeto notatu dignissima Justinii verba] qui
mo p. 21, *ad verum divinarum contemplationem se erigunt,*
(nisi modestè sentiant, & puram liberamq; à per-
enro

turbationibus vitam degant) elidentes in impietatem atheismum precipitant. Quamprimum scilicet docti homines fastu superbiaq; turgidi, excelsiora suo ingenio ac fastigio audere, & proprio inherere iudicio incipiant, omnia præclare dicta, scripta, factaque aliorum alto supercilio despiciant, sua duntaxat æstiment, ament, atque in pretio habeant; tunc dæmonem omnino curare studio, ut DEI ipsius reverentiam in iis extinguat, blasphemiarum ac tentationum horribilium pondere eos opprimat, suosque ita expediat dolos, ut in impietatem seu atheismum illi [literatorum omnium infelicissimi] immaniter proturbentur.

V. Cæterum haud ingratam dæmoni ad subvertenda doctiorum hominum ingenia operam præstant duo perquam vulgata eruditorum hominum vitia: SINGULARITATIS nimirum carnalis affectatio, quâ plurimi quavis viâ modo non trita & vulgari incedere volunt, ardua quæque, imò planè impossibilia secum agentes, nil nisi quintessentias parturientes, imò vix abstinentes, quin majus aliquid homine perpetrare, & aliis vel intacta, vel infeliciter tentata expedire in animum inducant. Quantam sæpè pietati perniciem pudenda illa SINGULARITAS creaverit, exemplo suo miserabili eruditorum hominum plurimi docuerunt, qui CURIOSITATE etiam, sive immodica sciendi agendiq; siti ita frequenter laborarunt,

Conf. epist. ad D. Meibomium de radice atheismi p. 24.

ut vix sui capaces diduci inq; omnes terræ plagas extendi concupiverint. Sapi9 pestiferæ hujus CURIOSITATIS (quæ altera magnorum ingeniorum labes est) adminiculo dæmon doctissimis etiam hominibus veritatis eripuit decus, fidei religionisque maculavit integritatem, pudoris abstulit verecundiam, & quicquid pii ingenuique ex divino favore superfuit, exhibilavit, suffocavit, ac nefandâ adeò incredulitate commutavit, ut nulli amplius authoritati, nulli antiquitati, nulli apparentiæ, imò vix apodixi ulli fidem curiosi isti literatores adhibere voluerint. Hinc alius non dubitavit Pindari lyram Cytharæ Davidis præferre, alius eum qui Paulinas epistolas interpretaretur, nugis studere asseruit Viro gravi indignis, alius manifesto perjurio Romulum coluit pro Christo, natalem urbis pro natali Salvatoris; alius Christianum se esse, etiamsi nulli se Christianorum cœtui applicaret, posse credidit, OMNES scil. [ut Firmianus scribit] *Religiones ex opinione esse indubiè putans, & principum industria in subsidium legum indultas*, imò ut idem post alia addidit, Religionem autumans utilissimam generi humano fabulam, quæ continendæ plebi inventa, hoc solum à sapiente obtineat, ut FACIETENUS patiaturs se CHRISTIANUM haberi, de cætero liber, nec sese religioni, sed sibi potius accomodans religionem, ut eam sequi velle, vel non repudiare

vide-

*Conf. ult.
Commen-
tationem
de noxia
literator.
curiosi-
tate.*

*Petrus
Firm. in
Seculi
Gen. p.
165.
Idem p.
167.*

videretur, cujus sectatores usui sibi futuros intelligat. Porro haud ita levis ejusmodi CURIOSORUM Literatorum numerus reperitur, qui cœleste Verbum quidem recipiunt, veritatemque suspiciunt revelatam, non verò ad DEI gloriam suamque salutem sempiternam, sed ad scientiæ duntaxat suæ expletionem, vanamque eruditionis ostentationem, ideò Sacris invigilare studiis gestientes, ne aliis in eo quoque doctrinæ genere inferiores videantur. Sæpissimè equidem accidit, ut homo multa naturâ scire desiderans, omniumque disciplinarum & artium cognitionem affectans, ipsi Sacrosancto Theosophiæ studio non eo fine operam navet, ut se pariter ac alios magis magisque perficiat, verum gloriam potius majorem, honores & authoritatem consequatur, quâ de profanè doctorum quorundam stultitiâ non malè Bernardus; *Sunt qui scire volunt* (nimirum sacra etiam & Theologica) *eo fine tantum ut sciant, & turpis curiositas est, sunt qui Bern: scire volunt ut scientiam suam vendant, & Serm: turpis questus est; & sunt qui scire volunt XVI. in ut sciantur ipsi, & turpis vanitas est, sed Cant. sunt quoque qui scire volunt ut EDIFICENT, & charitas est, & sunt qui scire volunt, ut adificentur, & prudentia est.* Quo ipso tamen summæ prudentiæ caractere neutiquam illi gaudent literati, qui Sacra pro-

fanè satis tractantes, non nisi nudam historiam cognitionem eorum acquirunt quæ verbo cœlesti seu revelato continentur. Constat equidem abunde vanos ejusmodi turgidosque literatos haud aliter Sacras evolvere literas, ac historias æthiopicas Heliodori, Æneida Virgilio, Declamationes Sophistarum, quinimò potiore ut plurimum profanis authoribus assignare locum, atque cum longè majori animi voluptate Scholasticis, Philologicis, Poëticis, Historicis, Philosophicisque [utpote ipsorum judicio magis admirandis] quam Sacris illis & divinis operam navare studiis, cum tamen illa ambitionis ut plurimum vanæque ostentationis pabula existant. Et cum sæpè [èheu!] salvificæ fidei dono profani ejusmodi literiones sint destituti, nullâ certitudine, evidentia, delectationeque spirituali gaudeant, steriles adhuc bonorum operum, fertiles invidia, superbia, contentionis &c. breviter, sint carnales terrenique, interdum etiam in religione instabiles, desultorii, omniformes, instar cothurni, protei, polypi, lunæ aut chamæleonis; nemo facile vitio vertere poterit Viris zelo pio flagrantioribus, si ejus farinæ literatos IMPIORUM nomine designent, etsi à DIRECTI (ut vocant) ATHEISMI sive publica sive privata professione paulò sint alieniores. Ut ut veram fidem ac religionem non profiteantur solum, verum etiam doceant alios, masculæque

leque adversus contradicentes defendant, zelo in speciem tumultuque maximo; abominabilis tamen in conspectu DEI ea est professio atque oppositio, si ad ambitionem duntaxat tendat victoriamque, proximi confusionem & supplantationem, non ad ædificationem, gloriæ cœlestis incrementum, fratrumque emolumentum dirigatur. Facile nimirum tota illa veritatis defendendæ docendæq; scena mutabitur, si lucri bonus odor absit, aut grave quoddam inde emergat periculum, si ex voto & palato illis omnia neutiquam eveniant, tum Juda Julianoque præeuntibus non pauci è Christi discipulis, verbiq; divini lectoribus, in veritatis proditores, irrisoresque IMPIENTISSIMOS degenerabunt.

VI. Præter geminam autem illam SINGULARITATIS & perniciosæ CURIOSITATIS catapultam, triplicem aliam Dæmon ad subvertenda inque impietatis & atheismi voraginem detrudenda nobiliora doctorum hominum ingenia machinam adhibet. Principio quidem nefariorum operâ PRÆCEPTORUM sive Magistrorum abusus, qui (ut alibi etiam sumus conquesti) sive gratis ad ingeniosi ostentationem, ut facundi & cæteris doctiores appareant, sive didactri spe, sive ad turbandas pacatiores respublicas, ordinemque omnem inter homines tollendum, passim quoscunque possunt disciplinæ suæ nefandæ h. e. a-

*Conf.
Serm.
ath. pag.
13. seqq.*

theismi faciunt alumnos, veram de DEO fidem evertere, & ex familiarium, quibuscum versantur animis tollere singulari studio laborantes. Et cum fanatici, imò nefarii hujusmodi doctores aliunde confluentes, non benignè solùm excipiantur, verum in deliciis etiam summoperè habeantur, multi sive morum exterarum urbanitate, sive ingenioli alicujus ostentatione, aut qualiquali eloquentia loquentiave, salibus etiam & jocis tantoperè oblectentur, ut hæc hujusque farinæ alia veræ pietati, sapientiæque solidiori longissimè anteponant, mirum sanè non est, quod fertilis adeò atheorum, epicureorum, neutralium atque libertinorum etiam in hominum eruditorum cœtu proventus reperiatur. A talibus verò nefandis impietatis atheisticæ magistris & præceptoribus [quibus præter Vaninum cumpri-
mis tenebriones illi Parisini, stylo Firmiani antea infamati sunt adnumerandi] ut mens Deo studiisq; melioribus sacrata sibi tantò diligenter caveat, probè advertat, quam callidè illi ac fraudulenter ut plurimum in disseminando pernicioso errore suo soleant versari, siquidem acerrimos initio sese τῶν ἀθέων simulent hostes mox velut indignabundi eorum objectiones referant, urgeant, denique tam malè & diminutè iisdem satisfaciant, ut ex frigidis adeò solutionibus imperitiores nescio quas sinistras de veritate religionis concipiant opiniones,
quin.

quin imò concludant tandem nullam esse rationem quæ divinum stabiliat cultum plurimas verò quæ contrarium prorsus evincere videantur. Quem etiam in censum haud abs re infidi illi an invidi referendi sunt christiani populi pseudo-doctores, qui juxta memorabilem Marrii Mersenni querelam ægerrimè ferunt atheorum detectionem & increpationem, nescio cujus prudentiæ larva suam obtegentes impietatem: *DEUS bone, quis temperet à lacrymis,*

dum non solum impios nobis insultantes nosque interrogantes audit, quis est DEUS tuus? Sederiam illos qui Catholici esse videntur ÆGRE FERRE intelligit, quod athei atque Deista refellantur, quod illorum arma proferantur ut aeternum obtundantur atque comminuantur. Et post quædam alia: Facessant istiusmodi homines, neque doleant si impios exarmemus, nisi cum illis partem habere, & hocce nostrum de se judicium audire velint; nolle ut illa tenebra detegantur, quibus IPSI DETINENTUR, nolle ut atheorum & Deistarum rationes & libri discutiantur, ne ipsi scrupulis & synterehexagitentur, & DEUM esse fateri cogantur. Dubium equidem nullum est, maleferiatos hujusmodi doctores [quocunque nomine veniant]

Mar. Mersennus Comm. in Genes. p. 1830.
non

non minus strenuam dæmoni in propagando alendoque atheismo operam navare, quam ipsos illos impietatis detestandæ sive publicos sive privatos PROFESSORES.

VII. Altera, quam nequissimus ille humani generis adversarius ad subvertenda doctorum hominum ingenia adhibet machina, est LIBRARIA, scriptis omnigenâ IMPIETATE refertis onusta, quæ inter palmarium locum tractatus ille horrendus sibi vindicat de

tribus impostoribus, quo athei svadere conantur, Moſen & Christum instar Mohammedis impostores fuisse, suisque legibus nobis imposuisse, liber item supra notatus Gottlebii a Valle de arte nihil credendi, scelestâ illa *Simonis cuigdam religio*, incerto authore in Polonia edita; liber nescio cujus Valei nefarius: *Cur receptum sit Evangelium?* execrabile insuper MUNDI [ita dictum] CYMBALUM, quod latine primò conscriptum Bonaventura de Perez gallicè vertit, quatuor constans dialogis,

quorum argumenta alibi recensuimus. Quo etiam loco habendi, imò abjiciendi potius sunt libri non directè quidem, sed per cuniculos duntaxat atheismum introducentes, ut libri *Charontis de sapientia*, variæ pseudo-politicorum instructiones, quibus religionem nullo loco ducendam, sed fortunâ variante tuto variandam esse statuunt, ipsis Principibus

infau-

Confer.
Scrutin.
ath. p.
ss. seqq.

Scrut.
p. 56.

Plura de
hujus fa-
vinali-
bris in-
fra mo-
nebimus.

infausta adeò suggerentes consilia, ut religionem etiam Turcicam vel Judaicam vel paganam aut aliqua ex iisdem recipiant & amplectantur, si aliter statum suum conservare non possint &c. Utrum infernalibus huiusmodi foetibus adnumerandæ etiam sint novæ illæ minusque solidæ atheorum impugnationes, quæ dum ab una parte atheismo occurrere videntur, ab altera omnes ei aperiunt fenestras, viderint alii. Vel unicum illud impii Vanini *Amphitheatrum æterna providentia divino-magicum* [cujus supra fecimus mentionem] argumento & documento sit, cane pejus & angve obtusa huiusmodi tela, minusque solidas τῶν ἀθέων impugnationes esse devitandas, saltim non minori cum cautione legendas ac evolvendas, quam ejusdem theomachi libros *de admirandis Naturæ Regine Deæq; mortalium arcanis*. quibus author improbus omnia naturæ insolidum (excluso Numine) tribuere, sicque regiam atheismo viam sternere non dubitavit. *Naturam* scil. [ut benè Gramondus ante laudatus notavit] *pro matre optimâ & omnium nutrice ad-* Gramondus lib.
rans, eamq; omnium Deam profiteri haud qua- III. Hi-
quam erubescens. Taceo innumeros alios sive stor. p.
 in lucem editos, sive manu scriptos malè do- 210.
 ctorum & malè doctorum hominum commen-
 tarios, apertè vel occultè atheismum omnem-
 que impietatem vomentes, qui passim per im-
 piorum aut incautorum manus disperguntur,

ut mentes hominum à verâ religione quæ DE-
 UM omnipotentem providentem omnibus,
 vindicem justissimum, ejusque filium homi-
 nem propter homines factum colit & adorat,
 planè avertant, horrendis impietatis nebulis
 pectora mortalium offundant, sempiternisque
 ea involvant tenebris. Quis denique damna-
 tx adeò memoriæ librorum syllabo facile exi-
 mat cunctos libros obscænos, impuros, variò
 idiomate hætenus ad propagandum practicum
 atheismum divulgatos, quales sunt opera
 nequissimi illius Francisci Rablæsii, nec non
 Bonaventuræ Peresii recreationes dissertatio-
 nesque, meris morologiis, vanitatibus, obscæ-
 nitatibus, pudendisquæ divini nominis abusi-
 bus refertæ, nec aliud quid, quam pingves E-
 picuri de grege porcos efformantes. Utrius-
 que sanè Scriptoris Rablæsii & Peresii genium
 facetè atheum redolent dictorum librorum sin-
 gulæ ferè paginæ, quibus dum [dicente alicubi
 Raynaudo] *plurimè jocoscaptant, & remit-
 tere ingenium querunt, atheismi virus sen-
 sim combibunt, & res sacras nauci habere, ac
 sacra quæquæ jocos ducere condocefiunt.* Ex-
 perientia equidem sæpissimè docuit unam vel
 alteram hujusmodi librorum paginam extre-
 mum pietati attulisse periculum, omnemque in
 legentium cordibus SS. Numinis reverentiam
 extinxisse. Quis itaque alteram illam, sive

Rablæs.
 ed 1559.

Bona-
 vent.

Peres. ed.
 Rhetom.
 1606.

Th. Rayn.
 de bonis
 & mal.
 libris p.
 22.

LIBRARIAM diaboli in subvertendis literarum hominum mentibus machinam non toto deestetur pectore?

IIIX. Superest Tertia & Ultima; ; cujus nomine COLLOQUIA veniunt prava ac scandalosa, sub specioso tamen veritatis titulo effusa; quibus animi improvidi nec satis muniti, non in errores modo, verum extremam etiam impietatem illiciuntur. Sive illa exercitii duntaxat causa, sive ad ingenii ostentationem, sive sub aliena instituantur persona, angvem tamen sub herbâ semper habent latentem, præsertim si sermonibus ejusmodi familiaribus, vel negentur aut in dubium vocentur supernaturalia, vel divini verbi præcones tanquam homines fanatici traducantur, atheorum verò libertinorumque dotes in cœlum usque evchantur, cupidè eorum referantur Lucianismi, historicè pariter ac oratoriè edisserantur, aut tanquam *αλυστα* quædam & admirandæ subtilitates in medio relinquantur. Noxiis hisce atque pestiferis colloquiis accensendæ, imò cum iisdem potius proscribendæ atque configendæ sunt scepticæ eruditorum quorundam de rebus divinis disputationes, quarum occasione non pauci in profundum atheismi barathrum sunt deturbati, *siquidem* (præclare scribente Erasmo) *scapenumero fiat, ut omnia curiosè magis quam piè investiganti, quædam rationes occurrant* qua

Vid.
Scrut.
atb. pag.
61. seqq.

Erasmus
de ratione vera
Theol. f.
84.

*que nonnihil convellant ac labefactent fundamentum & fidei robur. Quid quod libe-
 rica illa disputatione Romæ olim coram Leone
 X. habita fuit pestilentius, ubi ex duobus alter
 omnibus rationibus probavit esse DEUM, alter
 negavit? aut insana Thurvaii jactantia tetrici-
 us, quâ totum se scire Christi Evangelium, & im-
 probando posse illud annihilare; quid denique
 auditu horribilius, quam quod non unicum
 tantum quendam Diagoram, sed integram a-
 liquando Academiam, Oxoniensem scil. dæ-
 mon ita fascina-verit, ut maximis rixis disqui-
 siverit: *An etiam DEUS esset?* quod referre
 dubitarem, nisi id ipsum à Monacho quodam
 memoriæ proditum fuisset his verbis: *Agnellus
 Vir humilis ac beata vita, cum & ipse studi-
 um in Oxoniensi conventu instituisset, & post
 tempus modicum audivisset semel inter
 se clamose disputantes, utrum ista sit vera:
 "DEUS EST, zelo accensus, ac multum tur-
 batus ex in studium revocavit. Hinc eti-
 am factum ut Jo. Casus Philosophus Oxonien-
 sis in proleg. suis physicis gravissimè studiosos
 contra atheismos tunc grassantes præmonue-
 rit, ita scribens inter alia: Horrendum est di-
 ctu quidem (& tamen dicendum) multi sunt
 hodiè incredibiliter stulti, qui audeant, ce-
 tera quis nescit? totus horreo verba repetere,*
*quod**

Lang. in
 Chronic.
 Citiz.
 f. 305.

qui inquam audeant dicere (ô tempora!) **NON ESSE DEUM.** Istos si oraculis divina philosophia urgeas, fanatico quodam spiritu & furore perciti hac ipsa negant, & certè non mirum, cum etiam **DEUM** ipsorum auctorem negent. Si non vidissem, si non audissem hac monstra (Hæretum blasphemum illum atheum, aliosq; ab inferis furenter excitatos scorpiones & locustas intelligo) certè tam multus, vehemens, & copiosus in hac causa non fuisset. &c. Nec malè Gvil. Postellus [cum forsitan accepisset, Perronum habità coram Rege Henr. IV. pro existentia **DEI** oratione, obtulisse se die sequenti contrarium probaturum,] id tolerabilius esse judicavit, si ad publicam tantum rerum administrationem opinionum varietas pervaderet, dolendum autem esse, quod ipsum illa petat fundamentum. *In utramq; enim* [notanter addit] *partem disceptari de divinis rebus cœptum, de quibus ambigere nefas sit, ut par occasio cuiusvis quodvis definiendi facta esse cernatur, si semel quis RATIONEM HUMANAM AUTHORITY DIVINÆ præferat.* Hæc sanè causa irruentis in Orbem literatum atheismi est palmaria, hinc tantus atheorum literatorum est proventus, nimirum quod rationem humanam Divina auctoritati præferre non du-

Verulam.

Serm.

fidel.

X^o l. opp.

p. 1166.

bitent plurimi, contrariasque sententias defendere gestientes, eò tandem delabantur, ut religionem omnem putent pro mero habendam esse figmento. Non præter rem quidem Verulamius existimavit primam pestiferæ istius arboris radicem plures esse circa religionem divisiones, *cum unica divisio Zelum utriusq. partis adaugeat, numerosæ verò atheismum introducant*; nimirum si profana seculi mancipia variarum religionum sectarumque professores alloquantur, & unumquemque eorum affirmare audiant, quod ex ejus parte stet veritas, pro quâ mortem ipsam subire sit paratus, alios verò sectari falsitatem, inde Protei illi concludant, melius esse nihil ex iis, quæ ad religionem spectant, quam aliquid credere, cum nondum ullo ἀναμαρτήτω judicio decisum sit (ô abominandam thesin, omnem uno ictu religionem & Ecclesiis & hominibus profanè auferentem!) à quorum parte veritas consistat: At verò magis laborat diabolus atheismum in Orbem literatum invehere per insignem illam nonnullorum doctorum malitiam, qui humanam rationem ubique DIVINÆ anteponunt AUTHORITY. Hinc illæ ipsæ cogitationes nefandæ, atque exspuendæ quorundam voces, qui pietatis aram calcibus petere non dubitant.

IX. Quanto vehementius autem communis humani generis hostis LITERATOS VIROS istis nequitæ suæ machinis & catapultis impu-

impugnare, atque in detestandam adeò pro-
 turbare impietatem laborat, ut quidā omni SS.
 Numinis metu sensuq; abjecto, vim ipsi naturæ
 suæ ad DEI imaginem conditæ inferre non ve-
 reâtur; quantoq; majori impetu pestis illa no-
 stro ævo in Orbe (etiam erudito) grassatur: tan-
 to impensius hominibus doctrina meliori ex-
 cultis curandum est atque invigilandum, ne &
 ipsi eâ labe corripiantur, atque omnium ne-
 quissimæ sectæ (atheisticæ scil.) imbuantur pla-
 citis. Provida sanè, provida solersque cura
 doctis est adhibenda, si effugere velint illam ex-
 tremi ac sempiterni exitii voraginem, atque
 ruptis tot tantisq; portarum infernalium vin-
 culis, ad veram LITERATORUM hominū aspirare
 FELICITATEM. Supra notavimus, magnam
 inter eruditos TENTATORUM reperiri fre-
 quentiam, qui substitutis immotæ veritatis ful-
 cris erigendi potius sint, quam pudendo a-
 theismi stigmate temerè infamandi. Diabo-
 lico igitur astu tentati literati, si istos evadere
 laqueos, cœlesteq; fidei consequi donum ve-
 lint, apprimè observent consilium quod Ju- *Just. in*
 stino Martyri ante suam ad DEUM veramque *Dial.*
 pietatem conversionem Vir quidam specie ve- *cum*
 nerandus verbis sequentibus suppeditavit: *An. Tryph.*
te omnia DEUM deprecare tibi ut portas Jud.
lucis aperiat. Neq; enim conspici ista, neq;
intelligi promiscuè ab omnibus possunt, sed
ab iis duntaxat, quibus ea facultas à DEO

sit concessa. Quid enim monito hoc observato
 mox in se senserit eo usque profanè doctus, va-
 riisque dubitationum procellis jactatus Justi-
 nus, ipse Tryphoni Judæo hunc in modum e-
 narravit: *Confestim post Senis illius verba*
ignis quidam succensus est in animo meo, &
amor Prophetarum, eorumq̃. Virorum, qui
Christi sunt amici, me incessit; cumq̃. verba
ejus Senis mecum ipse tacitus pervolverem,
hanc ego solam esse tutam atq̃. utilem philoso-
phiam, quæ mihi ab illo proposita esset, de-
prehendi. Hujus igitur SUPREMÆ
 PHILOSOPHIÆ potius quam PHILO-
 SOPHICÆ illius RELIGIONIS amore stu-
 dioque teneantur literati, si è densissimis a-
 theismi tenebris erui, atque sempiternæ salu-
 tis aliquando fieri velint compotes, precibus
 nimirum ardentissimis initio illum invocent,
 qui Spiritum sapientiæ & illuminationis se
 daturum precantibus disertè promisit, neque
 de DEI natura doctè solum differere studeant,
 sed & ejus observare voluntatem, id omni tem-
 pore agentes, quod vellent novissimè, DEUM
 semper ob oculos habentes καὶ ὁραῖς αὐτοῦ, sua-
 que dicta & facta omnia ad gloriam ejus, ut po-
 te palmarium ultimumque finem dirigentes,
 quin imò divini amoris igne magis magisque i-
 ta inardescentes, ut præter eum nihil amplius
 habe-

habeant, quo suum curis studiisque severioribus defatigatum animum relaxare possint.

X. Atque ut tanto magis appareat, quam Literato HOMINI ab ATHEISMO seu infidelitate ad veram DEI veri cognitionem tendenti via sit ineunda, memorabile FRANCISCI JUNII (laqueis istis ad tempus irretiti, sed cœlesti beneficio tandem aliquando liberati) exemplum eruditis omnibus dabimus expendendum, ut Viri illius doctissimi periculo edocti, ipsi quoque salutari horrore percellantur, ruptisque cœlesti auxilio atheismi vinculis, omnigenæ valedicant impietati. Sicuti enim (ut supra monuimus) plurima sunt quæ in excellentis doctrinæ hominibus sanos de DEO sensus corrumpere solent, & turpi quodam profanitatis eostingere colore, ita singularis felicitatis loco haud abs re laudatus ille JUNIUS duxit, quod ex spissis *αἰθερίῳ* tenebris tandem emerferit, atque pristinae mentis restitutus sit integritati. Historiam totam ipsius Junii verbis duximus exponendam, *Franc.* ne quid temerè finxisse videamur: *Junius*

Inviētus (scribit alicubi Franciscus *in de-* JUNIUS) ab illa adolescentiæ peste, *script.* (libidine scilicet ad quam nefaria illum *vita sua* Lugduni invitaverant muliercula,) alte *ed. à P.* rimalo succubui planè, atque in eo jacui, *Merulá,* donec misertus est mei optimus ille cœ- *alg. opp.* lestis Pater, qui me elegit in Christo ab æ- *Junii* prefixa,

134 COMMENT. I. DE LITER. QUORUND. IMP.
terno secundum beneplacitum voluntatis suæ. Illud malum est 'ΑΘΕΟΤΗΣ, malum gravissimum, in cujus consensu-
nem & approbationem sensim perductus sum aliena audacia, & imprudentia meâ.
Memini quum libros M. Tulii de legibus per illud tempus, authore & svasore Bartholomæo Anulo (qui Gymnasio Lugdunensi tum præerat) expenderem, & notas quasdam in eos animadversionesque colligerem, venire hominem ad me, & illa Epicuri verba quæ libro primo existant, *nihil curare DEUM, nec sui nec alieni*, multis quam diligentissimè confirmare. Ad quæ ego non ratione iudicioque certo respondebam, sed assensionem paulatim adhibens, sentiebam venenum serpens quod imbiberam confirmari in me, & cum auctoritate hominis, tum argutiis dictorum ejus præceps eò deferrebar, ut meus animus in isto malo hærens occalesceret, totusque fieret ἀναισθητός.
Recordatus es Domine mi servi tui, & pereuntem miserè servasti graciosè misericordia tuâ! Ista horribili impietate con-
strata erat quotidie mensa, personabat do-
mus,

mus, circumstrepebant omnia aures meas, adeò ut jam iamque ad alia omnia obsurdescerem. Nam quum omnibus horis aliquid atrociter fieri videmus, aut audimus (inquit Tullius) etiam qui naturamitissimi sumus. assiduitate molestiarum sensum omnem humanitatis ex animis amittimus. Ex isto autem immani perditionis barathro mirificè me eripuit DEUS, postquam amplius annum his perditissimis luxuriassem deliciis - - Evenerat mirifica DEI providentia ut pater Regia autoritate compulsus, nobiles quosdam Viros ex Burgundici Ducatus agro comprehensos Lutetiam deduceret, ex quibus prout sermones ultro citroque in expeditione illa habebantur, pater cognoverat illorum ἀθρόα deploratissimam, quibus adolescentiam meam commiserat, quæ res sollicitum eum efficiebat, & cruciabat plurimum. Laborabat enim maximè de ratione certa quâ & me ex pestilente illo consortio honestè eximeret, & animum meum à mortifero illorum veneno, si quid fortè indulgissent illi artificio suo, liberaret. Prius ergò quam me

*Orat. pro
Sexto
Rosce.*

reduxisset domum dabat pater operam, si quâ ratione obtineri posset, ut tum mentem meam in pietatis ac religionis causa ac sensum cognosceret, tum curaret leniter, si quid hæssisset mihi de istâ lue perniciosissima. Visitabat libros, studia recognoscebat, consortia observabat; aliorum, quos mihi familiares putabat fore operam adhibebat, ut de meo sensu per illos fieret certior, cum præsertim cerne-
ret me nativo illo pudore detineri, ne quid præsentē aut audiente ipso liberius dicerem. Tandem eò devenit, ut me ad *παρρησίαν* aliquam provocaret ultrò. Doc-
cebat me jam eâ ætate esse, qua de isto pudore inurbano decidi aliquid oporteret, si qui in mensâ sermones habebantur, tem-
pus esse ut interdum aliquid de meis stu-
diis & observationibus conferrem in me-
dium, neque ad omnia obmutescerem, :
Si fecero, ipsi & aliis de studiorum pro-
fectu constitutum, & me habitum meli-
orem in dies mihi ad justum illorum stu-
diorum usum actionesque, in quibus laus
virtutis consistit, paraturum. Crebris
& amantissimis monitis adductus confir-
mavi

mavi ipse me, ut interdum mensam paternam sermone aliquo sed paucissimo aspergerem. Brevi affecutus est, quod volebat Pater, non enim diu continui me, quin specie inanis scientiæ sermonem aliquem de foetidissima illa αἰθερῇ & face evomerem. Hic verò DEUS bone, quā gratia, quā auctoritate inconsideratum meum sermonem repressit pater ! non objurgans aut invehens in me, non de re disputans, sed piè, sanctè, doctè, leniterq; docens τὸ ἐπὶ τοῖς in iis rebus quæ nondum satis mihi cognitæ aut exploratæ essent, & doctorum hominum judicia ante audienda quam prodendam temerè inscientiam, ita me graviter compressit, ut ex eo tempore legem ἐποχῆς mihi fermè semper indixerim in sermonibus judiciiisq; omnibus, donec rem cognovissem penitus. Demosthenem narrant, quum adolescens quidam inter pocula nugaretur multis & tacere nollet, dixisse percommode, heus tu adolescens, quomodo non didicisti ab eo tacere, à quo didicisti loqui ? utrumq; optimè hoc pacto docebat pater. Sed jam alter illi & gravior restabat labor, ut gra-

vissimum illud retectum in me & compertum curaret malum. De curatione cogitantem diligentissimè aliud agente me, levavit modo extraordinario DEUS. Nam cum eodem anno publicæ conciones haberi cœpissent in Gallia, accidit ut Magnus ille Juris Consultus Jacobus Cujacius (ad cuius lectionem audiendam de more properaveram) die quodam præpeditus certis occupationibus à lectione ordinaria abstineret. Erat autem mihi è scholis redeunti domum faciendum iter ad ædes illas, in quibus erat plurimum concio, ingressus concionem, perfunctoriè audio, nec inde proficio hilum. Regredior domum, incertus quid agam, quid legam, quo studio occuper. In Novum Testamentum incido, quod pater legebat frequens, & in conclave illud subiecerat oculis meis legendum, (si fortè gratiam DEUS hoc modo faceret) prudentissimè mentem suam de me & animum suum dissimulans, ex quo lethalia impietatis illius semina, quæ ante radices egerant in me, animadverterat. Sciebat enim Vir sapientissimus, non intrudi pietatem, sed doce-

doceri, non cogi, sed svaderi velle, ac propterea cum silentio & dissimulatione incredibili proauravit omnes vias, quibus me ad verum castæ religionis sensum & pium cultum adduceret. Hic ergo Novum illud Testamentum divinitus oblatum aperio: aliud agenti exhibet se mihi aspectu primo augustissimum illud caput Johannis Evangelistæ & Apostoli: IN PRINCIPIO ERAT VERBUM, &c. lego partem capitis, & ita commoveor legens, ut repente divinitatem argumenti, & scripti majestatem authoritatemque senserim longo intervallo omnibus eloquentiæ humanæ fluminibus præeuntem. Horrebat corpus. stupebat animus, & totum illum diem sic afficiebar, ut qui essem, ipse mihi incertus viderer esse. Recordatus es mei Domine DEUS mî, pro immensâ misericordia tua, ovemque perditam in gregem tuum recepisti. Ex eo tempore quum in me DEUS tam potenter Spiritus sui virtute irruisset, alia frigidius ac negligentius legere ac tractare cæpi, de his verò quæ ad pietatem pertinent cogitare amplius, & ardentius in eis versari.

fari. Atq; hoc quidem studium ut animadvertit Pater, non mediocrem ex eo voluptatem cepit, tantum de meo regressu ad pietatem sibi gratulatus, quantum ex discessu transfugioque ad impietatem doluerat. Haftenus memorabilis historia JUNII, qui casu suo periculoque gravissimo cunctos edocuit literatos, quâ via ratione que maximè horrenda salutis discrimina & faciliè incurrere & feliciter evitare possint, tandem ad optatissimam veræ Sapientiæ pertingere metam. Non minus feliciter periculosissimam illam Principis tenebrarum catapultam (atheismum scil. vel potius sinistram de christiana religione opinionem) retudit Wesselus ille Gansfortius Groningensis, vulgò lux mundi appellatus, quod tenebras seculi barbari eruditionis lumine discussisset.

G. Geldenbaurius l. 1. de illust. Germ. infer. Viris,

Cum eum (teste Gerbardo Geldenhaurio in primo de illustribus inferioris Germaniæ Viris libro) nonagenario majorem quidam inviseret amicorum, utque valeret interrogaret, respondit se pro sua atate & morbi molestia utcunq; valere, sed unum sibi apprimè esse molestum, quod variis cogitationibus & argumentationibus circumactus, demum de veritate Christianæ religionis subdubitare inciperet: obstupescibat ille, cepitq; hortari,

ut

ut animo alacri ejusmodi cogitationes curasque in Christum Servatorem rejiceret unicuique, sed cum admonitionem hanc ei molestiorem sensisset, magno cum animi mœnore discessit. Post unam verò alteramque horam redientem ad se cum Wesselus vidisset, alacri animo dixit exultans: Gratias ago DEO, abiecerunt omnes illæ cogitationes, nihil scio nisi JESUM, & hunc crucifixum, moxque DEO animam reddidit.

XI. Quod si verò pari in evitanda atroci illa diaboli machinâ felicitate gaudere velint cuncti sacratoris doctrinæ cultores, necesse est ut cane pejus & angve semper devitent tum nefarios quoscunque, & atra illa loligine tinctos PRÆCEPTORES, detestandos scil. atheismi apostolos, tum perniciofa corruptorum sodalium COLLOQVIA; tum denique LIBROS exitiosâ ista labe pollutos, ut inquam pestifera isthæc ac perniciofa τῆς ἀθεότητος semina effugiant, nî tandem horrendi exitii barathrum, h. e. sempiternam incurrere velint confusionem. Et cum non uno Præceptorum, Librorum Colloquiorumque noxiorum genere IMPIETAS inter eruditos sua capiat incrementa, necesse est ut circa singula illorum genera tum dignoscenda tum devitanda insignis cautio adhibeatur. Caveant inquam si-

bi pie-

bi pietatis sinceræ studiosi (I.) à PRÆCEPTORIBUS, LIBRIS ATQ; COLLOQUIIS SACRI CODICIS elevantibus AUTHORITATEM, ac præter Θεοπνευσίαν omnem etiam humanam illi fidē derogantibus, Sacraq; Biblia pro farragine tantum diversorū tractatū ausu privato conscriptorum venditantibus, cujusmodi blasphemā effata alibi prolixè recensuimus, & summo-perè sumus detestati. Increpet DEUS Sathanam illum incarnatum, qui infauisto quodam atque æternis flammis mancipando libello monuit, *Biblia sacra neutiquam cum devotione legenda esse, ut vulgò, sed cum judicio, esse ubi impingat Paulus, esse ubi cespitet Petrus, evolvenda potius esse legendaq; Biblia quemadmodum legatur Livius, Froschmenselerus, & Arcadia Comitissa de Bembrok ut quadam laudentur, quadam negligantur, & honestè prætereantur &c.* Talia inquam ejusq; farinæ alia τῶν αἰρέτων de dubia suspectaq; Scripturarum fide pudenda effata neutiquā literati christiani sibi persuaderi patiantur, ne & ipsi confirmentur in impietate, præsertim si detestandis præceptionibus quasdam subjectas rationes aut fucos potius fumosq; deprehendant. In promptu potius sint Theosophorum fundamenta rationesq; quæ solidè evincant Sacram Scripturam divinitus inspiratam, anti-

*Conf.
Scrut.
atheismi
pag. 64.
seqq. &
epist. de
ath. era-
dic pag.
7.*

quitate pariter ac autoritate scriptis omnibus
 esse longissimè anteponendam. Prodiit ante
 annos aliquot in lucem scriptum quoddam an-
 onymi sub titulo TRACTATUS THEOLO-
 GICO-POLITICI, * DE LIBERTATE PHILO-
 SOPHANDI, cujus infelicissimi fœtus author lu-
 cifuga [ferunt autem Benedictum Spinosam ef-
 se, natione Judæum, hominem ut res ipsa loqui-
 tur perfrictæ frontis, fanaticum, & ab omni re-
 ligione alienum] palmariam in impugnando
 Sacro codice inque explodenda omni revelati-
 one divinâ posuit operam, eò progressus impu-
 dentia ac impietatis, ut PROPHETIAM de-
 pendisse diceret a fallaci imaginatione propheta-
 rum, ac in uno quoque pro dispositione tempera-
 menti ac ratione preconceptorum opinionum,
 [quibus DEUS, quoad speculativa attinet se
 accomodaverit] variasse, adeoque prophetiam nun-
 quā prophetas doctiores reddidisse, sed eos in
 suis preconceptis licet falsissimis opinionibus
 reliquisse, ac propterea nos iis circa res merè
 speculativas minimè debere teneri: Apostolo-
 rum epistolas non ex revelatione & divino
 mandato, sed tantum ex ipsorum naturali judi-
 cio

Anon.
 de libert.
 philosoph.
 c. II.

p. 144.

* Editus est hic anon. de libertate philosoph.
 tract. non Hamburgi, ut mendax inscri-
 ptio habet, sed Amstelod. ubi auctor vixis-
 se dicitur.

cap. XI.
p. 139.
seqq.

cio scriptas fuisse; eos accomodavisse religionem quoad fieri potuerit hominum sui temporis ingenio, superædificasse illam fundamentis tum temporis maximè notis & acceptis: Exin (quod diversis fundamentis religionem superædificaverint) ortas esse multas contentiones & schismata, quibus Ecclesia jam inde ab illorum temporibus indefinenter vexata fuerit; DE l'æternum ver-

cap. XII.
p. 144.
seqq.

bum & pactum veramq; religionem hominum cordibus, h. e. humana menti inscriptam esse, quod autem in scripturis contineatur, esse mendosum, truncatum, adulteratum, & sibi non constare, maximè in historiarum & prophetiarum circumstantiis, miraculis rebusq; speculativis. Quid quod nulla prorsus

cap. VI.
p. 69.
seqq.

MIRACULA & opera supernaturalia in Scripturis agnoscat, sed quæ talia dicantur, dici contendat respectivè ad hominum opiniones, & nihil aliud illorum appellatione intelligi, quam opera naturalia, quorum causam ignoremus, vel explicare non possimus, vel quæ explicari eo modo non possint quo vulgus res naturales explicare soleat. Hinc deniq; conclu-

Ib. p. 77.

dit: * Omnia qua in scripturis verè narrentur

* Anonymo huic Libertino in Belgio scripto pecul. se opposuit Jacobus Basalier, edi-

ventur contigisse, ita secundum leges natura, ut omnia, necessarid contigisse, si quid verò reperiatur, quod legibus natura repugnet, aut ex iis consequi non possit, id à sacrilegis hominibus literis sacris adjectum fuisse.

Quo magis verò illa DEO ac revelatæ ejus veritati inimica impietas non in peregrino tantum, sed in Germanico etiam nostro solo radices agere conatur, ut verendū sit, ne brevi tempore aliquam in communi patria nostra (quod hæc aliaque portentosarum opinionum commenta attinet) Italiam, Galliam aut Belgium sumus habituri; eò diligentius doctis omnibus prospiciendum, ne & ipsi à nefariis hujusmodi præceptoribus, librisque aut dissertationibus tanta impietate refertis corrumpantur, tandemque extremum *τὴν ἀπίστιαν* subeant periculum. Cujus evitandi causâ (II.) magnâ imò maximâ cū cautione ipsis legendi evolvendiq; sunt **LIBRI MACHIAVELLISTARUM SEU PSEUDO-POLITICORUM**, qui omnem Religionem ad artes referre politicas, omniq; id agere studio conantur, ut terrenum regnum

L

Regno

is vindicatis miraculorum per que divina relig. & fidei Christi veritas olim fuerit confirmata; in Germania verò scripti ejusd. refutationem Jena D. Joh. Musæus haud ita pridem est medatus.

Regno DEI, Ecclesia seculo, pietas civili politia fœda servitute subjiciatur. Religionem illi duntaxat pro vinculo habent, quo vulgus hominum coerceatur, pro frœno, quo perdomentur rebellium insultus, pro terrore, quo percellantur qui Magistratûs auctoritatem non adeo magni æstiment, pro nexu, quo amor subditorum cum Imperantibus devinciatur; pro compedibus, quibus affectus malorum optimè compescantur, pro unico medio, quo quidvis svaderi, quidvis excusari queat, imò quidvis defendi, modo è singulari quodam religionis zelo factum perhibeatur: † deniq; de religionem non aliter statuunt, quam de Comœdiis, in quibus talem quisque personam assumat, quam & sibi convenire & à se debito modo gerî posse existimet, ut sic Principes ac Magistratus eam amplecti debeant religionem, quam & statu

† *Omittimus alia pseudo-politicorum seu Machiavellistarûm pudenda effata. alibi à nobis commemorata. Conf. Scrut. ath. n. 20. p. 85. seqq. epistol. de radice ath. p. 27. seqq. & de atheismo eradicando pag. 7. seqq. non est, ut ibi dicta cum gravi lectoris fastidio repetantur. Adde si lubet Dn. Reiseri Epist. de Orig. Antitheismi p. 315. seqq. Dan. Clasen lib. de Relig. Polit. Menoch. Hieropol. Hier. Osor. institut. Reg. Raynaud. de bonis & malis libr. erotemare IV. p. 28. & alios plurimos.*

tui congruam & suo iudicio consentaneam intelligant. Et cum tibias huiusmodi diabolicas potissimum Nicolaus Machiavellus inflaverit *libris Discursuum ac de Principe*, usque eò tetrīs, ac projectæ in religionem audaciæ, ut *satis esse docuerit pietatem simulatione prae se ferre, imò in eundem finem revelationes falsas tanquam à DEO derivatas confingendas esse, & spargendas in vulgus; factiones alendas inter subditos, pravis moribus implendam civitatem*; hinc omnes atq; singuli literati vel me tacente intelligent, quanta curâ studioque ipsis perniciosæ ejusmodi dæmonis fistulæ sint vitandæ, ne ab iisdem improvidi demententur, atque parem aliquando cum impiissimo Machiavello (qui blasphemans reprobum spiritum emisit) habeant exitum. Caveant etiam sibi à musteis ejusmodi muginatoribus, qui religionem omnem habent veluti indifferentem, quibusque jam olim faces prætulisse videtur Procopius ille Cæsariensis, dum cuique potius concedendum existimavit, ut pro libidine sua de DEO sentiat, quam Reip. procellas videre, quibus tum (Imp. scil. Justiniani ætate) *Procopius Romanum Imperium ob varias de fide quaestiones jactabatur. De DEO (ajebat) nihil lib. 1. Ge. ipse præterea affirmaverim, nisi quod bonus o-mnibus. mihi ex parte sit, resque universas sua potentia præfat.*

quam
H. st.
Arca.
ne Proc.
Nicola.
in Ale-
mannus
præfixit,
fol. XI.

tia complectatur, de controversiis verò ita quisque vel sacerdos vel privatus homo loquatur, quemadmodum illi sentire libuerit. Videant pietatis veræ studiosi, ne ad hujus farinae magistros se conferant, qui licet in speciem Christiani videantur, nullique sectæ velint addici nominatim, privatis tamen rationibus vel Reip. commodis religionem pietatemque metiuntur, neque de verâ DEI cognitione ac cultu multum sunt solliciti.

XII. Si insuper verè sapere eruditi, & omni IMPIETATE conculcata ad supremam aspirare velint Piorum hominum felicitatem, necesse etiam est ut caveant sibi (III.) à scriptis consortiis atque colloquiis pestiferis eorum Philosophorum, qui molimine summè temerario omnia intra NATURÆ terminos compingere, causasque duntaxat secundas, posthabita illa PRIMA præcipuaque Deo Ter O. M. observare respicereque solent communiter. Horum (ac nominatim ipsius Jul. Cæs. Vanini isthoc potissimum nomine infamati,) ingentia pericula illos reddant cautiores, doceantque, haud faciliorem viam ad atheismum patere, quam per impias ejusmodi atque detestandas Naturalistarum assertiones, quibus imbutus literatorum quidam, in horrendam atheismi voraginem miserè adeò est prolapsus, ut (Viro quodam egregio teste,) voces hæc detestandas emiseric: *Quamdiu ingenio ac judicio*

Conf.
Du. Claf.
Rel. po-
lit. c. V.
p. 66.

meonti posui, nihil dementius mihi quicquam
visum fuit unquam, at q̃, plerosque docere dari
aliquem DEUM, supremum Numen, cujus
nutu fiant & regantur omnia. *Quæ sunt*
NATURÆ vi ac operatione sunt, pluvi-
am producit Natura, Natura producit her-
bas & plantas, ad quarum generationem ta-
men concurrat siderum influxus, qui tam ne-
cessarius est, ut aliter se habere non possit -
Si Natura & præcipue astrorum influentia
valet diversimodè, nunc pluet, nunc sereni-
taserit aeris, preces utique pluviam cælitus
non trahent, sic & agrotus moritur, natura
in ipso debilitata. quamvis mille pro ejus sa-
lute orent, neque credas tuam orationem a-
groto revalescenti reddere sanitatem. In-
terim si hæc fiant ad vulgus imperitum de-
tinendum, non improbo consilium istud satis
prudenter olim à priscis politicis suggestum.
Aliàs & doctis ista velle obtrudere stultitia
est &c. Sic nimirum horrendo DE I judicio
in immanissimum atheismi barathrum dilabun-
tur plurimi abstruso rerum naturalium studio
mancipati, existimantes nullum planè esse
Rectorem, sed res suo pte genio hos & illos cur-
sus peragere, hanc aut illam suæ durationis pe-
riodum

*Conf.**Scrutin.**ath. n.*

25. p.

108.

seqq.

riodum ex se ipsis obtinere, omnia denique ad omnium causarum connexionem æternam esse referenda. Et cum inordinato adeò studio multi eorum occupentur, ut solis niti velint experientiis, ne scil. si quid absque prævia experientia credant, sese errandi exponant periculo, atq; decipiantur, mirum non est quod hujusmodi illiberalium artium magistri in extremam tandem prolabantur incredulitatē, ac ebriis plane similes, nulli amplius authoritati, nulli probatæ rationi, imò vix apodixi ulli fidē ducant adhibendam. Quo ipso in luto non ignobiles Naturæ mystas, Medicos cum primis ac Philosophos quosdam Italos hæsisse, indeque atheismi nomine haud abs re suspectos ipsis fidei ac professionis suæ sociis fuisse alibi notavimus. Quippe latens virus satis superque illi per infrunitam atque impudentem demonstrationis atque evidentiæ in supernaturalibus postulationē prodiderunt, non alias nisi demonstrationes mathematicas admittentes, & quidem τὰ διότι seu potissimas, pari impudentiæ passu semper in examinandis rimandisque Dei operibus, Angelorum bonorum ac malorum naturā, animæ humanæ (cum primis separatae) statu indagando perquirendoque procedentes, nec attendentes quod accuratissima etiam philosophandi ratio sæpè inductiones atque experientias, cognitiones τὰ ὅτι gradusque inferioris demonstrationes admittat, imò tota vitæ

com-

*Scrutin.**ath. p.*

109.

seqq.

communis orbita nudæ fidei humanæ axe sustentetur. Præclare Petrus Firmianus in supra laudato seculi genio; *Quanta* [scribit] *sit animi imbecillitas nihil eorum credere, quæ Petrus fides proponit, evidentissimè apparet cuilibet Firm. in sec. Gen. p. 173.* propius insipienti. Ille ne fortis animus, qui ad eò carni muncipatus est, ut nihil credat nisi quod retulerint SENSUS, ita falsitati obnoxii, ut videre Te sapissimè persuadeas, quod omninò non vides, & audire quod non audis? supra sensus ferri, ut ad veritatem, qua illis altior, accessus fiat, maxima est fortitudo, sed & certè præclarior, si supra rationem ipsam assurgas, ubi illa irritolabore ad confessionem sui adducta & in ipso conatu deficiens, quid assequi non possis ejus viribus Tibi fateatur. Quicquid verò hujusmodi profanis naturæ scrutatoribus objiciatur, quocunque rationum plausibilem apparatus infru- nita eorum reprimatur audacia, semper tamen antiquum obtinebunt, tantoque licentiosius de DEO, Angelis, de Miraculis, atque mortuorum resurrectione argutabuntur, quanto fo- dius pudendâ ista *τῆς ἀπιστίας* labe sunt con- *Conf. Epist.* taminati.

XIII. Quandoquidem verò validissi- *de crati-
dio, ath.* mum (maximorum etiam Theosophorum *judicio*) adversus ATHEOS motivum à MA-p. 138.

GICIS desumatur effectibus, cum ex in Spiritu-
 tualis quædam (materialibus opposita) na-
 tura non incommodè concludatur, quæ essen-
 tiæ pariter ac efficientiæ ratione à superiore
 quâdâ dependeat; hinc ab iis (IV.) sibi pie-lite-
 ratus caveat pseudo-doctoribus, librisq; & col-
 loquiis, quibus omnes effectus ejusmodi super-
 naturales, omnesque malignorum Spirituum
 cum hominibus conventiones veluti anilia ex-
 ploduntur figmenta, ubique vis obtruditur i-
 maginationis, magneticis itidem, astralibus,
 sympatheticis influentiis ea tribuuntur, quæ
 sive mediato sive immediato Dæmonis influxu
 fuere perpetrata. Perversæ illius opinionis
 æstro nostra ætate quidam in Anglia nobilis,
 Reginaldus Scotus ita fuit percitus, ut omnes
 dæmoniacorum effectus vel ad naturales me-
 lancholiæ insultus, vel nefarias hominum, fi-
 gmentis & præstigiis suis illudentium artes, vel
 ad imaginationes stolidas, vanasque magorum
 fictiones referre sit ausus in libro apud Anglos
 Jacobi Regis jussu publicè combusto, *Discove-
 ric off Wüheraff* quod idem est, ac si dicas *De-
 rectio artis magicæ*, quâ omnem omninò Ma-
 giam septem impugnare libris proposuit, nec
 sine deplorando successu, cum ex indicio
 viri cujusdam egregii constet plurimos in
 Belgio doctos pariter ac indoctos lecto illo li-
 bro nefario fluctuasse, imò eò ignorantia &
 impudentiæ prolabi cœpisse, ut nullas non
 Dæmo-

Dæmonum apparitiones & operationes suavi-
ter exhibilarint, tanquam anicularum fabellas,
aut superstitionis meticulousæ phantasmata,
iisdemque ut plurimum decertasse armis, qui-
bus Abrahamus Palinghus sagas adversus ju-
stam judicum severitatem defendere atque Jo-
hannes Wierus evincere conatus sit illas neu-
tquam esse puniendas. Quo de pudendo co-
nato non malè Bodinus judicavit, *Auctorem Wieri sub*
divinis adversus DEUM nefariè usum fuisse, eò fin. Da-
quod libro suo blasphemiiis horribilibus refer-
to, nonnulla de DEO & lege ipsius interserue-
rit, suamque impietatem pietatis & compas-
sionis cujusdam christianæ velo tegere ausus
fuerit, sed & insigne fraudis diabolicæ do-
cumentum hinc elucere, nec gratiores satanam
ministros habere idem judicavit, quam eos,
qui omnem Magiam, omneque malignorum
spirituum cum hominibus commercium eant
eliminatum, & qui impedimento sint ne pœ-
nas meritas satanica luant mancipia. Quid
quod interdum à satana maleferiati quidam
sint subornati, qui voce pariter ac scriptis tra-
dere non dubitârunt *Magica omnia esse fabulo-*
sa? Memorabile exemplum Petrus Mamorius *Petrus*
attulit de Magistro Guilelmo Lurano Doctore *Mamo-*
Theologo, accusato magicarum artium, con-
demnatoque duodecimo die Decembris 1453. *rium in*
sed & testimoniis pariter ac confessione pro-
pria convicto, quod diabolo promississet se-
libello de
Laniis,

prædicaturū (ut fecit) fabulas esse quidquid de
 MAGIS dicatur, quin etiam penes ipsum mutu-
 tæ obligationis instrumentum fuisse depre-
 hensum, quo egregius iste Theologus dæmo-
 ni fidem dedit, juravitque se publicè prædi-
 caturum nullam prorsus ejusmodi de sagis ser-
 monibus fidem esse tribuendam. Hoc pacto
 (addit Mamorius) Magorum cessavit punitio,
 Regnumq; Satanae augescere in infinitum
 magorum numero fuit confirmatum. Sed &
 Toleti (ubi Magistrorum diabolicorum schola
 habebatur olim) quosdam ejusdem criminis af-
 fines vixisse homines Bodinus in præfatione
 Dæmonomania suæ enunciavit, qui effusè ri-
 dere cœperint, si quando quæstio de magis ha-
 beretur, totiusq; coronæ risu urbanis suis dictis
 salibusque commoverint, imò constanter affir-
 maverint, fabulas esse & *adivāla* ea omnia,
 hisque sermonibus Judicium ita mitigaverint
 animos, ut omnes Magi fuerint absoluti. Et
 cum ipse Wierus * fateatur se Joh. Trithemii
 Steganographiam exscripsisse, quam in Mu-
 seo MAGISTRI SUI AGRIPPÆ reperisset,
 librum orationibus dæmonumq; invocationi-
 bus plenum maximeq; detestabilem, hinc Bo-
 dini animum cogitatio subiit, Wierum ejus-
 dem

* Wier. de Lamiis cap. 36. *Cum bona* [scri-
 bit] *venia mei olim HERI & Præceptoris*
venerandi Agrippæ, hæc mera inania esse, a-
deoq; ridicula, cum Cardano liberè assero.

dem farinae hominem extitisse, & ad mitigandas Magorum poenas sicque augendum illorum numerum à dæmone fuisse subornatum. Neque hoc solum, sed & aliud sententia illa detestabilis Regno infernali affert emolumentum, dum regiam ATHEISMO viam parat, inque culpa est, ut pro anilibus figmentis tandem habeantur omnia, quæ de Rebus spiritualibus, Angelorum pariter ac dæmonum actionibus, cunctisque effectibus praternaturalibus hactenus fuere memorata. Quod non solum probè intellexit Serenissimus Angliæ Rex Jacobus, dum impietatis illius Doctorem suumque subditum Reginaldum Scotum *notum nunc curavit Sadduceum*; verum etiam doctissimus Bodinus, dum in egregia adversus Wierum disputatione gravissimè scripsit: *Quicumque ante hâc dixerunt id (quod de Magia traditur) esse à melancholia, NON ESSE* *Bodinus L. c. p. 431.*
DÆMONAS putaverunt, NEC FORTASSE DÆMONAS DEUMVE ULLUM CRE-
DIDERUNT SUBSISTERE. En ipsam detestandi ATHEISMI radicem, fructumq; opinionis (passim cheu invalescentis,) pestiferum! Tanto equidem majori impetu (liceat cū lectoris amici venia haud adeò impertinentē ad literatos atheos convincendos convertendosq; nunc facere digressionem,) quidā atheismi nefandi apostoli validū illud adversus
impi-

impios telum nobis eripere conantur, quanto certius huc usque cognoverunt, perditissimos homines ab atheismo facillè revocari, dum mirabiles magicarum artium effectus illis ponuntur ob oculos, ostenditurque, præter ea quæ sub aspectum cadunt, aliquid spirituale, & potentioris esse virtutis, quo admissio, facili⁹ Numinis existentiam confitentur. *Sunt autem*

D. Eri-
e⁹ Mau
ritius tr.
de de-
nunciat.
sagar.
p. 39.

(ita præclarè in diss. de sagarum denunciatio-
ne scribit D. Mauritius) *hæc omnia, quæ se. de*
contracta cum demonibus hominum amicitia
eruditi hætenus communi ferè sententia cre-
diderunt, talia, quæ ratio non capiat, quo-
modo naturaliter fieri possint, sed etiam quæ
percipiat, non posse nisi PRÆTER NATU-
RALITER, ac viribus aliis, quam huma-
nis solis, effici: Nec DEUM tamen habe-
re authorem, aut Angelos bonos, quod fæda sint
quæ fiunt, Deo adversa; & ipsorum confessio-
ne, qui rem optimè sciverunt, non DEUS sed
Diabol⁹ ex pacto eorum author indicetur. Nec
de Historicâ fide dubium, cum illa, quæ ipsi
& plures alii viderint, & quidè viri graves,
eodem quo acciderunt tempore literis manda-
runt, ubi nihil facilius quam tot testes in reb⁹
publicè gestis advocantes, falsitatis in re sens⁹
judi.

judicio manifesta convincere. Hactenus D. Mauritius, qui etiam studio singulari omnium ferè Nationum ac Gentium, Ebræorū, Græcorum, Latinorum, Asiaticorum, Africanorum, Americanorum, Europæorum, Italicorum, Gallorum, Germanorum, Danorum, Suecorum, Anglorum, hac de re consensum evicit.

Quotquot enim (ait Augustinus) *in Mun-* *August.*
do fuerunt secta, pœnas in Magos decreve- *lib. XIII.*
runt, adeoque pro fabulis merisque ludibri- *de civi-*
is vulgatos de iisdem sermones neuti- *tat. Dei.*
 quam habuerunt. Absit igitur, ut res post omnem hominum memoriam ab annis quater mille de Magis exploratissimas, imò divinæ etiam Legis (quæ perditionem interminatur populis qui Magos non castigaverint) auctoritate insinuatæ, nunc demum in recentiorum *Lev. XX,*
 quorundam, & à Dæmone circumagitorum hominum gratiam negemus aut vocemus indubium. Nec magni ponderis aut momenti ea sunt argumenta, quæ pro periculosi illius pestiferique dogmatis confirmatione hactenus sunt allata: Possit licet res incorporea corporeæ ordinariè haud sociari, nec quicquam ab ea capere detrimenti; ex communi tamen Doctōrū sententia, ipsaq; multorum seculorum experientia abunde constat, malignos Spiritus sibi cum opus est formare corpus aspectabile, ut id quod volunt *συναινεῖν* efficiant. Porro
 etiam-

etiamsi multa effecta pseudo - magica sæpè aut ab hominibus mendacibus improbè fuerint conficta, aut à simplicioribus nimis credulè accepta, hinc tamen neutiquam colligere licet, nullas prorsus esse hominum cum dæmonibus conventiones, nullos reales dari magorum effectus, similis equidem hæc conclusio illi esset paralogismo: Sæpè Hypocritæ, mali, hæretici-que dicuntur, qui revera tales non sunt; ergò nulli unquam hypocritæ, perversi hæretici, schismatici-que extiterunt. Maxime infirmum illud quoq; est R. Scoti pro temeraria sua assertionem argumentum: *Valde stulta essent Lamia, quibus Iudices tamen astutiam tribuunt, si Diabolo animam & corpus perpetuo cruciandum traderent, nullis receptis divitiis, vel commodis aliis.* Sed revera illas adeò stultas fuisse, infinita forensium judiciorum documenta, sagarum confessiones, factis per omnia respondentes, convictiones-que publicæ clarissimè comprobarunt. Quem insuper latet humanæ naturæ in casibus adversis summa infirmitas, quâ immixtas afflictiones dolores-que gravissimos tam agrè fert, tamque anxie ex angustiis liberari desiderat, ut parum sæpè attendat, quas inire debeat rationes, quasve admittere conditiones, dummodo mitigationem vel medicinam, (quâ adversitates suas nonnihil leniat) invenire possit. Animadvertens itaque Dæmon, homines in tantis

Scotus
lib. III.
c. 6.

tis difficultatibus esse constitutos, promptè
 illis insidiatur & avidè, suoque instituto e-
 os accomodatos perspicuens, mox sese insi-
 nuat, suamque ipsis pollicetur operam, le-
 vationem spondet & remedium, dum mo-
 dò talibus uti velint medijs, qualia ipse
 ad hanc rem præscripserit. Nullum tunc
 hominì ψυχικῶν sive animali remedium tam
 atrox apparet & execrabile, quod non sponte
 arripere, nulla conditio tam horrenda, quæ
 illum à societate dæmonis (operam suam,
 promittentis,) revocare possit. Lubentissimè
 tandem ille assentitur, dummodo in istis an-
 xietatibus auxilium & relaxationem invenire
 queat. Neque tamen inficias ibimus, multos
 utriusque sexus mortales vel parentum,
 vel aliorum nequitia in tenera etiam ætate se-
 ductos, miserrima Diaboli mancipia evasisse,
 & in temporalis pariter ac æterni exitij bara-
 thrum incidisse. Sic Aquitana quædam ado-
 lescentula (teste Flor. Remundo) sponte sua
 1594. fatchatur, se teneriore ætate à quodam
 Italo corruptam, postea in agrum quendam
 abductam, hirco cuidam grandi atroque ob-
 latam fuisse; hircum ab Italo quæsisse, quæ
 isthæc foret puella? respondisse, nunc eam
 à se adductam, ut in suarum numerum hircus
 illam referret, quo facto se ab Italo in locum
 priorem reductam fuisse. Sic & Joanna Har-
 villeria [quæ Bodino occasionem conscriben-
 da

Flor. Re-
mundus
lib. I. de
Antichr.
cap. 7.

Jo. B^o
din. in
prefat.
Demo-
nom.

Lc. pag.
456.

Nic. Re
mig. Da-
mono-
latri. lib.
I.

Remig.
lib. I. c. I.

da Dæmonomania præbuit] inde à duodeci-
mo ætatis suæ anno, diabolo, (qui specie ho-
minis atri staturam humanam excedentis ap-
parebat) à matre fuit oblata atque desponsata,
ille promisit se optima fide filiam curaturam, at-
que [si Diis placet] etiam beaturam. Ac li-
cet inter omnes magos convenire scribat Bo-
dinus, non cogi à Satana quenquam ut Deo re-
nunciet, aut se Diabolo devoveat, sed puram
potius liberamque à subditis suis eum exigere
voluntatem; attamen Nicolaus Remigius quæ-
dam manifesta certisque indiciis testata habet
exempla, quod Satan interdum illis pericula
gravissima intenderit, magnasque opposuerit
formidines, quos blanda oratione permovere
nequiverit. *Claudius Morelius* (scribit laud.
author) *Serra damnatus veneficii, cum rogare-*
etur, quæ res maximè illum impulsisset, ut se primum
addiceret demoni, respondit, non ante verba, quic-
quid lenocinaretur, vinci potuisse, quàm ubi de u-
xoris liberorumq, nece terrorem inieceret. An-
tonium item Welschium, cum de obtorquen-
do collo, ni in iis quæ jubebat pareret, minas
dæmon illi intendisset, non ausum fuisse quic-
quam amplius denegare; Alexiæ etiam Drie-
gæ, cum eam nullis prorsus pollicitationibus
obsequentem sibi posset adjungere, tandem in-
terminatum esse muri ædium quas illa inhabi-
taverat ruinam, quæ etiam paulò post sit con-
secuta. Sicuti verò rarius & infrequentius tam
horri-

horrido malarum impulsione genere damor-
utitur, ita plerumq; svaviores longè inescandi
perdendique hominis arripere solet occasio-
nes, à vitiosis potissimum affectibus submini-
stratas. Vel enim libidinibus amorique nefa-
rio deditos spe lactat potiundi ostentata, aut
pertasos egestatis diutina, larga atque copio-
sa divitiarum oblatione pellicit, aut ad ultio-
nem, ob acceptam fortè injuriam inflamma-
tos ostentata explendi odii facultate sibi man-
cipat, aut denique quavis alia corruptela dul-
cedineque depravatos confœderatorum suo-
rum gregi sociat, & quamprimum sibi istis pas-
sionibus aditum aperuit, ægris illorum animis
pabulum suggerere solet lethiferum, assum-
ptaque humana specie aut deambulantes in a-
gris, aut anxios in lectis, sed solos, emissa
voce quæ causa sit sollicitudinis? interrogat,
& subitum certumque promittit auxilium. A-
deoque [ut benè notavit Remigius,] Dæmon
non modo occultis ac velut domesticis illis af-
fectionibus in homines grassatur, sed palam e-
tiam, apertoque [ut ajunt] Marte, explana-
ta scil. vocis impressione, ac comparata ad col-
loquium, quæ sub aspectum cadat, personâ,
indeq; vulgò auspicari solet orationem, quod
afflicti hominis vicem doleat, cupiatque adesse
atque opitulari, sed neutiquam id se præstare
posse, nisi is prius rupto quod in baptismo per-
pigerit fœdere, velit in suam transire potesta-

tem, sicque diu ante obsessos afflictosque animos facile in deditionem accipit, inque infernalis exitii barathrum præcipitat, inito nimirum horrendo fœdere seu PACTO, manu & sanguine futuri mancipii proprio consignato firmatoque, cui veluti basi seu fundamento subsequentes operationes magicæ innituntur. Astutiæ equidem debetur diabolicæ, quod non ad cuiusvis nutum & imperium paratus sit & expeditus, nisi prius de mercede sua certior redditus fuerit, id quod sola consequitur PACTIONE, quâ tum infensum suum contra DEUM odium, tum execrandam adversus ho-

Bodin. in mines malitiam abundè testificatur. *Quinque*
Refut. (ait Bodinus) *Inquisitores in malleo maleficarum,*
opin. Wi- omnium sagarum, quas morte affici curarunt in
er. Germania, confessione compertum habuerunt, fœ-
Binsfeld. dus ipsas inire cum Diabolo. Quinimò [teste
confess. Binsfeldio] omnia maleficorum opera effe-
malef. ctum sortiuntur ex pacto expresso vel tacito
p. I. præ- cum Dæmone, ita ut semper, quando vult ma-
lud. VI. leficus operari, expressè vel tacitè invocet Dæ-
in princ. monem in auxilium ut concurrat ex pacto. Scripto autem id ipsum sæpè confirmari, dæmonemque efflagitare, ut paciscens instrumentum obligationis & chirographum proprio scriptum & subscriptum sanguine exhibeat, non ex omnium solum de re magica scriptorum consensu, verum ipsarum etiam sagarum unanimi constat confessione. Quam horrendis

dis atrocibusque conditionibus infauftus ille
 Faustus Dæmoni sese mancipaverit, DEO mi-
 serit repudium, & pactum sponfionemque cum
 diabolo sancitam proprio sanguine ex leviter
 vulnerato pollice emisso, se totum ipsi adscri-
 pserit, docet apographum, post miserabilem e-
 jus ex hac vitâ exitum in museo repertum, & à
 Georgio Rud. Widmanno divulgatum, hæc
 inter alia continens verba: Zur Befräftigung
 meiner Verheiffung will ich diesem allem treulich
 nachkommen/ und diemeil unser aufgerichtet Bünd-
 nuß zwanzig Jahr seyn soll / so denn die verschie-
 den und verlossen / so soll er diß sein Pfand **Leib**
 und Seel angreifen/und darüber zu schalten und
 zu walten haben / soll auch kein Wort Gottes/
 auch nicht die solches predigen und fürtragen hie-
 rinnen einige ver hinderung thun / ob sie mich
 schon befehren wollen. Urkundt dieses Brieffs/
 hab ich den mit meinem eignen Blut befräftiget/
 und verschrieben. O pactum nefarium hor-
 rendum & execrabile! quo miserum dæmo-
 nis mancipium seipsum tenebrarum obligat
 principi, DEO, sancto illius verbo, stipulatio-
 ni in baptismo factæ, & suæ per CHRISTUM
 redemptioni renuntiat, eademq; opera in dia-
 bolum crediturum, opem & auxilium ab illo
 expectaturum, accepturum, & in vitæ fine cor-
 pus & animam ei traditurum dato chirogra-
 pho, vel aliqua sui sanguinis particula velut
 confirmandæ pactionis pignore & arrha polli-

G R.
 Wid-
 man. in
 Hist.
 Fausti
 part. I.
 c. 10.

cetur. Diabolus vicissim pro sua parte promittit se mancipii sui nutum & voluntatem sedulo observaturum atque executurum, ita ut quocunque tempore in creaturæ alicujus figura & similitudine appareat, ad deliberandum & consultandum cum ipso, ut vel in aliquo adjuvet negotio, vel ad desideratarum voluptatum, honoris, opum, dignitatis & amplitudinis consecutionem provehat, tunc ejus causa proficisci, hominem quocunque libuerit circumferre, & (ut brevi comprehendam omnia) in illius gratiâ præstare quicquid jusserit haud invitus velit. Ad cujus rei probationem alia aliâque adferre possem⁹ documenta, ni longâ experientiâ id adeò esset compertum, ut in dubiû sine insigni impudêtia vocari nullo modo queat. Haud præter rem verò Mart. Delrio adnotavit *nefarie hujusmodi pactiois non unum sed triplicem modum esse & rationem*. Primus modus fit solemnitate varia, & ipsi Cacodæmoni visibiliter in corporea aliquâ forma apparenti coram testibus fidelitas promittitur, cujusmodi pactum inivit Nobilis ille ditionis Leodicensis narrante Cæsario Heisterbacensi, ubi Dæmon loquens audiebatur sed non cernebatur, cui [divitias honoresque amplissimos promittenti] miser homagium præstitit, suumque abnegavit Creatorem. Secundus modus per libellum fit supplicem, quem diabolo gehennæ candidati exhibere haud verentur, quâ ratio-

Mart.
Delrio
Disquis.
mag lib.
II. c. V.
qv. 4. fol.
 117.

ratione nostra ætate Mantenses in Normandia Magi libellum conscripserant, Sybillis, magiæ necromanticæ præsidibus cum oblaturi, cujus summa: Se orare Dominas, ut dignentur libros suos magicos consecrare, ut mali spiritus per omnia ipsis obediant, ut supplices reddantur tuti à judicum insidiis & punctione, ut cœpta omnia & studia illis prosperè in aulis & amicitiiis Principum succedant, denique ne inimici ipsis nocere valeant, vicissim polliceri sese, quod prædictas Sybillas pro Dominabus & principibus suis perpetuo sint habituri, & quotannis animas eis oblaturi, &c. Hos ta- *Crespetus*
men supplices omnes cum ipsis libris captos & *lib. de*
Parisiis combustos fuisse Crespetus *lib. de odio Sar.*
satanæ narravit. Tertius deniq; modus inittit *disc. 15.*
per vicarium, magum videlicet vel tertium aliquem, cum paciscens dæmonis aspectum vel colloquium quidem reformidat, auxilium tamen ejus opemque per alium anxie efflagitat. Ex his autem tribus pactiois diabolicæ rationibus primam frequentiore esse, posteriores vero duas rariores & insolentiores, hætenus varii de hoc argumento scriptores, ipsorumque mancipiorum dæmoniacorum confessiones docuere, è quibus etiam planissimè constat, Dæmonem confœderatis suis novitiis peculiarem imprimere characterem, & sæpe non uno illos notare stigmate, quemadmodum servos olim Domini notis curarunt compun-

gendos, ut in fugam dati, deprehensioni magis obnoxii redderentur; ita sua dæmon mancipia certis servitutis horrendæ signis ac tesseriis

Jac. Rex
Damo-
nolog.
lib. II.
cap. 2.

habere studet insignita. *Ejurato nimirum DEO & baptismo*, [verba Sereniss. Angliæ Regis Jacobi adscibo] *notam suam illis imprimi in rectam quampiam corporis partem, cui in proximum usq; congressum nec cicatrix obducitur, nec dolor levatur, at omnino sensus perit sanata, quantumvis stimules aut vellices, ut quotidiana probat experientia, hoc veluti documento ostendit, se eum esse, qui & ledere possit, & lesos curare, ut in rebus prosperis adversisq; ab eo solo affvescant pendere, præterea exquisitus ille dolor, relictus ex impressa nota, excitat in sauciis iniques desiderium novi congressus; aliàs forte obliviscerentur sui præceptoris hi novelli catechumeni, vix benè ad huc posito amentia tyrocinio, vel horribilis pacti memoria turbati consilium mutarent, & penitentiam agerent.* Constat insuper cicatricis locum ita exanguem esse, ac sensu labefactatum, ut ne admissa quidem acus altissimè aut dolorem faciat, aut sanguinis minimum eliciat, idque jam ita pro comperto habent rerum capitalium vindices, ut inde plerumque quæstionis
ac

ac tormentorum initium facere soleant. *Non*
ita pridem [sic Nicolaus Remigius sub seculi *Nic. Re-*
 superioris finem notanter scripsit] *hoc Spina-*
lii re ipsa fuit comprobatum. Nam cum Isa-
bella Pandæ ibi ob sortilegii crimen com-
prehensa, urbis præfecto partem corporis sic
à damone inscriptam, indicavit, subiit ei in
animum experiri, verumne id esset, quod de
eiusmodi stupore ferebatur, ergò jussit in eam
aciculam penitissimè insigi atq; inculcari,
quod cum in satis magna hominum frequentia
esset factum, & incruentum omninò vulnus
apparuit, & nullum saga doloris vel minimi
indiciū aspicientibus dedit. Ut proia res
hæc tam certa sit, uti nihil habere possit dubi-
tationis, postquam non modo qui eam suo
damno experti sunt, diversis temporibus retu-
lerunt, sed etiam clarissimis indiciis compro-
barunt, dæmonem certis stigmatibus suos no-
tare discipulos, sicuti jam olim hæreticos rebus
magicis simul implicitos, certâ nota (Irenæo
teste) insignivit, quosdam verò (ut Tertullia-
nus prodidit memoriæ) in fronte signare con-
suevit. Tingit & ipse (ita Tertull.) quosdam,
utique credentes & fideles suos, expiationem
peccatorum delavacro reprovittit, & sic ad-
huc initiat Mithra : SIGNAT AD-

*Iren. lib.**I. c. 24.**Tertull.**de præ-**scrip-**advers.**Hæretic.**post med.*

**HUC IN FRONTIBUS MILITES
SUOS.** Tam vetus igitur origo illius nefarii
est stigmatis! Eo autem [ut diximus] impresso
inuustoque, diabolus ingentem præse ferre so-
let in promissis suis fidem, læsis abominandas
ultionis vias, miseris & egenis foedas flagitio-
sasque ditescendi artes commonstrat, pecunias
iis ipse suppeditat, quæ tamen ut plurimum
sublatis præstigiis, fimus, testæ, folia, monetæ
spuriæ, aliæque id genus quisquiliæ esse depre-
henduntur. Nec immeritò multi mirantur,
quod auro argentoque vero & solido tanto-
perè destitutus sit dæmon, cum tamen vulgò
maximos quosque thesauros defossos ac recon-
ditos asservare, inque sua credatur habere po-
testate, ast nihil unquam illorum depromere,
non stare promissis, ac toties jactatam apud
suos munificentiam liberalitatemq; re & ope-
re ipso comprobare possit; aut si quid verè
ostendet, non hoc agat, quo ejus fruendi ullam
faciat potestatem, sed magis ut tali velut esca
illectos, ludificatosque homines perdat, & ad
certissimum deducat interitum. Neque verò
illud parsimonix, aut rei (cujus alioqui nihil
indigent dæmones) retinendæ studio id fieri
credamus, sed potius singulari DEI provi-
dentia immensaque bonitate hætenus id con-
tigisse, ne si veras solidasque diaboli suppedi-
tarent divitias, majori apud homines avaros &
auri cupidos sint in pretio, & ne plures pericu-
losa

losa hâc inescandi perdendiq; occasione inter-
 irent. *Ergo* (ut præclare Pfellus ait) *damones* *Pfellus*
nihil eorum quæ promittunt, ex se tradere possunt, *in cap.*
 sed visu tantum quædam inania suis cultoribus *cur Da-*
 afferunt, varia prorsus & instabilia. Sic saga *mones*
 quædam Remigio perhibente, accepta à dæ- *timeant*
 mone pecunia (ut sibi videbatur) gestiens do- *minas?*
 mum properè rediit, eam ut numeraret, sed ex-
 cussio sacco, nil nisi testas ac carbones reperit,
 aliæ arborum invenère folia, quædam Joanna à
 Banno cum nummum aureum charta convo-
 lutum in via reperisset, uti dæmon eventurum
 prædixerat, atque eum marito cupidè osten-
 taret, tandem non sine pudore advertit, pro
 auro noctam se calculum ferrugineum, qui
 primo etiam contactu facilè in frustra dissiliit.
 Et si verò dæmones in erogandis pecuniis suos
 ad hunc modum frequentissimè decipiant,
 non æquè tamen in aliis rebus, præsertim
 oblati vindicandi odiiq; explendi occasio-
 nibus, illis fucum facere solent, imò ipse satan
 (uti ab initio homicida fuit) miseros suos
 affeclas ad cædes ac parricidia impellerè mini-
 mè cessat, sed dolis suis medicato pulvere, vir-
 gis, unguine, variisque id genus venenis (quo-
 rum alia mortem, alia morbum tantum, quæ-
 dam etiam sanationem afferunt) instruere omni
 laborat studio, imò experientia sæpè compro-
 batū esse scribit Remigius, Sortilegos suas ha- *Remigi-*
 bere officinas, bestiolis, plantis, ac metallis ve- *us Da-*
 nenatis refertissimas, virgas etiam eos possidere *mones.*
l. I. c. 24.

unguine aut re quapiam alia perniciali illitas,
 quibus ceu joco sæpè obvios feriant homines,
 quos perditos velint, nec irritò innoxioque
 conatu, ut sua confessione testatum reliquerint
 plurimi. Verùm singulari Numinis optimi be-
 nignitate accidit, ut pharmaca illa diabolica
 nec semper nec omnibus fuerint noxia, sed
 quibusdam frustra aspersa, iis maximè, qui in
 maleficos capitalia exercuere judicia. Sic quæ-
 dam Catharina Ruffa (laud. authore teste)
 non semel se à dæmone inaudisse retulit, sibi
 neutiquam infinitam in omnes esse potestā-
 tem, & Asinaria Nancejana indignabunda di-
 xit: Quam benè agitur vobiscum ô Judices,
 quod nobis in vos nihil quicquam licet, nam
 nulli sunt mortalium quos tam lubenter insi-
 diis nostris appeteremus, qui sic gentem no-
 stram omnibus pœnis suppliciisque prosequi-
 mini. Frustra etiam insidiis suis hætenus divini
 verbi præcones (de magorum conversione sal-
 vationeque sollicitos) petierunt diaboli, neq;
 odii adversus eos explendi tutam facilemque in-
 venere rationem, sed omnes conatus recidere in
 nihilum, eò quod illi in ecelestis Domini tutela
 sint ac præsidio, quo unice freti, non solum sal-
 vi mansere & incolumes, sed ardua sæpe cum
 rugiente illo Leone habuere certamina, &
 hostem post seriam mancipiorum diabolico-
 rum contritionem occupatis sedibus divinā
 adjuvante gratia feliciter expulerunt.

At verò ne extra gyrum diutius ambulasse videamur, & reliquisse id, quod de convincendis literatis atheis (motivo ab effectibus magicis sive dæmoniis desumpto) dicere instituimus, non solum testimonijs doctorum virorum innumeris, verum quotidianis etiam experimentis satis constare arbitramur, quanta & quam exitiosa sit dæmonum [ut de pactis illorum cum hominibus nihil dicamus ampli⁹] potentia, quâ cient tempestates, morbos immittunt, homines convertunt in lycanthropos, segetes & arbusa transferunt, spectris homines territant, & perplexis oraculis consulentes ludificantur, erroribusque implicantur. Perijisset sanè dudum genus humanum, tot pessimorum hostium injurijs obnoxium, nisi ab alicujus supremæ potentiæ nutu penderent dæmones, quæ rabiem eorum huc usque frenavit, suæque providentiæ cancellis inclusit. Apage igitur nefaria quæque *ἰὼν ἀθίστων* volumina pariter ac colloquia, quibus validum hoc adversus impietatem telum nobis eripere, & veluti mera nefariorum hominum figmenta præstigiasque ea explodere conantur, quæ tot tantisque comprobata fuere experimentis. Caveant inquam sibi mortalium doctissimi à pestiferâ adeò pudendæ ἀπίστιας labe, ne ipsis gentilium magistris hac in parte videantur deteriores. Etsi enim profanus ille, ac ferè [an potius verè?] atheus Plinius artem

ma-

Plutarch.
in tract.
de orac.
defectu. magicam] haud veram, sed intestabilem, irritam inanemque esse statuerit ex eo, quod Nero Imp. illi operam dederit, & falsam vanamque deprehenderit; constat tamen alios (damnificis licet umbrarum gentilium tenebris obnuptos mortales) conspectis arte magica dæmonibus, DEUM etiam credidisse, veluti Plutarchus Præsidentem quendam Ciliciæ atheum, cum Mopsi oraculum consulisset; dæmonque obsignatæ respondisset quæstioni, DEUM credidisse est contestatus. Videant igitur apprimè literati christiani, ne [ut antea monui] ipsis idolorum cultoribus hac in parte sint deteriores, neve pudendæ adeò ἀπιστίας macula sese deinceps pollui patiantur.

XIV. (V.) Denique cura sollicita pectoribus piè eruditis est adhibenda, ne decipiantur ejusmodi LIBRIS atque colloquiis, quibus vel omninò negatur, vel in dubium valdè vocatur ANIMARUM NOSTRARUM IMMORTALITAS, atque in hoc (insigni quodam scriptore notante) *unicè incumbitur ne homines videri queamus*. Non sine maxima equidem cautione legendi evolvendique illi sunt authores, qui principiis atque philosophematis quibusdam suis absurdis ita indulserunt, ut sive scientes, sive inscientes animæ sustulerint immortalitatem, cui ordini præ aliis Pomponatium & Hieronymum Cardanum aggregandos esse, utriusque scripta in publica luce

Petrus
Marth.
Histor.
Gallus,
lib. 7.
narrat.
3. S. 8.
Conf.
Scrut.
arb. p. 121.
seq.

lucē prostantia, disertè loquuntur. Quamvis enim prior non absolutè ac simpliciter mortalem animam humanam cēsuissē videatur, (pariter ut philosophastri illi Itali, damnati à Lateranensi Concilio, asserentes, animam rationalē secundum fidem esse immortalem, at secundum philosophiam esse mortalem, adeoque simul mortalem ex philosophia & immortalem ex fide pronunciantes] sed tantumquam dubium quoddam & ἀλυστον reliquerit in medio; haud obscurè tamen scepticis suis disquisitionibus aditum adfunditus negandam animæ immortalitatem patefecisse videtur, quapropter Venetos illud Pomponatii opus [quod ipse author mutata mente improbasse dicitur] ignibus addixisse, nec de immortalitate, sed de mortalitate animæ inscribendum fuisse, eruditorum quidam prodidit. Et cum [Mirandulano iudice] idem Pomponatius in alio de incantationibus volumine, nec philosophum se bonum, nec Christianum bonum exhibuerit, cum effectus omnes mirificos cœlorum influxionibus adscripserit, adeo ut & religiones & leges, earumque latores ab iis voverit dependere, [quā cum fatuā de fato sententiā atheismum ut plurimum sociari, eaq; admissa vix ullum divinæ vel existentiae vel providentiæ amplius concedi locum, alibi ostendimus] multusque insuper fuerit in evertendâ cooperatione DEI nobiscum, nemo facilè dubita-

Sylvest. lib. 5. de Strigimastigis, cap. 5. Ioh. Pic. Mirand. lib. 6. evers. sing. certam. Conf. epist. ad D. Meibom. de atheismi radi- ce. p. 46. seqq.

bitabit, Pomponatium etiam altero illo de anima opere regiam quandam atheismo viam sternere voluisse, eaque propter illud pariter ac cætera clanculariorum atheorum scripta esse proscribenda, saltem singulari cum cautione evolvenda. Eundem in censum scripta

† veniunt Cardani, quippe quem apertè & absque ambagibus animæ mortalitatem composito eâ de re libro affirmasse, nec palinodiam unquam cecinisse, tametsi de premendo, metu infamiae vel etiam suppliciorum, nigro illo opere apprime sollicitus fuerit, disertè Delrio est contestatus. Si quæ hujusmodi de Cardano rumoribus fidem adhibere nolumus, eò quod libro quodam peculiari animorum immortalitatem propugnaverit; attamen quæ alibi de natura hominis tradidit, aliaque valde periculosa à Scaligero notata satis evincere videntur, Cardanum ad eandem profanè-philosophantium, àq; studioso sinceræ pietatis devitorum classem esse referendum. Cum ejusdem de animæ mortalitate opinionis pestilens sidus olim infelicem illum *Codrum Urceum* [cujus tragœdiam supra memoravimus] afflasset, parum abfuit, quin & ipse in atheismi voraginem fuerit præcipitatus. Rogantibus enim amicis, quid de immortalitate animæ sentiret? nescire se responderebat, quid post mortem de se futurum esset, viveretne animus, sive anima, an interiret una cum corpore, quæque de inferis homi-

Delrio

D.quis.

magic.

lib. 2. q.

26.

Conf.

Card.

lib. XII.

de subtil.

D. ff.

pral. p.

11. seqq.

Conf.

Barth.

Bononi-

ens, in e-

jus vita.

nes prædicarent, anilia quædam terriculamenta esse dicebat, hinc ipsi amarissimo epigrammate post fata etiam fuit exprobratum, quod non rectè de Christo, inferis, animarumque immortalitate sentiendo, latentis atheismi sui haud obscura documenta dedisset. Haud equidem malè nonnemo observavit, omnes de animâ humanâ perversè sentientes, camq; mortalem asserentes, sive DEUM ipsum negare, sive in dubium ejus vocare providentiam, quæ negata mentium nostrarum mortalitate omnino destruat. *Certum est* [Baconis sapientissimi verba adscribo] *hominem brutus cognatum esse quatenus ad corpus, quod si quatenus ad animam non intercedat ei cognatio cum DEO vilis est planè & ignobilis creatura. Cape exemplum à cane & observa, quantos sibi assumat animal istud spiritus, & quantam generositatem induat, cum se ab homine, (qui ei vice est DEI aut melioris natura) impulsu perspiciat, quam fortitudinem liquida cernas tantam esse, quantam creatura illa absque fiducia melioris natura quam propria acquirere nullo modo possit. Similiter & homo, ubi innititur & spem collocat in divinâ providentiâ & gratia, fiduciam & vires colligit, quales humana natura sibi relicta nequisset attingere. Quare ut ATHEISMUS*
 (omnis-

Fr. Bacon

Wern-

Serm.

fidel.

XVI. opp.

p. 1166.

(omnisque illi vicinus de anima rationali error) in omnibus odium meretur, ita in hoc, quod privet naturam humanam facultate se ultra fragilitatem suam attollendi. Quod cum pariter temerarii quidam Pseudo-Chymici agere tentareque videantur, ipso Paracelso praeunte contendentes, non esse difficilius ut aliquis homo generetur aut suscitetur, quam ut vermis, culex, rana, aut quidpiam simile nascatur, artemque se tenere edicant, quâ veri homines absque opera maris & feminæ producantur, industrii artificis chemici ministerio; quilibet vel me tacente intelligit, ejusmodi nefaria artificia, pariter ac cunctos eorum laudatores cane pejus & angue esse fugiendos ac proscribendos. Illorum in censum Arnoldum de Villa-Nova referendum esse Johannes Mariana in opere de rebus Hispanor. disertè pronuntiavit, testatusque est, cum ex humano semine quibusdam in vase medicamentis corpus hominis efformare studuisse, pravisque adeo opinionibus maximam suam fœdasse eruditionem. Quis obsecro Scriptura asserente, opus creationis ac resurrectionis DEO insolidum non tribuere mallet, quam putidis ejusmodi incertis atque obscuris pseudo-chymicorum experimentis? Et cum anima rationalis immortalis sit, corpusque hominis tale, ut alia via formari nequeat, fidem ejusmodi impostoribus nemo

piè-

Conf.
Epist. de
radice
Athisismi
p. 54.
seqq.

Joh.
Maria-
narer.
Hispl.
14. c. 9.

pie-literatorum adhibebit, quin potius eos veluti detestandi atheismi apostolos; eorum vero scripta [qualicumq; tandem colore seu fuce potius sint illita] ut certissima pestis ejusce seminaria averfabitur. *Pareffet*, (Theodore- *Theodo-*
to egregiè monente) *omnes planè mortales, retus i-*
imò & omnes res creatas armari in uitionem nitio ser-
tanta atrocitatis, & DEO pro innumeris monum-
nominibus, quibus illi omnes obstringuntur de provi-
stipendiarium hoc pendere obsequium. Et dentia.
cum veteris Ecclesiæ Doctores Origene præeū- *Gregori-*
te [quem ea propter Thaumaturgus Gregorius *us Than-*
summoperè laudavit] ita nos philosophari *mat. in*
jusserint, ut omnia quotquot extant, veterum *Origenis*
tum philosophorum, tum poetarum scripta, *laudat.*
colligentes, nihil rejiceremus præter ea quæ A-
THEORUM essent, qui à communi hominum
seusu discedentes, DEUM aut providentiam
ejus vocent in dubium, [hæc enim ne digna
quidem esse quæ legantur, ne quâ fortè re in-
quinaretur nobis animus, qui quum pietatem
colere debeat, sermones audiat divino cultui
repugnantes.] hinc etiam atque etiam appa-
ret, quo in numero illi libri habendi sint, qui
expeditissimam ad atheismum viam common-
strare videntur. Cadit planè in ejusmodi o-
pera, quod sigillatim de pudendis Theodori
Mopsuesteni voluminibus, blasphemiarum &
atheismorum plenis quinta Synodus œcumeni-

V. Synod. ca pronuntiavit : Cum in medium prolata sunt
collat. 8. blasphemia codicibus inserta, mirati sumus
DEI in his potentiam, quod non divino igne
statim incensa est lingua, & mens qua hac e-
ructavit ; & nunquam concessissemus pro-
cedere lectorem prae dictarum blasphemiarum,
pro sola memoria illarum indignationem
DEI timentes, (utpote una quâq; blasphemia,
magnitudine impietatis antecedentem supe-
ran. e, & mentem auditoris funditus permo-
vente ;) nisi eos, qui talibus blasphemis glo-
riantur, videremus indigere confusione, per
manifestationem earum eis inferenda : Ut
nos omnes zelo blasphemiarum contra eum ex-
positarum incensi, & in medio lectionis, &
post ipsam, inclinationes & anathematismos
contra Theodorum ut viventem & presentem
faceremus : propius sis Domine dicentes, nec
Dæmones ausi sunt talia contra Te loqui. O
intolerabilem linguam illam ! O pravita-
tem ! O altam illam manum, quam extendit
contra Creatorem suum ! Scripturas sciro
miser ille pollicitus, non meministi Osea Pro-
pheta, dicentis : Va illis quoniam exilierunt
à me ; famosi facti sunt, qui impii facti sunt
in me, iniqua locuti sunt adversum me exco-
gitati-

*gitantes locuti sunt (scripserunt) pessima. Ideò cadent in framea, propter improbitatem linguæ suæ. Hic contemptus eorum in sinu eorum, quia transierunt testamentum meum, & adversus legem meam impiè egerunt. Quanto vel ipsi gentiles ardore correpti sint ad librorum atheismo sordentium proscriptionem procurandam argumento est, quod Athenienses Protagoræ Abderitis libros [quibus divinitatem in dubium vocavit] publicè exusserint, autoremque è suis expulerint finibus. Ipsosque Tullii libros de natura Deorum, quod multitudo Numinum abrogatà, atheismum inducere censerentur, à nonnullis quidem ob luculentiam verborum retentos, à plerisque tamen prorsus repudiatos, & dignos visos fuisse, qui publico edicto abolerentur, Arnobius * hunc in modum est contestatus: Sed quid aucupia verborum, splendoremque sermonis peti ad hoc dicam, cum esse non paucos sciam, qui averfentur, & fugiant ejus libros, nec in aurem velint admittere lectionem opinionum suarum præsumpta vincentem: cumque ali-*

N 2

os au-

- * Arnobius lib. III. n. 5. conf. Lactant. lib. I. instit. c. 22. SC. adversus libros atheos & improbata religionis recitat Livius Dec. III. lib. 5. conf. August. l. VII. de C. D. 6. 34. 35.

os audiam *missitare indignanter*, & dicere oportere statui per senatum, ut aboleantur, ne vetustatis opprimatur auctoritas. Hi (ut subdit Arnobius) *tametsi errore ducti, tamen* (intercipere scripta, & publicatam, submergere lectionem) *rebantur justissimum, quippe pertinens ad defensionem divinitatis.*

Justin.
in apol.
ad An-
ton.

Lucianus
in Pseu-
domante,
confer.
Cleome-
des lib.
II. Cyclicor. rheo-
rem.

Testatur item Justinus decretam apud Ethnicos fuisse mortem contra eos, qui Hystaspis & Sibyllæ & Prophetarum libros legerent, quod inde everti ritus patrios & induci atheismum criminarentur. Sic Alexander Vates apud Lucianum Epicuri librum tanquam atheismi nefarii fermentum medio in foro combussit lignis ficulneis, ipseque Plato Poëtarum [de DEO indigna scribentium] volumina exterminari mandavit, eò quod latam atque expeditissimam atheismo parent viam. Quod si igitur damnificis umbrarum tenebris obnupta gens, tantam in suppressendis τῶν αἰσίων monumentis posuit operam fervoremque ostendit, quidni nos potius, in meliorem beatitatis sortem Servatoris beneficio genitos par vocatione nostra zelus verset & cogitatio, quo dignam christianis literatis in eradicandis pestiferis ejusmodi zizaniis diligentiam præstemus, eandemq; in profligando teterrimo illo monstro sequamur rationem, Majestati christianæ haud decorum reputantes, circa omnis boni aucto-

auctorem asserendum ea negligere, quæ profana religione imbuti pagani, in minimis Dea-
strorum suorum pseudo-sacris vindicandis tanta cura studioque perficere laborarunt. Optimi sanctissimi que Numinis nostri venerati-
oni pia hæc sollicitudo inserviat, ut gratos ad-
dictosque animos illi testemur, quod profanus
atheusque furor è creaturarum suarum ratio-
nalia animis protinus ejicere, cujusque cul-
tum ac venerationem sceleratè impiè ac sacri-
legè profligare neutiquam veretur.

X V. Sublata igitur adulterina illâ, imò sa-
crilega plantatione, spurioque vitulamine ex-
ciso, h. e. libris atheorum ad orcum unde pro-
venère relegatis, ea piè literatus studiosè sibi
compareret, evolvat, æstimet magnorum virorum
volumina, quæ ad salutarem DE I T. O. M. co-
gnitionem ac cultum manu quasi ducunt le-
gentes, Theomachos ab impietate sua revocare,
atque è densissimis Satanae tenebris erutos, lucis
sempiternæ reddere queant claritati, è contra
verò omnes sinceræ pietatis studiosos, tanto
cœlestium rerum amore imbuere, ut eis cuncta
sordeant terrena, totique divini amoris igne
(sacro Spiritu facies subdente) inardescant. Et
cum ea sit veræ fidei divinique amoris, pectora
meliora inflammantis vis, ea Spiritus Sancti,
affectus commoventis operatio, ut una cum illo
FELICIS ejusmodi PIÆQUE LITERATI animum
ardens proximi CHARITAS subeat, in-

gensque alios convertendi, & ad pietatem à profanâ vanitate ipsaque impietate atheistica deducendi desiderium; hinc Doctor sacro-sancti istius amoris face accensus omni curâ (divino accedente auxilio) laborabit, ut etiam alii ab exitiosâ illius ignorantix malitixque atheistica nebulis & pestiferorum errorum tenebris liberentur, inque pietatis solidioris exercitiis magis magisque proficiant sodales svavi amoris cultusque divini incendio recreati. Nullum equidem argumentum esse arbitror, in quo verè Θεοφιλῆς se & seculo hocce dignius operetur, quam quod atheis aut profanis literatis in viam revocandis impenditur, quod illos tenebrarum filios luci, lucem illis conciliat, eorumque salutem impensius curat promovetque. Cum verò arduum adeò & grave hoc sit opus, ut inter primæ notæ miracula sit numerandum, si quis atheorum literatorum ad saniores mentem redierit, [siquidem arctioribus vinculis eos robustus ille armatus teneat constrictos quam ut ea debiliori, quam divina est gratia & potentia vi perrumpi queant] cum inquam immensæ prorsus difficultatis opus sit tenebrionum illorum ad lucem Evangelicam conversio, hinc tantò fervidius DEUM piè-literatus invocet, ut miseros istos ab impietate sua revocare, & pro immensâ bonitate sua è durissimis Satanæ vinculis liberare velit, quo debitos DEO honores impendere atque sem-

*Conf.
Epist. de
eradi-
cando a-
theismo
p. 25.
seqq.*

sempiternæ salutis aliquando compotes fieri possint. Non sine fructu equidem singulari DEI causam adversus atheos aget quilibet sincerâ pietatē & charitate præditus doctor, DEUM semper ob oculos habens καρδίου ὥσιν, omniaque dicta factaque sua ad ejus gloriam ut primarium ultimumque finem dirigens, ast pietati etiam *Curam* jungens *seriam*, summamque sollicitudinem, quam veteres εὐλαβείαν dixere, quæ scientiæ lumen adhibeat negotiis, abstrusa penetret, revelet operta, illuminet obscura, cunctosque DEO sacros hortetur ut dignam officio diligentiam præstent, neq; incuriosi aut imparati ad tanti momenti negotium (scil. τῶν αἰδίων conversionem) accedant, sed & veræ sinceræque animi studeant demissioni, hujusque virtutis pretiosissimo sale singulas suas aspergere laborent actiones. Memorabile Nazianzeni Salesiiq; [insigni lenitate sua atheorū vit. Sa- quendam in viam unde exerraverat reducentis, les. c. 3. ac pene abolitam DEI cognitionem perditæ il- vid. e- lius animæ postliminiò imprimentis] exem- pist. de plum alibi commemoravimus, ostendimusque atheismo eos qui absque verâ hominiquæ christiano ne- eradic. cessaria animi moderatione DEI & religionis p. 33. causam sint aggressi, in vanum plerunque la- seq. borasse, nec scopum præfixum feliciter assecutos fuisse. Optime saluberrimum illud [ita olim in quâdam de atheismo eradicando epistola

scripsi,] conversionis tractabitur negotium, si athei, vel de atheismo vulgo suspecti initio moneantur, ut praposteram istam cogitationem ex-
cutiant, nec adversus DEUM, ipsam natu-
ram ac propriam suam utilitatem dimicare
pergant, quin potius certum eligant & veris-
simum, eos qui DEUM verè colunt contem-
plentur, quam exhilaratum habeant vultum,
quam pacato ac quieto semper sint animo,
quantum oblectamentum iis vera afferat re-
ligio, quam magna fideles repleat letitia quod
vero DEO, tam excellenti, tam bono & in o-
mnigenere infinito deserviant, impii con-
tra, horrenda plerumq; & tetrica tristitia,
afficiantur - Igitur deinceps navigium su-
um h. e. se ipsos sapientius regant, ac fir-
missimè credant, revera DEUM esse, qui
eos ad resipiscentiam sapius provocet, eaque
præter illum non ut crudelem & tetricum,
apprehendant, sed potius summè misericor-
dem, qui peccata sua confitentibus benignè
pareat & sublati conscientia stimulis men-
tem pacatam iis restituat. Animum itaq;
ad eum erigant, sublimius aliquid de divina
eius cogitent majestate, nec vera religionis
lumen scelera detegere existiment ut cruciet,
sed

sed vulnera aperire ut persanet, tantummodo pœniteant, quod tam detestando errore hætenus fuerint impliciti, nec deinceps ad eum reverterantur. Quandoquidem verò hæc christianæ lenitatis viâ non semper ad optatæ conversionis metâ deveniatur, imò multorum atheorum [literatorum cumprimis] pectora longè sint duriora, quam quæ veritatis cœlestis pietatisq; sinceræ cedant impetui, hinc non contemnendæ aut negligendæ, sed adhibendæ potius usurpandæq; aliæ sunt atheomastigum methodi, atque præstantiora artium ac scientiarum subsidia, quorum per magna in convertendis impiis illis utilitas esse videtur. Et cum athei literis imbuti ut plurimum profanis, potius philosophicis quam sacris & divinis nitantur decretis, hinc operam divinæ gloriæ zelo flagrantēs doctores adhibeant indefessam, ut ingeniosâ aliquâ disputatione illos constringant, & tanquam alteros Goliathos proprio quasi gladio jugulent. Haud abs re Socrates olim scientias artesque liberales commendavit πρὸς τὴν γυμνασίαν τῷ υἱ, quasi mens iisdem ad majora subeunda corroboraretur, magisque scitè Basilii; *Sicut (ait) tinctores ut perfectum purpure colorem panno inducant, inferiorem alium colorem subtexere solent; ita se habere humanas scientias ad divinam sapientiam.* Notius est, quam ut prolixiori e-

Conf. Epist. de atheismo eradicando p. 35. seqq. ubi de variis atheomastigum methodis prolixè disserimus. Basil. M. in orat. ad adolescent. centes.
 geat

486 COMMENT. I. DE LITER. QUORUND. IMP,
geat demonstratione quantum lucis rei Theo-
logicæ ex diligentiori artium ac scientiarum
tractatione accedat ; quantum inventionis ca-
pitibus, ut totidem argumentorum domiciliis,
quantum variis syllogismorum generibus
[quibus nequissimis illis empæctis ora impu-
dentissima obturamus,] sit tribuendum ;
quam commodè apteque Dialecticæ beneficio
singula adversus atheos digerantur, membra-
umque retexendo, omnium quasi sistantur
conspectui. Meridiano Sole clarius est, nemi-
nem ad illam scientiarum Reginam sapientiæ
nomine dignissimam, (Metaphysicam intelli-
go) animum rectè applicare posse, quin cun-
cta transcendat, rerumque omnium quoddam
admittat principium, bonorum omnium fon-
tem, causarum supremam causam, præcipuum
metaphysicæ objectum. A primâ philoso-
phiâ ad naturalem tendentibus, duplicem a-
theos convertendi modum suppeditari [alium
quem vulgus amet, alium quem doctiores
& philosophi sequantur] alibi notavimus. Nec
minus Geometriæ, Astronomiæ, Arithmeticæ,
aliarumque ; tum liberalium tum mechanicarum
artium & disciplinarum beneficio atheos ad a-
gnosendam asserendamque tandem divini
Numinis existentiam adduci posse, Marius
Mersenn⁹ quondam diffuso illo opere demon-
stravit, quod quæstionum in Genesin celeberr.
titulo divulgavit. Si cui verò hæc per toti-

us

*Conf. E.
pist. de
eradic.
ath. p.
60. seqq.
Mar.
Mersenn.
qu. celeb.
in Gen.
à p. 15.
ad 576?*

us Encyclopædiæ campum sese diffundens atheos convincendi convertendique ratio nimis ardua prolixa ac operosa videatur, cam eligat, cæterisque anteponat methodum, quam ipse Sanctus Spiritus in Sacro codice ostendit, ipseque usurpavit, AB EFFECTO NIMIRUM AD CAUSAM, seu ab operibus ad opificem rerumque omnium conditorem argumentatus. Optimè omnium Paulus divino dictante Spiritu ostendit, quibus gradibus homo intelligentiæ lumen secutus ad æternam usque DEI potentiam ac divinitatem agnoscendam colendamque deveniat.

Primo etenim animalis homo res conditas Conf. cit. contemplans huc perducitur ut aliquem esse epist. p. fateatur à quo hæc omnia sint condita, & cu-^{65.}

jus virtute administrentur; inde verò ad æternam ejus potentiam ac divinitatem provehatur necesse est, siquidem eum qui omnia condiderit, rebus omnibus conditis antiquior ac proinde æternum esse oportet; & incredibilis ista vis, quæ tanta regenda molis sufficiat, excellentior sit necesse est, quavis aliâ etiam præstantissima virtute, id ipsam

est quod DEUM vocamus. Hinc etiam Just. M. nus, interroganti olim, unde notum sit esse in Qv. DEUM aliquem? scite respondit: Ex rerum Græ. quæ extent constitutione & perseveranti di-

tur.

turnitate id intelligi: Non enim extarent ea, quæ extant, nisi ante ea DELL Sextitisset, qui partes creatura omnes utiliter ex usu & commodo universa creatura ordinavit.

*Minu-
tius Felix
in Olla-
vio,*

Quid potest esse tam apertum (inquit Minu-
tius Felix) cum oculos in cœlum sustuleris , &
quæ sunt infra circave lustraveris, quam esse ali-
quod Numen præstantissimæ mentis , quo
omnis natura inspiretur, moveatur, alatur, gu-
bernetur ? Cœlum ipsum vide quam late ten-
ditur , quam rapidè volvitur, vel quod in no-
ctem astris distinguitur , vel quod in diem Sole
illustratur , jam scies quam sit in eo summi mo-
deratoris mira & divina libratio. Enim verò
ut si quis Bibliothecam libraria supellectile in-
structissimam contempletur, in quâ structi fo-
ruli , libri in ordinem digesti, omnia tersa &
munda , & aptè disposita , non est credibile
quendam esse posse tam excordem, ut censeat
hæc casu ita facta esse, & non potius hæc tri-
buat humanæ industriæ ; At nulla est Biblio-
theca tam aptè digesta, nec tam ornata ac locu-
ples , ut posset ullatenus cum hujus machinæ
structura & perfectione comparari. Ver æque
cum suis floribus, & æstas cum suis messibus, &
autumni maturitas grata authorem suum pa-
rentemque testatur. Hoc inquam genus argu-
menti (quod præter Minutium alii etiam pri-
scæ Ecclesiæ Doctores, cum primis Athanasius

& Au-

& Augustinus egregiè tractarunt) probè ob- *Athanas.*
 servet, ac sibi perquam familiare reddat quis- *lib. ad-*
 quis in convincendis convertendisque atheis *vers.*
 divino urgente zelo spirituq; operam collocare *Gentiles.*
 velit salutare. Nec minus ipsi perspectum *August.*
 sit quomodo DEUS ratione sui non possit esse *lib. X.*
 nisi Unus & Trinus; ratione loci nisi imensus; *confess.*
 ratione temporis nisi æternus; ratione intelli- *c. 6. &*
 gentiæ omniſcius, ratione operum omni- *alibi.*
 tens, ratione actionis optimus, maximus, liber- *conf. e-*
 rimus sapientissimus. Cum primis autem circa *pist. de*
 demonstrandam atheisque inculcandam DEI *eradic.*
 unitatem totus occuperetur philotheus, idque *ash. p.*
 facile evincet, si profanis illis sapius revocet *68. seqq.*
 ad animum, imperfectionis maximum argu-
 mentum fore, si divina substantia multiplica-
 retur, cum nec individuorū multitudo reperia-
 tur nisi in rebus quæ sunt corruptioni obno-
 xia, quæque re ipsa intereunt, & partem sui
 quandam, ut propagatio fiat, prius amittunt.
 Cum igitur communi notitiæ repugnet ut vel
 in DEUM cadat corruptio, in quem ne qui-
 dem corruptibilis generatio cadere possit; nec
 ulla re DEUS indigeat, ullaque imbecillitate
 laboret, UNUS tantummodo sit oportet, nul-
 lum habens socium essentiâ diversum. Et cum
 ipso experimento satis dilucidè constet, supre-
 mam omnem potestatem esse consortis impa-
 tientem, consentientibus in id etiam omnibus
 sapientioribus viris apud Lactantium, quorum *Lactant.*
 eâ de DEO effata circumferuntur: *lib. 1. in p.*

UNUS qui solus DEUS est

Unus perfectò verus est unus DEUS;

Et si qui sapientes fuère qui plures posuerint DEOS, ut de Platoniciis & Plotino perhibetur, illi ministros solum Deorum intellexerint, quorum tamen unicus esset princeps, aliorumque author; cum insuper abunde doceat ratio, omnem legitimum ordinem aut ab uno esse, aut ad unum referri: ea propter tandem palam fateantur admirenturque necesse est illi damnificis umbrarum tenebris obnupti mortales præter sacrosancti Numinis existentiam, æternam etiam ejus & immutabilem UNITATEM. Atque ut tanto majus discrimen inter Theologos christianos & Philosophos veteres (philosophiam à fabulis & Poetis mutuantes, apud Homerum, Hesiodum, & Ennium, qui Deorum suorum natales, conjugia, progenies, imperia usurpata, obitus & sepulturas prædicarunt) deprehendatur, id etiam velut consequens fide & ratione docendum erit, DEUM immortalem esse, æternum, omnique ortu & interitu carentem, *Omnis enim* (ipso Lucretio canente) *per se Divum natura necesse est, immortalis ævo summa cum pace fruatur.* Neque est quod diu pie-literatus hæreat ut DEUM quoque INTELLIGENTEM ostendat, cum DEI nomine nemo non quippiam eximium seu summè excellens concipiat, & inter omnes rerum gradus emineat gradus intelligentium.

gentium; necesse igitur est, ut quantò illius substantia seu mens est omni alia purior, tantò perfectius ille intelligat, sicque cum nos multa offusi caliginè, nihil sincerè perspiciamus, sed gradatim unum post aliud, varia per varias conseqvutiones deducendo cognoscamus, ipse intuitu simplici, nulla indigens ratiocinatione cuncta perspiciat, intelligat atque cognoscat. Præter hæc piè-literato atheomastigi laborandum est ut ostendat DEUM æque potentem ac scientem esse, adeo ut nihil uspiam reperiatur quod ejus virtuti non cedat, tanta etiam libertate præditum, ut à nullius cogatur arbitrio, nullius legem suscipiat, aut subeat potestatem. In promptu etiam sint oportet præcipua rationum momenta, quibus demonstremus DEUM res creatas omnes admirabili sua conservare, PROVIDENTIA, & unam quamque earum ad finem dirigere sibi convenientem, imò sine providentia nec Deum Deum esse posse, cunctasq; res creatas istam Dei providentiã necessariò exigere, nec puncto quidem temporis durare posse, ni à conditoris sui vi atque potentia iisdem succurratur. Postremò in omnium quantum fieri potest τῶν ἀθεῶν animos à Theosopho christiano inducendum est, DEUM & in se beatissimum esse, & totius beatitatis authorem, cum ipsa dicter ratio, cum non posse non beatissimum esse, qui bonorum omnium fons sit, nullaque molestia turbetur, quod ipsi etiam agnove-

192 COMMENT. I. DE LITER. QUORUND. IMP.
re philosophi veteres, DEUM ita felicem
prædicantes, ut illius felicitati nihil neque ad-
jici, neque adimi valeat, juxta id quod etiam
de diis stoicorum dictum est apud Lucretium:

*Lucreti-
us l. III.*

*Apparet divinum Numen, sediq; quiesce
Quas neq; consensuunt venti, neq; nubila nimbis
Adspargunt, neq; vix aeri concreta pruina
Cana cadens violæ, semperq; innubilis æther
Integit. & large diffuso lumine ridet.*

*Conf. E.
pist. de
erad. a-
theis. p.
112.
seqq.*

XVI. Quandoquidem verò melior longè
atque sublimior THEOGNOSIA ex Verbo
DEI revelato petenda sit atque haurienda,
si quidem is, qui se rudiori in naturali lumine
ac creaturarum speculo adumbravit, idem se
in sacrâ Scriptura vivis expresserit coloribus;
hinc cura studioque singulari dispiciendum,
qua ratione irrefragabilis illius autoritas mi-
seris ac infelicibus atheis ita poni possit ob o-
culos, ut documenta Verbo DEI revelata faci-
lius illi agnoscere avidiusque arripere possint.
Ac licet inter primarias autoritatis irrefraga-
bilis notas, atque Θεογνωσίας criteria facile
præcipuum sit ipsius Spiritus S. testimonium,
seu vis ejus arcana, occultis aculeis fodicans
corda legentium & audientium, omnique ra-
tione potentior; ab ea tamen [ut alibi etiam
monuimus,] in reductione atheorum haud
quaquam faciendum initium, nec jubeantur
expectare donec Spiritus S. in ipsorum cordi-
bus

bus immediatè de Scripturæ autoritate testetur ;
 verum pressius urgenda interna cœlestis autho-
 ritatis indicia, utpote antiquitas Scripturæ in-
 fallibilis, cum nulla Religio vetustiore Scri-
 pturam scriptoresque habeat quam Israelitica,
 & quæ eodem fundamento nititur Christiana,
 imò omnis liber quantumlibet antiquus, no-
 vus sit si cum Scripturæ antiquitate conferatur.
 Commendetur porrò admirabilis Scripturæ S.
 harmonia, & pulchra librorum omnium con-
 gruitas, quod licet non ab uno auctore, nec
 uno eodemque tempore ac loco conscripti fue-
 rint, sed à primo scriptore ad ultimum aliquot
 annorum millenarij interjecti, suavissimus ta-
 men totius corporis concentus, & concatena-
 ta universi codicis *παραγωγή* ubique depre-
 hendatur. Nec minus evidentissimum SA-
 CRORUM VATICINIORUM ostendatur *Conf. E-*
 complementum, cum disertis semper Prophe- *pist. de*
 tarum Sanctorumque hominum prædictioni- *crad. 17.*
 bus eventus exactissimè responderit, ijque de *cheif. p.*
 rebus longissimè absentibus & futuris tanquam 117.
 de præsentibus imò præteritis sæpè sint locuti, *seq.*
 nec unquã fefellerint. Quam maximè etiam ur-
 genda sunt miracula quæ per Moysen & Pro-
 phetas in Veteri, Christum & Apostolos in No-
 vo Testamento patrata, quorumque fama non
 ad gentiles tantum propagata, sed etiam cum
 illustriore gradu ad Ecclesiam essent vocandi
 apud ipsos verbo annunciato, miraculorum re-
 O spectu

spectu fides eò facilius impetrata fuerit. Urgenda deniq; in arduo cum atheis literatis conflictu Sacri codicis inter tantos satanæ furores per tot annorum millenarios conservatio, & ad nostra usque tempora propagatio, quamvis enim non semel, sed iterum iterumque Orbis & orcus junctis quasi copiis in ultimam doctrinæ hujus sanctissimæ perniciem conspiraverint, furensque dæmon in quasvis occasiones intentus, totque damnorum regno suo per Scripturam illatorum memor, partim aperta violentia, partim operta fraudulentia pròtinus eam evertere laboraverit, salva tamen & superstes usque quaque manserit, nec ad eam extinguendam omnium tyrannorum sævitia vel ipsa inferorum portæ quicquam valuerint.

XVII. Quodsi verò motivis hujusmodi occupatus profani literati animus, sublimius aliquid & augustius de Sacro codice rebusq; in eo contentis cogitatione conceperit, omni curandum studio, non solum ut ex in ad salutarem SS. Numinis CHRISTI quæ Salvatoris cognitionem, sed etiam CULTUM in verbo revelato præscriptum, morumque corruptissimorum emendationem & correctionem ille manu quasi ducatur. Colendus nimirum à literato ad pietatem converso est DEUS velut summus omnium pater, cujus amore universa coherent, omnisque stat rerum in Orbe compages, colendus est [inquit Agatho] quia Pater est justissimus, fortissimus, temperantissimus,

mus, sapientissimus, colendus quia primum bonum est, primum verum & primum pulchrum, omnia avertens mala, omnia creans bona. Cane pejus & angue literato fugienda est fucata illa atque eментita religio quam ille petebat ab Apolline :

*Jane Pater clare, clarè cum dixit Apollo
Lubra movet metuens non audiri, pulchra Pers.
Laverna sat. 2.*

*Da mihi fallere, da sanctū justumq; videri,
Noctem peccatis, & fraudibus obiice nubē.*
Apage inquā nefarium ejusmodi cultum, aliū longèq; præstantioris religionis vi ad DEUM attolletur ei; conjungetur quilibet veræ Theosophiæ candidatus, si scil. ad sinceræ solidæq; pietatis [spreta profanæ doctrinæ & vitæ vanitate] culmen ac fastigiū adspirans, seriò desideret petatq; mentem sacro horrore præditam, & animum reverentem erga sanctam DEI faciem, arcanissima cordium penetrantem, singulasque actiones, consilia, imò verba etiam cogitataque minutissima observantem, neq; deinceps existat rarus adeò parvusque (profanorum more) pietatis cultor & infrequens, studiosèq; caveat ne eandem impietatis labem contrahat, quā olim insignis ille literator Joh. Sturmius fuit notatus:

- - - decemq; per annos

*Sturmius in Templo bisve quaterve fuit;
Adhuc non solummodo de DEI natura cultuq;
O 2 doctè*

doctè differat, sed etiam ej⁹ observet voluntatè, vitam hanc fragilè inter preces, meditationes, & lectiones sacras consumat, id omni tempore agens, quod vellet novissimè, DEUM semper ob oculos habeat vindicem, omniaq; dicta scripta & facta sua ad ejus gloriam ut primum ultimumq; finem dirigat. Licet enim DEUM è verbo ejus revelato literati etiam atq; etiam cognoscant, inque supremo Theosophiæ studio singulares faciant progressus, ast corda sua DEO subducant, totosque sese huic Mundo devoteant, mandatis cælestibus oblitis, & eorum obedientia excussa, DEI contemptores osioresque impii vel ipso Christo judice habentur, qui eos meliores olim non ducet, quam putos putos atheos, apertosque gloriæ suæ hostes ac contemptores, usque dum scelestos suos mores studiosè correxerint. *Quemadmodum enim* [ita notanter alicubi Cyprianus] *bona opera profitentur DEUM, ita mala quodammodo loquuntur NON EST DEUS, nec est scientia in excelsis.* Quid interest utrum DEUM neget literatus, aut infamet? Infamat autem maximè DEUM, qui pudenda vitiorum colit idola, ipsoque supremo Numine spreto divinum decus ad nequitias suas transferre non dubitat. Apud veteres unica manu quæ dextera esset ad osculum admota adorabatur Numen ne falsa esset Religio, aut Numen multiplex toleretur; Nos potius DEO vero nati sacra-

tisque

tique cuncta detestemur factitia numina, caveamusque sollicitè, ne ore solo [ut Apostolus loquitur] DEUM profiteamur, *factis* abnegantes, & ne nuda duntaxat cognitionis præsuntione fascinati, in solo religionis nomine, solaque christianismi umbra acquiescamus, vera interim pietatis solidæ exercitia omninò negligentes. Falsò equidem literati [atq; Theologi etiam] dicuntur christiani, qui Christi vitam neutiquam imitantur, nisi fortè novo quodam nomenclatore vocetur atheus *Ein Christ/* *beanus ein Artist/* uti nonnemo belle est jocus. Non solùm igitur cuilibet veræ consummatæque felicitatis candidato curâ singulari omnis omninò abneganda est IMPIETAS, verum danda etiam opera, ut primùm piè quidem vivat, tum sobriè, denique prudenter, pungenda & excitanda sæpius ipsi est conscientia, ut summum illud vitiorum & malorum omnium *Impietatem* scil. magis magisque excretur, soli pietati locum relinquatur in animo, ejusque sincero captus amore, cunctas inanes profanasque vitilitigationes [impietatem ut plurimum generantes] omni ingenio studioque declinet. In nemine equidem literatorum fides veraque religio reperitur, nisi cujus cor Spiritus Sancti luce illuminatum ejusque virtute regnitum, DEO suo adhæreat unicè, & in ipso parta felicitate fruatur.

XIIX. Gema PIETAS est omni superior æstimatione, auro etsi non fulget, nihil tamen pro-

pterea ei decedit dignitatis, siq; vel ipso literario ornatu careat, non minoris fit à negotioso illo mercatore, qui nihilominus eam cunctis suis facultatibus duxit anteponendā. Et quanta sit veræ sinceræque pietatis præ sciendi acumine excellentia ac dignitas vel inde apparet, quod rudes sæpè indoctiq; illuc evolarint, unde doctissimi & perspicacissimi scientiarum omnium *Luciferi* excidère. Sempiterno suo & irreparabili damno dæmon didicit sanctæ integritatis, & emunctæ subtilitatis notabile discrimen, postquam de supremæ felicitatis sede illustris ille, scientiæque omnigenæ facibus totus ardens & fulgurans angelus esset deturbatus, atque tenebrarum addictus imperio, qui stulto ambitu cœli dominium affectarat. Nec Lucifer solum, verum primus etiam homo ab ipso Orbis exortu expertus est, quantum detrimenti scientia solida virtuti pietatique non sociata afferre possit. Quam primum scil. primævus innocentiae nitor occidit, serpentis infernalis lenociniis interemptus, splendidum illud sapientiæ cœlestis habitaculum in vile & rusticanum tentorium transit. Quid quod scientia virtute & probitate destituta nunquam fuerit stabilis & diuturna, sed brevissimam ut plurimum habuerit vitam, in ipsis vivendi exordiis suffocata? Licet quidam indolem habuerint ad literas planè factam, brevi tamen disparuère, cum vitiis irrepentibus mentes
atque

atque ingenia eorundem corrupta & depravata fuissent. Sæpe autem eâ gloria DEUS pietatem literarum expertem decoravit, ut rudi sermone & solæcismis (dicente Theodoro) philosophantium omnium argumenta eliserit. Et cum SS. Numen CAPUT à mortalium nemine, COR verò ab omnibus requisiverit, eo ipso innuere voluit floccipendendâ esse omnem *ingeniosam* terrenamque sapientiam, ni probi cordis integritati ea fuerit sociata. Ut ut igitur indocta etiam pietas summo in pretio sit habenda, multoquæ melior literato probus existat; ille tamen omne punctû tulisse videtur, qui JUNCTAM CUM DOCTRINA SINCERITATEM possidere omni cura studioque laborat. Terque quaterque FELICEM ejusmodi LITERATUM alterum quendam dixeris Baptistam, qui ARDERE simul & LUCERE desiderans, cum lucidissimis doctrinæ suæ RADIIS emittit spargitque ardentissimas etiam virtutis pietatisque solidæ FLAMMAS. *Ipsè est LUCERNA ardens & lucens; Non ait Christus (ita præclare in rem nostram Bernardus) lucens & ardens, sed quod ante ardebat, dein lucebat. cum LUCERE solum videa-* Bernard.
sur olere hypocrisin & vanitatem, verum ardere sit sermo. in
SOLIDÆ & VERÆ VIRTUTIS nota nativitas.
 & indicium Hoc autem charactere illi præcæ- Ioh. Bapt.
 teris LITERATI sunt conspicui, qui de socian- app. Tom.
 da eruditioni *Pietate* unicè sunt solliciti, pri- II. fol.
 mum Ipsi flagrant, vivis divini Amoris flam- 102.

mis accensi, dein nobili sua lucentes doctrinâ,
opeque cœlesti efficientes, ut alii quoque dul-
cibus flammis & suavi sinceræ pietatis igne
accendantur. Ad summa quæque feliciter
aspirabunt excelsi ejusmodi Doctores, cum
non solùm P E N N A S (scientias scil.) ad vo-
latum extentas, verum etiam M A N U S sub
pennis A C T U O S A S habeant. Hi colle-
ctum & conquistum è C O E L O pariter ac
T E R R A favum feliciter adeò distribuent,
ut de illius M E L L E pietatis vitæque cœle-
stis suavitatem haurire possint animi, de cerâ
verò L U M E N doctrinarum iisdem sugge-
ratur. Quidni par illud optime compositum,
nimirum *copulata scientia pietas* A R C A
D E I duobus ornata cherubinis posset appel-
lari? Verè *osculatur cœlestis sponsus* talem
animam *osculo sui* O R I S, atque genuinum
intimorum amicorum suorum, ipsiusque sem-
piternæ beatitatis eidem imprimit characterem.

Cum enixè osculum [ut scitè Bernardus]
id est Spiritum Sanctum invocet, accipit
simul per eum quoq. S C I E N T I Æ gustum,
& gratia condimentum. Et benè (pergit)
Scientia qua in osculo datur, cum amore re-
cipitur, quia amoris indicium osculum est.
Isti [Beda enunciante] sunt V E R I L U C I S
F I L I I; quin imò [ut cum Ambrosio loqua-
mur,]

Ita scitè
Bartol.
in cha-
racl. lit.
part. I.
pag. 84.

Bernard.
Sermon.
VIII. in
Can.

Beda in
Psalm.
118. Am-
bros. in
sund.

mur,) *DE IPSIS*, quibus pater celestis divinitatis suæ eructat arcanum; sunt iidem ex Origenis iudicio lilia fragrantissima, quæ veritatis candorem DICENDO præferunt, AGENDO autem purpuram vel aurum exhibent charitatis. Et cum pius quidem, sed literis carens homo oculo veluti altero destituatur, siquidem ad DEUM cognoscendum magnum scientiæ præsidium conferre soleat; nihil sanè non ille videbit, atque mentis suæ acie assequetur, qui utroque virtutis doctrinæ *Bartol.* que solidæ oculo sit condecoratus. Neq; verò *l. c.* gemina, aut contraria invicem objecta geminus *p. 87.* iste oculus respiciet, sed instar unius videbit, multòq; acuti⁹ perspiciet omnia, rerumq; longissimè etiam distantium spatia accurati⁹ multò metietur. Si cognitionis solidioris lumini, FIDEI sinceræ oculus accesserit, literatus utraque luce conspicuus, planè lynceus efficitur, imò effulgebit aliquando ut Stella in perpetuas æternitates, ornabit Civitatem auream veluti inæstimabilis pretii gemma, illisque Doctoribus sociabitur, qui olim sciendi pariter ac vivendi præstantiâ admirabiles extirere, ad beatissimam tandem solisque fidelibus promissam adspirabit immortalitatem, affatimque Vitæ hujus, tot miseriarum turbinibus agitæ brevitatem compensatam reperiet, ubi è seculi

O 5

hujus

hujus tenebris atque infinitarum vanitatum
abyſſo, in admirabile cœleſtis gloriæ lumen,
optatiſſimumque ſupremæ felicitatis pa-
radifum fuerit trans-
latus.



COM-



COMMENTATIO II.
DE
LITERATORUM
HOMINUM FASTU
SIVE
SUPERBIA.

I.



LTER Satanæ Angelus, à quo
 ERUDITI HOMINES assidue impu-
 gnantur, & (quod apprimè dolen-
 dum) frequentissime superantur,
 SPIRITUS ELATIONIS est, pu-
 dendaque SUPERBIA, illa sævissima & imma-
 nissima bestia, quam Hipponensis Episcopus
 scitè AMOREM PROPRIÆ EXCELLEN-
 TIÆ definivit, Salomon verò divino dictante
 spiritu omnis peccati initium esse enuntiavit,
 nec initium solum, *verum* [ut præclare Pro-
 sper addidit,] *finis etiam & causa, quia nihil*
unquam peccatum potuit, aut potest, aut poterit esse
sine SUPERBIA. Quæ sicut origo omnium est cri-
 minum,

*August.
 lib. II. de
 Gen. ad
 lit.
 Prosp. de
 vita cor-
 templ.
 lib. 3. c. 2.*

Isidor.
lib. II.
de Sum-
mo Bono.

Bern. To.
II. Serm.
18.

minum, ita (Isidoro monente) Ruina om-
nium virtutum ; Ipsa enim (pergit) in pec-
cato prima, ipsa in conflictu postrema, men-
tem per peccatum prima prosternit, novissimè
de virtutibus dejicit, inde & omnium pec-
catorum est maximum, quia tam per virtutes
quam per vitia humanam (præsertim erudi-
tam) mentem exterminat. Cumq; super-
biâ nihil sit immanius, hinc radicale illud litera-
torum hominum vitium præ cæteris juxta
ipsius quidem Bernardi monitum fuit repre-
hendendum : Primum [ait] vitium incre-
pandum est superbia, unde **DOMINUS**
præcepit : Increpa feras arundinis, id est
mentes superbas, quæ fera dicuntur quia sunt
sylvestres ad DEUM, & fera id est crudeles
ad proximum. Talis fera Literatus superb⁹
cū plerunq; sibi spondeat maxima, suas tamen
neutiquam respiciat vires, sed vanas imò insa-
nas sæpè cogitationes in ea intendat, quibus
est impar, altissima cupiat atque conetur ; mi-
rum non est si præcipitem quo constitit,
locum neutiquam advertat, sed spissam animi
incurrat cæcitatem. Quî enim fieri potest ut
quidpiam videat, quamvis in artib⁹ literarum-
que studiis lynceos habeat oculos, qui ne UM-
BRAM quidem suam præ fastus & elationis
caligine cernere valet. Si enim videret, non
can-

tantam esse adverteret, ut alii sub eâ latere, vel
ceteros ipse præ se contemnere opus habeat.

Usque eò enim Superbia propriæque præstan-
tiæ æstimatio & aliorum contemptus sunt con-
tubernales, ut nullus unquam superbus turgi-
dusque literator sit inventus, qui non idem.

hoc cæno, turpi videlicet aliorum contemptu
fuerit maculatus, vanaque & inani opinione
sui [quam fatuorum adulatorum sæpè adjuvat

magniloquentia] tantoperè sufflatus, ut nutus
annutus, renutusque suos jus quoddam esse si-
bi persvaserit, quo omnes obligentur; Adeò sc.
magni & intolerabiles LITERATO SUPERBO
sunt spiritus, iidemque tam pravi & pertinaces,

cum tamen si intimè sese excutiat, nil nisi i-
psam repertur⁹ sit inanitatem. *Quam multos vi-*

deos (ita appositè scriptor perquam eruditus] *Dan.*

hujus farina sapientes, tumidos, superbos, Bartol.

tanquam globos ad perfectam geometriam ex- charact.

actos, vix uno terram contingentes puncto, lit. p. 128.

adeò summis duntaxat pedibus eam libant

affectata quâ carent doctrina specie plane

ridiculi, qui ubi circumspexerint quam præ-

bent sui pompam, Bucephalos putes, ephip-

piario stragulo tam gloriose fulgurantes, ut

tangi nolint nisi ab Alexandro. Scitè ad-

modum Petrus Blesensis; Antiquus

(ait) ille Cerasites duobus maxime cornibus

cunctos Dom.

*Petrus
Blesens.
Serm. I.
in Ad.
ventum*

*cunctos impugnare mortales solet, ELATIO-
NE ANIMI & immunditia carnis.* Vali-
dissimo equidem illo Elationis superbiæque a-
riete nunquam non Viros doctrina eruditione-
que singulari conspicuos est aggressus, summa-
que effecit tyrannide, ut libera aliàs ingenia,
miserrimam subierint servitutem, nec bono-
rum solum & donorum, sed vitæ etiam, famæ,
æternæque felicitatis fecerint jacturam. Ut
igitur maximum illud ruinæ literariæ, munda-
næque fallaciæ elementum magis cognosca-
mus, coelestique gratia adspirante eruditis o-
mnibus persvadeamus, ut omni fastu abdicato,
seriæ demissionis studio invigilent, vel impuro
illo aëre quodammodo infecti, ad meliorem
vitæ, christianæ scil. transmigrant regionem,
initio Coментationis hujus INFELICES quos-
dam, fastuq; turgidos literatos, suis pridem se-
pultos tenebris ad vitam quasi revocabimus.

II. Exitiosa illa SUPERBIÆ peste cun-
cti olim laborarunt Gentilium Philosophi,
solo ferè excepto Epicteto, qui ab omni fastu &
arrogantia alienissimus, maximæ apud omnes
existimationis & famæ extitit, & cum totius
Philosophiæ summam duobus hisce contineri
statuerit, ἀνέχεσθαι καὶ ἀπέχεσθαι. i. e. *Sustine &
abstine*, quantum sincera animi demissio curæ si-
bi cordiq; fuerit, egregiè comprobavit. Alia
longè mens cæteris fuit Gentilium Magistris,
quos fastus animique elatio ita inflavit & ex-
cæca-

cœcavit, ut nec se ipsos agnoscere, nec aliis ve-
 ræ philosophiæ documenta dare potuerint.,
 qui hinc prudentiorum sapientiorumque o-
 mnium sannis expositi fuerint atque irrisioni.
 In hunc censum cum primis olim venit PALÆ-
 MON Grammaticus, postquam gloriatus esset
 secum natas esse literas, ac secum quoque mo-
 rituras, publicas etiam obire vias mundique ca-
 lamitatem lugere non dubitasset, eò quod post
 suum è vivis discessum Orbem eadem quæ prius
 exceptura esset ignorantia. Tumidæ huic præ-
 dictioni in tantum respondebat eventus, ut ad
 epitaphium mortuo scribendum nemo ullam
 adhibuerit LITERAM. Quo arrogantia mor-
 bo summoperè etiam laboravit Menecrates *Ælian.*
 Medicus, amplissimam sibimetipsi statuatam sive *lib. XII.*
 imaginem poni curans, nec aliam ab ægris mer- *de var.*
 cedem requirens, quam ut servos se Menecratis *bisfor.*
 confiterentur, & JOVEM Menecratem ado-
 rarent. Sic Cajus Nævius Comædiogra-
 phus non solum magnificè ubique ingenii sui
 monumenta prædicavit, verum tale sepulchro
 suo inscribi jussit epitaphium: *Immortales se*
fleere fas foret, fletent Diva Camæna Nevium Poë-
tam, qui postquam orci traditus est thesauro, oblitus
sunt Romæ Latina loqui lingua. Meritissimo equi-
 dem jure factum tam execrabilem communis
 excepit derisio, commune opprobrium. Eo- *Eras.*
 dem elationis spiritu turgidus Agathocles pe- *l. 8. A-*
 ripateticus arroganter jactavit sese & solum & popu-
 lum

Plut. in
Cicer.

primum esse omnium Dialecticorum; Q. Ennius, qui Homeri animam sibi obtigisse enuntiavit, ipseque M. Tullius Cicero, quem, Plutarcho teste, *immensa gloria cupiditas perpetuò tenuit, quâ plurima ejus facta praeclara, consiliaq; egregia frequenter sint interpellata.* Cum idem Romæ adolescentes plurimos eosque nobiles, quod se contra disciplinam militarem gessissent, accusatos defendisset; *clausus* inde, è Siciliâ Romam contendens, in Campania incidit in quendam ex primoribus, ex quo cum quæsivisset, quid de rebus suis gestis cives Romani sentirent? illeque nihil de iis sibi constare respondisset, mox animo concidit, eo quod mentio sui in Urbem tanquam in vastum pelagus delapsa, nihilo se ad gloriam reddidisset conspectiorem. Incertum est utrum Heracliti lacrymis an Democriti risu vulgi que fannis dignior fuerit Alexarchus ille sui opinionem Grammaticorum alpha, qui suam cœlum arbitrabatur scholam, auditorium stellas, præceptiones suas lucem; nomina, verba, pronomina, signa zodiaci totidem; se verò SOLEM ipsum, quo & dici volebat nomine, & pingi schemate, nec vacabat apud illum culpâ qui fixos in eum mitteret oculos, nec ejus perstringi videretur splendore. Hunc certè Tiberius Mundi cymbalum convenientius nominasset, quam Appionem & ipsum Grammaticum, sui que admiratione ita tumidum, ut sensu planè

vacuus

vacuus evaserit. De Calliphane poëta memorat Athenæus, eum carminum & orationum diversarum initia ad tres tantum aut quatuor versus & conscripisse, & fastu singulari pronunciasse, quo ab imperitioribus multisquis & eruditus videretur. Ac licet Empedocles non fictæ sed veræ doctrinæ, summæque eruditionis laude conspicuus fuerit, fastus tamen & arrogantia morbo tantoperè laboravit, ut penè pro Numine se coli voluerit, imò Ætnam insilierit, atque medios sese conjecerit in ignes, ut in numerum Deorum translatus videretur. Quemadmodum & Themison Cyprius Hercules dici volebat, eoque nomine sibi rem divinam fieri patiebatur.

*Athen.
Dionos.
lib. I.*

*Phlog.
lib. 8.
c. 15.*

*Cal.
Rhod.
lib. XI.*

III. Sed exemplorum ex gentili Orbe aliatorum sit satis, ne prolixitas fastidium gignat, tristes potius quorundam Christianorum & pestilenti superbiæ fidere afflatorum Doctorum casus, horrendasque turgidorum Literatorum & Clericorum tragœdias intuebimur, in ipso Ecclesiæ doctiq; Orbis proscenio peractas; Lumina quædam eruditionis fulgentissima observabimus, quæ superbia fastuque procurante de cœlo lapsa, inque fatuos ignes sunt transmutata, postquam sc. novorum dogmatum, hæresum abominandarum, aliorumq; errorû sive authores sive fautores singulares extitere. Triste ruinæ hujusmodi documentum post Simonem illum Magum dedit Marcion hæresiarcha, qui [teste

*Ans.
LeEt. 6.
16.*

Epiph-
 anius con-
 tra hares.
 lib. I. ha-
 ref. 42.
 Iren. ad-
 vers. ha-
 ref. Va-
 lentin. &
 simil. lib
 I. c. 31.
 Euseb. lib.
 VI. Hi-
 stor. Ec-
 cles. c.
 43. pag.
 242. c.
 dis. Va-
 les.
 Niceph.
 lib. VI.
 hist. c. 3.
 Socrat.
 l. 3. c. 7.
 Sozom.
 l. I. c. 2.
 conf. Ba-
 ron. ad
 annum
 362.

Epiphanio] ad magnam indignationem ac
 SUPERBIAM elatus orthodoxos hunc in mo-
 dum compellavit : *Ego findam Ecclesiam ve-*
stram, & mittam fissuram in ipsam eternam. Et
 revera [addit Epiphanius] fissuram immisit non
 parvam, non tamen Ecclesiam diffidit, verum
 se ipsum & eos qui ipsi obediverunt. Sic Ta-
 tianus Justinii quidem auditor, ac singulare ini-
 tio fuit noviter in Orbe gentili fundatae Acade-
 miæ Christianæ ornamentum, post præceptoris
 verò [ut Irenæus tradit] martirium magiste-
 rii præsumptione elatus & inflatus, ab Ecclesia
 recessit, atque cum Valentino & Saturnino hæ-
 resiarchis conspiravit. Novatum quoque fa-
 stu & jactantia inani tantoperè elatū fuisse ex
 Eusebio Nicephoroque discimus, ut sollicitè
 efflagitarit Ecclesiæ gubernationem, cumque
 miser ille TUMORE ET AMBITIONE im-
 mensa [ut scriptor notanter addit] correptus
 nihil egisset, in desperationem incidit, & ab
 Ecclesia se ipsum segregans, proprios cœtus co-
 gere, & novam quandam post defectionem su-
 am hæresim instituere cœpit. Nec minus pul-
 cherrimus ille Lucifer Calaritanus elatio-
 nis & contentionis spiritu urgente de Christia-
 nâ Ecclesiæ cœlo cecidit, magnaque concitata
 dissensione summum orthodoxis luctum intu-
 lit, atque incussit timorem. Quâ etiam labe
 turpiter pollutus hæresiarcha ille Nestorius,
 [Theodoretò memorante] *semper suam magis*
quam

quam Christi gloriam querere studens, neque ingenium illum & fructuosum dicendi characterem imitatus, qui hominum animos pascere posset; sed ad popularem auram declinando, & vanum populi applausum aucupando, instabile & abjectum vulgus ad sui desiderium concitavit; imò Socrate addente SE IPSUM OMNIBUS ANTECELLERE existimans, ex fulgentissimo sidere in fatuum ignem est transmutatus, inque pudendam illam erupit hæresin, quâ Mariam vocari vetuit. DEIPARAM. Innumeros per omnia secula commemorare possemus doctrinæ christianæ professores, qui singularibus quidem dotibus instructi, aut abominabili illa peste tantoperè fuere corrupti, ut semper ad altiora aspirantes, sibi & aliis temporalia æque ac sempiterna exitia, Ecclesiæ verò gravissima scandala attraxerint. Licet summus ævo suo Philosophus acerrimusque disputator fuerit PETRUS ABÆLARDUS; Superbia tamen ejus fastusque animi immodicus, (quo altiora se semper scrutari, Arianique Nestorii Pelagii & aliorum damnatos errores defendere, ipsumque D. Bernardum inanis philosophiæ captionibus supplantare cogitaverat.) effecit, ut tantum non omnium odio expositus fuerit atque execrationi. Nec ipse quidem in calamitatis suæ historiâ ad amicorum quendam conscripta diffusi

Theodor.
epist. ad
Sporad.

fiteri potuit, inde gravio^{rem} se sustinuisse quorundam indignationem, indeq[ue] [quæ ipsiusmet * Abaelardi verba sunt] calamitatum suarum exordia cepisse, quod supra vires ætatis de **INGENIO SUO PRÆSUMENS** ad scholarum regimen aspiraverit. Et quoniam (notanter addit) prosperitas stultos (literatos) semper **INFLAT**, & mundana tranquillitas vigorem enervat animi, & per carnales illecebras facile resolvit: Cum jam **ME SOLUM IN MUNDO SUPERESSE PHILOSOPHUM** aestimarem, nec ullam ulterius inquietationem formidarem, fræna libidini capiti laxare, qui antea vixeram continentissimè - Cum igitur totus in **SUPERBIA** atq[ue] luxuria laborarem, utriusq[ue] morbi remedium divina mihi gratia, licet nolenti, contulit, ac primo luxuria, dein superbia, luxuria quidem, his me privando quibus exercebam, **SUPERBIAE** verò, qua mihi ex literarum maximè scientia nascebatur juxta illud Apostoli, **SCIENTIA INFLAT**, illius libri quo maximè gloriabar combustionem me humiliando. Etenim quamprimum ejus de unitate

* Petrus Abaelardus, Epist. I. quæ histor est calam. ejus, extatq[ue] in æio opp. Paris. curâ Fr. Ambæssii editor, 1616.

nitate & Trinitate divina tractatum, humanis
 & philosophicis rationibus refertum vidissent
 legissentque adversarii, crebris suggestionibus
 Remensem Archiepiscopum commoverunt, ut
 quædam sub nomine Concili celebraret con-
 ventum, ipsumque compellerent ut propria
 manu librum memoratum in ignem projiceret,
 quo facto IPSE [ut disertè ait] SUPERBIS-
 SIMUS, nec accepta gratia memor, de subli-
 mitatis sua fastigio fuit dejectus, ac q̃ divi-
 na pietati tandem vindicatus. Itaque
 tristi suo Abaelerdus exemplo docuit quanti
 ponderis sit gravissima illa D. Augustini sen- *Augusti-*
 tentia, quod scilicet acutissima & excellen- *nus epist.*
 tissima ingenia tanto in majores ut plurimum *LII.*
errores iverint, quanto praesidentius, (super-
bia fastuq; urgente) tanquam suis viribus
evincere vult. Magno suo periculo id ipsum ævo
 superiori didicit Hieronymus Cardanus; Is *+*
 postquam satis temerè alicubi negasset se quic- *Cardan;*
 quam ab aliis inventum sibi adscribere, cum *lib. VII.*
 sufficiant sibi propria, atque de iis conquestus *de rer.*
 fuisset, qui suppresso nomine inventa ipsius sibi *variet.*
 vindicarent, omnes eos AMENTES vocavit, qui *c. 33.*
 nescirent inventa Cardani talia esse, ut A NUL-
 LO INVENIRI potuerint, qui non jam fama egre-
 gia esset cognitus. Hinc jure meritoq; Super-
 biam Cardani & ingenium nominis auctorida-
 tisq; desiderio flagrans perstrinxit Gabr. Nau-
 deus,

Gabr.
Naud. in
Judicio
de Car-
dano, seu
præf. li-
bro eius
de vitâ
propriâ
præfatiâ.

dæus, in judicio quod libro Cardani de vita propria præmissum est; *Huc tandem* (ait ille) *redeo ut Cardanum ex intemperie quadam animi nusquam aequalis & compositi, absurda multa fecisse, & minime sibi in omnibus consentaneum loquutum fuisse concludam.* Scitum est enim melancholicos omnes, cujusmodi cum fuisse in dubio apud me non est, *STUPRIBOS ESSE*, nimirumque sibi blandientes, & elatos, quia melancholia cum halituosa sit, flatus illi ventosa faciunt ingenia, & magnarum rerum, ut nominis, honorum, auctoritatis, desiderio flagrantia, &c. Neque verò præter rem hæc de Cardano Naudæum scripsisse argumento est, quod ipse in nono de vita propria capite fassus sit, sese frequentem de nomine perpetuando habuisse cogitationem. *Perpetuandi nominis* (scribit ibi) *rationem & vetum tam citò inii, quam serò spectare potui.* Verum revocatus ratione ab huiusmodi desiderio, ut nihil inanius eâ spe, ne dum voto solo animadverterem. Utinam à pestilenti illo desiderio omnes pariter revocati fuissent literati, ut nihil inanius eâ spe votoque esse animadvertissent! Utinam nostræ pariter ac superiorum ætatum homines quidam literati turgidorum antecessorum suorum periculis & casibus edocti rectius sapuissent, & dili-

gen-

gentius perniciosam illam principis tenebrarum evitassent catapultam, ne semetipsos, urgente elationis pudenda spiritu exaltantes, amplissimamque de se foventes opinionem, turpiter à supremæ felicitatis, honorisque sempiterni fastigio decidissent.

IV. Prodeant è cineribus suis Literati plures, malorumque suorum (quæ fastu procurante incurrerunt) nobis, fide dignis usi interpretibus, Iliadem commemorent. Agmen ducat miser ille Simon Thurvajus Anglus, qui cum dialecticus esset acutissimus, & liberalium artium in Academia Parisiensi magni nominis Professor, aut scientiâ *quæ inflat* plenior quam eâ quæ ædificat, temereque in scholis jactitare non esset veritus, se totam Christi legem scire, sed improbando annihilare posse universam; ita oblivione subita fuit percussus, ut elementorum literariorum planè ignarus, ne quidem orationem Dominicam amplius pronunciare potuerit. Consimilem planè calamitatem olim quidam subiit cui nomen Colmanela, homo doctrinæ suæ scientiæque profunditate ita inflatus, ut summa quæque sibi de ingenio suo sit pollicitus; subito enim omnem scientiam, ac si nihil unquam didicisset perdidit, spissæque ignorantiae tenebris fuit involutus. Neque ignorantiae solum, verum sempiterni exitii tenebras ob ingentem animi sui fastum (ut quidam memorant) incurrit subiitque famosus ille Do-

ctor Parisiensis, qui ex ipso feretro accusatum se; judicatum atq; damnatum multis audientibus est professus. Memorat ex Antonio Sen. Martinus Delrio in magicis suis disquisitionibus⁹ circa annum Domini 1370. Neapoli in quodam Cœnobio non paucos comparuisse religiosos, qui uno ore sint professi se ordinis cujusdam famigeratissimi quondam Doctores fuisse, Baccalaureos & Lectores, ast ob pudendam animi sui elationem atque superbiam semperternis flammis esse mancipatos, quo dicto ductis tunicis ardere visi, oculis vivorum sine subducti. Atq; ut evidentiora miseriæ hujus superbis paratæ literatis documenta producam⁹, memorabilem recensebimus cujusdā elati turgidique Theologi tragœdiâ quam Joseph⁹ Acosta in suo de novissimis temporibus⁹ opere, prolixiori stylo est prosecutus; Vixisse eum scribit in amplissimo regno Peruensi, ejusque penè unicum oraculum habitum fuisse, fastu verò impellente tandem eò fuisse adaectum, ut de summis Theologiæ questionibus feminam à diabolo correptam consulere non dubitaverit, miracula deinceps patrare tentaverit, Angelumque sibi divinitus datum jactitaverit, cujus ope omnia quæ veller disceret, imo ad DEI ipsius familiaritatem, & immediatum

Martinus Delrio disquis.

Mag. c. l. 6. c. 2. Sect. 3.

Josephus Acosta lib. II. de tempor. noviss. c. 11.

rum colloquium pertingeret. Neque hæc solum superbissimum & insanissimum illum hominem pertinacissimè asseruisse, verum (satanæ suggerente angelo) enunciaſſe, concessam sibi sanctitatem super omnes angelos & choros cœlestes, cunctosque apostolos, quin etiam (stupeſce qui legis!) oblatam sibi à DEO unionem hypostaticam, sed ab ipso non admissam; datum quoque se redemptorem orbis quoad efficaciam (uti quidem loquebatur stultus,) eò quod Christus solum quoad sufficientiam fuisset. Quinimò illum ad tribunal Ecclesiasticorum vocatū, ea libertate & facundia perditissimam suam causam defendisse, ut omnibus fuerit stupori, horrendumque dederit documentum, quo mentem eruditam adigere posset pestis illa ingeniorum superbia scelestissima, quam ne imminens quidem ignis supplicium minuere potuisset, cum enim (ait Acoſta) ad publicum spectaculum eſſet deductus, igne ob horrendas blasphemias consumendus, semper in cælum innuebatur, ignem in Judices grassaturum cœlis expectans, uti quidem ipsi pollicitus

erat diabolus ; atque ignis quidem nos nullus ex alto corripuit, illum verò redemptorem & novum legislatorem flamma ex immo rapuit atque redegit in cineres. Neque verò hunc solum nequissimum diaboli apostolum, atque superbiam detestandam publicum in Peruenſi regno professorem, verum etiam alios quoque eò INSANIAM devenisse, ut Christo sese pariter ac Moſi palam præposuerint, tragica Davidis Georgii, Henrici cujusdam Nicolai, (qui circa annum 1556. ejusmodi paradoxa Amstelodami disseminavit,) & aliorum fanaticorum exempla, patrum cum primis nostrorum ætate docuerunt. Humanum planè supergressum modum fuit Alphonsi X Castellæ Regis superba mens, & plusquam divina sui confisio, quam horrida tandem confusio excepit. Profitebatur ipse astronomum, ut quædam hinc tabulæ astronomicæ illius nomine dicantur Alphonsinæ. Quâ tamen in arte nec tantus nec tam potens erat, ut ejus humeris Cælum Atlas auderet credere, absque periculo ruinæ, attamen cerebro suo tantum arrogabat, ut dicitaret si DEO adstitisset cælum componenti, & suas stellis scribenti periodos, meliori consilio docturum fuisse, quo pacto illum suum laborem ordinatius digereret, & proportionibus mutuis convenientius aptaret. Non potuit non offensum cælum in eum [qui os suum adversus altissimum posuerat] arcere fulmi-

fulmina, detraxitque DEUS homini coronam de capite, ut ex frontis venâ tanquam stulto sanando sanguis mitteretur. Domo enim pulsus ipsomet à filio & exul in terra aliena vivere desuit. Quo ipso Alphonſi ævo etiam vivere hominum literatorum alii fastu animique pudendâ elatione ita excœcati, ut non verbis solum, sed factis etiam turpissimis ostenderint, quantas sæpe lolium hoc pestilentissimum radices in mentibus eruditorum agere, quantoque contemptui Viros doctrinâ aliàs incomparabili conspicuos exponere queat. Paucissimi novissimis hisce temporibus in doctorum hominum inventi sunt cœtu, qui eandem cum Adriano Turnebo demissionis laudem reportarint. Is [ut Sammarthan⁹ ait] licet totius Gal-
Sam-
 lia doctissimus fuerit, ad quem audiendum ab
marib.
 ultimis orbis partibus frequentissimi concur-
Elog.
 sus instituti, attamen incredibili adeò modestia
l. b. ii. p.
 conspicuus extitit, ut semper vultum virgina-
46.
 li pudore demissum gesserit, eoque ipso tanto magis singulos in sui rapuerit admirationem. Alium longe animum inflati illi turgidique literatores induerunt, qui fastus elationisque labe toti corrupti, tandem calamitates gravissimas & fulminantes miseras aspexere. Cum famosus ille Italus atque doctissimi Sigonii æmulus Franciscus Robortellus (scribente Johanne Imperiali) INGENITOS FASTUS
Jo. Im-
 deponere neuiquam voluisset, ad hæc alacer
perial. in
 lite-

Musæo
Histor.
fol 61.
62.

Antonius
Riccob.
Lib. II. de
Gymnas.
Pat. c. 46.
p. 52.

Jo. Im-
per. l. c.
p. 156.

literariæ inhiasset contentioni, tandem graves
adeò elationis suæ pœnas dedit, ut Caroli
quinti Imp. laudes funebri oratione perfec-
turus, in ipso dicendi exordio collapsus fuerit
animo, sensibusque ita turbatus, ut coactam
orationis segetem expandere haud amplius
potuerit, sed perægris audientium nictubus,
obscurisque omnium sermonibus fuerit exce-
ptus. Paremque cum decessore hoc suo Robor-
tello casum subiit doctissimus quidem, ast in-
flantis scientiæ cœno æque conspersus Joh.
Faseolus Patavinus, utpote qui [teste Antonio
Riccobono] in primis orationis prolusoriæ
verbis defecit, ut sine orationis recitatione de
cathedra descendere necesse habuerit, præsen-
tibus Præsidiis, Rectore, magnoque audito-
rum concursu, cum turgidus orator verba
protulisset sequentia: *Placuit Serenissimo*
Venetiarum Principi placuit excellentissimo
Senatui, placuit illustrissimis Gymnasii mo-
deratoribus; statim obmutuit, ita ut à jocosis
juvenibus in multis scholarum locis sit per-
scriptum: *Per verbum PLACUIT, Faseolus*
DISPLICUIT: Displicuit non eo qui-
dem, sed immensi poti⁹ fastus nomine plurimis
ævi sui hominibus literatis Johannes Baptista
Marinus, qui multorum inde sibi intestina un-
dique conflavit odia, plurimaque subiit & re-
rum & vitæ discrimina, cum sui adeò amans,
jacta-

jaetabundus, procaxq; in ceteros fuerit, ut unquamque scriptiois poeticæ formulam, vel selectiorem paulò sententiam aliorum prognatam studio, sibi tanquam Caballini fontis vindiци protervius arrogare, ac pro novo quodam Musarum parente geniique datore sese venditare non dubitaverit.

V. Ejusdem farinae inflatos turgidosque literatos plurimos in Pinacotheca sua Janus Nicius Erythræus atro notavit carbone, variisq; Doctorum superborum ideas Orbis conspectui exposuit. Illos inter Johannes quidam Ciampolus Florentinus, qui (teste Nicio) omnia scientiarum ac disciplinarum genera in sua supellectili numerarit, philosophiæ ac poëticæ facultatis Dominus ac magister supremus haberi voluerit, nec affirmare dubitaverit multa in philosophia se reperisse Aristoteli ipsi incognita, doctrinam ac methodum ejus veluti hominis ignarissimi prorsus rejecerit, in versibus autem faciendis tantum sibi tribuerit, ut omnes qui ante ipsum scripssissent, tum Etrusco tum latino sermone rudes & agrestes vocarit, omniq; verborum ac sententiarum robore destitutos. Virgilium verò ac Franciscum Petrarcam eo nomine felices

Jan Nicius
Erythræus
Pinacoth.
Vir. illustr.
p.
II. nunc
XIX. p.
63.

Thraso

Thraſo ille appellavit, quod tot ſeculis principes poëtarum habiti eſſent, cum nihil in eis niſi humile & vulgare inveniretur, nec comparandi quidem eſſent ad eos, qui ſua ætate florerent, puta ſe paucosque alios priſcis illis longè eſſe antepoſendos. Quo ipſo etiam inſanæ mentis æſtu eodem Erythræo memorante ita abreptus fuit Antonius Maraſſa, ut optimè cum iis actum eſſe judicaret, quibus ſive natura, ſive error eam mentem inje- ciſſet, ut ſe in aliquâ arte eſſe OMNIUM PRIMOS exiſtiment, licet digni non ſint qui in poſtremis numerentur, nam iis ſolis benè eſſe, & quanquam aliis deridiculo ſint, ipſos SIBI plaudere. & ex eo quod didicerint, cum ad id quod eſt in eo ſummum atque perfectum perveniſſe ſe credant, voluptate omnium maxima perfundi; cumque cognati ejus amicique curâ ſingulari iſtum morbum expellere ſtudiſſent, graviter illos incuſavit, quod ſummam ſibi voluptatem extorquere, & gratiſſimum mentis eripere vellent errorem. In pariter abſurda dicta tractus fuit Johannes Franciſcus Carretonius qui multis audientibus ſæpè gloriatus eſt, perfectu-

*Idem E.
rythr.*

*Pina-
coth. f. II.
n. 45.
p. 145.*

*Idem E.
rythr. d.*

*l. part.
l. n. 93.*

fecturum se, ut omnes intelligerent, neminem eorum qui viverent majorem quam ipsum eloquentiæ cæterarumque virtutum instructu, apparatuque ornatum, ad scribendam historiam accessisse, *sed tam magnificum dictum* (scribit Nicius) *utpote plenum vanitatis ac spiritus tennes abiit in auras nec adhuc annalia, quæ nemo unquam est inspecturus apparent.* Alexandrum Tassonum etiam tam elato turgidoque ingenio fuisse idem perhibuit, ut Virorum poeticæ facultatis laude clarorum opera ad suæ censuræ rationem normamque redigere non dubitaverit. Talem insuper elatæ vanitatis utrem quendam Dichæum nostro ævo vixisse ex ejusdem scriptoris indicio constat, qui nihil non omiserit, quod *Id l. c. n. 122. p. 117.* à superbi hominis moribus esset alienum, sive ad lævam sive ad dextram se flecteret, sive sursum, sive deorsum moveret, sive aliquo accederet. sive inde recederet, semper sui similem fuisse inventum. Sed & ipsum Trajanum Boccalinum istâ Super- *Id. num. 149. p. 271.* biæ culpâ neutiquam caruisse hominem, quæ revera inflatum ac tumidum extitisse, qui plus aliquanto sibi tribuerit quam veritas

tas & ratio concesserit, Nicius collegit ex eo, quod gloriatus sit novam à se viam, re-
 pertam, quam philosophiæ cupidi sequan-
 tur, non salebrosam, & sentibus oblitam,
 sed placidam voluptuosam, amœnam, flo-
 ribus herbisque depictam, vel potius SE
 philosophicarum rerum acorem inva-
 vem ac molestum, lepidis ac prædulcibus
 inventis tanquam saccaro condiisse, ac
 bolum conflasse dulcem simul acidumq;,
 qui satietati fastidioque medeatur, gusta-
 tuique præter modum jucundus, impura
 & immunda secernat & depellat, quâ ta-
 men novâ philosophiæ methodo sepositâ
 spretaque, Bocalinus novam in Parnassi
 vertice civitatem duxerit instituendam,
 cui præesset Apollo, apud quem tum lite-
 rati omnes de suo jure inter se contende-
 rent, tum principum privatorumque a-
 ctæ examinarentur. Et cum librum scri-
 psisset, cui lydii lapidis nomen indiderat,
 quoque ostendere conaretur, Regis tum
 omnium maximi ac potentissimi opes ac
 vires non ita magnas esse ut hominum,
 ferret opinio, sed facile deleri posse, si
 quis alius Rex ad eas infringendas labe-
 factan-

Conf.
Erythr.
pinacoth.
III. n.
89. p.
223.

factandasque accederet; die quodam Venetiis ubi se maximè tutum fore speraverit, ab aliquot militibus circumventum, sacculisque plenis arenâ ita contusum, commitigatumque fuisse, ut ex ea verberatione supremum obierit diem, nec ipsum Apollinem (cui summum rerum omnium arbitrium tribuebat,) ab eo infortunio incolumem illum præstare, nec perficere potuisse, quin styli aculeati pariter ac superbiæ ingentis graves adeò horrendasque poenas dedisset. Quas si non *Id. p. 1.*
hac, tamen alia ratione incurrit Angelus *Pinac.*
Angelotius, tanto quondam pollutus fastu, ut pro omnium sapientissimo, communique Magistro ac Domino voluerit, *n. 158.*
haberi, cæterum ita loquax, ut iis, quibuscum una esset, nullam sermonis partem duxerit relinquendam, quâ ipsâ de causa (sæpè laudato Jano teste) communi omnium odio atque indignationi fuerit expositus. Agmen notatorum ab illo *Idem*
teratorum turgidorum claudat Raphael *part. I.*
Menicuccius, qui fastu immodico urgente, *Pinac.*
in extremam adeo mentis insaniam incidit, ut crebris jactare sermonibus solitus *n. 160. p. 296.*
fuerit,

fuerit, nominis sui famam iisdem quibus terra definitur cæli regionibus contineri; nullam esse toto Orbe terrarum gentem, siue humanitate ac literis præditam, siue morum feritate immanem, siue lingvæ nobiscum societate conjunctam, siue ejusdem à nobis varietate dissidentem, quæ esset expers EJUS NOTITIÆ, nullum esse in terris locum, siue propinquum siue remotum, siue celebrem siue solum, quo NOMINIS SUI FAMA non permanasset; nullum esse Regem, nullum Imperatorem, nullum Dynastam, qui incredibili sui videndi cognoscendique cupiditate non flagraret, & Idalianem nescio quem inprimis nominabat, quem Regem Maurorum agebat esse longè potentissimum ipsius amore mirificè captum, sed neminem frequentius in ore habebat, quam Magnum Mogorem, quo nullus esset in toto Japone clarior; iis adjungebat Sinarum Imperatorem aliosque plurimos, qui nominis sui fama permoti certos ad se mitterent homines, qui suis ipsi verbis salutem plurimam dicerent, munera traderent, atque ipsos quoque ad se venturos fuisse,

fuisse, neque itineris longitudinem pericul & incommoda recusaturos, si per bella licuisset. Et ne splendido aliquo titulo ea stultitia careret, spretis ac repudiatis cæteris hominum literatorum appellationibus, Comitris cognomen accepit, seq; ab omnibus Comitem Menicuccium appellari voluit, cum omnibus habens gravissimam de loco honoratiori contentionem, postulans scil. ob tam insignem gloriam apud externos partam anteferri præponiq; omnibus. Advenienti sibi omnes assurgere, deque via cedere jussit; ingredienti ad lavam incedere, multaque adeò inepta adeò ridicula ex infano illo patravittumore, ut communi tandem omnium contemptui, communi opprobrio fuerit expositus, fumo tandem miserè excruciat, cum in loco quodam editiore prandium capere statuisset. Verum longè clariora Cæli Literarii sidera nostra etiam ætate fumoso illo fastu ita fuere obfuscata, ut gravissimam apud prudentiores melioresque meritò incurrerint reprehensionem. Sic Nobilem illum Claudium S. Virum in omni literarum genere eminentissimum, ac sine con-

Ottav.
Ferrari-
us in li-
teris ad
Lector.
quas po-
steriori
librorum
de Re
Vest. par-
ti presi-
xit.

troverſia hujus avi ſummum fuiſſe Ota-
vianus Ferrarius judicavit, ſed qui qua-
ſita meritis **SUPERBIA** immodicus ſui
aſtimator extiterit, aliorum contemptor,
omnisq. ſententia, cujus ipſe author non eſ-
ſet, inimicus. * Richardum etiam Montacu-
tium Anglorum doctiſſimum **NON SINE FASTU**
contra

* In Cimeliis literariis P. Colomeſii
pag. 99. leguntur ſequentia :
M. Voſſius m'adit, que Meſſieurs Gaul-
min, Saumaſe & Mauſſac ſe recon-
trans un jour à la Bibliothèque Roya-
le; le premier dit aux deux autres, le
penſe que nous pourrions bien tous
trois tenir teſte à tous les ſçavans de l'
Europe. À quoy M. de Saumaſe ré-
pondit, loignez à tout ce qu'il y a de ſa-
vans au monde, & vous & M. de Maus-
ſac, je vous tiendray teſte moy ſeul.

H. e. Voſſius mihi narravit, quum quodam
die in Bibliothecâ Regiâ Gaulmy. Salm.
& Mauſſac ſibi invicem occurriffent,
horum priorem ad reliquos duos dixiſſe,
puto nos tres omnibus qui in Europa vi-
vunt Eruditis paria faciuros; cui Salm.
repoſuit, vos duo jungite vobis quicquid
in univerſo Orbe terrarum Eruditorum
reperitur, & ego non dubito me ſolum opa-
ponere omnibus.

contra Bulengerum Baronii defensorem in arenam descendisse quidam sunt conquesti, cumque doctrinae laudes impotentis animi fervore decoxisse judicarunt; *Hypercriticum illum*, *Confer.*
(scribit nonemo) ferme se probasse nemini, *Tribbeck.*
ipsisq; popularibus suis bilem movisse, eo proleg.
quod mox perstringere mox defendere Casau. *ad exer-*
bo.um, *Baronium pari modo nunc in astra* *cit.*
laudibus evehere, nunc projecta viliores al- *Anti-*
ga conculcare non dubitaverit. *Baron.* Hunc etiam
in censum quidam putant esse referendū Mo-
sen Amyraldū quem tanti honorē suum fecisse
Gvil. Rivetus prodidit, ut cum à pio aliquo pa- *Gvil. Ri-*
store admoneretur, ut in posterum à turgidis *vetus e-*
contentiosisque suis dissertationibus abstinere- *pist. A-*
ret, subinde repetierit. *Quid ergò de meo ho-* *pol. 2.*
nore fiet? Imò præter Rivetum alii professio- *117.*
nis ejusdem focii agrè tulerunt, quod DEO
& scriptoribus Sacris tot sua affinxerint verba,
suisque loquendi formulis propriis, potius in-
genii commenta, quam illustrata Sanctorum
Apostolorum Theopneustorumque hominum
monumenta dederit, sicq; non levem fastus cu-
jusdam superbiæque latentis fecerit indicinam.
Deniq; & Joh. Cameron. in eodem luto hæsisse
documento est, quod laud. Riveto teste in suū
amatores & admiratores (qui pronis auribus
dicta ejus exceperint) se totum infudisset, per-
suasumque fecisset studiosis, haud rectè hæc-

nus Theologiam tractatam, ut verò ejus veram haberent medullam, SE EFFECTURUM, ostensurumque ea quæ alii Doctores videre nequissent. Nulli dubitamus literatos quosdam etiamnum reperiri, fastu arrogantiaque imensâ suppare memoratis huc usq; gentiliū pariter ac christianorum pseudo-magistris, quinimò ipso Alexarcho & Palæmone [quorum supra mentio facta] turgidiores, qui velint ut montes reliqui sibi cedant velut Olympo. SOLI scil. ipsi (ad Alexarchi exemplum) Mundi SOLES volunt haberi, illuminandis obscuris nati, & obtenebrandis sua nimia luce splendidis. Flores hujusmodi homines se esse putant omnium tempestatum, nunquam marcescentes. Quorum imaginem qui volet, fumum pingat ingentem, qui quanto se altius ad nubes tollit, tanto inflatur tumidius, & magis se voluminibus diffundit, picturam porro hoc animet lemmate: *Quanto grandior, tantò vanior.* Seipsis enim magis pleni dicam an vacui, nunquam minus fideles agent felicesque aliorum instructores, quam dum nimii rerum suarum æstimatores existunt. Tunc potius laudabuntur colenturque ab omnibus, si nihil se posside-

J. Vives re fateantur, cuncta animi sui dona bonaque
d. canis DEO soli ferant accepta, caneque pejus & an-
corru- gue omnem animi fugiant ELATIONEM.

prorum VI. Non abs re Ludovicus Vives fastum
art. l. i. literatorum sive perniciosum illum animorum

eru-

eruditorum tumorem esse statuit palmariam corruptarum artium & disciplinarum causam; *Dum scilicet Philosophi* [ut notanter illi scribit] *cupidine proferendi nominis - nihil veritatis sunt absque commentari, & à receptis opinionibus longissimè recedere. Unde & in historia tot mendacia, quum arbitrarentur occupata esse à prioribus vera, & sibi scribendi materiam præreptam, seque nullo in pretio futuros si eadem recenserent cognita jam & pervulgata. Ita quo magis legerentur & placerent, & admirabiliores forent in vulgus, fortiter sunt de Ægyptiis, de Assyriis, de Persis, de Græcis, de omnibus nationibus mentiti. Et cum idem morbus olim mirificè Græcorum vexarit ingenia, ut quidam videri voluerint nihil omnino ignorasse, [ut Gorgias, Protagoras, Hippias, Prodichus, Eutydemus, Dionysodorus & alii,] atque cujuscunque quæstionis extemporaneam solutionem promittere non dubitarint; nemini mirum videbitur, quod vitio turgidorum ejusmodi inflatorumque literatorum optima tum loquendi tum scribendi commentandique ratio sit enecata. Utinam verò (addit laudatus Vives) Idem intra Græcia fines vitium hoc constitisset, all. o & non ALIAS quoq; invasisset NATIO-
NES ! Caca est ARROGANTIA*

(*literatorum*) & quocunque intendit per
confidentiam atque *impudentiam* temerè
grassatur. In *SUPERBIA* hâc alii magna
 illa & *admirabilia* tenere ipsi sibi *persua-*
dent, vel *prava natura vitio*, vel quod quum
 id vident esse *spectatoribus persuasum*, ipsi
judicio illorum de se acquiescunt. Alii non
 tam *scire se arbitrantur*, (neque enim se no-
 runt) quam id aliis *creditum esse*, ac certam
cupiunt. Priores *incredibili se progressu*
in disciplinis fraudant, quum contendere su-
persedent, quo se jam *pervenisse arbitrantur*;
 de quibus gravissimè Seneca : Puto inquit
 multos ad *sapientiam potuisse pervenire*, nisi
 se jam *crederent pervenisse* : Posteriores qua-
 cunque via & *ratione* queunt ostentare opes
 suas, augere in majus ac melius *facum deni-*
que oculis intuentium facere laborant, nihil
tacito conscientia testimonio tribuere. Quæ
 ipsi sciunt [en *expresissimam literatorum su-*
perborum imaginem!] OMNIUM PRIMA
 & *potissima volunt credi*. Quæ alii, *infima*,
sape etiam evitanda, atque *aversanda*.
 Nullus est cujusquam artis adèd *mediocris*
 aut *humilis quoque ac vilis professor*, qui se
 sit *SUPERBUS*, non illam aut *præcipuam*
 omnium

omnium censeat, aut non certè existimari pe-
tat, ac contendat, illudque adeò moribus est
receptum, ut efferre quemq; artem suam &
laudibus cælo æquare, etiam aliis omnibus an-
teponere, licere, ac pium esse arbitrentur.

GRAMMATICUS se unum putat sa-
pere, desipere reliquos; **PHILOSOPHUS**
reliquos miseratur ut pecudes; **JURIS-**
CONSULTUS alios omnes deridet;
THEOLOGUS despicit, non quod se ca-
teras artes ignorare dicant, aut præ se fe-
rant, imò nihil cunctantur confirmare, sua
illa una disciplina reliquas universas præ-
stantius claudi ac contineri, quam in libris
eorum qui de illis nominatim tradiderunt.

L. Crassus apud **Ciceronem** omne disciplina-
rum atque artium genus cognitione juris con-
tineri asseverat, & quidem si **DII** placet
libello XII. tabularum. Hoc idem nostri **Ju-**
risconsulti habent persuasissimum. **Gramma-**
ticus totam philosophiam quam latè se dif-
fundit **historicorum** & **poetarum** libris con-
tineri autumat, quos cum habeat in manibus,
nihil sit quod **Aristotele** aut **Platone** indigeat.
Videlicet hoc est **SUPERBIE** ingenium,
quantum valeat sibi arrogare, atque ad eum

se modum componere, ut nulla videatur recerere, qua quidem pulchra esse & magnificenda videatur. Hinc igitur effusæ illæ pædoctorum lacrymæ, hinc pudenda artium & disciplinarum corruptio, quæ nonnisi Davo illi [h. e. Fastui] cuncta perturbanti suam debet originem. Idcirco videas falsissima ac absurdissima in omnibus artibus asseverari ab iis, qui illas violentè exprimunt ab auctoribus, qui aliquid earum obiter & quasi aliud agentes attigerunt, non ad exactam illam censuram, sed ad eam ad quam opus suum aptabant. Ita egregiè Vives, qui eodem loco alium corruptionis pessimæ, fontem indigetare volens, aliud quoq; superbiæ literariæ fastusq; immodici genus est execratus, quod sc. pestifero velut afflatu suo non artium solùm & literarum bonarum studia, verum nobilissima etiam & præstantissima ingenia vitare, atque maximos quosque impedire soleat profectus; Dum alii (en Vivis sapientissimi verba !) ab aliis **NOLUNT DISCERE**, vel quia se **DOCERE** potius credunt posse, quam debere discere; vel quia dedignantur aut pudet ne se inferiores fateantur, aut alii credant. Puduit (pergit) à superioribus doceri, qui nullos volebant fateri superiores se, qui postulabant credi absoluti in omni sapientiæ genere.

genere; Pudit à paribus, multò magis ab inferioribus & vulgo hominum, à quo tamen quæ ad opificia & encyclopædiam pertinent, fuerant roganda - - Si ea SUPERBUS erubescit doceri, quæ erant vel à doctis vel à plebe audienda, qualia oportet exire, quæ is de rebus huiusmodi pariat, quam prava, manca, confusa, perturbata, quam monstrosa, ut magis legentium mentes perturbent ac confundant, quam instituant & illustrent? At saltem bona spes est, dicet aliquis mutaturum cum sententiam, & deprehenso errore rediturum in viam, admissurum meliora & traditurum. Verum admonitioni cuicumque ferocem se Superbus præbet, & *contra benè monentem consurgit ut rabiosus canis*: vel quia inferri sibi aliunde lucem posse non putat, vel quia si illata credatur, ignominiam esse censet; contradici sibi injuriæ loco deputat. Quem ergò errorem ipse utcunque mutaret abs se deprehensum? Si alius indicet, magis infigitur & pertinacius; Quicquid semel animo collibitum est defendit, ne discedere à sententia existimetur: Quod si ipse errorem suum quandoque deprehendit, ita corrigit, ut majorem habeat rationem estimationis suæ quam VERITATIS: Non omninò se prius falsum, nec prorsum esse in alia opinione; benè se antea sensisse, nunc melius, & tersius. Prætexit ætatem suam, aut occupationem, aut tempus, ne culpa videatur fuisse

NB.

fuisse in ingenio, cujus unius laudem ambit, sed in opportunitate ad benè statuendum. Unus Aurelius Augustinus, Vir tantus, *Retractionum libros* reliquit simpliciter ac bona fide, quem nullus est ad hoc tempus imitatus, videlicet mansueto Vir ingenio & modicè de se ipso sentiente. Isti nostri (literati) fastu & SUPERBIA turgidi, inverti ac corrumpi malunt, quod non ignorant verum esse, quam videri errasse, aut fuisse à quo monstrari illis aliquid potuerit, & tanto admonitionem ferunt acerbius, si quæ dixerint literis consignata evulgarint. Optime autem hinc Vives concludit, artes maximam plagam à fastu accepisse & superbia, quæ non pertinax solùm & obstinata; verum etià præceptus esse ut plurimùm soleat. Nec minus præclare sæpè laudat⁹ Bartol⁹, præcipuas arrogantiae literariae causas atque rationes redditurus, notisque & characteribus suis Doctorem superbum exhibiturus; Primò (*scribit*) sua cuique quantumvis exigua, nunquam non magna sunt. Privati amoris speculum concavum pro pilo truncum illi reddit & pro culicibus pegasos. Hunc rerum suarum qui cupit judicem, eas æque magnificè prædicat ut olim se suaque Clitus ille, qui naves Græcorum tres à se depressas ut vidit, perinde efferebat sese ac si fuga-

*Bartol.
in cha-
racter.*

*Hom. li-
ter. p. II.
p. 268.
seqq.*

*Plut. o-
rat. 2. de
fort. A-
lex.*

fugatus Xerxes esset, injectique Oceano compedes; quin etiam se Neptuno potentia parem existimans, semper exinde Neptunus vocari voluit. Quæ causa lunam terra quadragies minorem Soli nobis æqualem exhibet, terrâ centies quadragies majori? Nisi quod Luna quo terræ propior, hoc major oculis apparet; Sol è contra ob longinquitatem immensis ab ea spatiis disjunctam ideo minor à nobis conspicitur: Similiter quia nemini quicquam vicinius quam suum cuique, hinc majus semper & mirabilius alieno se nobis ostentat; alienum verò quod extra nos est positum & à nobis longinquum, propè oculos fugit. Deinde gryllos quis dubitet formicis compositos gigantes putare? qui pauxillum id quod scit ex eo metitur quod novit is qui nihil didicit, putabit se ex ea nimirum comparatione literatissimum. Qui Athenas petebant studiorum causa, eos dicebat Menedemus illuc magistros ire, discipulos ibi fieri, inde redire imperitos, non modo quod quanto severioribus calculis computabant quæ scirent, tantò plura esse deprehenderent
quæ

quæ nescirent ; verum quia in illo Aca-
demiarum flore ex Orbis totius ingeniis
delibato, tam multos & tantos audiebant,
ut iis comparati profiterentur se nihil sci-
re. Hâc arte Socrates Alcibiadis sui fa-
stum sapienter depressit, qui hæreditario
tumens censu & immensis præterea au-
ctus fortunæ opibus pro cive monarcham
se ferebat ; Geographicam illi objecit ta-
bulam, ubi Europa primum indicata, de-
in Græcia, in hâc Athenas vix tandem re-
perit ; in quibus, agesis, & tua mihi osten-
de palatia & tuam illam agrorum infini-
tatem vastam ; hæc si locum in mundo
non habent, qui possunt tibi spiritus af-
flare hominum omnium contemptoris ?
qui se velut stellam magnitudinis primæ
circumspicit, ne se cum minoribus com-
ponat, obvertat in Solem oculis, suamq;
mox sentiet cum luce ambitionem vane-
scere. Tertiò arrogantia est minimè fe-
renda ubi magnus es inter multos, velle
esse de maioribus unum, & inter maiores
maximum. Quam olim Pompeii super-
biam damnabat odio suo Roma, qui ut

*Vel. l. 2. primum Rempublicam aggressus est, quon-
quam*

*quam animo parem non tulit, & in quibus re-
bus primus esse debebat, solus esse cupiebat.*
Excellas quamlibet in omni genere litera-
rum, Phoenix non es, nec princeps mobi-
le; quod suo imperu minores globos cir-
cumagat. Nemo tam multa scit, ut præ-
ter ipsum alii nihil sciant, ausitque iis il-
lud Caiphæ exprobrare: *Vos nescitis quic-
quam.* Non fuit natura tam sterilis, ut
cum te fingeret, typum tui aliis non ser-
varet, nec adeò egens, ut omnes ingenii
opes in Te conferret unum, mendicitate
omnes alios damnaret. Ut quid ergò Te
tantum miraris; ac veluti nemo sit, qui
possit ex æquo tecum stare, deliras tam-
largiter, ut dicas cum Deucalione, *nos duo
turba sumus!* Cur Proustes novus ad ju-
dicii tui staturam & modum alios redigis,
quasi solam recti & veri mensuram. Sed e-
sto, sis doctrinarum medulla, & inter sum-
mos literatorum summus, non pudet tui
prædicatione deprimere cæteros; & adeò
vili es animo ut putida tui dilaudatione a-
liorum luminib⁹ contendas officere? Au-
din quanto fragore torrentes se saxis al-
lidant, non dissimiliter ac si forent irata
maria;

maria; cum ægrè secum aquæ palmū vehant, qua latum alveū sibi sternunt, E contra regii amnes quanto silentio, quam tranquillo in mare se lapsu reportant? quam procul strepitu omni; quo vel fossæ profundum quam implent; vel amplitudinem riparum quas occupant; vel aquarum nitorem aut rapiditatem significant, muti propè ac taciti fluunt? Cui est angusto in rivo piscatio, & suppellex ingenii, maximè verò judicij curta; nihil est eo sonantius in laudum suarum molestissima inculcatione, & æmulorum despicientia. Quibus ille omnium aures quo importunius obtundit, non animadvertit, eo apud illos contemni se largius; nam (ut certè omninò ait Symmachus) *In magnos animos non cadit jactantia*. Verum enim verò flocci habent superba ingenia si tantum in terris insolescant, nisi appareant etiam in coelestibus curiosa; nec solum ambitu injusto primas in hominibus captant, sed ausu præterea impio DEI naturam & opera ex intelligentiæ suæ modulo æstimantes, de rebus divinis judicium sibi arrogat, &c. huc usque Bartolus.

VII. Haud

Symm.
lib X.
ep. 2. 1.

VII. Haud absre quærat aliquis, quid
 causæ sit, cur pleriq; Literati tantopere in sui exi-
 stimationem propendeant, ut sibi maxima
 quaque tribuant, gloriam rerum bene gesta-
 rum frequenter præripiant alijs, & inani
 superbia tumore distendantur; Imò ut non
 facilius libri tinea & blattis aperta Biblio- *Gregor. M. lib.*
 theca corrumpantur, quam eruditi homines *XV.*
 ex scientia insolescant tumoremq; concii- *Mor. cap. 16.*
 piant? Id verò egregiè edisseruit Magnus ille
 Præsul Hipponensis adversus inflatum & lo-
 quacem quendam Pelagianum, Julianum sc.
 scribens, causamq; mali illius à prima origine
 repetens, notanter ibi & verissimè docuit, *August.*
 quod in hac tanta nobis aspectabili & à DEO *Tom. VII.*
 creata machina nihil sit rationali mente præ- *lib. 4. c. 3.*
 stantius, capropter mens bona doctaque
 magis sibi placeat, magisque seipsa delecte-
 tur, quam quâlibet alia creatura, cumque se-
 se maximè amet, ideò sibi varia somnia fingat,
 proclivisque sit ut aliena mentiatur esse sua,
 & mala dissimulet quasi non sua, parva & me-
 diocria in immensum extollat, ut divinitus
 accepta, & quasi suo jure comparata sibi vendi-
 cet. Porro cum in rebus humanis nihil virtute
 doctrinâq; præstabilius esse videat, hinc appri-
 mè exambiat, ut eâ instructa esse censeatur, &
 quia vix laudem justam credat quæ ex alieno
 proveniat, illam sibi suæque industriæ quam
 potest

potest, acceptam ferre nitatur, ita præclarissimè Augustinus. Quis verò hinc dolosum, maximè, periculosumque Satanæ non perspiciat laqueum, quo Literatum, bonâ etiam nobiliq̃ mente præditum, tandem in enormem adeò ducit sui admirationem, ut sibi DEUS esse quidam videatur, à quo fas sit ipsas docendi vivendiq̃ accipere leges, imò ad tantam incitet temeritatem, ut quicquid in buccam venerit, effutiat, omissoq̃ diligentiori examine cuncta meletemata sua tanquam oracula pronunciet, & quo confidentiora fundere verba valet, eò præclarius secum agi existimet. Quid quod homo eruditus, turpi superbiâ in ipso aliorum fastu damnando sæpè extollatur; ut accidit Diogeni, qui ut taxaret Platonē, (qui nitidiori supellectili delectari videbatur ac illustriori,) ad ipsum accedens pedibus premere cœpit culcitram, atque se Platonis fastum calcare proclamavit, *sed alio majoriq̃ fastu*, uti Plato festivè reposuit. Sic Seneca de quodam, qui valdè infensus erat iis qui repente nobilitati in ceteros superbiunt, scitè ait: *At odit eos, qui subita & magnâ potentia insolenter utuntur, IDEM FACIET, cum IDEM POTERIT.* Iste nimirum, qui illos nunc damnat, idem aget quod illi faciunt, cum eandem potentiam nactus fuerit, pergit ibidem Seneca: *Multorum quia imbecillia sunt, latent vitia, non minus ansura, cum illis vi-*

Seneca
epist. 24.

res sua advenierint, quam illa quæ jam felicitas aperuit. Nimirum instrumenta illis explicanda nequitia desunt, quemadmodum serpens etiam tuto tractatur, dum riget frigore, non desunt tunc illi venena sed corpent, multorum crudelitas, ambitio, (Superbia) ut paria pessimis audeat, fortuna favore deficiatur. Sic Seneca. Quo impietatis denique isthæc pudenda animi elatio, & seipsum extolendi cupiditas doctum cum primis hominem impellat, quantaque insolentia confidentiam istam excipiat, quidam oratorum veterum arroganti hæc sententia prodidit: *Judicium hoc omnium mortalium est, fortunam à DEO petendam, A SE IPSO SUMENDAM ESSE SAPIENTIAM*, ideoque (addit) neminem unquam Herculi decumam vovisse ut esset sapiens; cumque iterum præfractè affirmasset: *Neminem unquam DEO acceptam retulisse virtutem*, in hæc planè profana, nefandæque superbix fermento fœdata verba erupit: *Nimirum rectè: propter virtutem enim jure laudamur, & in virtute rectè gloriamur; quod non contingeret, nisi id donum A NOBIS, ET NON A DEO HABEREMUS.* At verò aut honoribus aucti, aut re familiari, aut si aliud quidpiam nacti sumus fortuiti bo-

Cicero, III.
de Nat.
Deor.

ni, aut depulimus mali, cum dijs gratias agimus, tum nihil nostra laudi assumptum arbitramur. Num quis, quod BONUS VIR esset GRATIAS Diis egit unquam? En putidam atque foetulentam Superbiae philosophicae sentinam! en pessimam malorum literariorum lernam, atque bonorum donorumque alias insignium corruptricem! Quam impie & insipienter ista pseudosapiens evomuit, imò quā perversè de Deo sentit literatus quilibet, si ita sentit, quam insanus laudis & existimationis propriae est amor, qui aliàs doctissimos hoc modo insanire cogit! Ideò Animi sui bona DE O accepta ferre non vult turgidus literator, quia propter illa JURE LAUDETUR, inq; iis recte gloriatur. Quid si verò philodoxos imò paradoxos ejusmodi Doctores verbis compell-

Psal. IV. laremus Davidicis: Filii Hominum, ut quid diligitis vanitatem & queritis mendacium? Vanissima equidem vanitate occæcati sunt, quicunque bona donaq; sua sibimet ipsis vendicare non verentur, huc eos adducit immodica & inconsiderata laudis cupiditas, à quā, si saperent, recederent longius, nec doctrina virtuteque suā turpiter adeò abuterentur, neque ex hac vitali radice mortiferos adeò fructus carperent, si donorum bonorumque suorum laudem sibimetipsis non tantoperè arrogarent, quin potius sua omnia à DE O omnigenae felicitatis

licitatis fonte provenisse, etiam atque etiam sibi
 persuaderent. Quoties bellè & ex voto ipsis
 aliquid cesserit seu in scientiis, seu in scripto-
 rum editione, sive in cæteris vitæ negotiis, aut
 novi cujusdam inventi laudem sint consecuti,
 istius felicitatis causam si verè saperent, neuti-
 quam propriæ tribuerent industriæ, nec cujus-
 piam inde captarent favorem, sed merè pure-
 que ea omnia in DEUM referrent, & ad So-
 phorum cœlestium exemplum procidentes
 & adorantes, coronas suas, h. e. aureæ doctrinæ
 ornamenta ante DEI thronum mitterent, sua-
 vissimè concinentes: *Dignus es Domine,*
DEUS noster accipere gloriam & honorem
& virtutem, quia Tu creasti omnia. Sanè si
 ingenio suo, arti, scientiæ, peritiæ, consilio,
 judicio, industriæ quicquam vendicent, in
 mala quævis, putidamque vitiorum omnium
 sentinam proni ruent & præcipites, quod-
 que alienum, ipsiusque DEI est sacrilegè suf-
 furabuntur, illi Regi similes, qui Regiam do-
 mum, urbem in Orbe maximam in roborem for-
 titudinis SUÆ, inque decoris proprii incre-
 mentum se ædificasse est gloriatus, mox tamen
 de Regiæ Majestatis folio depulsus, infra cun-
 ctos mortales, ad bestias & ferarum pabula fuit
 amandatus, donec malis propriis eruditus so-
 nora voce exclamavit: *Glorifico Cæli Regem,*
cujus opera omnia vera, via ejus & judicia

Dan. IV.

recta, qui GRADIENTES in SUPERBIA humiliare potest. Ipse DEUS virtutum, in quo anima mea letabitur.

IIX. Ut verò pestis illius literariæ naturæ & indolem paulò accuratius expendamus, doctioraque pectora à turpi fastu & pudendo cæterorum arceamus contemptu, VITIA non minus è pestiferâ superbix radice pullulantia, quam DAMNA, suam inde ducentia originem, cunctis eruditis ad animum revocabimus. Ad VITIA, seu labes turgidum & inflatum Literatū concomitantes quod attinet, ipsa rerum magistra experientia hætenus abundè docuit, quemvis superbum Doctorem pro ultimo summoque studiorum actionumque suarum fine PROPRIAM habere Excellentiam, morosum esse & contumacem, obsequii impatientem, contentiosum & invidum, rigidum atque severum acceptarum injuriarum ultorem, improbum simulatorem, exosa singularitatis novitatisque admiratorem, rixarum odiorumque vel authorem vel fautorem, nec non insignem promotorem, adeoq; omnium ferè dedecorum & flagitiorum stenuum sectatorem. Audiamus D. Bernardum quid scribat ad fratres de monte DEI; *Superba inquit ex usu voluntas in magna sæpè cordis inopia tumens efficit [literati hominis] animum, unde procedunt vana gloria, fiducia sui, negligentia DEI, jactantia, inobedientia, contemptus, presumptio, & cætera ani-*

*Bern. ad
fratr. de
monte
DEI.*

ma pestes que ex tumore & usu superbia profluere solent. Hinc alibi radicale peccatum Superbiam vocare non dubitavit, ex quo omnis detractio generetur, ira quæ & indignatio crudelissima. Ferrea equidem superbus literatus habet viscera, sævumque & crudelem in omnes animum ostendit, odio habens maleque tractans etiam optimos. *Ubi fuerit superbia* ait Regum sapientissimus, *ibi erit & contumelia*, siquidem arrogantes & corde tumidi semper parata habeant verba injuriosa, imò ut Climacus notanter addit, *in corde superborum jase blasphemia etiam verba nascuntur.* Admodum scitè Demetrius Philosophus dicebat, *supercilium non esse pusillum negligendumque membrum*, sub quo videlicet omnis virtus doctrinaque umbrari & obscurari possit. *Superbus & arrogant* [ait rursus Salomon. juxta vulg.] *vocatur INDOCTUS, qui in ira operatur superbiam;* Etiam si doctrina eruditioneque singulari polleat, ast solummodo nominis sui quærat celebritatem, omnesque præ se altissimo despiciat supercilio, id plerumque assequi solet, ut indoctus ineptusque vulgò appelletur, & qui cæteris judicio prudentiaque præferri debebat, haud immeritò pro stupidissimo & abjectissimo reputetur. Non solum enim communis hominum ita fert æstimatio, ut hi qui ex superbia magnos sibi spiritus sumunt, ubique vilescant, sed etiam ut insipientes ab omnibus despiciantur.

Prov. XI.
vers. 2.

Prov.
XXI.
Vers. 23.

tur. Præter stupiditatem autem *iram* quoque & *furorem* superbiæ [literatorum] esse affinem, Salomon loco all. est testatus: *In IRA* (ait) *operatur Superbiam*. Nil certius, siquidem satis exploratum, longâque experientia confirmatum sit, literatos superbos vel levissimè læsos ad iram imò furorem concitari, instar pulveris pyrii levicula indignandi scintillâ tactos, totos ardere, crepitare, tonare, furere, comminuere, omnesque indignandi terminos, imò omnem modestiæ justitiæ ac charitatis regulam excedere, & cum instar podagricorum semper metuant, ne vel verbulo vel gestu à quopiam tangantur, hinc omnia sibi indulgere, neminem revereri, nullius parcere famæ, nullam non lædentibus referre ignominiam conantur. Sicuti membra livida & tumētia dolent quantumvis leviter astricta; sic etiam elati oblevissimas molestias iram concipiunt haud ita facile sopiendam. Isto enim furoris æstro perciti superbi literati ad quascunq̃e injurias, contumelias, & probra adversariis inferenda maximopere urgentur, in obvios quosque pusillum evomere, imò optimos & innocentes turpi conspergere luto haudquaquam dubitantes. Quid quod pudendam atque execrabilem ipsius superbiorum principis diaboli præ se ferant imaginem, cum ipsi DEO superbas manus intentare, eumque veluti novi quidam Titanes oppugnare videantur. Magnus ille Hippo-

nensis

nensis Præsul in qualitatem scientiæ quæ dæ-
 mones adeò superbos efficiat, inquirens, *scien-*
tiam esse statuit tantummodo inflantem, omniq;
destitutam charitate, ideoque inflatos adeò at-
 que superbos fuisse, ut honores divinos, & re-
 ligionis servitutem, quam vero DEO deberi
 sciebant, sibi sategerint exhiberi, planèq; divi-
 num in homines sibi arrogarint vendicarintq;
 imperiū. Quis dubitet itaq; asserere, animas su-
 perborū [præsertim literatorum, quib⁹ inflans
 scientia inest charitate destituta] dæmonibus
 esse simillimas, cum & ipsæ divinum quen-
 dam honorem sibi vindicent, & veluti terrestria
 quædam Numina in Orbe erudito velint ado-
 rari. Istos de se magnificè, contemptim de
 aliis & abjectè fabulantes cum audis, advertas
 illicò quam verè in eos quadret illud Philippi
 Macedonis ad medicum suum: *Philippus Me-*
necrati SALUTEM! Quod fuit Medico me-
 dicum fieri, & hoc helleboro ejus curare cere-
 brum! Quo ipso apprimè indigent omnes il-
 li inflati turgidiq; literati, qui jactant nihil es-
 se in scientiis sublime quod suo pallio ipsi non
 involvant, nullas doctrinæ gemmas, quas sua
 non claudant concha; dictata nusquam ulla;
 quibus in mari literarum navigetur tutius
 quam suis; nulla documenta, quæ ad veri &
 recti ultimas metas pertingant certius; deni-
 que ut de stellis ait Manilius:

Alium his nihil est, hæc sunt confinia
mundi. Est

August.
lib. IX.
de Civit.
Dei cap.
30.

Manilius
lib. I.

Est illis pariter ac Polyphemo apud Theocritum, verè hirsutum, verè diabolicum supercilium, per totam frontem ab aure altera ad alteram protensum, fastus immensi hieroglyphicum. Mirum est quam citò turgidus ejusmodi literator ex quavis laude intumescat, si aliqua ejus scriptio exierit in publicum, jam famæ nominisque sui magnitudinem longo & alieno metitur pede, nullos alios in universo Orbe erudito nisi de se suaque multiplici doctrinâ usquam sermones misceri existimat. Fontes alios scientiarum, & rivos duntaxat esse jactat, se verò oceanum; alios talpas, se lynceum, papiliones alios, & muscas, se aquilam, adeoque parum est literato superbo quod neminem ferre possit sibi æqualem, SUPRA OMNES esse appetit, cunctisque se doctiorē præstantioremq; esse existimat. Aliena plerunq; contemptim ac malignè, sua verò singulari cum admiratione legens, malis Musicis fit similis, qui quantum aliis sunt molesti, tantum sibi metipsis placent ex animo, cumq; sibi frequenter arroget bonum peregrinum, nec habeat quod se habere jactat, de spectisque cæteris, summus & præcipuus, ac ut vanus ille turgidusq; homuncio SOLUS SICUT SOL suspici æstimariq; velit; mirum non est quod in profundū vitiū pariter ac malorum calamitatumq; omnium barrathrum dilabatur, & mente quasi rationeq; cæcus

cæcus in sempiternæ perditionis voraginem
 sese agat præcipitem. Et verò quis ferat
 (scite ante laudatus ait scriptor) homines aut Bartol.
venditandis suis aut propugnandis alienis sic char. lit.
addictos, ut velint ea pro ORACULIS ha. p. 233.
beri, erroris expertibus, & pro auro omni
suspensione metalli alterius planè exempto?
S. Ambrosium audiant, qui sua sic deosculan-
tur tanquam filiolos, Patris amore iudicis
animum obturbante & iniquiorem ferente
sententiam, &c.

Optandum apprimè esset, ut DOCTI
 omnes, quod huc pertinet saperent & intelli-
 gerent, non lyram imitarentur, quæ se non au-
 dit, quin potius sibi frequenter ad animum
 VITIA revocarent atrocia, quæ è virulenta
 ista pestiferaque radice pullulant, & DAMNA
 etiam ingentia, quæ illis nunc amplius dabi-
 mus expendenda. Ac primò quidem planissime
 sibi persuadeant, vel solam, quâ laborant animi
 elationem efficere, ut pariori mensura dona
 cœlestia accipiant, quippe quæ alveo quasi an-
 gustiore in eos defluunt, qui propriæ potius
 quam divinæ gloriæ amore studioque sunt oc-
 cupati. Innumera equidem DEUS in erudi-
 tos homines effunderet beneficia, & infunde-
 ret munera, nisi illorum torrentissimum impe-
 rum, objectâ veluti catarracta superbia sisteret.
 Videte obsecro torrentem, objectumque ei o
 lite-

literati considerate obicem. ! Non est mirum
præclare ait nonnemo ; gemebundi literati
personam gerens, quod inopes simus virtutum.

Bonav. lib. II. de profes. Relig. c. gratiarumq; cælestium, cum matrem & cu-
stodem earum scil. humilitatem tam alie-
nam à nobis sentiamus, - - Aut desidia no-
stra in causa est, quod non instanter querimus,

33. aut superbia, etsi enim quæramus instanter,
videt tamen DEUS nos pronos esse ut inde
extollamur, & fieret nobis ipsa donorum ejus
sublimatio altioris causa ruina. Profundi-
ori fundamento altiora adificia indigent, &
arbor excelsa si radicata non fuerit facili-
us ventorum impulsu evertitur. Eadem-
que ratione insignis ille morum magister Gre-

Greg. M. l. XXIV. Moral. c. 6. gorius utitur, justiore melioremque in di-
spensandâ gratiarum donorumque cælestium
varietate (quod scil. eximia quædam dona non
concedantur laborantibus) causam non repe-

riens, quam ut tanto longius eruditi a fastu & su-
perbia removeantur, ne tantorum bonorum
ponderi impares, omnibus tandem excidant,

August. lib. II. de Mer. & Remis. c. 39. ac turpi deiciantur elatione. Quod ipsum
disertè etiam docens D. Augustinus ; Nos
autem (ait) quantum concessum est sapiamus,
& intelligamus DEUM ideò non tribuere
vel certam SCIENTIAM, vel victricem

dele-

delectationem ut cognoscant (eruditi) non à se ipsis, sed ab illo sibi esse lucem, quâ illuminentur tenebra illorum, & suavitatem, quâ det fructum suum terra eorum. Multa sæpè in eandem sententiam repetit insignis ille coelestis gratiæ vindex & propugnator Augustinus, verum hæc dixisse sit satis, ut vel doctissimi sapiant, & intelligant divinorum donorum gratiarumque rivulos per putidum superbiæ cœnum impediri, quo minus copiosè erumpant, atque pectorum eruditorum prata benignitatis omnigenæ scatebra irrigent atque fœcundent. Hinc appòsitè notanterque Climacus superbiam STERILITATIS maximum argumentum, divini adjutorii expulsionem, lapsuum ministram, delictorum custodem, denique DEI perpetuam appellavit *adversatricem*.

Jo. Climacus
Grad.
XXI. &
XXII.

IX. En alterum, idque magis horrendum nefandæ SUPERBIÆ DAMNUM, & malorum omnium longè gravissimum! DEUM, utpote potentissimum Cœli Terræque Dominum omnes superbi Doctores habent adversarium, à tergo ijs severus judex & vindex imminet, brachijque sui omnipotentia efficit, ut sedem nusquam stabilem fixamque sortiantur. Audiant hinc & seriò revocent ad animum omnes inflati ac turgidi literatores, geminæ ipsis ad audita tinniant aures: DEUS SUPERBIS RESISTIT! terribilis vox, ipsa potentia suprema

prema sese opponit infirmitati, quomodo ca-
 stabit? Fortitudo adversatur imbecillitati, quo-
 modo non ruet? Justitia, impio, quomodo is
 non plectetur? Immortalitas mortali, quomo-
 do vivet? Quomodo tantillus subsistere pote-
 rit homuncio, tanto resistens Domino? Quem
 conspirante universæ cœlestis curiæ voto bene-
 volum atque beneficum experiri possent, ei ne-
 fasto suo fastu reluctantur, fontesque benigni-
 tatis inexhaustæ obturant, ne totis alveis in se
 influant. O quâ miserè sic turpiterq; imponunt
 sibimetipsis hominum alias sapientissimi! Non
 est quod quis inflatis hujusmodi utribus alias
 optet pœnas, *Esse superbum* ait ille, maxima est
superbiæ pœna. fastus placentis sibi animi est Rex at-
que Tyrannus. Nec à veritatis sulco erravit Poë-
 ta canens: *Est verum verbum frangit DEUS*
omne superbum, semper equidem ab his, quibus
 elatum est superciliū haud longè Nemesein ab-
 fuisse, cunctaque elata capita tonitru prius
 conterrita, cœlesti igne deflagrasse sacrarum
 pariter ac profanarum historiarum monumen-
 ta testantur. Imò ipsi Poëtæ veteres, tristes su-
 perborum literatorum ruinas respicientes, haud
 adeò absurdè commenti sunt, Thamyrim, se
 cantu Musas vincere posse gloriantem, omni
 canendi facultate ablatâ excœcatam, ei que om-
 nis citharistriæ artis oblivionem injectam fuisse;
 Bellerophontem res suas gestas pernimum
 ostentantem, impudentesque oculos cœlo im-
 mitten-

mittentem, ac de divinis judicantem operibus,
 à Jove deturbatum & ad tenebras perpetuas es-
 se damnatum; Ajacem à Neptuno ob solam
 impudentiam adactum ut gladio incumberet..
 Verum ut summam gravissimæ illius tyrannidis
 potentiam luculentiori exemplo quilibet tur-
 gidi literati discant atque intelligant, supre-
 mum illum Angelum sibi frequenter ponant
 ob oculos, qui splendoris ac decoris eximia
 prærogativa Lucifer nuncupatus, non alio
 quam isto superbiam venenato telo cœlitus de-
 jectus, & ab angelorum tam sede, quam sorte fe-
 lici, ad tenebricosos impietatiq̃ue in æternum
 destinatos carceres miserè fuit detrusus. Tan-
 tum videlicet una potuit fulgentissimi sideris
 elatio! *Si sic actum est in Angelo, (ait eleganter*
Bernardus) quid de me fiet, terra & cinere? ille Bern.
in cœlo insumuit, ego in sterquilinio, quis non tole- *hom. 54.*
rabilior in d. vite superbiam, quam in paupere du- *in Cant.*
cat? Nec minus acriter ab alio monemur ve-
teris Ecclesiæ Doctore: Consideret homo (lite- *Gregor.*
ratus) quid elatus in terra mereatur, si & prala- *lib. 32.*
rus angelis, Angelus in cœlo prosternitur. Viderat *Mor.*
nimirum [en superbi Doctoris exactissimum, *c. 18.*
exemplar!] Lucifer divinâ se claritate indutû,
 atque præ cæteris angelis splendore sapientiæ,
 virtutum pulcritudine naturæque perfectione
 præfulgentem; vidit & se mirando suspexit,
 & nimium quantum amavit, exindeque illa si-
 bi ut naturæ debita arrogare, ut congenita &
 pro-

propria vindicare, ac præcelsum à cæteris honoris gradum postulare aggressus est; puduit id tantum bonum conditoris gratiæ referre acceptum; puduit subditum esse DEO, cumque sibi uni cætera omnia concedere videret, ne quidem uni illi cedere voluit, ab illo ista omnia esse & conservari oportere, non sustinuit fateri. Hinc desertus à DEO, quo egere se diffitebatur, instabilis repente & nutabundus effectus, & infirmitatem propriæ naturæ persensit, & beatitudinem, quâ DEI munere fruebatur, amisit. O ruinam ruinarum omnium primam & maximam, quâ filius ille lucis primogenitus, qui veluti Sol inter stellas, ita prope inter angelos lucis ille emicabat, uno superbiæ afflatu fulminatus, princeps tenebrarum, & execratio seculorum factus est. O verissimum effatum: O-

Greg. M.
lib. 34.

Mor. c.

18.

mnis peccati initium esse superbiām! Per hanc enim Lucifer succubuit per hanc se sequentem hominem stravit: eoq; telo salutem nostræ immortalitatis impetiit, quo vitam suæ beatitudinis extinxit. Quæ itaque de summæ felicitatis sede Angelum altiora spirantem deturbavit SUPERBIA, ea homines Angelis proximos, præstantissimis nimirum animi, ingenii, doctrinæque dotibus ornatos LITERATOS damnis afficit innumeris, denique in extremæ miseriæ conjicit barathrum. Nihil etenim (præclare dicente Chrysostomo)

stomo) *superbo homine (literato) miserius, nihil insanius, quamvis ditissimus, (do* *Chrysost. boni 16. in Job.*
tiissimus) sit, quamvis MULTA EX-
TERIORI SAPIENTIA praditus, quam-
vis potens, quamvis omnia quæ homini ex-
optanda videntur in illum congerantur. E-
tiam qui in re vera bonis superbit, & illorum
omnium amittit mercedem. Quod ipsum
probè considerans D. Aurelius; Vicia ce-
tera (præclarè scribit) in peccatis, superbia *August. epist. 56.*
verò etiam in rectè factis timenda est, ne
illa quæ laudabiliter facta sunt, ipsius lau-
dis cupiditate amittantur. Similiter quæ
Bernardus rationem redditurus cur pauci a- *Bern. de ordin. vi.*
deo ad perfectionis culmen perveniant, solam
detestatus est SUPERBIAM, quæ prado-
nis instar naves optimis mercibus onustas inva-
dat, ac summos quosque miserrimè opprimat.
Quanta Orbis eruditi sidera fastu impellente
de cælo lapsa inque facinus ignes sunt trans-
mutata! Quam præcella illustra quæ inge-
nia propter turpem arrogantiam à scopo ve-
ro exciderunt! Quam præstantes doctrinâ
Viri, eruditionis quæ abstrusioris cultores, im-
mensa pervolutes volumina, sapientiam-
quæ per latebras & recessus altissimos inqui-
rentes ceciderunt turpissimè, suisque scien-

tiis immerſi faſtuque turgidi aternum perierunt ! Licet mirifice cum Socrate in Athenæiſ ſuis ſint philoſophati , aſt cum Protagora ſuperbierint tantoperè , ut nihil de Diis, neque *ut ſus*, neque ut non ſint dicere voluerint , miſerè ſunt reprobati, & ab *Ignoro DEO* combuſti. Et quamvis alii cum Marco Craſſo & Tullio Cicerone in pulpitis ſuis ſatis vehementer tonuerint, ob immenſam tamen animorum ſuorum elationem ad *tonantem* ſtygem ſunt ablegati. Taceo vetuſtioris ac recentioris ævi Philoſophos, taceo mille eruditos alios, qui in ſonoro veſtigio facilique deſcenſu abivèrè ad plures, & jam cum Hannibale, qui Romam expugnaturus bis imbre denſiſſimo coactus recedere, cum ſtatim poſt pugnam potuiſſet, clamant æternum : *Cum potui non volui, cum volui non petui*, ſcilicet ſerò ſapiunt Phryges, & cum jam urgente faſtu ceciderunt, primum agnovèrè periculum, dumque cum Thalete Mileſio Cæli faſtigium animo conſcenderunt, in perpetuæ damnationis puteum ſunt prolapſi, atque præclara doctrinæ virtutisque initia turpi ſine concluſerunt. Arroganti nimirum conatu cogitationeque eruditionis palæſtram ſunt ingreſſi, bonaque ſua non DEO donorum ſummo largitori, ſed ſibi adſcripſere, eaque propter à divina providentiâ dereliſti, omnique præſidio auxilioque cœleſti privati, mox ab infernali ſuper-

perborum principe in fraudes varias ita indu-
cti, ut illecebroſis ſuccubuerint deſideriis. Cum
teſte Plutarcho quondam nonnulli faſtu elati-
oneque turgidi ſe Regibus pares prædicarent,
eos Nero convivio adhibuit, ac ſuper *ures* in-
flatos, & ad ſimilitudinem ſellarum conforma-
tos ſedere fecit, dum ergò ipſi accumbentes, &
quaſi utres utribus inſidentes, ſedibus ſuis ma-
gis intumeſcerent, quod ſic honorarentur ab
Imperatore, miniſtri Neronis juffu utres il-
los acu perforabant, ita ut inflati turgidique
illi homunciones utribus aëre evacuatis, humi
ſeſe proſtratos, non ſine Imperatoris aliorum-
que riſu deprehenderint. Idem fermè turgi-
dis frequenter accidit literatis, qui dum *neri-*
bis inſidere, ſeu magni apparere laborant, cum
ſummo rubore ad loca noviffima detruduntur.

X. Haud malè Doctrina eruditioque in-
ſignis plenæ aſſimilatur LUNÆ, quæ æmula
fiat SOLIS, aſt eo lucem ab illâ ſubtrahente,
propriam demum agnoſcat vilitatem, quaſi di-
cens: *Tunc cornua perdidit, quando cornua*
acquiſivi; Lucem verò tunc acquiſivi, quando
lumen amiſi, quamprimum ſcil. acceptum per-
didi fulgorem, tum propriæ cognitionis lu-
cem ſum conſecuta. Hanc Lunæ ideam omnes
illi præ ſe ferre videtur eruditi, qui aliunde ac-
cepto ſcientiæ ſux lumine mirificè intume-
ſcunt, doctrinæque PLENÆ, Patris Luminum
ſunt

fiunt æmuli, ac velut novi **LUCIFERI SIMILES** se jactant **ALTISSIMO**, eo autem lucem suam ab illis auferente, nil nisi meram inanemque deprehendunt vacuitatem. Licet fastu turgidi in abundantia sua dixerint: *Non me-
vebimur in æternum*; reipsa tamen mox experti sunt **DEUM faciem suam avertisse ut
facti sint conturbati**: Semper nimirum **DEUS** avibus hisce altè volantibus accidit alas, & astris minitantes coæquat solo, *Nunquam*, [ait ille] *sine noxa est superbia, Deumq; sem-
per experitur hostem capitalem*. Tanquam ignis dona eruditorum præstantissima fastus immodicus consumit, extremumq; Viris etiam maximis accersit exitium. Et cum ea ignis natura sit, ut alienis crescat detrimentis, atque ut **SUOS FUMOS** efferat longè lateque flammam excitet, inque pulverem ac cineres redigat omnia; ita quorundam literatorum fastus & superbia aliorum etiam doctiorum & meliorum injuria depressioneque tantoperè alitur & augefcit, ut tantum sibi elati inflati-que illi honoris gloriæque accedere putent, quantum decesserit cæteris, neque se in hominum oculis collucere posse existiment, nisi in-

Salvian. star ignis in cæteros omnes grassentur, eos
de provid. [si fieri possit] prorsus absumant, atque ut præclare Salvianus ait: *Ut pauci illustrentur,
 Mundus ipse evertatur*, unius honor, Orbis to-
 tius

tius sit excidium. Sic Antiquorum quidam
 Agathon [Dorotheo teste] superbè loquen- *Dorothe.*
 tis eruditi libertatem INCENDIO MA- *Doctr.*
 GNO comparavit, quod cum exandescat, *IV. de*
 omnes ab aspectu suo procul abire compellat, *Timore.*
 nihil esse hoc igne molestius, quandoquidem
 omnium vitiorum sit seminarium & geni-
 trix passionum. Sed & FULMINI simili-
 mam esse hominum doctorum superbiam præ-
 clarè Albertus M. observavit; Est quasi [ait] *Alb. M.*
 quoddam FULMEN vana [eruditorum] *Serm. de*
 gloria superbiaq; excæcans anima oculos, si- *Domin.*
 cut enim fulmen brevem quandam habet cla- *III. Ad-*
 ritatem, sed tamen valde nocuam; ita qui vent.
 er elatam in hoc seculo lucere volunt super-
 biam, gravissima sibi pariter ac aliis damna
 progenerant, dicit enim Psalmista: Dum
 superbit impius, INCENDITUR pauper.
 Pudeat eruditos hoc tetro igne ardere, obscu-
 raque ostentationis face lucere, ad animum
 sibi semper revocent, quod fastus sive superbia
 [instar fulminis] sit ignis DESCENDENS,
 sive ruens per dejectionem. Licet enim inflatus
 turgidusque literator per mentis suæ elation-
 nem adscendat, mox tamen per turpem dejici-
 tur depressionem, IGNISQUE ILLE
 [ut in Jobo legitur] CADIT DE COELO
 idemque illi quod Angelo accidit superbientia

Videbam Satanam SICUT FULGUR cadentem. Sicuti enim vapor fulguris primo adscendit nube inclusus, postea cum impetu descendit à suo contrario depulsus; ita cum satanâ superbiente nulli non elati inflatiq; literati de gloriæ expetitæ cœlo non sine impetu in profundum perditionis extremæ barathrum cecidère. Ad tantam autem perniciem viam erudito turgido parat inordinatus sciendi appetitus, per quem ad propriæ excellentiæ desiderium adscendit, rerumque inutilium cognitionem affectat, sui ipsius obliviscitur, dum aliena inquit errata; *Ast si semetipsos vigilanter attenderent, mirum esset inquit Bernardus, si aliud unquam intenderent.* Miseri hujusmodi eruditi Senibus quibusdam sunt consimiles, quorum acies oculorum sic est affecta, ut cum res à se distantes videant, propè tamen positas haud queant dignoscere. Itaque si inverterent insatiabile cognoscendi studium, & ab alienis externisque rebus ad proprias magisque necessarias suam transferrent curiositatem, tantam erratorum intra semetipsos reperirent multitudinem, imò & malarum cupiditatum segetem, ut domi quod agant affatim sint habituri, siquæ operâ diligentiori adhibita perpenderent, quantum elatos singulos [qui quasi aquilæ & talpæ, animalia in lege immunda, quorum unum & Solem ipsum ac-

mine

mine sui visus contemplatur, alterum verò ne-
 que terram ipsam in qua degit cernere valet.]
 excretur DEUS, vix ullum amplius pudendæ
 superbiæ darent locum, nec tanto studio rerum
 inutilium affectarent cognitionem. Time-
 rent sibi potius ab horrendo isto arrogantia
 incendio putidæque præsumptionis fulmine,
 ignem inquam superbiæ effugerent, omnia
 consumentem, & summos doctissimosque ho-
 mines ad æternos ignes destinantem. Non
 male Chrysostomus superbos cum stupa flam-
 mescente comparavit, quæ post incendium
 surgit quidem & inflatur, mox tamen in cine-
 res tenuissimos dissolvitur: Tales equidem isto-
 rum literatorum sunt animi, quorum inflatos
 spiritus horrendi plerunque, imò æterni casus
 comprimunt atque disturbant. *Quemadmo-
 dum verò (ait idem Chryl.) flamma que in
 stupis aridis sursum fertur simul atq; con-
 tacta fuerit in cinerem vertitur; solidor-
 um autem lignorum ea natura est, ut neq;
 facile incenduntur, neq; cum accensa fuerint
 ardentem flammam facile dimittant; ita &
 illi quidem animi (eruditorum) qui solidi
 sunt ac firmi, neq; facile incenduntur, neq;
 facile extinguuntur, isti verò utraq; illa
 brevi temporis patiuntur momento.*

XII. Ferunt Neantem (cum Uranix fi-
 lium se esse falsò credidisset,) furtim Orphei
 lyram

lyram è Templo Apollinis diripuisse , nocte-
 que intempestà apertum prodijisse in campum ,
 ut ansam haberet per ea silentia suos ad can-
 tus comodiorem. Illic verò ut cœperit infelix
 instrumentum manu hebeti & rusticâ pulsare ,
 nullam chordam fuisse , quæ non HEU MIHI
 occineret , & voce quâ poterat , non vibrari se
 leniter ad numeros , sed acerrimè vexari quere-
 retur , donec ipse Neantes à molossis, ASINUM
 AD LYRAM ex cantu odorantibus , pro asino
 fuerit laniatus. Haud equidem mitius cum
 miseris illis atq; ex fastu arrogantiaq; infelici-
 s-
 simis pseud-Uranix filiis justissimo Dei agetur
 judicio : non unius duntaxat molossi , sed plu-
 rium ore lacerabuntur tandem , ludusque fient
 narrantibus , & falsè inepta eorum ridentibus
 acta ac cogitata , quæ pro sua (animo satis confi-
 denti) statuere autoritate , quæ audacter de-
 fendere , quæ denique impudenter venditavê-
 re , tandem omnium contemptui atque irrisioni
 exponentur. Tertium hinc (neque postre-
 mum tamen) FASTUS immodici dedecus dam-
 numq; sese velut è patentiori quâdam fenestra
 præbet conspiciendum ; Quod sc. ille mancipia
 sua de BONÆ mentis statu miserè deiiciat , at-
 que STOLIDITATIS extremæ caractere in-
 famet. Non sapientissimi tantum Salomonis
 judicio , sed prudentiorum omnium testimonio
 superbia Stultitiæ seu dementiæ est species , quâ
 fascinati homines etiam literatissimi , plerum-
 que

P-ov.

XIV. v.

3.

Conf.

Sap. XV.

v. 14

que in fatuos imò bruta ipsa omni ratione or-
bata degenerare soleant. *Natura stultum esse*

(verba sunt Chrysostomi) *nihil habet criminis,* *Chrysost.*
MAGNIFICE verò de *SE SENTIENDO* *hom. XX.*
STULTUM FIERI venia caret. & majus ad- *ad Rom.*

fert supplicium. Tales sunt (N.B.) qui in *SAP-*
PIENTIA SUPERBIUNT, inque extremam in-
cidunt arrogantiam, nihil enim adeò stultum facit,
quemadmodum arrogantia, unde & Prophetæ bar-
barum ita vocabat dicens: stultus autem stulta lo-
quetur. Quid quod ipse Stobæus hominis ex

scientia inflati turgidiq̃ue miseram fatuitatem *Stobæus*
agnoverit, dum omnem insipientem arrogantiam *Serm.*

PLAUSIBUS capi ac delectari enuntiavit? Non *22.*

unum sane literatus superbus, sed varium &
multiplex dementiæ atque stoliditatis insigni-
rioris dat documentum; instar fatui cujus-
dam hydropici de inflatione suâ gloriatur, exi-
stimans eam salubrem & vigorosâ esse pingue-
dinem, ipsumq̃ue anima (sua tumorem) sanis ple-

num [uti scitè B. Nilus superbiam vocavit] a- *Nilus de*
mans & fovens omnem aspernatur medici- *otto vit.*
nam. Num obsecro stultitiæ aut dementiæ *cog.*

notâ caret, quod ille sponte suâ angustias do-
lores anxietatesq̃ue gravissimas incurrat? Non

enim (ait Cassianus) *unum duntaxat mem-* *Cassian.*
brum pestifer superbia morbus debilitat, sed *lib. XII.*

totum corpus lethali corrumpit exitio, & in *Inst. c. 3.*
versum jam fastigio collocatos gravissima

Chrysof.
hom. 59.
in Mat.

ruinâ dejicere ac trucidare conatur. De-
 nique eandem turgidorum dementiam ante
 laudatus Chrysostomus aptâ quâdam similitu-
 dine representaturus; *quis* (notanter ait)
 cum statura cubitum non superet, instar mon-
 tium imo altiores se putet, ac ideo se quasi
MONTES EXCESSURUS erigat, nullum
 aliud argumentum sue insanie quaerimus; sic
 cum inflatum videris hominem, qui meliorem
 se ceteris hominibus (eruditis) arbitratur,
 nullum jam aliud signum vecordia hominis
 exquiras. Tanto quippe ridiculosior hic est
 ijs qui naturâ insaniunt, quanto magis spon-
 te suâ hunc sibi morbum injecit. Vix alio
 passim quam insanix & phrenesis titulo illam
 eruditarum mentium pestem Chrysostomus
 duxit notandam: *Superbia* (inquiens) *nihil*
in Job. *est aliud, quam depravatio animi, & morbus*
& hom. *gravissimus, non aliunde quam ex insaniam or-*
59. in *tum ducens, NIHIL ENIM SUPERBO-*
Maxb. *HOMINE (Literato) INSANIUS. Ni-*
hil arrogantia atque superbiâ pejus, quæ me-
ris quoque vires à natura hominibus concessas
ita dejiciat, ut amentes ex prudentibus &
animo stolidos efficere videatur. Quid
Chrysof. *RELIQUA dixerim (ait alibi, & nos cum ipso)*
homil. de *quæ inde MALA emergunt? optarim quibus-*
inani
glor.

vis barbaris potius in servitutem dari, quam semel ejus subire JUGUM!

XII. O *FELICEM* itaque, ô terque quaterque beatum illum *LITERATUM*, qui tot tantisque turgidorum literatorum casibus, tot fastis pestiferi damnis & periculis edoctus, huc omne confert studium, ut quantum potest infra omnes verâ sincerâque animi demissione descendat, atque *Cathedra* *in illam pestilentem* [ut scitè Augustinus Superbiam vocavit] longissimo post se relinquat intervallo! *August.*
Neque verò ille humilem se demissumque fin- *in Ps. I.*
gat tantum, ostendatque coram hominibus, neque labiorum duntaxat superficie, sed affectu cordis intimo se cunctis inferiore esse pronunciet, omnemque affectatam gravitatem, magnificos incessus, primos accubitus, salutationes honorificas, cuncta verba ampullantia ex animo despiciendo in nihili sui voraginem descendat, si mente semper pacatâ, sereno semper cœlo gaudere velit. *Volo descendere quantum possum*, ajebat olim Vir quidam doctrinâ pariter ac virtute singulari conspicuus, cum horrendum socii sui Collegæq; ex elatione lapsu perenneq; exitiû gemebundus intellexisset, *Descendam* [sic alta sonoraque ingeminabat voce, in terram se prorum abiciens, eamque veluti complexus arctissimè stringens,] *quantum possum, quia N N. cecidit. dum altius quam debuisse adscendere conatus esset.* Ita Literatus qui-
libet

libet secum statuatur perspectis tot elatorum Doctorum ruinis sodaliumque tristissimis casibus: VOLO DESCENDERE QUANTUM POSSUM, meq; omnibus, etiam vilissimis hominum submittam. Cum arrogantes quosvis nunquam non turbatos videt, deque honoris sui incremento apprimè sollicitos, imò hoc unum assidue in animo volventes: VOLO ADSCENDERE QUANTUM POSSUM [siq; vel levissimum quidpiam existimationi suæ auctoritatiq; decedat, dimidiū cordis sese perdidisse reputantes;] Sinite illos, cogitet *ex demissione felix* literatus, alte scandere, mox altè ruent, hæ feles & sciuri nimis vertiginosi decident ocyus, quam ad speratæ laudis existimationisq; culmen pervenient. Idem iis eveniet quod noctambulis, qui dormientes & somniantes tecta conscendunt, subito autem cum inclamantur cadunt miserrimè, pariter alti isti ambulatorum lapsum gravissimum haud effugient, sed ad levissimū impulsu præcipites conterentur, tanto gravior periculosiorque eorum erit ruina, quanto audacior altiorque fuit adscensus. Quisquis eruditus sapit, iter tam lubricum ex animo horreat,

Job. Rusbrochius & quanta potest circumspectione declinet, præstabit quietè in imo jacere, quam ex alto in imum tam perniciosè cadere. Si superbiam depellere non ita facilè possit (inquit Rusbrochius) saltem erubescat, discatque vivere & silere. *Qui humilitate* [addit idem notanter] *contra*

fol. 473.

*contra superbiam decertant, ii SACRÆ
THEOLOGIÆ BACCALAUREI
sunt, qui si ex certamine palmam referre
volunt & DOCTORES effici, superbiam
pessum premere & proculcare debebunt. Su-
perbia revera perniciosus serpens est, disci-
pulos suos ac sectatores mittens in tartara.
Quisquis suo in spiritu humilitatem inve-
nit, is vitam agit tranquillam & suavem;
vera namq̃ humilitas est supra vel ultra
omnem virtutum exercitationem ocium &
vacatio, & pax ultra omnem afflictionem.
Hoc autem ut verissimum, ita cuilibet animo
erudito contestatissimum & præsentissimum
sit oportet, tantumque apud illum possit, ut
mendaci superbiæ falsis blanditiis illudenti
semper obstruat aditum, ne simul & bono quo
gaudet excidat, & superbiæ gravissimum cri-
men damnumque incurrat. Pro eo quo valet
mentis acumine intelligat, quam præter ratio-
nem & à naturâ alienum sit ipsâ eruditionis
virtutisq; viâ [quâ nihil homo habet præstan-
tius] ad vitium, quod omnium extremum, nem-
pe fastum superbiamq; detestandam pertinge-
re, atque ex vitali illa radice mortiferos adeò
carpere fructus, quod semper evenit, quoties
præclarissimis animi doctrinæq; bonis docti ad
vanam abutuntur ostentationem. Ab hoc au-
tem*

Bernard.
de alti-
tud. cor-
dis.

tem fatuo umbratilis gloriolæ igniculo ut tan-
to longius recedant, mellifluum audiant Ber-
nardum, eos initio laudantem Doctores, qui
cum multa præstent, se tamen minus omnibus
fecisse conqueruntur, mox istos vituperantem,
qui insitæ suæ inopiæ immemores, minima lau-
dis umbra protinus extolluntur, continuoque
quasi si vel tantillum bonos esse tæderet, fastu
turgidi corruunt. : *Quantum putas [ait] illos
admiror, quantum veneror in corde meo,
quantum amplector charitatis affectu, qui
velut nescientes eos, quos inferiores vel in-
firmiores secum quotidie vident, unum for-
te aut duos aut etiam plures quos in maiore
fervore spiritus (majoris eruditionis lau-
de conspicuos) viderint sibi ex omnibus e-
ligunt, & cum ipsi fortè meliores sint, sem-
per tamen illorum sibi præponunt & propo-
nunt in Domino studia, - - - Quid enim
(sic superbum notanter compellat Docto-
rem) tota die super id quod vidèris habe-
re, insipienti cogitatione versaris ? ESTO
MAGIS SOLLICITUS QUID DESIT
TIBI. Hoc enim melius. Utinam fratres,
sic nos effemus cupidi gratiæ spiritualis,
quemadmodum seculares homines pecunia
(gloriæ laudisque) temporalis : Magna
enim*

enime est confusio, magna valdè, quod ardentius illi pernicioſa deſiderant, quam nos utilia, citius illi ad mortem properant, quam nos ad vitam, - - De cætero, ea ſemper magis attende qua alius habet, tu non habes; quod hæc cogitatio in humilitate te cuſtodiat, à deſcenſu elonget, magis autem proficiendi deſiderio accendat. Nonne immanè quantum ſuperbire vel deſipere potius pannofus ille pauper putaretur, qui ad propendentem laciniam aſſuto purpuræ panniculo ſuperbus incederet, quid de illis boni omnes exiſtiment, qui maximorum doctrinæ virtutiſque theſaurorum indigi minima laudis umbra protinus extolluntur, aſt ipſâ ſua quâ elewantur ſuperbia deprimuntur rurfus, & magis ad ima corruunt, dum à vero tramite ſuperbiendo turpiter recedunt. *Ad corruptionem enim* [ſcitè ait Gregorius] *juſtè deſcenderet, ſi ſuis virtutibus longè à corruptione ſe abeſſe judicaret.* Intenſiſſima itaque eruditio opus eſt vigilia, ſi à lapſu & ruinâ velint eſſe ſecuriores, inque doctrinæ & virtutis perfectione procedere longius, apprimè caveant, ne ſi quando leniorem laudis elogii que alicujus ſenſum habuerint, indè ſibi aliquid occultè ſuffurentur, gaudeant oſtentare, eloqui geſtiant, ſuæ diligentia, labori, induſtriæ, acceptum ferant, ſibi intus gratulentur, imò ad antam rerum cognitionem ſeſe perveſſe miſentur,

Gregor.

l. XXIV.

Mor.

cap. 3.

272 COMMENT. II. DE LITERAT. FASTU
rentur, hoc enim inani jactantiæ turbine longi-
ssimè disjicientur, jacturamque longè maxi-
mam patientur, tanto magis lugendam, quan-
to certius ea ex inanissimo laudis amore solet
exoriri.

XIII. Durus dicet quispiam hic est ser-
mo; Adeone inexorabile bellum amoris no-
stro, laudi & existimationi propriæ est indicen-
dum, ut nunquam nostra nobis placere, nun-
quam tam suave laborum condimentum expe-
tere possimus? Certè si tuum aliquid compere-
ris, quod admiratione, quod amore, quod
laude verè dignum fuerit, per me licet, lætare
Vir docte, gloriare, triumphos age, quamdiu
& quantum libet; sed si nihil nisi putris es vo-
mica, è qua solus fœtor, saniesque erumpunt,
quâ fronte, postquam tabum defluens aliena
pulcriore tænia emendicata contexeris, tua te
sanitate, tua formositate efferes? si detrahatur
quod scriptis tuis assutum, si repetetur quod
alienum, tuâ iterum infirmitate tuâ fœditate
involvêris, ridendus in tuis, qui superbis in
alienis. Memineris quid facundus ille quidem,
at mirum in modum gloriolæ cupidus Cicero
dixerit, jure nos in virtute gloriari non posse,
si id donum non à nobis, sed à DEO habere-
mus, quo in judicio nequaquam esset deceptus,
dummodo à DEO virtutem provenire credi-
disset. At numquid eadem ex ratione colligi-
tur, revera non esse unde gloriari jure possi-
mus,

mus, cum neque doctrinam neque virtutem, neque ullum aliud donum bonumve à nobis habere valeamus, & cum à DEO solo sint omnia, illi soli justam deberi gloriam, hincque omnem nostri laudem boni alieni rapinam, omne existimationis desiderium arrogantiae dicendum esse seminarium. Quid amor excellentiae immodicus? quid ipsa (ut clarissimè dicam) omnium rectè factorum, susceptorum, editorum operum comes individua NOSTRI COMPLACENTIA, quid hanc alit augetque tantoperè, nisi virus quoddam in visceribus latens, & quædã de nobis ipsis elatior imò pestilentior opinatio? Cum nostro vel ingenio, vel judicio, vel solertia quicquam tribuimus, dum nostris innitimur artibus, consilijs, istque vijs insistimus, quas aut malas esse, aut à veræ sapientiæ semita novimus alienas, annon rerum caducarum nimium memores, vel cœlestis minus imploramus subsidium, vel sapientis & suavissimæ providentiæ divinæ vim protinus enervamus. Terque quaterque felices essemus, si merè ut verè, non voce & verbis tantum, sed animo & corde cuncta nobis immeritis SS. Numinis liberalitate concessa fateremur. Crystallum aliquam animatam esse faciamus, quæ lucis avida Solis radijs oportunè se subijciat, his autem commodè susceptis, & circumquaque limpidius expansis, si lucis ejus repercussu ista se luce beatam, & non mediocri laudatione

T dignam

dignam existimet, annon subducente se Sole risum alijs moveat, tenebris involuta, nihilque juris in lucem præteritam vendicans? Sed inquires, id saltem laudi erit, quod & accesserit ad Solem, & natura sua sit pellucida, & reperiendi vi polleat, fateor equidem, verum quid si illum ipsum accessum, illud pellucidum, illam reperiendi vim à Sole totam acciperet, nec esse nisi per Solem posset, annon tota lucis illius laus in Solem meritissimo jure redundaret? Idem penitus ô Literate in bonis & donis Tibi collatis existima, sic enim à DEO dantur, ut DEI sint, qui utenda tibi tradit, grande olim fœnus exacturus. En ubi tandem nostra superbiendi gloriandi que seges desinat; in timores, in angores, imò severissima judicia, ut cui plura data commissa que sunt animi doctrina que bona, ab eo plura repetantur. Cur obsecro igitur bono quopiam dono que in nobis animadverso tantoperè extollimur, & confestim nos magnos summosque esse reputamus, si dona non esse nostra crederemus, atque nos propter ea rationi severius reddendæ obnoxios profiteremur, tunc tumori occultè inserpenti vel nullum prorsus daremus locum, vel majori risu hosti tam truculento nos opponeremus, inq; amplissimi Theatri arenam animo alacriori descenderemus, pugnam nobilissimam, solo DEO spectatore & arbitro strenuè decertaturi. Quam appositè belle que B. Hieronymus ad Eusto-

Eustoch. devotam illam virginem ; *Nolo tibi venire superbiam de proposito, sed timorem.* O. *Hieron. epist.*
nusta incedis antro, latro tibi vitandus est, &c. Magnis inimicorum circumdamur agminibus, hostium Eustoch. Virg.
plena sunt omnia, caro fragilis, & cinis futura postmodum pugnat sola cum pluribus, quod si Te multitudo turbaverit, ad singula tentamenta visiorum cæperit astutare, & dixerit tibi cogitatio sua quid faciemus? respondebit tibi Eliseus, noli timere, quoniam plures nobiscum sunt, quam cum illis.
Hæc sibi dicta quilibet literatus existimet, nec de victoriâ à tam acerbis inimicis cunctisq; inflantibus cogitationibus reportandâ desperet.
Sed & gravissimum D. Fulgentij ad Theodorum Senatorem monitum frequenter sibi ad animum revocet: Detestabilis est cordis humani superbia, quâ facit homo quod DEUS in hominibus Sen. Fulgent. epist. ad Theodor.
damnat; sed illa detestabilior, quâ sibi tribuit homo, quod DEUS hominibus donat, & quæ sequuntur: Damnabilis est, qui substantia seculi mali malè usitur, sed damnabilior, qui spiritualibus donis superbus effertur.
Audiat & veteres Hebræos tradentes humilitatem esse signum genuini Abrahamitæ, factum verò nothi notam certissimam. Sic enim in Pirke Ashot legitur: In quocunque tres hæ prietates inveniuntur, oculus bonus, (h. e. for sub a'v'iguna quavis sorte contenta) spiritus *Pirk. A. fin. c. 5.*

mansuetus, (quidvis pati paratus) & *ANIMAHUMILIS* (cuius cedere gnara,) is est è discipulis Abrahami patris nostri, contra in quo tria opposita, malus oculus (h. e. invidia,) *SPIRITUS SUBLIMIS*, & anima curta (impatiensque) ille est discipulus Bileami maligni. Inde est quod in Catechismo suo *Superbum* à Prophetis incircumcisum dici vel pueros doceant, septemque abominationes animæ recensentes & explicantes, secundum statim locum superbiæ turpique mentis elationi tribuant, quoniam nimirum, Ebræo * quodam explicante, *superbia sit regnum absque coronâ*, & homo cum se extollat, auris ejus & oculus & cor sint obturata ad audiendum videndum & intelligendum. Nam quomodo (pergit notanter) *superbiat homo (eruditus) cujus finis est vermis? qui instar floris cadit, & veluti fumus consumitur?* Et ob hanc causam *superbus vocatur INCIRCUMCISUS* sicuti scriptum est (Deut. X. 16.) *Et circumcideris praputium cordis vestri*, porro ex *superbia* consequitur odium,

quo

* Rab. Abraham Jagelin Lekach tobb f. 10. col. 1. laudante Celeb. D. Carpozvio in notis ad Jus Regium Hebr., W. Schikardi pag. 218.

quo talem omnes creatura prosequuntur, si-
quidem res omnes sociabiles sint præter su-
perbiam, constatque insuper quod ex odio
sequatur disjunctio, & ex disjunctione de-
solutio & perditio, adeoq; superbus destruit
domicilium & mundum, & exosus est tam
inferis quam superis, neq; enim creatura
placet, neque DEO. Pudeat Christianos li-
teratos nequissimo elationis arrogantiaque
spiritui adeo indulgere, à quo ipsi Ebraeorum
magistri tantopere abhorrerunt, fugiant po-
tius fugiant inquam execrabile illud munda-
næ fallaciæ ruinæque inevitabilis elementum,
caveant sibi summo studio à perniciosæ præ-
sumptionis fulmine, isti que infernali elationis
spiritui humilem cœlestemque Christi oppo-
nant, ac se tum demum non Abraham tantum vel
Israelis filios, sed ipsius Salvatoris genuinos di-
scipulos fore existiment. *si Oculo bono, Spiritu*
Mansueto, & ANIMA HUMILI
fuerint præditi, atque pro certissimo ponant
principio, non nisi per humilitatem ad veram
sapientiam ipsamque beatitatem viam pate-
re, ad quam ut nos eveheret filius DEI, servi
habitum non est dedignatus, qui quoscunq; ad
se admittit, omnigenæque felicitatis, ac supre-
mæ gloriæ scatebra recreare constituit, hu-
miles esse desiderat. Quid hanc in rem glo-

riofus Martyr Cyprianus, prostratos in Bethle-
hemitico stabulo pastores intuitus ? *Electa*

Cypriano [præclarè scribit] *adest humilium personarum*
tract. de simplicitas, ut poneretur regula, & indisso-
primo c- lubilis daretur forma, quod NON NISI
pere Car- PAUPERIBUS SPIRITU pateret
din, Christi humilitas, nec SUPERBOS ad intui-

tum sui posset admittere superna sublimi-
tas. Non est confusus se ad formam servè
exinanire, ut qui de fraternitate ejus glo-
riantur, & volunt adscendere, non eru-
bescant descendere, sed eidem scala cum Ja-
cob innitantur, & cantantes canticum gra-
duum ab imis ad superiora conscendant.

Aug.
Ep. 56.

Non aliam Tibi (Magnus ait Aurelius) ad
capessendam & obtinendam digni-
tatem viam munias, quam quæ mu-
nita est ab illo, qui gressuum nostro-
rum tanquam DEUS videt infirmita-
tem. Ea autem est prima HUMILITAS,
secunda HUMILITAS, tertia HU-
MILITAS, & quoties interrogares
hoc dicerem, non quod alia non sint præ-
cepta quæ dicantur, sed nisi humilitas
omnia quæcunque benefacimus & præ-
cesserit & comitetur, & consecuta fuerit,
totum extorquebit de manu superbia.

Hujus

Huius hostis (scribit alibi) vires non sentit, nisi qui ei bellum indixerit: Quia etsi cuiquam facile est Idem E. laude carere dum denegatur, difficile est ea non dele. pist. 64. Etari cum offertur. Non verbis solum hæc docuit Augustinus, sed re & opere ipso, utpote qui in sublimioribus cunctis se demissimè habuit, se suaque omnia non tantum aliorum iudicio libenter subiiciens, sed (licet doctissimus fuerit) infimum tamen sese credens ac postremum, quantoque major in existimatione hominum erat, tanto magis se in omnibus humiliavit. Si Paulus Apostolus (*dicebat*) quanto magis ego, longè infra illius jacens pedes &c.

XIV. Quantumvis verò major & operosior videri possit moderationis observatio in internis sive animæ bonis, quam externis sive corporeis, eò quod summa mentis cœcitas cognitionem nostri summoperè impediat, efficiatque ut minus nobis quoad ipsa rerum internarum viscera sumus perspecti; neutiquam tamen justam literati propter ea quoq; bona superbiendi causam habebunt, si quanta sit scientiæ nostræ exilitas probè deprehendant. Miratur haud abs re Theodoretus non pudere philosophos passim gloriari compertam sibi esse aëris ætherisque mensuram, qui maris tamen profunditatem ignorent, quam conto ac summissis funibus & bolide explorare non adeò arduum videretur, qui etiam circa res naturæ tantoperè invicem dissentiant, non exiguo argumentò latentis veritatis & densè ignorant

*Theodor.
lib. IV. ad
versus
Græcos
sub init.
Idem latè
versat
Lucianum.
in Herm.
sive dial.
de sectis,
& dial.
cui tit. vii.
tarum
austio.*

idemque
in omni
scientia
& disci-
plina cer-
ni mon-
strat Ti-
raquellus
cap. 31. d
nihil. n.
§ 32. seq.
Arnob.
lib. II, n.
50.

apud
Theodor.
l. c. lib. 2.
Lactant.
lib. de ira
DEL cap.
7.

tia nostræ circa ea ipsa quæ in oculos incur-
runt, quanto magis circa res abditas, vel sen-
sui impervias? uti & Arnobius ex tanta philo-
sophantium dissensione optimè conclusit; *cum enim* (ita ille) *veritas una sit, & tan-*
ta dissidia pugnantesque sententia inter sa-
pientes de rebus sensum ferientibus effe-
buerint, multos errare necesse est, & igno-
ratione laborare. Cœcum equidem eum esse
oportet, qui plurimis errantibus se solum à
labe immunem fore existimaret, ex tanto er-
roris periculo, tamque densis tenebris neu-
tiquam elationis superbiæque argumentum,
sed potius humilitatis & despicientiæ sui uber-
rimam capiat materiam. Inò quantò quis
rerum naturæ peritior, tanto de se sentiat
demissius, quod norit quam parum de intimis
naturæ recessibus intelligat, ac pro rerum pe-
netralibus sola vestibula teneat. Socrates
certè mortalium (ut vulgò creditum) sapien-
tissimus, cœciorem sese esse agnoscit in pervi-
dendis naturæ rebus ex quo philosophiæ de-
disset operam. *Et cum* (Lactantio præclare
scribente) *esset omnium philosophorum doctissi-*
mus, amen ut cæterorum argueret inscitiam (im-
mensæ sc. superbiæ sociatam) *qui se aliquid*
tenere arbitrabantur, ait se nihil scire,
nisi unum quod nihil sciret. Intellixit enim
doctrinam illam nihil habere in se certi, ni-
hil veri, neque ut putabant quidam, dissimu-
lavit

lavit ipsam doctrinam ut alios refelleret. sed vidit ex parte aliqua veritatem, Testastus est etiam in iudicio (sicut traditur à Platone) quod nulla esset humana sapientia: adeoq. doctrinam quâ tum philosophi gloriabantur conempsit, derisit, abiecit, ut id ipsum pro summa doctrina profiteretur. quod nihil scire didicisset. Pectoris nimirum humani tenebras probe agnovit, & quantoperè ad rerum omniû notitiam cæcutiamus. Quem admodum & Gregorius Nyssenus, increpans *Gregor.* Eunomii (rerum altissimarum, ipsiusque divi- *Nys. o.* ne essentia cognitionem jactantis) faculta- *rat. 9.* tem, non male statuit, naturam animalium *contra* etiam minutissimi nempe formicæ à nobis ig- *Eunom.* norari. Locus est egregius quem idcirco nolo præteritum: Qui gloriatur jactabundus se, eorum quæ sunt scientiam adeptum esse, quod minimum est eorum quæ nobis ante oculos apparent: quæ sit ejus natura, nobis explanet, ut ex eo quod notû est, de eo etiam quod occultum est & incognitum, fidem faciat. Et quam sit formica natura sermone explicet, utrum spiritu & habitu ejus vita contineatur, utrum visceribus dispensetur similiter aliis animalibus, utrum ossibus corporis constructum sit, utrum medulla ossium

cavitates intus plena sint; an nervis & vinctulis compages sit consenta; an musculorum amictibus, & adenum sive grandularum, nervorum situs contineatur? - - Quam-

Apparet diu vivat, & quis ex sese generationis mo-
 Nyssennus; & quanto tempore fœtus concipiatur,
 ut sepè a- & quomodo neq. formica omnes pedestres,
 lias ex neq. volucres omnes, sed alia humi reptent,
 fratre alia aërea videantur. Qui igitur se ja-
 Basilio profecisse etat eorum que sunt naturam adeptum esse,
 scribit Ib. nobis primum formica naturam declarat.

Raynaudus Lib. Qua ipsa argumentatione præter Eunomium
 VI. de convinci possent omnes ventosi in Orbe litera-
 Viri. & to Thrasones, quibus frequens est jactare illud
 vitis Selt. ab Origene in Celso Epicureo tantoperè exagi-
 2. c. 18. tatum: OMNIA NOVIMUS! Non paucos
 Conf. olim turpissimi fastus æstro percitos id de se
 Nyss. e- professos fuisse, ex Dione, Platone & Nazian-
 pist. 108. zeno discimus, eaque propter Euthydemum
 Ii Ori- quendam insolentissima vanitate diligentissi-
 gen. con- mē cavisse, ne quidquam ab alio discere vide-
 tra Cels. retur, Xenophon disertè prodidit. Annon no-
 Xenophon stro etiam ævo quidam eadem labe correpti ac
 lib. 4. me- corrupti inveniantur dispiciant alii. Non pos-
 mor. So- sumus equidem non eorum coarguere insipien-
 erat. dist. tiam, qui cum ceteros à pernicioso illo animi
 atque fa- tumore avocare, mentisque integritati restituere
 etor. re deberent, ipsi ut plurimum ingentem animi

sui elationem per aliorum (etiamsi doctiorum
 ac meliorum) prodant contemptum, toti inter-
 ea sint in sterili verborum aucupio & oratio-
 nis flosculis conquirendis, eaque lenocinia sæ-
 pè in sui & auditorum detrimentum consecen-
 tur, licet ipsi gentilium magistri, cum primis Se-
 neca & Macrobius eam orationis castigaverint
 lasciviam, & tanquam clarissimum corrupti
 [imò inflati turgidique] animi indicem meritò
 exploserint. Meritò inquam; *Est enim* [scitè
 dicente Cassiodoro] *quoddam mentis speculum,*
agens oratio, nec majus potest esse mentis testimo-
nium quam qualitas inspecta verborum. Hæc i-
 taque si elatam quandam redoleant vanitatem,
 hæud obscurè innuere videntur, quid de ipso
 proferentis animo sit sentiendum. *Cujuscunq;*
orationem (appositè ait Seneca) *videris sol-*
Licitam & politam, scito animum quoq; non
minus esse pusillis occupatum. *Magnus il-*
le remissius loquitur & securius. Quacun-
que dicit plus habent fiducia quam cura.
Nosti complures juvenes barba & comaniti-
dos, de capsula rotos. Nihil ab iis spera-
veris, forte nihil solidum. Oratio vultus a-
nimi est, si circumtorta est, & fucata, &
manu facta, ostendit illum quoque non esse
sincerum, sed habere aliquid fracti, non est
ornamentum virile concinnitas. Nullum
 equi-

Seneca e-

pist. 114.

Macrobi.

II. Satur-

nal c. 4.

Cassiod.

lib. 5. E-

pist. 22.

Seneca e-

pist. 115.

equidem dubium est eruditorum plurimos nimia sua dicendi & loquendi elegantia & cultu ingentem animi fastum prodere squaloremq; variam imò & præposteram laudis ac gloriæ ex inani argumento captationem auditoribus obijcere contuendam, nec non judicii defectum, & puerilem in re seriâ hallucinationem apud cordatos risu & sublannatione dignissimam.

Maxi
Tyrius
differt. 15.
n. 89.

Quam absurdum est (inquit Max. Tyrius) *quod pyrum, ut Homerus ait non sentescat, nisi novum adveniat, nec malum, nisi aliud accedat, uva uva succrescat, ficus ficui; sermo verò solus simul nascatur & pereat, fructusque orationis nec semen ullum habeat, nec vim nutriendi, neque interiora animæ penetret,*

Sed tantum leviter supra natet, instar olivi?

Conf. Lu. Sic non malè carpit Tyrius perniciosam illam *si an. in* dictionis concinnitatem & rapiditatem, nec *Alexi-* absre alii invehuntur in hujusmodi sermonis *phane, &* ostentationem, quâ studio singulari quidam *in Rhetor-* verba obsoleta & vetusta ad usum revocare, in- *rum præ-* deque imperitorum admirationem ac plausum *cept. ac* quærere conantur, saltim prætermisso fructu *Gell. lib. 1.* solam spectantes verborum compositionē. *Mu-* *c. 10. l. 5.* sonium Philosophum (ita egregiè Gellius) *c. 21. lib.* solitum dicere accepimus: Cum Philoso- *S. c. 15. d.* *13. c. 9.* phus

phus hortatur, monet, svadet, objurgat, a- *Gell. lib.*
 ludve quid disciplinarum differit, tum *V. cap. 16.*
 qui audiunt, si de summo & soluto pecto-
 re obvias vulgatasque laudes effutunt, si
 clamitant etiam, si vocum ejus festivitati-
 bus, si modulis verborum, si quibusdam
 quasi frequentamentis orationis moven-
 tur, exagitantur, & gestiunt, tum scias &
 qui dicit, & qui audivit frustra esse, ne-
 que illic philosophiam loqui, sed tibici-
 nem canere. *Nec minus praeclare Seneca; Seneca*

Audisse Te scribis Serapionem Philoso- *epist. 49.*
 phum, cum istuc applicuisset, solere ma-
 gno cursu verba convolvere, quæ non ef-
 fundit, sed premit & urget. Plura enim
 veniunt quam quibus vox una sufficiat.
 Hoc non probo in philosopho, ejus pro-
 nuntiatio quoque sicut vita debet esse
 composita. Pluraque addit insignia adver-
 sus vanum à rebus [ut ait] ad verba transla-
 tum studium, quæ apud ipsum non sine fructu
 legi poterunt & emolumento.

XV. Operæ equidem pretium fuerit ea le-
 gisse non paucos sub Christianorum oratorum *Mure-*
 larva Comœdos & circulatores, inflatæ elatæ- *in com-*
 que vanitatis utres, quorum oratio (ut Mure- *ment. in*
 tus haud abs re ad istam Senecæ epistolam sto- *Senecam.*
 macha-

machatur,) cum non compta ac calamistrata, sed gravitatis, authoritatis, majestatis ac sanctimoniae plena esse deberet, tota papavere ac sesamo sparsa est, & ex mellitis verborum contexta globulis, ita ut ad eos non tanquam ad vitae magistros aut vitiorum correctores, sed tanquam ad Comoedos aut histriones eatur. Stant illi, & cum frontem bis terve confricuerunt, barbamque permulserunt, hiantes & mirificum aliquid ac θαύμασιον expectante plebe (plebis autem nomine etiam quosdam ex optimè vestitis comprehendendo) laxant habenas linguae, & similiter cadentia, similiterque desinentia coacervantes, paria paribus, contraria contrariis opposcentes, multa etiam semel suo ordine dicta, sursum versum, aut aliàs variato ordine repetentes, eaque in re memoriam pueriliter ostentantes, atque hæc saltatricularum in morem gesticulatoriis, neque unquam quietis manibus adjuvantes, argutè multa, multa quibus risum excutiant, dicunt. Nunquam interim aut sibi aut auditoribus respirandi facultate permissa. Quibus omnibus rebus, adm-

admiracionem imperitis, cordatis & intelligentibus nauscam ac stomachum commovent. Hoc scilicet elata illius vanitatis est primum, fastusque indecori adæquatum stipendium. Verum graviora longè mala cœnosa ac lutulenta ista tumida orationis scaturigine promanare Magnus Chrysostomus observavit, plebem suam notanter hunc in modum compellans : Hoc subvertit Ecclesias, quod & vos non quæritis audire sermonem qui compungere possit, sed qui oblectet tinnulo strepitu & verborum compositione, quasi citharædos & cantores audientes, et nos frigide ac misere facimus, nostras affectiones sequentes, quas ejicere oportebat - - - Flosculos verborum & compositionem & harmoniam curiosius sectamur, ut canamus, non ut prosimus, ut simus in admiratione, non ut doceamus, ut oblectemur, non ut compungamus, ut plausu & laudibus obtentis abeamus, non ut mores componamus. Quæ sudorum meorum utilitas, si auditores è verbis meis nullum fructum accipere volunt ? Sed & multo ante Chrysostomum tempore Clemens Alex. eum ornatum dissertationis turpem esse & indignum philosopho

*Johan.
Chrysost.
hom. 30.
in Acta.*

*Clem. Alex.
lex I. stre-
mat. 6. 4.*

*Hieron.
epist. ad
Nepotia-
num.*

sopho Christiano diserte iudicavit. Coronidis loco insignem è quâdam Hieronymi epistola locum adscribamus, cum planè nobilis sit & luculentus: Verba [scribit] volvere & celeritate dicendi apud imperitum vulgus admirationem sui facere indoctorum hominum est - - Nihil tam facilè quam vilem plebeculam & indoctam concionem lingvæ volubilitate decipere, quæ quicquid non intelligit plus miratur. Loquor enim quæ sum ipse nuper expertus. Unus quidam Poëta nominatus homo perliteratus, cujus sunt illa colloquia poetarum ac philosophorum, cum facit Euripidem & Menandrum inter se; & alio loco Socratem atque Epicurum differentes, quorum ætates non annis, sed seculis scimus esse disjunctas, quantos is plausus & clamores movet? Multos enim condiscipulos habet in theatro, qui simul literas non didicerant. Tale sapientissimus Doctor iudicium tulit de inani illa captatione gloriæ & vana eruditionis ostentatione, qua de peculiari commentatione egimus.

XVI. Quàm jejuna autem turpisque ea superbiendi est materia, quæ ex dicendi facultate sublimiori desumitur, tam perniciofa & exitio-

exitiosa ea est elatio, quæ ex ipso VIRTUTUM
 CHRISTIANARUM STUDIO ATQUE
 EXERCITIO ducit originem. Hanc
 labem meritò Nazianzenus *malorum nostrorum*
miserrimum appellavit, disertè judicans, id es- *Gregor.*
 se supra modum peccans peccatum, per id quod *Naz. O-*
 optimum est, homini exitium asserens. Sanè *rat. VII.*
 si divinæ bonitatis infinitatem eo nomine su-
 spexit Plotinus (referente Theodoro contra
 Græcos,) quod ex malis bona eruat, [neque e- *Theodor.*
 nim peccata permetteret, nisi fructum ex eis *lib. 6.*
 longè majorem quam fuerit malitia exiturum *contra*
 prævideret, ut disertè D. Augustinus docuit] *Græcos,*
 infelicitatis summæ ac imbecillitatis cum sum-
 ma perversitate conjunctæ esse videtur ex bono
 eruere malum, & ex virtute vitium excudere,
 quod facit, qui bona sua moralia, virtutes in-
 quam & studiosas actiones elationis habet ar-
 gumentum. Idèò insignes morum, magistri
 (ipso Salvatore præeunte) sollicitè monent,
 caveat qui rectè operatur, ne bona sua opera e-
 vulgata velit cum aperto & humilitatis & pie-
 tatis discrimine. Quid quod Epictetus apud
 Arianum expositularit quosdam esse, qui tan- *Arian.*
 quam boni Tragædi nequeant sibi solis canere, *lib. III.*
 sed semper cœtum & theatrum quærant, quo *cap. 14.*
 actiones suas honestas prodant, moxque ad-
 dit: Si quis aquam bibit, aut molitur quippi-
 am studiosi operis, quamvis capiat occasionem,

qua ostendet sese omnibus, pradicans se aquam bibere, num idè aquam bibis, quia aquam bibis? Bone Vir, si prodest tibi eam bibere, sanè bibas ipsam; sin minus, ridiculè facis. Quod si prodest tibi ac bibis, taces coram iis, qui ab huiusmodi abhorrent rebus, quid enim est quamobrem placere his studeas? Sic idem Epictetus alibi eum qui Venere abstineant vult id tacitum habere, nec propalare apud alios, ne dum corporis retinet integritatem, eam virtutem perdat, quam eleganter Fulgentius *anima integritatem* appellavit, i. e. humilitatem. Hâc præditus homo doctrinâ pariter ac virtute illustris, non modo tumorem reprimere studet quoad eam elationis materiam quam ipse habet, sed etiam quoad eam, quæ occurrat in aliis, sibi per conjunctionem aliquam sive cognationis sive communitatis sive amicitiae etiam specialis sociatis, Quemadmodum literatos Principum & Magnatum amicos agrè modestiam retinere cum Cassiodoro quidam observarunt. Non minus equidem invigilandum est ut moderatio animi florente superiorum gratia & benevolentia custodiatur, quam si mens singularibus donis variaeque doctrinae ac virtutis thesauris sit prædita. Quid multis? Ubique & DEO & hominibus exosa est superbia, & cum DEUM specia-

liter

Epict. in
Enchiri-
dioc. 47.

Cassiod.
lib. 4.
epist. 4.

liter impetat hoc vitium, ejusque dignitatem
& celsitudinem perversè æmuletur, semper ul-
trice ejus dextra est expiandum. Audiamus *Philo lib. de chari-*
Philonem: Illos [ait] qui fastui rigidi nolunt re-
spiscere, lex non ad humanum tribunal mit-
titur, sed divino tradit judicio. Ait enim,
quicunq; aggreditur aliquid agere cum su-
perbia DEU Mirritat. Cur ita? Pri-
mum quia arrogantia est vitium anime: A-
nima autem DEO soli est visibilis. - De
inde quoniam quilibet arrogans insana opi-
nione inflatus, non tam virum quam heroem
aut genium quendam se existimat, ut Pin-
darus inquit, transcendens humana natura
terminos. Est autem nec animi satius com-
pos nec corporis, toto habitu gestuq; morbum
pra se ferens, incedit summis pedum digitis
- - arbitratur se omnium ditissimum, no-
bilissimum pulcherrimum, fortissimum, pru-
dentissimum, temperantissimum, solertissi-
mum, alios verò habet pro pauperibus, ob-
scuris, contemptis, imprudentibus, injustis,
insipientibus, piacularibus, nihiliq; homunci-
onibus. Meritò igitur talis ad DEI tri-
bunal puniendus relegatur propheta senten-
tia.

P. Da-
mianum
opuscul.
XI. c. 18.

XVII. Exulet igitur ab animo doctrinæ eruditionisque insignioris copiis instructo omnis Elatio, nullum apud ipsum tumor superbiaque locum inveniatur. Quodsi sereno gaudere velit cœlo, precibus assiduis incomparabile illud sinceræ demissionis charisma efflagitet ab eo, qui Spiritum Sanctum suum, Spiritum veræ humilitatis disertè promisit orantibus. In priscis cœnobitarum mensis memorabilem morem receptum fuisse Damianus perhibet, nimirum ut turpi Lectorum arrogantia sincera opponeretur humilitas, quendam à Cœnobiarchâ subornatū Lectori publico cathedram consensuro sonorâ voce acclamasse: *Auferat à Te DEUS Spiritum ELATIONIS!* Quandoquidem lectoribus quibusdam arrogantia vitium olim adeò familiare fuerit, ut dum alios per recti itineris tramitem (ut Damianus loquitur) dirigere debuissent, ipsi erroneæ confusionis periculum incurrerint; Cui præcavendo solemnis illa formula seu apprecatio occentari debuerit: *Auferat à Te DEUS Spiritum Elationis!* Quidnî Vir piè-doctus, si perspexerit quantam labem animæ arrogans scientia inferat, quam fœdè succutiat & subruat virtutum ædem impotens iste halitus, (nimirum quod Gregorio dicente dum aliquis XV. Mo. de sacra legis scientia gloriatur, pretium sibi vale, 16. convertat in veneni poculum, & inde RE-
PRO-

PROBUS moriatur, unde ad vitam erudire videbatur alios, inque doctrinâ sua mortem inveniat:) **DEUM** precibus compellaret assiduus atque ardentissimis, ut impudentissimum illum Satanæ angelum, spiritum sc. **ELATIONIS**, illum ingeniorum optimorum actionumque præstantissimarum nequissimum corruptorem à se auferat abigatque, ne [quod aliis accidit innumeris] ipse quoque ab eo decipiatur, supplantetur, extremaque perditionis periculû subire cogatur. **NON VENIAT MIHI** [dicat ad Regii Prophetæ exemplû] * **PES SUPERBIÆ** ! Cave obsecro ô **DEUS**, ne communis ille literatorum adversarius, ille turbarum & dissidiorum concitator, spiritus nimirum elationis suis me petat **CALCIBUS**, sed missum potius faciat, nec ullam in me deinceps exerceat potestatem ! Meum gratiâ tua jugiter rege spiritum, ne supra me unquam extollar, neque gravi fastûs pondere gravatus æternum deprimar, fac ut superbiam frequenter mihi ob oculos ponam ut fumum, primò adscendentem, mox vanescentem, qui quanto fiat superior,

V 3

* *Psalms XXXVI. vers. 12. juxta vulg. Apostolus Thomæ Aquin. in h. l. Non veniat mihi [scribit] pes superbiæ, id est affectus superbiendi removeatur à me. - Quia ex hoc pede est casus, sicut quando quis cadit propter **PEDEM** quem habet malum, &c.*

perior, tanto facilius evanescat atq; depereat. Si mihi quoq; astutissim⁹ ille hostis struat insidias, atque supplantare velit improvidum, Tua effice clementiâ ut tutus à labe consistam, neq; sublatus in altum, lapsu ruam graviore. ! Et cum facilius nihil sit quam PEDIBUS INFLATIS & intumescantibus impingendo, extremam corpori universo accelerare miseriam, hinc tanto ferventius DEum literatus invocet, ut perniciosum illum Elationis auferat *tumorem*, nullamque præsumtuosam ambitionem animo suo dominari permittat. Si alios sui ordinis suæque facultatis homines videat, non solum inflato illo superbiæ pede miserè supplantatos, verum præ fastu & arrogantia terram PEDIBUS vix amplius contingentes, *alasq;* sibi cum Icaro quærentes quibus in altum evolent, noster Davidica illa eò fortius ingeminet verba : *Non veniat mihi pes superbiæ*, ne forsitan offendam alicubi miserè, extremaque perditionis barathrum incurram. Adhæc consilii Apostolici memor literatus DEOque sacratus homo nequaquam *ALTUM SAPIAT*, sed *TIMEAT* *AT* *potius*, nihil de semetipso præsumens, nihil ingenio suo industriæque tribuens, sed fragilitatem pariter ac vilitatem naturæ suæ diligenter assidueque considerando omnem superbiæ (ex literarum artiumque studiis conceptæ) aditum intercludat. Timeat inquam potius, quam suis confidat ingenii doctrinæ-

*Roman.
XI, 20.*

Strinxæque opibus, totus cohorrescat, ubi aper-
tus mentis serenatæ oculis ingentia sua perpe-
xerit pericula, nimirum quod (dicente Euse-
bio Emilleno) tantæ tamque fallaces sibi obji-
ciantur laquei, tam atroces innumerique ho-
stes gressus suos observent, tantæ foveæ, tanta
prærupta, tantæ rerum difficultates interjace-
ant inter se & finem suum, h. e. supremâ & im-
perturbatam felicitatem. Ad hæc oogitans
quam arcta & ardua sit salutis via, quibus spiri-
tualium latronum insidiis obsideatur, qui sco-
puli sint transeundi, qui subeundi fluctus,
quanto sæpè impetu ab adversariis ad casum
concussus sit, & ex casu in præcipitium, quo-
ties Hannibal ante portas, molles nimirum e-
nervatiquæ affectus, hostes innumeri & in-
domiti se haud quidem invitum nec reluctan-
tem oppresserint; quoties amoris gratiæque
cœlestis funiculis tractus nefariè sit relucta-
tus, & trahentem Dominum neutiquam secu-
tus, totus ille contremiscat, & de fastu omni
abdicando extingvendoque seria secum (ope
cœlesti fretus) agitet consilia. Porro perpen-
dens lapsorum superbiorum ab omni ævo histo-
riam, Angelorum, Protoplastorum, omnium-
que profanè alteque nimis sapientium tragœ-
dias, quam graviter perfidi rebellesque illi, qui
cœlo bellum indixêre, à supremo tum judice
tum vindice fuerint puniti; quam horrendum
Gigantomachia ista semper habuerit exitum,

nimi-

nimirum ut fulmine tacti Jovis impugnatores, jamque pridem suis machinis incinerati, exemplo suo miserabili posteros docuerint, non impune cœlum Numenque bello peti, nec DEUM fastu mortalium irritatum quiescere, *donec* (ut propheta ait) *græve de inimicis illis suis sumptum sit supplicium.* His inquam calamitatibus miseriisque probè ac diligenter perpensis, quilibet literatorum hominum de eradicandis extirpandisque damnificæ illius arrogantia zizaniis apprimè sit sollicitus. *Ad quid superbiat terra ac cinis?* quænam arrogans ista esset præten-
 sio, quæ temeraria præsumptio ut cinis superbire velit ac lutum? Num se extollet cœ-nosus vilisque humuncio, ingenii sui doctrina-
 nique (spreto Creatore) confidens opibus? Indignum potius se reputet aëre, quem respi-
 rat, indignum cœlo, quod adspiciat, siquidem superbiendo perire maluerit cum diabolo, quam æternum regnare cum Christo. Subeat
 animum ejus ingens admiratio, quomodo an-
 geli cœusque sustinere potuerint perduellē Cre-
 atori, astra benignis observare adspectibus, e-
 lementa confovere, boni probique homines
 consortio suo dignari tantum omnipotentis
 Domini contemptorem. Planissimè sibi per-
 svadeat non amplius esse quærendi locum
 QUID FECISSET? Siquidem de latente a-
 nimi fastu ab interno monitore abunde jam sit
 convictus; sed tempus potius esse, imò plus-
 quam

Esa. I.

Eccles. X.

9.

quam tempus, ut cum Saulo persecutore in terram prostratus, ob tanta flagitia tremens, ob tot pericula stupens, oculis lacrymantibus, contrito corde & singultiente voce exclamet: DOMINE QUID ME VIS FACERE? Seriam (ita orerelpondet Prophetico-Apostolico) *age penitentiam!* summa cum reverentia coram læsa procumbe Majestate cœlesti, corque sincerè adaperiendo animi tui statum miserabilem detege, ad divinæ clementiæ Salvatoris beneficio partæ thronum cum fiducia accede, & cane pejus ac angue omnem deinceps fuge mentis elationem.

XVIII. Tanto verò tamque intolerabili jugo, cœlesti ope excusso, pie literatus in veræ sinceræque humilitatis via constanter ambulet, utque ad eam tantò facilius feliciusque pertingat, frequenter mentis oculos in id convertat, quod centum vel quinquaginta ab hinc annis fuerit, quodque tunc fuerit DEUS, equidem deprehendet tunc se nihil, nullaque rei cujusquam curâ tactum; DEUM verò semper fuisse immensum, infinitum, immutatum, Regem summum atque potentissimum, rerum & virium omnium fontem indeficientem, à quo omne suum esse, posse, vigere, perdurare usque eo continenter defluerit, ut si vel momento vigorem instillare intermisisset, illicò in nihili sui voraginem fuisset detrusus. Quod si ignis igni, venenum veneno alteri possit esse

remedium, quidni naturæ nostræ inpulveres
& VERMES resolvendæ consideratio inter-
imere *vermem SUP & RBI* Æ posset, omnem-
que animi expellere fastum? Si diligentiori in-
super mentis trutinâ ponderet literatus partim
ea quæ sibi etiamnum desint, partim in quibus
frequenter deficiat, nullam sibi vel ad illa com-
paranda, vel ad hæc ritè consummanda facul-
tatem inesse reperiet, nisi eam largissimo DE I
munere recipiat. Licet egregia artis scientiæ
ingeniique; ornamenta possideat, plura semper
præstantioraque sibi deesse persentiscet. Quan-
tæ [bone DE U S!] omnigenæ eruditionis co-
piæ (uti supra monuimus) adhuc sunt abscon-
ditæ, quas nequidem prioribus labris eruditi
attigerunt, vel in quibus minus accuratè sese
exercuerunt! quam multa in rerum divinarum
atque humanarum præteritarum pariter ac præ-
sentium cognitione ignorant! In tot lingua-
rum, artium, scientiarum, exercitationumque
varietate quam multa ne tenui quidem suspi-
cione percipiunt! Ea verò in quibus plus ali-
quid peritiæ sibi arrogant, magna adeò medio-
critate & definito limite possident, ut pluri-
marum earumque utilissimarum rerum defectu
laborent, nec doctrinæ scientiæque; opibus adeò
onusti sint, quam se divites esse mentiantur.
Hinc non solū intelligent, quam exiguā peri-
tiæ aut eloquentiæ cujusvis habeant portionē,
sed quam longis parasangis superentur ab aliis,
ut præ istis, tantillū id quod habent, vix aliquo

in pretio sit reputandum, hinc suæ eos tenuitatis omnino pudebit, oculis animi potius ad præstantiora quam ad inferiora conversis. Si que id ipsum divinæ gratiæ radiis collustratus literati hominis animus assidue consideret, non adeo arduam, nec laboriosam imò nec admodum operosam veræ sinceræque humilitatis exercitationem esse deprehendet. Nunquam sapiet aut spirabit ille altiora, sed AD ALTIORA potius sinceræ pietatis sui que ABNEGATIONIS *culmina* usque & usque adspirabit, quanto fiet locupletior, tanto sibi pauperior videbitur.

Tanto *ut* quisque [ait quidam] *capacior tanto* *Inter e-*
avidior eris quanto inde plus haueris. Siquidem *pist. An-*
virtus dum in processu est, non tam quid pro- *oust. ep.*
fligatum præclareque actum sit reputer, quam *142. c.*
quantum profligandum restet atque per- *11.*
ficiendum. Verè pius (inquit ipse D. Aurelius)


plus semper intendit in ea in quibus sibi August.
displicet, quam in ea si quæ in ipso sunt quæ l. 8. de
non tam ipsi quam veritati placent. Neque C. D. c.
id tribuit unde jam potest placere, nisi ejus mē- *20.*

sericordia cui metuit displicere. Si profanus ille Sexti⁹ die quolibet peracto ad contempla- *apud Sen.*
tionem sui reduxit animum, quidquid gesserat l. 3. *dei-*
dixeratque examinans & ad Pythagoræ exem- *rac. 36.*
plum secum exigens: Quid prætergressus? & 37.

Quid gestum in tempore? quid non? Si idem ipse fecit Seneca, inquirens in se an ex præceptis se gessisset, cui affectui restitisset, qua parte *sani-*

300 COMMENT. II. DE LIT. FASTU SIUE SUP.
 sanior vel sanabilior evasisset ; potius de eo-
 dem officio ritè adimplendo semper cogitet
 literatus christianus , indeque fragilitatis suæ
 capiat documentum. Nec minus ad animum
 sibi tevocans quam nihil sit , quam illa ipsa
 quæ aliunde acceperit tenuia atque medio-
 eria sint , T I M O R I S potius quam T U-
 M O R I S ansam atque occasionem arripiat,
 utque eò magis in præclaro hoc doctrinæ
 profundissimæ genere proficiat , & in cœlestem
 tandem aliquando Academiam cum optimis
 Christi humilimi discipulis tanto certius trans-
 feratur , mirabilem Magni Gregorii sententi-
 am diligenter assidueque perpendat : EVI-
 DENTISSIMUM REBROBORUM
 SIGNUM SUPERBIAM ESSE , siqui-
 dem illi ob nefastum suum FASTUM è FA-
 STIS DIVINIS deleantur , atque expungan-
 tur è libro VITÆ. Quod unicum effatum,
 pro dignitate sua in dies inque momenta sin-
 gula ritè consideratum æstimatumque , ingentem
 in eis Superbiæ execrationem , mirabiles
 verò humilitatis amores concitabit.

*Gregor.
 lib. 34.
 Moral.
 in fin.*



COM-



COMMENTATIO III.

DE

LITERATORUM

HOMINUM CENODO-

XIA,

SIVE PERNICIOSO

INANIS GLORIÆ

AMORE AC STUDIO.

I.



Aud abs re Magnus ille Alber-
tus in doctrinis ethicis hominem
usq; adeò sui ipsius deceptorè atq;
illusorem esse judicavit, ut propri-
os sapè tanquam IDOLA veneretur affectus.

Hoc autem pernicioso mentis
malesanæ excessu præ cæteris mortalibus VIRI
quidam ERUDITISSIMI tantoperè laborant fœ-
danturque, ut miserrimæ illius deceptionis
fraude irretiti in gravissima propendeant cri-
mina, aramque virtutis in cordibus suis doctri-
næ beneficio erectam constitutamque turpiter
diruant atque evertant. Dum enim suos affe-
ctus

ctus tanquam Numina quædam, vel luto ficta, vel ære fusa, vel auro recocta, vel ligno dolata, vel sculpta lapidibus sinistra quâdam naturæ propensione colunt, iisdem præstantissimū immolare ingenium, suosq; libare sudores haudquaquam verentur. Sic multi Iræ, (sævissimo illi eruditorum pectorum tortori) plures dolori, alii aliis litare solent animi ægritudinibus. Nonnulli fœdam adeò & christiano homine, nomineque prorsus indignam amant *ταυροθυσίαν*, ut studia cuncta, vitam, tranquillitatem, conscientiam, imò ipsam animam patronis immolare, spretoque creatore thura incendere, creaturis constituent. Atque ut unusquisque literatus de optimo mentis statu optionis errore dejectus, aut perditè concupiscit, aut impotenter amat, aut desperatè metuit, ita sibi peculiare in animo idolum fabricat, cui profana sese religionè devovet, litatque turpiter.

II. Inter subitaria autem isthæc literatorum hominum Numina, ipsorum vel ingenio, vel errore & hallucinatione procusa, de quibus haud malè dicitur:

- - *sua cuiq; Deus fit dira cupido,
Dum sibi quisq; Deos avido certamine
fingit,*

Locum faciliè palmarium INANIS GLORIA obtinet, turpissima illa superbiæ species, quam
* B. Augustinus graphicè delineans, nihil aliud
esse

esse pronuntiavit, nisi secreti conscientiarum delev-
tionem, cujusque finem & scopum palmarium
Thomas propriae gloriae excellentiaeque mani-
festationem esse iudicavit. Ita plerumque erudi-
tis Viris inhaeret laudis existimationisque suae
studium, ut quondam ingenuè fassus sit Demo-
sthenes, se delectatum susurro aquam ferentis
mulierculae alteri in aurem dicentis : *Hic est.*

*Cicer.
Tuscu-
lan. 3.*

Docet Gyraldus veteres Jovem, Saturnum, Gyraldus
Martem atque alios Deos majores adoratorios de Diis
pedibus oscula libasse, at verò Deorum filiis aut Gentil.
semidiis, scil. Herculi, Polluci, Castori aliisque;
manuum oscula obtulisse, ut dispar adoratio
inaequalitatem divinitatis innueret, sic docto-
rum hominum plurimi inani gloriae turgidi
planè divinos sumere spiritus, ac sibi metipsis
tanquam Diis superioribus; aliis verò erudi-
tis, veluti quibusdam semidiis aut Deorum fi-
liis perversae opinionis suae oscula impressere.
Arrogante ejusmodi & funesta sui persuasione
olim Crescens ille laborabat, cui S. Justinus
Martyr in altera ad Senatum Apologia obje-
cit quod & Φιλόσοφος, ἀλλὰ καὶ Φιλο-
κώμπος καὶ Φιλόδοξος sit, eundemque Cre-
scentem plausus popularis & jactantia stu-
diosum hominis sapientis appellatione mini-

* Lib. II, de Gen. contra Manich. c. 5. Su-
perbia (ait) non est aliud nisi deserto decre-
to conscientia foris videri velle quod non est.

minimè dignum esse enunciavit. Tales pleriq;
 fuere Gentilium Philosophi, quos non imme-
 ritò ANIMALIA GLORIÆ à Tertulliano &
 Hieronymo appellatos fuisse Heraldus in suo
 ad Tertulliani apologeticum commentario an-
 notavit. Ac licet multa illi ad speciem fecerint,
 quæ professioni & nomini sapientiæ satis con-
 venire viderentur, deq; summa hominis felici-
 tate altissimâque animi tranquillitate præclare
 differuerint, haud quaquam tamen ad veræ
 summæque sapientiæ culmen pervenere, eò
 quod in vanitatem toti intenti nec de aliâ re
 magis, quam laudis gloriæque sublimioris
 consecutione, & propriæ existimationis incre-
 mento solliciti fuerint. Ipsum cum primis
 ARISTOTELEM insana gloriæ cupiditate eò
 abreptum fuisse quidam asseruerunt, ut cuncta
 veterum philosophorum monumenta flammis
 abolere tentaverit. *Uno incendio* (scribit Chryso-
 stomus Magnenus) *congestas triginta sex*
seculis tot sapientia divitias absumsit, & si
quæ voluit superesse funeri, ea omnium lu-
revivisc. dibrio diçterisque laceffenda tradidit po-
pag. 33. steris, dum in optimorum bona invehens,
abscissis perditisque sapientia statuarum ca-
pitibus suum imposuit singulis, &c. Quic-
 quid verò de Aristotele ad hoc scelus quod at-
 tinet (quo cum omninò vacasse Viri quidam e-
 rudi-

Chrysoft.
 Magne-
 nus De-
 mocriti
 revivisc.
 pag. 33.

rudicissimi judicarunt, existimantes nonnullos in ipsum affectu magis aut ignorantia, quam ratione impulsos ita detonuisse) sit statuendum; CICERONEM tamen perniciofa illa INANIS GLORIÆ labe gravissimè correptum corruptumq; fuisse, & hoc uno flagitio, quod se ipsum laudaret & celebraret assidue, multos offendisse testatus est Plutarchus, meritoq; im-
 Plutar-
 mensum illum suggillavit tumorem ex scientiâ ^{ebus in}
 & literariis insignibus conceptum, quem non ^{Cicer.}
 ineptè Eunapius AUREAM INSANIAM vocavit. Principua hæc nota hominis est impudentis, qui sibi soli ita placet, ut præ se cunctos contemnat alios, sibi impensius ab-
 blanditur, se unum admiratur, se prædicat, sese cuivis venditat. Hujus notæ fuit ille apud ^{Arrian.}
 Arrianum, quem Epictetus ita loquentem in-
 lib. II.
 duxit: *Quando inanis fuero & vacans curis* ^{cap. 19.}
præsertim in convivio, admiratione suspensos habeo convivas præsentis dum enumero scriptores. De his rebus mira scripsit in primo περὶ διυαλῶν Chrysippus, & Cleantes separatim de his librum edidit, nec non & Archedemus; quin & Antipater, nec solum in libris περὶ διυαλῶν, sed peculiariter quoq; in libris περὶ κρυπτοῦ; commentarium non legisti? non legi; lege igitur. Et quid utilitatis inde capiet? subdit de thraſonica

illâ jactantia Epictetus; *nugacior & ineptior erit quam antea fuerat, cum Tu cum legisti non magis in virtute profecisti.* Putida igitur erat hæc hominis [licet reverà eruditi] ostentatio, dum variam suam lectionem intollerantius jactavit assidentibus. In eâdem ostentationis palæstra illi apprimè olim fuere versati, qui astantium auribus nescio quos centones latinos vel græcos hinc inde collectos obtruserunt, plenâque ridiculæ venditationis voces emiserunt: *Memini me legere; Poeta canit, docti in sermonibus dictitant, & sexcenta id genus,* quæ cum apud imperitos magnam habeant admirationem & plausum, insulso literatos tantoperè inflarunt, ut magnificè de se ipsis sentire, suasque passim ostentare opes & dotes prædicare non dubitarint. Audiamus quid scripserit Svetonius de quodam hujus pulveris bambalione: *Palamon Grammaticus arrogantia fuit tantâ, ut Marcum Varonem porcum appellaret, secum & natas & morituras literas; jactaret nomen suum in Bucolicis non temere positum, sed præsagiente Virgilio fore quandoque omnium poematum Palamonem judicem.* Quid arrogantî hoc tumore pestilentius? Haud multo modestior Appion Grammaticus, is quem Tiberius Cymbalum Mundi appellavit, cum publicæ famæ

Sveton.
de illustr.
Gramm.

famæ inanisque gloriæ tympanum videri pos-
 set *immortalitate donari à se scripsit, ad quos*
aliqua componeres. CALLIPHANEM poe-
 tam non immerito Ravisius, Athenæo præcun- *Jo. Ra-*
 te reprehendit quod diversorum carminum & *vis. Text.*
 orationum initia conscribere consueverit, ea- *praf. al-*
 que ad tres aut quatuor versus pronunciare & *ter. in o-*
 OSTENTARE, ut commentum ignorantibus *puepi-*
 multiscius & eruditus videretur. Nimirum *rhctor.*
 varios utroque orationis genere libros paucis *Conf. A-*
 ille lineolis tantum inchoaverat, nec ulterius *thenaum*
 erat progressus, iisdemque operum imperfe- *l. i. Dip-*
 ctorum initiis vanani captabat gloriam, quasi *nos. fol. 2.*
 foetus illos omnibus numeris absolutos in scri- *& Tho-*
 niis suis asservaret. Nec satis decenter Calvi- *masi*
 sius quidam Sabinus fatuos umbratilis gloriolæ *Diss. de*
 igniculos captavit dum magnis pretiis (Sene- *plag. lis.*
 ca teste) servos comparavit literatos, quorum §. 375.
 alter hunc, alter illum Poëtam memoriter nos-
 set, ut iis veluti nomenclatoribus contra do-
 ctos disputans uteretur. non secus ac Aulus ille
 Posthumius, familia quidem nobilis ast garru-
 lus & loquax græcam institutionem & lin-
 guam eo solum fine expetivit, ut doctos exa-
 gitare atque nefando illi Idolo, quod inanem
 gloriam diximus, litare strenuè posset.

III. Jam verò si omnes LITERATOS CHRISTIA-
 nos qui in fœdam istam ac tanto nomine indig-
 nissimam idololatriâ incidere, quiq; Creatore

spreto thura subitario illi numini CENODO-
 XLÆ scilicet incendere non dubitarunt, sive
 temporum, sive nationum sive facultatum
 & disciplinarum ordine observato recensere,
 vellemus, Commentationis hujusce termini
 longissimè nobis excedendi, molisque vastissi-
 mæ opus adornandum esset sub titulo DA-
 MNATÆ VANITATIS GLORIOSÆ; ve-
 rum paucos duntaxat ea labe pollutos Docto-
 res ad VITIUM illius literarii genium ac indolem
 eo rectius perspiciendam notasse commemo-
 rasseque sufficiat. Non leve equidem laten-
 tis illius morbi malique indicium fecit HIE-
 RONYMUS CARDANUS, dum in septimo
 de rerum varietate libro asserere non dubitavit,
SE VIVENTEM AB OMNIBUS, qui di-
gnum aliquid memoria scribant, ITA CO-
LL, ut non puduerit illos fateri, quæ AB I-
PSO fuerint inventa. AMENTES insu-
 per (ut superiori etiam commentatione nota-
 vimus) eos omnes vocans, qui nesciant in-
 venta sua talia esse, quæ à nullo ætatis suæ in-
 veniri potuerint, qui non fama egregia esset
 cognitus. En jactabundi, & pudendo inanis
 gloriæ cæno miserè polluti animi evidenti-
 simum characterem! Haud abs re Magno illi
 WESSELO Gansfortio (quem nonnulli
 Lucem Mundi vocare non dubitarunt, quod
 seculi barbari tenebras doctrinæ suæ singularis
 splea-

† Cardan.
 lib. VII.
 de rer.
 variet.
 c. 33. p.
 333.

Splendore illustrasset,) vertitur vitio, quod licet honorificos Doctorum titulos contemserit, in solennibus tamen congressibus disputatorii Thomæ autoritatem objicientibus ad hunc plerumque responderit modum: *Thomas fuit Doctor, quid cum? Et ego Doctor sum, G. Gel-*
Thomas vix latine intellexit, & unilinguis ^{denbaur.}
fuit, ego trium principalium linguarum per- ^{in vita}
ritiam sum affecutus, Thomas vix umbram ^{Johan.}
Aristotelis vidit, ego Aristotelem græcum in ^{Wesseli.}
ipsa Græcia didici &c. cujus jactantiz fumus non parum equidem illam mundi lucem obscuravit. Festiva etiam sunt nec omnibus nota, quæ de Angelo Politiano tradit Franciscus Duarenus, Fr. Balduinum alloquens, narrata sibi ea refert à Budæo, qui eadem ex Jano Lascare crebrò se audivisse affirmaverit: *Cum Politianus Flo-*
rentia interpretationem Homericae Iliados ^{Duar.}
cum magna celebritate aggredereetur, non in Cimb. ^{opp. p.}
sine ingenti ostentatione, qua de Homeri ^{1107.}
poemate præscripta sunt ab Herodoto, audi- ^{de plag.}
toribus suis è suggesto recitabat, quo tempore ^{liter. Cel.}
Herodoti liber græcè scriptus, à nullo adhuc ^{Thomas.}
conversus in latinam linguam, nec typogra- ^{g. 526.}
phorum formis excusus erat, itaque Lasca-
ris, qui tum honoris ac dicis causa numerum
auditorum augebat cum paucis quibusdam

aliis græcè doctis hominibus, qui ignorarent, unde omnia, quæ pro suis recitaverat, hausisset. Is igitur paulò post ad hominem conversus, eumque seducens; Dic mihi quæso, inquit, Politiane, quo ore Herodoti opus insigne quod ante tot secula conscriptum est, in tanto casu ut tuum recitasti? Cui mox subridens Politianus; Nunquam inquit putassem Jæne, hominem græcum adeò ejus artificii rudem & ignarum esse, quo ad multitudinem existimatio & fama comparari solet. Quasi verò, inquit, non satis intelligam tres, aut summum fortassis quatuor vos hic adesse, quibus Herodoti libros aliquando inspicere contigerit. Sed quanam hic sit turba NOBIS AD PLAUDENTIUM, & INCOELUM LAUDIBUS FERENTIUM, vides. Apud quos si existimationem nostram (quod minimè spero) vel tantillum ladere volueritis, oratio profectò vestra, ut gloria nostra invidentium hominum, non multum fidei ponderisque habitura est.

Jan.

Nis. E- VI. Hæc ipsa ostentationis maculâ præ æ-
 rylbr. pi teris quondam pollutum fuisse FORTUNATUM
 nac. S. II. SCACHUM, reconditæ alias doctrinæ hominem,
 p. 200. 201. Janus Nicius Erxthraus in pinacotheca sua

discretè

disertè indicavit, *nimirum libris edendis eum operam duntaxat dedisse, ut nomen suum immortalitati commendaret, imò secretum semper ac remotum ab arbitris locum quasi-
visse ut scriptioni daret operam, atque eter-
nam sibi gloriam scriptorum fama conficeret.* Hinc annis jam gravior linguarum sese tradi-
derat cognitioni, nec græcam solum ut M. Cato senex arripuit, verum etiam hebræam sibi red-
diderat ita familiarem, ut Sacra Biblia duobus voluminibus comprehensa nono ævi hujus a^{no} ediderit, postmodum duo de sacris unctionibus concinnarit volumina, unum Sacrorum eleo-
chrysmatum, alterum sacrorum arcanorum ti-
tulo inscriptum, utrumque varia atque admi-
rabili eruditione refertum. Nec dubitavit
[gloriæ stimulis incitatus] Scachus in arenam descendere cum viris etiam doctissimis, eorum-
que contra se differentium validissimas reper-
cutere hastas, majoraque indies eruditionis profundioris dedisset documenta, ni arcano
DEI (elatis omnibus resistentis) judicio apo-
plexiæ subito morbo correptus, tantam capitis
oculorumque calamitatem incurrisset, ut omnis
in eo tum excogitandi tum cernendi scribendi-
que facultas evanuerit, tandem ipse vitæ & mi-
seriæ suæ splendidæ colophonem [utinam fe-
licem!] imponere necessum habuerit. Magis
verò stulta ridiculaque de alio inanis gloriæ

Nic. Erythr.

l. c. p. I.

pag. 21.

22.

inter Italos mancipio idem Erythræus commemoravit, cui Belmonits Cagnoli nomen, vanæque laudis studium curæ cordique tantopere fuerit, ut in heroico carmine laudem primam sibi vindicarit, sibi que homo gloriarum plenissimus persuaserit nomen suum in toto Terrarum Orbe esse celebratum, ac si literatus quispiam ipsi advenienti continuo non assurrexisset, talem irarum plenus compellare non dubitarit: Itane? Abbas Cagnolus, eversæ Aquileæ (rhythmos enim octonis inclusos versibus de Aquileæ capta soloque æquata conscripserat, & cum Tassi versibus ejusdem argumenti edendos curaverat) & tantorum Carminum auctor, tuam potuit notitiam effugere? non fit verisimile. Et cum stultitia suâ quorundam risus excitasset, ira summo opere inflammatus; Quid ridetis, inquit, insani? Ego sum ille Abbas Cagnolus, qui ex dirutæ Aquileæ poëmate tantam mihi gloriam famamque collegi, ut nullus in terra vivat, cujus nomen sit apud omnes illustri⁹ & clarius. Non defuisse equidem illi ingenium & eruditionem, versus in Juliani Martyris, Laur. Justiniani Alexii que laudem conscripti, nec non Mariæ Magdalenæ lacrymæ ab eo decantatæ testantur, verum insana illa jactantia verè Davus ille fuit, qui cunctas ejus turbavit dotes, omniūque ludibrio hominem exposuit. Quod etiam excepit Cynthii cujusdam Lucarini (hominis ex Erythr. testimonio summa divinarum humana-

RUM-

Idem Pinas. II.

n. 30. p.

103.

rumque rerum scientia præditi, ast de mentis statu tandem dejecti) insanum effatum ; *Currum* [ajebat ille] *parari curabo mirabili artificio multisque mysteriis refertum, in quo triumphem, eo quod scientiam rerum omnium complexus, cunctos mortales sapientia vincam.* Socium sibi in hoc stultitiæ currui jungere debuisset Franciscum illum Balducium; qui cum (eodem Erythræo tradente) viros nobiles & divites suis carminibus laudis & præmii spe extulisset, quendam ex amico adversarium suum non dubitavit hunc in modum compellare: *Vide, ajebat, si pergis odiosus esse, ego Tibi immortalitatem adimam, quam meis parare possum versibus.*

V. Longum nimis atque prolixum foret omnes VANÆ GLORIÆ sectatores LITERATOS in medium producere, suisque coloribus exhibere depictos. Innumeri equidem hodiernum, ut in omniū oculos incurrant, atque totius Orbis literati pateant conspectui, gravissima vitæ & animæ subire solent pericula, à supremæ felicitatis scopo turpiter ut plurimum aberrantes. Utinam non ipsi Musarum, ipsi Sacrorum Antistites in hujusmodi ineptias prolaberentur, de ingenio suo vel eruditione, vel nescio quibus meritis ubique gloriantes, aut industriam & res gestas vel proprias vel etiam majorum suorum magnificè extollentes ! Vi-

dentur equidem qui hoc faciunt (præclare dicente nonneminē) eo ipso indicare, quod cæteris sese opponere cupiant omnibus, præsertim si illi non minus docti, ingeniosi & strenui videantur; vel si loco sine inferioribus, illos quasi vi adhibita subigere, iisque suam vilitatem misériasque exprobrare conentur. Ea est demissionis sinceræ (qua homo etiam summè doctus in continua sui despicientia versatur, & immoderatam refugit gloriæ appetitionem) efficaciam, ut apud sapientiores omnes maximo sit in pretio, eamque laus nunquam peritura excipiat. Quam ipsam eruditorum quilibet facile consequetur, si paulò penitius in se figat obtutum, consideretquæ quam sit exiguum quod in se doctrinæ habeat vel virtutis, quamque modicum & tenue, quod ipse de suo contulerit ad impetrandum eruditionis solidioris decus. Si turgidus & inanis gloriæ vento inflatus literator dicente Porphyrio sit.

Ut puer accumulans, multum per litus arena

Unde sibi fingat per multa, sed omnia statim

Confundat manibus ludens, pedibusque repulset;

Potior longè humilis & ex infucata sui notitia verè fulgentis Doctoris laus erit ac gloria. *Abjectio*

jectione (ait quidam) *contrahenda sunt ve-*
la feliciter radentibus aquor. Et rursus: *Joseph.*
Qui precariam felicitatem in humana glo- *Maria-*
ria inanitate constituunt, ii profectò insa- *vgl. in*
niunt operosè. Collocant aras vanitatis sua *legibus*
in aura labente, nec aliter quam Thuri Bo- *honeste*
ream adorant ventum. Falluntur aestiman *vit p. 62.*
tes honorem velut bonum proprium, cum sit *& 174.*
alienum; honorari alienum est, honorare
nostrum. Dementia redarguitur Carthagi-
nensium Dux, ubi ex bello pro mercede tan-
tum gloriam quaesivit. Melius fuisset vir-
utem & laudabilitatem affectare quam glo-
riam. Infames declarant inepta Manlii
Capitolini vota qui malunt famam magnam
quam bonam, gloriamur saepè (nos literati)
in iis, quorum potius pudendum erat. Achil-
lem fingit Homerus arrogantiae stimulis velut
alis elatum, atque in summam levitatem con-
citatum.

Huic verò facta sunt alae, atque levarunt
Pastorem populi.

Ne ejusmodi inanibus alis pueriliter sese effe-
 rant eruditi, ad ima potius quam ab sublimia
 vergant, utque probè discant felicissimæ am-
 plitudinis exordia, strenuè in humilitatis &
 abjectionis propriae palæstra sese exerceant.

VI. Quod si

VI. Quod si verò primam Vanitatis illius
 sive JACTANTIÆ LITERARIÆ originem
 altius repetamus, ab ejusmodi affectûs præpo-
 steri perturbatione deducendam esse depre-
 hendemus, quâ omnis virtus pietasque præpe-
 ditur, & quâ obsessus literati hominis animus
 tam inordinatô flagrat sui ipsius amore, ut se
 unum caput columenque rerum esse existimet.
 Talis alter prorsus est Astudamas aut Narcissus,
 falsa sibi vendicans, & ostentans bona quæ ha-
 bet minimè, demens altè spectat, nec locum in
 quo consistit præcipitem advertit, est ille ipssi-
 simus Cumanus Asinus, cui superjectum spoli-
 um leonis cum vocis asperitatem non ademis-
 set, nec obtusum ingenium acuisset, se tamen
 leonibus additum gloriabatur. Lingva ei est
 procax & ventosa, promptior alienis moribus
 corrodendis, quam suis emendandis, nasus
 is, quo aliena suspenduntur, totum os du-
 rum, imò totus ea cute est contextus quæ nescit
 erubescere. Sed & in gestu, incessu, statu ve-
 stituque universo eminet ostentatrix illa jacta-
 tio sui, eaque tinctus literator continuus est
 malitiarum futor, & magnorum mendaciorum
 confarcinator, magnidicus, vanidicus, & a-
 marulentus infidelitatis hospes, mordens haud
 secus quàm bellua edentata, aut ut is qui [ut
 antea diximus] M. Varronem ausus est ap-
 pellare porcum, sus ipse aut si quid sue est im-
 mundius, aut certè ut Thestorides ille sola im-
 pu-

pudentia notus, qui Phocaidem Homeri ab-
 se descriptam pro sua venditabat. Nec uno
 impudentiæ genere contentus, mox transit ad
 aliud, nunc palam, nunc latenter lædit, alic-
 nam famam semper lacerat, veluti latens vipe-
 ra in occulto sua coquit venena, inque iis o-
 mnibus, quibus aliqua felicitatis literariæ pars
 continetur, ferale studet extruere nidos. Ver-
 sipellis etiam est, sed ita ut in mediis versutiis
 sit amentia manifestus, nec enim advertit, se
 flagitiorum suorum dum laudes proprias de-
 buccinat, & alienas deprimat, ineptum esse pro-
 ditorem. Turpem ejusmodi inflatum & puti-
 dum vanitatis utrem Italum extitisse quendam
 Jacobum Claverium, laudatus Janus Nicius E-
 rythræ⁹ in Pinacotheca sua perhibuit, qui ado-
 lescentem quemvis ingenio præstantem huma-
 nissimis exceperit verbis, laudibus extulerit,
 suamque illi operam fuerit pollicitus, obsoniis
 etiam refecerit, ut promitteret SE EJUS LAUDES
 quas ipse sigillatim enarrabat vel prosa oratio-
 ne vel carmine celebraturum, qua ratione à
 multis egregiis ingeniis non in elegantes ver-
 sus suam in laudem expressisset, sed & alium
 ejusmodi literatum fanaticum & sub Zoili Ar-
 delionis imagine in Pinacothecâ laudata exhi-
 buit Janus Nicius Erythræus, atque hisce non
 malè depinxit coloribus: Ex matris utero ani-
 mæ vitia quibus laborabat, attraxit, perpetuam
 vide-

Janus
 Nicius
 Erythr.
 Pinacoth.
 part. I.
 p. 8. &
 240.

Zoilo Ardelio & Ferrante Carlo

videlicet arrogantiam, atque elationem animi non ferendam, & quamvis ingenii acumine & celeritate valeret, ac de quacunque re proposita doctè eleganterque differeret, multis rebus cognitis, summoque studio ac diligentia nomen esset consecutus; attamen omnes præ se contemnebat, neminem quicquam scire aut didicisse arbitrabatur, atque interrogatus cur ad certum quendam eruditorum cœtum non veniret, arrogantibus sanè verbis respondit, nunquam se in eum venturum conventum, ubi neminem sui similem ingenio, doctrina & eruditione conspiceret. Neque erat Academia cuiquam magnoperè optandum, imò minimè ejus intererat in suorum eum venire numerum, nam homo factiosus, elatus, insolens, aut eam dissolvebat, aut simultatibus discordiisque ferendis perturbabat omnia, atque miscebat, minimum abfuit quin Academia cuiquam cum maximè ingeniis hominum floreret, pestem afferret atque exitium - - Neque solum sibi principatum in literis arrogabat, sed capeßendæ etiam administrandæque Reip. artem à se peti debere affirmabat, ac Regum & Rerump. omnium oratores noctu ad se domum, capite aperto, varia indutos veste, & Vulcanum in cornu conclusum gerentes venire jactabat, ut suorum Regum mandata deferrent, de pace, de bello, de summa imperii consilia communicarent, & quod ipse daret, acciperent - - ne multa, nul-

lum esse tota in Europa Strategum, nullum Dynastam, nullum Tyrannum, quantumvis magno à nobis locorum intervallo disjunctum, quin lectis suis, ut ipse agebat foliis, non continuo suam per literas amicitiam expeteret, ejus prudentiæ gratularetur, seque totum ipsi habendum possidendumque permetteret, & quosdam etiam Reges ab ipso edoctos; totam Reip. administrandæ rationem commutasse, gloriabatur, multaque his similia non magis chraſonice quam insulse loquebatur, quæ ne lectorem fatigemus, omittenda duximus. At vero singularem merentur observationem quæ de miserabili Zoili istius exitu author audatus tradidit, nimirum illum pituita largius ad os defluente, suffocatum, vel veneno extinctum, vomitione puris & sanguinis ex apostemate concepta interemptum periisse; sed & reverà damnum quoddā bonas literas ej⁹ interitu accepisse Erythræus tradidit cum ingenio peracri fuerit, & studio flagranti, rem acute viderit, explicarit dilucidè, scripserit ornatè; adeoque Viri eruditi laude promeruerit, nisi elatione animi & vana sui opinione inflatus & corruptus homines ornatissimos omni commendatione ingenii atque virtutis spoliare constitisset. Non longè diverso dementiæ caractere illi notandi sunt gloriæ vana sectatores, qui nil magis atque enixius efflagitant quam ut in aliorum monumentis nomen suum gran-

grandioribus literis expressum lectores inspiciant, & majoris auxilio characteris omnium conspectui pateat. *Tales* [ut scitè quidam ait]

*Mentius
de liter. in
vidia p.
37.*

exiliunt gaudio, & penè desipiunt, atque eos tantummodo libros non oderunt, qui ejusmodi adulationis stigmatè notentur; alios omnes, qui de illis ne verbum quidem fecerunt, utpote insulsos & illepidos damnandos prorsus & abjiciendos pronunciant. Quin imò illa ipsa enormis gloriæcupido quosdam eò adigit, ut alienis etiam inclarescere laboribus non dubitaverint. Nasti scil. quâ sorte ne-

Confer.

D. Bart.

charact.

lit. p. 139.

scio excellentium authorum opera posthuma, sed nondum ultimo doctrinæ & ingenii conatu perfectâ, temeritate offisfrage Aquilæ, pullos aquilinos nido excussos levant, & implumes, ac velut abjectos domi alunt, in suos deniq; adoptant; quamvis ex Synesii sententiâ magis impium sit mortuorum lucubrationes,

Synes. e.

piet. 141.

quam vestes furari, magnamque hoc crimen cum ipsa sepulchrorum effossione habeas affinitatem. Verum cum illud quod diximus cacoëthes nullam modestiæ, nullam æquitatis habeat rationem, hinc temerè etiam manus in aliorum labores injicere non veretur, haud quidem auctorum nomine absolvendos edendosque in lucem, sed sibi tribuendos insolidum, quæ alienæ industriæ vindicanda fuissent.

Græcos

Græcos pictores laudant nonnulli, quod ad honorandam illorum memoriam, qui ea in arte excelluissent, caverint sollicitè, ne quis penicillum in tabulis duceret, quibus manum auctoris ultimam mors præripuisset, quo significabant, inchoata illa & mutila conceptorum operum rudimenta esse absolutis spectabilia; *Illud Plin. lib.*

(notante Plinio) *perquam rarum, ac memoria 13. c. 11. dignum, etiam suprema opera artificum imperfectasque tabulas, sicut Irim Aristidis, Tyndaridas Nicomachi, & Venerem Apellis in majori admiratione esse quam perfectas.*

Tantum verò abest ut inanis gloriæ oestro perciti ab alienorum operum invasione sibi temperent, ut potius illa (non absoluta quidem & ad debitam perducta maturitatem, sed passim interpolata, imò deformata penitus) suæ industriz ducant asserenda. Quibus ipsis tamen longè deteriores illi existunt, qui integris eruditorum perfectisque commentariis nihil præter suum addunt nomen, sedentesque otiosi ac desidēs, & nullam unquam manum operi admoventes, nominis impetrare volunt celebritatem. Nimirum (ut scitè Bartolus) *de Leone Bartolus pellem circumferunt solum, & ostentant charact. prima tantum pagina generositatem, cetera lib. p. 41. omnia sua esse jurant, quasi majoris non sit Conf. Raynaud. negotii auctorem se libri facere quam Tem. de bonis plum*

ac malis *plum Deorum cuius dicare, cuius nomen*
libris sit satis fronti præfigere. Quid ausa est tur-
partis. 1. piæ illa Imperatorem induta bestia princeps
Erotem. Caligula, cum præciso Jovis Olympii capiti
X. S. 4. suum substituit ut pro illo exinde coleretur?
p. 105. seq.

Multo significantius verò, quorsum literatò-
 rum hominum pectora illa famæ sacra fames
 abripere soleat peculiari nuper de plagio lite-
 rario opere ostendit D. Jac. Thomasius, Vir
Jac. Tho- sive omnigenæ eruditionis apparatus specte-
mas. Dis- tur, sive virtutis solidæ decus, felicissimis ævi
fert. de hujus Literatis meritissimo jure accensendus.
plag. lite Probèis pro ingenii sui perspicacia deprehen-
rar. d dit foetulentas plagiorum literariorum palu-
Lips. 1673. des nunquam non è corruptissimo illo INA-

NIS GLORIÆ fonte puteoque pudendo su-
 am traxisse originem. Audiamus Virum lau-
 datissimum in rem nostram præclare differen-
 tem ad hunc modum: Dubium non est,
Idem l. c. quia ad plagii turpissimum crimen maxi-
cap. I. S. mè pelliceat homines GLORIÆ nimia
8. seqq. CUPIDITAS. Enimverò ut ad paran-
 das divitias mercatura, sic ad nominis a-
 dipiscendam gloriam sua natura magis
 valet eruditio. Nititur autem ista glo-
 ria cumprimis OPINIONE præclara,
 quam de alterius excellenti doctrinâ quis
 habet. Jam gloria sequi eruditos non
 solet,

solet, nisi divitias ingenii suas, rem oculis alioqui non aspectabilem, idoneis atque in sensum incurrentibus signis demonstrent publicè hominum alicui iustæ multitudini. Nam uni soli aut alteri innotuisse, pariet hoc quidem existimationem, sed vix tantam pariet, quanta gloriæ titulum mereatur. Demonstrandi verò medium duplex: aut enim RECITANDO congregatæ multitudinis aures, aut SCRIBENDO legentium implentur oculi. Porro cum gloriæ pretium duabus potissimum rebus pendatur, PERENNITATE & AMPLITUDE; quarum illa se temporum spaciis exæquat, hæc generis humani latitudinem emeritur: ad utramque consequendam, quia recitatione longè sit commodior SCRIPITIO, nemò ambiget facilè. *Ad perennitatem*; Nam quæ quis loquitur, in auras evanescunt subito. Quod si maximè descendant in memoriam audientium, cum his ipsis tamen morientibus excedunt Orbe nostro. Contra quæ scribimus, in chartis aut membranis diutius æ-

tatem ferunt. *Ad Amplitudinem* ; Nunquam enim ad cathedram recitantis totus confluxit Orbis. Quæ per chartas seminantur, intervallo temporis non maximo pervagari ad extremas usque insulas poterunt, modò iusta præsto sit exemplarium copia. Atque hic Typographicæ artis inventio mirum quantum roboris adjecerit illi, extendendæ in secula pariter & remotissimos terræ sinus famæ, conatui. Notum quippe illud de typographo :

*Imprimit ille die, quantum non scribitur
anno.*

Nec ignotum, levioribus longè impensis Orbem impleri posse Codicibus prelum egressis, quam calamo exaratis. Faciunt autem illæ tot unius libelli myriades, ut & omnes mundi anguli compleri certius possint, & diutius perennet fama. Scio casus esse varios, quibus deleri queant codices. Concedam ergò in tanto numero fieri posse ut plurimi pereant, ut omnes ita disseminati extingvantur, vix unquam eveniet. His oportunitatibus ante chalcographorum repertum artificium

cium destituti veteres, non mirum si RECITATIONIBUS multum sunt oblectati : quas certè si nihil aliud, summa commendabat facilitas. Citius enim perficiam, ut sexcenti me homines recitantem audiant congregati, quam scribentem legant dispersi. Accesserunt his recitationibus certamina, atque in his constitutæ vincentibus loco præmii coronæ. ^{De recitat. hisce consule} Quarum pretium cum non aliunde magis quam ex laude victoriæ penderetur : ^{in O. rat. XI. p. 200.} factum sic fuit, ut illius ævi eruditis mirificè cresceret GLORIÆ CUPIDO. A. ^{legq.} pud nos hodiè qui ad gloriam adspirant, SCRIBENDO eam potius, quam recitando quærere solent, sive quod famam parturientibus obstetricari felicius typographi possunt, (qui, quæ semel exceperunt, sic satis celeriter in Orbem eruditum spargunt,) quam promiscua populi quantumvis copiosi concio ; sive, quod illæ recitantium commissiones atque certamina in desuetudinem abierunt. Hæc æneus *Ἰαυναῖος* illius Thomasi verba, quibus INANEM gloriam ut pudendam tot abortuum literariorum genitricem meritò incusavit, qui-

quibusq; *dubium nullum esse* sapientissime judicavit *quoniam ad plagii crimen nimia GLORIÆ cupiditas plurimos incitaverit*. Longè maximum equidem eorum literatorum omni ævo numerum extitisse, qui nimio celebritatis amore ducti, aliorum sibi labores integrosque commentarios vindicare non dubitaverint, ac speratæ gloriæ loco turpem plerunque ignominiam sint consecuti. Vir ille insignis prolixè non minus quam eruditè in laudata dissertatione ostendit, ut actum agere videremur, si literatorum eâ labe foedatorum exempla, magno numero ab illo collecta * produceremus in modum. Id verò præcipuam meretur observationem, quod omnes ferè ac singuli in laudato Thomasi opere notati Scriptores cæco INANIS GLORIÆ amore eò sint abrepti, ut alienis inclarescere laboribus studuerint. VII.

*Exempla
literato-
rum eo
nomine
infeliciū
vid. in
laudato
Thomasi
opere à
§. 347.
ad 594.
confer.
Rayn. l.
c. p. 165.
seqq.*

* Quo in conatu perficiendo laudatissimus author egregium non minus eruditionis quam prudentiæ candorisque sui dedit documentum: *Cave autem putes* [scribit §. 345.] *cujuscunque nomen in catalogo reperies nostro, eum statim à nobis ut plagiarium sisti. In plerisque non nostras, sed aliorum accusationes leges; quarum pretia per nos erunt libera. Quosdam inculpato aut suspitioni obvios, vel suis, vel aliorum, vel nostris etiam rationibus, detecta ipsorum innocentia errantiumq; hallucinatione defendemus.*

VII. Luctuosam inanis gloriæ faciem intuitus olim Chrysostomus, haud abs re eam *Jo Chry-
sevam belluam, horrendū Dæmonem, pestem Orbis
sof. hom.
XII. in
II. Cor.* terra vocare non dubitavit. Quis obsecro non horreat potius quam expetat gloriam, si eam consideret ut emissam è cavea indomitam belluam, quid si pestem, quid si dæmonem? Sed aliud est quod literariæ cum primis gloriæ conditionem reddit maximè ingloriam, MISERIMA nempe illa, quam servit SERVITUS; siquidem abjectum ejusmodi inanis gloriæ mancipium ad omnes respicere, nullius non observare vultum, totque habere Dominos cogatur, quot displicere timet, scilicet OMNES. Quæ ergo sors abjectior quam eorum literatorum qui gloriolæ pennis inuecti, fluxis inhiant laudibus, & gloriosi nominis celebritatem aucupantur. Necesse equidem est eos, qui toto ambitu & conatu gloriam prehensant, circumire omnium sententiis obnoxios, unicuique attendere, metuereque, ne quem nolentes aut volentes offendant, imò cuiuscunque ordinis, sexus, fortunæque hominum verba, gestus & nutus veluti quædam captare oracula. O timidam felicitatem, quæ cunctis etiam miserrimis miseriore reddit homines eruditos, atque liberalia ingenia extremæ servitutis subjicit iugo! Cui malorum cumulo accedit quod perniciosissima sit gloriæ fugacitas, advolansque evolet citissimè, ejusque usura auris simillima sit

mobilibus. Nec malè proin à Gregorio vo-
 cata fuit *Diatra*, quæ oriente die nascatur, oc-
 cidente moriatur, à Plauto *coltutialis herba*, re-
 pente éxtingvenda, à Luciano *ampulla inaura-*
ta, plena inanitate, quæ suo pte ingenio cre-
 pet & evanescat, à Clemente Alexandrino
pidium totum. Quis igitur tam levis sit animi,
 ut isthæc plebis ludibria, popularem jactatio-
 nem, pictæque lingvæ tentoria sitienter adeò
 appetat? quis non horreat potius illa popy-
 smata ac lenocinantia auribus verba? Cum illa
 affectare nihil sit aliud, quam, ut præclarè B.
 August. Augustinus loquitur, *linguis humanis ruinosa*
gaudia construere. Et quam turpiter illi erudi-
 ti hallucinentur, qui non nisi vanam quærunt
 gloriam, inani que tantoperè inhiant existima-
 tioni, quantum inquam illi fallantur, quam-
 que miseram agant vitam, præclarè prolixèq;
 ostendit Jo. Franciscus Picus Mirandulæ Do-
 min⁹, in erudito de Humanæ pariter ac Divinæ
 philosophiæ studio tractatu, cedro digna Pici
 sapientissimi verba: Quantum delirent qui
 ut sciantur reputenturq; doctrina præsta-
 biles dies & noctes in versandis libris an-
 guntur, nemo est qui nesciat, nisi qui sta-
 tum ambitionis non considerarit. Nul-
 lum quippe hominum genus tam infelix
 quam quod honorum ambitu fervet, &
 eorum potissimum quos LITERÆ pari-
 unt.

August.
 epist. 56.

Jo. Fran-
 cis. Pi-
 cus Mi-
 randul.
 lib. 2. de
 studio
 hum. &
 div. Phi-
 los. c. 6.

unt. Qui enim aut obdivitias gloriam quærit, aut sanguinis nobilitate Regum-
que favore se tollit in sublime, facilius percipit non à se sed ab aliis hoc provenire, nec difficulter spoliari posse amatis bonis : At propria industria, proprii ingenii præstantia ad nimium sui amorem hominem stimulat, quo sæpius hallucinatur, judicans id veluti suum & de proprio esse peculio, ut nec profectitium nec Dominicum agnoscat. Decipitur autem non secus ac ii qui phrenesi capri, aliena omnia sua existimant. Quid enim habemus quod nostrum sit? Nonne cuncta quæ in nobis sunt DEI sunt? Quid ergo oportet se extollere, magnificare, ostentare? Glorietur qui gloriatur in Domino, cum bona cuncta DEI sint nobis sua gratia infinitaque bonitate collata. Caterum quam scientiam tenemus? Hanc certè si rectè sentimus; nullam scilicet nos adeptos, nec docti cognomentum rectè obtinere, cum multa ignorantia laboremus. Quis enim docti prærogativam absolutè sibi vendicaret? Cum infinita sint ferè quæ nesciat, & ea quæ novit, partim ab aliis peti-

ta sint, partim an verè sciat sub dubio teneat. Et hæc de rebus corruptibilibus, de eis verò quæ à materia sunt remota, nihil est quod dicam, cum ad ea cognoscenda ita se habeat intellectus noster, Aristotele auctore, sicut vespertilionis oculus, ad Solem contuendum - Sed demus omnem notitiam quæcunque ab homine haberi potest quempiam esse adeptum, in ipsâ verò & retinendâ & augenda quot agones desudandi, quot ineunda prælia; sed quot intus procellæ tempestatum,, quot æstus plusquam marini dum audis Terodi. & lacerari modo clam, modo aperte, & à doctis & sæpè etiam ab indoctis, qui tuam existimarionem penitus convellendam ducant. Neque enim si in altum adscenderis hanc luem effugies, sed magis in eam incides, cum livor instar ignis petat alta, feriantque summos fulmina montes. Quanto certè magis fastigio propinquas, tanto magis impeteris - Socrates postquam oraculi sententia sapientissimus iudicatus est, tantam in se confluxit calumniam ab eis, qui sapientes se credebant, ut hæc etiam causa morti addi-

addictus sit, Aristophanes in ipsum invenit, Melitus accusavit de impietate, deq; corruptela adolescentum, & postea adjudicatus est morti Zeno scurram Atticum vocavit, usus latino verbo. Plato quoties imperitus, quoties non tam in moribus quam in doctrina morsus & flagellis cæsus, unde Platonomastigum nomen. Nam ut de Aristotelis in eum rationibus taceam, quid Epicurus, Metrodorus & alii in ipsum sparserunt? Aristotelem cum Ebulides Milesius tum alii reprehenderunt, Epicurus vexavit & quidem contumeliosissimè, ut Cicero inquit, qui etiam nec Pythagoræ nec Empedocli pepercit. Contra Theophrastum admirandæ eloquentiæ Virum meretricula scribere ausa est, quod Atticus homo nimis artici-faret. Cicero in ipso sermone qui tantoperè laudatur & dum viveret à Bruto à Salustio ab aliis, & post mortem etiam reprehensus à multis, qui se Ciceronomastiges nominabant. In vita enim semper contradictores habent, etiam qui celebriores habentur. Apud veteres usque ad Platonis successores sua quisque tempe-

NB.

sta-

te famâ præditus habuit æmulum, ut apud Diogenem in Socrate est videre. Nec quantumcunq; simultates dies lenta præscripserit, effugiunt scripta celebrium auctorum vituperationem aut contradictionem, quam vitari non posse nisi ab his qui nihil omninò scribunt fatetur Cicero. Nam de Homero, quem ut Josephus contra Apionem narrat, Græcorum auctorum antiquissimum celebratissimumque constat, multa vitia circumferuntur, cum in oratione tum extra. Nam præter illud vulgatum dormire cum quandoque, præterque Zoili libros ipsum etiam Dion Prusiensis dicato opere persequitur, & strenuissimum fuisse dicit ad mentiendum, nec unquam fuisse à Græcis Trojam captivatam. Quare literis indulgere FAMÆ CELEBRIORIS gloriæque captandæ gratia in vita valdè miserum, ut docuimus, cum semper malè audias, quod his qui se sapientes existimant supplicium est intolerabile, si verò post mortem, miserrimum, nam mitto quantum nihil ad Te pertineat, quid de te homines sentiant cum excesseris è vita, illud non negan-

negandum, quod semper ut vidimus etiam mortuus in cineremque reductus discerperis, sed sæpè etiam tua opera perduntur & nomen obliteratur. In Homeri poemate reparando multi laborarunt. Nam ille suos versus non scripsit, ab aliis postea notati, variè tamen & mendosè. Quod ut in unum redigerentur Pylistratus Atheniensis curavit, proposita mercede ut ad se ferrentur, ascitisque grammaticis alii à familia summoti, alii asterisco notati, alii obelisco confossi sunt, & fortè si ille à mortuis excitaretur, suos non agnosceret. De libris Aristotelis quot penitus amissi, & si qui habentur quomodo interpolati, & quam propè fuerunt ut perderentur cum infossi terræ negligenterque sunt habiti, auctore Strabone, priusquam eos Adpellicon teius magna mercede comparasset, & Syllæ temporibus Romam asportati fuissent. Sed de ipso etiam nomine authorum nonne controversia? Celebratur Orpheus, ejusque hymni celebrantur à multis, & nihilominus Cicero in libris de natura Deorum nunquam fuisse Orpheum dicit, authore Aristote.

le, & qui ejus nomine versus circumferuntur secundum Pythagoricos, cujusdam fuerunt Cerdonis, hæc de gentilibus philosophis. De Christianis verò Theologis quis nescit & inter eos etiam fuisse controversias, veteres dico, atque ut alios mittam, quoties Hieronymus de suorum capum latratibus lamentatur. De neotericis nihil est quod dicam, cum libri eorum pleni sint certaminibus, & præter id quod in his quæ ad sacrarum literarum canonem pertinent omnes conveniunt, in reliquis quot capita tot ferè sententiæ, & qui veritate magis nituntur, magis oppugnantur, tum quod omnia judicia recta non sunt, tum quod falsa interdum probabiliora veris, ut docet Aristoteles, itaque nullus à reprehensione vel justa vel injusta omninò immunis, sed & quæ etiam suapte natura sunt vera, ob intellectus infirmitatem magis creduntur, quam sciuntur, adeò ut de Aristotele, qui quomodo fieri demonstrationes oporteret, duobus libris edocuit, dubitetur à multis an ferè ille unquam ullam effecerit, potissimum in naturalibus, à multis scio negari. Laboramus profectò multa ignorantia

rantia caligine, nam quotusquisque reperitur, qui cum cui est additus auctorem non celebret, sæpè aliis posthabitis, ipsumq; tanquam ex antro Heracliti, aut Democriti puteo veritatem extraxisse non contendat, alio obstinatissime id inficiante. Johannes Scotus ab ejus sectatoribus plurimum extollitur, & rectè, cum homo vegeti ingenii fuerit & perspicacis, suaque inventa miris laudibus efferantur, distinctionumque pluralitates (quanquam alii ab Henrico Gandaveusi petitas magna ex parte affirmant) celebrentur; Ab eis verò qui Thomæ sunt stricti, parvi: ab illis qui nominales vocantur nihili penduntur, adeò ut ab Alliacense scriptum sit, impossibile sibi videri ut ostendatur rationibus vera esse quæ de pluralitate ipsâ distinctionum afferuntur, quam quod personarum Trinitas in una essentia, quæ fide tantum tenetur. Mitto quæ celebratissimi Viri in eum effuderint, & alii etiam illius auditores, quare decipitur humanum genus cum gloriam quærit ex LITERIS, celebremq; apud homines de se existimationem, quando

quando tantum abest ut id assequatur, ut
 sæpè etiam ob ea ipsa inventa quibus nan-
 cisci eam credit, apud multos impensissi-
 mè castigationem & flagella patiatur. Cre-
 diderim ego divina hoc providentia per-
 missum, ut id vitium in quod facilimus
 esset lapsus iis incommodis sepiretur, &
 detractoribus ipsis quasi molossis latrato-
 ribus stiparetur. Qui semper quoties-
 cunque nobis occasio ad *incurrendam*,
decipulam præstatur, nostræ nos *infirmi-*
tatis admonerent. Baubatus plurimos
 circumfundentes invitantesque quasi di-
 xeris ex accidenti, ut ex literario negotio
 adseiscere nobis ea procurem⁹ præcepta,
 quæ invidiæ morsus effugiant, & falsæ o-
 pinionis repugnantiam minimè reformi-
 dent, hoc est ut cunctas actiones & opera,
 sicuti & in aliis rebus, ita & in literis per-
 petrata DEO donemus, ut nos & alios
 pro virili instruamus, nec quid de nobis
 sentiat postea curemus, & tam humanâ
 quam divinâ philosophia ad ejus agnitio-
 nem capessendam consequendumq; ejus
 amorem utamur. Hacten⁹ de gloriæ literariæ i-
 nanitate optimus doctissimusq; Mirandulanus,
 qui

qui clarissimè ostendit quam turpiter hallucinantur gloriam quærentes, quam nemo veram invenerit, qui sollicitè investigaverit, sed potius amiserit diu/multumque quæsitam. Illa commemorata à Pico gloriæ Numina, quæ tota stupuit antiquitas, stupebitque posteritas, quid aliud quam nomina, velut ossa gloriæ reliquerunt? Solum est eorum, *fuisse*, solum noscimus *transisse*. Utinam eorum exemplis edocti ipsi Reipub. Literariæ Antistites, nihil minus curarent, quam inanem minimique faciendam nominis celebritatem, ne varem experiantur fuisse poetam qui illud cecinit.

Carris plenus eris, si vis ut glorificeris.

Atque ut tantò vilius ab eis pendatur laus existimatioque humana, vel sola ejus brevitæ efficiat, locique & temporis quo circumscribitur angustia, punctum est Orbis in quo literati degunt, quid angustius; momentum est quo vivunt, quid contractius? cur in tam modico & loci & temporis spatio immodicè adeò laborent & nihil non agant pro re nihili? Quot in illo ipso quo vivunt loco sunt qui ignorent, cujusmodi doctrinæ ipsi polleant thesauris, quo munere fungantur, imò quo appellentur nomine? Ast quo longius ab urbe progredientur, tanto obscuriorem famam suam esse intelligent, cumque arcta adeò sint ejus pomœria, (quæ interdum vix patriæ suburbia egrediantur,) de vitæ integritate potius, quam nominis claritate consequenda cruditi si modò verè sapiant, apprimè sint solliciti. Z IIX.

II X. Quot verò doctorum hominum myriades virtute neglecta gloriæ hætenus inhivere inanitati! quot vanæ illius opinionis labe turpiter fuere polluti, quã veteres CENODOXIAM nuncuparunt, & cui Cassianus haud abs re septimum inter Capitalia vitia locum duxit assignandum; quoniam sc. ut ipse optimè monuit, maximam habeat affinitatem & peculiarem quandam connexionem cum superbia, quæ postremo ponatur loco, ut sævis-
sima & superioribus cunctis immanior bestia.

Cassian. collat. 5. cap. 12. & Libr. II. Instit. 6. 1. exuberantia superbia fomitem parit. Similiterque Joh. Climacus suæ scalæ gradu XXI. de Cenodoxia differens, eam principalibus vitijs veluti propriam superbiæ sobolem, ipso Grego-
grad. 21. rio præeunte adnumerandam esse existimavit, Gregor. typo sive exemplo quodam insigni id ipsum illustans, atque senem quendam eruditum, in-
Lib. xxxi Moral. cap. 31. que spirituali conflictu non malè versatum ita loquentem inducens: *Cum sederem, inquit, in cætu quodam advenientes ad me Cenodoxia & Superbia Dæmones juxta me ex utraque parte sederunt, & unus ex his quidem digito suo pulsavit latus meum, hortans ut aliquid quod ad contemplationem pertineret, si-
ve opus quoddam in deserto gestum loquerer. Quem cum à me expulisset dicens; Conver-
tuntur retrorsum & erubescant qui mala co-
gitant*

gitant mihi; protinus is qui à sinistris erat;
 ad aurem mihi dixit, Eja benè fecisti, ma-
 gnusq; effectus es; quippe qui impudentissi-
 mam matrem meam viceris, ad quem ego se-
 quentes versus assumens: Avertantur sta-
 tim erubescences, qui dicunt mihi eja benè
 fecisti. Utinam ad viri hujus egregii ex-
 emplum omnes Christiani Doctores periculo-
 sum illum Diaboli laqueum (gloriae nimirum
 inanæ pruritus) evitarent, & à veræ Chri-
 stianæque demissionis via non adeò frequenter
 turpiterque declinarent! Utinam juxta præcla-
 rum Pauli monitum nihil per contentionem, neq; *Phil. II.*
per inanem gloriam (κενοδοξίαν) agerent, nec
 (ut alibi loquitur) ejus efficerentur cupidi. *Gal. V.*
 Non ipsa quidem gloria, aut insignis virtutum
 dorumque cœlesti munere ac beneficio con-
 cessarum & collararum æstimatio ipsis vertere-
 tur vitio, sed immodicus duntaxat gloriæ ap-
 petitus, inanisque de semetipsis opinio cul-
 pam habet, Deumque semper experitur hostem
 capitalem. Atque ut vitij hujus abominabilis
 natura & ratio penitus cognoscatur, probè
 notanda est quatuor *honorum honorariorum* (ut
 ita loquamur) differentia; licet enim illa inter
 se multum sint affinia, vulgoque putentur pro-
 miscua, diligentius tamen exactiusq; ab invi-
 cem sunt distinguenda, FAMAM dico, LAU-
 DEM, HONOREM & GLORIAM: FAMA

Cic. lib.
II, de in-
vens.

enim est multorum existimatio rumorq; de eruditi alicujus doctrinâ & moribus; HONOR testificatio quædam est excellentiæ, seu reverentiæ cujusdam in testimoniū virtutis sapientiæque exhibitio: LAUDE fit excellentiæ perfectio- nisque privata quædam manifestatio: GLO-RIA denique est CLARA (ut Cicero loquitur) sive publica cum *laude notitia*, vel solennis ac frequens bonorum alicujus donorumque deprædicatio. Hanc si quis eruditus inordinato flagitet appetitu, tunc à rectæ rationis ordine fit alienus, & à præscripto verbi divini tenore devius, quin imò reus tandem criminis læsæ divinæ sempiternæque majestatis, cum scil. flagrans illud gloriæ desiderium non in debitum finem puta DEI honorem proximique salutem referat, sed propriæ excellentiæ scientiæque apud alios manifestationem, quæ vana gloriæ cupiditas tum à SUPERBIA differt, tum ab AMBITIONE [vitiis eruditorum hominum decantatissimis] quamvis iisdem valde affinis & conjuncta videatur. SUPERBIA nimirum ipsam affectat excellentiam; AMBITIO altiores honorum, officiorum dignitatumque gradus; CENODOXIA verò de laudis gloriæque apud alios manifestatione divulgationeque unice est sollicita, culpæque capitalis rationem [ut antea ostendimus] inde habet, quod veluti parens materque sit plurimorum vitiorum, quæ ex ipsâ tanquam pestiferâ & virulentâ radice nascuntur.

IX. Singularem insuper meretur ob-
 servationem, quod hunc pectorum eruditissi-
 morum morbum sive gloriæ excellentiæque
 propriæ revelationem Veteres non vanam so-
 lum & inanem, verum etiam *MULTIFOR-*
MEM ac variam dixerint. Et quam varius
 quam multiplex sit pestilens ille affectus, haud
 rectius intelligimus, quam si ejus tum *PRO-*
PRIETATES, tum tristes horribilesque
EFFECTUS nobis ad animum revocemus.
 Illas quidem egregiè supra laudatus *Cassianus*
 recensuit, eleganterque ostendit, quibus potis- *cap. 1. & 2. Lib.*
 simum signis & proprietatibus Cenodoxia ab *XL. Instis*
 aliis vitiis distinguatur, præque illis peculia-
 rem habeat malitiæ notam, quas hic compen-
 dio collectas (utinam doctorum eo morbo labo-
 rantium bono ac emolumento!) proponamus:
 Primam facileque palmariam Cenodoxiæ pro-
 prietatem statuit subtilitatem ejus seu falla-
 ciam, cum virtutibus etiam donisque summis
 permixta difficulter à perspicacissimis agno-
 scatur & caveatur. *Cap. 1. & 2. Lib.*
Septimum (ait) nobis
certamen est contra Spiritum Cenodoxia mul-
tiformem varium ac subtilem, ita ut quibus-
libet perspicacissimis oculis non dicam cave-
ri, sed pervideri, deprehendiq. vix possit.
 Secunda, varietas est & multiformis tentatio;
 utpote in omni genere virtutum, actionum,
 studiorum, laborum exercitiorum ab erudito

- Cap. III. homine fufceptorum : Undiq^{ue} enim, ait Caffian^{us},
 IV. & V. & ex omni occurrit parte ; Nam & in habi-
 tu & in opere, in lectione , in fcientiâ , in
 humilitate , in longanimitate &c vulnerare
 conatur , & velut quidam perniciofiffimus
 fcopulus tumentibus undis obtectus impro-
 vifum ac miferabile naufragium fecundo
 navigantibus vento, dum non cavetur , nec
 Cap. VI. prœvidetur , importat. Tertio importunita-
 & VIII. tem hujus mali inculpavit, quâ etiam fugientes
 certantesq^{ue} perfequatur ; Cum fc. alia inter-
 dum vitia etiam locorum beneficio conquie-
 fcant , & occasione fubtrahâ lentefcere fo-
 leant & minui ; hoc cum fugiente etiam
 penetret deferta, nec materia fubtrahâ velit
 marcefcere. Quartum ejus dixit procacitatem,
 quoniam victores fuos acrius infectari non du-
 Cap. VII. bitet : Dejectum hoc vitium acrius refurgit
 ad luctam , & cum putatur extinctum , fua
 morte vivacius convalefcit , cetera genera
 vitiorum eos tantum impugnare folent , quos
 in certamine fuperarint ; hoc verò fuos vi-
 ctōres acrius infectatur ; quantoq^{ue} fuerit
 validius elifum , tantò vehementius victo-
 Cap. VIII. ria ipfius elatione congreditur. Quinta juxta
 Caffi, Cenodoxiz proprietas eft longævitas,
 feu

seu perpetuitas, cum nec ætate nec senio deferrescat: *Cætera processu temporis sæpè molliuntur vitia, atq; evanescent; huic longavitas, nisi fuerit industria solerti ac prudenti discretionē fundata, non solum non officit, verum etiam majora vanitatis formēta congerere novit.* Sexta denique & ult- *Cap. X.*
 tima est violentia, qua etiam optimos & in vir- & *XI.*
 tutis palæstra exercitatissimos viros subinde supplantat atque elidit. *Inanāq; (notanter scribit Cass.) Ezechiam Regem Jude Virum in omnibus consummata justitia & Sanctarum Scripturarum testimonio comprobatum, post innumera virtutum praconia, uno elationis vanāq; gloria telolegimus fuisse dejectum, & qui internecionem centum octoginta quinq; millium de exercitu Assyriorum angelo sub nocte vastante, unā prece valuit impetrare, vanitatis gloriatione superatur. Ozias etiam hujus quem commemoravimus Regis Atavus in omnibus scriptura testimonio collaudatus, post ingentia virtutum suarum praconia, post innumeros triumphos, disce qualiter sit vana II. Paral. gloria elatione dejectus. Et egressum est no- 26. men Ozia, propter quod auxiliaretur ei Do-*

minus, & corroborasset illum, & cum roboratus esset, elevatum est cor ejus in interitum suum, & neglexit Dominum DEUM suum. Cernis aliud ruina gravissima exemplum? Dum enim Ozias ille Sacerdotum sibi usurpare officium voluit, inque Templo odores incendit, confestim leprosus factus est, faciesque ejus lepra in Templo Domini obducta. Unde videris, concludit Cassianus, quam perniciosum reorum secundarum soleant esse successus, ita ut qui non potuerunt adversis frangi; prosperis, si incauti fuerint, acrius elidantur, & qui in conflictu atque acie mortis evaserunt discrimina, trophæis propriis triumphisque, vanæ nimirum & inanis gloriæ gladio violentiaque tandem succumbant.

X. Alii insuper sunt Cenodoxiæ nefariæ EFFECTUS, longeque periculosiores astutissimi hujus infernalisque serpentis morsus, quorum singuli eruditum quemlibet à vanæ inanisque gloriæ studio ac amore revocare deberent. Ut enim (ita præclare ad populum Antioch. olim Joh. Chrysostom⁹ dixit) *sevi quidam venti in tranquillum mare delati totum ab imo subruunt, ut & arena cum undis miscetur; sic excacat mentis impetum gloria furor, nam pecunias quidem contemnere volenti satis est facile, honorem autem à mul-*

Jo. Chry-
sost. Hom.
XLIII.
ad Pop.
Ant,

tis collatum despicere multi laboris indi-
 get, magna sapientia. Non est enim vitium
 ita tyrannicum & ubique dominans, &c. Basil. in
 Similiterque Magnus ille Basilius inanis gloriæ confit.
 tristes horrendosque effectus recensere insti- mon. c. 11,
 tuens, illam vocavit dulcem spiritualium ope-
 rum spoliatricem, jucundum item animarum
 nostrarum hostem, tineam virtutum, blandis-
 simam bonorum nostrorum deprædatricem, &
 mortiferi hominum mentibus poculi porre-
 tricem salutavit. Quibus aptè respondent,
 quæ de iisdem Cenodoxiæ pestiferis fructibus Jo. Cli-
 Jo. Climacus tradidit: *Cenodoxia est opti- mac.*
morum laborum dissipatio, perditio studio- grad.
rum, thesaurorum insidia, in portu naufra- XXI.
gium, in arca formica, qua etsi tenuis est,
laboribus omnibus & fructibus insidiatur:
Expectat formica dum perficiatur triticum;
Cenodoxia verò dum congregentur opes;
gaudet illa ut furetur; hac autem ut dissipet;
gaudet desperationis spiritus, cum videt
multiplicari vitia: Cenodoxia verò cum
virtutes multiplicari videt, ut vanam sc. ex
 iis capiat commendationem, ideoque tanto
 atrocius inopinatos & incautos decipit, quan-
 to callidius in externis actionibus virtutes ipsas
 refert ac imitatur. Excutienda igitur Homini

erudito atq; virtutis gloriæque veræ & sinceræ
 cupido omni virium conatu pessima illa animi
 ægritudo quam Cenodoxiam dixere vete-
 res, nos turpissimæ idololatriæ speciem supra
 nuncupavimus; Hæc inquam à viro docto eo
 planè studio ac heroico ferè expellenda est co-
 natu, quo olim prima Deorum fana cum simu-
 lacris arisque suis quidam supremi Numinis
 amore afflati funditus sustulerunt, atque re-
 jectis fœdissimi cultus inquinamentis ad san-
 ctiora sacra sese traduxerunt. Nimirum scitè
 dicta, doctè scripta, & rectè facta sua eruditi ad
 conscientiam & SS. Numinis honorem, non
 ad inanem referant gloriam, atque supremum
 optimumque non in hæc, sed in illo quærant
 præmium. DEUS equidem reverà est unicus
 & æquus virtutis arbiter, cujus unius judicium
 de rectè factis exquiret quisquis sapit, neglecto
 humano tam multipliciter corrupto & depra-
 vato. Optimè Chrysostomus (Homil. 3. de
 verbis Esaia sub initium laudato Ozia qui ege-
 rat quod rectum est in DEI conspectu) *Quid
 facis homo? Alii redditurus es rationem
 factorum tuorum, & alium testem citas eo-
 rum quæ facis? Alium habes judicem, &
 alium adhibes spectatorem? Tu cum videas
 Angelorum Regem tuo cursui agnothesam h. e.
 certaminis judicem & pramiatorem præsidi-
 dere*

*Chrysost.
 hom III.
 de verbis
 Esaia.*

dere, eo prætermisso ad conservorum fugis
oculos? Atq; idè sanè post innumeras luctas,
incoronatus recedis, post sudores plurimos
absque brabeis venis ad agonothetam. Quem-
admodum qui sincero intimoque amore puel-
lam deperit, non testes & arbitros complexum
famamque inde desiderat, sed suavissimo amo-
ris fructu contentus gaudet in sinu; sic eru-
ditus multum in veræ virtutis profecit studio,
si illam ad DEI solius amorem honoremque
potius, quam plausus inanis, famæque fallacis
referat acquisitionem. Quantoperè olim amore
fluxæ gloriæ laborarit Augustinus, ipse postea *August.*
divinæ gratiæ radiis collustratus in suis Con- *l. I. Conf.*
fess. ad h. m. exposuit. *Obtemperabam monen-* *cap. 9.*

tibus ut in hoc seculo florerem, & excellerem
linguosis artibus ad honorem hominum & fal-
sas divitias famulantibus. Inde ad Scholas
datus sum, ut discerem literas, in quibus quid
utilitatis esset, ignorabam miser, & tamen
si segnis in discendo essem, vapulabam. Ean-
demque miseriam ulterius vehementiusque
deploraturus, Horum ergò inquit puer mo- *Ibid. c. 19.*
rum in limine jacebam miser & hujus arena
palæstra erat illa, ubi magis timebam barba-
rissimum facere, quam cavebam, si facerem,
non facientibus hac invidere -- In quo etiam
ludo

ludo fraudulentas victorias, ipse vana EXCELLENTIÆ cupiditate victus sæpe aucupabar. En ingenuâ felicissimi hujus literati confessionem, en verè poenitentis Doctoris exemplar fulgentissimum! Languescet facilè in illius pectore gloriæ cupido, qui non sibi, non aliis, sed DEO unicè placere desiderat. *Magnæ sanè vanitatis est [ait nonnemo] aliorum magis testimoniis, quam interno (addimus divino) acquiescere judicio, cæcitatis verò hoc non inspicere, vecordioris autem superbie, meritam quoq; gloriam non ad DEUM referre. Cujus pravitatis verò est ut aliis placeas, conscientia, id est Tibi & virtuti displicere malle? Deniq; insania cujus, summam boni in gloria ponere, id est extra se animumque suum projicere & ut sic dicam spargere in auras? Quid spissis gentilis philosophiæ tenebris obnuptus Seneca? Nihil opinionis, [ajebat] omnia conscientia causâ faciam; populo spectante fieri credam, quidquid me conscio faciam.* Ast de vulgo eruditorum verè & notanter Plinius; *Multi (inquit) famam, pauci conscientiam verentur.* Quod ipsum accuratius paulò perpendens Magnus ille Episcopus Hipponensis, non minus turpiter virtutem servire gloria, quam voluptati, egregiè eleganterque demonstravit, quia scil. desinat virtus esse, aut certe

Seneca
de Vita
Beata.

August.
Lib. V. de
Civ. DE I
e, 20.

certè à nobilitate suâ degeneret, si non illi militet, à quo inspiratur, ad nobilissimum finem, DEUM nimirum ipsum respiciens atque aspirans, cui volens lubensque gloriam omnem ut auctori refundat. Nec minus notanter Augustinus observavit cupidinem gloriæ hoc ipso inumbrare vitium suum, quod fœdiora vitia refrenet sollicitudine promerendi tuendique iudicia bonorum; atq; sine hujus societate affectus cupiditatem imperii in omnem flagitiorum licentiam prorumpere, quā in potiundo illo, quā in exercendo. Addit, quia ipsos proficientium animos etiam affectus ille laceffit, ab illis hoc saltem sine cohiberi, ut superetur amore officii, nunquam sc. deferendi vel pervertendi ob quorundam adeoque omnium vel perversa iudicia vel neglectum; vult deinde ut docti non pro laudantiū affectu vel adulantium impostura se metiantur: sed excitentur aurā illa ad industriam, non insulentur ad superbiam, aut eleventur in fastum. Insignem sanè magnus ille Aurelius egerat inanis gloriæ contemptorem, nihil suæ industriæ, nihil ingenio, labori, arbitrio tribuendo, certus omnedonum perfectum desursum à Patre luminum esse, & gratiā DEI sibi obtigisse quicquid undiquaq; boni haberet. Humilimæ hujusmodi confessionis plena sunt scripta illius plurima, maxime libri Confessionum, eaq; opera quibus Pelagianorum superbiam virtute sapientiæ à DEO sibi con-

*Idem l. c.**Lib. V.**cap. 13.**Cap. 14.*

concreditæ debellavit. Scripserat ad eum aliquando Macedonius Vir in seculo quondam clarissimus; *Miro modo afficior tua sapientia, & in illis quæ edidisti, & in his quæ interveniens pro sollicitis mittere non gravaris: nam & illa tantum habent acuminis, scientia, sanctitatis ut nihil supra sit.*

Conf. Epist. August. LI. & LII.

Quid verò adhæc Magnus eruditione, major humilitate Augustinus? Veram (respondit) sapientiam in vero veri DE I cultu sitam esse. Ex ista (pergit) sapientia, quæ una & vera est, si quid habeo, à DEO sumsi, non à me præsumsi, atque ab illo in me perfici fideliter spero, à quo inchoatum esse humiliter gaudeo -- Non enim meo vel ingenio, vel merito, sed ejus dono sum, si quid laudabiliter sum. *Nam quædam*

NB.

acutissima & excellentissima ingenia tanto in majores errores ierunt, quanto præsentius tanquam suis viribus cucurrerunt. Hinc etiam ad omne bonum, in omni bono, post omne bonum Augustinus ad DEUM bonorum omnium auctorem, directorem & conservatorem solidissima humilitate confugit;

August. Serm. XI. de Verb. Domini. Ut potui [dixit aliquando] difficillimam questionem, si tamen aliquatenus potui Domino miserante atq; adiuvante tractavi, quicquid tamen in ejus difficultate apprehendere non valui, non imputeretur ipsi veritati, quæ salubriter

briter pios, etiam cum occultatur exercet, sed infirmitati meæ, qui vel intelligenda conspicerè, vel intellecta explicare non potui.

En Viri eruditi ex gloriæ inanis contemptu verè felicitis fulgentissimum exemplar! En DEO O. M. sacrati hominis præclaram imaginem! Hanc si probè intueatur ac imitetur literatus, haud faciliè inanis gloriæ fucò decipietur, sed laudis potius gloriæque perennis coronâ ornabitur.

XI. Ad tantæ verò felicitatis apicè tendenti Literato non solum probè considerandum, sed *Agi. de regim. Princip.* supponendū etiam est, quod à nōemine optimè notatū fuit atq; inculcatum; *Argumentum* imperfecti in aliquo boni esse, si illud agnosci ab aliis *P. I. c. 18.* & commendari cupiat. Quicumque enim decus aliquod & ornamentum imperfectè obtinent, ardentius & studiosius inde captant laudem, quam qui perfectè eo potiuntur, sicuti mulieres imperfectioribus bonis præditæ, multò magis appetunt commendari; & imperiti, qui vix extimis labris bonas literas degustarunt, nihil non didicisse sibi videntur, proptereaq; volunt ab omnibus scientiæ nomine suspici & in honore esse. Solidè verò docti ac reverà scientes cum inveniant in se ipsis cumulatum gaudiū materiam, de alienâ commendatione non sunt solliciti. Hoc inquam supposito, nemo non videt quam futile sit captare alienâ comendationem, eamque ab aliis ultrò delatam magnificere,

re, quandoquidem hoc manifestissimum argumentum indebita est commendationis, nec satis explorata nobis exilitatis nostrae ac tenuitatis, quam si perspectam ritè haberemus, nequaquam efferemur, & ab aliis suspici induceremus in animum. Huc recidit alibi à nobis laudata Dionis Chrysostomi oratio, quā animi à depravato vulgi judicio pendentis inanitatem & fatuitatem egregiè exagitavit, pariter ac alter Chrysostomus laudes humanas graculorum voces, muscarum & culicum stridores nominavit, & cum pulchrè immensum aperuisset dispendium, quod is subeat, qui gloriam humanam aucupetur, non alio fructu quam quod hominibus placeat, & à populo laudetur; notanter insuper quævisset quid tandem sit populus cujus causa homo tanta sustinere & aggredi deligat? optimè statuit *populum esse quoddam tumultus perturbationisq; plenum, ex stultitia majori ex parte constans atq; compositum, remerè super maris fluctus varia & pugnante sententia saepenumero jactatum*; magis probrosè modo laudatus Dio, multitudinem populi *tangam finem profundum esse dixit. ex variis sordibus in unum conebatam*, ejus verò voces corvorum graculorumque garrivui comparare non dubitavit: Si & *avium* [ait] *voces intelligeremus, nempe corvorum, graculorum atq; aliorum animalium, nempe ranarum aut cicadarum, haud dubie & horum vocibus animum adverteremus, quid*

Dio
Chrys.
Oras. 32.

Idem O-
ras. 66.

nam de nobis diceret graculus volans aut pica, & quam de nobis haberent opinionem? Felicitas ergo quadam est, quod non intelligimus. Quot verò homines vanis sunt insipientiores & graculis? Nec minus egregiè de eadem humanæ vulgarisque laudis despicientia quondam philosophatus est Antoninus, plurima & scitu & observatu dignissima tradens; Uter tibi [inquit] elegantior videtur, is qui plaudentium fugit laudem, an illi qui neq. ubi, neq. qui sint cognoscunt? Laudari cupis ab homine, qui seipsum spatio unius horæ ter execratur: placere vis homini, qui neq. sibi quidem ipse probatur. Nisi is probeatur sibi ipsi, qui ferè omnium eorum qua egeris pœnitentia corripitur. Et paulo post: Disce presens tempus tibi ipsi gratificari. Qui commendationem posteritatis magis curant, non reputant eos horum similes futuros, quos nunc agrè ferunt, atque ipsi etiam mortales. Porro quid omninò tua interest, si talibus is vocibus te cantent, aut ita de Te sentiant? Præclare rursus idem Antoninus; Hominum opiniones de gloria intueri quales sint, quid propositum habeant, quid fugiant. Utq. in litore maris, arena cumuli alii super alios appulsi. priores occultant, ita in vita quoq. priora à subsequentiis celeriter absconduntur. Denique quanti faciendum sit bonum tam fluxum tamque breve, laus nimirum gloriaque inanis, variis locis idem scriptor indicavit: Sicl. 4. Usitata quondam vocabula [inquit] nunc interpretationis le-

Antoni-
nus l. 8.
de vita
sua num.
48.

Ibid. n.
30.

Ib. lib. 7.
num 30.

Lib. IV.
n. 28.

co sunt : ita & eorum qui fuerint olim celeberrimi nunc quodammodo sunt glossæ, ut Camillus, Cæso, Volesus, Leonatus, tumpaulo post Scipio, Cato, inde Augustus, Adrianus, Antoninus. Omnia autem hac evanida sunt, & mox in fabulam abeunt, mox oblivione omnia obruuntur. At q̃ hoc dico de iis qui ad miraculum usq̃ clari erant. Reliqui enim simul atq̃ animam efflarunt obscuri & ignoti facti sunt. Quanquam quis est omnino, cujus sit memoria sempiterna? omnia sunt inania. - Quam multi quondam fuere celebres, quorum nunc fama est oblivioni tradita : quam multi etiam horum qui istos celebrarunt è medio sunt sublati. Melius alibi : Brevis vita est & laudantis, & ejus qui laudatur, ejus qui mentionem facit, & ejus cujus mentio fit, præterea fit hoc in angulo portionis mundi, ac neq̃ ibi quidem omnes consentiunt, imò ne sibi quidem ipsi quisquam. Tota verò terra punctum est. Tandem, considera (ait Antoninus) etiam vitam eorum, qui ante Te & post Te vivent : horum etiam, qui hodie apud barbaros vivunt, quam multi eorum ne nomen quidem tuum sciant, multi statim obli-

Lib. 7.
n. 5.

Lib. 8.
n. 19.

Lib. 9.
n. 24.

obliviscuntur, multi cum Te nunc laudent,
statim sunt culpaturi, deniq; quam res nulli-
us momenti sit memoria aut gloria, aut aliquid
tale &c. Hæc aliaq; plura de fluxa munda-
næ gloriæ vanitate Antoninus, magnam par-
tem ex ante laudato Dione Chrysostomo (quo
magistro gloriatur,) hausta atque derivata, qui
oratione peculiari ostendit, quantoperè & illi
[literati] desipiant, qui gloriæ tam instabilis
firmitatem & perennitatem ex titulis statuisque
inox diruendis quærere non dubitant, quam-
que inconsultè nominis perpetuationi per hu-
jusmodi media prospiciatur. Hinc sapientis-
simè Epictetus serioque admonuit, eos de sta-
tione sua jam jam dejectos esse, qui laudem a-
liorum bonamque captent existimationem, id
unicuique satis esse debere, ut sibi ipsi Vir bo-
nus appareat, neglectis aliorum de se judiciis,
omniq; inani vanaque posthabita commen-
datione.

XII. Ut verò tantò facilius eruditi egregiam
hanc verè feliciū sortem consequantur certā
famæ immortalitatem capeffentes, necesse est ut
clariorib⁹ virtutis solidæ radiis collustrati, cin-
merias inanis gloriæ tenebras refugiant, nec
non optima quæque adversus execrabilem il-
lam pestem applicent remedia, Doctorum de-
nique de hoste illo nequissimò bellè trium-
phantium exempla frequenter sibi revocent ad

Dis

Chrysost.

Orat. 37.

Epictetus

Enchir.

c. 30.

August.
lib. X.
Confess.
c. 37.

animum, quæ inter clarissimum modo laudati est Augustini, qui de se ipso verba alicubi fecit sequentia : *Contristor al quando laudibus meis, cum vel ea laudantur in me, in quibus ipse mihi displiceo, vel etiam bona minora, & levia plura estimantur, quam estimanda sunt. Et rursus : Tu nosti o Domine ac hæc re gemitum cordis mei. & flumina oculorum meorum ; neq. enim facile colligo, quam sim ab ista peste mundatior, & multum timeo occulta mea, quæ norunt oculi tui, mei autem non. Est enim qualiscunq. in aliis generibus tentationū mihi facit. ut explorandi me, in hoc penè nulla est. Unde satis apparet optimū adversus cenodoxiæ pestem remedium seu pharmacū esse*

August.
l. 5. de C.
D. c. 20.

christianum sui contemptum, orationi ferventiori serioque cordis examini sociatum. Sane si prudens literator planissimè sibi persuadeat, dicta sua scripta & cogitata non talia plerumque esse qualia videantur hominibus, facile sibi ab inanis gloriæ blandimentis cavebit. Humana etenim [ut insignis ille Ecclesiæ Doctor August. præclare ait] gloria inflata est. & multum inanitatis habet, unde non ei dignè servit soliditas quadam firmitasq. virtutum, ut nihil provideat prudentia, nihil distribuat justitia, nihil toleret fortitudo, nihil temperantia moderetur, nisi unde placeatur hominibus

minibus & ventosa gloria serviatur. Nec illi se ab ista defenderint fœditate, qui cum aliena spernant iudicia, velut gloria contemptores sibi sapientes videntur & sibi placent. Nameorum virtus (si tamen ulla est) alio modo quodam humana subditur laudi, neque enim ipse qui sibi placet homo non est. Qui autem vera pietate in DEUM quem diligit, credit, & sperat, plus intendit in ea in quibus sibi displicet, quam in ea si qua in illo sunt, qua non tam ipsi, quam veritati placent.

Sic optimè Augustinus longam anteriorum capitum adversus studium humanæ laudis disputationem conclusit. Nec minus præclare magnus ille Cenodoxiæ hostis Cassianus statuit nos huncce nequissimi spiritus laqueum tunc facile evasuros, si in singulis quibus nos profecisse senserimus, illud Apostolicum dixerimus:

Non ego sed Gratia DEI mecum, & gratia DEI sum id quod sum &c. Tres insuper alios eosque singulares modos evadendi diabolicos istos laqueos, eruditis, præsertim DEO sacratissimis hominibus Cassianus commendavit, primò videlicet ut submittant se, & quasi subrepant humilitatis sinceræ exercitio, dein ut conculcent ista retia satanica per abstinentiam ab officiis atque muneribus magis speciosis, exemplo Apostoli, qui cum possideret donum lingvarum,

*Cassianus
lib. XII.
Instit. c.*

9.

Jo. Chry. Chrysoſtomus,] non quod non haberet, ſed quod
Joſt. Hio. quæreretur qua ſunt utiliora, erat enim liber ab o-
mil. 35. mni inani gloria, & unum ſpectabat ut meliores
ad pop. redieret auditores. Quod ſi verò nec submit-
Ant. tendo nec calcando infernales hoſce laqueos

Joh. IIX.

quod etiam dixit : Ego non quero gloriam me-
 am. Vixerat ut fabri filius mundi fabricator,
 ignominioſiſſimum mortis genus ipſe gloriæ
 ſplendor elegerat, & cum ad eum reverſi diſci-
 puli cum gaudio renunciarent : Domine etiam
 demonia ſubjiciuntur nobis, eorum jaſtantiam
 horribili dicto ſimul & exemplo compeſcuit :

Luc. X.

Videbam [ait] Satanam ſicut fulgur de cælo ca-
 dentem ; & indignabundis ex ſpiritu ambitio-
 nis diſcipulis vocem hanc memorabilem re-
 geſſit. Qui voluit inter vos primus eſſe, erit ve-
 ſter ſervus. Non magnum denique ne dum
 ſummum in gloria bonum deſigant eruditi, ne-
 que fallaci illa præſumptione ſupremam defini-
 ant beatitudinē. Quid nos enim magnoperè [lau-

*Tulde-
nus l. c.*

Lib. IV.

p. 280.

datus ait Tuldenus] memoria noſtri juvabit. non
 conſpirante conſcientia, quid aliorum magnificus
 de nobis ſenſus, ſi non conſentimus ? an magis quam
 ſæcæ ſpectacula, aut ſurdæ ſymphoniæ dele-

ctant ?

Etant ? Felicem [hâc in parte] literatum Lipsium fuisse constat, utpote qui ad Amicorum quendam scribere non dubitaverit : Lunam me non Solem profiteor, tenui luce, nec pura, imò nec propria lucere; & multa à veteribus, omnia à DEO habere. Et rursus : Ampla illa non agnoscō : DEUS ille Delficus veteri monito aurem vellit, & me ad me mittit. Novi me pergit, & impurum illud aut imbecillum in me hominis : & ut Junonia avis, cum plumas adspexi, ad pedes oculos demitto.

Ita Lipsius, longe prudentior atque sapientior Plinio, qui ei duntaxat veram ausus est vindicare beatitudinem, quem blanda nec fallax opinio bonæ & perennaturæ famæ foveat, tanquam hic vivus etiam mortalitatem transcendit; ô fucum, ô fumum, ô vanitatem ! Sicut enim [scitè & appositè ait Augustinus] non est est à carne, sed supra carnem, quod carnem facit vivere; sic non est ab homine,

sed super hominem, quod hominem facit beatè vivere. Hæc & nobiliorum è veteribus Philosophorum fuit sententia, quâ veræ sapientiæ originem non solum à DEO repetendam, verum finem etiam in DEUM unicè referendam esse statuerunt. Ex quorum etiam placitis Belgicus ille Sophus, *sum homo inquit, sum ab humo, in eam ibo; & fama ipsa mea haud*

J. Lipsi.

us Cent.

V. Epist.

40.

Cent. V.

Epist.

34.

Epist.

49.

Plin. l.

IX. E-

pist. 3.

Aug. l.

XIX. de

C. D. c.

25.

Lipsi.

Cent. E-

pist. 56.

latè vagata circa hanc peribit. Dum sum-
mustamen hic, suave est altius & melius a-
liquid agere, & (quod bonum Stoici propriè
censebant,) prodesse. Nemo equidem du-
bitaverit, melioris indolis Specimen esse glo-
riæ flagrantem cupidinem, quæ ipsa multum
industriæ requirat, nec ignavos, degeneres at-
que effœminatos literatos esse sinat. Verum
in hoc qualicumque felicitatis gradu neuti-
quam persistendum, sed potius ad veræ sempi-
ternæque gloriæ apicem assurgendum esse mo-
net sanctior puriorque Philosophia, ac divo
Aurelio interprete eam duntaxat veram sapien-

Lib. xix. tiam esse pronunciat, quæ in illum finem di-
de C D. rigatur, ubi DEUS omnia erit in omnibus æ-
e. 20. ternitate certa, atque pace perfectâ; in il-
lum finem, à quo nobis sit principium nature
& veritas doctrina, & felicitas vite.

Id. Lib.
II, c. 9

XIII. Quemadmodum verò eruditio om-
 nibus ad veram aspirantibus felicitatem ope-
 ra danda est strenua, ne à fine isto scopoque sa-
 lutari unquam aberrant; ita cum primis **DEI**
ET ECCLESIAE MINISTERIO SA-
CRATIS HOMINIBUS cavendum sedu-
 dulò, ne vanæ & inanis gloriæ imagine capian-
 tur, nec laudes magnas aut plausus efflagitent
 inanes, quin potius eos omni declinent inge-
 nio, bona mentis non quidem prorsus abscon-
 dant,

dant, sed nec ambitiosè venditent, minimèque propter ea sese præferant cæteris, atque solius DEI gloriam unicè respicientes, sollicitè caveant, ne ulla honoris secularis cupido vel sacra tractantes invadat, vel causam fidei & religionis agentes extimulet. Laudabili exemplo cunctis Ecclesiæ Doctoribus Magnus præivit Chrysostom⁹, miroq; studio illum (etiam sibi insidiantem) satanæ angelum profligavit. Etenim cum is uno omnium ore esset celebratus, ac sæpè inter dicendum honorificis acclamationibus plausibusque ab audiente populo exceptus, tantum abest ut iis unquam fuerit delectatus, ut potius theatricos istos plausus (tunc in Ecclesia receptos) omninò tollere laborarit, & anxie ab aliis expetitas captatasque laudum publicarum formulas ut noxias prohibere constituerit: *Cedere mihi* [ad hunc modum doctorum suorum ebuccinatores aliquando compellavit] vera dico, dum mihi applauditur dicenti, per ipsum quidem tempus humanum aliquid patior. (cur enim non verum fatear) postquam domum ingressus, plausores nihil adjuutos esse cogit a vero, & si quid profecisse debebant, per plausum & laudes amisisse, doleo, gemo & lugeo -- Et frequenter legem ponere cogitavi, qua plausus prohiberet, & cum silentio congruaque tranquillitate nos audire persuaderet, Quemadmodum etiam Ma-

Jo. Chry-
ost. ho-
mil. 30.
in Acta
Apost.

August. gnus Augustinus ad suos quondam encomia-
 stas; *Laudastis, dicebat, DEO gratias, Se-*
 Serm. V. *men accepistis, verba reddidistis. Laudes*
 de verbis *ista vestra gravant nos potius, & in pericu-*
 Dom. in *lum mittunt, toleramus illas, & tremimus*
 Evangel. *inter illas; tamen fratres mei ista laudes*
 Matth. *vestra folia sunt arborum, fructus queritur.*
 Ast longe alium quibusdam Concionato-
 ribus animum isto etiam seculo insedisse,
 eosque nil nisi inanes populi acclamations
 plaususq; incompósitos quæsisisse, ipse Chry-
 sostomus disertè testatus est ad h. m. *Molti*
 Chrysof. *multa faciunt, ut in medio constituti longam*
 l. c. *extendant orationem, & si plausus quidem*
à multitudine consequantur, hoc eis regno
simile factum est, si verò cum silentio ser-
monem finierint, silentii tristitia sit illis
gehenna molestior. Non pauci nimirum Chry-
 sostomi ævo solennes ab auditoribus suis effla-
 gitarunt acclamations, ad Pauli illius Samo-
 fateni exemplum, qui teste Eusebio *ab audito-*
 Euseb. *ribus non favorem solum plausumque spera-*
 lib. VII. *bat, sed theatriali more oraria moveri sibi*
 c. 30. *expectabat, & vocem tanquam de caveis dari.*
Si quis verò auditorum honestius & vere-
cundius agens, à clamore nimio temperasset,
& velut injuriam faciens patiebatur injuriã.

Longè

Longè rectius atque prudentius D. Bernardus cum inter concionandum tentatus esset, quasi suspiceretur ab omnibus, paululum substitit, flanteq; & infestante illo inanis gloriæ vento in hæc pro concione erupit verba: *Vanitas! propter Te concionem non incepti. propter Te ab ea non desistam.* Utinam omnes Doctores Ecclesiastici pariter saperent, & plausibus sive laudantium vocibus & tumultu neutiquam iis opus esse intelligerent, qui DEI solius gloriam & cōmissæ Ecclesiæ ædificationem meditantur! Nil magis operi huic saluberrimo remoram injicere solet, quam pudendus inanis gloriæ pruritus, qui impedit quo minus optatū sacram orationum scopum Doctores Ecclesiastici attingere possint. Proh! quam metuenda est inanis gloria turpisque jactantia homini DEO sacratio, atque fidei morumque capita è loco superiori tradenti aliis, quandoquidem ne ipsi quidem Patres sanctissimi tuti semper fuerint à pestilentissimi illius spiritus insidiis. Si quis exactius paulò nosse desideret quantam is labem inferat verbi divini præconibus, quam fœdè succutiat & subruat virtutum ædem impotens iste halitus, Magnum audiat Gregorium, & ex ipsomet horrenda quæ detestandus ille elationis spiritus creat exitia probè percipiat: *Dum aliquis de Sacra Legis scientia gloriatur (inquit) pretium sibi convertit in* *venc-*

Greg. M. veneni poculum , & inde reprobus moritur ,
lib. 15. unde ad vitam erudiri videbatur , & in do-
Mor. c. Etrina sua mortem invenit , quia in verbis
16. vite vitam minimè quasivit. Quis obsecro

Christi servorum probè perspecta inanis gloria pravæque intentionis deformitate non totus horreat , omniq̃ue studio formidet mala quæ ex putido isto fonte promanant? Quanto pulchrior DEOQUE gratior est animi devoti puritas, tanto detestabilior mens Viri ecclesiastici pravo fine , impotentique fluxæ gloriolæ desiderio infecta. Quemadmodum Moyſis virga ad terram demissa torta est & retorta , donec versa fuit in tetrum colubrum ; rursus autem elata in propriam restituta est rectitudinem ; ita cordium divino ministerio sacrorum acies in DEUM non rectà tendens, sed ad terrestria demissa, enormiter adeò incurvatur, ut omnem rectitudinis suæ amittat pulchritudinem , & serpentis infernalis imaginem exactissimè referat. Quid quod Divini verbi præconibus inanis gloriæ glaucomate obnuptis, & cum excoecato Samsone hominum dæmonumque risibus ludibriisque expositis, plurima alia accrescant damna , atque fulgentissimi bonorum donorumque radii in horrendam perpetuamque caliginem convertantur, ipsi tanquam ligna fiant arentia, sive [Olympiodoro dicente] nullum humorem boni spiritus habentia, inepti

epti infœcundi & debiles ad omnia reddantur *Hof. vii.*
 pietatis sinceræ munia, nec ad pascua salutis
 oves subditas deducant. Ventum juxta Pro-
 phetæ effatum ejusmodi Doctores *seminantes,*
turbinem merent, hoc est procellas mentisque
 anxietates gravissimas incurrent, inque mille
 curas scissi per mille dilacerabuntur affectus,
 in universis tandem dissipandi actionibus. O
Pastor, ô Idolum [ait per Zachariam ipse DEUS] *Zach. XI.*
 vel ut significantius Septuaginta legunt: O
Pastor vanus! derelinquens gregem, gla-
dus super brachium dextrum ejus, & super
ejus oculum dextrum; suas nimirum pasto-
 res elati vanitates pascentes, & dextræ inten-
 tionis oculo & manu operationis dextræ desti-
 tuentur, atque arefcent tantoperè, ut nihil
 æternâ retributione dignum operentur. Imò
exscindentur æternum ejusmodi Nazarai,
saphiro licet pulchriores ira divina gladio,
 atque sempiternam incurrent dejectionem.

XIV. Formidabilem * Alphonfus de An-
 drada recenset historiam de Hispano quodam
 concionatore eloquente quidem & docto, sed
 vano, magisque auditorum plausum captante
 quam solidum fructum; Hunc ab alio concio-
 natore docto & pio graviter monitum: *Ue*
Chri-

* *Alphonfus de Andrada in Duce Virt. lib. I. cap.*
31. §. 3. & ex eo Guil. de Wael in Corona. nec non
Joh. Weyer Fil. Adopsiv, Tom. I. Lib. II. c. 19.

Christum solum pradicet crucifixum, anti-
mas q̃ Salvatoris sanguine redemptas unice
quarat; amicam adeò fraternamque correptionem
prorsus contemisse, sed malo suo maxi-
mo: Nam paulò post (inquit Andrada) ille
inopinato graviq; morbo correptus intra dies
paucos vivere desit, tertium verò post diem
circumquaque combustus apparens, inque cœ-
lum brachia jactans, voce lacrymabili enunci-
avit, eternam confusionem operuisse faciem suam,
scil. propter inanem gloriam, quam toties vanis
suis quæsierit concionibus, verbum adul-
terarit divinum, semperque magni æstimari
petierit. Audiant hæc & ponderent omnes
ad concionandi munus assumpti, videantque
ut dignè sua ambulent vocatione, ne verbum
vitz ex ore ipsorum emissum, præconibus in
mortis æternæ ignem convertatur. Multi
[ait nonnemo] apud inferos cruciantur, qui cum
suis sermonibus aditum ad cœlestem beatitudinem
multis aperuerint, ipsi, quod falsa fallaciq; sui o-
piniõne inflati germana animi submissione vaca-
rent, ad sempiternas illas pœnas sunt devoluti. Ha-
beant itaque frequenter prædicatores illud
Christi in ore: Ego non quero gloriam meam, sed
eius qui misit me, cumque aliqua inanis gloriæ
tentatio eos quatiat, eadem cum intimo animi
verè christiani sensu repetant verba, addant-
que: Si ira Christus quid ego? Ad animum
quoque sibi frequenter Paulina illa revocent;
Sicut

Sicut probati sumus à DEO ut crederetur nobis *I. Thess.*
 Evangelium, ita loquimur, non quasi hominibus *II.*
 placentes. sed DEO qui probat corda nostra. Ne-
 que enim aliquando fuimus in sermone adulationis
 sicut scitis, neq; in occasione avaritiæ DEUS testis est.
 nec quærentes ab hominibus gloriã, neq; à vobis, neq;
 ab aliis. Quid tam absurdū, quam vitia insecta-
 ri per vitia, imitariq; eorum Philosophorum
 vanitatem, qui [ut ait Tullius] de conte- *Cicero*
 mnenda gloria libros scripserunt, & in his i- *orat. pro*
 pſis proprii nominis gloriam quæſiverunt? Ca- *Arch. &*
 veant ergò sibi tanquã à pessimo fure à gloriã *alibi.*
 inani, laudibus populiq; applausu conciona-
 tores, pestiferum huncce pulverem de pedi-
 bus excutiant, omniq; cura dispiciant, ne
 cum aliis prædicaverint, ipsi fastu elationeq;e
 obsessi reprobi fiant. Valde quidem difficile
 Concionatori esse Chrysostomus judicavit o- *Chrysost.*
 mnem planè laudis superare appetitum, ast *Homil.*
 longè gravioribus doloribus eos esse obnoxios, *XVII.*
 qui cum isto desiderio in docendi certamē pro- *in Epist.*
 dire soleant, notanterq;e subdit; elegerim *ad Rom.*
 potius innumerorum barbarorum servitutem,
 quam semel unius gloriæ inanis, neque enim
 captivis illi suis talia præcipiunt, qualia sub-
 ditis suis ista jubendo mandat: *Omnium* (in-
 quit vana gloria) *servus esto, animam contem-*
nito, virtutem negligito, libertatem rideo, salutem
tuam destruito, & si bonum quid feceris non ad hoc
facito, ut DEO placeas, sed ut multis ostentes, &
coro-

*coronam que benefacientes manet, perdas, quid
 quæso poterit hisce præceptis crudelius fieri ? Ut i-
 taque miserrimam hanc servitutem cuncti præ-
 cones evangelii effugiant, ex ejusdem Docto-
 ris verè aurei præscripto illam principio gra-
 vissimam esse sibi persvadeant, (siquidem æ-
 grotus confestim de medico cogitet, quam-
 primum ægrotare se cognoverit,) posthæc
 perpendant auditorum plurimorum judicium
 sententiamque corruptissimam esse, nec cor-
 ruptam solùm, sed & subito marcescentem,
 cum frequenter accidat, ut qui summis orna-
 tu fuere elogiis, puncto tamen temporis vix præ-
 terito omnium contemptui exponantur ;
 Christi igitur verbum & parietibus, & januis,
 & menti potissimùm inscribant, atque continuè
 sibi metipsis dicant : *Ve nobis quando nos lauda-*
verint homines, qui ipsi postremò nos veluti va-
 ni honoris præconiique stultè amantes meritò
 vituperabunt. Et quis christianorum quo-
 rundam oratorum (de populi plausu gloriaque
 tumidorum) commiseratione non tangatur,
 eò quod alienorum morum magistros agere,
 attamen longè adeò à veræ humilitatis gy-
 mnasio recedere non dubitent, ut si populi
 (multicipitis illius bestia) plausu densâque
 concione sermones suos excipi videant, (qui-
 cunque tandem fructus operæ existat,) toto
 triumphant pectore, è contra verò mœrore
 supra modum ac debitum contrahantur, lin-
 quan-*

Luc. VI,

quanturque animo, si infrequentior adsit concio, & vix qui auditum laudet sermonem compareat.

XV. Sollicitè insuper Orator Ecclesiasticus ad noxiam laudis existimationisque propriæ famem retundendâ ea sibi ad animum revocet, quæ tum apud priscos & supra laudatos Doctores, tum ipsos etiam Gentilium magistros cumprimis Epictetum, Senecam & Ariannum reperiuntur. *Si invitaveris alias* (egregiè monuit is quem loco ultimo posuimus, Ariannus) *ad Te audiendum, & ut Tibi recitanti aliquid, aures prabeant hortatus fueris, vide primum ne istud facias temerè, deinde utrum illud sit, quo prodesse aliis, an quo tu laudari velis? Aliquis statim erit qui hoc insusurret: Quid mihi opus est applausu multorum? & rectè quidem monebit. Opus enim Musico quia Musicus nihil est laudatione, nec Geometra quia Geometra. Ergò prodesse vis? Sed in quâ re, dic nobis? ut & ipsi ad Te audiendum accurramus. Num potest aliquis prodesse in eo ex quo ipse nullam percipit utilitatem? Non; pluribusque ostendit Arianus nullam percipere ex suis dissertationibus utilitatem eos, qui plausu auditorum detractò tristes abiissent, eoque impetrato supra modum exultassent. Nuper (inquit) aliquando tardius dum convenirens auditores, nec acclamarent, humilis & abjectus discessisti. Proximè autem col-*

*laudatus obambulabas, & rogabas singulos:
 Quidnam tibi sum visus? Admirandus
 Domine, dispaream; ac ita affectus nihilo-
 minus affirmas mihi, te in appetendo & ca-
 vendo sequi naturam ducem, abi & alii istud
 persuadeto. Et mox: Sic ergo depravatus
 & inhians laudatoribus, numeransq; audi-
 tores tuos, vis aliis prodesse? Hodie plures
 ne audierunt multò? Equidem per multi, vi-
 dentur enim fuisse quingenti. Nihil dicis,
 Esto fuisse auditores mille: Tot nunquam
 habuit Dion. Quis fit? quia eleganti ora-
 tione capiuntur; ornata enim oratio vel la-
 pidem movere posset. En voces Philosophi,
 en facultatem ejus qui prodesse possit homi-
 nibus, en hominem intelligentem rationum!
 Quas hujusque farinæ alias jactationes haud
 abs re subfannans prolixè ostendit Arrianus
 quanto perè ea differendi ratio fuerit à Socrate
 aliena, qui concionem dimissurus, nunquam
 ut cæteri jactare consuevisset gravia recondita-
 que ea fuisse, quæ attulerit in medium. Multò
 magis ab oratore Christiano ista dementia esse
 debet aliena, quam in profanis gentilibusque
 Arianus ex Socratis & Epicteti mente tanto-
 perè reprehendit atq; castigavit, sola apud eos
 DEI gloria esse in pretio, ad scopum huncce
 unicum*

unicum omnes & conciones suas dirigere deberent & actiones, uti prolixè non minus quam egregiè & eleganter maximus Oratorum christianorum nempe Joh. Chrysostomus edisseruit : *Quæ sunt* [ait notanter] *quæ nos offen-*

dunt ? multa & varia , maxime autem ad *Johan. Chrysost. Homil. 7.*
HUMANAM GLORIAM *spectare , & in Genes.*
nescire eam contemnere. Hoc enim mul. circa si-
 torum nobis causa malorum fit , & si quas nem.

spirituales habemus divitias, eas evacuat, & utilitate, quæ ex eis capi potest, nos destituit.

Quid igitur fuerit damno hoc perniciosius, quandoquidem à nobis avolare facit etiam ea quæ nos habere putamus - - Dic obsecro mihi, & quare ita laude humana teneris ? Nescis quod sicut umbra, & si quid illa vilius, ita & illorum laus in aerem diffusa evanescit ? Alioquin inconstans & instabile est hominum genus ; & illi ipsi, quem nunc laudant, non multo post vituperant, quod in sententia DEL nunquam usu evenit. Ne igitur ita desipiamus, ne temerè & absque fructu fallamus nos ipsos. Nam etsi bonum quoddam facimus , non autem propter hoc solum agimus , ut mandatum Domini nostri impleamus, eo solo convincemur laborem nostrum

frustra factum, privabimusque nos fructu quem assequi licuisset. - Et quid miraris, NB. si hoc eveniat his qui SPIRITUALES PHILOSOPHOS (seu Verbi divini præcones) agunt, quum & hi qui hujus Mundi studia sectantur, hos maximè contemnunt & despiciunt, qui ab hominibus quarunt gloriam? inveniesque ab omnibus conviciis incesse eos, qui humana gloria inhiunt. Quid igitur miserius nobis QUI SPIRITUALES VIDERI volumus, si similes illis fuerimus, celebrari ab hominibus cupientes, & si non suffecerit nobis laus à Domino, sicut & Paulus dicit, cujus gloria non ex hominibus, sed ex DEO? Non vides dilecte in eorum ludis, quomodo hi qui equos agitant, non advertunt plausum populi assidentis & celebrantis, neq; ex eo plausu voluptatem capiunt: Sed & ad unum solum spectant Regem in medio sedentem, & ad nulum illius attendentes, totam multitudinem despiciunt, & tunc solum animo extolluntur, cum ille eos coronaverit? Hos igitur & Tu imiteris. Non magni momenti facito hominum famam, neque propter eam

exerceas virtutem, sed à justo Iudice sententiam expecta, & ad illius nunc intentus esto. Hæc à B. Chrysoft. sapientissimè dicta in quos ævo nostro S I R I T U A L E S cadant viderint alii. Utinam reipsa tam infesta illis & exosa esset humana laus ac gloria, quàm multi infestis eam & vocibus & calamis huc usque appetiverunt. Utinam quod de dissertationibus adversus superbiam proditum est à Richardo Victorino, Spirituales etiam Viri sæpè dum in prædicationis officio superbiam exagitant disputando, de ipsa dissertatione orationeq; habita non superbirent! Utinā omnes *Richardo à S. Vict. in Benjamin mi nore c. 46. Climac. grad. xxx.* *ἐὺνοῶμαι τὴν μυστήριον τῆς Θεῆς* eodē præditi essent animo, quo insignis ille pietatis doctor, cuius optimus Climacus alicubi honorificam fecit mentionem: *Quendam (ait ille) toto animi affectu audiivi dicentem: NON NOBIS Domine non nobis &c. Abs Te, pergebat, & Domine LAUS mea in Ecclesia magna futura est, scil. TEMPORE; prius enim quam illud adveniat, laudem sine periculo ferre non possum.*

XV. Quid est denique cur Doctores Christiani sive Ecclesiastici sint, sive Academici, Theologi sive Philosophi, quid est inquam, cur optare tantum, ne dicam sollicitè captare velint humanæ inanisque gloriæ auram tam citò

evanescentem? Cur ullatenus turbari laude favoreque mundano dispallescente, floreque ejus marcescente multum cruciari? Fugiant potius omnium Ordinum atq; Facultatum viri eruditi summo conatu ac studio istam malorum infinitorum lernam, atque coloris cito pereuntis pigmentum, à foedissima illa semper abhorreant idololatriâ, ne plusquam cimmeriis involuti tenebris in extremam tandem aliquando cadant sui deceptionem. Si animus quandoque ex laude turgescat, mox cogitent quantum capitibus suis imminet periculum ab eo, qui omnem cervicem elatam deprimit, & colles omnes deducit in plana, propterea nullos inanes vanosque efflagitent plausus, quin potius omni eisdem declinent ingenio, neque animis ipsorum unquam obversetur quantum sciant, sed potius quantum nesciant, sique cristas erigat doctrina, ad eos referant oculos ad quos nihil didicisse videantur. *Non parum est scire. quid nescias*, scite quondam ad Vigilantium scripsit Hieronymus, longè equidem satius esset margitem esse & literarum penitus rudem ac plumbeum, quam turgidè doctum, inanisq; gloriæ vento inflatum, siquidem incurabilem ferè labem animæ inferat arrogans scientia, virtutumque adem impotens iste halitus foedè subruat atque succutiat. Cum maximis gravissimisque doxosophorum gentilium periculis atque casibus probè edo-

ctus

Etus esset Isidorus PELUSIOTA, quantam
 Doctōribus cunctis damnum inferre soleat ni-
 mius inanis vanæque gloriæ amor, omni viri-
 um nisu Theosophos christianos à pernicioso
 illo studio duxit revocandos, ne scilicet honoris pro-
 prii studiosissimos philosophos Græcos Romanosq; hoc lus. Lib.
 est prisca Animalis GLORIAE imitentur, sed potius i. Epist.
 assentatorem [ut ipse notanter alicubi scribit] 374.
 factum, siccam atq; inanimam superbiam, INA-
 NEAM terrenamq; GLORIA M omni viritum
 (cœlitus concessarum) nisu tollant è medio, ad
 Christi Salvatoris exemplum gloriam ab homini-
 bus minimè quærentes. Quin imò causam ali-
 cubi indagaturus, veramque ostensurus ratio-
 nem, cur veterum Theosophorum scripta, li-
 cet simpliciora atque verborum respectu impo-
 litiora, longissimè tamen præstent politissimis
 atque elaboratissimis oratorum ac philosopho-
 rum profanorum monumentis? non aliam in-
 venit quam quod hi gloriam duntaxat capta-
 verint PROPRIAM, illi verò SALUTEM au-
 dientium ante oculos habuerint, unde factum
 sit ut profani isti scripserint plurima, quæ nec
 ullum legentibus commodum, neque ullum ea
 respuentibus damnum attulerint. Sapenumè-
 rò (ita idem Isidorus ad Theognostum
 Diaconum præclare scribit) mihi in men-
 tem venit mirari eos, qui Dialogos composu-
 erunt, & orationes prolixas conscripserunt,

Isid. Pel-
 usiot. Lib.
 IV. Epist.
 140. ad
 Harp.
 Soph.

Idem Lib.
 IV. Epist.
 67. ad

Theognost.
 Diacon.

quod f.m. 448.

Bb 4

quod SUIÆ quidem GLORIÆ nimis magnam habuerint curam, dum sublime & grande sophos spirante sermone fuerunt usi; utilitatem verò auditorum neglexerunt, cuius profectò maiorem ducere rationem ipsos decuerat. Quantumlibet enim magnam gloriam consecutis scriptoribus, ad ceteros certè parum inde utilitatis redundare queat: Aliis verò utilitatem percipientibus, magna virtutis accessio sit futura. Verum enim verò quia ad id quod sibi conducere solùm intenti fuerunt, aliorum utilitates insuper habuerunt. Quocirca etiam divinam vituperant scripturam (en nasutorum quorundam nostri quoq; ævi philologastorum expressissimam imaginem!) quod non exquisito & ornato dicendi genere, sed humili atque pedestri usa sit. At nos vice versa ipsorum quidem philautiam atque ambitionem jure accusamus, qui GLORIÆ PROPRIÆ studio ducti, aliorum minimam habuerunt rationem: Scripturam autem verè divinam criminationibus ipsorum liberemus, dicentes, eam non suæ propriæ gloriæ, sed potius audientium salutis studio.

studiosam fuisse. Quod si tanto tenen-
tur amore sublimis dictionis, discant, me-
lius esse, ut ab idiota ac plebeo homine ve-
ritatem, quam à Sophista mendacium disci-
mus. Alter enim simpliciter & breviter
quod res est dicit, alter verò sapè obscurita-
te suâ cum veritatis occultat pulchritudi-
nem, tum sua suaviloquentia ornans men-
dacium, in aureo vasculo solet miscere vene-
num. Quod si veritas cum ornata orati-
one conjungatur, eruditos quidem juvare pô-
test, aliis autem omnibus nulli usui utili-
tatique erit. Qua causa quoque est, quare
Scriptura Sacra veritatem pedestri sermone
exposueris, nimirum ut tam idiota quàm
sapientes, quâ pueri, quâ femina eam cogno-
scerent. Gemina hisce insignis ille Doctor I-
sidorus scripsit ad Harpocram Sophistam, va-
ria ac multiplicia hominum profanè erudito-
rum studia dicendi que genera examinans, ac
inter se quasi committens, divinis tandem li-
teris earumque scriptoribus pariter ac cultori-
bus præ omnibus istis doxosophis justissimam
tribuens palmam. Alios quidem eorum [O-
ratorum scil. poetarum ac philosophorum pro-
fanorum] epopœiâ i. e. heroico carmine fu-
isse delectatos; alios gravitate Tragediæ, a-

*Idem Isi-
dor. Lib.
IV. Epist.
91. f. 46.*

lios blanditiis ac lenociniis Comœdiæ, alios
 copia Rhetoricæ captos, sed nec hos inter se
 consensisse, cum sint qui sublimitatem Platonis
 sint amplexi, qui Thucydidis gravitatem, qui
 Isocratis tenuitatem, qui Demosthenis vehe-
 mentiam adamarint. Rursum alios Lysia ap-
 pertum dicendi genus laudasse, alios contra
 Isæi orationem utpotè Isocratis dictioni con-
 venientiore; alios denique Æschynis per-
 spicuum & candidum dicendi genus cæteris om-
 nibus prætulisse. Cum igitur tam variæ
 fiat (*pergit Isidorus*) ac dissentientes ho-
 minum (*profanè scil. doctorum*) opiniones,
 equidem non habeo dicere quæ fieri pos-
 sit, ut scriptor aliquis omnibus placeat;
 itaque illi, ut QUI AD GLORIAM re-
 spiciant, scribant ut ipsis lubet. At sacra
 & cœlestia oracula, quoniam ad universi
 generis humani utilitatem pronunciata
 scriptaque sunt, perspicuitate sunt tem-
 perata. Ex hæc enim & illi qui aliis vir-
 tutibus orationum delectantur (sunt au-
 tem hi perquam rari) nihil quicquam
 detrimenti patiuntur, semel intelligen-
 tes ea quæ oraculis illis continentur - -
 Quid quæso sunt vel Platonici Dialogi, vel
 Homericæ tabulæ, vel legislatorum co-
 dices,

dices, vel Demosthenis libri, vel Tragœ-
 diæ varii atq; inopinati casus, vel Comœ-
 diæ argumenta, si ad hanc virtutem &
 brevitatem perspicuitatemque conferan-
 tur? Quot Dialogos conscripsit eruditis-
 simus Plato dum conatur demonstrare
 quid sit justitia? nec tamen quicquam
 potuit proferre quod esset perspicuum
 aut persuadere quibusdam: quin etiam
 ipsa libertate cum excidisset, vita exces-
 sit. Quam multa scripsit Aristoteles,
 Platoni se opponens, ejusque dogmata
 traducens velut in Comœdia? Sed nec i-
 pse quicquam utilitatis contulit, nisi quod
 pugnam verborum vitæ humanæ gene-
 ravit. Quam multa Stoici adversus A-
 ristotelem armati conscripserunt? sed
 horum quoque extincta sunt dogmata.
 Comparent igitur cum iis qui sapientes
 perhibentur divinorum oraculorum per-
 spicuitatem, & desinant nugari divinam-
 que oraculorum dictionem amplectan-
 tur, quæ non ad **AMBITIONEM**, sed ad
UTILITATEM audientium respexit.
 Neq; alio fine hæc edisseruit laudatissimus ille
 Isidorus quam ut (sicuti antea notavim⁹) Theo-
 sophos

sophos christianos à vanæ & inanis gloriæ amore ac studio revocaret, ne in parem cum doxosophis istis incidant insaniam, gloriâque humanam nimis sollicitè captando veræ perpetuæq; laudis tristissimam subeant jacturam. Si

Idem Isidor. Lib. V. Epist. 504.

GLORIAM sectaris (*ita notanter Serenum quendam Diaconum compellavit*) eam fac contempnas: sic fiet ut illa potiaris. Contentiosum enim est hominum genus, & de præstantia libenter dimicat. Vincere enim studet eum, qui victoriæ inhiat. Cum jucunditate autem submittere se illi, qui vincere non desiderat, consuevit. Ennobilissimum vincendi genus, viamque ad præfulgidæ gloriæ apicem rectissimam pariter ac tutissimam! *Quid ergò* [appositè quærit Augustinus] *scientiam fugere debetis? electuri estis nihil scire potius, quam inflari? Ut quid vobis loquimur si melior est ignorantia quam scientia? ut quid vobis disputam? ut quid vobis distinguimus? ut quid quod nostis admonemus? quod non nostis inferimus? Scientia cavenda est ne inflat? ergò amate scientiam, sed anteponite charitatem; scientia si sola sit inflat, quia verò charitas adificat non permittit scientiam inflare: ibi ergò inflat scientia, ubi charitas non adificat.*

August. Serm. xxxv. de Verbis Dom.

ubi

ubi autem adificat solidata est. Nimirum probe intellexit Magnus ille Præsul Hipponensis, quantoperè scientia obnoxia sit, turpi ac pernicioso ELATIONIS spiritui, ut non facilius libri tineis & blattis corrumpantur, quam eruditi, nisi diligenter caverint, ex scientia insolescant, pestiferumque tumorem concipiant. A quo si tuti esse velint ipsi etiam Literatorum Principes, & ad optimæ laudis procurrare metam, sæpius cogitent gloriam non inanem, sed veram excipere cunctos doctrinæ & virtutis solidæ cultores, ac professores, nulliq; antiquitus magnum impertitum fuisse honorem, cui virtutis emeritæ specimina non præluxissent; eos præsertim supremi honoris fastigio [ipso suadente oraculo] dignos olim fuisse habitos, qui singulari doctrinæ scientiæq; fulgore rutilantes, cæteros quoque ad virtutem erudire statuissent. Ea de causa ipsum Platonem certatim à sapientissimis Principibus è longinquo advocatum fuisse accepimus, ut rectoris administrationis vitæque ad virtutis solidæ leges instituendæ rationem omnes edoceret, quo etiam sine eum Dionysius Sicilia Tyrannus aureis quadrigis venientem admodum honorificè excepit, * nec minus Heracli-

* Iavafitaliquando (ita Bartolus in charact. hom. liter. p. 100.) Dionysium tyrannum philotophandi seu ardor nobilis, seu cæciores, quo festi tractando ferro tyrannidem quam exerce-

bat in corpora , feliciter in hominum animos exerceret. Utcumque fuerit, Athenis Platonem accersit Syraculas , nec par erat futurus quilibet alius erudendo illi saxo, ex quo tamen nunquam excudere Mercurium valuit. Nempe homines potens in philosophos mutare, feram in hominem vertere non norat. Venit Attico melle fluens Plato , sed illam caesuram sanguine imbutam spongiam mellis ejus vel una stilla subire non potuit. Mox tamen ut audiri coepit apud Daonysium Plato, ea Tibi conversione repentinâ scenam tota aula mutare, & quasi virgæ contractu magicæ ab ea quæ fuerat, videri penitus alia. Hæc Regia cruciatum civium macellum , & Caci spelunca ; hodie lyceum & sapientiæ augustal , in quo non soli philosophabantur homines, sed & parietes, quorum nulla pars erat vel geometricis vacua descriptionibus, vel numeris philosophicæ computationis. Ipse cognomentum carnificis publici philosophi nomenclatione veneranda sepehærat Dionysius, spectabaturque jam inter principes tanquam semiDeus, & celebrabatur ab eisdem quibus paulò ante execrationi fuerat, & honori. Tantum valentia Principem literæ !

raclitum Rex Darius literis humanissimis evocatum ad regiam deduxit domum, ac nullâ non favoris benevolentiaque suæ scatebra recreavit. Sic Tito Flaminio quondam in Græcia veluti Numini ob egregiam atque superexcellentem virtutem libatum fuisse, Plutarchus testatur. Taceo honorem Aristoteli Delphis decretum in supremæ sapientiæ decus , & quem Romani Duillio , Athenienses Harmodio & Aristoteli

Aristogitoni conditis etiam statuis imperti-
vere; Nonne Pompejus ex Asia rediens Rho-
dumque pertransiens Possidonio Philosopho
laureatos fasces, ipsaque victricia submisit in-
signia, nec Viri eruditi januam, quasi Regia sua
atque imperio sacrationem à liectore pulsari
permisit? Nonne satis abunde constat, prima-
rios in Orbe etiam Christiano pietatis & virtu-
tis solidæ Doctores ac Professores, tandem veri
honoris apicem ex solo VIRTUTIS merito
attingisse, nec famæ solùm, sed & animæ beatam
consecutos fuisse immortalitatem? In medium
producere possemus universum priscorum Ec-
clesiæ Doctorum egregiè splendentium cho-
rum, Ignatium cum primis illum Theophorum, *Videatur*
Dionysium Arcopagitam, Justinum Marty- *Vetus A.*
rem, Irenæum Lugdunensem, Cæcil. Cypria- *cademia*
num, Athanasium Alexandrinum, Basilium *J. C. e-*
Magnum, Gregorium Nazianzenum, Am- *xemplis*
brosium Mediolanensem, Augustinum Hip- *prisco.*
ponensem, Hieronymum Stridonensem, Jo- *rum pie-*
hannem Chrysostomum, Bernardum Clara- *tat. s. vera*
vallensem aliosque plurimos, quos non tam e- *Doctores*
ruditionis, quam virtutis & pietatis summae *a nobis il-*
fama per veræ laudis præconia jam olim eve- *lustrata*
ctos ad summa honoris sedilia locavit. Tales *& edit.*
nimirum sanctis istis Doctoribus mores fue- *1671,*
runt, quales sermones, tale exemplum, quale
dogma, ut vixisse eos moribus, docuisse exem-
plo, prævisse ad honesta omnia virtute pro-
pria

pria satis fuerit exploratum. Hinc quoque tantoperè eorum crevit gloria, hinc laus atque existimatio illorum tanta accepit incrementa, ut vivarum legum, & animatarum quasi pietatis sinceræ formarum ac imaginum loco jam pridem habiti fuerint, adeoque ad summæ laudis metam [vanæ & inanis gloriæ præstigiis neutiquam obfascinati] felicissimè pervenerint. Horum vestigiis si insisterent eruditorum singuli, ac de veræ potius quam vanæ laudis gloriæque veræ thesauris conquirendis essent solliciti, planè egregia supremæ illius sapientiæ ederent specimina, cujus Doctores pariter ac sectatores strenuos **L A U S** (non vana fallax & peritura, sed solida, ingens & fulgentissima) **MANEBIT IN SE C U L U M.**





COMMENTATIONIS III.

A P P E N D I X

De

LIBRORUM FELI-
CIBUS PARITER AC INFE-
LICIBUS CONDITORI-
B U S.

XVII.

QUandoquidem ERUDITORUM homi-
num plurimi fatuos umbratilis glori-
olæ igniculos præprimis LIBRO-
RUM operumq; variorum EDITIO-
NE insectentur, imò tantoperè famæ inhi-
ent inanitati, ut laudari à posteritate (hoc est
ab illis quos viderunt nunquam) impensissi-
mè desiderent, hinc cunctis ad veram felicitatem
aspirantibus eruditis apprimè cavendum,
ne gloriosæ eiusmodi vanitatis fidere afflati,
extremam cum turgidis quibusdam librorum
conditoribus incurrant miseriam, & ne (si
Cc pro-

præposterè nimis de magnâ potius quam bona famâ, aut vita bonâ solliciti fuerint) post impensas curas usque ad sudorem, post evolutos authores usque ad pallorem, post devoratos labores usque ad nauseam & tædium, post exhaustas ferè omnes animi & corporis vires æternæ infamiæ tradantur. *Quot scriptorum la-*

Bart.

charact.

lit. pag.

335.

boribus (verba sunt Dan. Bartoli) pressoria torcula gemuerunt, in quos illud Ausonii bellè cadat:

Utilius dormire fuit, quam perdere somnum,

Atque oleum.

Quam multi vigilatas noctes libris sudarunt componendis, quos absq; somno nullus legat, nisi cui somnum excusserit indignatio in auctorem! Quot olim vixere fama gloriâque singulari conspicerati ho- cui Viri, quorum memoria eodem sepulta est *minis se-* tumulo quo cadavera; quorum aliquando laudata opera, mox æternæ oblivioni data, vel si extent in literarum monumentis eorum nomina, non sunt scripta in cœlis, libroque vitæ inserta; quam multi ex illis solâ infamia famosi; quam innumera periêre doctorum hominum monumenta, qui per ea famam sibi immortalem parare laboraverunt. *Quam multi* [ita-

Confer.

pium li-

terati ho-

minis se-

cessum

p. 141.

Rayn. de

bonis &

mal. lib.

p. 322.

notanter Raynaudus) apud Photium authores ex solo Photii breviculo noti sunt, operibus planè deperditis? Postea etiam quam multorum opera omnis generis & omnis æ-

tatis,

tatis, nullo licet interposito adverso casu vel
 confixione perierunt. Nec ipsum arbitror
 mundum capace fore librorum, qui non di-
 co aliquot ante Christum seculis, sed non
 ita multo ante nos editi sunt. Evanuerunt
 quàm plurimi & levarunt Orbem. Eadem
 fors indies plerisq; obtingit. Ac licet quo-
 rundam operum vita tempore diuturna fuerit,
 quid profuit ea authoribus defunctis? annon
 melius illis fuisset omni fama caruisse, quam
 cum magnâ æternum periisse? Quod si quæ-
 dam literatorum hominum volumina aliquam
 nacta sint gratiam, nullam tamen gratiæ par-
 tem in suos transferre potuerunt authores, sed
 his in re præsentis factum quod Lactantius alibi
 sculptoribus exprobravit, nimirum ut eorum
 adoretur manus & labor in statuis, cæterum
 ipsi spernantur protinus, donis statuæ colan-
 tur, premantur verò earum artifices calcibus,
 suspiciantur pro Diis saxa, pro saxis sculpto-
 res habeantur. *Quid inter se* (ait Lactan-
 tius) *tam contrarium quam statuarium de-*
spicere, statuam adorare, & eum ne in con-
vivium quidem admittere qui Tibi Deos fa-
ciat? Proin parum sapè emolumenti scripto-
 ribus accedit, etiamsi monumenta eorum ma-
 ximo apud nonnullos in pretio habeantur, va-
 rioquelegantur idiomate, nimirum spretis ar-
 tifici-

Lactan-
 tius de o-
 rig. error.
 cap. 2. ex
 Seneca,
 confer
 Bartol.
 charact.
 pag. 5.

tificibus insensatae adorantur statuae, honor-
que authoribus debitus, soli ut plurimum ope-
ri exhibetur. Haud abs re Jacobum Billium
(qui immortalem ex Patrum quorundam edi-
tione gloriam est consecutus) commendavit

*Sammar-
thanus*

*Elogior.
lib. III.*

pag. 76.

Scævola Sammarthanus in illustrium Gallo-
rum elogiis, quod licet totus in scribendi labo-
re semper fuerit, nullum tamen unquam atti-
gerit argumentum, quin ad pietatem illud ac
religionem pertineret, *cetera omnia* [notanter
addit Sammarthanus] *tanquam fluxa & caduca*

Idem l. c.

lib. V. p.

105.

generoso quodam animi vigore contemnebat. Nec
minus Jacobum Fajum Speffacum Virum lon-
gè doctissimum tam longè ab omni gloriæ fu-
mo abfuisse idem memoravit, ut cum tradere
posteris multa posset ingenii sui documenta,

Idem

lib. IV.

p. 120.

tamen post absolutissimas tot veterum lucu-
brationes publicare novos libros non modo su-
pervacaneum esse duxerit, sed etiam ineptum.

Claudium Puteanum denique idem Sammar-
thanus posteritati commendavit, quod licet eo
homine ætas nihil doctius tulerit, pro singu-
lari tamen animi sui modestia scriptis nun-
quam inclarescere voluerit. Equidem si do-
ctrinâ virtuteque sublimiori conspicui Viri
gloriosæ illius vanitatis vestigia paulò diligen-
tius observent, vix unquam nominis sui affe-
ctabunt perpetuitatem, sed DEO solum & be-
atæ æternitati (si quæpiam scribendi necessitas
iis incumbat) curas atque meditationes suas

con-

consecrabunt, haud quaquam per eas immortales fieri cupientes, sed immortalī & invisibili seculorum Regi honorem unicè tribuentes, *non solum alius (ut Augustinus loquitur) scribendo proficiens, sed ipsi proficiendo optima quaque scribent, studiosè etiam observantes præclarum* Petri Venerabilis consilium Gilberto cuidam olim subministratum: *Seratur in chartula verbi divini seminarium, quod maturis segetibus, hoc est libris perfectis, multiplicatis frugibus esurientes lectores repleat, & sic panis cœlestis lethalem animæ famem repellat, sic planè, sic verbi divini poteris fieri taciturnus predicator, & lingua silente in multorum populorum auribus manus tua clamorosis vocibus personabit: Clausus tenebris in spelao tuo & in codicibus tuis, terras & maria peragrabis, in publicis Ecclesiæ conventibus lectoris ore verbum DEI de sublimi loco in clamabis, inq̃, remotis claustrorum & domiciliorum angulis illud idem servis DEI silentibus insusurrabis.*

*Petr.
Vener.
lib. I. Epist. 20.*

XVIII. Magnifica est Scriptoris cuiusdam ævo nostro clarissimi vox, & digna quæ Literatorum omnium auribus in clametur: *Nihil moror Libros, sed combustos omnes velim, si DOCTIORES tantum, non*

*Salmas.
Epist. XXXV.
ad Jac.
Cruc.*

etiam *MELIORES*, qui illis dant operam reddere sint idonei. Itaque maximopere *SCRIPTOREM* quemlibet ea cura atque cogitatio versare debet, quâ ratione summè utilia necessaria salutariaque ingenii monumenta parare inq; publicam dare lucem queat. Non frustraneum solum, verum infortunatum etiam, atque damnificum illum laborem esse, qui otiosis & inutilibus libris conscribendis impendatur optimorū & sapientissimorū virorum constat judicio. Sicuti (juxta sacrum effatum) filiorum insensatorum multitudo parenti in opprobrium vergit, non verò in ornamentum, ita librorum (quos haud abs re ingenii liberos veteres nuncuparunt) inutilium noxiorumque copia auctoribus suis maximum dedecus extremamque infamiam conciliat. Cum celebris quidam seculi hujus Scriptor in operis sui fronte illos Literatorum labores *Herculeos* dixisset, qui *fatigationibus immensis commoditates adferant aliis, auctoribus verò suis præter aliquantulum famam, plurimumque invidia, nihil*; nonnemo acerbè satis rigideque illum tractaturus enuntiavit, *M. LABORES EOS ESSE, qui fatigationibus immensis, nec commoditates aliis, nec auctori suo aliquantulum fama, sed plurimum infamia adferant.* Quicquid verò de Scriptoris illius monumentis

Phil. Lab.
Tom. I.
de Script.
Eccles.
pag. 380.

tis sit statuendū, nemo facile inficias ibit effatū
 istud cum primis locum habere in omni libro-
 rum inutilium otiosorumque genere, quorum
 auctores speratæ gloriæ loco extremam infami-
 am fatigationibus suis consequuntur. Licet
 sapientiam absconditam, *inutilem* (non secus
 ac thesaurum invisum) Siracides pronunciave- *Sirac.*
 rit, notanter tamen *hominem qui stultitiam* *cap. 41.*
suam abscondat, meliorem esse judicavit eo,
qui suam sapientiam evulgare recuset. O
 si insensati quidam librorum conditores eam
 quam habere se putarunt abscondissent sapien-
 tiam, nec evulgassent illos suos luce indignis-
 simos foetus, non tantam sibi accivissent apud
 doctiores & meliores infamiam, nec veritatem
 * proverbii illius Talmudici experti fuissent,
quod homines prodeuntes (temerè scil.) *in*
publicum sint quasi tradendi lictoribus, &c.
 Severissimorum equidem judiciorum ac censu-
 rarum aleam ut plurimum illi Scriptores sube-
 unt, qui licet abunde ingenio eruditioneque
 præditi sint, laborem tamen omnem, ætatem ac
 valetudinem in elucubrandis nullius frugis ar-
 gumentis, & libris edendis consumunt, in qui-
 bus scribendis (ut scitè Bartolus ait) *VITA, lo. Bartol.*
gendis verò tempus infelicitè omnino conteritur. caract.

Cc 4

Quod lit. par.

- * Proverb. hoc ex Talmudis tract. de Sab- II. pag.
 batbo haud malè Buxtorfius adscripta qua- 346.
 dam seculo hoc evulgata accommodavit.

Quod si jure meritissimo Seneca quibusdam ævi sui philosophastris succensuit, qui nocturnas vigiliis, & diurnarum velitationum clamores assiduos in puerilia, non risu modo sed ferulis digna conferre neutiquam dubitarunt : *Mus Syllaba est : Syllaba caseum non rodit : Mus ergò caseum non rodit.* O pueriles (exclamat ille) ineptiæ ! in hoc supercilia subduximus ? in hoc barbam demisimus ? hoc est quod tristes docemus & pallidi ; Si inquam Seneca nugaces ejusmodi illiberalium artium magistros meritò reprehendit ; quis obsecro piè-doctorum illos laudaret Orbis christiano-literati incolas, qui vitam omnem studiis inanibus nugisque puerilibus impendere neutiquam verentur ? *Tantane est* (inquit modo laudatus Scriptor) *nugarum futilium ubique penuria, ut juvet iis gravi studiorum & notitium, vitæque adeò multa sumptu, numerosas farcire paginas ? Si possum animo in selectam pradam cum aquilis & accipitribus assurgere, cur malim cum alaudis uno garriendi desiderio alas explicare ? quod illæ dum faciunt, tamdiu cantillant, quoadrupta garritu cadant, suo illo canit adeò læta, ut si canendi magistra cæli Sirenibus fuis-* sent. Navigatio vitæ hujus quam ferme
in

Idem l.c.

P. 348.

in studiis ponitis. (ita post quædam alia Bartolus ævi nostri scriptores eleganter compellavit) felicitas indolis, & scribendi labor quibus potestis rem literariam, auro & unionibus augere, quo tendunt obsecro? quibus amabo vos mercibus locupletamini? fabellis nimirum, altercatione frivola, quæstiuncularum, nugis prope dixi heroicis; amatoriiis inquam nugis; restitutione textuum, aut depravatione potius, emendationibus arbitrariis, conjectaneis, imaginariis, & quid plura? *Quare appenditis argentum Vestrum, & non in manibus* (inquit sacer vates Esaias) quod cum exponat B. Hieronymus de secularibus studiis, quanto verius de vestris, tum planè inanibus, tum sæpè fatuis dici potest? An vivit aliquis Tiberius qui vos matris Hecubæ nomen, qui usurpatum ab Achille inter Lycomedis virgines absconso nomen edere jubeat? - - - An aliquis Domitianus ad quotidianam & diuturnam muscarum venationem vos invitat? Amplitudinem Romanæ urbis ostentaturus Heliogabalus, aranearum telas omnes tota undique de-

cussas & collectas urbe exaggeravit in montem demens, magnitudinem Urbis urbium Reginae stolidè arbitratus hoc documento contineri. Stultum hunc nemo sapiens non videt; est tamen illorum (scriptorum) archetypus, qui experimentum sui publicè præbituri, araneis pluribus quam foliis libros implent argumenti planè inutilis, & tractationis evanidæ ac prorsus inanis. *Utinam tace-*

Job.

XIII. 5.

retis, & putaremini esse sapientes. Plaudatis, si vultis, stultorum amicorum fatuitas celebris; alia propterea non erunt illorum quam quæ in Bachi spectaculis laudavit Diogenes, magna stultorum miracula.

XIX. Sicuti igitur scriptorum ejusmodi inutilium fructuque omni vacuorum ingens est fatuitas, atque pestilentium librorum divulgationem gravissima detrimenta insequuntur, ita satis deprædicari vix potest BONORUM AUCTORUM felicitas, summæ sociata utilitati. Equidem non Scriptoribus solum, verum ipsi etiam Ecclesiæ atque universæ rei literariæ egregia inde accedunt emolumenta. Amplissimam piè-eruditus scriptor lætitiæ gaudiique segetem habebit, si eas ingenii proles fuderit, quæ pietati pariter ac eruditioni sinceræ plantandæ

tandæ propagandæque inserviant. Dila-
buntur opes, corrumpunt ædes, numerosissima
interdum deficit familia, ast præclaris operibus
nobilitata nomina nunquam intereunt. Quin-
imò talis tantaque ea est bonorum piæque do-
ctorum scriptorum felicitas, quæ cum universi
Orbis opibus atque dignitatibus haudqua-
quam comparanda, ne dum permutanda videat-
tur. Non ad vanam illi, sed sanam, non sal-
laciem sed veracem perennemque adspirant
immortalitatem, imperturbatæ junctam tran-
quillitati. Et cum neutiquam præpostera
eos invadat immortalitatis affectatio, quæ pro-
fana seculi mancipia, Magistros quosdam nu-
givendulos, vanæque gloriæ ANIMALIA
occæcare solet, qui nec ipso Cenodoxorum li-
teratorum exitio à præpostero illo famæ acqui-
rendæ studio sese revocari patiuntur, felicio-
ra sc. sibi fata promittentes; cum inquam fe-
lices illæ Scriptorum nobiliorum animæ ab
omni inanis gloriæ æstu, omni quæ infano im-
mortalitatis desiderio maximè sint alienæ, cœ-
lesti ut plurimum nutu accidit, ut non in tem-
pore solum laudem gloriamque insignem (li-
cet minimè quæsitam) obtineant, verum per-
ennem etiam atque sempiternam beatitatem
divino beneficio consequantur. Mille vi-
vendi artes huc usque indagavit, nec invenit
tamen impotens nunquam-moriendi deside-
rium, cum primis id ipsum Sinarum philosophos
Primo-

Nie.
 Trig. lib.
 I. Expe-
 dit. Si-
 nic. c. 9.
 confer.
 Com-
 mentar.
 nostr. de
 Re lice-
 rar. Si-
 nens. Sect.
 XIII. p.
 258.

Primoresque tantoperè olim inuasit, ut curas cogitationesque omnes vanissimæ illi immortalitatis affectationi duxerint impendendas. Et quod ea res scientiæ humanæ facultatem atque limites longissimè excedat, nulla prorsus ratione ut credant, induci potuere. Frustra sæpè qui inter illos sapientiores in detergendo isto morbo, atque deprimendo contumaci sociorum suorum affectu fuere occupati. Herbis alii argentoque vivo vitam producere sunt conati, alii nescio quale immortalitatis poculum ab impostoribus quibusdam paratum propinatumque impigrè hausere, oleum simul perdescentes ac operam. Scilicet herbis Medæ canebant fatui illi βιόφιλοι, & Jovis ambrosiâ, quibus vitam sibi immortalem accerferent. Nuspiam reperti sunt illi quos finxere immortales in montibus errantes, inque ipsum cum libuerit adscendentes cælum. Nec minus præposterè illi quondam immortalitatis iter culmenq; honoris perpetui adierunt, qui mortem subire voluntariam, necemque ultroneam (urgente scil. insana gloriæ cupiditate) suscipere non dubitarunt, veluti Calanus ille magni nominis philosophus Indus, qui diu multumque Magnum secutus Alexandrum tandem ipso vidente sese in ignem conjecit, ratus ea ratione se apud ipsum Alexandrum & posteros sumum immortalitatis adepturum, ad stolidi nimirum Empedoclis [cujus supra meminimus]

mus] exemplum, qui in Ætnæ craterem insiluit ut pro Numine haberetur. Sic Cleombrotum cum Hegesiyæ discipulis immortalitatis statum tanto ardore concupivisse legimus, ut præ potiundi desiderio præmaturam mortem oppetierint. Et si qui oblatam à superis immortalitatem (uti fabulata est antiquitas) respuerunt, quemadmodum de Chirone perhibetur, illi quoque ex ipso immortalitatis contemptu gloriam venati sunt augustiorem, tantoque illustrius aviditatis illius (scil. famæ in perpetuum producendæ) dedere documentum. Longè felicius veræ immortalitatis metam librorum optimorum scriptores atq; conditores à tot seculorum decurso tempore attrigere. Monumenta quæ publico bono ediderunt quovis ære, quibusvis marmoribus, Mausoleis, arcubusque triumphalibus [quibus nonnulli olim affectarunt quidem, non item affectati sunt nominis immortalitatem] perenniora extiterunt. Illi quos studio indefesso peperere filii parentibus suis etiam vitæ functis honori decorique sunt perpetuo. *Mor-Eccles.*
tuus est pater, quasi non sit mortuus, similem c. XXX.
enim post se reliquit. Adeò enim in filios huiusmodi egregios parentum virtus pietasq; sese transfundere solet, ut in iisdem post fata vivere semper spirareque videatur. Si tam procull longèque à parentum suorum vultibus
 & mo-

& moribus naturales filii exerrent, ut [quod
 prisce finxere Ægyptii] ex patre fulgure boves
 interdum nascantur; illi quos diximus melio-
 ris notæ foetus vivas parentum suorum repræ-
 sentare videntur imagines. Est proles illa ve-
 re immortalis, cujus ope literati felices cun-
 ctis miseriis defuncti, gloriæ perpetuæ vive-
 re incipiunt, incomparabilibus planè labo-
 rum suorum præmiis æternum condecoran-
 di. Audiamus de insigni hac Scriptorum
 optimorum felicitate, * sapè laudatum.
 Bart. Bartolum egregiè differentem ad h. m. Qui-
 char. lit. bus obsecro firmamentis stabilius magno-
 p. 365. rum hominum gloriæ, & meritorum no-
 mina fulciuntur, quam **LIBRORUM**
IMMORTALITATE? Inspiciamus re-
 rum strages quas agit ubique omnium e-
 dax tempus, præcipitando alias, reliquas
 sensim ac lentè arrodendo. Rupes sub
 annorum decrepitæ pondere subsidunt,
 in sepulchrum curvantur, membratim.

* De quâ etiam legi meretur memorabile Phi-
 lobiblion, quondam à Richardo de Euri
 Episcopo Dunelmensi in Angliâ conscri-
 ptum, & unâ cum centuriâ Epistolar. phi-
 lologicarum ex Bibliotheca Goldasti au-
 se hâc Francofurti, nuper verò Lipsiæ 1674.
 edit. In cujus caput. 1. 2. 3. 4. author egre-
 giè ostendit quanta bona per libros proveni-
 ant, dissi-

dissiliunt, osculatim disperguntur; & ipsæ quoque mendicare videntur è subiectis vallibus tumulum quo tegantur. Tabescunt rubigine quæ sunt ferrea, & lima temporis pulverascunt. Altissima quondam Palatia superbis minuta capitibus, nunc ostentant ædium cadavera, è quibus si pars aliqua murorum non tam stare, quam ruinam perpetuo minari videatur, ea videtur à tempore relicta, ut esset potius ejus trophæum victoriæ, quam pristinae magnitudinis aliquod monumentum. Ubi olim Deorum templa, Imperatorum aulæ, Senatorum sedes, Doctorum exedrae fuerant, nunc cubilia sunt luporum, bubonum nidi, latronum receptus. In hac strage annorum, in iis ætatum ruinis, quam magnificè invicta seculis attollant capita **VIVACES RELIQUIÆ INGENIORUM PRÆSTANTIUM**; quæ vivant in morte omnium securi, & æterna vireant senectute **LIBRI ERUDITI**, & in libris ipsorum parentes dicat Stoicus Romanus, & fileo: Cætera quæ per constructionem lapidum & marmoreas moles

les aut terrenos tumulos, in magnam edu-
ctos altitudinem constant, non propaga-
bunt longam diem, quippe & ipsa inter-
eunt: **IMMORTALIS EST IN-
GENIORUM MEMORIA!** Fortu-
natus Metellus, qui filiis quatuor succol-
lantibus ad sepulchrum elatus, primis
consularibus, tertio tunc, & quarto
post paulum consulibus, Vellejum mo-
vit ut diceret: *Hoc est nimirum magis fe-
liciter de vitâ migrare quam mori.* Utcun-
que sit, tamen *de vitâ migras*, & à filiis ef-
fertur. Parentes suos non filii quatuor;
sed quam **MULTI** prodeunt **IN LU-
CEM EORUM LIBRI**, morti ere-
ptos & cineri, ubique cum pompa circum-
ferunt, deponunt in omnium manibus,
oculis veneratione. Quot suâ patriâ
obscuri, & dote ingenii paucis noti, libro-
rum suorum præconio omnium animos,
omnium sibi exultationem & laudem
huc usque conciliarunt! - - - Hi Soles do-
ctrinarum, quorum radiis floret terra, vi-
gent scientiæ, secula illustrantur, illum
honorem videntur promeriti, quem lucis
con-

conditor lucis attribuit. Primam siquidem illam sua laude, suo inter omnia opera ore dignatur; non tam quod pulchra per sese, quam quod quicquid videt pulchrum efficit & formosum. *Tantum sibi predicatorem* (ait Ambrosius) *posuit invenire à quo jure prima laudetur; quoniam ipsa facit ut etiam cetera mundi membra, digna sint laudibus.* Hi sunt quorum animos Seneca ob meritō suspicit gloriam, quorum adorat ortum in hanc lucem, quam viventes calcarunt terram osculatur, momentum illud mœrens luget quo vivis ablati sunt, *vocat q̃ PRÆCEPTO- RES GENERIS HUMANI, ET DEORUM* ritu colendos. Cum enim (subderet Vitruvius) tanta munera ab SCRIPTORUM PRUDENTIA fuerint hominibus preparata, non solum arbitror palmas & coronas his tribui oportere, sed etiam deserni triumphos, & inter Deorum sedes eos dedicandos. *Ambr. l. hex. c. 9. Sen. Epist. 14.*

XX. Talis igitur librorum SCRIPTOR, verè FELICIS LITERATI gaudet elogio famâque dignus perenni, qui non vulgari solum doctrina ingenioque præditus,

verum etiam supra spem, metumque, aut alium perturbati animi affectum est positus, denique extra ostentationem atque ambitionem constitutus uni operatur veritati, uni gloriæ divinæ intentus, viamque sibi per ingenuos labores ad veram & beatam, non vanam & umbraticam illam parat immortalitatem. Satis gloriose quondam Flaccus, suæ sibi conscius præstantiæ exultavit:

*Exegi monumentum ære perennius,
Regaliq; situ Pyramidum altius;
Quod non imber edax, non Aquilo impo-
tens*

*Possit diruere, aut innumerabilis
Annorum series, & fuga temporum.
Non omnis moriar, multaque pars mei
Vitabit libitinam. Usque ego postera
Crescam laude recens; & quæ sequuntur.*

Nec minus superbè celebris ille Ovidius Naso in Octaviani Cæsaris invidiam suam consolatus est exilium:

*Jamq; opus exegi, quod nec Jovis ira, nec
ignes*

*Nec poterit ferrum nec edax abolere
vetustas,*

*Cum voles illa dies, qua nil nisi corporis
hujus*

Fine

*Jus habet, incerti spacium mihi finiat
avi*

*Parte tamen meliore mei super alta per-
ennis*

*Astra ferar, nomenque erit INDELE-
BILE nostrum.*

*Quaque patet domitis Romana potentia
terris,*

*Ore legar populi, perque omnia secula
fama,*

*Si quid habent veri Vatum præsagia,
vivam.*

Quodsi verò tantam profana vanæ gloriæ
mancipia de futura sua immortalitate dulcedi-
nem concepere, ut ejus intuitu cuncta despe-
xerint humana, nihiliq̃ue penderint fortunam,
neque labores neque damna, non graves aver-
sata sint ruinas, quibus obsecro elogiis illi or-
nandi sunt Scriptores, qui Christi spiritu affla-
ti, *in operibus suis per ingenii oblationem*,
(ut Chrysostomus loquitur) *DEO solè
sacrificarunt*, per sacrosanctos labores ad ve-
ram beatamq̃ue immortalitatem viam sibi ape-
rientes, atque longè celsiora pegmata iu ater-
nitatis sacrario obtinentes. Nunquam pri-
scos Ecclesiæ Doctores, aliosq̃; sinceræ fidei ac
pietatis christianæ propagatores infelices di-

xerimus, quod vel variis suppliciorum generibus, vel Imperatorum & Præfectorum gentilium tyrannide sint sublati, vel quod exules egentesque aliquandiu vixerint, quodque tot injuriarum & calamitatum turbinibus sint expositi, si doctissima pariter ac sanctissima eorum scripta evolverimus, quibus laudem famamque perennem sunt consecuti. Vivit Martyr ille Justinus, vivetque felicissimus cum Cypriano, Irenæo, Basilio M. Chrysostomo, Augustino, aliisque pluribus qui (ut Horatius exultavit) *Libitinam evitarunt*. Nec ulla unquam tabe corrumpentur veneranda illa Doctorum & Antistitum nomina, qui nostro pariter ac superiori ævo omnes cogitationes suas, studia omnia ad divinarum rerum tum intelligentiam tum propagationem contulerunt. Etsi enim laude eximia illi quoque videantur digni, qui vel in lingvarum vel artium & disciplinarum humanarum studio ætatem transegerunt; imò plurimos stilus spectabiliores longè fecerit quam alios ensis, [non secus ac C. J. Cæsarem, qui stylo etiamnum vivit, postquam pridem ense miserrimè occubuisse;] longè majorem tamen beatæ istæ animæ Divinæ tantum litantes gloriæ merentur commendationem. Quando enim æterna mundanis, immortalia caducis, divina humanis antecellunt, tanto illi reliquos Scriptores longissimo post se relinquunt intervallo. Quorundam profanè doctorum vastos
scri-

scribendi conatus mors subitanea interemit, ut rapidissimo fato abrepti sint eo ipso tempore, quo (sicuti de Bartholomæo Leonico Pierius Valerianus memorat) immortalem sibi gloriam comparare laborarunt; Alios nimia scribendi assiduitate interemptos fuisse legimus, veluti Paulum Decanalem, qui dum præstanti labore Ptolemæi Geographiam non tam temporum, quam imperitorum hominum injuria passim depravatam incolumitati pristinae reddere contendit, tam utilem & jucundam humanis ingeniis cognitionem brevi exhibiturus, ex nimia scribendi contentione, rupta intra pectus vena ita sanguinem evomere cœpit, ut mox perpetuæ datus sit quieti; Quinimò quosdam ex mero dolore ob scripta perdita periisse, vel immedicabili contabuisse agritudine cognovimus, quos inter Avorum nostrorum memoria emicuit Jacob⁹ Constantius, qui (teste laud. Pierio) tristem librorum à se conscriptorum jacturam immoderatus ferens, morbosum animi contraxit æstum, quo in dies horasque crescente miserè est extinctus. Nihil tale novère majori Numinis afflatu perculsi scriptores, qui omni ævo singulari cum industria, pietate, gravitate imò bonorum omnium applausu conscripta volumina edidère in publicum, atque plus cæteris laborantes, Sacro-christianam rem non exiguo locupletarunt augmento. Hi (quicquid ipsorum monumentis olim obvenerit)

*Pier. de
liter. In-
felicis lib.*

Il. p. 164.

Idem lib.

I. p. 58.

Idem

Pier. lib.

Il p. 100.

de invidiâ, de scelere, de hæresi, mendacio, ipsâ morte denique feliciter adeò triumpharunt, ut non modo post busta sua & cineres sint etiamnum superstites, verum longè diutius perennante scriptiois fructu, quam ipsorum librorum vitâ, fulgeant sicut stellæ firmamenti in perpetuas æternitates. Ac licet quædam forte ipsorum scripta perierint, memoria tamen eorum, hominum doctorum & eloquentium testimonio celebrata, quinimò Solis ipsius radiis inscripta nulli dabitur oblivioni.

XXI. Itaque FELICI ex infeliciū casibus & periculis SCRIPTORI opera præprimis navanda est ut recta gaudeat intentione, h. e. labores suos divinæ gloriæ proximique utilitati consecret prius, quam eos perficiat atque comunicet cum pluribus; dein ut ea quæ ad legentium fructum parare constituit, optimo ordine atque eleganti digestionē conscribat, cum magistrâ experientia constet, ea quæ ordine instituuntur, minore laboris ac temporis impendio perfici, nec solum citius & commodius, verum etiam rectius solere absolvi. Sed & sollicitius ea à literato sunt elaboranda quæ chartis mandantur, quam quæ dicuntur ex tempore, si modo rata atque haud pœnitenda illa esse debeant. Curam inquam seriam adhibeat scriptor piè-eruditus, ne illotis quod ajunt manibus tantum suscipiat negotium, Euripides *εὐλάβειαν* quæ hæc ipsa cura est, utilissimam dixit

dixit esse Dearum, cum scientiæ lumen adhibeat operibus, abstrusa penetret, revelet operata, illuminet obscura, cuicumque scriptori hæc adest virtus sinceræ sociata pietati, hoc assequetur, ne animus unquam negotio desit, nec votis successus. Oportandum quoque esset ut qui scriptis edendis operam navant, tot frustra editorum librorum causas atque rationes sibi revocarent ad animum, quas Bartolus in sæpe ^{Bartol.} laud. opusculo ad h. m. exposuit: Prima est ^{charact.} quod multi nihil se putant egisse, si librum edi- ^{lit. p. 330.} derint, nisi Bibliothecâ libris suo Marte cufis ^{199.} Orbem ditaverint.

Hinc oblita modi, millefima pagina surgit. Juven.
Ontribus, & crescit multâ damnosa papyro. sat. 7.

Volumina centum, mille chartarum singula cum ediderint, iis unius ingenii tot partibus, unius mentis, unius studii & styli tot filiis incendunt tumidi, nec animadvertunt famam & gloriam haud quaquam librorum indigestâ turbâ, sed delectu parari, nec æstimari numero, sed solo pondere. Numeret sanè opus editum centum volumina, cum Ausonii echone de se profiteri hoc poterit:

Aëris & lingua sum filia, mater inani
Judicii, linguam qua sine mente gero.

Quam sensatè & pulchrè libros Domitius Piso
 T H E S A U R O S ajebat esse O P O R T E R E

non libros, verba totidem gemmas, paria numero paginarum monilia; ut quicumque legerit, decenni authoris labore horâ unâ dictetur. Heu! illa ætas quo abiit? quò mos eximius, scientiarum mel committendi ceris tenacibus? Quo descendebat lentius styli cuspis in tenacem ceram, hoc erat morosior in cogitando mens, hoc maturius quod cogitaverat. Nunc verba digitis calamus præripit, capiti cogitata, utraque tanto leviora, quanto minus perpensa - - Si dicturus esses in confessu centumvirum sapientissimo, & omni doctrinarum genere exculpto, malles eorum aures indiscriminatim verbis vulgaribus & impolitis, delectu nullo nec ordinè nec soliditate profanare? annon gemmas si posses, & aurum loquereris? Et non vides Te libris quidquid ubique Orbe toto doctorum hominû & sagacium est affari, qui legendi tui & audiendi studio tenentur? Quin tu potius Phocionis consilio uteris, qui rogatus, quid tam diu cogitabundus animo versaret; sum inquit dicturus ad Athenienses, & verba retracto singula, ne quid excidat mihi, quod fortè dici minimè deceat. Tu igitur qui scribere, qui scripta in publicum emittere cogitas, juxta prudens poetæ monitum: *Laudato ingentia rura, exiguum colito.* Moles voluminum gigantæas nulli invid eas, æmulare si quid in iis est rarum & ævo dignum: scribe aliquid quod solum multorum &

& laudem & pretium æquet. Altera origo editionis librorum infausta infelicisq; delectus est *INIQUÆ MATERIÆ*, & cui sustinenda par desit ingenium. Ode, epigramma, simile aliquid typis est datum, & placuit, fingitque mox animus se ad Heroica & Tragica vocari:

*Non ideò debet pelago se credere, si qua
Audet in exiguo ludere cymba lacu.*

Metire humeros de onere quod molinis, post si videbitur par oneri cervix, tolle sis onus, & bene ambula. *Hieron.* *Prudentia hominis est, nasse mensuram suam. nec imperitia sua Orbem testem facere.* Jungatur Briaræo Argus, nec centum præcipitent ad scribendum manus, nisi centum illis oculi præstò sint. Ne te campus ingens nobilis argumenti sic importunè sollicitet, ut non sinat te alas & vires prius attendere, quam Te aëri credas. Alas remitte, quibus altius quàm decet eniteris; & in hoc ciconiæ pullos à nido recentes imitare; alioqui certius ad casum quam ad volatum impelleris. - Tertia causa frequentiorum in edendis libris abortuum verius quam partuum, IMPATIENTIA est foetuum formandorum prius quam eduntur. Frustra illis sed cautè occinît scribendi magister & canendi: *Nonnum prematur in annum &c. Horat.* Quid igitur mirum si fungus unâ hora natus, in art. intra duas marcescat; & nostræ (quod aiebat *poet.*

*Theoph.
Fayn. de
Bonis &
mal. lib.
p. 319.*

*Apul. lib.
de Deo
Socratis
sub. init.*

*Plinius
lib. VIII.
epist. 21.
Sidonius
lib. VIII.
epist. 3.
L. Vives
lib. 5. de
tradendis
discipl. in
fine
Plin. lib. 9.
p. 33.*

Plato) lucubrationes in hortos mutantur Adonidis, qui subito & nno die nati, celerrime per-
eunt. Viri docti quò scientiores & sapientius
cordati, hoc semper fuere in censurâ sui acio-
res. Gnarus quisq; illorum se sua auribus, ocu-
lis & examini credere Virorû sapientum & eru-
ditorû, ita Bartolus. Nec malè Theophilus Ray-
naudus in elegantî suo de bonis & malis libris
opere observavit, plerosque Scriptores in libris
suis edendis justo esse celeriores, ut mirum non
fit irrepere in eos quod gravi sit dignum censu-
râ ac reprehensione, cum ipso Apuleo animad-
vertente, *nulla res possit eadem esse festinata
simul, & examinata, nec sit quicquam omni-
um, quod habeat & laudem diligentia se-
mul, & gratiam celeritatis*; quinimò ipsa
natura nos edoceat, foetum non statim post
conceptum esse exponendum luci, sed forman-
dum prius quam in apertum exeat, pariter for-
manda & fingenda sensim esse ea quæ ingenii
uterus conceperit, ne foetus abortivi [musteos
libros vocat Plinius, eumque æmulatus Sidoni-
us, subventaneos ejusmodi foetus summoperè
improbantes] Orbis eruditi sistantur conspe-
tui. Et quamvis [pergit Raynaudus] in tan-
ta vitæ brevitæ non placeat Ludovico Vivi
ea per Poëtam indicta nonum in annum operis
suppressio, cum partus humanus tantum sit
nonimèstris, nimiamque limam ipse Plinius
impro-

improbet; tamen præstat tarditate quam præ-
 cipitatione peccare, certumque est quod Quin-
 tilianus prudenter monebat, opus jam con-
 scriptum aliquantisper seponendum esse, ut qui
 conscripsit ad illud postmodum refrigerato in-
 ventionis ardore tanquam ad alienum redeat
 ut lector non ut author, siquidem ex ea retarda-
 tione iudicium limeretur & expoliatur. Similem
 curam qui prætermiserit, & libros fundere po-
 tius quam edere diu pressos longaque lima
 expolitos laborarit, ac ut est apud Hierony- *Hieron.*
 mum fœtus suos evolare de nidulo siverit, & *epist. ad*
 temerario editionis honore vulgaverit, non, *Desider.*
 mirabitur, si pro bono libro fungum emittat,
 proque sperata laude & approbatione gravem
 censuram & reprehensionem reportet, quin i-
 mō ab illis ipsis qui ad scribendum & edendum
 adulando perpulerunt, vel coram opus laudi-
 bus ornarunt egregiis, irrisiones sannasq; tan-
 dem consequatur. *Ne ad scribendum cito*
profilias (ita Rusticum laudatus Hierony- *Hieron.*
 mus prudentissimè admonuit) & *levi dn. Epist. ad*
caris insania, multo tempore disce, quod do- *Rustic.*
seas, ne credas laudatoribus tuis. Immo de forma
irrisoribus aurem ne libenter accomodes; *vit. man.*
qui cum Te adulationibus foverint, & quo-
dammō impotem mentis effecerint si subi-
tō respexeris, aut ciconiarum deprehendes
post

post te colla curvari, aut manu auriculas agitari asini, aut astantem canis protendi linguam.

Plin. lib.
VII. ep.
17.

Cogitet (Plinio suggerente) Scriptorum quilibet, quam magni sit dare aliquid in manus hominum, sæpeque tractet, quod placere & semper & omnibus cupiat. Quæcunque igitur scripserit literatus, diutius habeat præ manibus, retractet eadem, iterum ac tertio ad examen revocet, cum libris sæpè idem quod plantis accidere soleat, ut quæ tardè crescunt firmiores sint, eæ verò in quibus præpropera luxuries efflorescit, celerius pereant. Quæ ipsa persuasione imbuti scriptorum prudentis-

D. Bavi.
char. lit.
p. 234.

simi (dicente rursus Bartolo) ex iis quæ elucubrarent nihil prius iudicio publico committunt, quam intimi cuiuspiam sui censuræ crediderint, sed cordati ac fidi, qui dicat pro imperio R E P E T E! at si non ante quam missis in lucem libris deprehendant se reos esse alicujus navi, manu ipsimet spongiæ admota castigant, retractantq; ut boni pictores opus nondum arte ultimâ perfectum, sed illo adhuc Polyclæti & Apellis solenni suspensum lemmate, FACIEBAT, *tanquam inchoata arte & imperfecta, ut contra judiciorum varietates superesset artifici reditus ad veniam, velut emendaturo quicquid desideraretur. si non esset interceptus.* Hujus prudentiæ clarum præbuit documentum Vir longè clarissimus Hippocrates,

tes, quem sua quædam de fractura capitis revocare non potuit. Et cum nemo felicis adeo sit limpidique ingenii, quin aliquas in tradenda scientiæ luce emittat ignorantia suæ umbras, hinc dedecori Scriptoribus nemo facile adscribet, nec propterea è doctorum circulo illi excludentur, si in emendandis corrigendisque erratis suis sint faciliores. *Nimis per ver se se amat* (inquit Augustinus in Epist. ad Marcellinum) *qui & alios vult errare, ut error suus lateat.*

Nihil æquè cordato pioque Scriptori curæ esse debet, quam ut tum ipse, tum alii quos erudire conatur errare desinant. *Non pigebit me* (ait rursus laudatissimus ille Doctor Hipponensis) *sicubi hasito querere, sicubi erro* *August. l. 1. de Trinit. c. 2. 3.* *discere, proinde quisquis hæc legit, ubi pariter certus est, pergat mecum, ubi pariter hæsitat, quarat mecum, ubi errorem suum cognoscit redeat ad me; ubi meum, revocet me.*

Utinam idem cunctis Scriptoribus christianis esset animus, consimilisq; modestiæ caractere illi essent conspicui, nec injuriosam sibi esse putarent navorum postliminio deprehensorum sollicitam emendationem, nec adeo facile irascerentur cordatis monitoribus, merito ægrè ferentibus si (quod in veteribus Romanis hodiè ridetur) errores publici pro ipsa veritatis regula habeantur. Utinam [ita optamus insuper] omnes librorum conditores (ne sibi pariter

ac

ac lectoribus suis, quin & seræ posteritati turpiter imponere velint) saluberrimi illius præcepti Delphici essent memores, atque serio *αὐτοϋποκρίτας* studio invigilarent prius, quam de edendis ingenii industriæque suæ monumentis sollicitè cogitarent, præsertim cum sæpè accidat, ut Scriptores etiam ineptiores ob qualemcunque nominis intumescant celebritatem, eamque [licet non habeant,] habere tamen sibi videantur. *Nulli siquidem* (præclare dicente Vossio) *iis desunt laudatores, & ut adulescentes absint, sibi quilibet adulatur, suosque etiam deformes amat sætus.* Ne igitur fucum Scriptor faciat & sibi ipsi, & aliis seculi sui imperitis lectoribus, ingenii doctrinæque suæ vires justa lance ponderet prius, quam argumenti nobilioris tractationem meditetur, cogitet etiam sollicita mente, utrum Scriptorum aliorum inventis quædam adjicere possit majorem spirantia genium, & num post tot tantaque volumina in lucem emissæ operis à se conscripti editio Ecclesiæ vel Orbi erudito adeò sit necessaria? Neque verò sibi soli in tanti momenti fidat negotio, verum aliorum etiam (ut paulò ante monuimus) & doctiorum & candidiorum hominum calculos adhibeat, non contentus scil. secum cuncta, probè perpendisse, ea veterum laudatissimo more communicet quoque cum prudentiori-

bus

G. J.
Voss de
Cognit.
sui pag.
30.

bus aliis, horum judicia exposcat, & rectiora
 haud difficulter sequatur monita, Magni cum-
 primis Ambrosii exemplo & documento illu-
 stri incitatus: Is siquidem librum à se conscri-
 ptum iudicio & censuræ Sabini sui subjiciens; *Ambros.*
Nescio (scitè pronunciauit) quomodo pra- lib. VI.
ter imprudentia caliginem, qua me circum- Epist. 40.
fundit, unum quemq; fallunt sua scripta, &
aurem pratercunt; atq; ut filii etiam defor-
mes delectant, sic etiam Scriptorem indeco-
res sui sermones palpant. Incautius ple-
rumq; aliquid promittitur; aliquid accipitur
malevolentius, aliquid exit ambiguum. Tum
quia alieno examinanda iudicio, non pro no-
stra debemus magis, quam aliena opinione
trutinare, & discutere omnes scrupulos male-
volentie. Tam severæ hæc in parte diligentia
 Plinium fuisse constat, ut primo secum ipsæ
 quæ scripserat exactè pensicularit, deinde au-
 ribus duorum aut trium commiserit, ex vultu
 ipsorum pendens, mox aliorum etiam flagita-
 rit notas, easq; si ambigeret, cum uno aut alte-
 ro denuò expenderet, postremò recitatione so-
 lenni auditorii totius judicia voluerit experiri,
 quemadmodum etiam alii Scriptores veteres co-
 ram frequenti auditorio scripta sua relegere, &
 ex singulorum vultibus tum laudes tum culpas
 observare consueverunt. Tutissimè turpis
 phil.

philautiæ noxa vitabitur, & quæ plurimos decipit proprii ingenii fiducia reprimetur, si eruditi scriptores monumenta sua cum aliis lubenti animo comunicent prius, quam ea Orbis eruditi sistant conspectui:

Quippe est mos homini, quicquid sibi fecerit ipse,

Avien.

fab. 14.

Vile licet maneat, comprobas ipse tamen.

Nolo velis rerum quicquam laudare tuarum,

Alterius nisi sint ore probata prius.

quem obsecro latet sapè viros eruditos (ut non nemo loquitur) paratragœdiare, ac suis ipsorum scriptis nimium lenocinari, eadem confidenter æque ac audacter in oculos manusq; hominum mittentes, quæ tamē potius in scriniis occultanda aut blattis essent ad corrodendum relinquenda. Cum itaq; frequens indulgentia sui nesciat habere delectum, ideò Scriptores doctiorum stare iudicio, atque (ne futilibus ineptiant inventiunculis, quin & toti turpiter imponant seculo,) acrem iudicii non tam sui quam alieni limam etiam atque etiam adhibere deberent; Cavere etiam strenuè ne ab illaudatæ novitatis sive singularitatis, & perniciosæ temeritatis peste corripiantur, nec extra suscepti argumenti limites faciliè oberrent, aut copiarum studio, vel iudicii defectu volumina in immensum crescere

re patiantur, *non quod magnum est id semper bonum esse cogitantes, sed quod bonum etiam magnum esse* mole licet exiguum sit ex Demosthenis sententia statuentes. Curæ ipsis juxta Sidonii notabile monitum sit, ut causam potius seu argumentum impleant quam paginam, neque id solum agant, ut volumen turgescat & infletur, verum ut aurea potius & gemmea quadam scriptis inserantur, certo certius sibi persuadentes, nunquam grata lectori acceptaque fore, quæ præter rem intrusa deprehenderit. Haud imèritò multis quoque dissollicit genus illud Scriptorum, qui plura libris suis complectentur quam commodè stringere possint, tam vasta sæpe sæpius argumenta agredientes, ut arbitrentur promissos sibi à divino Numine Nestoreos annos, quibus perficiant, quæ æterni laboris impendio moliuntur, cum vivere plerunque desinant, dum scribere cœperunt, longè melius facturi si illius consilium caperent ductumque sequerentur, qui apud Propertium Mecænatem hunc in modum compellavit :

Quid me scribendi tam vastam mittis in æ-
quor?

Propertius Eleg.
 3. ad
 Mecæn.

Non sunt apta mea grandia vela rati.
Turpe est quod nequeas capiti committere
pondus

Et pressum inflexo prodere terga genu.

Eo

Omnia

*Omnia non pariter rerum sunt omnibus apta
Flamma nec ex aquo ducitur ulla iugo.*

Nec minus strenua Scriptoribus christianis opera navanda est, ut debitam in parandis adornandisque suis monumentis modestiam atque decentem reverentiam adhibeant, ne idem incurrant vituperium, quod operis aliàs famigeratissimi, (sub ROMÆ SUB TERRA-NEÆ titulo editi) authorem Anton. Bosium ex Jani Nicii Erythræi relatione excepit. En verba ejus singulari digna observatione :

Janus Antonius Bosius Jacobi fratris ex ancilla
Nic. Ery- Afra filius, paternum genus corporis bre-
thraei vitate, maternum fusco oris colore refe-
Pinac. 1. rebat. - - Ejus non solum adolescen-
p. 233. tia, sed corroborata etiam ætas, fuit libe-
rior. Amicis utebatur dissolutis, impuris;
& simul optimis viris deditus erat : in
nocturnis bacchationibus & vigiliis, in
comestationibus ac conviviiis, nemo erat
qui cum joci, hilaritate amœnitateque
antecederet; deinde cum tempus, res &
negocia poscerent, nemo illo gravior, ne-
mo prudentior, nemo consilio, diligentia,
ac sedulitate superior inveniebatur; libi-
dine sic accensus, ut eam, ubi facultas da-
retur, expleret, unde ancipites conjectus
in

in morbos, vitæ periculum subiret. - -
 Intercedebat illi vetus usus consuetudo-
 que cum fratre meo, homine mirè ad ejus
 mores factò, à quo, cum maxime in eâ
 cogitatione versaretur, perductus est in
 cryptas, seu arenarias, quarum Romæ
 magnus est numerus, contortis, ac laby-
 rintheis inter se flexibus implicatas atque
 connexas: in has, veteres Christiani, pri-
 mis Ecclesiæ recens natæ annis, minacis-
 simis Imperatorum edictis perterriti, ad-
 collectas, ut aiebant, celebrandas, ad
 Christi corporis & sanguinis mysteria
 percipienda, & ad sermones de divinis
 rebus audiendos conveniebant: quorum
 ille locorum situm, immensitatem, re-
 rumque in eis contentarum varietatem
 admirans, voluit illuc sæpius reverti, ac
 singula diligentius investigare atque per-
 quirere; & cum magis magisque admira-
 retur, statuit, rem fore dignam, in qua
 omnes nervos ingenii industriæque suæ
 contenderet, si videlicet cryptarum ea-
 rum superficiem, aditus, aulas, aras, ima-
 gines describeret: itaque fratre meo, qui
 erat earum regionum peritissimus, ac

pluribus aliis adhibitis, multorum annorum studio, incredibili labore, magnisque sumptibus perfecit illud opus, cui titulus est ROMA SUBTERRANEA. Cujus operis elaborandi gratia, aliqua in speluncis illis sanctissimis non religiosè facta narrantur ab hominibus minimè religiosis. Ibant illuc cum eo semper capita hominum, quinque vel sex, & cum igniariis, unde cereos, si eos contigisset extinguere, rursus accenderent. Et quia nunquam ferè eò se conferebat, ut paucas ibi horas consumeret, sed ut minimum, triduum vel quatrimum contereret, opiparis obsoniis, ac præstantissimi vini amphoris instructus, sese illuc inferebat; adducebatur etiam cocus, qui prandium ac cœnam coqueret, cum suis omnibus instrumentis, videlicet cum ollis, mortario ac pistillo, sartagine, abeno, patinis, aliisque ejusmodi vasis; ac postquam multum temporis ei rei, propter quam venerant, datum erat, Cereri jam & Libero, ac solitis bacchationibus reliquum tempus deberi omnium vocibus significabatur; nec mo-

ra, exornatum ibi convivium inibant, quod non silentio, neque ea modestia, quam loci illius sanctitas poscere videbatur, sed cum clamore, joci, facetiisque pluribus, atque effusissimo omnium cum risu celebrabatur; bacchabatur in eo patera bilibris, hoc est, bacchantis more, hac illac volitabat, ac plena & inanis, sine ulla intermissione, fiebat; personabant specus illi convivarum vocibus, madebant pavimenta vino, redolébant fornices nidore culinæ, quivis ut severior, cum ex aliquo aditu, quorum aliquot in circumjectis ibi campis vinetisque cernuntur, venientem ex cavernis illis debacchantium strepitum accepisset, non illic versari homines, sed bacchari dæmones, non opus religiosum elaborari, sed Baccho sacra fieri, vel evocari ab inferis manes declamasset. Ac per hanc rationem confectus est liber ille cruditissimus atque doctissimus. Hactenus de Anton. Bosio Janus Nicius. Hujus itaque scriptoris periculo omnes librorum conditores discant quantam reverentiam ac circumspeditionem adhibere debeant si consimilis vituperii probrum incurrere nolint. Quod agunt piè agant decenterque, quantique mo-

menti res sit posteritatis negotium suscepisse etiam atque etiam considerent.

XXII. Quandoquidem verò [ut scitè non-nemo ait] magis sit in hominis potestate scribenda facere, quam scribere legenda, hocq; rarissimi ingenii sit ac paucorum, hinc illis præcipuè suscipiendum esset scribendi negotium, qui in eo quod tractare instituunt doctrinæ & eruditionis genere veluti communes quidam [ut antea Seneca dixit] generis humani præceptores esse queant, optimis etiam ad perficienda molimina sua instructi subsidiis, eoque styli seu dictionis charactere gaudeant, qui susceptæ potius tractationis argumentò & peritorum menti quam inepto legentium iudicio accomodatior videatur. Non malè etià Seneca monuit; *Animo semper scribendum esse non auribus*; prout enim Scriptor affectus fuerit, erit

Seneca

Epist. 100.

ut plurimum & lector. Omnium sapientiorum Virorum oraculo vulgatum est, in severioribus, & ad communem utilitatem magis pertinentibus disciplinis non fucatum adhibendum esse sermonem, sed veritatem puram, ne perstreptentibus tot inanibus verborum lenociniis tibicines potius cecinisse, quam philosophi aut sapientes Viri dixisse aut scripsisse videantur, cumq; rerum varietas & multitudo, varium sæpè ac multiformem stylum exposcat à doctioribus haud abs re Scriptores aut Atticum

aut

aut Asiaticum scribendi genus semper exercentes reprehenduntur, pariter ut ii, qui (inanis gloriæ æstro perciti) speciosos adeò atque illustres operibus suis solent præfigere titulos [quos jure Seneca ocalifera appellavit] ut cum vestibulum libri quispiam inspexerit, credat esse regiam domum, gaza regia instructam, quò intrandum sibi putet etiam cum periculo vadimonii, sed cum intraverit, sperata illa mox exuatur felicitate, cogaturque dicere, quod de inventa hominis larvâ apud Æsopum Simius pronunciavit. *Quam multi libri* (ita notanter Bartolus) *preferunt inscriptiones propter* Bart.
quas vadimonium describi posset: quarum in- char. lit.
speculo fastu mox occurrat illud Horatii: p. II. p.

333.

*Quid dignum tanto feret hic promissor
hiatu?*

Currunt impatientibus oculis & manu plerique, illis ad legendas, istâ ad versandas chartas, at cum intraveris Dii Deaq! quam nihil in medio invenies? nisi fortè Africam quandam, cujus ora amœna; mediterranea magnam partem arena sunt steriles, deserta, glabretum nudissimum. Prima hujusmodi librorum folia Parrhasi velum esse dixeris, tam artificiosè depictum, ut pro

Ec 4

vero

Seneca
Epist. 60.

vero haberetur velo, & pictura sub eo aliqua latere crederetur. Zeuxis certè eò delusus, stigitavit tandem remoto linteo ostendi picturam; sed aliud nihil invenit præter velum, quo mendax penicillus hominum oculis imponebat. Sic inquit Seneca speciosa & magna contravisentibus, cum ad pondus revocata sunt, fallunt. Sic poma Sodomæ primâ cute blanda & florida, manus & oculos falso colore alliciunt, intus cinis & fumus ubi ea fregeris in auras dissipantur. Si qua illic pomacernantur inquit Tertullianus, oculis tenuis, cæterum contracta cinerefcunt. Misere me planè doctorum hominum, qui sumto avidè in manus librorum, ejusmodi aliquo, pro veris rebus fallacem opticeam, & inanes colorum prastigias, pro Junone compta & divite, nudam nubem reperiunt; suâq; falsi expectatione plus dolent jacturam temporis in eo legendo, quam pecunie in emendo. Piscantur in eo tam diu donec fastidio victi dicant, nil cepimus. Pervolitant curioso instinctu, quâ se prodit exoticorum sensuum aliquod specimen, aut nova ad dicendum structura machina, mox à Zeuxidis pictis uvis illusa aves, sic illi
à li.

à librorum avidam sciendi famem specioso
 fuco pellicientium inani lectione, quam fa-
 melici venerant, tam jejuni recedunt. Mo-
 destæ igitur librorum inscriptiones decent.
 Virum pie literatum, nec min⁹ simplices & per-
 spicuæ, ut statim ex eo quod est in limine &
 fronte operis judicare lectores possint quid la-
 teat in recessu. *Magnum vitium* (ait ille)
est in adibus atrii obscuritas, ac nemini in-
gredienti non molesta; ac proinde librum
vocæ vel sententia tam obscura inscribere
ut lector hæreat, nec nisi consultis inter-
pretibus eam intelligat, est offundere tene-
bras, non lucem affundere. Non nisi planos
 & perspicuos. Veteres. suis libris. titulos
 præfixere, si scripsere de re Medicâ ut Cel-
 sus, si de Agricultura ut Columella, si de re bel-
 lica ut Vegetius, si de animalibus, de Moribus
 de Metaphysica ut Aristoteles, si de beneficiis
 ut Seneca, si de institutione Oratoria ut Quin-
 tilianus, si de Officiis ut Cicero & postea Am-
 brosius, si de Sacerdotio ut Chrysostomus, si
 de Hæresibus ut Irenæus, & Epiphanius, si de
 cura pastoralis ut Gregorius Magnus, nullum
 alium titulum præposuere, quam qui prima fa-
 cie & obrutu libri argumentū & authoris con-
 silium lectori indicaret sine ambagibus, tituli
 obscuritatem pariter vitantes ac nimiam peri-
 odorum prolixitatem, cum ea & fastidium le-
 genti

genti afferat, atque à legendo avocet, quemadmodum ingentem brevitatis creat voluptatem, & legendi auget desiderium. Verum hæc leviora pervagatioraque sunt scriptorum vitia, nec tantam ea committentes incurrunt bonorum censuram, ipsiusque Sacro sancti Numinis indignationem, quantam illi subire coguntur, qui inanis gloriæ (de qua nobis potissimum sermo fuit hætenus) fucis obdupti, non nisi *fama laudisque* inhiant inanitati, eamque cæcis etiam viis & improbis captare artibus non dubitant, quemadmodum Andreæ Thevetum inepta adeo ambitione animum ad scribendos libros applicuisse Thuanus memoravit, ut eos alieno plerunque calamo exaratos, & ex vulgaribus itinerariis sarcinatos librariis miseris pro suis venditaverit. *Nam alioqui* (pergit Thuanus) *literarum, antiquitatis, atque omnis temporum rationis supra omnem fidem fuit imperitus. ut ferè certa pro incertis, falsa pro veris summa fiducia semper scriberet. Equidem memini, cum amici quidam mei Viri docti & emunctæ naris ad eum animi gratià ventitarent; me præsentem tam absurda quedam, tam ridicula, quæ pueri vix crederent illi persuasisse, ut ipse risum non tenerem. ut me hodiè misereat multorum, qui cum in literis plurimum videant, ægyptiæ tamen illius fucos non solum non pervideant, sed ejus no-*
men

Thuanus
 Histor.
 lib. 16.

men quotidie in libris suis honorificè appel-
lent; mirariq; sapius subiit, qui fieri potu-
erit, ut homo, cui tam faciliè imponeretur,
tanti nominis Viris tam turpiter imponat?
 Ad eundem ferè modum Scriptores alii com-
 plures & sibi imposuere & seculo, condu-
 ctis nonnunquam aliquibus, à quorum indu-
 stria interpunctiones stilus accipiat, quique o-
 peris rationem & formam melius exponant, li-
 cet ipse & liber nihil vel parum habeat pro-
 prium ejus, qui author inscribitur, siquidem is
 nãias suas, vel ubique decantata præcepta, nec
 nova dote exulta, novis duntaxat magnificis-
 que titulis exornare soleat. Non malè hujus *Mamert*
 farinæ Scriptores Mamertus descripsit ad hunc *lib. II. de*
 modum: *Istic ille laudatus, ne infra lau-*
dantium videatur stare judicium, panniculos
quosdam ex diversorum varia lectione con-
cepit, eosdemq; vilibus suis, veluti quibus-
dam stuppeis assuit, laceriq; vestitu palliatus
incedit. Quid igitur? Nefasne est illustra-
 re suo stilo & ingenio argumentum, in quo jam
 desudarunt alii? estne id in alienum chorum
 (quod dicitur) pedem, vel in alienam messem
 immittere falcem? Num vile aut ineptum est
 ex decerptis undique floribus texere coronam? *Vossius*
 An Scriptoribus laboriosis laudis nihil vel tri- *in pref.*
 buendum vel sperandum (ut cum Vossio *Theol.*
 loquar,) propter ambitiosulas quosdam, in gentilis.
strenua

Seneca
Exist.
79.

Bart.
charact.
lit. sag.
167.

strenua inertia & ingenii & facundia laudem solis sibi vindicantes, aliis relinquentes duntaxat laboris gloriam, cum Arcadico ut loqui amant pecore communis? Multum interesse (respondebit Seneca,) utrum ad consumptam materiam, an ad subactam accedas. Is demum bono jure ad occupatum ab aliis argumentum stilum applicabit, qui non actum [ut proverbium vetat] agere constituit, sed vel controversa hactenus ad liquidum redigere, vel [Apuleo dicente] omissa inquirere aut defecta supplere, aut denique eadem ordinatius & cohibilius conscribere conatur. Is porro alienos labores licite in suos vertere potest usus, qui [sæpè laudato Bartolo monente] solerti optimorum scriptorum studet imitationi: Furta lucis de solari curru (quem lubens interpretet ingeniorum præstantium librum, & veritatis triumphalem currum) non sunt omnia rea Caucasii & Aquila voracis. Fas est multa ex eo tollere impune, sed quo more crystallus exceptos radios reflectit in Solem cum favore, tantum abest ut quicquam eis detrahat; non autem ut Luna, quæ tam male fide lumen à Sole accipit, ut cum fuerit Soli propinquior, & lumine plenior, tunc solem à quo illuminata est obscurat. Apes potius ingeniosa pariter ac prudentes felici sunt imitanda Scriptori, cuiq; sollicita navanda est opera

rá, ut nulla odoris depravatione, nulla venustatis labeculá, nullá integritatis imminutione succus ex floribus colligatur. Tolle ab aliis (pergit Bart.) quod lubet, verum à Te de tuis sic perface, ut esse illorum desinat, tuum fiat.

Quomodo adamas radium lucis quem fundo excipit, tot multitudine colorum variat, ut Sole faciat pulchriorem. Omnino bonorum authorum industrios imitatores (ita supra laud. Thomasius) sive ipsorum verba moderati-

onem debitam adhibentes, diversis accommodent sensibus, sive, quam imitandi rationem alteram proponit Julius Pogianus, sensum ipsorum commutatis reddant verbis, quales culpari non debent, aut cum furibus, nisi laudabilem in sensum comparari. Sic de

tranquillandi animi præceptis plures scripsere è veteribus, eademque post Democritum Seneca, post hunc Plutarchus exposuere; Longo post Vellejum intervallo Rerum Romanarum compendium Florus quoque scripsit, ille profluentius, hic argutius, ille nitidius hic pressius, & tamen in singulorum commentariis posteritas quod probaret invenit. Sic suum adversus gentes Apolegeticum ex Justino Tertullianum, ex isto Octavium suum Minutium, ex hoc denique Cyprianum suam idolorum confutationem expressisse, multa & omisisse, & de suo quemlibet contulisse observarunt alii,

Thomas.
de plag.
liter. S.
142.

lii, neque Cypriano vitio vertentes, quod varia Tertulliani volumina solo stili jure in suum nomen ingeniumque adoptarit, cum palam illum Magistrum suum sit contestatus. Nil sanè impedit quo minus hujusmodi Scriptores pronunciemus FELICISSIMOS, qui instar apum ex variis floribus frondibusque tam subtili vi medullam colligunt, eamque suo spiritu ita in unam mellis dulcedinem immutant, ut omnia ipforum & mente concepta & stilo nata appareant, adeoque ea quæ lectione hauserunt, non sicca & cruda expromant, sed potius vim eorum exprimant, & ex variis illis lineamentis ingenio suo aliud unumque corpus vel syntagma forment, omni caventes studio, ne quicquam alteri detraxisse, aut navis aliorum literariis tanquam flagitiis insultasse, aut vana scientiæ persuasione ultrò publica maledicentiz certamina appetiisse videantur. *Quantillum est* [ait scitè Vossius] *benè de aliis mereri, si de nobis malè mereamur*; uti fit, si studia in nobis primò fastum pariant non modestiam, dein ad æmulationem & horrendam animorum provocent commotionem, quâ præstantissimi nonnunquam scientiarum antistites afflati, male de aliis, pessimè de semetipsis sunt meriti, atque extremum tandem & famæ & vitæ [ut nihil de anima dicam] subière periculum. Adeò veræ eruditioni agnata est humanitas atque æquanimitas, ut quiddam habeant infociabile, quod si suavissimæ huic sororum

Voss. de
cognit.
sui pag.
32.

tum bigæ accedat christiana sinceraque demis-
 fio, omnisque vanæ & inanis gloriæ sollicita-
 fuga, tot tantisque virtutum radiis collustratus
 felicissimi & Doctoris & Scriptoris animus se-
 reno semper cœlo, mente semper tranquilla,
 denique exoptatissima & FAMÆ & ANI-

Alayf.

Novar.

part. II.

Encyclop.

Epistola.

ris, que

ext. Tom.

II. opus-

cul. Ve-

rona

1644 .

editor.

pag. 67.

Rogatus aliquando à Gabriele Naudæo

ALOTSIUS NOVARIINUS, ut ope-

rum suorum quæ aut ediderit, aut editioni pa-

raverit syllabum emitteret, cum ista ferè cun-

ctis sint ignota, illa omnia non omnibus nota,

pleraque exterorum notitiam huc usque effu-

gerint; Novarinus memorabilem admodum

Naudæo rescripsit epistolam, quâ illustre Scri-

ptoris & humanitate & humilitate verè FELI-

CIS dedit documentum, bonosque omnes in

sui traxit admirationem. Accedat propius,

nobisque apertius loquatur Vir ille eruditissi-

mus, ac simul felicem commentationi huic,

ejusq; de felicibus Scriptoribus appendici co-

„ lophonem imponat: Patiar literarium Or-

„ bem scire, quid imbecillitas mea DE O in-

„ nixa valuerit, & quid voluerit, ut omnes

„ divinum Numen mihi propitium reddant,

„ ne ad poenam mihi sit, chartaceis opibus o-

„ peribusque divitem esse, illis verò carere,

„ quæ ab animæ supera gratia gravidæ foccun-

„ ditate sunt. Quid mihi proderit si plu-

„ ra quam ullus alius effuderim volumina, si

„ librorum multitudinem bonorum operum

steri-

„ sterilitate inficiam conficiamque, & tan-
 „ quam cadavera anima vidua quodam-
 „ torporis & otii sepulchro sepeliero? Det mi-
 „ hi DEUS libros in opus vertere, & ita scri-
 „ bere facienda, ut faciam quæ possint scribi.
 „ Multa huc usque volumina Vir doctissime,
 „ Orbi obtuli, plura paro quæ deinceps emit-
 „ tentur, sed quid certi spondeam, incertus an
 „ diem crastinum sim visurus? Ut vitam, ut vi-
 „ res DEUS dederit in DEI GLORIAM, LEGEN-
 „ TIUMQUE PROPECTUM emittā paulatim quæ
 „ promisi. - In libris quos edidi edāq; deinceps
 „ illud cavebo, NE LAUDIS HUMANÆ letha-
 „ lis aura labores meos inficiat, Sancti Hiero-
 „ nymi verba liceat usurpare, nam nec aliam
 „ ab ejus mente mentem circumfero: Nobis
 „ propositum est non plausum legentium, sed
 „ FRUCTUM PROFICIENTIUM QUÆ-
 „ RERE. Qui hunc plausum sequitur, PLAN-
 „ CTU prosequendus est, & incipit laude in-
 „ dignus esse, qui legeatium laudem ambit,
 „ non profectum. Denique multa qui scri-
 „ psi, errare in multis potui, ego hīc errorem
 „ omnem ejuro! - - Sed jam Vir doctissime,
 „ habe, quæ tu optabas, & ego debeo quia sum
 „ pollicitus. Tantum dum hic sumus ita lite-
 „ ras colamus, ut vitā nostra functi inter eos
 „ esse possimus, qui, quod sanctus Daniel di-
 „ xit, QUASI STELLÆ FULGEBUNT IN
 „ PERPETUAS ÆTERNITATES. O U-
 „ TINAM! COM-



COMMENTATIO IV.

BIPARTITA, DE

INVIDIA

AC ÆMULATIONE
LITERATORUM,
DEQUE PRUDENTIA
CIRCA ILLAM SIVE DECLI-
NANDAM SIVE SUSTINENDAM
A FELICE LITERATO ADHI-
BENDA.



PARS PRIOR,

QUA LIVORIS LITERARII IMA-
GO SIVE NATURA AC INDOLES CON-
QUISITIS EXEMPLIS ET DOCU-
MENTIS VARIIS OSTEN-
DITUR.

I.



IN Xenodochio Literatorum
[malè ad animum quod attinet se-
se habentium] progressum faci-
entibus, turba nunc Phtisicorum
occurrit, sive INVIDORUM,

f f

tantà

tantâ tamque horrendâ mentis depravatâ malignitate laborantium , ut rebus aliorum secundis gravissimè *doleant* , inque iis præcipuè , quibus aliqua LITERARIÆ FELICITATIS pars continetur , ferales studeant extruere nidos, imò crescente indies malo, omnem prorsus respuere medicinam videantur , *cunctis* (Ephræmo Syro observante) *se prabentes adversarios , proborum æstimationem curâ, singulari diminuentes , rectè incedentibus constituentes scandalum , bonos vituperantes , pietate religioneq; conspicuos maximo-perè contemnentes.* Tanto autem gravius est morbi hujus Literatorum epidemici periculum , quanto fraudulentius mentes etiam nobiliores penetrat, *ut* (ipso monente Cypriano) *vix à SAPIENTISSIMIS advertatur.* Mil- lenos reperies eruditos hâc peste infectos , qui tamen malum quo premuntur sibi neutiquam ad animum revocent. SERPENS EST INVIDIA MORDENS [juxta sapientis effatû] IN SILENTIO, cum morsus ejus ut plurimum non sentiantur, donec veneno mortifero cor ipsum occupetur, & evertatur. Undè scitè laudatus modo Cyprianus ; *Leve* [ait] *apud quosdam & modicum crimen videtur ; dumq; æstimatur modicum & leve non timetur , dum non timetur contemnitur ; dum contemnitur non facile vitatur , & fit cæca , ac occulta perniciēs , qua dum minus perspicitur , ne caveri*

Cyprian.
lib. de Ze-
lo & li-
vore.

Eccles.
10.

caveri à providentibus possit, improvidas mentes la-
 renter invadit. Nec minus appositè Johannes
 Cassianus de enormi Invidiæ malo differens,
 longè difficiliter illum morbum ad medelam
 pervenire judicavit, quam vitia cætera; Nam *Jo. Cassi-*
anus
 eum (inquit) quem semel veneni sui peste *Collat.*
 corruerit, penè dixerim carere remedio. *XIIIX.*
 Ipsa namq; est lues de qua figuratiter dici- *c. 17 opp.*
 tur per Prophetam: Ecce ego mittam vobis *f. m. 744.*
 serpentes regulos, quibus non est incantatio, *Jer. II X.*
 & mordebunt vos. Rectè igitur à Prophe-
 ta mortiferis basilisci venenis morsus INVI-
 DIÆ comparatur, quâ primus ille vene-
 norum omnium author & princeps & perit
 & peremit. Nam ante suus quam ejus cui
 inviderat interemptor, priusquam in homi-
 nem mortis virus effunderet, ipse se perdidit.
 Invidiâ enim diaboli mors introivit in Or-
 bem terrarum, imitantur autem illum qui
 sunt ex parte illius. Sicut enim ille qui pri-
 mus ejusdem mali peste corruptus est, nec me-
 delam pœnitentia, nec fomentum ullius cura-
 tionis admisit, ita & hi qui iisdem se percu-
 tiendos morsibus tradiderunt, omnem opem
 sancti incantatoris excludunt; quia cum u-
 triq; non culpis aliorum quibus libet, sed pro-

speritate crucientur, erubescences ipsam pro-
dere veritatem, extrinsecus sibi quasdam su-
perfluas & ineptas causas offensionis inquirunt.

Haud equidem à veritatis tramite aberravit
 Cassianus, quod detestabile Invidiæ monstrum
 proprium diaboli foetum sive Luciferi abortum
 esse dixerit, cum & Magnus Basilius idem vi-
 tium dæmonis adinventionem appellaverit;
 serpentis documentum, & inimici seminatio-
 nem. Et cum ad ejus exemplum, invidi proxi-
 morum malis latentur, de quæ bonis illorum
 doleant, hinc Chrysostomus invidos dæmo-
 nibus per omnia similes, imò deteriores esse
 pronunciavit; *Invidet inquit Satan, sed homi-*
nibus, socio autem nemini, Tu verò homo cum
sis, hominibus invidet, odium adversus ge-
nus naturamque communem exerceas, quod nec
Satan quidem fecit. Etenim si inter dæmones
 regnaret invidia, non arcto adeò inter se essent
 uniti vinculo, jamque pridem eorum dissoluta
 fuisset societas, id verò illi cura studioq; agunt
 singulari, ut noxio livoris veneno corda Mor-
 talium inficiantur, atque (scitè dicente Grego-
 rio) in antiquam hostis nequitiam demergan-
 tur, & à sedibus illis arceantur, à quibus ipsi
 infelicitè sunt prolapsi. Idem alibi vitii hujus
 enormitatem perpendens; *Ecco [ait] alius*
fratri in corde suo tacitus invidet, & si oc-
casionem reperiat, cum supplantare contem-
dit,

Basil. M.
Homil.
de Invid.

Chrysost.
Hom. 31.
in Ep. ad
Cor.

Greg. M.
part. III.
past. ad-
mon. c.
11.
Lib. xxix
Moral.
cap. 6.

dit, *cujus alterius membrum est, nisi ejus de quo scriptum: Invidiâ diaboli mors introiit in Orbem Terrarum.* Quapropter & Bonaventura accomodam quæ inter invidum & dæmonem versatur similitudinem innuere volens, *similis [inquit] est diabolo, velle uterq; ut nullus esset Bonus.* Quem obsecro in scholis dialecticorum eruditum latet, propriam affectionem esse eam, quæ omni soli ac semper conveniat; cum verò invidentia odiumque implacabile, *propria diaboli sit affectio;* ergò implacabilem humani generis hostem illum quoque esse dixeris, qui pestifero livoris morbo laborat. *Unus ex vobis diabolus est,* dixit de Juda Christus, nos haud absre de *Invido*; diabolus is est, tantique criminis pondere pressus, ut in profundum exitii barathrum cum parente suo sit descensurus. Lunaticum etiam haud malè nuncupaveris, luna plenâ, h. e. florente aliorum statu pessimè sese habentem. Finxere antiqui colligatas invicem *fortunam* seu felicitatem & *invidiam*, cæcam scil. ex nimio successu sociatam fuisse *nimis videnti*. hanc verò citò in præcipitium traxisse suum illum comitem, suaque sponte una corruisse; *Libenter nimirum perit invidia, dummodo secum pereat & fortuna; nec aliud superest invidiam perdendi remedium, quam si ipsa felicitas deficiat.* In duab⁹ quasi lancibus sunt invidus, & is cui invidetur,

Bonav.

Diar.

Sal.

Tit. l. c.

4.

si hic exaltetur in lance sua, alter nempe invidus deprimatur, si verò iste deprimatur, hic mente animoque totus erigitur. Quis verò

Ambros. hinc vitii hujus abominabilem non deprehendat malignitatem? Eandem Ambrosius exaggeravit ex eo, quod *improbis suo delectetur*

bono, INVIDUS verò torqueatur alieno. Ille diligat mala, hic bona prosequatur odio, ut propè tolerabilior sit, qui sibi vult benè, quam qui malè omnibus. Quid, quod Socrate

apud Xenophontem tradente invidia eorum plerunque bono tabescat, quorum calamitate homo tristatur, indeque apertè innotescat, quod contra naturalem voluntatis impetum, bonum, odii & tristitiæ materiam faciat, quod etiam ex Hippothoonte Stobæus notavit. Theomachiam equidem Gigantæam instaurare livor videtur, eò quod homines, à DEO bonorum omnium largitore donis egregiis instructos, impugnare, adeoque de DEI iudiciis calculum ferre non dubitet, uti locis variis * D. Chrysostomus añotavit, ut & de vita contemplativa Prosper, inque collationibus suis Johānes Cassianus.

II. Ean.

* *Joh. Chrysost. homil. 7. in epist. ad Rom. & hom. 20. ibid. homil. 3. in I. Ep. ad Tim. ac homil. 24. & 27. in I. ad Cor. item hom. 44. & 53. ad popul. Ant. Prosper lib. 3. de vita contempl. c. 9. Cassian. coll. 18. c. ult.*

II. Eandem Invidiæ turpitudinem, ex ejus origine deprehendere licet atque natalibus. Ut enim latè & sigillatim expendit, Dio Chrysostomus, invidia animi adeò pusilli, *Dio Chry-* nimiumque suspicientis foetus est, ut pro uni- *st. O-* co bono ea habeat quæ aliis obtigisse depre- *rat. 78.* hendit, moreque canum, equorum & cæterarum passim bestiarū mordere & lædere non desinat, si alii saturentur, suamque expleant voluptatem. *O maximam invidiæ improbitatem!* [exclamat apud Stobæum Palladas,] *Invidus odit fortunatum, quem DEUS amat, adeò stolidi per invidiam erramus, adeò facile servimus stultitiæ. Nos Graci homines sumus nihili, mortuorum sepultas spes habentes. Res enim omnes perversa jam sunt. Si quis odit hominem quem DEUS amat, maximam stultitiæ sibi inducit.* Sed & eo nomine miser est invidus, quod suomet judicio de gradu & excelitate sua dejiciatur, & infra alios (quibus invidet) statuatur, siquidem Gregorio Magno notante *invidere non possimus, nisi iis quos nobis in aliquo putamus meliores. Parvulus ergo est (pergit) qui livore occiditur: quia ipsa sibi testimonium perhibet, quod eominor sit cujus invidia torquetur. Hinc est quod hostis callidus primo homini invidendo surri-*

Stob.
Sermon,
38.

Greg. M.
lib. 3.
Moral.
6. 33.

*Simpli-
cius in c.
26. Epi-
chir. E-
pistolati.*

puir, quia amissa beatitudine minorem se immortalitate ejus cognovit. Hinc est quod Cain ad perpetrandum fratricidium corruit, quia despecto suo sacrificio, prælatus sibi infremuit cujus DEUS hostiam accepit, & quem meliorem se esse exhorruit &c. Nec dissimiliter è Gentilibus Simplicius, pudendam livoris originem declarans; Dolorem esse enuncia- vit, ex alieno bono ortum, quendamque fer- vorem voluntatis sese exaquant cum aliis. Nascuntur autem hæ perturbationes ex eo, quod quivis homo ipsius natura impulsu ho- noris est appetens, nec paribus de dignitate vult concedere. Itaq; si qui sunt infirmio- ribus ingenis, qui ipsi nihil proficere possunt, proximum quemque deprimendo, aquare il- lum, aut etiam superare contendunt, & suc- cessibus aliorum dolent. Ad eum qui cum benè agitur vel agi videtur, invidia velut irrepit, in primis vel genere, vel studio, vel fortuna parem. Nemo enim vel prorsus eminenti, vel omnino inferiori invidet, neq; cum talibus certat quispiam. In quibus ve- rò aliquid animi & nervorum est, hi inflam- mati aviditate feruntur, ut illos strenuè progrediendo vel æquent vel superent, cum qui-

quibus sibi examen instituerunt, quare in-
 vidia semper est vitiosus affectus. † Emu-
 latio verò cum virtutem spectat, bona est,
 & cognata boni amoris; cum autem res ex-
 ternas, mala, nec invidiâ melior. Itaque ut
 sit inter quosdam invidiæ locus, inæqualita-
 tem & disparitatem quandam invecam fuisse
 oportet, invidique dispares se ac inferiores
 comparatione eorum quibus invident sese pro-
 fiteantur est necesse. Habet enim [ut Quintili-
 nus ait] mens nostra sublime quiddam & II. In-
 erectum & impatiens superioris, ideoq; ab-
 jectos aut submittentes se, libenter alleva-
 mus, quia hoc facere tanquam majores vide-
 mur. Et quoties discessit emulatio, succedit
 humanitas. At qui se supra modum extol-
 lit, premere ac despicere creditur, nec tam
 se Majorem, quam minores ceteros facere.
 Inde INVIDENT humiliores. Nam hoc
 vitium est eorum, qui nec cedere volunt, nec
 possunt contendere.

Quintil.
 II. In-
 erect. cap.
 I. conf.
 Tacit.
 lib VII.
 histor.
 num. 6.

Ff 5

III. Sed

† Hanc ipsam Emulationis & Invidiæ di-
 stinctionem tradit Hieron. in Epist. ad Gal.
 c. 5. aliter verò secernuntur à Stoicis apud
 Laert. lib. 7. in Zen. & Philostrato epist.
 ad Jul. Augustam. conf. Cyprian. lib. de
 Zelo & Livore.

III. Sed cum de LITERATORUM INVIDIA nunc præcipuus sit dicendi locus, apprimè notandum, monstrum illud epicœnum non simplex esse sed multiforme & varium, cum modo LIVOR sit modo, INVIDENTIA, dum nascitur in animo malè affecti literati, indignatio, dum adolevit & exarsit PRAVA ÆMULATIO dicitur, quocunque efferatur vocabulo, vitii abominabilis designat malignitatem. Siquidem Doctor invidus semper ob mala sociorum pravo & volucris perfunditur gaudio, ob aliena autem bona, virtutem puta, doctrinam, famamque ampliorem intimè affligitur, omni que studio contendit, ut perdat & subruat doctiorem atque celebriorem. Et quemadmodum (teste Aristotele) implacabile est mustelæ in serpentem odium, quia utrique commune studium, scopusque communis, pari scil. vigilantia & contentione mures insectari; SERPENTEM ait ille *impugnat mustela, cum præcipuè qui mures venatur*; ita maximè proprium est illorum literatorum, qui idem agunt negotium, & pares tractant operas *emulari mutuo*, & persequi, invicem vexare & exagitare, lethalisque invidiæ facibus inflammari, quia finem eundem appetunt, idemque anhelant præmium suspirant, nec facile quiescunt donec tollantè medio æmulos. Quam ipsam pestilentem, bonis-

que

que viris sapius exitiosam Invidiæ pravitatem
 sapientissimus Regum manifestaturus, in hæc
 erupit verba: **QUIS CONSISTERE PO-**
TEST CORAM INVIDIA? Nemo (vult *Proverb.*
 dicere) illæsus occulta livoris evadet spicula, *c. XXVII.*
 nemo incolumis coram invido [cumprimis *vers. 4.*
 literato] versabitur, ita ut clam felicitati suæ
 non succenseat, aut de intervertendâ prospere-
 ritate noxia non agitet consilia. Nec malè
 quidam [[ipso præeunte Aristotele] Invidiam
 alieni successus odium definiverunt, vel respec-
 tu superiorum, quia iis non coæquantur, vel
 inferiorum ne sibi coæquantur, vel respectu
 etiam parium quia coæquantur. Alii Sacra-
 tionibus imbuti dogmatibus, livorem ipsissi-
 mum ingenii diabolici, mentibus humanis im-
 pressum vestigium nuncupare non dubitarunt,
 quandoquidem invidus semper alterius rebus
 secundis doleat, à quo nunquam sit læsus, cu-
 jusque commoda ipsi nulla prorsus detrimenta
 afferant. Quid obsecro fingi pingique potest
 ab omni humanitate alienius, quid crudelitati
 est conformius? quid malignitate ista (quam
 græci *ἐπιχαιρεκακία* nuncupant, mœrori,
 quo quispiam ex aliena felicitate afficitur ut
 plurimum sociatam) pestilentius? Quid cu-
 riositate in rimandis alienis rebus ad perniciem
 proximi accelerandam infelicius? *Nescio* (di-
 cebat olim Bion ad hominem eâ labe corru-
 ptum)

ptum) *utrum Tibi malum, an alteri bonum contigerit.* Quod si verò totius humani generis historiam excutiamus, atque gravissima atrocissimaq; livoris pestiferi documenta & nocumenta consideremus accuratius, sapientissimi illius dicti Salomonæi veritas magis magisque elucescet, clarissimeque apparebit, Viros etiam maximos, ~~coram invidiâ nemquam stare p. u. sse.~~ Quemadmodum Josephum Invidia fratrum patriâ fecit extorrem, Davidem Saulis livor propemodum oppressit, Ipsum Salutis nostræ authorem Christum Dominum durissimis plagis affectum, ad indignissimâ necem postulavit; ita optimos & doctissimos quosque, imo cunctos supra vulgum eminentiores viros gravissimis semper affecit molestiis, extremoque & famæ & vitæ periculo exposuit. Hinc Socratem Græcorum sapientissimum invidi Athenienses cicutam bibere coëgerunt, alios de publica re meritissimos viros, post res feliciter gestas urbe ejecerunt, quibusdam tantas crearunt molestias, ut ipsi de patriâ & statione sua deserenda [impatientiâ victi] frequentissimè cogitarint. Ex merâ invidia Periclem Simmias, Pompejum Clodius, Epaminondam Meneclides Orator oppressère. Idem Phocioni accidit, idem Camillo, idem Scipioni, idem aliis etiam ex ordine literatorum plurimis, postquam non concivium solùm, verum ipsorum studii & professionis suæ sociorum livore sum-

moperè

moperè fuerunt exagitati. Sed & CICE-
 RO-
 N E M viris illis doctissimis Hieronymus an- Hieron.
 numeravit, adversus quos livor EXARSERIT: Tom. IV.
 LICET [scribit ille] in arce eloquentia Romana ste opp. f. 90.
 tie Rex oratorum & latina lingua illustrator, repe-
 tendarum accusatur à Græcis. Quinimo omnium
 retro sapientum ac proborum virorum hanc
 fuisse sortem memorabili ipsius etiam PYTHA-
 GORÆ ab invidiâ exagitati exemplo Themî- Themî.
 stius orator egregiè demonstravit: Saver- stius o-
 tia (inquit) quo præstabilius atque perfectius ration. 4.
 bonum est, eò plures adversus illum impellit
 atque excitat, qui eâ vel pradius sit, velesse
 videatur. Eaq; velut necessaria quadam
 hereditas, jam inde initio à PTHAGO-
 R A transfusa, perpetua quadam transfu-
 sione in illius posteris permansit. Siquidem
 ille Anesarchi filius, hunc de celebri illa
 sapientia fructum cepit, ut peregrinando
 atatem omnem traduceret, propter certos
 homines, qui INVIDERE ILLI ac la-
 cessere non desisterent. Primum enim è Sa-
 mo Crotonem ob Polycratem fugit. Tum
 propter Gylonem Crotone Locros concessit.
 Locrorum deinde, non unus duntaxat, sed
 ferme omnes, Pythagora virtutem ferre non
 potuerunt, ac Tarentum relegarunt. Tarentini
 verò

verò rursus tanquam mercimonium aliquod Metapontum deportarunt, ubi & obiisse dicitur in Musarum templo, cum in quadragessimum diem in ediam protraxisset, ita Themistius. Sane cum invidi literati proprium sit semper bonam aliorum lacerare famam, nec apertè tamen, sed occultè, cœcisque viis & improbissimis quibus plurimum potest artibus, imò instar latentis viperæ in tenebris sua frequenter coquat venena, mirum adeò non est, quod optimi etiam ea fraude perierint ac perfidia, & ex supremæ felicitatis statu in extremam miseriam sint conjecti. Summâ nimirum ope literatus invidus ea demoliri nititur quæ lumen sibi præripere videntur, ceu cum finitimæ domus altitudo ad proximam aream Solem non admittit, jure vel injuria ejus Dominus procurare solet, ut omnis obex summoveatur, atque res ad æquabilitatem redigatur. Sic Zoilus Homerum luminibus suis officientem etiam post fata infestavit; Antiochus Lemnius Socrati, Cydon Pythagoræ, Xenophanes, Colophonius Hesiodo, Amphimenes Cous Pindaro, Pherecydes Thaleti, Salarus Bianti, Anaxagoræ Sosibius, Timocreon Simonidi eam ipsam ob causam teste Laertio pessimas struxère insidias. Nec bigam summorum ævi istius virorum, Platonem sc. & Xenophontem tali pernicioso affectu expertem fuisse, indicio est, quod neuter alterius

Diog.

Laert.

lib. II. in

vis, Secr.

alterius unquam meminerit, licet multa alter-
que scripserit, Socraticæque sapientiæ ambo
fuerint Alumni. Aristotelem ægre adeò tulisse
accepimus florentem Isocratis fortunam &
gloriam, ut repentè propterea totam propè
formam disciplinæ suæ mutaverit. Sic Pol-
lio ille Asinius Ciceroniano nomini adeò fuit
insensus, ut laudes ejus ferre imò audire nequi-
verit. M. Varroni [quem haud abs re Mau-
rus Terentianus virum undiquaq; doctissimum
appellavit] tantoperè invidit Rhemmius Palæ-
mon Alexandrinus Grammaticus, ut illum
non alio quam porci appellatione insigniverit.

IV. At verò non gentilium duntaxat
philosophorum pectora nequissimus tene-
brarum princeps atro illius loliginis succo
consperxit, verum christianorum, imo DEO
etiam sacratorum hominum animis illum in-
genii sui pessimum characterem impressit. In-
numera equidem, Sacræ cum primis sive Eccle-
siasticæ historiæ monumenta loquuntur, quam
gravia mala eos plerunque exercuerint, quos
ejusdem fidei ac professionis sociorum livor
duxit supplantandos. Non pauci sanè in-
ter primarios Ecclesiæ veteris Doctores tri-
sti suo exemplo docuere, consummatæ doctri-
næ virtutisque præmium ac stipendium.
INVIDIAM; nec impune cuiquam fuisse
laudis excessisse limites. Utque id ipsum
clarius aliquantò appareat, atrique illius ser-
pentis

Euseb. in
Chron.
Hieron.
epist. ad
Magnum
orat.
Roman.

pentis [Livoris scil. ecclesiasticorum etiam hominum pectora sæpè occupantis] natura & indoles penitius cognoscatur, illustres aliquot prisca Ecclesiæ Doctores inquebimur, quamque indigna illi urgente sociorum Invidia sint perpeSSI, nobis revocabimus ad animum. Licet Tertullianus (teste Eusebio) omnium Ecclesiarum sermone fuerit celebratus, coque (dicente Hieronymo) nihil eruditius, nihil acutius fuerit, tamen Romani Cleri Invidia ita fuit vexatus atque exagitatus, ut in Montani tandem castra transierit, gravissimumque inde Ecclesiæ universæ illatum fuerit damnum. † *INVIDIA & contumeliis Clericorum* (disertè modo laudatus ait Hieronymus) *ad Montani dogma est delapsus &c.* Et quamvis Commentarii in Paulinas Epistolas (perperam B. Ambrosio adscripti) author invidiam hanc ita sit interpretatus, quasi ipsius

Ter-

† *Merito Pamelius hunc Tertulliani in castra Montani transitum inter cristia Ecclesia numeravit, qui tamen non nisi Invidiâ urgente contigerit. Esto, ουαίσιον fuerit ingenii ejus durities, morum quadam austeritas, (de qua Baron. ad ann. 201. n. 10.) Fuerit etiam Tertull. melior Patientia encomiastes quam gymnastes, id tamen non impedit, quo minus malignantium livore tragediam illam & inchoasam & consummatam fuisse statuamus.*

Tertulliani in Clerum Romanum fuisset, multò tamen rectius Græcus interpres Sophronius lapsum Tertulliani *Φθόνος καὶ προπηλαξισμοῖς τῶν κληρικῶν τῆς ἐν Ρώμῃ ἐκκλησίας* duxit tribuendum. *Quidenim hoc Viro* (scribit de Tertulliano Vincentius Lirinensis,) *doctius? Vincent. quid in divinis atq; humanis rebus exercitatum? Lirinens. Nempe omnem philosophiam & cunctas philosophiarum sectas, auctores, adsectoresq; sectarum, omnesq; monachorum disciplinas, omnem historiarum ac studiorum veritatem mirâ quâdam mentis capacitate est complexus &c.* Tantam itaq; doctrinæ multijugæ lucem livoris umbra excepit, insignemque adeò Tertulliani gloriam pudenda sociorum Invidia obfuscare constituit. Et quemadmodum eadem ferè Tertulliani atque ORIGENIS * fuere tempora, eadem in utroque eruditionis prælustri copia, eadem nominis famæque celebritas, ita eandem cum Tertulliano invidiæ aleâ Origenes subiit, pariterq; indigna ab ipsius fidei ac professionis suæ sociis est perpesus. Quamprimum is Universalis Magistri Doctorisque communis elogium retulit, factum, ut clarissimi quique Viri, sive virtutem & eru-

Gg ditione.

- * Scitè Gilb. Cognatus in vita Christ. Tom. II. opp. f. 239. *Quod Origenes* [scribit] *Græcia fuit, cuius in divinis libris studium feliciter excutavit, hoc Afris fuit Tertullianus, in divinis literis ad prodigium mag. doctus.*

ditionem ejus æmulando, sive meritis & famæ tantæ insultando ad invicem certasse deprehendantur. Pessimè erga eum sese gesserat ipse

Eusebius
lib. VI.
Hist. Ec-
cles. c. 8.
f. 209.

Episcopus Alexandrinus Demetrius : Hic (teste Eusebio) ægrè ferens quod Origenes doctrinæ reconditæ gloria & virtutum complentu Episcopi honorem obscurare videretur, acerbè illum est insectatus. *Et quando nihil aliud habebat, quod ei objiceret, facinus illud quod adolescens olim (seipsum scilicet emasculando) patraverat, gravissimè est criminatus, illos etiam qui Origenem ad presbyterii honorem evexerant, accusationibus suis conatus involvere &c.* Et cum non multò post tempore (pergit Eusebius) Demetrius cum prosperis successibus indies augeri, & magnum jam atq; illustrem omnium sermonibus celebrari videret, **HUMANI QUIDPIAM** passus, literis ad omnes ubique terrarum Episcopos scriptis, facinus illud proscindere tanquam absurdissimum cœpit. Quid quod præter durum Invidiæ telum, etiam durum excommunicationis fulmen in Origenem evibrarit Demetrius? siquidem disertè Hieronymus, non depositum solùm, sed excommunicatum * etiam ab Episcopo suo illum fuisse

memo-

* Ex Bibliotheca Photii cod. CXIIX, discimus duas adversus Origenem Synodos con-

memoraverit. Ac licet ea Demetrii [qui Pam-
 philo Martyre dicente amorem Origenis in o- *Pam-
 philus
 Martyr
 in Apol.
 pro Orig.
 cuius
 fragmen-
 ta ex-
 tant a-
 pud Pho-
 tium in
 Biblioth.
 Hieron.
 apud Pa-
 Ruffin.
 in Apol.
 II.*
 dium vertit, laudesq; cum vituperatione com-
 mutavit] sententia absque ullo manserit ef-
 fectu, livor tamen per omnem vitæ cursum in-
 festare, probrisque & iniuriis innumeris ma-
 gnum illum illustremque Doctorem afficere
 non destitit. Hoc nimirum immensorum la-
 borum ab illo devoratorum fuit præmium
 quod paulò altius considerans Hieronymus,
 non abs re in verba hæc notatu dignissima eru-
 pit : *Quis unquam tantalegere potest, quan-
 tum in* *ta ipse (Origenes scil.) conscripserit ? Pro*
hoc sudore tamen quid accepit præmii ? Da-
mmatur à Demetrio Episcopo, exceptis Pa-
lestina & Arabia & Phœnices atq; Achaja
Sacerdotibus, in damnationem ejus consensit
Orbis. Roma ipsa contra hunc cogit Sena-
tum, non propter dogmatum novitatem, nec
propter hæresin, ut nunc adversus eum rabidi
canes simulant, SED quia GLORIAM E-
LOQUENTIÆ EJUS ET SCIENTIÆ

GL 2

FERRE

vocatus fuisse, quarum prior Origenem ex
 Alexandrina Ecclesia pellendum esse cen-
 suerit, sed presbyterii non ademerit hono-
 rem; altera verò eundem Sacerdotio quoq;
 penitus exuerit, flagrantissimo Demetrii
 in Origenem odio incitata.

**FERRE NON POTERANT, & illo dom-
 sente omnes muti putabantur.** Ac licet tra-
 rissimè mortuos livori necursare, verum plerum-
 que post fata quiescere soleat, neutiquam ta-
 men defuncto ille pepercit Origeni, quin poti-
 us vario probrorum genere miserum affecit.
 Nullaten⁹ quidem hominem ab omni tam vitæ
 quam doctrinæ absolvamus nævo, satis gnari,
 etiam tot pro eo scriptas Veterum, Pamphili
 scil. Martyris, Eusebii Cæsar. Ruffini, alio-
 rum Apologias Origenem à temerata fidei sti-
 gmate haudquaquam liberare potuisse; nec
 culpâ eum omninò vacasse, quod in Scripturæ
 S. explicatione sensum ut plurimū allegoricum
 (neglecto proprio) sit consecutus; satis ab-
 unde tamē constat, pessimū illum livoris odiiq;
 affectum sæpè rectum de Origene judicium im-
 pedivisse, *quando* (ut appositè ipse inquit
 Origenes) *nihil ordinatum habet furor &
 odium, sed his affectibus occupati, convitiis
 appetunt quos prosequuntur odio, non permis-
 si consideratè atq; ordine accusationem texe-
 re.* Annon lividi quidam Origenis adversarij
 hunc in censum sint referendi, dum illum non
 hæresi solū, & trabalibus erroribus infectum
 [quorum tamen in vita nunquam fuit convi-
 ctus] verum etiam ecclesiâ cœloque extorrem
 & ad perpetuas flammæ damnatum pronunci-
 arunt, viderint alii. *

Origen.
 II. con-
 tra Cels.
 p. 647.

* Festiva admodum sunt, quæ Jo. Picus Mirand. in erudita apologia (quæ inter opera ejus fol. 199. reperitur) de literario cum Origenomastige quodam conflictu memoravit ad h. m. Cum ego [inquit pag. 215.] ut Origenem de pertinacia defenderem, cuidam multum insistenti, determinatum ab Ecclesia, Origenem pro pertinacia in anima damnatum, dicerem, ex græcis haberi historis, Origenis dogmata post mortem ejus. multos post annos fuisse damnata: remissemque illum, si libros domi non habeat ad Episcopum Traguriensem, Virum non minus doctrina & moribus, quam sua dignitate præstantem: apud quem ego Græcum librum videram, in quo de conciliis multa erant aggregata: dixit ille bonus Pater: quid me ad Græcos remittis, quem scis græcas literas penitus ignorare? Petamque inquit Latinas, nonne habemus Fasciculum temporum, qui de his rebus elegantissimè tractat? Afferatur dixi ego ille fasciculus, quanquam subjunxi: Si mihi quasi hoc fasciculo supposito ignem ut hæretico pares, abigam ego protinus tuum fasciculum in malam crucem, neque enim illi ulla fides. Excanduit ille ac si Trinitatem blasphemasset, ne excandescas inquam, afferatur fasciculus, nec me quasi solutis fascibus jam velis cedere; allatus est, & in eo de Origene hæc legimus: *Origenes doctor egregius, ac sanctitate vite incomparabilis, clarissimus in Ecclesia DEI:* & post pauca in fine dicit: *Grandis labyrinthus à diversis rexitur, de Samsone, Salomone, Trajano, & isto Origene, an videlicet salvati sint annon? quæ quia sine periculo nesciuntur, nec etiam Ecclesia certificata est de his, Domino totaliter com-*

mittenda sunt. Hæc bonus fasciculus, quibus lectis cum audisset ille de damnatione Origenis non esse certificatam Ecclesiam, mirum ut expalluit, & apud quem probatissimorum FASCES nihil poterant, potuit tantum iste FASCICULUS, ut sententiam illicò commutarit. Hactenus in Apol. Comes Mirandulanus.

Num Invidiæ æmulationisque labe eos quondam Episcopos caruisse dixerimus, qui scripta Origenis tantummodo legentes ac evolventes hæreseos notare stigmate, nec alio prætextu optimos etiam pastores de sedibus suis exturbare non dubitarunt, nisi eo, quod Origeniana omnia calculo suo damnare neutiquam voluissent? Verum alium Ecclesiæ Veteris insignem Doctorem, christianæque Academiae prælustre decus, Livoris dampnifici umbris aliquandiu obscuratum contemplabimur. Id MAGNUS BASILIUS est, qui illud quod Oratione peculiari egregiè depinxit Invidiæ monstrum, toto vitæ suæ cursu summopere infestum habuit, siquidem indignissima aliquandiu perpeffus sit non ab apertis solum orthodoxæ pietatis hostibus & adversariis, verum ipsi fidei professionisque suæ sociis, ipsoque Collegâ & decessore suo EUSEBIO: Gravem adeò ille adversus Basilium exercuerat simultatem, † ut Doctorem innoxium ab Ecclesiâ repellere

† *De hac ipsa Eusebiicum Basilio M. simultate prolixè in notis ad vetustius Martyrologium (D. Hieronymo ascriptum) disse-*

pellere constituerit, postquam scil. ejus virtus
 oculos hominis tantoperè perstrinxisset. Vir
 cætera quidem (ait de Eusebio illo Nazianze- *Nazian-*
 aus) fortis & mirabili pietate præditus, - - *zen. O-*
 ied tamen in Basilio aliquid *humani passus*, vel *rat. XX.*
 ut Gregorii verba Volaterranus reddidit: IN- *in laud.*
 VIDIAE *resistere non potuit, quin & huma-* *Basil. M.*
num aliquid ipse pateretur. In summam
 liquidem [Svidâ dicente] externæ doctrinæ
 magnitudinem evaserat BASILIUS, & in Sa-
 cris Scripturis quantum ad lectionem & expe-
 ditam memoriam conducebat, non vulgarem
 habebat experientiam. Hinc illæ Eusebii e-
 piscopi lacrymæ, hinc favillæ tanti odii! cujus
 declinandi, gravioris scandali præcavendi,
 atque tranquillitatis ecclesiasticæ conservan-
 dæ gratiâ Basilius prudenter fugam meditatus
 est, atque comite Gregorio suo salutarem in
 Pontum usque secessum, re ipsâ scil. præstitu-
 rus, suoque comprobaturus exemplo, quod a-
 licubi fratres à sociorum livore nimiooperè pres-
 sos commonuit: Quemadmodum materiam *Basil. M.*
 quæ facilè ignem concipit curæ est nobis *Orat. de*
 quam longissimè ab igne seponere, sic oportet *Invidia.*
 quantum possibile est amicitias ab invidorum
 conversatione abducere, ut extra Invidiæ tela
 consistamus; Ab invidi igitur Episcopi sui

Gg 4

con-

ruit Franciscus Maria Florentin? fol. 606.

seqq. ita tamen ut Eusebii causam pro virili
sua agere neuiquam dubitaverit.

conversazione maturè sese subduxit Basilius,
Gregor. conducibilius (dicente Gregorio) *id sthē*
Naz. h.c. esse existimans, quam in prasenti negotio
 cogitationem quandam philosophiā suā indi-
 gnā suscipere, ac consilii & prudentiā cla-
 vum in tempestate perdere, quem in tranquil-
 litate tenuerat. Ac licet post suum in Cappa-
 dociam reditum Eusebio reconciliatus, defun-
 ctoque surrogatus fuerit, nihilominus tamen
 in ipso throno episcopali confidens, tetram
 mastigum colluvicem valdè infestam Basilius
 habuit, parumque benevolos expertus est eos,
 quibus invitis & repugnantibus illud honoris
 fastigium conscenderat. Maximæ nimirum Vi-
 ro optimo creatæ sunt ab invidis nonnullis
Gregori- Clericis molestiæ, ad quas forti animo perferē-
us Na- das Gregorius ipsum peculiari epistolâ ad hunc
Rianz. modum est cohortatus : Audio Te à recen-
Ep. xxv. ti rerum novatione turbari, tibi que à so-
 phisticâ quâdam & usitata curiositate ne-
 gotium exhiberi. Nec sanè mirandum
 est, neque enim INVIDIAM ignorabam,
 quodque ex iis qui LATUS TUUM
 NB. CINGUNT (*Clericis scil.*) complures
 sint qui fomitem accendant. Illud verò
 non metuo, nec quid à philosopho alie-
 num atque & Te & nobis indignum in
 rebus

rebus adversis ac molestis Tibi accidat. Quin potius nunc vel maximè futurum existimo, ut Basilius meus cognoscatur, & ea quam per omne tempus collegisti sapientia patefiat, ac Tu improborū hominū injurias & impressiones superes, velutque in altissimis fluctibus immotus maneat, aliis in perturbatione ac tumultu versantibus. Quod si ita Tibi videtur, ipse quoque adero, fortasse quidem ut consilii quoque Tibi aliquid impertiam (si tamen Mari aquā opus est & Tibi consultore) procul dubio autem ut utilitatem ipse capiam, patientiæque **IN FERENDIS CONTUMELIIS** socium me Tibi præbeam.

V. Habuit equidem Magnus Basilius socium **GREGORIUM** suum in ferendis injuriis, (tædo **LIVORE** urgente ipsi pariter illatis,) tum temporis maximè, cum de Constantinopolitanæ Ecclesiæ sede solius Invidiæ malignitate esset deturbatus. Quamprimum scil. Timotheus Episcopus Alexandrinus promotionem ejus (se posthabito neglectoque factam) ut vitiosam atque illegitimam arguere cœpisset, abdicatus est Gregorius, & Nectarius quidam, catechumenus, è curiâ petitus rerumque

ecclesiasticarum planè ignarus in thronum Episcopalem fuit euectus. † Optaverat Gregorius alicubi notanter, *ut ex hominum vita*

Gregor.

Orat.

XXVII.

LIVOR interiret, *invidorum tabes*; tantum verò abest ut voti sui compos factus sit, ut poti⁹ innumera etiam post suam à sede Constantinopolitanâ dejectionem malevolentia jacula, odii spicula, invidiaeque scelerata sagittas subire debuerit, nec ipse (ut Salomon ait) coram livore consistere potuerit, nunquam non falsorum Doctorum & fratrum technis atq; imposturis divexatus. Nullus autem est inter priscos Ecclesiae Patres, quem venenosa illa & immanis fera, *LIVOR* scilicet, vehementius læserit, cui plures gravioresque concitarit tempestates, quam JOHANNES CHRYSOSTOMUS: In hunc præcipuè, telum illud diabolicum maximo cum impetu fuit evibratum, huic

† Unde clarissimè apparet, etiam in veteri Ecclesia sæpè ineptos indignosq; (repudiatis doctioribus & melioribus) sacris admotos fuisse officis, dignos verò optimosq; Viros invidiâ urgente sive neglectos, sive à sedibus suis rursus dejectos deturbatosq; fuisse, sicuti non malè Billius (in argum. Orat. 27. Gregor.) notavit, multos in Urbe Constantinop. fuisse, qui Gregoriani nominis splendorem ac gloriam agerrimè tulerint, atq; accerbissimo in Virum odio sine debachati.

huic illa malorum pessima mater (ut ipse invidiam alicubi salutavit,) horrendas peperit calamitates, insidias, misérias, exilia, contumelias, mortem denique indignissimam acceleravit, siquidem nefandi livoris œstro perciti ejus (è Sacro etiam ordine, ipsorumq; orthodoxorū episcoporum cœtu) adversarii minimè quieverint, donec iterata Viri ex Urbe Constantino-politana ejectio decreto Imperatorio constituta, moxq; executioni injustissimæ data fuisset. Aptissimis furoris sui organis (Clericis nimirū invidis, quorum Dux & antesignan⁹ Theophilus Alexandrinus erat) adjutus dæmon, tantum perpetraverat facinus, Ecclesiæq; illius agrum, ab Arianis tribulis spinisque recens purgatum, cultore optimo in exilium ejecto duxerat devastandum. *Vides* (ait appositè os illud aure-
um) *quantis fuit ministra malis INVIDIA?* *qualiter insatiabilem diaboli mentem implevit, & ei tantam apposuit mensam, quantam is cernere concupivit.* At verò non in Græcâ solùm, verum LATINA etiam Ecclesia illum Satanæ angelum olim tyrannidem suam exercuisse, pugnisque suis optimos præstantissimosque Viros petiisse, præter Tertulliani [antea memorati] exemplum, gravissima etiam HIERONYMI Stridonensis cum invidis & x-
mulis certamina docuère. *Sicuti enim vita* *ejus* (dicente Erasmo) *nihil aliud fuerat*
quam

Chrysof.
hom. 53.
ad popul.
Ancio-
chen.

Chrysof.
l.c. hom.
53.

Erasmus
in vita
Hieron.

opp. pra- quam diutinum ac perpetuum Martyrium;
fixa.conf. ita continuis lividorum odiis atque injuriis di-
Hieron. vexabatur. Ego (ait alicubi) *probrosus, e-*
ipsum E- go *versipellis & lubricus, ego mendax & Sa-*
pist. ad tana arte decipiens (appellor) osculaban-
Asell. tur mihi manus quidam, & ore vipereo de-
Tom. II. trahebant, & dolebant labiis, corde gaude-
opp. fol. bant &c. Et cum saluberrimis suis reprehensi-
 363. onibus devios quosdam maleque viventes Cle-
 ricos in viam revocare studuisset, non solum ni-
 hil illæ effecere, verum superinfuso veluti oleo
 livoris igni novâ dedere incrementa: Græ-
 cus appellabatur & impostor, Urbe pellendum
 dicebant irreligiosi illi fratres, Josephum, h.e.
 Hieronymum veridicum, lapidibus obruen-
 dum, inque fluctus præcipitandum, ut ipse in
 quâdam epistola perhibuit. Quid mirum i-
 gitur quod tantoperè laceffitus Hieronymus
 de Româ deferendâ seria secum agitaverit con-
 silia, graduque tandem concito (ut ipse loqui-
 tur) Bethlehemum, velut in svavissimum ex
 tantis tempestatibus portum perrexerit, vehe-
 mentissimum nimirum Invidiæ turbinem feli-
 citer evitaturus, inque sacro illo secessu deinceps
 æternitatis negotium peracturus. At
 verò nec ibi omninò à livoris fulgure (quo, ut
 ipse alicubi ait *summi etiam montes feriun-*
Acad. J. tur,) tutum consistere potuisse, arduæ illæ quas
 cum Ruffino, Johanne Hierosolymitano * ali-
 isque

* Ad cujus, scilicet, dioccesim Bethlehem attinebat,

& qui Hieronymiani nominis splendorem æger-
rimè ferebat, cum scil. tantum illi famæ & au-
thoritatis, doctrina, eloquentia, vitæque inte-
gritas peperisset, ut erudita quoq; Græcia unius
Hieronymi commentarios in linguam suam
transferendos curarit, imò ad antrum Bethlehe-
miticum, non secus atque ad totius Orbis Chri-
stiani publicum oraculum concursus factus
fuerit, crebræ epistolæ & nuntii ex Italia, ex
Hispaniis, è Galliis, ex ultimâ Germaniâ ex Afri-
câ huc (spreto & postposito Johanne Episco-
po.) commeaverint, plurimos denique non
tam loci religio, quam Hieronymi videndi desi-
derium in Palæstinam attraxerit. Ex toto Orbe
(ipse inquit alicubi) huc venit Bethlehemi;
Ezechielem cœpi exponere, vix finiam, nulla
enim hora nullum momentum est, ex quo non
stratum occurramus turbis. Omnes nimirum
cum Hieronymo loqui, omnes illum videre cu-
piebant. Hinc exarsere atrocis invidiæ flam-
mæ, hinc novæ maligni livoris procellæ exortæ,
Episcopo Johanne eas concitante, adeo ut non
solum Hieronymus cum suis ab ejus communio-
ne abstinere debuerit, verum etiam presbyteri
gradum & honorem amiserit, quo de ipse Hier.
ad Pammach. (To. II. f. 179.) *Ego misellus*
[scribit] *dum in solitudine delitescō, à tanto*
Pontifice repente truncatus, Presbyteri no-
men amisi, & paulò ante non sine indignatio-
ne narravi,] quam malitiosè literas orienta-
liū ad se scriptas suppressere Johannes conatus
sit, ne ei redderentur; Qui [inquit] Theophili
Episcopi mandatum nobis loquebatur, [Ildo-
rus scil.) literas ad nos ab eo missas noluit
reddere, cumque diceremus si Legatus es,
reddo

redde legationis Epistolas ; si Epistolas non habes, quomodo legatum Te probabis ? Respondit, se habere quidem literas ad nos, adjuratum tamen ab Hierosolymorum Episcopo ne nobis eas redderet. En legati constantiam ! [addimus, en nefandæ invidiæ dolos !] *qui ut pacem faceret, & suspicionem in alteram partem favoris excluderet, æquum se utriusq; tribuit. Quæ verò aliquandiu sub cineribus latuit livoris scintilla ; ea in horrendam odii flammam erupit, postquam Johannes Episcopus Hierosol. Arianæ factionis suspicionem incurrisset, àque illius communi- one meritò abstinens Hieronymus, errores gravissimè impugnasset ; utque de hæresi se excuset, acerba epistolâ [quæ Tom. II. f. 162. extat] monuisset. Neque defuere qui oleum igni huic infundentes, variis Episcopi injuriis exasperatum Hieronymi animum, literis insuper suis instigarunt ; hinc Riparius, illinc Marcella, aliunde Paula, Pammachius, Domnio, Oceanus, compluresque alii, quorum iteratis suggesttionibus : *Purga famam, compesce hæresim, succurre fidei ;* locum non abs re dedit Hieronymus, atque Johannem pro merito suo tractavit.*

*Investiva
bas Petri
Blesensis
extat in-
ter opera
ejus Pa-
ris. 1672.
edit. fol.
455.*

isque pseudo-fratribus habuit velitationes (de quibus alibi diximus) apertissimè loquuntur.

INVIDIÆ etiam telis apprimè olim patuit PETRI BLESSENSIS virtus, adeò ut in investi- vâ quâdam adversus obtrectatorem necesse ha- buerit famam suam contra invidi & malevo- li cujusdam Clerici calumnias tutari, hisq; inter alia

alia armis amentatas æmuli sui repercutere,
 hastas : Apponam sagittas acutas contra
 linguam dolosam, maledicam, magnilo-
 quam, scurrilem, dissolutam : loquar
 contra sibilos serpentis antiqui, nam in
 lingua tua loquitur, qui quondam in ser-
 pente locutus est - - Unde me nosti ?
Non expectato vulnus ab hoste tuli. Porro
 licet faciem tuam non viderim, ego Te in-
 tus & in cute novi. Existimasti inique
 quod essem tui similis. Ego quidem in
 opere meo simpliciter ambulabam, tu ve-
 rò dolosè agebas in linguâ tuâ. Semina-
 bam triticum & tu inimicus homo super-
 seminabas zizania - Dicis & scribis quia
 me non vidisti, gaudeo planè quod me
 non videris. Jam spiritum aspidis in Te
 sensi. Utinam me non videat oculus Ba-
 silisci ! INVIDE & Detractor, DEO odi-
 bilis, quid me mordes ? Qui enim detra-
 hit, dicit Ecclesiastes, sicut serpens, qui
 mordet in occulto - - si ore ad os dispu-
 ratio & conflictus esset inter nos, patien-
 tius sustinerem, facile est tibi impugna-
 re absentem, testeque Hieronymo deli-
 cata doctrina est, pugnam dicere de mu-

Ovid. E-
 pist. He-
 rei.

ro.

ro. In me utinam experiaris & oris & operis vocem ! Tutum tamen mihi esse non arbitror cum homine cerebroso contentiosum funem trahere, & contra con-

Proverb.
XXVI. filium Salomonis, stulto juxta stultitiam suam respondere. Ita adversus obtrectatorem & æmulum suum Petrus Blesensis, qui ali-

Confer.
Petri
Blesens.
Ep. 149.
opp. fol.
134. bi etiam Archidiaconi Bathoniensis dignitatem lividorum quorundam imposturis sibi jam seni ereptam fuisse conquestus est, implorato duorum aulicorum adversus falsam malevolorum criminationem auxilio : Senex (*scribit*) & emeritus à juvene, simplex & valetudinarius ab ambitioso, mansuetus & innocens à versuto; & ut temperatius loquar, turpi crimine diffamatus ab omni honore Archidiaconatus mei violenter expellor. Porro lator præsentium tragœdiam istam vobis apertius explanabit : singultuosus enim dolor os meum syncopis & *ἀντροδυσία* impediens, me loqui aut scribere non permittit. Datus sum per astutiam malignantis in opprobrium & contemptum, nisi miseria mea vestram excitat misericordiam, & passiones meæ vestræ compassionis affectum provocaverint.

rint. Verùm ea lamentatione impedire non potuit, quo minus tandem in alieno solo (quod *Idem E. exilium alicubi vocavit*) extremum vitæ clau- *pistol.* ferit diem. Quanta insuper calamitates à so- *160.* ciorum livore pressos exercere soleant, tristis etiam atque miserabilis HIERONYMI SAVONAROLÆ Prædicatoris Florentini disertissimi ac ferventissimi (ut post vetera illa recentius quoddam Invidiæ exemplum & documentum in medium afferamus) casus exitusque sub finem seculi decimi quinti clarissimè docuit. Is licet (Cominzo teste) *novibus Comin. l. fuerit inculpatus, & docendo multos ad sanitatem vitæq; emendationem perduxerit;* *1. de cel-* lo Nea- *pol.* livore tamen Clericorum quorundam, ipsiusque Pontificis Alexandri VI odio faviente factum, ut non acutis solum linguarum & calammorum spiculis acriter petitus, verum gravissimis tandem vexatus tormentis, denique suspensus, & in publico foro post necem fuerit combustus. Ac licet diversa à scriptoribus diversis de tristi hoc igne lata sint judicia, pauci ramen eunt inficias, insignem Savonarolæ virtutem, obfirmatæ parrhesiæ sociatam, gravi- que livoris turbine infestatam, flammæ huic atroci fomitem subministrasse. *Ia enim* (Jovio *Jovius perhibente*) *multitudinis Florentinæ animos in Hist.* virtutis opinione occupaverat, ut illum rerum Leonis X. *Pont.* omniumqua imminebant verum Vatem di-

*vinumque depravatis moribus emendandis
censorem cælo missum crediderint.* Quid

*J. V.
Pierius
de infel.
liter. lib.
II. p. 152.
Anton.
Sen. in
Biblioth.
Ordin.
Prad.*

quod Pierius eum nuncupaverit magnæ apud
literatos etiam authoritatis virum, christianæ
disciplinæ concionatorem egregium, doctrinâ
præditum admirabili; alius Virum perspicacis
admodum ingenii, solertiæ perraræ, tam in
omnis generis philosophia, quam in sacrarum
literarum studio exercitatum salutaverit. Hinc
magis magisque exarsit livoris nefarii ignis,
tantamque Hieronymi virtutem atrati quidam
fratres ægrè ferentes, è medio tollere laborarunt.
Non quievit equidem prius vel extincta fuit
sævientis invidiæ flamma, quam Hieronymus
medio foro esset exustus, atque in profluentem
Arnum projecti cineres, ne religiose à quibusdam
servati colerentur. *Etenim [si Cominæq
fides] populus incitatus ab adversariis, factò
concurso & connivente novo Magistratu,
Hieronymum & cum eo duos præterea comprehend-
erunt, gravissimisque subjecerunt tormentis,
Pontifex etiam misso legato permiserat illis ut de causâ cognoscerent, quo
factò tandem crematus est cum sociis.* Vide-
deris [dico rursus cum Magno Chrysostomo]
quantis malis ministra fuerit invidia, qualiterque
insatiabilem diaboli mentem impleverit,
& ei tantam apposuerit mensam, quantam
is cernere concupivit.

*Chrysost.
Homil.
53. ad
pop. Ant.*

VI. Idem scabiosus Livoris genius, ad alienum splendorem præstinguendum factus, refulgente bonarum artium & literarum luce ita in orbe literato regnavit, ut plurimos illustres, de literaria re optimè meritos, reconditaque doctrinae laude egregiè micantes Viros acriter impetere, imò pudendis artibus & criminationibus prorsus extinguere allaboraret. Quot præstantes doctrinam homines exorto literario Sole gravissimas passi sunt eclipses, invidis quibusdam & maledicis sive Theologastris sive philosophastris opacitatem suam interponentibus? Ipse FRANCISCUS PETRARCHA rarissimum ævi sui lumen livore urgente graviter est exagitatus, eò quod Poesim calleret. Ita nimirum in vitam refertur, primo operum ejus volumini præfixa: *Fuit illa tempestate nomen poeticum ita invisum, ut qui ea studia sequeretur, magum, sortilegum, & hæreticum esse dicerent. Erat tunc hæretica pravitas inquisitor quidam Marcus Picenus, de Solipodio oriundus, frater rudis, & omnium bonarum literarum omninò expertus, qui temerario ausu in nonnullos injicere manus tentavit, & ni provisum fuisset, maxima hinc oriri videbantur scandala. Sed cognita illustriorum hominum scientia, & fratrum avaritia, Solipodius tanquam stolidus, & bonarum*

Vid. vitam Petrar- che con- scriptam ab Heron. Squar- ciasco.

Hb 2 narum

narum disciplinarum ignarus explosus est, non tamen sine labore se purgavit P E-
T R A R C H A. Nec minus Jo. Antonium

*Vid. vi-
tam Cam-
+ pani à
Michae-
le Ferno
conscript.*

Campanum, Poetam & Oratorem suâ ætate sum-
mum ac famigeratissimum (qui oratione de
inventoribus scientiarum ad tres horas habitâ
totam Perusinam Urbem in tantum stuporem
rapuerat, ut longo tempore nihil aliud quam
de Campani eruditione sit locuta) sociorum
invidia tantoperè exercuit, ut ad extremam
desperationem adductus eò sæpè incaluerit, ut
cum Turcis vivere potius quam christianis ejus-
modi lividis conversari optarit. Similes ferè atri-
livoris insultus expertus est (Jo. PICUS MIRAN-
DULANUS summum illud ingenii doctrinæque
ævo suo miraculum) eò quod supra ætatem, &
supra quoscunq; alios reconditæ eruditionis,
etiam Theologicæ laude micaret, & aliorum
officeret luminibus. Non quidem palam cum
[ait vitæ scriptor] vitilitigatores, & libero
examine aggredi audebant, sed strophis po-
tius & cuniculis suggillare, clanculariisq; suf-
fodere telis pestifera corrupti INVIDIA [quæ
semper velut ignis alta petit] conabantur.
Multi qui vel ambitione, vel avaritiâ literario
negotio diu incubuerant, indecorum sibi fore
autumabant, si juvenis ille aggestis atavorum
opibus multaque doctrina velut fertilis ager
luxurians, in primâ Orbis urbe de naturalibus

*Conf. vi-
tam Mi-
randule
opp. ejus
prefix.*

divi-

divinisque rebus, deque multis per plura secula nostris hominibus non accessis, periclitari doctrinam & ingenium non vereretur. Et cum doctrinam variis machinis adhibitis subruï non posse animadverterent, tormenta calumnia in medium attulerunt, tredecim ex nongentis quæstiones rectæ fidei suspectas reprehendentes. Et quamvis graviter h. m. laceratus Mirandulanus, apologiam ediderit, miris elegantiss, multaue rerum scitu dignarum cognitione refertam; nihilominus tamen infinitis fœdatus fuit criminationibus, imò magis magisque procedente livoris acritudine, solum tandem vertere & apud Gallos Allobrogasque liberius cœlum captare est adactus. Testem laudamus J. O. CAPNIONEM *Reuchlini- nus lib. I.* REUCHLINUM, in primo de arte Cabalistica libro de Pico ita scribentem: *Novi ipsum de arte o'lim domo exulantem apud Gallos & Allobrogas, pulsumque patria, & fugatum acerrimè ab INVIDIS quâdam detestabili persecutione, prout eximia philosophica studia sua, & nobile ingenium. Est adcò genus hominum (ait Terentius) qui esse primos se omnium rerum volunt, nec tamen sunt, ex corvo forte nati, quæ avic usque ad Coronei annos, (ut est in fabulis) vestita prius albis plumis, posterius nigris.*
Hb 3 colore

colorem indumenti eis præbet, candidi & atrii, unde fratres atrati dicuntur, quippe volucris ea ob impiam delationem semper odiosa Phæbo. Hi tunc fuerunt mastiges, hi canes tam generosi &c. Sensit equidem malo suo morsus ejusmodi caninos ipse Reuchlinus, (primus hebraicæ linguæ apud Germanos professor,) ab iisdem fratribus atratis, duce quodam Jacobo de Hogstraten iniuriis continuis divexatus, probrisque innumeris laceratus illorum, qui [dicente Eleutherio Bizeno] barbarie, ignorantia, & INVIDIA stimulantibus, multiplicatis intrâ & extra Germaniam calumniis, & scriptis Reuchlini, non secus ac perditissimi sycophantæ omni fœdâ nota iniustis, miserrimè hominem afflixerunt, donec Cæsare, & variis Magnatibus excitatis tantum lumen literarum extinctione est prohibitum. Ægrè nimirum tulerant æmuli, limisque oculis aspexerant reconditarum literarum scientiam, quâ Reuchlinus erat præditus, & frequens quod habebat auditorium gravi livoris incendio addiderat oleum, siquidem [ut ipse in quâdam ad Bilibaldum Pirkamerum epistolâ est contestatus,] Ingolstadii quotidiè plus quam trecentis discipulis hebraicæ græcæque linguæ præcepta tradiderit, atque matutinis quidem horis R. Mosen Kimchium, vespertinis verò Aristophanis Plutum singula-

*Longo
carmine
id ipsum
Eleuthero-
bius Biz-
enus de-
scripsit,
cui tit.
Trium-
phus
Capnio-
nis,*

ri dexteritate explicarit. Hinc illæ atratorum
fratrum lacrymæ, & plusquam vatiniana in
Reuchlinum odia! hinc pestilentissima de illo
extinguendo opprimendoque consilia! Op-
pressus equidem fuisset ab invidis sycophantis
Reuchlinus, nisi fatali quâdam conversione
adversariorum tyrannis labefactata, furores-
que illorum per bonos & doctos viros fortiter
repressi fuissent. Nec levioribus postea
aculeis petitus à lividis fuit JOANNES
LUDOVICUS VIVES, Philippi Secundi
Hispan. Regis Præceptor, [Vir doctrinâ & in-
genio maximo, nec minus egregiis in publicam
rem meritis conspicuus;] præsertim cum ad
Augustini opus de Civitate DE I illustrandum
se accinxisset, atque veterum interpretum
ineptias & ignorantias detexisset, denique se
ERASMI amicum professus ibi fuisset, lau-
dibus ejus prolixè decantatis. Is nimirum eâ
tempestate erat DESID. ERASMUS, in quem po-
tissimum nulla non livoris jacula, odii spicula
invidiæq; sagittæ ex hostium [auctoritati suæ &
famæ metuentium, indeq; studia literarum re-
surgentia opprimere omni conatu laborantiū]
animis veluti arcubus sunt evibratæ. Ita eum
Stunica, Lei, Sutores, Bucentæ, Standicii, Dor-
pii aliiq; calumniis celebres, in aulis, in concio-
nibus, in collegiis, in gynecæis urgente livore
oppugnaverant, ut concidisset millies, ni gor-
gone sua, h. e. doctrinâ eloquentiâque insigni

*Conferi
præf. ope-
ri Aug.
de C. D.
à I. L.
Vive præ-
fixam.*

V. d. Box-
bornii H.
str. uni-
vers. p.
 255.

armatus, hostium agmina fortiter repulisset, imitatus scilicet insignem illum artium & literarum amœniorum restauratorem L A U R E N T I U M V A L L A M, cujus doctrinæ virtutisque cum pariter infesta esset fratrum atratorum invidia, gravissimisque contumeliis in nomen ejus ac famam fuisset grassata; ipse tanquam ad disputandum provocatus, quæcunque in se carpi damnarique acceperat, publico programma proposuit contra quosvis defendenda. Sed cum adversarii ejus (qui de honore suo conservando apprimè erant solliciti) haud obscura ignavi timoris indicia præ se tulissent, autoritate regiâ publicum illud certamen fuit inhibitum, idque ab ipso met Vallâ significatum studiosis confluentibus hoc disticho:

*Rex pacis, miserans sternendas Marte
 phalanges*

Victoris cupidum continuit gladium.

Et cum hoc probro magis magisque turbati efferatique Vallo-mastiges, nihil intermisissent eorum, quibus fieret, ut vel ad perpetuum carcerem ille damnetur, vel capitis supplicio libertatem dicendi expiaret, præsentissimum ille famæ pariter ac vitæ discrimen incurrit, donec singulari ingenii sui felicitate promptitudineque, & multo amicorum [adversus injurias insidiasq; omnes illum masculè defendentium] labore studioque id ipsum evasit. VII.

VII. Haud ineptè quidam è sapientioribus, Literatum invidum SERPENTI comparavit, siquidè is cum mortalium optimis atq; clarissimis serpentis instar internecinas exerceat simultates, diroque ac exitiali veneno suo nullas non præclaras meliorum actiones & cedro digna monumenta contaminare conetur, perditam omninò cupiens insignium laborum memoriam, imò tantoperè turgens pudenda lolliginis succo, ut extremum Virorum de publica & literaria re meritissimorum semper spiret atque meditetur exitium, utq; gloriolam sibi aucupetur, alios omnes velit inglorios. Prius quam JOHANNES HUSSUS Synodi Constantiensis decreto non turpis solum hæreseos stigmatè esset notandus, verum gravissimo etiam ignis supplicio adjudicandus, formidabiles per quietem vidit SERPENTES, qui magno numero illi apparuerunt, capita in caudis habentes. O memorabile livoris serpentinæ hieroglyphicum ! quod doctissimus Alciatus hujusmodi carmine est complexus :

Squallida VIPEREAS manducans femina carnes,
Cuiq; dolent oculi; quaq; suum cor edit,
Quam macies, & pallor habent, spinosaq;
gestat
Tela manu. Talis pingitur INVIDIA.

*Alicatus
 Emblem.
 LXXIX.*

Atque ut SERPENTINÆ livoris literarii ARTES cò magis innotescant, ut caveantur, apprimè notandum, eruditæ atræ illius loliginis succo tinctis solenne esse, ut miris vocibus præ-

Conf. Be- sentes commendent, absentes verò VENE-
dictum NATÀ detractiōe jugulent, inque ipsos ci-
Menzi. ves suos, & quod turpius est, familiares, quos
num Fior. pares habere nollent, exitiali scelere grassen-
de liter. tur. Quippe cum quis dignitate præstat, inde
hom. inv. caliginem sibi offundi putant, & quantum ali-
cap. s. p. cuius splendor augetur, de suâ credunt existi-
 23. matione diminutum. Semper istiusmodi ser-

pentum lateri lethalis hæret nocendi cupiditas, socios illi adsciscunt sibi, & administratos, qui nequitia glutino solidantur, non maledictis abstinent & conviciis, nulla etiam iis est in optimos & doctissimos reverentia, quin potius petulantia adeò abominabilis, ut cuncta hominum doctrinâ virtuteque præstantium opera cupiant perdita eque medio sublata. Cujus quidem INVIDIÆ exempla multivaria sunt in aprico. Ipsum divinum [ut vocant] Platonem aliquando in Democrito humani quidpiam passum, æmulationeq; tantoperè accensum fuisse, ut omnes philosophi istius libros [qui erant sine numero] comburendos statuerit, apud Laërtium Aristoxemus perhibuit. Et quod designaverat Plato, postea Alexandri opere exequutus est Aristoteles, quasi parum esset Alexandro se Asiæ dominatorem efficere, nisi etiam

etiā Aristoteli jus daret in omnes philosophos, quo solus inter ceteros emereret. En memorabile SERPENTINI livoris extremæque malevolentiae vestigium ! Utinam in Lyceo solum, non etiam alibi ille ingenii diabolici character olim fuisset observatus ! Sabinianum equidem tanta in Gregorium Magnum decessorem suum INVIDIA exarsisse memoravit Platina, ut parum abfuerit, quin omnes ejus libri jussu *Platina* lividi successoris fuissent combusti, atque sub- *in Sabiniano* lati è medio. Periiissent hoc modo Gregorii omnia, nî veloci fato extincto Sabiniano nefarii illi conatus [multis stupentibus] in fumum abiissent. Sic ægrè etiam ab interitu vindicta sunt doctissimi Ebræorum Magistri *Mosis Maimonidis opera cum tantæ nominis celebritati* INVIDENTES (verba Edvardi * Pocockii adscribo) nihil non, & contra IPSUM, & IPSIUS SCRIPTA molirentur, à quo-

* Pocockius in præf. *Portæ Mos præfata* *
 3. conf. Gregorii Abulfarasi *Histor. Dynastiar. Arab. & lat. ab eod. Pocock. ed. p. 278.* ubi legitur, opus insigne Maimonidis, cui ipse titulum indideris Delalah i. e. Indicis seu Directorii, ab invidis quibusdam Ddelalah [h. e. Errorem] appellatum fuisse.

à quorum (tanquam religionis Mohametica, quam aliquando simulaverat desertorem accusantium) calumniis unâ Alkadi Alfahel Abdirrhahimi fidi amici ope & gratia est liberatus. Quid, quod consimili in libros innocentes invidiâ, inter ipsos SINENSES olim nonnulli extremæ ambitionis homines ita flagrarint, ut conatu nefario omnia philosophorum suorum monumenta igni addicere, non dubitarint, faces quidem præferente ipso Imperatore Sinico Chingo seu Xio, (quo scil. priorum Imppp. omnium deleteretur memoria, ipseque apud posteros famam solus obtineret,) ignique oleum addente philosopho quodam livido, LISUO, qui oratione/peculiari in congressu regio habitâ, præter Imperatorem omnes Regni proceres (Martinio memorante) non dubitavit hunc compellare in modum: *Olim cum in plures divisa Dominos essent Regna, non abnuerim necessarium fuisse Literarum studium, ut quæ ad cujuscunque Regni gubernationem pertinerent è libris promerentur. Nunc evuluit hæc ratio, cum sub unius Imperio totus quiescit Orbis, omnes unius natum intuentur, unius ordo, una lex servanda, cui rei quid plura scire sit opus, ego quidem nescio, at obesse potius, hoc scio,*

*Mart.
Marti-
Hist. Sin.
lib. VI. p.
210.*

*scio. Quid enim? Otiosis litigiosisq; literarioribus Regnum cur oppleamus? Quo impensus Imperatori vigilandum, NE QUIS LIBROS HABEAT, domi vel suae, vel alienae, neve abscondat, sed quamprimum addicat FLAMMIS, etiam sub mortis pena denunciandum, salvo tamen illis, qui de agricultura, medicina & divinatione agunt. Tanta serpentinam hanc, & non nisi à livore dictatam Lisui orationem excepit librorum Sinicorum strages, ut omnia ferè Sinarum doctorum perierint opera, siquidem eam praefecti in conquirendis concremandisque libris diligentiam adhibuere, ut studiorum omnimodae eversio, totaleque exitium fuisset subsequutum, ni singulari laudabiliq; feminae cujusdam operâ libri quidam philosophici servati fuissent. Nimirum Confutii ac Mentii scripta anus quaedam paginis divisas ad domus parietes agglutinavit, feliciterque ab interitu vindicavit. Nil magis sanè duobus istis egregiis moralis philosophiae Doctoribus Sinicis (pariter ut illustribus quibusdam scriptoribus Europaeis) profuit quam manus carnificis, & hostilis ro-
*Mar-
 tin. l. d.
 p. 210.
 211. conf.
 comment.
 de Reli-
 ter. Sin.
 Sect. III.
 p. 42.**

IIX. Nondum satis excussum pestiferi SERPENTINIQUE LIVORIS LITERARII seminarium, neque exhaustus puteus atræ illius lolliginis succo repletus: Ea semper illos humanâ quidem facie, ast diabolico animo præditos SERPENTES cura versat atque cogitatio, quâ ratione venenum suum credulis aliorum auribus instillare, omnemque obloquendi, doctorumque hominum conatibus obstrependi ansam arripere possint. Vipereus nimirum Invidiæ foetus est atrocissima quælibet CALUMNIA, quam inferre optimis quibusdam literatî lividi non dubitant, nihil interesse existimantes, sive multum à vero, sive parum recedant, dummodo infrunitæ suæ nequitiae libido expleri possit. *Quinimò* (ut scitè non minus quam

Menzin⁹ verè nuper scripsit Benedictus Menzinius,)

l.d. cap. uni aut alteri nocere parum putat invidus,

3. p. 15.

(literatus) parata habet in omnes infestissima tela. Et cum non ratione, sed mentis feratur impetu, de latibulo prodit cruenta bestia, quæ rabidâ fame correpta, obvia quælibet petit admorsu. Invidia enim ut ait verè Basilius ille Magnus, cum illi qui eam possidet primum sit, & familiare malum, nihilominus omnia foris perscrutatur, inquirat, ut nunquam non suppetat, quod illam delusi tortor intestinus excruciet, cumq; ex
vero

*vero criminari non possit, in OFFICINA
 MENDACII omnes percurrit artes, ut fal-
 sa pro veris obtrudat. Nec ulla tam nobilis
 actio, tamque præclara & inculpata vitæ con-
 suetudo, quam cæca illa malitia, & fœda calum-
 nia & livens invidia, diro ac furioli pectoris
 sui veneno non conspergat tingatque, eò po-
 tissimum laborans, ut Viri profundioris doctri-
 næ elogio conspicui, temeratae fidei, fœdæque
 hæreseos abominabili stigmate ubique noten-
 tur, omniumque exponantur odio & execratio-
 ni. Cujus insanix cum seculis superioribus
 innumera extiterint documenta, haud abs re il-
 lam doctissimus, & arte non minus quam vir-
 tute præstantissimus Vir, Jo. Lud. Vivestanto-
 perè est detestatus, ut palmariam corruptarum
 disciplinarum culpam isti nequitix duxerit
 impingendam: *Non satis ait fuit illis (li-
 vidis scil. & temerariis hæreticofabris)*
litteras ignorasse, & ab earum cognitione *Vives lib.*
pro virili parte sua arcuisse alios, etiam in- *II. de*
famarunt teterrimi criminis, ne quis vellet *caus. cor-*
propius accedere, metu contagii. *rupt. art.*
linguas errorum esse velut quoddam semi- *f. 363.*
marium - - Ceu verò in sermone sita sit *opp.*
hæresis, & non in intelligentia: an ideo e-
rit fons culpandus si liquidior fluat & pu-
rior? Deinde cur potius vera & exacta la-
 tinitas*

trinitas hareses adferet quam corrupta & neglecta à quasi non omnes penè hareses è pravo sanctarum literarum intellectu nascantur, quod necesse est iis contingere, qui linguas eas ignorant, quibus Scriptura sunt prodita. Mirum ni Basilii, & Gregorii Nazianzenus, & Chrysostomus, quando Ario eloquentiores fuerunt, tanto hareticiores existimentur: tum Hieronymus hareticus sit, qui latinos, græcos, hebræos, chaldaeos scriptores plures evoluit, accuratius excussit, quam eorum qui post eum quiscquam: nempe homo summa industria præditus, indefatigabili studio, & longa vita usus. Vigilantius verò, Jovinianus, Ruffinus catholici, qui minus græcè ac Latine, quam ille noverant, & quos Hieronymus velut linguarum imperitos insectatur, tanquam errores ex ignorantia huius erint, & revera ita erat. Nam ut de aliis taceam, Vigilantius si scriisset, qui vocarentur hebræicè *FRATRES*. & vim illarum vocum novisset Primogenitus, & Antequam, non illa adversus puritatem sacra Virginis deblaterasset. Sed hæc, ejusdemque farinae alia surdis semper excepere auribus illi, qui furiali livoris æstro perciti optimos

ptimos doctissimosque omnes perditos cupi-
vere, aut infami saltim hæreseos stigmatè nota-
tos, artium insuper lingvarumque da-
mnarunt studia, *quoniam scil. ut præclare idem Vives l.*
Vives ait, **TANTUM BONUM ALIIS** *c. pag.*
INVIDERUNT. *Profectò oportet eos* 364.
esse pravissimos, ac impios, qui quod IPSI
SINT CÆCI, nec alios communi hac luce
frui patiantur. Enimverò non tam ego de
illis malè sentio, quamlibet sint imperiti, &
ex iis nonnulli stupidi, ut credam hac ipsos
non assequi. Sed hoc eorum animos urit a-
criter, quod vident adventu lingvarum non
parum dignitati & gloria eorum detrahi, qui
tam necessaria eruditionis parte carent. In-
dedò linguas rem invisam sibi conantur cum
hæresibus conjungere, re omnibus meritissimò
invisa, quum natura & re sint disjunctissi-
ma, quod vel ipsi non ignorant pueri. Et
quamvis aliorum haudquaquam eò usque pro-
cesserit furor, ut doctrinâ literisque illustres
homines hæreticorum albo duxerint inferen-
dos, probris tamen incessere aliis, lutoque suo
obvios quosque conspergere non dubitarunt.

Quippe artifex (*ut bellè ante laudatus Men- Menz. in 9*
zinus) liventi oculo alium spectat artifi- *Florent.*
cem ; imò Oratores damnant non- *O. l. c. c. 7.*

ratores; poetas improbant non-poetae,
aut si quid utraque in facultate valent,
cum egregiis certè hominibus nequa-
quam conferendi, quibus ut in honore
sint, natura dedit ut excellant. Cujus
quidem rei exemplum adscribere non ve-
rebor. Nostra vidit ætas Oratorem adeò
egregium, atque omnibus eloquentiæ
viribus ita instructum, ut in ipso Roma-
num Hortensium prudentes viri agno-
verint & admirati sint. Et quamvis nul-
lus faciei decor, nulla oris elegantia viro
inesset, ut qui colore plumbeo, strabis
oculis, distortis, divaricatisque cruribus;
illi tamen tanta in dicendo majestas, hy-
pocrisis tanta, ut quo ipse vellet, omnium
animos facilè impelleret. Nihilominus
diobolarii Oratores tanti viri culpabant
eloquentiam, nare subsannantes, inflatis
buccis explodentes: atque ex eorum nu-
mero impudentissimum quendam agno-
vi, qui uno & altero egregii viri audito
verbo protinus veluti furore correptus, de
celeberrimo conventu abiens, qua data
porta erumpebat. INVIDUM ne di-
xeris, an imperitum? Eidem enim arti
addi-

addictus, alterum dicentem ferre non poterat, aut saltem ea de causa patientem aurem commodare, ut ex alterius auditione & ipse in dicendo proficeret. Nunquid enim torqueri debemus, aut cepto itinere desistere, cum potio-rem viderimus aliquem, & felicius eò pervenisse, quo & nos omni studio contendimus? Longè præstabilius esset ea nos assequi posse confidere, quæ tot ante nos Viri videantur assecuti. Sed & proximè nos antegressum seculum consimilia vidit livoris exempla: MAR- *Scavola*
 CUM ANTONIUM MURETUM ipsa sibi *Sam-*
 Galliam INVIDISSE, misisseque in exilium *marth.*
 Sammarthanus prodidit, quo etiam memorante *in elogiis*
 GUILIELMUS BUDÆUS plures tum in *illustr.*
 Italia, tum Germania habuit æmulos, qui pul- *Gallor.*
 cherrimam ejus DE ASSE operam sibi prære- *p. 3. r.*
 ptam contenderunt, ipso ERASMO faces calum- *65.*
 niæ admovente, QUI CUM (ut notanter
 ait Sammarthanus) OCCULTE Budæo prin-
 cipem in literis locum INVIDERET, cuni-
 culis oppugnare non desinebat, donec pervi-
 cerit veritas, nec se opprimi passa sit mendacio.
 Simile prorsus eodem Scriptore perhibente fuit
 CHRISTOPHORO LONGOLIO fa-
 tum, quem ut ut Tullianæ eloquentiæ studio-
 siorem, Itali (nullum urgente livore in hoc

*Sam-
marsh.l.
c. pag. 6.*

*Conf. vit.
Verula-
mii, opp.
ejus pra-
fix.*

laudis genere supparem ferre valentes) ut in
sententiis exilem, & in verbis minimè luculen-
tum prorsus sint aspernati. Neque à sævo hoc
invidiæ joco PHILIPPUM COMINÆUM
vindicare potuerunt illustria in Gallicam rem
merita, cum ab occulta malevolorum conspira-
tione apud Regem in levitatis & perfidiæ cri-
men adductus, duram & iniquam teterrimi car-
ceris calamitatem aliaque suis virtutibus indi-
gna subiisset, nec ullus sui purgandi relictus es-
set locus, patronis adversariorum potentiâ de-
territis, donec suam ipse causam in Senatu age-
ret, omnibusque Patrum conscriptorum suf-
fragiis honorificè tandem absolveretur. No-
stro etiam ævo nobilis ille Anglicani Regni
Cancellarius FRANCISCUS BACO VERULAMIUS,
invidiâ procurante à negotiis civilibus & vi-
ta activâ retractus, vel potius ab officio suo re-
motus, illustre literati hominis, à sociorum li-
vore vexati dedit documentum.

IX. Non autè honori solum, dignitati famæ-
que clarorum virorum, verum etiam VITÆ
ipsi invidos quosdam literatos insidiatos fuisse,
tragicus Poëtæ illius exitus docuit, quem cæca
olim Aridæi Macedonis & Cratevæ Thessali
malitia miserrimè canum ministerio interemit,
sicuti avorum nostrorum memoriâ Theophi-
lus Demetrii Chalcondilæ filius, ingenio pa-
riter ac eruditione præstantissimus juvenis, AB
INVIDIS (Pierio teste) miserè est interfectus.

Carolus

Carolus quoque Molinæum, doctissimum suum
 auctorem Ictum Parisiensem per invidorum insidias
 duram carceris molestiam perpeßum fuisse,
 Sammarthanus prodidit. Et teste Johanne
 Imperiali celeberrimus ille Venetorum clarorum en-
 comiastes Baptista Egnatius, educto senili gla-
 diolo in Franciscum Robortellum **ÆMULUM**
SUUM impetum facere non dubitavit. Johan-
 nes Müllerus Regiomontanus, post Ptolemæ-
 um, omnium qui artes mathematicas tractant
 doctissimus, à Sixto IV. evocatus ut Calendarii
 emendationi, quæ jam tum agitabatur operam
 impenderet, Romæ statim decessit, à Georgii
 Trapezuntii filiis **VENENO** petitus, ob **LIVO-**
REM scilicet ut notanter scribit Thuanus, quod
 ille parenti ipsorum gloriam in magna Ptole-
 mæi syntaxi illustrata præripuisse videretur.
 Quo non mortalium [cum primis literatorum]
 pectora cogis, ô horribile **INVIDIÆ** tormentum!
 Ecquis piorum, Livorem cætera vitiorum,
 monstra (quæ Orbis Literatus alit) & proter-
 viâ, & fœcunditate & virulentia superare du-
 bitaret? quis cum insigni quodam philotheo
 non exclamaret: Quodnam invidiâ monstro-
 sius monstrum aut quod damnosius damnum?
 quæ culpabilior culpa, quæ pœnalior pœna?
 Hæc (addit idem) est erroneæ cæcitatæ abyssus,
 humanæ mentis infernus, contentionis stimu-
 lus, corruptionis aculeus, qui sunt invidiæ mo-
 tus, nisi humanæ (cum primis literariæ) tran-

*Jo. Pier.**Val. lib.**II. de in-**fel. lit. p.**114.**Sam.**l. c. Job.**Imper.**Mus. Hi-**stor. p.**68.**Thuanus**lib 76. &**90. Hist.*

quillitatis hostes, mundanæ tentationis satellites, animæ laborantis hostes vigilantes, alienæ felicitatis excubites. O portentosa invidia! ꝑ ecquam humani corporis partem insidere Te dicam, ut sciri possit, quâ oppugnari, quâ expugnari queas, quâ sectione, quâ potione, quo igne quo ferro possis excindi? Eone ex inferis emerfisti, ut quicquid cuipiam benè est tuum supplicium faceres, quod cuique improspere accidit, ex eo captares tua vesana & infelicia gaudia, operamque apprimè dares, ne bonorum aut doctrina virtuteque singulari conspiciuorum ullus *coram Te consistere possit*. Superfluum omninò esset, plura ejus rei exempla notare, dareque documenta, quin etiam noxium videri posset atque damnosum, cumulandis iis, quæ impiè aliquando & malignè in eo genere admissa sunt diutius immorari. Ea quæ jamjam recensuimus exempla sufficere possunt ad persuadendum, muniri oportere hominis literati [cumprimis DEO sacrati] pectus adversus execrandam illam iuvidentiæ pestem, atque perniciosas adeò principis tenebrarum catapultas, quæ nunquam defuerunt, deeruntve, quamdiu per absentiam Domini permistim cum bonis degent improbi, quod eousque durabit, *donec veniat Dominus, ventilabrum in manu sua habiturus, ut discernat populum suum. Interim cum Hierosolymitis habitat Jebusæus.*

In grege Jacobi animalia alba & nigra. In agro Domini granum cum palea, ut scite ait Petr. Blesensis.

X. Veruntamen illud peropportune accidit, cunctisque livoris pondere pressis maximo esse potest solatio, quod ille ut plurimum CORAM SE IPSO STARE NEQULAT, ipse sibi sævum sit & perpetuum tormentum, nec tamen ita se conficiat, ut non semper redivivus potensque ad sese identidem excarnificandum compareat; ita proinde vivat LITERATUS INVIDUS, ut nullis vitæ frui possit commodis, ita rebus aliorum secundis agitetur, quasi furiarum tædis ardentibus terreatur, ita desipiat, ut naves & turpes exorbitationes suas non animadvertat; ita sit excœcatus, ut crimina ab aliis admissa aliis adscribat, ac cæteris nihil, sibi verò ignoret omnia, ita denique sit comparatus, ut vix constet utrum vivis an mortuis sit accensendus. *Gregor. Nazianz. Orat. 27. Hieron. in c. V. ad Gal.*

Quo ipso ex capite justâ esse invidiam ait Gregorius Nazianzenus, quod in artificem & patientem suum saviat, eique notabile fiat tormentum, juxta illud à S. Hieron. ex quodam [ut ait] neoterico laudatum:

Justius invidia nihil est, quæ protinus i-

psum

Authorem rodit, discruciatq; animum.

Nec malè Horatius:

Invidus alterius rebus marcessit optimis :

Invidiâ sicubi non invenère Tyranni

Tormentum majus - -

Naso insuper cum Virgilio livoris imaginem efficturus, mulierem caliginoso loco obscuroque & ab omni hominum frequentia remoto sedentem, ac seipsam flagellis occultis semper dilacerantem suoque vitio contabescentem representavit. Iisdemque ferè coloribus priscæ Ecclesiæ Doctores infernalem illam furiam depinxere. Audiamus Cyprianum pessimi hujus sceleris litanias hunc in modum decantantem : Qualis animæ tinea est invidere in altero virtutem ejus aut felicitatem, odisse in eo vel merita propria, vel beneficia divina, in malum proprium bona aliena convertere, aliorum gloriam facere suam poenam, & velut quosdam pectori suo admoveere carnifices, & cogitationibus & sensibus suis adhibere tortores, qui se intestinis cruciatibus lacerent, qui cordis secreta malevolentia ungvibus pulsent. Miserabilior, quam ille cui invides, & non illi sed Tibi nocet, &c. Non cibus talibus lætus, non potus potest esse jucundus. Suspiratur semper, & gemitur & doletur, dumque ab invidis nunquam livor exponitur,

*Cypriano
lib. de
Zelo.*

nitur, diebus ac noctibus sine intermissione pectus obsessum dilaniatur. Mala cætera habent terminum, & quidcunque delinquitur, delicti consummatione finitur. In adultero cessat facinus perperrato stupro, in latrone conquiescit zelus homicidio admissio, & prædo capacitatem finit possessa præda, & falsario modum imponit impleta fallacia. Zelus terminum non habet, permanens jugiter malum, & sine fine peccatum est. - - Vultus minax, torvus aspectus, pallor in facie, in labiis tremor, stridor in dentibus, &c. *Basil. M. homil. II.*

Nec minus luculenter Basilus MAGNUS Nihil (ait) mortalium animis invidiæ perturbatione perniciosius contingit, quæ ante omnia ipsi nocet auctori, aliis verò quam minimum. Quemadmodum enim venenum ferrum, sic invidia hos qui eam possident consumit atque vastat. Magis autem, sicuti viperas dicunt abrupto matris ventre nasci, sic & invidia concipientem se animam, corrodere simul ac tabefacere solet. Unde colligit Basilus, quanto horrore homo præsertim Literatus ferri debeat in vitium adeò tetrum ac virulentum,

quod non malè tinea idcirco aut teredini quidam compararunt. Sicuti sc. cæteræ res ab insito aliquo perire soleant vitio, ut à ferrugine ferum, à tineis vestes, à teredine lignum; ita livor, morbus ille Literarorum pessimus non quidem alienis, sed propriis suis telis jure meritoque sit conficiendus. Et quemadmodum Hiarbita Maurus, dum Timagenem Philosophum æquare vellet concionantem & non posset, præ invidiâ crepuit, juxta illud Horat. 1. Epist:

*Rupit Hiarbitam Timogenis amula lingua
Dum studet urbanus tenditq. disertus
haberi;*

*August.
Epist. ad
Jul.*

Ita literatis plurimis livor mortis, extremique exitii causa extitit. Optimè hinc Augustinus livorem odio sociatum navi fluctibus assiduè jactatæ semperque perturbatæ, lupo item immaniter insanienti comparavit; Chrysostomus Dæmoni; Alii Polypo pisci, qui propria subinde membra corrodat; Tigridi item, quæ se ipsam occidere soleat, eò solum, quia citharæ concentû ferre non potest; viperæ, quæ rupto matris utero nascitur; atque hanc justissimam pœnam lividis omnibus divinitus constitutam esse rectè quidam censuerunt, ut istâ corrupti labe gravissimè afficiantur, eorumque animi perpetuò crucientur. Pulchrè admodum

dum sciteque Valerianus; *Felicem planè [ait]* *Valeria-*
illum iudicio, cuius gloriosam vitam torvis *nus hom,*
oculis alter aspexit. Nam satis bono loco 13.
est illius causa, qui aliena laborat invidia,
quia non livet homo nisi melioribus, nec in-
vidia subjacet, nisi quem ad celsiora melior
vita profectus evexerit. Illos verò plus-
quam miseros puto, quos lucra aliena felici-
tatis exagitant, & iracundia, impia amula-
tione concepta, occultis cordis jaculis inquie-
tat. Benè istos sua tela puniunt. Ut vi-
deatur mihi ipsa invidia aliquid habere di-
cretionis, cum authoris sui cor repercutit, &
malè conscius pectus cruento semper livore
consumit. Notanter etiam Hieronymus, Eccles.
illum Ecclesiast. locum: Stultus compli- IV. v. 5.
cat manus suas, & comedit carnes suas; in- S. Hic-
vidorum suppliciis voluntariis applicans, ren. ibid.
Qui aliena (inquit) felicitati invidet, &
quasi spiritu furoris raptatur, & invidiam
in sinu suo receperit, nutrieritq; eam in pe-
ctore suo, ille comedit animam suam & car-
nes suas. Quanto enim eum cui invidet
feliciorem videt, tanto ipse amplius contra-
bescit & deperit, & paulatim zelo ac livore
destillat. Abominabili sanè, nec unquam au-
ditæ

ditæ subjaceret infirmitati is, qui viso sodali sano atque robusto, ipse propterea macer fieret, & nihilominus, ut canit Poëta :

Invidus alterius macrescit rebus opimis.

Hujusque farinae hominem literatum culpâ livoreque suo longè miserrimum, Pet. Blesensis

Pet. Bles. epist. 80. hunc in modum reprehendit : *Qui adversus innocentiam tuam erigebat tormenta invidia,*

suum gerebat in mente tortorem. Nam juxta verbum ethici, justius invidia nihil est, quæ protinus ipsum authorem torquet, decrucians animam, nonne tormenta sunt, ex bonis aliorum marcescere, agrescere, deperire ?

Bellovas. Spec. mor. lib. III. p. 4. dist. 1. Eandemque invidi doctoris stultitiam insinuans Bellovacensis ; *O insania [ait] & stultitia ! invidia de alieno vulnere, suum vult sanare vulnus, sanitatem quarit in aliena infirmitate, bonum in alieno malo, quod idem est ac si quæreretur ignem in aquâ, & aquam in igne, in spinis uvas, in tribulis ficus.*

August. Serm. 18. ad fratres, Ipseque D. Aurelius Augustin. invidum quendam fratrē efficaci sermone suo curaturus, tormentum aiebat *sine refrigerio, laborē sine respiratione, pœnam sine intermissione, famem sine saturitate semper habere videris. O invidе vermis, mortifere, qui in hedera Jona quotidie*

tidie nasceris. O igneus serpens, quo populus Israel pungitur ! Quantumvis igitur vitia omnia sectatorum suorum sint carnifices, nulla tamen noxa ita reum cruciat, uti livor invidum ; Torquens scil. [dicente Chrysologo] ejus animum, discrucians mentem. Hunc qui receperit, sua sustinet sine fine supplicia, quia semper in se domesticum diligit habere tortorem. Quis ibi malorum finis, ubi alterius bonum poena est, ubi cruciatus est aliena felicitas. Neque verò aliunde dolor ille provenit, quam ex corrupto de bonis nostratibus iudicio, ea enim si invidus minoris faceret, & pro mensura tantum perfectionis, quā reverà prædita sunt æstimaret, labe ista neutiquam pollueretur, adeoque Literatus scientiæ nostratis tenebricositate perspectâ, alteri ob eam neutiquam esset invidus, etiam si Gregorius Nazianzenus doctrinam rem omnium invidiosissimam nuncupare non dubitaverit.

Chrysol.

Serm.

172.

Gregori

Nazian.

Orat. xx.

XI. Ast miseros istos suæ nequitiae suisque poenis atq; suppliciis relinquentes, mala porro damnaq; gravissima ad animum nobis revocabimus, quæ nullo non tempore etiam Literatos sociorum invidiâ exagitatos pressosque exercuerunt, atque turbarunt tantoperè, ut [juxta laudatum Salomonis iudicium] coram invidiâ consistere nequiverint. Utut enim optimis Viris bona atque commoda singularia invito livoris ipsiusmet ministerio tribuantur, venenataque

taque invidorum spicula in egregiæ virtutis trophæa sæpissimè convertantur; non leves tamen molestiæ imò horrendæ tempestates iis omni ævo fuerunt subeundæ, quos invidorum malitia omni conatu opprimere atque è medio tollere laboravit. Livor (præclare dicente Zenone)

*Zeno
Serm. de
livore &
invid.
Chrysost.
hom. 7.
in Ep. ad
Rom.*

ipsa Natura jura confundit, sive leges ejus (Chrysostomo interprete) à suis compagibus motas revellit, mortique valvas adaperit. Quid mirum itaque, quod tantæ calamitates hæctenus omnib⁹ iis quos aliena infestavit invidia, fuerint devorandæ? Si invidus contra ipsos fratres, sive sanguine junctissimos armare se satagit (quod cum primis exemplo Caini, Esavi, fratrumque Josephi patuit,) quomodo mitius ager cum aliis, ad nullam equidem charitatis sive honestatis respiciet legem, dummodo suam explere possit malignitatem. Ingeniosè nonnulli observant, quod eo præcipuè tempore Josephi fratres in necem eius conspirarint, quo ipse cibum iisdem attulisset. *Cum vidissent illum (ait Chrysost.) procul venientem ipsisq; cibum afferentem, inter se dicebant: Venite interficiamus eum &c. Ut fratrem non reverearis, neque naturam agnoscas, certe mensam ipsam conveniebat revereri, ipsumque ministerii officium, quandoquidem aliturus Te veniebat.* Tantum itaque abest ut suis lividus [etiam literatus] parcat benefacto-

factoribus, ut potius extremū iisdem exitiū machinetur, ad veterū sc. pharisæorū exemplum, qui eo ipso tempore de interficiendo Christo inter se consultarunt, quo ipse claudum quendam sano gressui restituit, cum potius ardentem eum rogare debuissent, ut se erga illos beneficium exhibere pergeret atque continuaret.

*Euntes autem pharisæi (inquit Evangelii-
sta) concilium faciebant adversus eum, Math. XXII.
quomodo perderent. Scitisne causam? (quæ-
rit Chrysostomus,) multo magis aliena, Y. 14.
Chrysost.
h. m. 22.
gloria offendit invidos, quam proprium da-
mnum, collata beneficia eos magis irritabant. in Joh.*

Ac licet salus publica in privatorum etiam redundet emolumentum, parum tamen de eo procurando atratus frater esse videtur sollicitus, dummodo suis indulgere possit affectibus, & neminem non de publicâ re præclare meritum supplantare, ut ipse solus ab omnibus in pretio habeatur. SOLI inquam *Literati invidi* esse volunt, ceu SOLES, ast nimio perè ut plurimum in SOLITUDINE ista appetenda errare solent. Sicuti Angelus apostata Luciferi dignitate splendoreque neutiquam contentus, increatum illum Solem h. e. DEUM referre studuit, moxque factus est Princeps tenebrarum ex principe lucis; ita qui instar Solis in erudito Orbe soli sapientiæ & gloriæ luce splendere volunt, plusquam cimmeriis ple-

rur-

runque involvuntur tenebris, instar LUNÆ magis magisq; decrescētes, & instar cœcorum omni luce æternum destituendi. Dum omnium sapientissimi haberi voluerunt, evadunt stolidissimi, ut *stulti* [dicente Ecclesiaste] *ambulantes in tenebris*. Labor stultorum ut Syracides ait, affliget eos, labor scil. quo rixas contentionesque quotidianas generant, alienam famam semper lacerant, non tamen apertè sed occulte cœcisque viis, & improbissimis quibus plurimum possunt artibus, nimirum ut *stulti* ambulantes in tenebris, lucisque salutiferæ usurâ carentes. Hoc ipso [inquam] morbo laborantes literati quidâ, felicissimos aliorum success⁹ virtuti singulari respondentes, limis intuētur oculis, atq; Viros de publica re præclarè meritos immani invidiâ de felicitatis sede deturbare, nullisque non afficere solent contumeliis. Cum post gravissimos pro patria labores exantlatos, nobilissimasque victorias reportatas, livoris nefarii telis petitus esset Scipio Africanus, ingrâtis concivibus haud immeritò illud crimen hunc in modum exprobravit: *Cum o-*
tam Africam vestra subjecerim potestati, ni-
hil ex ea quod meum diceretur, nisi cogno-
men retuli. Non igitur me Punica, nec fra-
trem meum Asiatica gaza avarum reddide-
runt, sed uterq; INVIDIA magis, quam
pecunia locupletior. Ita Scipio; quem haud ma-
 lè Li-

Valer.

M. lib.

III. c 7.

le Literatus de publicare optimè meritis, ast alieno livore infestatus, hunc in modum imitatur: *Cum arduos maximè pro publica & literaria rei emolumento labores exantlaverim, nihil ex iis quod meum diceretur, nisi nomen famamq; (seu fumum potius) retulit, INVIDIA magis quam honore & pecunia locupletior.* Quem ipsum invidiæ stimulum, & aculeos ævo suo sentiens D. Hieronymus hastam propè abjiciebat, ægreque adducebatur ut scriberet amplius, animi sui sensum, cur tam diu laborare detrectasset aperiens hunc in modum: Accedunt ad hoc **INVIDORUM** studia, qui omne quod scribimus, reprehendendum putant, & interdum contra se, conscientia repugnante, publicè lacerant, quod occultè legunt: in tantum, ut clamare compellar & dicere: *Domine libera animam meam à labiis iniquis & à lingua dolosa.* Tertius annus est, quod semper scribitis, atque rescribitis Esdræ librum & Hester vobis de Hebræo transferam: quasi non habeatis Græca & latina volumina, aut quicquid illud est, quod à nobis vertitur, non statim ab omnibus conspuendum sit: frustra

*Hieron.
præf. in
Esdras
ad Domitian.*

NB.

Kk

autem

autem (ut ait quidam) niti, neque aliud fatigando, nisi odium quærere, extremæ dementiæ est. Itaque obsecro vos, mi Domnion, & Rogatiane charissimi, ut privata lectione contenti, libros non effertatis in publicum, nec fastidiosos cibos ingeratis, vitetisque eorum supercilium, qui judicare tantum de aliis, & ipsi facere nihil noverunt. Ita notanter Hieronymus, qui tamen sub ejusdem epistolæ finem animum adversus objectas ab invidia moles rursus erexit obfirmavitque, sic scribens: Itaque licet hydra sibilat, victorque Sinon incendia jactet, nunquam meum (juvante Christo) filebit loquium, etiam præcisa lingua balbutiet, legant qui volunt, qui nolunt abjiciant, eventilentq; apices, literas calumni-entur, magis vestra charitate provocabor ad studium, quam illorum detractione & odio deterrebor. Ast cum minutiores timidi-oresq; litteratorum quorundam animi maligni-tate adversantium pressi facile concidant, hinc sæpè accidit, ut scriptores idonei à labore scri-bendi, & communis boni studio avertantur. Sunt porro qui Invidiæ virus occulti odii loli-gine mixtum, singulari vaftricie obtegere labo-rent, admiscentes nimirum aliquam asperæ
censu-

cenſuræ laudationem , amicitiam ſimulantes
dum necant, latus enſe aperientes dum oſculan-
tur, perniciem procurantes, dum benevolentia
præ ſe ferunt ſpeciem , blandi trucidatores !
quos ævo ſuo jam novit atque haud abs re atro
carbhone notavit Petrus Bleſenſis hunc ſcribens
in modum : Si opuscula mea in manu *Æ - Pet. Bl. ſ.*

MULI quandoque ſiniſtro devolvantur *Epist. 91.*
eventu, bona (inquit) hæc eſſent, ſi autho-
ritates quas ipſe adaptat ſederent compe-
tentius, aut materiæ reſponderent : Sic
in ſcriptis veterum plerumque deſcribi-
tur invidia, & venenosa malitia detracto-
rum : Julium Fortunatum fateor Virum
fortem, qualiter tamen iudicium repe-
tundarum evaſerit, miror. Publius An-
tonius elegantiffimè poſtularet, niſi quod
prævaricatus eſt in cauſa Lucilii. Ecce
quomodo invidia mel intoxicat, & dum
aliena virtute torquetur, bonum quod a-
pud ſe non invenit, malitiouſè depravat.
Opinionis enim alienæ diſpendium ſuæ
famæ reputat lucrum, totumque ſibi de-
trahi credit, quod ad titulos vicina boni-
tatis accedit. Tantùm verò abeſt ut ea mel-
lis admixtio atræ illius loliginis turpiſque livo-
ris ſit expurgatio, ut potius aggeſtio ſit & cu-
mula-

mulatio odii, proprio ut plurimum gladio sese jugulant astuti illi laudatores, nec prius mustea convicia in alios [urgente livore] jacere desistunt, quam universo Orbi demonstrent se non candidos esse & veraces, sed mendaces, non eleganter doctos, sed malè coctos, non justos censores, sed omnium reprehensores.

XII. Abominabilis itaque INVIDIÆ malignitas potillimum cognoscitur ex eo, quod gravissimam inter LITERATOS homines ODIÀ concitare soleat, vel potius illa sensim [ut nonnemo monuit] ex invidia configurentur. ODIÀ inquam non levia aut vulgaria, sed vehementissima, implacabilia, & quæ sæpè parum ab ipsâ mentis alienatione distare videantur. Consultum siquidem est Satanæ, ita depravari, tantopereque mutuis inter se odiis exerceri doctissimos mortalium, ut similes evadant navi, assiduis jactatæ fluctibus, lupis immaniter insanientibus, polypo pisci propria subinde membra corroderenti, imo ita tandem demententur, tamque vesani reddantur, ut contra insensata ipsi pariter insensati irascantur, nec solum occultas & latentes, verum publicas etiam, pertinaces, omniumque conspectui expositas foveant simultates, imò tristi suo doceant exemplo, literatorum mutua odia internecinasque hostilitates sæpè gravissimis ansam dare calamitatibus, nec non pro seminario atq; radice infinitarum miseriarum esse

se habendas. Nonne experientia magistrâ hactenus abunde didicimus, literatorum plurimos vix sine odio ferre vel leviter à se dissentientes, & si quis ea quæ ipsi vel ore vel scriptis prodidère, non ad crepitum digiti tanquam prætoria quædam edicta amplectatur, eum odisse jubent, atque promiscuæ etiam plebis in caput innocentis internecinum odium acuunt. Neque verò nobis nunc sermo de odio est quod secta in sectam exercet, & quod in elucescentem veritatem semper fuit paratum, sed quod LIVORE [imò ipso dæmone urgente] inter fidei ac professionis unius ejusdemque viget socios, ansamq; malis innumeris subministrat. Narrat Herodotus Psyllis populis aquas exsiccatas fuisse flante austro, illi ergò indignati, contra hunc ventum publico concilio coacto quandam suscepere expeditionem, sed cum exercitus eorum ad campos quosdam arenis refertos venisset, in quibus ventus ille arenas quasi undas convolvendo vim suam valdè exercere potuerat, mox illum miserè obrutum atque suffocatum fuisse; Ita sanè eruditorum plurimi internecino odio, ac continuo vindictæ appetitu, gravissimas sibi met ipsis miseras & fulminantes concitant calamitates, ut proin rectè Menander odio flagrantem hominem (præsertim doctum) SUI IPSIUS gravissimum hostem nuncupaverit; aliorum verò, à quibus nullo unquam verbo læsus fuerit aut factus, car-

*Herodot.
lib. IV.*

nificem truculentum , siquidem alienis malis atræ illius loliginis succo tincti plerumque intendant. Quemadmodum enim vultures pratis relictis amœnis, ad tabida loca feruntur, muscæ desertis membris sanis convolant ad ulcera, sues luto exultant, scarabæi stercore nutriuntur, noctuæ denique sectantur tenebras, sic & odibiles illi odiosique in rimandis aliorum defectibus unicè desudant, luto quosvis conspergunt obvios, ac si domi scholas suas perdiderint, alibi novas quærunt per quas fitas aliorum criminationes, occultè frequenter nocentes lædentesq; imò sollicitè curantes, ut inter atrocis imposturæ & audacis impudentiæ parietes furtim elabantur. Cum enim bonæ desunt artes, tunc necesse est ad dolos verti & fallacias, ut odio interno æstuantes literati externa tamen specie benevolentiam simulare cōtintantur, suamque indignationem in latebris cordis servant oclusam, donec eandem aliquando furiali quopiam affectu manifestare possint.

Prov. X. RIXAS scil. (dicente Regum sapientissimo)
vers. 10. suscitantes, ex quibus facile cades sequantur, saltem
 acerbæ adeò simultates foveantur inimicitiaq;
 ut vix ullus amplius locus christianæ superfit
 reconciliationi. Unico id ipsum eoq; illustri
 exemplo comprobabim⁹, nempe CLAUDII S. qui
 in Dan. Heinsium ex eo tempore plusquā vati-
 niano flagravat odio, quo ipsi non per omnia
 fuit adstipulatus, tantumque absuit, ut post ad-
 mis-

missum crimen aliquâ ductus sit pœnitentiâ, ut sæpè etiam admonitus, quam prius admiserat odii pestem graviore culpa cumularit. Et cum post multos annos fatigatus videri posset exercendo injusto hoc odio, adeoque vel sponte ab eo desistere debuisset, ab ipsis Academiae Curatorib⁹ ut desineret, vix tandem fuit permotus. Postea verò novo majoriq; in Heinsum odio & invidia incitatus, quod prior criminatio fidem non invenisset, odiique sui causam nec dum quibus volebat probasset, neutiquam ad erroris sui cognitionem per Theologos adduci potuit, qui ipsum cum Heinso reconciliare statuerant, nec effecere illi aliud, quam ut multò reddiderint ferociorem, adeò ut fide dignissimi viri affirmarint, mortem ei obtigisse dignâ vita quam egerit turbulentissimam, plenissimamque odii & indignationis. Tantum sc. abest ut circa vitæ finem diu inveterata odia ocysus possint eradicari, ut potius majores tunc consequantur vires, & non nisi cum ipsa animâ soleant exhalari. Discant hinc mortalium doctissimi citò ea quibus aliquandiu flagravere deponere odia, ne & ipsis exitus adeò turbulentus, odii-que & obrectationis plenus obtingat. Et quomodo proximum quis salvâ odisse posset conscientia, quem DEUS ad beatitudinem ordinavit, gratiæque suæ & donorum copiosiori scatebrâ recreavit? Si aliquid ipsi insit mali, commiseratione longè dignior erit quam

Vid.
Author.
Anim-
advers.
in qua-
dam capp.
1 & 2.
Specim.
Sal. ed.
Haga
1657.

August. odio, agrotus enim est, (ut ait Augustinus) *par-*
l. 1. de *vulus vel phreneticus. Quis nisi stultissi-*
serm. Do- *mus* (scribit Boetius) *Bonos oderit? malos*
mini in *verò odisse ratione caret. Nam sicut corpo-*
monte, *rum languor, ita vitiositas est quasi morbus*
e. 34. *animorum, cum agros corpore, minimè dignos*
Boet. de *odio, sed potius miseratione judicemus; mul-*
Consol. *tò magis non insequendi, sed miserandè*
Philos. *sunt, quorum mentes omni languore atrocior*
l. 4. pr. 6. *urget improbitas. Illud quoque D. Pro-*
Prosp. *speri cogitandum: Nemo non prius in se*
Sent. 1. *quam in alium peccat, imò gravius se laedit*
quam alium, nimirum si invidiæ locum det
odio semper sociatæ.

XIII. Quantumvis verò christiana Re-
 ligio omnem INVIDIÆ odii & æmulationis
 ignoret mordacitatem, tristitia tamen illa, quæ
 quarto & quinto commentationis hujus nu-
 mero exhibuimus commemoravimusq; exem-
 pla abundè docent, non paucos ex ipso Viro-
 rum ecclesiasticorum ordine, diro ac furiali
 livoris abripi impetu, EOSq; etiam infelicè
 illo glaucomate fascinari, qui proprio humili-
 tatis, modestiæ & charitatis exemplo prælu-
 cere deberent omnibus, cavereque sollicitè, ne
 dæmonis astutiâ ipsi agantur in transversum,
 atque livore nefario occupentur perdanturq;
 penitus. Quo altiori theatro virtus suum decus
 in

in Ecclesia Christiana explicavit, eò sublimius quoque ipsa INVIDIA conscendit, pestiferaque adeò inter ipsos DEI Legatos odiorum ac simultatum sparsit semina, quæ nulla deinceps arte industriæque extirpari potuere. Hinc *Bernard.*
 Doctor mellissimus, quosdam Clericos livore *hom. de*
 corruptos graphicè delineaturus; Illi (inquit) *duobus*
qui regere gregem debuerunt per viam sa- *discip.*
lutis, facti sunt laqueus & ruina in præci- *eunt. in*
pitium damnationis, ex ipsis FLAMMA *Emaus.*
 INVIDIÆ erupit, sicut in Job legitur:
 Ignis de caelo cecidit, & tactas oves puerosq;
 consumpsit. Cujus farinæ homines ecclesiasticos
 suo etiã ævo probe novit sanctissimus Ephræm *Ephram.*
 Syrus, suisque illos depinxit coloribus ad hunc *Syrus To.*
 modum: SPECIE QUIDEM & apparentia *I. opp.*
 Mundo renunciavimus, reverâ autem quæ *fol. 97.*
 Mundi sunt curamus, nec habemus, quo nos
 excusemus. Habitu monachi sumus, sed moribus
 crudeles quidem & inhumani, habitu humiles,
 & moribus pestiferi ac scelerati, habitu religiosi,
 & moribus exitiosi, habitu amici, & moribus
 odiosi, habitu exercitatores seduli, moribus
 ignavi athletæ - - habitu mites, moribus arrogantes,
 HABITU AB INVIDIA ALIENI, MORIBUS INVIDI &
 HOMICIDIQ; &c. Et unde queso accidit
 nos tales esse, nisi inde, quod mutuam inter

nos dilectionem perfectam non habemus ? nisi quia vera in nobis humilitas non est , nisi quod prae oculis Timorem Domini non constituamus ? quodque salutaria DEI praecepta despiciamus , ac pro nostro ea arbitrio detorqueamus , & pronugis existimemus. Raphanum adeò vitibus inimicum esse constat , ut si in vicinia earum seratur, procul diffugiant atque dispareant ; Spini & saliculae sunt ceterum commemorabiles, & in posterum longissimè prospicientes , sed quae tam acerbis etiam post mortem inter se flagrant odiis, ut si quis earum sanguinem in eodem vase permisceat , coire aut congelascere nequeat , haud dissimile quidpiam in fratribus Eteocle & Polynice visum bello Thebano fuit , qui cum vivi distractis fuissent animis , regnumque divisuri, mutuis sese vulneribus confecerant , unus rogi ne cadavera quidem ipsorum pati conjuncta potuit : Annon pariter dispares & remotissimâ intercapedine disjuncti Clericorum quorundam sint animi, viderint alii. Experientia magistrâ haecenus abundè didicimus, pestilens invidiae virus in diversas transfusum Ecclesias, & misera livoris mancipia eos saepè effectos fuisse , qui prae ceteris isto carere vitio, cunctisque rectè vivendi & loquendi rationem praescribere debuissent. Quot modis obsecro ecclesiasticorum malevolentia mutua huc usque

usq; se exeruit, quantam donorum & charisma-
 tum varietas passim concitavit & quam turpem
 pudendamq; æmulationem! *Quæ nobis arma non* Ephraim
intentavit (scitè modo laudatus ait Eccle- Syr. Tom.
 siæ Edessensæ Diaconus, Ephræmus,) ini- I. opp.
micus, quibusq; fraudibus & dolis nos vin- fol. 97.
cere & occupare non est conatus? Heu mihi
quis impendentia nobis mala non deplorat?
Cum enim angelicum feramus habitum, unâ
cum diabolo militiam gerimus, habitus qui-
dem est angelicus, at vita mundana. Nun-
quid inter angelos in cælis contentiones vi-
gent & ÆMULATIONES, sicut nunc in-
ter Monachos (Ecclesiasticos) videmus?
Radices quippe inter eos egit amulatio &
INVIDIA atq; obrectatio - - Propterea
RIXÆ atque dissensiones sunt inter illos.
Heu mihi quis non suspiret, quis non lugeat?
quo pacto angelicum hunc ordinem confudi-
mus? Corpora cœlestia alia aliis inferiora mi-
 norique lumine à DEO donata sibi mutuo
 neuiquam invident; non Luna Soli, nec Ter-
 ra quamvis infima & pedibus calcetur, Cœli
 convexis; non Terræ Oceanus; ast per Cleri-
 corum cœtus, arctissimaque spiritualis vinculi
 necessitudine junctissimos animos mira sævi-
 tia hoc monstrum grassatur, & alienum bonum
 suum

suum facit INVIDENDO peccatum. Nihil hîc interest, verumne sit illud an apparens, æque hoc ac illud plurimos ad invidiam concitat, & quod nusquam occurrit, multoties vident lippientes oculi, licet id ipsum sinceritati hominum DEO sacratorum (qui gloriam SS. Numinis rebus omnibus antepondere deberent) apprimè adversetur, imò summam illi inferat injuriam, & litem quasi intendat, ac si minus prudenter dona sua dispensaret, denique maximè impediatur, quo minus in sua conditione quis acquiescat, quæque habet dona iis haud frui videatur. Quodsi insuper mala, dolores ac cruciatus commemorare velimus, quibus omni ævo Viri in ecclesiâ christianâ etiam primarii urgente aliorum [atque ipsorummet fidei ac professionis suæ sociorum] livore sunt affecti, amplissimus nobis differendi campus pateret. Satis equidem constat integras Ecclesias turbone isto sæviante fuisse subversas, optimos & dignissimos Antistites miserè vexatos, & à sedibus suis deturbatos, auream concordie ecclesiasticæ catenam diffractam, denique summis & fulgentissimis Doctoribus plusquam diabolicas insidias structas, mortemque interdum sive violentam, sive præmaturam fuisse acceleratam. Non est quod aliquis existimet (*optimè ait Cyprianus*) malum istud unâ specie contineri, aut brevibus

Cyprianus
l. de Zelo
n. 13.

bus terminis, & angusto fine concludi. *Confer*
Late patet multiplex & fecunda perni- *Basil. Se-*
cies. Radix est malorum omnium, fons *leuc. orat.*
cladium, seminarium delictorum, mate- *42. sub.*
ria culparum. Inde odium surgit, ani- *fin. & P.*
mositas inde procedit. Avaritiam in- *Blesens.*
flamat, dum quis suo non potest esse *epist. 87.*
contentus, videns alterum ditio- *Carbonen*
rem excitat, dum cernit quis alium *lib. de a-*
in honoribus auctiorem. Zelo hoc ex- *more fra-*
coecante sensus nostros, atque in ditio- *terno, c. 4.*
nem suam mentis arcana redigente, DEI
timor spernitur, magisterium Christi ne-
gligitur, iudicii dies non providetur. In-
flat superbia, exacerbat sævitia, perfidia
prævaricatur, impatientia concutit, furit
discordia, ira fervere, nec se jam potest
cohibere vel regere, qui factus est potesta-
tis alienæ. Hinc dominicæ pacis vincu-
lum rumpitur, hinc charitas fraterna vio-
latur, hinc adulteratur veritas, unitas
scinditur, ad hæreses atque schismata pro-
filitur, dum obrectatur Sacerdotibus,
dum Episcopis invidetur, dum quis aut
queritur non se potius ordinatum, AUT
DEDIGNATUR ALTERUM FERRE PRÆPOSI-
TUM.

NB.

TUM. Hinc recalcitrat, hinc rebellat de zelo superbus, de æmulatione perversus, animositate & livore, non hominis sed

Gregor. honoris inimicus. Eadem mala quæ invi-
Nyss. o. diam [cū primis Clericorum sive ecclesiasti-
rat. 7 in corum] catervatim stipant altius expendens
beatitud. Gregorius Nyssenus, haud immeritò pseudo-
 fratrem atro livoris colore tinctum longè de-
 teriorem eo qui apertè odit, pronunciavit. :
 Nemo arbitretur (ait) me iræ injucundi-
 tatem, quæ ex odio designatur, gravissi-
 mam & atrocissimam putare, videtur e-
 nim mihi INVIDIÆ atque simulationis
(præsertim inter ecclesiasticas personas suc-
crescentis) vitium memorato morbo
 multò gravius esse ; quantò occultum
 malum etiam apertò atrocius est. Etenim
 ex canibus eos magis cavemus, quorum
 neque latratus iram præsignificat, neque
 ex adverso incurfus est : Sed miti pariter
 ac mansueto habitu non prævidentes, ne-
 que circumspicientes nos observant. Ta-
 le est invidiæ atque simulationis vitium,
 in iis quibus intrinsecus quidem in pro-
 fundo cordis odium veluti ignis quidam
 latenter fumigat, externus verò vultus,

ad

ad amicitiae simulationem effingitur. Quemadmodum autem ignis si sub paleis occultatus sit, initio quidem proxima quæque cremando corrumpit, flammam verò palam non editur, sed fumus quidem gravis & acris odoris, intrinsecus violentè coarctatus evolvitur : quod si aliquem flatum permeantem nactus fuerit, tunc in claram pariter & apertam flammam excitatur. Itidem invidia quoque, cor quidem veluti palearum quendam acervum condensatum ignis in modum peredit & absumit : ac morbum quidem præ pudore occultat, non tamen penitus in perpetuum abscondi potest, sed veluti fumus quidam gravis & acerbus, acerbitas invidiæ in iis, quæ circa habitum accidunt, apparet. Sed & alium æque notabilem Nyssenius adjecit malorum ab Invidiâ profluentium syllabum, ut scilicet ostendat quam turpe sit, quamque homine [præsertim DEO sacro] indignum tantam virulentiam etiam pietate prætentâ velle obductam. Præclare admodum pientissimus ille Syrus Ephræm ; *Grave (inquit) & pestiferum est INVIDIÆ & amulationis venenum unde detrahuntur oia. Etiones ac odia pullulant. Procul igitur ab* *Ephr. Syllabus Tom. I. opp. fol. 37.*

*hoc teterrimo vitio fugite, qui vos cives
Sanctorum & DOMESTICOS DEI
(ΟΙΚΟΝΟΜΟΥΣ ΤΩΝ ΜΥΣΤΗΡΙ-
ΩΝ ΤΟΥ ΘΕΟΥ) profitemini, procul à
vobis omnem Invidiam ac æmulationem de-
pellite, ne simul cum diabolo damnemini. Nec*

*Basil. M. minus religiosè Basilii Magnus; Fugia-
in homil. mus ergò ait FRATRES intolerabile ma-
de invi- lum, serpentis id est praeceptum, diaboli in-
dia. ventum, inimici satio, punishmentis arrhabo,
pietatis impedimentum, via ad gehennam,
regni cælorum privatio.*

XIV. Abhorreat igitur juxta saluberrima
tantorum Doctorum monita quilibet pietatis
eruditionisque solidioris cultor ab isto ingenii
diabolici vestigio, sique ad veram sempiter-
namque aspirare velit felicitatem, omnem In-
vidiæ atque æmulationis mordacitatem igno-
ret. Quis obsecro, siue Literatorum siue et-
iam Ecclesiasticorum, probè perspectis tristibus
invidorum casibus atque ruinis, locum facile
livori concedat pudendæque æmulationi? E-
quidem si consideret non tam donorum mensu-
ram apud DEUM valere, quam fidelem eorun-
dem usum & applicationem, insuperque ex-
pendat, quam parca manu aliis sua DEUS di-
spensarit, cunctaque ex gratia non autem ex
merito sit elargitus, ipse obligatus nemini, si-
desi-

denique sedulo pensitet mala è putidissimo In-
 vidia livorisq; maximè perniciosi fonte pro-
 manantia, omni studio vitii illi⁹ abominabilis
 malignitatem evitabit, eamque christianæ sin-
 ceritati [quâ gloria DEI rebus omnibus ante-
 ponenda] prorsus repugnare existimabit, si-
 quidem impediat, quo minus quis in sua condi-
 tione acquiescat, pacemque & optatam animi
 obtinere queat tranquillitatem. Ut enim invi-
 dia pacem, sic pax omnem tollit atque eradicat
 emulationem; *tantoq; magis* [dicente Grego-
 rio] *proximum quis diligit, quanto minus ex pro-*
fectu illius sua damna pertimescit. Sincera igitur
 dilectio proximi non solum omnem è nobis in-
 videntiâ expeller, verum etiam gratiam mayo-
 rem atq; benevolentiam conciliabit. Adversus
 invidiam (scribit Isidorus) charitas præparetur, *Isidorus*
 innuens, illi qui monstrum hoc ab animo suo *II. Sy-*
 eliminare velit, non opus esse ferro, nec ut lo-
 rica accingatur, vel galeâ caput suum conte-
 gat, sed solum ut cor ejus sincera ardeat chari-
 tate, ejus praxin egregiè commendaturus D.
 Chrysostomus, hisce notatu dignissimis usus est
 verbis : *Non es dicendo* [scribendo, agendo] *Chrysost.*
laudem affecutus, dum tamen alteri grati-
laris, majorem es laudem adeptus quam ille; ad Coloss.
si enim CHARITAS est res magna & caput
omnium, tu eam, qua ex ipsa paratur accipi-
sti coronam; ille eam qua acquiritur ex arte
dicendi,

dicendi, tu eam quæ acquiritur ex vehementi amore. Ille ostendit vim verborum, tu per facta dejecisti INVIDIAM, & conculcasti livorem, quamobrem multò magis quam ille fueris coronatus; certamen tuum est præclarior, non solum conculcasti invidiam, sed etiam maj⁹ aliquid fecisti, ille unâ solum habet coronam, tu verò duas, & duas illas unâ splendidiores. Quanam sunt hæc? unam suscepisti adversus invidiam; altera est quâ fuisti redimitus ex charitate, non enim collatari solùm est indicium quod sis mundus ab invidia, sed etiam quod habeas charitatem quæ radices egerit. Nec minus præclare alibi idem Chrysostomus; Etiam si (ait) nihil aliud egeris, lætatus sis autem ob ea, quæ facta sunt, sic quoque non parum fuisti socius, attulisti enim charitatem, quæ est summa bonorum omnium. Nam qui flent, videntur esse luctus participes, & iis qui lugent multum gratificantur, & doloris multum adimunt, multò magis etiam qui lætantur majorem afferunt voluptatem. Aliud insuper remedium literato DEO quæ sacro homini adversus exitiosam invidiæ pestem sit in promptu, cordis nimirum animiq; a temporalibus ad bona æterna frequens assiduag, sublevatio; quando enim piè eruditæ caduca ævi præsentis bona eo loco habuerint, quo

quo merentur haberi, vix unquam gliscens livoris scintilla flammam apud eos concipiet, nec facile iidem erga fluxorum donorumque possessores flagrabunt odio. Sola cupiditas rerum temporalium immodica plerosque exstimulat ad invidendum alienæ prosperitati, cum dicente Gregorio, *difficile admodum sit ut Greg. M. quis hoc alteri non invideat, quod adipiscitur lib. V. ipse exoptat, quia quicquid temporaliter per Mor. c. cipitur, tanto fit minus singulis, quanto dividitur in multis, & idcirco desiderantis mentem livor excruciat, quia hoc, quod appetit, aut funditus alter accipiens adimit, aut à quantitate restringit. Qui ergò LIVORIS PESTE plenè carere desiderat, illam hereditatem diligat, quam cohæredum numerus non angustat, quæ est omnibus una, & singulis tota; ; DIMINUTIO LIVORIS (ita discursum hunc notanter laudatus Doctor concludit) ET PLENA MORS EJUS, EST PERFECTUS AMOR ÆTERNITATIS. Sèd & ante Gregorium, Magnus Basilius egregiè observavit, nihil tantum valere ad præsentis vitæ & vanitatis contemptum, livorisque oppressionem, quàm jugem æternitatis beatæ contemplationem; *Quomodo morbum hunc (ita Basil. M. in pecul. de invid. hom. quærit laudatus Pater) homil. de aut ab initio non perpetiemur, aut ipsi subje. Invidiâ.**

Eti effugerimus ? si primum quidem nihil magnum, nihil excellens rerum humanarum esse judicaverimus, non opulentiam, non gloriam marcescentem, non corporis bonam habitudinem, non enim in bonis pratereruntibus felicitatem statuimus; sed ad ÆTERNORUM ac verorum bonorum participati-

*Gverric.
bon. in
die purif.*

onem vocati sumus. Et alijs ex Bernardi schola piè literatus, scil. Gverricus Abbas sapientissimè pronunciavit: Invidia peste nemi-

nem unquam laborasse, nisi eum qui terrena appetierit, atq; cœlestia prorsus neglexerit. Ad bona igitur æterna ô eruditi cordis nostri oculos erigamus oportet, si venenatos livoris evitare velimus morsus; terrena contemnamus, si æternam invidorum evitare velimus confusionem.

*Rich. à
S. Victo-
re, p. II.
in Cantic.
6. 9.*

Quantum æterna cognoscimus (dico cum Richardo Victorino) tantum transitoria despiciemus, & damnabimus, hæc est enim illa pretiosa margarita, quam qui invenerit, quæ prius amarat libenter derelinquit. Meritò Augustinus inter præcipuas beatorum felicitates recensuit, quod in civitate illa cœlesti NULLUS INVIDIÆ FUTURUS SIT LOCUS, neque inferior superioris ampliorem gloriam ægrè sit laturus, quin potius pacatissimo concordie vinculo omnes beati æternum invicem sint conjungendi & copulandi.

COM-



COMMENTATIONIS QUARTÆ
PARS POSTERIOR,

QUA

PRUDENTIÆ CHRISTIANÆ
CIRCA DECLINANDAM ET SU-
STINENDAM INVIDIAM AD-
HIBENDÆ RATIO EX-
PONITUR.

XV.

QUandoquidem liberati à duro livorisjugo
literati ut plurimum ab ALIENA IN-
VIDIA infestentur, atq; truculentis acutis-
que ejus telis lædantur, imò sæpè extinguantur
penitus, hinc de salubri quodam antidoto illis
in tempore est cogitandum, quo pestiferos Ser-
pentis istius morsus eludere possint. Nimi-
rum PRUDENTIA Sanctorum ac DE O fa-
cratorum à FELICIBUS LITERATIS exco-
lenda est, si horrendos livoris insultus supera-
re, ac de tota malignantium phalange felici-
ter triumphare velint. Prudentiam ipsis com-
mendamus tum Christianam, quæ piorum est
propria, ad vitam eorum spiritualem contra
multiplices dæmonum & lividorum fraudes
rutandam; tum in specie ecclesiasticam (quæ
christianæ ramus est) circa declinandam pa-

riter ac sustinendam invidiam pseudo-fratrum
 adhibendam & usurpandam. Magna PRU-
 DENTIA est (ait sapiens) vel aliquo detrimento
in signi declinare semper INVIDIAM. Atque
 ut elegantissimæ illius Virtutis faciem tanto
 fructuosius contemplemur, excutienda nobis
 postliminio ipsa livoris mordacissimæque æ-
 mulationis sunt seminaria, ut causis mali adeò
 perniciosi probè perspectis & exploratis, tan-
 tò rectius salutiferæ PRUDENTIÆ reme-
 dia applicare, horrendasq; Invidiæ tempesta-
 tes sive DECLINARE maturius, sive SU-
 STINERE patientius discamus.

PRINCIPIO ægrè admodum INVIDI
 ferunt, limisque oculis aspiciunt INGE-
 NII Virtutisq; alienæ excellentiam & magni-
 tudinē; *Quæ enim omnes res præclaras (scite ait*
Greg Nyssenius) intuetur in via, et am nostrum
 (literatorum scil. & ecclesiasticorum.)
bonum acerbo oculo est contuita, ac quæ per
Orbem Terrarum obambulat, etiam per nos
Mel. ambulavit. At quanam MORBI CAUSA
Idem O. est? Quod frater nimirum vel propinquus
rat. VII. & necessarius in Animi tranquillitate vi-
de beatit. vit - - Quod ELOQUENTIA orna-
 tus, quod propter prudentiam verbis ejus au-
 thoritas inest. Talis (ait porro) erat Cain, qui
 idcirco quod Abel probaretur, atque placeret,

in

Gregor.
 Nyss. in
 Orat. de
 morte
 Mel.

Idem O.
 rat. VII.
 de beatit.

in rabiem ac furorem versus est; INVIDIA
 quidem intrinsecus ad eadem hortabatur. Nec
 male propterea Chrysostomus fucō compara-
 vit Invidum, qui alienos perdat labores; *Et ipse Chrysoſt.*
quidem (pergit) nunquam studet surgere, Homil.
flet autem quando viderit alium surrexisse, 31. in 1.
Et omnia facit ut ipsum deiciat. Hanc Epist. ad
ergo affectionem cuinam comparaveris? Corinth.
perinde mihi esse videtur, ut si quis piger
afinus, Et carniū pondere gravatus, cum
equo volucri conjunctus nec ipse velit sur-
gere, Et carniū pondere ipsum detrahere
conetur. Nam iste quoq; quemadmodum
à profundo hoc somnio liberetur neq; cogi-
tat, neq; studet, nihil autem non facit, ut
eum qui evolet in cælum supplantet Et de-
jiciat, ut qui sit perfectus amulator diaboli.
Etenim ille cum videret hominem in Para-
diso, non ipse studuit mutari, sed illum ex-
pellere è Paradiso, Et rursū in cælo seden-
tem hominem conspicatus, eodem illo livo-
re intervertere, Et ferventiorē sibi flam-
mam exaltare pervexit. Sic enim fit sem-
per, ut cui invidetur, SI MODO VIGI-
LET; (alias si sapiat) illustrior odio red-
datur. Notanter Chrysostomus dixit; SI

MODO VIGILET ; hoc est debitam justamq; adhibeat PRUDENTIAM , magnas scilicet laudes plaususq; inanes omni declinans ingenio, bonaq; mentis non prors⁹ quidem abscondens, sed nec ambitiosè jactans aut venditans, minimeque cæteris eâ parte se præferens , siquidem nihil magis favorem & amicitiam conciliet atque tueatur quam æquabilitas, ostentatio autem ubique sit invidiosa. Hinc pater ille Terentianus locupletissimum moribus filii testimonium dare volens ; *Nunquam* [dixit] *præponens se aliis* , ita ut facilè sine invidia laudem invenerit , & amicos pares. Non enim est par dolor , ac videre se ingenio imparem, neque atrocius tormentum , quam ERUDITIONE superari & virtute.

Qui velit ingenio cedere rarus erit.

Et quemadmodum instar Solis solus est , qui alios ingenio citra invidiam superet, ita experientiâ magistra probè constat, omnes ad opinionem hominum sese ostentantes , periculosæ admodum exponi alæ , atq; perpetuos habere persecutores eos, qui in consimili bonorum genere optant esse clarissimi ; è contra verò humiles, suæque indignitatis conscios , nec de se plusquam par est sentientes , demissæque studentes conversationi, & DEI hominumq; gratiam facilius invenisse , & atri livoris morsus felicius evitasse. Id quod etiam alia ratione modoque obtinebitur, nimirum si blandè interdum cesserimus ei, quem vicisse nihil erat nego-

negotii, honoris verò aut commodi parum;
 Secessum quandoque ad Magni Basilii exem-
 plum instituerimus, *utq;* juxta Græcorum sen-
 tentiam *felicitè vivere queam*⁹, *aliquandiu latu-*
*erim*⁹. Interrogatus Cleobolus quænā præcipuè
 esset cavenda Literato, bellè respondit amicorū
 quidem INVIDIAM, inimicorum autem INSIDI-
 AS: Quodnam verò ad utrumq; malum evitan-
 dum & declinandum livorem aptius atq; con-
 venientius medium, quam fuga sive absentia,
 dans (secundum Apostoli monitum) locum ut
 ira sic & invidiæ, magnoque periculo eripiens
 eum, qui inter se & invidum fratrem aliquod
 collocare studet intervallum. Refert Patrici-
 us Athenienses nonnullos, ut viperam illam *us lib. VI.*
 invidiæ fugerent, sponte sua ad tempus elegis-
 se exilium, sapientissimèq; judicasse, non spi-
 nam absentem, sed præsentem lacerare oculos,

Virtutem incolumem odimus

Sublatam ex oculis quarimus INVIDI.

Eaque propter Xantippus re optimè contra,
 Romanos gesta, patriam neutiquam petiit tri-
 umphaturus, sed ut invidiam effugeret, longi-
 orem moram interposuit. Alii præstantiores,
 christianæque prudentiæ laude conspicui Viri
 operam dederunt strenuam, *ne ab omnibus agno-*
scantur, neve à semetipsis [quod pluribus acci-
 dit] *ignorentur*, quin imò universam tam cor-
 poris quam animi supellectilem excutientes,

planissimè aliis persuadere studuerunt, neuti-
quam sese ejusmodi ingenii facultatibus esse,
ornatos, quæ æmulationem aliorum provocare
queant, qui pari studio teneantur, quique eas-
dem prosequantur Mulas : Nihil porro ad o-
stentationem, nihil ad arrogantiam & ambitio-
nem facere statuerunt, re & opere ipso demon-
strantes, bona sua donaque omnia sive ingenio,
sive studio aut exercitatione diligentiori, eo-
duntaxat sine fuisse conquesta, ut aliis idem
agent. b. m. præsidio esse queant & emolumen-
to. Tantum equidem abest ut Literati pru-
dentiores alienis insultare defectibus, suaque
solum bona prædicare velint, ut potius omnes
de se sermones honorificos ducant propulsan-
dos & supprimendos, aliorum verò dicta fa-
ctaque insigniora miris elogiis efferenda. Cu-
jus rei illustria exempla non christianæ solum
pietatis seminaria, verum ipsa etiam gentilitiæ
virtutis gymnasia suppeditant ; Ceu quum A-
pelles apud Rhodios Protogenem in modica
existimatione haberi animadvertisset, ejusque
opera non magni æstimari intellexisset, palam
profiteri non dubitavit, se magna pecuniâ
Protogenis opera redempturum, quæ ipse dein
pro suis vendicaret. Et cum infelicissimi inge-
nii nota sit aliena detractio gloriæ sibi pa-
rare & existimationem ; hinc piè literati malè
nunquam aut sinistrè, sed dextrè semper & can-
didè de aliorum donis judicabunt, hoc ipso a-
troces

troces invidiæ tempestates feliciter declinaturi
& optatam animi impetraturi tranquillita-
tem. Quodsi alios præstantiores debita laude
privari perspexerint, operam dabunt strenuam,
ut eâ pro merito iidem potiantur, illud pro cer-
to habentes, quicquid laudis in alios congesse-
rint, id mox eodem numero ad sese rediturum,
ipsumque livorem, quod amplius criminetur,
haud faciliè inventurum, cum efficacissimum
virtutis, cum primis PRUDENTIÆ pharma-
cum non secus illi obsistat, ac theriacum vena-
no. Acuat licet invidus lingvæ tela innocent-
is in famam, spumet iras & cædes, mucrones
intendat & lanceas, quid in mole illa dejiciet,
quam virtutis robur propugnat? Phariseorum
lingvæ continuata industria spumabant in
Christum, populus animabatur invidia, sed
quonam umbone Redemptor mitissimus cona-
tus illorum pessimos retardavit? An fulmen
vibravit de cælo? an pari calumnia insidian-
tes repressit? minimè omnium, vitam oppo-
suit, tot virtutibus radiantem, quot cælum stel-
lis, huic confidens, palam livorem pharisaicum
profligavit atque confudit, dicens: *Quis ex Job. XIX.*
vobis arguet me de peccato? Vix melior vindictæ
de invidis sumendæ ratio, quàm virtuosus decoris
ornatus, siquidè juxta Romani etiam sapientis
effatum, invidi haud gravius quam solidæ vir-
tutis exercitio torqueantur. Hinc VITI hu-
jus abominandam fœditatem postliminiò illi a-
gno-

*Men-
zinus d.
l. c. 14.*

gnoseant, qui ejus glaucomate miserè hæcenus
tuere occæcati. *Quid enim turpius (inquit
nobilis ille Florentinus) quam alienâ gloriâ
contabescere, & ut agrotis quibusdam usu
venit, proprio morbo innutrirî? Invidia e-
nim anxiosa est, sollicita est, inquiet est, &
veluti tabida febre correpta, angitur, cruci-
atur, & quod alteri prodest bonum, illi ap-
primè nocet. Quod si ab invidendo ejus-
modi rationibus non deterrentur, hoc unum
saltem apud illos maximum pondus habere de-
beret, quod eâ de causa viles inhonestiq; exi-
stimantur. Nam si ille nobilior est, qui sui
imaginem creatoris magis representat; quo-
modo, cum DEUS de immensa bonorum lar-
gitate communicet, non vilissima & abomina-
bilis Invidia est, quæ alieno tantum malo le-
zatur; tunc sibi beata & felix, cum quis eorum
quos dejectos vellet, aut rerum aut fama ja-
cturam fecerit? Quomodo inquam feren-
di sunt hi, qui cum viribus suis diffidant,
aliorum virtuti infensi sunt, & steriles i-
psi alienam liventi oculo spectant fecundi-
tatem? Homines certè nequissimi, qui in
illud nati videntur, ut molesti sint, & pro
virili sua virtutem impediant.*

XVI.

XVI. Sed cum surdis plerumque auri-
bus hæc monita excipiant livoris æstro perci-
ti, atque lippientibus eorum oculis FAMÆ
etiam gloriæque, Virtutem atque Scienti-
am singularem concomitantis claritas ut plu-
rimum sit offendiculo, utque Cantharides sæ-
pe florenti spicæ connascuntur, aut rosis pur-
purascentibus, ita Invidia frequenter glo-
riæ famæque illustriori accedat, & gravissimis
sæpè ansam det animorum motibus*; ea porro
nos cura versabit atque cogitatio, quâ ratione
quaque PRUDENTIA & istos livoris rabi-
di occursum morsusque lethales evitare quea-
mus. Prævivere nobis exemplo suo laudatissi-
mo veteris ævi Doctores christiani, quippe quo-
rum famam atque existimationem socii fra-
tresque atrati studio ac conatu omni obfusca-
re imò extinguere laborarunt, sic Magni Basilii
gloriam Eusebius; Gregorii Nazianzeni Ti-
motheus Alexandrinus, Johannis Chrysostomi
Theophilus itidem Alex. Hieronymi denique
Johannes Hierosolymitanus interimere stude-
bant, nec leve illustribus illis, DEOque charis-
simis capitibus periculum à circumstantibus
invi-

* Quamprimum Socrates Pythia testimonio
mortalium omnium sapientissimi axioma
retulit, magna in illum conflata est INVUL-
DIA, odiumque exarsit illorum, qui se i-
psos magni fecerunt & estimarunt. teste
Diog. Laert. lib. II. de vit. philos.

invidiæ ventis imminebat periculum. Cui depellendo aut declinando, vix melius aptiusque medium superesse magni illi Doctores sunt arbitrati, quam verè *Christianum atque heroicum FAMÆ gloriaque Mundana contemptum & vilipendium*, ad quod exemplo non minus quam monitis salutiferis omnes Theosophiæ sanctæ cultores instigarunt, sapientissimè judicantes, immodico famæ gloriæque appetitu præstantissima etiam evacuari opera, atrocisque livoris tempestatem magis magisque concitari. Ingentes insuper molestias considerantes, quibus ii obnoxii, qui famæ gloriæque inhient inanitati, utpote quæ olim Ninum compulerit, ut tot prælia committeret, Semiramidem ut tanta extrueret ædificia, Myrsen Græcum ut tot enavigaret maria, Alexandrum M. ut tot peragraret regiones, C. Jul. Cæsarem, ut quinquagies bis prælio decertaret; Philosophos etiam Gentiles, ut tot sectas conderent, tot claros scientiæ libros elucubrarent; priscos illos hæresiarchas, ut simplicitate veritateque christianâ sprete, tot monstrosas opiniones, totque damnatas de fide sententias defenderent; quosdam etiam [cheu!] orthodoxos, ut vel auditorum plausum requirere, vel doctis sermonibus laudem venari, vel conscriptis etiam commentariis perpetui nominis gloriam adipisci laborarint, atque subdoli illius

salu-

salutis nostræ hostis artibus consentientes, pernicioſa planè & gloriæ divinæ repugnantia gloriæ deſideria fovere non dubitaverint : has inquam moleſtias ac inevitabilia ferè glorioſulorum illorum pericula probè perpendentes philothei noſtri , laudes plauſusque populares (gravi livoris incendio oleum ut plurimum adjucentes) protinus ſunt aſpernati, ipſasque ſolennes acclamationes (ad Magni Chryſoſtomi exemplum) ſuſtulerunt è medio, magis de fructu & emendatione gregis, quam vulgi rumore plauſuque ſolliciti. Hoc verò opus hic labor eſt ; *Magna enim intelligentia* *DioChryſoſt.*
[alius ait, nempe DIO Chryſoſtomus] v. riuſoſt. Orat.
te q̃ videtur opus eſſe , quando admirantur 35.
unum multi, ab aliisque putant differre, ſi ſe
modèſtè modo geſturus eſt vir ille , nihilque
ſtultum paſſurus , neque animum multorum
ſermonibus ſublaturus tanquam alis. Quem
admodum Achillem finxit Homerus , propter
arrogantiam ſub arma elatum & concitatum.
Huius verò facta ſunt ala, alte q̃, levavimus
Pastorem populi.

Quanta autem ſit vulgarium hominum potentia ad perſuadendum quicquid velint , maxime à pueris quis diſcat , quum hominem immodèſtum pueruli ſequuntur, dicentes eum
mente

mente captum esse. Primum enim abit indignans apud se, deinde resistens semper, & conviciis impetens unumquemque & persequens, illud ipsum patitur de mentis status dejectus, famamq; suspicatus DEU M esse, eumq; non solum virorum sed etiam puerorum &c. Ne igitur his veluti alis pueriliter efferramur, & ab ea depressione abducamur, in qua nos conditionis nostræ ratio firmare deberet, apprimè consideremus, quam corruptum sit.

*DioChry- vulgi, imò depravatissimum iudicium, cuius
est. O pariter ac animi ab eo pendentis illudque ca-
rit. 58. ptantis inanitatem laudatus Dio hunc in mo-
dum exagitavit: Age an bonus tibi videtur
tibicen, lætari ob artem, & eleganter de
se sentire, ab artis musicesque laudatus
imperitis? Et si circumstantes eum pueri,
& subulci ac pastores admirarentur, plau-
derentque, ob id ipsum efferri, atque il-
lorum laudem maximo pretio dignam
existimare? Atqui hoc manifestavit The-
banus ille tibicen, qui neque Theatro
valdè advertit animum, neque iudicibus,
artis tibiâ canendi inexpertis, atque hoc
eum de præmio victoriaque certaret. At-
tamen ne modicum quidem decentem
rythmum*

rythmum transgredi ausus est, dixitque se sibi canere & Musis. Quid igitur putas, Orpheum illum Musæ filium, si verus est, qui de eo fertur sermo, magis gavisum quum aves ad ipsum canentem advolarent, feræque à voce moverentur, astarentue mansuetè ac quietè, si quando suspicaretur canere, præterea & arbores una cum floribus ac fructibus accederent, ac lapides moverentur atq; coirent, ita ut magni lapidum acervi propè ipsum coadunarentur. An magis quum hæc videret fieri delectatum atque gloriatum esse, existimantem sese ad musices fastigium pervenisse, quam cum mater cum Caliope citharizantem laudavit, dixitque caput illi demulcens, satis Musicam didicisse, atque artis esse sapientissimum. Ego enim arbitror, maluisse se vel à Philamone laudari de Musica, aut si quis alius erat illo seculo cithara canendi peritus, quam ab universis simpliciter feris atque avibus. Quin neque olores, succlamantes concordantesque, quicquam curasse, quod non novissent artem scientiamque

canendi. Qualem denique sanitatis restem vellet assumere vir prudens? An medicum, & circa corporum curam expertum, an multas hominum myriades nihil intelligentium, qui cum (si ita res ferat,) plenum videntes ob morbum atq; tumentem & lividum, beatum dicerent, tanquam Polydamanta Thessalium, & Glaucum Carystium, existimantes cum bona corporis præstare habitudine? Sed de arte quidem tibia aut cithara canendi, deque præstantia luctandi aut cæstibus pugnandi, præ omnibus aliis jucundissima est peritorum laus, artes scientibus, omni que digna studio. DE PRUDENTIA verò & iustitia omni que virtute (*addo & doctrina eruditioneque*) poteritne delectare virum prudentem illiusque explere animum. LAUS STOLIDORUM hominumque vulgarium? Sed & fabulas apologosque Dio ad explodendum depravatissimum vulgi iudicium advocavit, hisque veluti bellariis superiora condivit: *Fabula ait Pandoram non ab uno Deorum formatam, sed communiter ab omnibus, alio aliud donante, & apponente; opusque neq; sapiens, neq; bonum factum sed omni-*

omnigenum variumque, accipientibus evenisse
 se malum. Ubi autem Deorum turba atque
 populus communiter fingens operansque, non
 potuit bene atque irreprehensibiliter opera-
 ri, quid dicendum est de homine vitæ ex
 humana opinione formata & effecta? Per-
 spicuum est igitur hominem revera pruden-
 tem, **NIHIL ATTENDERE VUL-**
GARIUM SERMONI, neque observa-
 re laudem ab illis proferentem. Itaque neque ma-
 gnā, neque pretiosā, neque bonā (ut sum-
 matim dicam,) existimabit eam unquam.
 Ita scite Dio Chrysostomus, cui consentiens *Johan.*
Johannes Chrysostomus, felicissime hostem *Chrysost.*
 illum nefarium, gloriam scilicet inanem oppu- *Serm. 35.*
 gnavit, nimirum crudelē illam (uti alicubi lo- *in 1. Cor.*
 quitur) belluam, dāmonem horrendum, com-
 munem totius terrarum orbis pestem, vipe-
 ram venenatam discerpentem eum cui inna-
 scitur. Et alibi effusis eloquentiæ ac ingenii *Homil.*
 habentis excurrentis, & quam inane bonum hu- *XVII.* in
 mana laus, quamque vile Theatrum vulgus *Ep. ad*
 sit explicatissime tradens, illud cumprimis *Rom.*
 duxit urgendum, mirum omnino esse, quod
 cupidus gloriæ humanæ theatrum sibi confi-
 ciat ex furiis, latronibus fugitivis, & quibus-
 vis omni vitiorum cœno oblitis, quales sunt ut

plurimum qui turbam conflant, ita ut quos
seorsim jure despiceret homo, indignissimos-
que judicaret, quorum judiciis se & sua permit-
teret, eos adunatos tanti faciat, ut suæ etiam
saluti anteponat, seque iis subiiciat, & vilio-
rem ducat, quasi sibi ipse non sufficiat, sed talium
comendatione egeat ac præconio. Hoc Thea-
trum in terrâ per nos quæri, cum sit nobis in
cælo constitutum longè splendidius & nobi-
lius, haud abs re summæ amentię Chryso-
-

Chryst. mus damnavit, sic scribens inter alia: *Sed die
quæso, quot velis habere laudatores? centum
seu bis, seu ter, seu etiam quater totidem?
quin sint duomillia, aut etiam quatuor, vel si
ita placueris, innumeri qui applaudant: Ni-
hil tamen illi omnes à graculis desuper gar-
rientibus different. Imo si Angelorum thea-
trum perpenderit, apparebunt illi vermibus
etiam viliores, illorumque præconium, aranea-
rum texturâ, fumoque & somniis infirmius.*
Quid sunt (ait alicubi Augustin⁹) homines, nisi
homines? Quod si perversitas seculi admitteret,
ut honoratiores essent, qui meliores, nec sic pro
magno haberi debet honor humanus, qui nul-
lius est ponderis fumus. Singularis igitur pru-
dentię documentum illos dare credamus, qui
ab hujusmodi depravato fatuoque judice neu-
tquam pendere, neque ab eo operum suorum
applau-

*Lib. V.
de C. D.
6. 17.*

applausum & approbationem captare flagitareque velint.

XVII. Egregium consimilis Prudentiæ exemplum D. Bernardum dedisse, omnemque invidiam [famâ ejus gloriaque surgente concitatam] aut humilitatis exemplo mortificasse, aut charitatis provocatione in melius mutasse, vitæ scriptor disertè commemoravit: *Quis enim Guil. Ab.*
(scribit notanter) tam efficacia & affectuosa has in vi-
Prudentia hodie invenitur ad fovendam cha- ta D.
ritatem ubi est, ad provocandam ubi non est, Bern.
tam ad quoscunque potest beneficus, ad omnes
benivolus, tantum habens gratiam ad ami-
cos, patientiam ad inimicos &c. Sed juvat
ipsum Bernardum de singulari illo Prudentiæ
verè christianæ arcana, sive laudis gloriæque
fallacis generoso contemptu audire disseren-
tem: Vanus (inquit) utiq; labor est, qui stu-
dio vanitatis assumitur. O DOXA DOXA Bern. in
in millibus mortalium nihil aliud quam au- l. de con-
rium inflatio vana! Et tamen quantam pu- vers. ad
tas infelicitatem hac ipsa non tam felix va- Cleric.
nitatis, quam vana felicitas parit? Hinc nam-
que cecitas cordis, hinc cervicosus furor ani-
mositatis, hinc suspicionis labor anxius, hinc
LIVORIS crudele tormentum, & creman-
tis INVIDIÆ miserior quam miserabilior

cruciatus. Quo si carere velint piè literati ac DEO sacrati homines, patulas porrò Doctori mellifluo præbeant aures; Parcite (ait) obsecro fratres, parcite animabus vestris, parcite sanguini qui pro vobis effusus est, horrendum cadete periculum, ignem qui paratus est declinate - - Fugite de medio Babylonis, fugite & salvate animas vestras, convolate ad urbes refugii, ubi possitis & de præteritis agere pœnitentiam, & in presenti obtinere gratiam, & futuram gloriam fiducialiter præstolari. - - Nihil humilibus arduum reperitur, quibus & gratia fert auxilium, & obediendi devotio lenit imperium. Quam diu ambulatis in magnis & mirabilibus super vos? Difficile & impossibile est ut ex amara radice AMBITIONIS, suavis fructus prodeat charitatis. Hoc itaq; stratagemate, sive elationis & ambitionis perniciosæ abdicatione felices illæ animæ non solum atrocis invidentiæ ejusq; pedissæq; calumniæ aculeos felicissimè evitarunt, verum bonorum omnium favorem famamque & gloriam longè præstantiorem, perpetuam nimirum & sempiternam, nullo livoris afflatu interturbandam sunt consecuti. Qua etiam nos haud dubiè olim beabimur si consimilia Prudentiæ verè Christianæ edamus

edamus specimina, summoque caveamus studio, ne ulla secularis gloriæ cupido vel sacra tractantes invadat, vel etiam scripta parantes publica exstimulet, haudquaquam per ea immortales fieri cupientes, sed immortalipotius & invisibili seculorum Regi honorem omnem tribuentes. *Va universis* (ita egregie Franciscus Lambertus Avenionensis) *qui sibi perpetui nominis gloriam in hoc seculo parare nituntur: Sed ante omnes hi maledicti sunt, qui in prophetiis scriptis seu commentariis id faciunt. Sat est fideli ad omnem gloriam si in illo benedicatur nomen Domini, & tandem in gloria superna illum confiteatur & honorificet Christus, coram Patre summo & Angelis sanctis, &c.* *Franciscus Lambertus Aven.* Hunc gloriæ supremæ apicem omnes illi attingent, qui [ut supra diximus] opera sua DEO consecrare student & BEATÆ ÆTERNITATI, non autem tempori & inani gloriæ litare velint. Infestet licet atrox invidia scripta pie-doctorum, nullius pareat authoritati, inque monumentis etiam optimis ferales suos construat nidos; tantum tamen abest ut Scriptores, divinæ intentos gloriæ, de laudis supremæ folio deturbare, spissisq; suis obfuscare tenebris possit, ut potius majorem iis semper lucem conciliatura sit nominisq; claritatem. Quicquid pie litera-

*Conf.
Hieron.
vitam
Hilar.
& pra-
fat. in
Esdras
& Nehē.
& epist.
ad Pam-
machium
pro libris
suis con-
tra Jo-
vinian.*

torum laboribus urgente invidiâ hætenus ob-
venit, parum aut nihil attulit detrimenti, redi-
viva semper post busta sua prodire DEO &
beatæ æternitati sincero pectore consecrata
monumenta. Qui vel mediocriter in Ecclesia-
sticæ historiæ lectione sunt versati, ignorare
non possunt, primarios quosque Scriptores
christianos mastigas suos passos, & livore ur-
gente summioperè fuisse exagitatos. Quam
multi libros Hieronymi non momorderint mo-
do, sed etiam laceraverint, supra ipsiusmet Do-
ctoris verbis indicavimus. Quid, quod in epi-
stolâ ad Pammachium, pro libris suis contra Jo-
vinianum, memorarit, coactum Pammachium
amore authoris libros illos subducere, ne lacer-
atio & odium in authorem auctius semper &
auctius fieret. Etiam si tantus Vir fuerit Hiero-
nymus, ut ejus in scribendo dotes pauci expri-
mere, ne dum assequi olim potuerint, illumque
nec eruditio, nec judicium, neque linguarum
peritia, nec eloquendi copia, nec quidlibet
evincendi facultas defecerit, ab eo tamen con-
figendo lacerandoq; livor nefarius neutiquam
abstinuit, neque ipsi pepercit Doctori augu-
stissimo, Hipponensi inquam Augustino, cu-
jus scripta non ab hæreticis modo fœdissimè
maculata, verum ab ipsis etiam orthodoxis
turpiter adeo proscissa fuere, ut atrocissimam
ille librorum quorundam suorum occasione
sustinere debuerit vexationem, passimque

prædestinatus, & novæ hæreseos concinnator audierit, variisque apologiis eam eluere labem sit coactus, eaque propter haud abs re † Augustinum Facundus Hermian⁹ Virum-adamantinum vocaverit, in quo omnes adversariorum dentes frangantur. Quid Magni Gregorii libris contigerit, non sine summo dolore Joh. Diaconus prodidit, neque nos sine stupore ex ejus indicio cognovimus. Refert enim mox ab obitu in illos igne sævitum fuisse publicè, nec nisi interveniente Petro Diacono furorem istum esse frænatum, prohibitumque quo minus cætera ejus volumina prorsus de-
 rentur. Nec minus indigna atrocitæque in
 Petri Damiani pias quasdam lucubrationes
 ausam esse invidiam & malevolentiam, ipse
 epistola peculiari ad Hildebrandum & Stephanum Cardinales exposuit: *Querelam* [scribit
 ibi] *omnipotenti DEO & vobis qui ejus estis membra depono, de Domino nostro Papa,*
(Alexander is erat II.) qui cor meum tam
crebro mærore conturbat, & grandævi jam
senis animam ad amaritudinem provocat.

M m 5

Tulio

† Conf. August. lib. de gratia & libero arbitrio. item de corrept. & grat. de prædestin. SS. & de dono persever. addantur ea que vel pro eo vel ipsius nomine Prosperus Aquin. edidit. Facundus Hermian. lib. 9. pro tribus capitul. in ipso fine.

Tulit enim librum nostrum (quem sc. Damianus Gomorrhæi titulo ediderat, turpemque inibi & abominabilem quorundam Clericorum vitam suis depinxerat coloribus,) & hunc qualiter tulerit opera pretium est ut cognoscatis, sciebat enim se hoc à me aliter impetrare non posse, Domino Abbati S. Salvatoris me presente tradidit, præcipiens ut transcriberet. Nocte verò me nesciente tulit, suisque scriniis infarcivit. Et revera hoc est munditia sacerdotalis ingenium, imò hoc papalis puritatis est documentum. Taceo

Zozimus *quacum ipsis suis authoribus (ut quidam epist. 3. è veteribus ait) interpretantium arbitrio*

sapè fuerunt periclitata. Gratulentur itaque sibi Scriptores pii hanc Virorum optimorum sortem, atque de Christi improprio hac quoque in parte lubenti participant animo, nil quicquam [ad generosorum equorum exemplum] curantes furibundi livoris latratus, omnisque querelis de scriptionibus suis injuste exagitatis, mures arrosores masculè abigentes, optimi Ruperti verba observatu dignissima ingeminent: Quomodocunque volunt, præsentibus de nobis judicent, futuri clementius judicabunt, dum enim vivimus (ait

Rupertus
lib. 7. in
Matth.

Vir

Vir illustris Hieronymus) & vase fragili
 continemur ; videntur amicorum pro-
 desse studia , & nocere ÆMULORUM
 opprobria. Postquam autem reversa fu-
 erit terra in terram suam , & tam nos qui
 scribimus , quam eos qui de nobis judicant ,
 pallida mors subtraherit , & alia venerit
 generatio , primisq; cadentibus foliis , vi-
 rens sylva succreverit , tunc sine nomi-
 num dignitate sola judicantur ingenia , nec
 considerat qui lecturus est , cuius vel qua-
 le sit , quod lecturus est , sive ille Episco-
 pus sive sit laicus ; Imperator & Domi-
 nus ; miles & servus , aut in purpura &
 serico , aut in vilissimo panno jaceat , non
 honorum diversitate , sed operum merito
 judicabitur. Quid Scriptoribus quibusdam
 [iisq; nobilissimis] magis profuit , quam manus
 carnificis & hostilis rogas ? non superes-
 sent multi , ni ad tempus periissent , & cum
 immortalis laude de scelere , livore & menda-
 cio tandem aliquando triumphassent. Secus
 verò iis accidit authoribus , qui non eo fine li-
 bros conscribunt divulgantq; , ut alios instru-
 ant atque erudiant , sed potius ut gloriam inde
 & famam aucupentur , quid mirum si idem iis
 contingat , quod hortis Adonidis accidit , qui

Confer:
 commen-
 tar. III.
 append.

una

Lamber-
tus in
Comm.
de pro-
phetia
c. 30.

una die nati celerrimè perierunt. *Quid proderit Tibi* (scite laudatus ait Lambertus) *gloria quam expetis, quamque rapere non expavescis? quid habes quod non acceperis? Habes tuos sufflatores, satanam & adulatores, qui dicunt: FAC TIBI NOMEN IMMORTALE, quam consultius faceres, si faceres Tibi nomen mortale, h. e. si ageres in omnibus, ut cunctis notum fieret, quod Te mortalem agnoscis, & nihil ex Te esse, deum omnia hominum fastigia cadere necesse est, etiam eorum qui omni studio scriptis perpetuam huius seculi gloriam cupierunt. Non facilè equidem succumbet adversariis invidis ac maleferiatis literatus, si intestinum arrogantiæ flatum, noxiumque tumorem omni studio reprimere studeat, atque illorum exempla sæpius sibi ad animum revocet, qui cum irreparabili famæ pariter ac vitæ, imò beatæ etiam æternitatis dispendio fatuos umbratilis gloriolæ igniculos sunt infectati.*

XIIX. Hactenus PRUDENTIAM pie iteratorum circa declinandam sive mitigandam invidiam ex doctrinæ famæque celebritate conflata delibavimus, nunc quantâ virtute ad reprimendum livorem, ob singularem PARRHESIAM, atq; imperterritam perversorum reprehensionem, concitatum, opus sit considerare.

siderabimus. Sicuti enim [præclare inquit Cli-
 macus] *malus cum reprehenditur & objurga- Climac-*
tur dolus & uritur, ita acerbissimum semper o- *cur gradu-*
 dium incurrerunt, quotquot profligatos soci- *IV. n. 99.*
 orum emendare mores, pudendamque flagiti-
 orum catervam eliminare studuerunt. Nemi-
 nem inter Romanos Catone severiorem egisse
 morum censorem, quis est qui nesciat, at ve-
 rò neminem INVIDIA tantoperè & odio
 fuisse exagitarum, quam illum ipsum, ex Sabel- *Sabel-*
 lici indicio discimus, nam quadragies sexies re- *lib. I.*
 us in iudicio factus causam dixit, semperque de *cap. 6.*
 adversariis victoriam obtinuit. Nec minus
 Socratem, aliosque Viros egregios eo ipso no-
 mine gentilium sophistis fuisse invisos, in ca-
 pite de contentionibus literatorum notabi-
 mus. Clarissimè insuper constat palmariam in-
 vidia præcis Doctores Christianis constan-
 tia causam exitisse insignem erga domum Dei
 [quam amabant] zelum, indeque progeneratam
 severiorem liberioremque morum corrupto- *Confer-*
 rum correctionem. Cum Q. Sept. TERTUL- *Tertul-*
 LLIANUS duriores paulò, rigidio- *liani lib.*
 remque vitiorum (quibus Clerici potissimum la- *de spectac.*
 borabant) castigatorem agere cœpisset, gravis- *c. 25. lib.*
 simam invidiæ incurrit tempestatem. Quem *de coronâ*
 admodum etiam B. HIERONYMUS omnium *milit. c.*
 odio atque contemptui fuit expositus, post *lib. de*
 quam Clericorum perversorum mores emen- *ido!olatri-*
 dare, omniæque id agere studio cœpisset, ut vi- *cap. 7.*
 ta pro-

*Hieron.
in alterâ
ad De-
metria-
dem epi-
istolâ.*

*Sulpitius
Severus
in l. de
virtut.
Mona-
chorum
Oriental.
d. al. n. 4.
Euseb. in
Epist. de
morte
Hieron.*

ta probata doctrinâ eo majorem conciliaret au-
thoritatem. *Sermo meus* [scribit ipse] *offendit*
plurimos, dum UNUS QUISQUE in se in-
telligens quod dicebatur, non quasi monito-
rem libenter audivit, sed quasi criminato-
rem sui operis aversatus est. Et de eodem

Hieronymo notanter Sulpitius Severus : *Con-*
civit (inquit) *odia perditorum, oderunt eum*
hæretici, quia eos impugnare non desinit, ode-
runt CLERICI, quia vitam eorum infectatur
& crimina. * *Gemina his apud Pseud - Euse-*
bium leguntur. Quidquod ipsi Gregorio Nazi-
anzeno parrhesia sua tantum invidiæ turbinem
conflaverit, ut coram illo consistere nequiverit,
uti non male è quadam ejus oratione colligitur
circa

* *Qua verò ratione quibusq; aculeis Hierony-*
mus profanos tetigerit Clericos, è prolixis e-
jus ad Demetriad. & Eustoch. epistolis, nec
non pref. vers. Did. de Spir. S. locisq; aliis
clarissimè colligitur. Scite Erasmus in not.
ad laud. Hier. Epist. Videtur (scribit)
hic satyrica mordacitate invehi in Vir-
gines, Monachos ac Clericos, & argu-
tius illorum vitam depingere, verum
quando neminem carpit nominatim, &
malos reprehendit non probos, illis im-
putandum est, qui sic vixerunt, non.
Hieronymo, qui suis illos depinxit co-
loribus.

circa cuius initium verba leguntur sequentia :

Sed neq̃, facetus quisp̃iam, ac iucundus sum, Gregor.

atque ita comparatus, ut hominum benevo- Nazi-

lentiam blanditiis & assentatione surripi- anzen.

re queam : QUALES multos eorum video, Orat.

qui hoc tempore SACERDOTII MUNUS XXVII.

PROFITENTUR, qui fidei nostræ p̃ieta-

tem, qua prius simplex atque artis expert

erat, artificiosam reddiderunt, ac novum

quoddam politices genus, à foro ad sancta-

translata, & à theatris ad Sacrarium, vulgè

oculis minimè inspectandum : ita ut si au-

daçter hoc dicere oporteat, DULÆ jam SCE-

NÆ sint, inter quas hoc duntaxat interfit,

quod illa omnibus pateat, hac quibusdam ;

illa videatur, hac in honore sit, illa Thea-

trica, hac SPIRITUALIS nominetur.

Et quantam istiusmodi scenico-politicorū Cle-

ricorum fraudibus technisque opt̃mus Grego-

rius subierit tempestatē, quamq; nefariè à thro-

no episcopali deturbatus fuerit, supra memora-

vimus. Vos testes inquit in laud. Orat. ad ipsius

Apostoli exemplum, & DEUS, nos ab hac parte

(sc. Clericorum-politicorum) minimè stare, ve-

rum tales esse, ut rusticitatis potius quam adu-

lationis ac servilis animi notam suscipere possi-

mus, quippe quicōs etiam, qui nostri apprimè

studioſi

studiosi sunt, ASPERIUS interdum accipiamus, si quid nobis non ut rationi consentaneum est facere videantur. Quantam ipsi denique CHRYSOSTOMO idem candor tempestatem concitaverit, peculiari dissertatione ostendemus, illustre quoddam ex ejus historia INVIDIÆ optimos quosque infestantis documentum exhibituri. Tanto severiores autem Doctores illi laudatissimi egere Clericorum perversorum censores, morumque corruptissimorum castigatores, quanto graviora mala atque scandala in Orbem christiano-ecclesiasticum olim inde redundasse perspexerunt pariter ac ingemuerunt. Si enim (inquit ipse CHRYSOSTOMUS) *Sacerdotium corruptum* [si ipsi Doctores populi & Magistri suo desint officio,] *omnium*

Isid. Pe- fides & virtus marcida est. Et quemadmo-
lus. epist. dum (addit Pelusiota) *si in navi nautarum*

322.

quispiam non rectè partes suas obeat, par-
vum inde navigantibus damnum accedit, at si
gubernator officio suo desit, commune mortis
periculum universis creatur, pari modo si sub-
diti peccent, non tantum toti communitati,
quantum sibi ipsis damnum inferunt; at Sa-
cerdotum vitia ad omnes omninò contagione

Ezech. proserpunt. Propterea imminente excidio Hie-
IX. v 6. rosolymitano JEHOVAH angelo præcepit

ut

ut à Sanctuario & viris qui illic assiderent
 exorsum sumeret, ut qui in peccato, iidem
 etiam primi essent in internecone. Et ipse
 Salvator miseram Doctorum peccatis indor-
 mientium conditionem innuere volens, *Si sal-*
(inquit) infatuatus fuerit, quo salietur? ad Matth.
nihil amplius valet, nisi ut projiciatur foras, V. v. 13.
& conculcetur ab hominibus. Majori igitur
 oris libertate flagitiosos, & peccandi assuetudi-
 ne **INSULSOS** populi Magistros compellare
 emendareque studuerunt optimi, atque singu-
 lari morum integritate conspicui Doctores,
 hisque veluti catarractis irruentem, orbemque
 Christianum inundantem horrendorum & cri-
 minum & calamitatum cataclysmum cohibere
 laborarunt. Non tamen sine prudentia atque
 circumspectione peculiari: Neutiquam sci-
 licet **PERSONAS SINGULARES** publi-
 cè duxerunt reprehendendas atque castigan-
 das; cum inde frequenter gravissima oriantur
 inimicitia, populique admurmurationes, &
 ejus qui notatur in alterum qui notavit capi-
 tale existat odiū, quin imò ipsa charitas, perso-
 narū singularium latentiumque publicam repre-
 hensionem & castigationē apprimè dissuadeat. *Hier. E-*
pist. ad
Nullum laesi (optime ait Hieronymus) Nepoti-
nullum nomen mea scriptura designatum est, an. conf.
meminem specialiter meus sermo pulsavit. ep. ad
Generalis de vitis disputatio est. Severus Eusto-
Sul-chinum.

Sulp. Se- Sulpitius postquam de atrocissimis B. Martini
verum sub adversariis atque insectatoribus esset conque-
fin. histor. stus, scitè notanterque addidit: *Nec verò*
de vita B. **QUENQUAM NOMINARE NE-**
Martini. **CESSE** est, licet nos met ipsos plerique cir-
Cicero O- cumlatrent, sufficit, ut si quis ex his hac le-
vas. pro gerit, & agnoverit, erubescat, nam si irasci-
leg. Ma- tur de se ipse dictum fatebitur, cum fortasse
nil. nos de alio senserimus. Similem prorsus in
 reprehendendo prudentiam ipsum Tullium
 Romanæ eloquentiæ parentem adhibuisse, ex
 ejus pro lege Manilia oratione liquidò appa-
 ret; *Vestra* (ait) *admurmuratio facit Qui-*
rites, ut agnoscere videamini qui hac fece-
runt, EGO AUTEM NOMINO
NEMINEM, quare irasci mihi nemo
poterit, nisi qui ante de se voluerit confiteri.
 Vix ullus unquam quos vellet liberè & sigilla-
 tim coarguit, aut obvia quæque laceravit, quin
 eam INVIDIÆ tempestatem subierit, quæ
 ratem aut omniò deprimeret, aut longè com-
 pelleret fluctuantem. Ideoque magnâ cau-
 tione in censendis aliorum vitiis opus esse qui-
 libet perspiciant, non quidem in tanta morum
 & vitæ licentia conniventes, attamen sollicitè
 ac studiosè caventes, ne remedium ipso malo
 pejus esse videatur. *Præstaret multo* (inquit
 nonnemo) *quorundam errata, dummodo*
illis

illis non communicemus ad tempus ferre, quam incommodis ea curare gravioribus. Est locus tribulis herbisque noxiis quandoq; concedendus, ne utiles herbas una eradicemus.

Isid. Pelus. Epist.

453.

Nec valdè abludivit Pelusiota, absurdissimum esse existimans alios erigere satagentem, ipsum met cadere; ut autem hoc non fiat, verborum quâdam gravitate regendam ac velandam esse ipsam rerum turpitudinem, ne dum alios quis perstringere cupiat, suam ipse linguam inquinet, & aliorum sordes atque inquinamenta auferre laborans, ipse commaculetur. Nostri nimirum accusatio, nostrique correctio prima sit, ut in corrigendis aliis esse queamus fructuosi. Assidui qui sunt & diligentes sui contemplatores, ceteros facilius perpungent atq; permovebunt, nam ex iis quæ ipsi sunt experti, quid alii patiantur & cupiant difficile non erit augurari. Vita bona faciliè pervadet, quo lingua neutiquam pervenerit. Si ars ad materiam (ait sapiens) accedat, & actionem aquet oratio, nec oratoris vita desentiat, tum admirabile illud existit, quo partim viso partim audito & infantes & eloquentes obstupescunt. Quæ de cavendâ superbiâ, ambitione, avaritia, temeritate, de levitate fugienda, iracundia comprimendâ, ultione vitanda aliis præcipere censores solent, sibi met ipsis præcri-

bant, ipsoque compleant opere, prius quam eadem exigant à cæteris, nec unquam iracundiâ ferantur præcipites, nec facilè cuivis delatori aures patulas præbeant, quin potius aliquâ interposita morâ rem universam maturius diligentiusque perpendant. Ipsâ equidem rerum magistrâ experientia sumus edocti, temerarios, privatisque affectibus abreptos reprehensores turpiores nonnunquam ipsis effectos fuisse delinquentibus, nec solum eos quos reprehenderunt abalienasse, sed & illos etiam offendisse, quos nunquam in mentem venerat objurgare. Quis etenim non ab illo refugiat, quem esse videt iracundum, trucem injuriarum quas vel sit passus, vel suspicatus, acerbum ultorem, delationibus aures patefacientem, & ad id unde querelarum, offensionum, consurrationum aliquis se ventus ostenderit, credulitatis vel potius crudelitatis, objurgationis & vindictæ vela pandentem? Et qualis obsecro indignationis ac excandescentiæ fructus sperandus, si qui audiunt non justitiæ & veritatis amori, non pio dolori, non religionis divinæque laudis studio, sed vindictæ privatæ adscribunt & iracundiæ? negant ita loqui ac furere ejus esse, qui divinam duntaxat respiciat gloriam, arque christianam sitiât pietatem, sed quî suum tantummodo dolorem ulciscatur. Quicumque nullam ingenuitatem, nullum in arguendo præstant ruborem, utque severi salubres-

resque sint, minus interdum verecundè loquuntur, acerbissimè quidem compungunt, & quosdam reprimunt, vitia tamen neutiquam extirpant radicitus; qui verò peccata ita graviter & propriè honestèque coarguunt, ut se quisque curari sentiat, temerè læsum queratur nemo, hi palmam in corripiendo faciliè obtinebunt, ipsoque facto eorum coarguent errorem, qui arduum censendi munus more Gigantum, (quos perhibent montes montibus imponentes, ad cælum tentasse aditum) chartis hinc inde congestis & coacervatis, magnisque clamoribus concitatis, moribus autem non ita angelicis obire se posse confidunt. Antonius celebris Archiepiscopus Florentinus, Præceptoris sui Ragulini sermones commendaturus, illud veluti quoddam adjecit complementum: *Fuit vi-
riorum severus sed tamen honestus objurga-
tor.* Tales sint morum censores singuli, SE-
VERI; quod nullam personarum habeant
rationem, sed omni discrimine sublato scelera
liberrimè accusent: HONESTI tamen, quod
nihil sine causa dicant notabili, nec cuilibet
de media turba trivioque querelas deferenti
habeant fidem, suasque vel cogitationes vel
somnia afferant in medium, sed de perversis
moribus ante probè edocti, eosdem prudentia
reprehendant singulari, nunquam satis lauda-
tam severitatis & honestatis adhibentes mixtu-
ram. *Nefis* (præclare ait Magnus Basilus)

Basil. M.
Serm. de
Humil.

inrependo molestus ac severus, neq. statim ac cum animi commotione quenquam reprehendas, (resipit enim hoc contumaciam quandam) neque propter modica delicta condemnans aliquem, quasi rigidus ac prae duro juris exactor, sed eos qui deliquerunt complectare, & spiritaliter instruas, sicut admonet Apostolo, considerans Te ipsum ne & Tu tenteris.

Greg.
Magn.
lib. XX.
Moral.
in Job.
c. 6.

XIX. Nec minus florida verbis, graviora sensibus monitisque acuta instructio Gregorii Magni est, in morali expositione Jobi de inculpati elenchi moderamine ita differentis: Sciendum nobis est, quod valde lectorem adificare etiam juxta historiam potest, si perpendat quomodo bonis Rectoribus mixta sit & regendi authoritas, & benignitas consolandi. Ait enim, cum sederem quasi Rex circumstante exercitu; ecce authoritas regiminis: eram tamen merentium consolator: ecce ministerium pietatis - - Miscenda ergo est LENITAS cum SEVERITATE, faciendum ex utroq. temperamentum, ut neque multa asperitate exulcerentur subditi, neque nimia benignitate solvantur. Hoc nimirum illa tabernaculi arca significat, in qua cum Tabulis VIRGA simul & MANNA est,

est, quia cum Scriptura Sacra scientia est in boni Rectoris pectore, si est virga districtio- nis, sit & Manna dulcedinis. Hinc etiam David ait: *VIRGA* tua & *BACULUS* tuus ipsa me consolata sunt, virga etenim concutimur & baculo sustentamur. Si ergo est districtio virga qua feriat, sit & consolatio baculi qui sustentet. Sit itaque amor sed non emolliens: sit rigor, sed non exasperans: sit zelus, sed non immoderate saviens: sit pietas, sed non plus quam expediat parcens. Intueri libet in Moysi pectore misericordiam cum severitate sociatam, videamus amantem pie, & districtè savientem. Inter extrema igitur ista de consilio Gregorij medio tutissimus incedit, quisquis sollicitè cavet, ne lenitate nimia in adulationis suspicionem trahatur, nec etiam asperitate summa rigidæ immoderationis notam incurrat. Et quem prudentiæ Ecclesiasticæ paulò studiosiorem latet, quanta cum difficultate & peritiâ, quantaque cum utilitate Gregorianum illud temperamentum sit conjunctum. Sicuti zelus pius divina Theologi dos & virtus est, & ab ipsa Scriptura summis extollitur laudibus, ita impotentia mentis atque intemperies affectuum non rarò ipsam pessundedit Ecclesiam, magisque obfuit quam profuit saluberrimæ ædificatio.

cationi; ille nimirum zelus, qui ex illaudabili præcipitantia proficiscitur, ex inimicitia exasperatur, ex malitia consummatur, atque zeli amari, inordinati, plusque destruentis quam extruentis meretur appellationem.

*Sapè scelus Zelum cali velamine texit;
Cui zelus calumest, non facit ille sce-
lus.*

Greg. M. Honestatem itaque [uti ante diximus] iusta-
l. c. c. 6. comitetur severitas, siquidem [præclare rur-
sus monente Gregorio] Disciplina multum
destituatur, si una sine altera teneatur.
Hinc est quod semivivi illius vulneribus,
qui à Samaritano in stabulum ductus est,
& vinum adhibetur & OLEUM, ut per vi-
num mordeantur vulnera, per oleum fo-
veantur; quatenus unusquisque, qui vul-
neribus sanandis præest, in vino morsum
distinctionis adhibeat, in oleo molliem
pietatis, per vinum mordeantur putrida,
per oleum sananda foveantur, & quæ in
textu Gregorii plura sequuntur, relata in Jus
Can. Di- Canonicum usque ad illa: In regimine er-
sciplina. 9. gò populi utrumque Moses miscuit; ut
dist. 45. nec disciplina deesset misericordiæ, nec
misericordia disciplinæ, h. e. severitas ho-
nestati sociata deprehendatur. Quid quod
ipso

ipse Gentium Doctor severitatem quidem suam
Tito commendaturus; *Obsecra* dicat, *inerepa*, &

Tit. I.

de Cretensibus loquens, *inerepa* eos dure; ast
honestatem quoque exemplo suo proprio edo-
ceat: *Num mentior? num fingo?* Cujusmodi *II. Tim.*

etiam modestiæ atque honestatis singularis for-
IV.

mulis, plurima priscorum Doctorum, Basilii,
Chrysostomi, Ambrosii, Augustini aliorumq;
referta sunt monumenta. Augustino ad Bri-
tannos convertendos ablegato, modo laudatus
Gregorius author fuit ut quædam initio An-
glorum permitteret imbecillitati; *Hos enim Greg. M.*

semper (ita notanter ad eum scripsit) *San- lib. XII.*

Et Ecclesia quædam per mansuetudinem 10- *epist. resp.*
lerat, quædam per fervorem corrigit, quæ- 7. *ad Au-*
dam per considerationem dissimulat, atq; per. *gust.*

zat, ut sæpe malum quod averfatur, portando

& dissimulando compefcat. Voluit nimirum

Gregorius ut justæ severitati Augustinus lau-
datam consociet honestatem atque prudenti-
am. Antonium vulgo Paduanum dictum,

[cum non Patavinus sed Olysiponensis fuerit]

tantam quidem in objurgandis insectandisque

vitlis severitatem adhibuisse ferunt, ut nullam

personarum habuerit rationem, quin etiam ob-

jurgante Antonio minutulos concionatores

partim erubuisse, partim expalluisse, & quam

timidi quam angusti animi essent, Antonio

concionante didicisse, ast nihilominus tantam

cum honestatis atque æquitatis habuisse rationem memorant, ut sive magnis sive parvis loqueretur, singulis verba copiosissimè pariter ac ferventissimè accomodaverit, pluresque revocaverit ad frugem. Ille ille cum emolumento maximo alios reprehendet, qui DEUM sibi & christianam charitatem in objurgando proponit, privatas non persequitur inimicitias, totus divino ardet amore, virtutum comitatu circumseptus irascitur, quandoque licet, privatam admonitionem publicæ præmunis objurgationi, talis inquam convenientissima salutaris doctrinæ suppeditabit monita, nullum querelæ relinquet locum, solidæque pietatis & prudentiæ clypeo munitus, adversantium sibi & indignantium jacula, nullaque non odiorum spicula eludet, & omnem atrocis invidiæ evitabit tempestatem.

XX. Nova hinc elucescit felicitatis literariæ, atq; PRUDENTIÆ christiano-Theologicæ [non minus circa SUSTINENDAM quam declinandam invidiam occupatæ] solertia, & exquisitum ad eludendos atrii livoris insultus compendium. Quodnam illud? PATIENTIA SINCERÆ SOCIATA HUMILITATI; cuj⁹ adminiculo literati felices semper de totâ malignantium phalange cum laude immortali triumpharunt. *Nimirum* (dicente Isidoro) *contra lingua* (invidiosæ) *gladium*, *Patientia scutum præbentes*, neque verba curantes à solo dictata livore, nec canum me-

suentes

tuentes latratum, eorum cumprimis qui Irenæo observante immanes sunt, & operantur schismata, non habentes DEI & proximi dilectionem, propriamque gloriam & utilitatem potius venantes, quam unitatem pacis Ecclesiæ considerantes, propter quaslibet causas gloriosum Christi corpus conscindunt & dividunt, pacem loquentes & bella molientes, verè colantes eulicem & camelum transglutientes. Adversus ejusmodi canum latratus, morsusque acerbiores, optimi quique Doctores christiani prorsus obdurerunt, *non enim qui audit, sed qui faciat convicium miserum esse*, cum Cypriano reputantes, Magnoque consentientes Basilio, injurias omnes animo æquissimo pertulerunt. Si mihi credis (*dicebat ille*) probra contumeliasque (*urgente scil. livore evibratas*) curabis minime - - Quando enim verborum contumelia tentaris, illud existima periculum de te fieri, an DEO per patientiam adhæreas, seu per iram in adversarii partes inclines. Da tempus cogitationibus ad optimam eligendi partem opportunum. Nam è duobus alterum, procul dubio consequeris; aut inimicum tuæ mansuetudinis exemplo mitiorem reddes, aut certè si despexeris, acrius illum vindicabis. Quid enim adversario durius

durius esse potest, quam Te animum gerere contumeliis omnibus altiorē? Porro quale nomen uterque vestrum assequatur, videamus: Hic contumeliosus, tu magnanimus vocaberis; Hic iracundus, & durus; tu longanimis & mitis, hunc quandoque poenitebit horum quæ loquitur, te nunquam benefacti aut virtutis poenitebit. Quid plura? Huic contumelia regnum cœlorum clausit, quod contumeliosi Regnum DEI non consequentur: Tibi taciturnitas aperuit. &c. Eandem insustinentem invidia prudentiam, mirifice commendavit, moreque suo h. e. splendide & exquisitè illustravit Isidorus Pelusiotā, amicorum quendam hunc in modum compellans: Noli putare per virtutis exercitium Te calumniam (*invidia scil. sociatam*) propulsare posse & impedire, Nam ipsi virtutis cultores, præcæteris & maximè insidiis appetuntur ab his, qui nec ipsi quicquam honoris habent, quia virtutem non incumbunt, & iis qui propter virtutem honorantur invident. Satius proinde est ejus cultores maledicorum & obsecratorum malignitatem æquanimiter

Isid. Pelus.
epist.
398.

ac generosè ferre, quam INVIDIAM declinantes & deprecantes à virtute desciscere. Neque verò ad hoc solum illudve injuriarum & calumniarum genus insignem hanc prudentiam esse restringendam, sed eam universaliter ad omnes tribulationes & calamitates extendendam esse idem Isidorus, una cum cæteris sinceræ pietatis Doctoribus & Professoribus cõmonuit. Multi quidem mala pati velent, subireque livoris tempestates, dummodo nullum inde commodis suis accedat detrimentum. Imò verò gaudebunt nonnulli gravissimis conviciis lacerati, atque calumniatores suos æquanimiter ferent, dummodo nemo ea credat maledicta. Volupe ipsis & jucundum esset à scelestis hominibus divexari, à spectatz autem probatzque fidei viris reprehendi & accusari vellent minimè. Ast vir solidæ PATIENTIÆ clypeo munitus, omnium sine discrimine æquanimiter perferet suggillationes, atque generoso & magnanimo pectore nulla non opprobria excipiet, ad pietissimi illius Episcopi Turonensis Martini exemplum, qui teste Sulpitio Severo tantam Sulp. Se.
adversus omnes injurias patientiam adsum-
serat, ut cum summus esset Sacerdos, impunè vita
ab infimis etiam Clericis laderetur, nec pro-
pter id eos aut loco unquam amoverit, aut à Turon.
sua repulerit charitate. Nemo (addit Sul-
pitiuS)

pitius) unquam illum vidit iratum , nemo commotum , nemo mœrentem , unus idemque semper cœlestem quodammodo lætitiæ vultu præferens , extra naturam hominis videbatur - - plerunque etiam pro eorum qui obrectatores illius videbantur solebat flere peccatis. Cum quidam livoris cœstro perciti Clerici , honorem Gregorio Nazianzeno à bonis oblatum iniquo ferrent animo , atque urgente diabolo acerbis eum incesserent conviciis , nulla quidem is regessit maledicta , sed admirabili sua patientia horribicos malignantium incurfus felicissimè superavit. Quippe neutiquam grave (ut ipse alicubi ait) judicans , si cum rebus vicisset , linguâ se vinci pateretur , quamobrem sic eos lenitate sua cepit & patientiâ , ascito præsertim ad sententiæ suæ auxilium tempore , ut indignationem in admirationem convertentes , sese ipsi excusarent , genibus advolverentur , pudore , ob ea quæ prius admiserant suffunderentur , abjectisq; odiis eo Patriarcha , legislatore & iudice uterentur. Adeoque re & opere ipso comprobavit Gregorius , quod alibi verbis docuit notatu dignissimis : *Nihil persecutorem ita superat ut Patientis alacritas.* Atque hoc ipsum in fœdo livoris monstro debellando arcanum egre-

Gregor.
Naz.
circa i-
nit. O-
rat. 23.

egregiè calluisse Bernardum, ex eâ quam ad calumniatores suos exaravit epistolâ liquidò apparet; Rogamus (scribit ibi) vos fratres, Bernardut quiescat jam indignatio vestra - Sin au dusep. st. sem, facite quod vultis, scribite ut vultis, per- LXVIII. sequimini quantum vultis, charitas omnia sustinet, omnia suffert. Nobis autem decretum est ex hoc jam vos purè diligere, reverenter suspicere, familiariter colere. Et Idem ep. rursus: Ego autem fratres (scribit) quic- CCLII. quid faciatis, decrevi semper diligere vos, etiam non dilectus. - Cum turbatis ero pacificus, conturbantibus quoque dabo locum ira, ne diabolo dem. Vincar jurgiis, vin- eam obsequiis, invitis prastabo, ingratis adjitiam, HONORABO & CONTEM- NENTES ME. Et nunc tristis est anima mea, quod quacunque occasione offenderim vos, eritque tristis usq, dum vestra indulgentia relevetur. Si tardaveritis, ibo & excusabo, pra foribus perseverabo pulsans, instabo oportunè importunè, donec vel merear, vel Chrysost. extorqueam benedictionem. Hoc animo præ- Homil. ditos homines literatos scitè Chrysostomus ar- XIX. in boribus comparavit frugiferis, quæ, quo ma- Epist. ad gis veniuntur & agitentur à ventis, cò fiant Hebr. fortio-

Isid. Pe-
lus. lib.
III. epist.
181.

fortiores & densiores. *Et nos quoque* (notanter addit) *si lenes simus & patientes, fortes etiam erimus & validi.* Et in eandem sententiam Isidorus Pelusiota ; *Quod si quis* (ait) *iis qui LIVORE feriuntur, veniam tribuat, ac propius ut ex huiusmodi furore emergant, vota faciat, atq; ita sit comparatus, ut non modo à vindictæ studio abhorreat, sed eorum etiam quos hoc vitium subegit, miseriam moveatur, hic demum sincerè novit PHILOSOPHARI.*

Menzinus l.
all. c. 15.
pag. 67.

XXI. Nec est sanè ut verà felicitate gaudens literatus, invidorum oculis adeò commoveatur, ut in illorum gratiam à cœpto laudabili opere cessandum sibi existimet. Non enim generosa indolis alacritas (ait supra laudatus Menzinus,) invidia concedit, sed cum optimè norit se inter ardua & difficilia positã, in præruptum, ubi virtus confidet, verticem conatur evadere. At esto multum Tibi cum invidis negotii sit : sicut umbellæ evanidas in pictura conspiciamus, quibus efficitur, ut sese rerum facies magis ostendat, & occulta quadam promittat ; ita virtutem persapè alta petens livor patefacit, cum in imperitis hominibus nihil sit quod invidio-

invidorum rabiem excitet, vesaniam ir-
 ritet. Quamobrem timorem prorsus abji-
 ciat studiosa mens, & quanquam de bonis ar-
 tribus literisq; (quinimò ipso virtutis sin-
 ceræ exercitio) Cadmaam hanc invidia se-
 getem oriri videat, sibi dictum putet:

*Tu ne cede malis, sed contra audentior
 isto.*

Quod si enim obtrectatorum formidine à bo-
 nis operibus abstinemus, parum videmur quid
 invidia sit, & quo ipsius vires extendantur
 intelligere. Illud enim tenendum est, eam
 tantum in viles animos & prava ingenia ca-
 dere, quæ alienis bonis torqueantur. Cumq;
 rerum omnium arbiter præclara mentis do-
 xibus te instructum voluerit, peccas nisi uta-
 ris. Viros etiam vitæ sanctimonia doctri-
 naq; insignes nonne vides adversantium telis
 obnoxios? Quid Cicero, quid Aristoteles?
 [Quid Basilius M. Chrysostomus, Hierony-
 mus, & alii plurimi?] Morsibus patent, &
 vulneribus. Sed quamvis Aristoteli detra-
 hant, Ciceronem vellicent, uterq; tamen
 summi philosophi nomen nunquam amittet;
 Lingulaci verò isti contentiosa nequitia no-
 tam nunquam effugient. Quid multis? IN-

Isid. Pe.
lus. lib.
III. epist.
181.

fortiores & densiores. Et nos quoque (notanter addit) si lenes simus & patientes, fortes etiam erimus & validi. Et in eandem sententiam Isidorus Pelusiota; Quod si quis (ait) iis qui LIVORE feriuntur, veniam tribuat, ac proipsis ut ex huiusmodi furore emergant, vota faciat, atq; ita sit comparatus, ut non modo à vindicta studio abhorreat, sed eorum etiam quos hoc vitium subegit, miseriam moveatur, hic demum sincerè novit PHILOSOPHARI.

Menzinus l.
all. c. 15.
pag. 67.

XXI. Nec est sanè ut verà felicitate gaudens literatus, invidorum oculis adeò commoveatur, ut in illorum gratiam à cœpto laudabili opere cessandum sibi existimet. Non enim generosa indolis alacritas (ait supra laudatus Menzinius,) invidia concedit, sed cum optimè norit se inter ardua & difficilia positum, in præruptum, ubi virtus confidet, verticem conatur evadere. At esto multum Tibi cum invidis negotiū sit: sicuti umbellas evanidas in pictura conspiciamus, quibus efficitur, ut sese rerum facies magis ostendat, & occulta quadam promittat; ita virtutem persapè alta petens livor patefacit, cum in imperitis hominibus nihil sit quod invidio-

invidorum rabiem excitet, vesaniam ir-
ritet. Quamobrem timorem prorsus abji-
ciat studiosa mens, & quanquam de bonis ar-
tibus literisq; (quinimò ipso virtutis sin-
ceræ exercitio) Cadmaam hanc invidiæ se-
getem oriri videat, sibi dictum putet:

*Tu ne cede malis, sed contra audentior
ito.*

Quod si enim obtrectatorum formidine à bo-
nis operibus abstinemus, parum videmur quid
invidia sit, & quo ipsius vires extendantur
intelligere. Illud enim tenendum est, eam
tantum in viles animos & prava ingenia ca-
dere, qua alienis bonis torqueantur. Cumq;
rerum omnium arbiter præclara mentis do-
tribus te instructum voluerit, peccas nisi uta-
ris. Viros etiam vitæ sanctimonia doctri-
naq; insignes nonne vides adversantium telis
obnoxios? Quid Cicero, quid Aristoteles?
[Quid Basilus M. Chrysostomus, Hierony-
mus, & alii plurimi?] Morsibus patent, &
vulneribus. Sed quamvis Aristoteli detra-
hant, Ciceronem vellicent, uterq; tamen
summi philosophi nomen nunquam amittet;
lingulaci verò isti contentiosa nequitia no-
tam nunquam effugient. Quid multis? IN-

VIDIA vel TOLLEND A est, vel TOLERANDA, ast cum tolli nequeat, siquidem semper hâc peste laboraturus sit Orbis, & Israëlitis semper Jebusæi sint cohibitaturi, igitur TOLERANDA vel sustinenda æquiori est animo, ferenda patienter, quæ nulla ratione mutari possunt. Cæterum CONTEMPTU etiam vindicandos esse livoris rabidi morsus, sapientissimorum hominum sententia est: Licet enim plerunque famam bonam diminuere omnibus nervis contendat, ea tamen semper bona apud bonos existet. Quomodo virtuti sapientiæq; intemperies illa fraudi esse possit, cum illæ humano arbitrio neutiquam subjaceant. *Quicquid in DEUM* (addit doctissimus ille Florentinus) *vesana lingua, hoc ipsum facit in Viros candidi pectoris & firma eruditionis invidia, jaculantur in communem patrem, largitoremque bonorum verba nequitie; ipse verò nihil movetur, utique firmus, nullis perditorum hominum injuriis obnoxius.* Ecquis non advertit experiturque quotidiè, obtrectiones, calumnias, opprobria, plurimaque ejusmodi adversantium spicula, multò evadi tutius PATIENDO & TACENDO, quæ res nos non concernant, quam illis resistendo, & armis quasi similibus propulsando. Igitur omnes ab iniquo Livore immixtas ærumnas atque afflictiones, composito
ad

Idem l.

c. p. 70.

ad modestam hilaritatem vultu suscipiamus, easque nobis plerumque in profectum & emendationem evenire reputantes, animo toleremus pacatori. Et dum vitam hanc mortalem velut Oceanum variis fluctibus procellisque agitatam transmittimus, nulla unquam concutiamur animi perturbati tempestate, nulloque adversæ fortunæ turbine demergamur, imò ne de irrogatis injuriis faciliè conqueramur, cum liquidò constet, graviter ut plurimum peccare eum, qui frequentiore illarum faciat mentionem, siquidem & philautia injurias nobis illatas vehementer exaggerare, & ad sumendam de inimicis vindictam acriter incitare soleat. Maximè verò caveamus, ne apud homines sinistra suspitionis labe pollutos, eorum quæ nos premunt malorum ullam faciamus mentionem, cum tantum absit, ut illi animum componere, spiritumque serenare queant, ut magis eum sint turbaturi, gravioresque illi inquietudinem allaturi, nec spinam extracturi pungentem, sed potius pedi fortius sint infixuri. Quod si apud aliquem de acceptâ injuriâ conqueri expediat, non nisi hominem quietum, pacificum, DEOque verè consecratum accedamus, hic malo medeatur, & oportunum quodpiam suggerat remedium, quo adhibito, pristinam mentis integritatem, optatamque animi tranquillitatem consequi valeamus.

XXII. Atque ut tanti pretii thesaurum

Oo 2

cæle-

cœlesti nobis concessum benignitate, eò securius possideamus, non PATIENTIA solum CHRISTIANA, sed & profundà nobis opus erit HUMILITATE, sincerâque mentis de-

Gregor. missione : *Non sita ea sit* [uti Gregorius Na-
Nazian- zianzenus præclare commonuit] *in veste quâ-*
zenus *dam humili, aut simulata colli depreßione,* non
Orat. in fallaci demissione vocis, aut vultus inclina-
XIX. tione, non per barbam promissam, aut affecta-
 tum quendam incedendi modum effingamus
 humilitatem, sed potius illustre Domini præ-
 ceptum fidelissimè observantes, infimum ubi-
 que locum eligamus, infimos sodales, infi-
 mum officium, nec superiori solum, sed æqua-
 li, imò inferiori etiam lubenti animo nos subji-
 ciamus, grande nefas, magnumq; piaculum re-
 putantes, si vel unum contemnamos, uniq; nos
 præferre ausi fuerimus. Et sanè quanta humili-
 tatis in superando debellandoque Livore vis sit
 & efficacia, post vetustissimos illos pietatis sin-
 ceræ Professores [quos Patres vocamus] insig-
 nis ille Caroli Magni Imp. Daduchus & infor-
 mator Alcuinus sive Albinus, Turonensis Ab-
 bas, aurea hâcce gnome subindicavit : *MA-*
Alcui- *GNUS VIR EST, QUI INVIDIAM*
nus de *SUPERAT HUMILITATE, discordiam,*
virtut. *charitate destruens.* Atq; hoc ipso Viri Magni
& vitiis,
opp. Pa- *fol. 1235* caractere olim conspicuum fuisse Nepotia-
ris. edit. num, Hieronymus in ejus epitaphio est testa-
 tus,

tus, primam scil. eum curam habuisse, ut HUMILITATE SUPERARET INVIDIAM. *Hieron. in epita-*
 Consimili artificio, lividi & contumacis cujus- *phio Ne-*
 dam Clerici animum Johannem Patriarcham *potiani.*
 Alexandrinum pervicisse, vitæ scriptor disertè
 asseruit. Et de mellifluo Doctore Bernardo *Gviliel.*
 Gvilielmus Abbas; Dicitur (*ait*) & IN- *Abbas*
 VIDOS habuisse, sed pestis illa HUMIL- *lib. III.*
 LITATE ejus & mansuetudine vinceba- *vit. Bern.*
 tur, beneficiis suffocabatur, obruebatur c. 6.
 obsequiis, nimirum doctus erat vincere
 in bono malum, sicut ad quosdam fratres
 scribens inter cætera ait: Adharebo vobis
 etsi nolitis &c. Adipiscamur ergò (*dico cum*
ore AUREO) eam quæ per humilitatem pa- *Chryl. Homil.*
 ratur magnitudinem, inspiciamus rerum *Lin. I. E-*
 humanarū naturam, ut futurorum incen- *pist. Pan-*
 damur desiderio, non potest enim aliter *li ad Co-*
 fieri HUMILIS, nisi per divinarum rerum *rinib.*
 desiderium, & præsentium despicientiam.
 Non potest (addimus nos,) tantæ virtutis at-
 tingere metam, nisi per continuum sui contem-
 ptū, & Christi exemplo pariter ac verbo tanto-
 perè comendatam amoris proprii abnegationē.
 Hoc siquidem dono, cœlesti beneficio præditi,
 nihil sibi coram divinæ Majestatis conspectu
 tribuunt, nihilque præ cæteris sibi vindicant

mortalibus, in propriis bonis pariter ac alienis malis cæcutientes, seque præferentes nemini, sed posthabentes potius omnibus, eaque diligentissimè observantes, quæ deprimendæ elationi, & retundendæ superbiæ conferant. Quam in rem præclarè olim Abbatem quendam Isaïam dixisse accepimus: *Humilitatem nec linguam habere, quâ de aliquo tanquam negligente aut superbo loquatur; ne quæ Oculos, quibus aliorum errata perspiciat, ne quæ aures, quibus ea quæ anima sua non prosint, audiat, neminem denique nisi se ipsam suamque accuset peccata.* Hoc equidem Animæ humilis in quarto (ut loquuntur modo) est proprium, ut non solum plurima sibi deesse acutissimè perspiciat, verum etiam cujuscunque Virtutis summoperè fugiat ostentationem, & se semper in postremis haberi velit, quin & continuam sui depressionem meditetur. Justus enim, ut ait sapiens, *prior est accusator sui.* quasi ejus sit proprium reprehendere semetipsum, cumque gravioribus flagitiis careat, neutiquam fateri formidat, si uspiam imprudentius egisse, concitatori affectu errasse, impigisse, offendisse, verbo dicam, **HOMO FLUISSE** censeatur. Præclarè admodum de Sancto Jobo Gregorius Magnus; *Videatur (scribit) vir iste cuilibet magnus in virtutibus*

tribus suis, mihi certe sublimis apparet etiam *Gregor.*
 in peccatis suis. Mirentur in eo qui volunt *M. lib.*
 castitatis continentiam, mirentur integri. *XXII.*
 tatem iustitia, mirentur viscera pietatis; *Moral.*
 ego in eo admiror non minus *CONFES. c. 10.*

SIONEM HUMILIMAM PECCA-
TORUM, quam tot sublimia gesta virtu-
 tum. Scio enim quod per infirmitatis
 verecundiam plerumque gravioris est certa-
 minis commissa peccata prodere, quam non
 admissa vitare, & unumquoque malum, quam-
 vis robustius vitetur, tamē humiliter proditur.
 Cum quidam in veræ Humilitatis gymnasio
 probe exercitatus Doctor olim interrogaretur,
 quam potissimum viam esse existimaret
 ad solidæ virtutis arcem? hanc ipsam præ cæ-
 teris omnibus laudavit: **UT SE IPSUM**
homo in cunctis semper accuset. Nec inveni-
 sto apologo alius tradidit, virtutes omnes ad
 unius cuiusdam commigrasse habitaculum,
 quo fiat, ut qui extra eam domum virtutē quæsi-
 verit, vano labore frustra nitatur, at quicumque
 eo loci sese contulerit, expeditissima omnia
 fortietur, eumque è vestigio virtutes cæteræ
 insequantur. Quærentibus autem quænam no-
 bilis illa virtus esset, cuius domum peterent cæ-
 teræ; *Ea (respondit ille) est perennis &*

indefessa sui ipsius in omnibus accusatio sive reprehensio, quam qui constanter & sinceræ humilitatis affectu exercuerit, facile in omnium virtutum deveniet conspectum: At verò qui ab hâc accusandi via declinaverit, etsi innumeras possederit virtutes, omnium tandem laborum suorum fructu carebit. Inde verò liquidò constabit, num sincera fuerit illa sui ipsius reprehensio, *si cum quisque* (ut Gregorius Magnus optimè docuit) *se peccatorem dicit*, id de se dicenti etiam alteri non contradicat; quod alio loco dilucidius exponens, *Peccatores* (ait) *se esse plerunq; confitentur, etiam qui se peccasse non credunt; Nam sapè contingit, ut passim se homines iniquos esse fateantur, sed cum peccata sua veraciter aliis arguentibus audiunt, defendunt se summo perè, atq; innocentes videri conantur, uniuersq; ergò cum talis est, si deliquisse se dicit, verè non dicit; quippe qui peccatorem se non ex cordis intimo, sed verbotenus asserit, nam si confitendo peccatum, esse humilis veraciter appeteret, de perpetracione peccati arguentes se alios, non impugnet.* Quid si verò reprehendentiū fervor metasta transfiliat veritatis, atque nimio objurgandī æstu abreptus, veris falsa permisceat? Quid si dubia pro certis, conjectanea pro compertis, conficta pro factis, pronis ad deteriora credenda auribus admittantur? Quid si Vir bonus ejusmodi insimuletur erroris aut criminis, à quo sit alienissimus, qui fieri potest, ut se ipsum illasa

Gregor.
M. lib.
XXII.
Moral.
6, 10.

illâsa veritate condemnet unâ cum increpantibus? Locum hic teneat verissima Dorothei sententiâ: *Profectò si se quis cum DELIRIO diligenter examinet, nunquam omninò se inveniet insontem, videbitque vel verbo vel factò, vel specie aliquam à se occasionem datam, quod si in nullo horum se tunc sontem inveniat, profectò ALIO IN TEMPORE, vel eadem vel dissimili in re peccaverit.* Tum igitur quoties reum se esse compererit, veritati & pietati erit consentaneum, ut se quoq; graviter incuset, nec in animum eam excusationis umbram admittat, quasi contra æquitatem omnem facta sit reprehensio, vel ex mera invidentia adaucta. Quis verò literatum tali præditum animo, tamque splendido sinceræ humilitatis charactere ornatum, ulla sociorum INVIDIA opprimi posse existimet? Quis insignem hanc literati verè felicis non laudaret PRUDENTIAM? Nempe si quapiam re adversâ eum exercente, si aliis incusantibus, semper is reperiat, unde in se ipsum omnem culpam conferat, nullamque propterea ægrè excipiat reprehensionem. Hæc inquam suprema veraque illa est circa DECLINANDAM pariter ac SUSTINENDAM INVIDIAM PRUDENTIA, cujus sectatores strenuò LAUS manebit in SECVLUM.



COMMENTATIO V.
 DE
 LITERATORUM
 HOMINUM RIXIS
 SIVE
 CONTENTIONIBUS.

I.



Probabile Bonum Concordia est
 literaria, sive amicabile nexus E-
 RUDITORUM, qui mutua sese ob-
 strinxere charitate, nulla quidem
 impulsu privatâ utilitate, sed publicâ, ad quam
 ipsi unanimiter omnes curas conferunt atque
 cogitationes. Hæc genuina fruticantis consoc-
 iationis-literariæ est indoles, hoc illustre exem-
 plar Doctorum DE O verè sacratorum, qui
 summæ voluntatum & sententiarum student
 consensioni, & qui non scelerum conglutina-
 tione, nec merâ utilitate, sed morum & stu-
 diorum junguntur similitudine, eadem planè
 eligunt, & iisdem plerunq; occupantur actio-
 nibus; hæ sunt sonoræ illæ fides, quibus inten-
 ta olim Mercurii lyra; hæ musica illa est sym-
 phonia,

phonia, quam profanâ religione imbutus Æschines optat communitati; hic est velut alter Zodiacus, & cœlestis quædam harmonia, Concordes nimirum ejusmodi Musarum filii, quorum illustria, pleneque singularia exempla, tum Sacræ & ecclesiasticæ, tum profanæ historiæ monumenta suppeditant, velut Agathoclis & Diniz, Eultrydici & Damonis, Zenothemi & Menocratis, Thesei & Pirithoi, Polystrati & Hippoclidis Philosophorum, qui eodem die nati, eandem sectam professi, alendæ scholæ communione conjuncti, eodem ferè momento ultima senectute sunt extincti, cum primis verò Orestis & Pyladis, quorum res gestas Scythæ aureæ columnæ duxere inserendas. Nec minus illustre & luculentum concordia christiano-literariæ exemplum ac documentum Ecclesiastica historia subministrat, sanctam illam Magni Basilii cum Gregorio Theologo deprædicans consuetudinem, cujus ipse Nazianzenus passim gloriosam cum sacrâ quâdam ostentatione fecit mentionem, asserens, illam tantoperè celebratam historicorum monumentis dilectionem, quâ Pylades & Orestes invicem deperierint, si cum amore comparetur suo & Basilii mutuo, talem esse, qualis exigua scintillulæ lux, si cum Solis copiosissimo splendore componatur: *In viroq; nostrum (inquit) non rat. XX. nisi una videbatur esse anima, duo animans in laud. corpora, unus & idem amborum scopus erat* *Gregor. Naz. O. M. Ba- vir. filii hab.*

virtutem exercere, & vita nostra studia ac proposita futuris bonis applicare, terra hac mortali prius egredientes quodammodo, quam moreremur.

II. Ast avis rarissima in Orbe erudito, fida ejusmodi firmaque est animorum literatorum conjunctio; Avis inquam non ex iis, quæ agminatim cum multis, incitato alarum remigio per aëris aperta circumferuntur spatia, sed tam rara & singularis, ut admirationi sit, & cum plausu celebretur, si vel semel iterumque intra unius ævi spatium sui faciat copiam, eaque propter Plutarchus scitè amicitiam (eruditorum præsertim) animal minimè gregarium, aut graculatum volitans appellat, *dumq; amicum, quis alterum se ipsum nominet, mutuo potius se ipsum colloquio compellet.* Apprimè equidem Boni illius maximi, ac Orbi erudito summè salutaris (quod concordiam literariam nuncupavimus) ab alienationem deplorant Viri non minus conscientia, quam scientia conspicui, malorumque & damnorum ingentium à furiali illo, ferali & infernali monstro, CONTENTIONE nimirum, rixisque Literatorum provenientium fœditatem toto pectore execrantur, luctuosissimis nimirum casibus experimentisque edocti, quod præter Rempublicam literariam, ipsa Ecclesia orthodoxa domesticis quandoque atque intestinis certaminibus (de
his

his enim potissimum nobis nunc dicendi erit
 locus, non item de disputationibus adversus
 profectos sinceræ fidei hostes laudabili institu-
 to, nec infelici successu huc usque susceptis)
 misere discerpatur, nec litigantibus solum par-
 tibus, ceu membris, verum universo tandem
 corpori funestum exinde immineat exitium,
 cum quicquid amicabilis animorum erudito-
 rum conjunctio firmavit, roboravit, extendit,
 id sæva illa bestia dissolvat, dispergat, extin-
 gvat. Væ illi Ecclesiæ, illi Academix, Scho-
 læque & Gymnasio, in quo Doctores, Profes-
 sores, animarumque Curatores perniciosus e-
 jusmodi segregantur dissidiis, nec disputant
 placide, sed rixantur potius, ac fervide invicem
 de rebus exigui momenti digladiantur. Fra-
 tribus Josephi similes sunt hujus farinæ focii, *Gen. 37.*
qui nihil poterant loqui pacifice, & continuis v. 4.
 fratrem innocuum proscindebant conviciis.
 Omnium equidem ætatum monumenta cla-
 mant, quantum sint domestica ejusmodi mala
 & vulnere hostium extraneorum conatibus &
 machinationibus perniciosiora. *Is morbus in-*
quit Medicorum summus, longè difficillimus est, in quo vultus agrotantis sit dissimil- *Apud*
imus. Nullares valiaissimas munitissimas- racter. *Paschal.*
que gentes hostibus pervias obnoxias q̃ reddi. *in Uba-*
dit, quam nulla ad propulsandum commune *mor. pag.*
peri- *726.*

periculum animorum consensio. Græcorum calamitates Homerus ad ipsorum discordias retulit, nec ulla unquam civitas opibus tantoperè floruit, nulla tantum præsidium, tantamque rerum omnium copiam obtinuit, quæ discordiâ interveniente non sit dejecta atque devastata. Insignis & vetustissimus ecclesiasticæ Historiæ scriptor Eusebius, horrendæ illius persecutionis, (quæ avo suo Ecclesiam exercuit gravissimeque afflixit) originem causasque palmarias investigaturus, culpam non nisi in continua Christianorum (ipsorumque Doctorum orthodoxorum) dissidia, & mutuas frequentissimasque eorum digladiationes duxit conjiciendam: Cum ex nimia (ita notanter scribit) libertate in negligentiam ac desidiam prolapsi essemus, cum alter alteri invidere & obrectare cœpisset, cum inter nos quasi bella intestina gereremus, VERBIS tanquam armis quibusdam hastisque NOS MUTUO VULNERANTES; cum ANTISTITES adversus Antistites, populi in populos collisi, JURGIA ac tumultus agitarent, denique cum, fraud & simulatio ad summum malitiæ culmen adolevisset: tum DIVINA ULTIO levi brachio, ut solet, integro adhuc

Eccle-

Euseb.
 Histor.
 Eccles.
 lib. VIII.
 cap. I.

Ecclesiæ statu, & fidelium turbis liberè convenientibus, sensim ac moderatè in nos cœpit animadvertere, orsa primum persecutione ab iis qui militabant. Cum verò sensu omni destituti, de placando Dei Numine ne cogitaremus quidem - - Cum PASTORES nostri spreta religionis regulâ MUTUIS INTER SE CONTENTIONIBUS decertarent, nihil aliud quam JURGIA, minas, æmulationem, odia, ac mutuas inimicitias amplificare studentes, principatum quasi tyrannidem quandam contentissimè sibi vindicantes: tunc demum juxta dictum Hieremiæ obscuravit Dominus in ira sua filiam Sion, dejecit de cœlo gloriam Israel, nec recordatus est scabelli pedum suorum, in die iræ suæ, submersit Dominus omnem decorem Israel, & macerias ejus omnes destruxit, &c. Litibus itaque, continuisque Doctorum christianorum concertationibus Eusebius potissimum ea mala imputavit, quæ Ecclesiam ævo suo exercuerunt. Rectè Basil. M. *CONTENTIONES* quidem à principio exiles esse solent, & faciliè curantur; at procedente excollo tempore autè, insanabiles omninò evadunt. Tales

les ut plurimum mutuae sunt eruditorum lites atque contentiones, quarum tanta est vehementia, tanta atrocitas, ut eas nusquam non gravissima damna infinitaq; miseria exceperint. Ex ista siquidem tam cœnosa scaturigine principio contemptus manat aliorum, inde odia immortalia, mens item turbulenta, variisque dilacerata affectibus; ut nunquam in portu, sed summo semper in fluctu versetur, atque post diu multumque agitata lites rixasque perniciosissimas, hoc unum assequatur, ut tandem sese intimè conficiat. Hoc ipsum malorum omnium extremum nimius amor sui progignit, illa inquam arrogans persuasio, quâ fascinator inflati, nimiumque sibi placentis literati animus, plus cæteris omnibus se & scire & posse, sapereque existimat, atque hinc facile & publicis & privatis dividiis ansam sive occasionem subministrat.

III. Exemplo suo satis luctuoso id docuere SOPHISTÆ veteres, pessimi illi contentionum philosophico - gentilium architecti, qui miro quidem ingenii acumine præditi, sagacique intellectu ditati, ast philautiæ arrogantiaque labe tantoperè correpti atque corrupti fuere, ut rixas atque contentiones continuas sint meditati, tantisque semper altercationum mutuarum turbinibus agitati fuerint, ut nunquam ad optatam animi aspirare potuerint tranquillitatem, quin imò ipsam Philosophiam

phiam gravissimis ignarorum ignavorumque
 exposuerint odiis. Immensam equidem So-
 phistarum libidinem rixandi, & semper ac ubi-
 vis contradicendi pruriginem, sæpè Patres, sæ-
 pè etiam ethnici scriptores suggillant, & præ-
 ter cæteros Hieronymus & Aurel. Augustinus
 notarunt, Sophistas ex impotenti illa rixan-
 di ac contendendi libidine nomen CON-
 TENTIOSORUM tanquam proprium retu-
 lisse. Quid quod omnes etiam Dialecticos, u-
 naque Aristotelem ipsum in eadem navi sta-
 tuerit Tertullianus, lib. de præscript. c. 7. cum
 ait de Hæreticis: *Miserum Aristotelem! qui illis*
Dialecticam instituit, artificem fruendi & destru-
endi, versipellam in sententiis, coactam in conjectu-
ris, duram in argumentis, operariam Contentionum.
 Non nisi Sophistæ illi litigiosi in cul-
 pa olim fuere, quod tantos olim innocua Phi-
 losophia ofores & rofores habuerit, ut proin-
 haud malè Lucianus alicubi illam multa que-
 rentem, ac Sophistarum pessimos mores dete-
 stantem introducat, similiterque Socrates apud
 Platonem & Xenophontem jure eos sit detesta-
 tus, imò totus in hoc occupatus, ut ex ordine
 Philosophorum Sophistas contentiosos exter-
 minaret, saltem fastum eorum intolerandum,
 hoc astu retunderet, *quod unum illud se scire*
diceret, præ omnibus Sophistis, QUOD NIHIL
SCIRET. Cum Euclidem contentiosarum
 argutationum admodum studiosum turpiter

Hieron.
in c. 3.
epist. ad
Titum
August.
l. 1. con-
tra Cres-
cent.
Gramm.
c. 2.

Lucian.
in Dial.
fugitivo.

*Ding.**Laertius**Lib. II.**in vita**Socratis.*

sophisticari audivisset, hunc reprehendit in modum: O Euclides, Sophistis uti poteris, hominibus uti non poteris, iudicans nimirum, (Laertio interprete) Sophisticen ad publicas sunt orationes esse inutilem, quas si quis affectet, eum non oportere gryphis & inanibus ludere argutiis, sed hominum sese accomodare moribus. Tantum verò abest ut Socrates quicquam vel commonitionibus vel comminationibus suis effecerit, ut potius inde summum incurreret vita periculum, famæque detrimentum, atque Sophistis conspirantibus, & Anyto quodam accusante, in carcerem coniectus, ac sub pratextu quod de Diis malè sentiret, ad bibendam cicutam sit coactus. Mox Sophistarum cohors, ipsiusmet necati Socratis discipulis degeneribus, Diogene cumprimis, Antisthene, Cratete aliisque vel conniventibus, vel concutentibus [in quos etiam Stoæ arbiter Seneca plurimis in locis gravissimè invehit] tanto opere est adaucta, ut innumeri tanquam ex equo Trojano prodierint, qui partim Athenis, partim alibi ingenuos seduxere juvenes, atque contentionis philosophicæ detestabile vitium ubique propagavere, adeò ut Nazianzeno teste, Athenis ex juvenibus quamplurimi, imò modestiores etiam, circa sophisticen desipuerint; non ingeniosiores solum, & nomine obscursi, sed generosiores etiam & elatiores, in-

*Seneca**epist. 45.**48. 49.**P'azi-**anz. O-**vor. in**laud.**Bas. M.*

ter se pariter ut alij decertarint. Quid, quod eodem memorante, nonnulli ad ipsum, Basilium accedentes, cum CONTENTIOSIS potius quam doctis & argutis quæstionibus tentarint, ac primo impetu sibi subicere sint conati, tum quod egregiam ipsius indolem jam pridem nossent, tum quod ipsi tantum honoris eo tempore haberi permolestè ferrent, impigrè nimirum sectantes pessimum illum Sophistam * Gorgiam Leontinum, Chrysippum item, Cleanthis Stoici discipulum & successorem, quem in omni doctrina curiosum, stoicorum seniorum vasserrimum interpretem, in d. Sophistam versutum & callidum fuisse, Cicero indicavit; Carneadem denique imitantes, illum eloquentissimum Academicæ philosophiæ Professore, sed damnifici planeque diabolici ingenij hominem, qui pro suo lubitu animos flectere, & vera falsaque pari applausu defendere potuit, optimas sæpè causas (Cicerone teste) ingenij calumnia pervertens, omniaque incerta, & nigras nives, cum sint albæ, faciens. Hoc famoso contentionum Magistro Carneade, audito, Cato Censorius auditores quamprimum censuit dimittendos, quoniam illo vi-

Pp 2

ro

- * Gorgias hic Leont. primus à quibudam Sophista dicitur, cujus historiam ac sophismata Cincium quendam Alimentum notasse Jonsius in hister. Script. Philos. l. 2. c. 9. EUSMOTADIS.

ro argumentante , quid veri esset, quid falsi
haud faciliè discerni posset.

IV. Parum autem fuit Archisophistæ
diabolo, pestilenti rixarum contentionumque
glaucomate magistrorum duntaxat ethnico-
rum oculos fascinare & animos, nî ejusdem
nequitie infausto halitu plurimos afflaret.
[Doctores CHRISTIANOS, & à regiâ aqua-
nimitatis veritatisque viaturnpiter abductos,
intricatissimis ejusmodi dissidiorum concer-
tationumque involveret labyrinthis. Prolixo
equidem ostendere possemus commentario ,
quomodo inchoante & crescente Ecclesiâ, cre-
verit quoque pessimorum sophistarû numerus,
quâve ratione hæretici veteres per tricas sophi-
sticæ cœlestem impugnarint veritatem, ac de-
pravarent turpiter , à summis Ecclesiæ priscæ
Doctoribus jure meritissimo propterea in-
crepati. Hinc Faustum Manich. B. Augu-
stinus *magnam diaboli laqueum* nuncupavit,
alibi *que diabolum per sophistas hæreticos*
efficere voluisse indicavit, *ut in Ecclesia quoq̃*
libera essent dissensiones, sicut in Academicis
philosophorum, ut sicut illa per multas divisio-
nes tandem interierint , atque ab invicem
consumta sint, ita similiter fieret in Ecclesia.
Hinc etiam Augustino vetustior * Clemens
Alexan-

August.
l. xviii.
de C. D.
cap. 52.

* Clemens Alex. Lib. I. Strom. conf. lib. 6,
ubi plura de hæreticorû notis, similiter ha-

Alexandrinus, de falsis avi sui Doctoribus graviter conquestus est, quod CONTENTIOSAS undique compararint quæstiones, distinctiuncularum fuerint venatores, pusillarum quarundam artium æmulatores, & *jurgiorum confarcinatores*. quod insuper semetipsos erexerint INFELICES illi (ut notâter ait) SOPHISTÆ, canoris quibusdam suis nugis garrientes, qui cum in nominum verborumq; delectu, certaq; dictionum compositione & connexionem totâ vitâ laborent, cicadis appareant loquaciores, &c. Similiter Tertullianus, cum multa dixisset, quæ eundem hæreticorum priscorum genium exactè exprimunt, scitè Gentilium Philosophos Sophistasque *Hæreticorum Patriarchas* salutavit. Illorum siquidem levitas (inquit Lactantius) instructa dicendi facultate & copiâ, in-
credibile est quantas mendaciorum nebulas excita-
verit. Sic Magnus Basilius Eunomium circa quæstiones, inutilesque CONTENTIO-
NES ægrotasse, semperque quæsisse testatus est, non ut nîdem, sed ut infidelitatem inveniat;
Curiosa (ait) istorum hominum circa syllabas & dictiones observatio simplex alicui videri possit neq; tendens ad malum, sed profundum atq; obiectum habet adversus pietatem consilium. Ideòq; B. Petrus farinæ istius
 Pp 3 homi-
 reticorum avi sui genium notarunt Irenæus lib. I. c. 5. Justinus quæst. 4. ad Oratod. Tertull. de præscr. c. 42. & alii.

Tertull.

adversus

Hermog.

cap. 8.

Lactant.

Instit.

Div. lib.

1. c. 15.

conf. lib.

V. c. 9. &

lib. VI. c.

6.

Basil. M.

l. V. ad-

versus

Eunom.

Id. de Spir. S. ad Am- phil c. 2. 2. Petr. II v 17. August. lib. de si- de & opp. cap. 25. homines (ipso Augustino observante) FON-
 TES SICCOS appellavit, quoniam vitalis
 aquæ i. e. doctrinæ sanæ expertes, magnam
 quidem promittant sapientiam, instar fontium
 vanè elati superbiaant, re ipsa tamen non nisi
 fallacem sophisticam, pestiferamque doctri-
 nam propinent, ut plurimum philologi po-
 tius sint, quam philosophi & philergi, folia
 dent non fructus, verba non scientiam, SO-
 PHISMATA, non solida argumenta afferant
 in medium, adeoque *& nebulis sint similes tur-
 bibus exagitatis.* Sicut enim nebulae instar nu-
 bium densescunt, tument, turgentque, sed in-
 tus vanæ sunt, inanes & vacuæ, humore, rore
 & imbre carentes, sic & SOPHISTÆ illi
 PSEUDO-CHRISTIANI non nisi vana fa-
 stuosaque eructare solent verba, attamen Scri-
 pturâ rationeque convicti, summa contentio-
 ne & clamore orthodoxos obtundere conantur.
 Quid, quod instar nebularum & nubium fre-
 quenter ventis contrariis inter se confligenti-
 bus quaqua versum agitentur? Omnium quip-
 pe seculorum historia docuit, falsos ejusmodi
 Doctores à spiritu vertiginis, ipsoq; dæmone
 circumagitatos, primum à verâ fide aliena, mox
 inter se contraria docuisse, atque acerrimos
 cum doctrinæ professionisque suæ locis subiis-
 se conflictus. Sic de Valentinianis & Marcio-
 nitis Tertullianus; *Mentior scribit, si non à
 regulis suis variant inter se, dum unusquisq; arbi-*
trio

trio suo modulatur qua accepit. Sic ab Arrio discessisse Actium constat, ejusque sectatorem Eudoxium, ab Eudoxio segregatum fuisse Eunomium, hunc à Theophronio desertum; Similiter Macedonianorum hæresin duo habuisse capita accepimus, Macedonium videlicet ipsum, & Eutropium, qui acriter postea illi se opposuit. Sic & Nestorianos Eutychianosque hæreticos, circa personam Christi in duobus extremis errantes, mox in plurimas abiisse sectas, varia historiarum ecclesiasticarum monumenta testantur. Silentio prætereo alias æque acerbæ hæretico - sophistarum, heterodoxorumque divisiones atque dissensiones, utpote à plurimis scriptoribus atro notatas carbone, & ad orcum unde proveniêre relegatas. Id ipsum verò rixarum concertationumq; pessimarum venenum, à priscis Gentilium & hæreticorum magistris propinatum, strenuè hausisse ætatum superiorum **DOCTORES SCHOLASTICOS**, tum gravissimæ **INGENUORUM THEOLOGORUM** querelæ innuunt, tum ipsorummet Neo-sophistarum vasta volumina loquuntur. Ex infinitis Veterum, de verborum, contentiosa, & sophisticâ Scholasticorum Theologia querelis, haud postrema est illa Anselmi Avelburgensis, qui circa annum 1140. de istis humanæ sapientiæ cisternis, aquam vivam haud capientib⁹, sed turpi concertationû cœno venas Israeliticorum fontium magis ma-

gisque turbantibus hunc in modum est conquestus: *Solent plerique* (Scholasticorum sc.) *mirari & questionem ponere, & non solum interrogando oppugnare verum, sed etiam aliis generare scandalum.* Ac etsi Scholastici alicubi *Scripturam tractant, tamen sine timore & pietate istud fit, magis studio acumine ingenii penetrandi, & per pravam intellectum vel malitia vel vanitati applicandi, quam pia oratione & meditatione discendi, nudo docendi ingenio freti, in eam irruentes illoris pedibus instar porcorum &c.*

*D. Eras.
mus in
Moria
encomio.*

Ast tam illoto loqui ore, deque rebus tam arcanis & adorandis magis quam explicandis, tam profanis ethnicorum Sophistarum argutiis disputare, tam arroganter definire, divinæque Theologiæ majestatem tam frigidis imò sordidis verbis simul & sententiis conspurcare, execrandæ summæque impietatis indicium esse, Erasmus haud abs re in Moria encomio judicavit. Nec minus notanter Nicolaus de Clemangis, doctrinam Scholasticorum eandem habere naturam pronunciavit cum fructibus circa stagna asphaltitis aut Sodomiticum crescentibus, qui etsi externè speciem quandam jucundam aspectui præbeant, tamen internè cineris tantum & pulveris rationem habeant. Hujus equidem generis infinita, cum primis apud

apud SCOTUM subtilem tenebrarum Magistrum [id enim ipsa innuit hominis appellatio] reperiuntur. Quamvis enim ille ob singulare ingenii acumen Doctoris summe subtilis cognomine sit donatus, captioso tamen suo dicendi differendi que genere gravissimas passim lites concitavit. Ferunt eum apoplexiâ mortuum, atq; ante aram maximam Coloniae apud Minores sepultum, spiritu redeunte in sepulchro demum expirasse, quod Janus quidam Vitalis hocce expressit tetrasticho :

Quod nulli unquam homini accidit viator,

Hic Scotus jaceo semel sepultus,

Et bis mortuus, omnibus SOPHISTIS

Argutus magis atq; captiosus.

At verò Sophisticam illam contentiosamque Theologiam cum Scoto neutiquam sepultam fuisse, sed magis magisque effloruisse, præter alios Cornel. Agrippa hunc in modum est conquestus: Tot illi invictas & Scotisticas subtilitates invexerunt, ut Cleantis Chrysippiq; argutiæ cum Daphiræ, Euthydemî, & Dionysiodori circumventiunculis penitus

*Corneli
Agrippa
cap. 8. de
vanit.
scient.*

crassæ rusticanæque futuræ sint, si cum iis novis SOPHISTARUM nostrorum inventis conferantur, in quibus nunc passim omnis ferè Scholasticorum turba cum misero labore ac damnabili studio

occupata, nihil magis agere videtur, nisi ut discat errare, ac perpetuis digladiationibus explicandam veritatem obscuriorem reddere, vel amittere, quorum tota disciplina non aliud quidpiam est, quam CAPTIO quædam, ex depravatis verborum dictionibus subdola quædam cavillatione pervertens usum loquendi, & eum inferens lingvæ quam ignorat, transvertens veritatem secundum verisimilem expositionem. Quis hinc priscorum Sophistarum gentilium imaginem, in Scholasticis illis vitiligatoribus clarissimè expressam, non perspiciat? quis pessimum doctrinæ genus, (quod haud abs re Cicero audax vocat ac impudens) ex illis philosophiæ veteris dehonestamenti originem traxisse dubitaret? Quis non iisdem appellationibus Scholasticos designaret, quibus Plato quondam ævi sui Sophistas à veris distinxit philosophis, vocans illos *athletas artis litigatoria, intricatarum sententiarum, doctrinâ animæ corruptores, sententiarum ac opinionum falsarum magistros, idolorum fabricatores, phantasticos, non DEI sed hominum cultores ac imitatores*. Quibus verbis tam exactè contentiosos depinxit Scholasticos, ac si eorum secula prævidisset. Imò tantum abest ut ipsi à Sophistarum nomine abhorrerint, ut illud quon-

*Conf.
Plat.
Dialog.
qui Sc-
phista di-
citur, ut
& Alcibi.
de doct.
Plat. c.*

quondam inter insignia nominis ac honoris sui
ponere non dubitarint. Sic Ludov. Vives me-
moravit, quendam Luteriæ fuisse, qui se publi-
cè HORRIBILEM SOPHISTAM vocarit & ostentavit,
nec nomen solum Sophistæ, verum ipsam litigandi
methodum sophisticam ple-
rosque Scholasticos retinuisse & usurpasse, i-
dem Vives præclare demonstravit, sic inter alia
scribens: Quia in quâlibet materiâ Scho-
lasticis statim altercandum, quæ sita sunt
spinosa quædam apta disputationibus,
quæ materiam suppeditarent RIXIS, &
diutissimè proferrent altercationem, et-
iam in tradendis præceptis artis; nihil se-
mel dicunt, ne adimant sibi argumentan-
di & in contrarium dicendi occasionem,
sed si quam definitionem aut formulam
tradunt, primum proponunt confusè &
ruditer, postea paulatim velut cogenti-
bus ad id argumentatiunculis expoliunt,
& crebris tibi cinibus fulciunt - - - Nec
contenti iis quæ natura ingenii humani
assequi & definire poterat, ad vivum vo-
luerunt omnia refecare, adducti dulce-
dine disputandi. Et quemadmodum, qui
pruritus utillatione acti, nimium scaben-
tes sanguinem eliciunt, & dolor succedit
in

*L. Vives
de caus.
corr. art.
lib. III.*

388 COMMENT. DE LITER. HOMINUM
in locum syavitatis. & mali chirurgi dum
morbidum nimis resecant, sanum quoq;
attingunt; ita isti dum nimium scalpunt
veritatem amittunt, & in falsum incidunt,
quod profert se majore aliqua verisimili-
tudine, quam verum ipsum - - Hinc est
acutus ille Mimi versiculus: *Nimum al-
tercando veritas amittitur.*

Jo. Lud. V. Quis itaque vitio verteret doctissimo
V. ves lib. illi Hispano, quod causas corruptarum artium
1. de cau- & disciplinarum investigaturus, non postremū
fis cor- inter eas frequentissimis literatorū contentio-
rupt. art. nibus, otiosisq; disputationibus locum duxerit
Tom. 1. assignandum: Nomen ipsum quidem (ita
opp. f. scite non minus quam notanter scribit,) re-
344- statur dici disputationes, quod per eas
veritas ceu putaretur ac purgaretur, post-
ea verò quam ab auditoribus profecta est
laus & pretium ad eum, qui optimè vide-
retur sensisse, ex laude sæpè numero divi-
tiæ, ac opes; prava vel honoris vel pecuniæ
cupiditas animos disputantium invasit, ut
tanquam in pugna sola spectaretur victo-
ria, non elucidatio veritatis: ut & ipsi
quicquid semel dixissent, strenuè tueren-
tur, & adversarium prosternerent ac con-
culca-

culcarent. Humilibus & sordidis ingeniis, quique dejecto capite hæc sola intuerentur levia & momentanea, parum est visum magnū pretium ab studiis probitas, aut veri intelligentia, quæ dno illi quod non satis acutè cernerent, nec quantæ essent æstimationis assequerentur, præsentem mercedem quæsierunt pecuniæ, vel auræ popularis. Ideò quo magis esset operæ pretium, populum ad sua certamina admiserunt, tanquam spectatores fabulæ in theatrum productæ; tum quod fieri ad concessum par erat, Philosophus deposita illa tam gravi & veneranda persona, HISTRICAM induit, ut commodius saltaret; factus est populus spectator, arbiter, judex, & quod non facit aulædus in scena, fecit PHILOSOPHUS in scholâ, ut tibias non sibi & Musis aptaret, quod monet verus Magister, sed omninò coronæ ac multitudini, à qua rediturus erat ad actores honor & questus - - Indagandi veri una & simplex via est relicta, faciendi fuci apertæ, secentæ, quæ quisque ut commodum sibi esset

390 COMMENT. V. DE LITER. HOMINUM
set grassaretur, præsertim cum nihil sit
tam deformis, quin amatorem inveniatur.
Nec solum in hanc opinionem populus
cucurrit, finem dicendi esse disputare, ut
militiæ conflictum, verum publicus con-
sensus permultos veteranos & quasi tri-
arios scholasticæ militiæ rapuit, sed qui
ingenio & iudicio non plus valent, quam
plebs infima, ut supervacaneum esse ac
stultum censeant, si quis ad mentem &
mores, & quietum illud inquirendi ge-
nus philosophiam revocet, nullum esse al-
lium studiorum fructum, quam præsen-
ti animo NON CEDERE ADVERSA-
RIO, intrepidè eum vel aggredi, vel su-
stinere, & callere quo robore, quâ arte,
qua supplantatione sit subvertendus. Er-
gò in re pulcherrima, & omnium præ-
stantissima, consultum fuit statim assvefa-
cere puerum, & eum perpetuo exercere,
altercandi statim natis initium, finis nul-
lus, nisi cum morte. Puer ad scholam
deductus, primo confestim die jubetur di-
sputare, & docetur jam rixari, qui fari
nondum potest, idem in grammatica, in
poetis,

poetis, in historicis, in dialectica, in rhetorica, in omni prorsum disciplina. Quis pessimum ævi istius, scholarumq; morem graphicè à Vive hoc modo descriptum fuisse negaret? *Net una* (ita Ludovicus pergit) *disputatio uno sufficit die. aut gemira, sicut refectio. sub prandium altercantur, pransi altercantur, sub cœnam altercantur, cœnati altercantur. Agunt hac, ut discant, an ut concoquant? Domi altercantur, foris altercantur, in convivio, in balneo, in vaporario, templo, urbe, agro, in publico, in privato. omni loco, omni tempore altercantur, non toties sub lenamine rixantur meretricula, aut sub lanista dimicant gladiatores appetente munere, quoties isti sub magistro philosophiæ. Populus non ille moderatus & gravis, sed levis, barbarus, bellax. hanc velut pugna speciei miscè delectatur. Ita ut sint imperitissimi homines permulti, & omnis literatura penitus expertes, qui hanc spectaculi huius voluntatem vel quis omnibus anteponant. Vitio proin (dico iterum) aliquis Viro cordatissimo vertat, quod inde præcipuam quandam corruptarum artium & disciplinarum causam duxerit derivandam? Quanta (notanter scribit) *ascitur hinc corruptela & moribus & disciplinis, inflammatis animis & ad pertinaciam obfirmatis? Clamores primum ad iram, hinc improbitas, sanna, mine convicia, dum luctantur. & uterq; alterum tentat prostrernere; consumptis verbis veniunt ad pugnos, ad veram lu-**

Etiam

etiam ex ficta & simulata - - - Estne hac exerci-
tatio sapientie Est hac professio veneranda disci-
plina? egressi illinc, qua scripta, maledicta, inve-
ctiva muna, & odium inextinguibile? Victoris
gloria & arrogantia, tanquam in cruento bello, &
victi pudor atq; invidencia, &c. Quæ ipsa conten-
tionis literariæ mala cū probè perpendisset &
Jo. Picus Mirandulanus ausu planè herculeo
priscorum & recentium philosophorum medita-
tus est conciliationem; facto quidem à Plato-
nis & Aristotelis tentatâ concordia initio, quam

Confer.
vitam

(ut vitæ Scriptor perhibet) brevi erat per-
Mirand. fechturus, si vita comes paucis adhuc annis su-
opp. ejus persuisset. Inter Averroem quoque & Avi-
Basil. an- cennam, inter Thomam & Scotum, qui jam
no 1557. diu conflictaverant, si non pacem in univer-
satis sum, in multis tamē impetrasset inducias &c.
præfixam

Modum nempe vir optimus, terminumque fri-
volis philosophorum quorundam litibus po-
nere statuerat, quibus ut plurimum nobilissima
quæque ingenia depravantur, tristemque exi-
tium perpetui subeunt aleam. Et quamvis non
ignorarit, egregiæ cujusdam honestatis velum
litibus literariis obtendi; cane tamen & angue
pejus, doctos eo morbo laborantes evitandos
esse judicavit, illos nimirum, qui nefario con-
tentionis spiritu obsessi, odia & inimicitias
cum doctioribus exercent continuas, eaque-
propter vel insanæ plebis risum & dicteria vix
effu-

effugiunt. Quod ipsum contentiosorum literatorum genus JOHANNES COLETUS illustris Anglorum Doctor tantoperè est detestatus, ut Erasmo Roteradamo teste, inter amicos Erasmus liberrimè professus sit, *Scotistas* (quibus hominum vulgus peculiare tribuat acumen,) Coletum ad sibi videri stupidissimos, & hebetes, & quid-Idocum-
dis potius quam ingeniosos; cum argutari ^{Jonam}
duntaxat circa alienas sententias ac verba, ^{1521.}
nunc hoc arrodere, nunc illud, & omnia minuti-
tatim diffecare, ingenii sit sterilis & ineptus.
Thoma verò (pergit Erasmus) nescio quâ de
causa iniquior erat quam Scoto: Etenim cum
hunc apud illum aliquando laudarem, ut inter
recentiores non aspernandum, quod & sacras
literas, & authores videatur evoluisse, cu-
jus rei suspicionem mihi fecerat catena, quæ
vocabatur aurea, & aliquid haberet in scriptis
affectum, semel atque iterum dissimulavit
obtiscens. Verum ubi rursus in alio colloquio
inculcarem eadem frequentius, obtinuit est
me, velut observans seridè ne hac dicerem, cum
autem animadverteres me ex animo loqui,
tanquam afflatus spiritu quodam; Quid tu
inquit, mihi prædicas istum, qui nisi habuisset
multum arrogantia, non tanta temeritate

tantoque supercilio desinisset omnia, & nisi habuisset aliquid spiritus mundani, non ita totam Christi sua profana philosophia contaminasset. Sed quicquid de Thomâ, ejusque è Scoti scholâ antagonists sit statuendum, magis multò deplorandum est, semper extitisse pestifera ejusmodi contentionum literariarum seminaria, in quibus solidioris ac politioris doctrinæ loco, auditores eruditi sunt, quâ ratione expeditè rixari, garrere, & præclaros quosque viros maledictis insectari debeant. Estne hac exercitatio sapientia, (dico rursus cum ante laudato Vive) estne hac professio veneranda disciplina? Quid non inveniant (scribit paulò inferius) homines contra homines, si in hoc penitus & semper incumbant, si nihil relinquant intentatum dum imponant, & fallant, præsertim cum visio nostrorum oculorum, quedam aliter multò videntur quam sunt, & ut Aristoteles ait, falsa quadam majorem habent similitudinem veri quam vera ipsa: Ergo aliquas præstigias excogitat, quæ posita ob aciem nostram mentis, illam ad veri lucem non sinunt penetrare. Quumque minus multò potest dare operam, ut an tenebra ac præstigia sint, dijudicet in-

tenta

Vives l.
6. p. 346.

tentata & occupata, vel dum alium ferit, vel dum se tuetur; non vacat in se redire, & lucem ingenii ac iudicii offusis nebulis quietè admoveere, plus nimio occupata quaestionibus ad disputationem armandis atque exarmandis: semper in agitatione volvuntur ac motu, nunquam sinunt aquam fieri liquidam, quam sint bibituri. Quo fit ut moderata quâdam collatione studiorum enitescat veritas, tanquam attritu, nimium autem altercando amittatur, ut Publius Mimographus dixit, tanto sapientius Poeta in scena, quam Philosophus in Schola. En igitur, quo pudenda contentio hominem literatum abripiat, ut rei omnium pretiosissimæ VERITATIS sc. irreparabilem ille subeat jacturam! Hoc in luto hærent doctorum plurimi, imò hoc pernicioso atq; exitiali æstu feruntur.

VI. Et sanè si quis ineptissimas sophistarum veterum quaestiones, earumque longè obscuriores declarationes, tum objectiones, objectionumque confirmationes, declarationum probationes, imò infinitarum rationum, solutionum, exceptionum, distinctionumque, plaustra probe consideret, facilè deprehendet, quo in luto olim illi artium magistri

hæserint, quam profundâ obnupti fuerint caligine, quam immani pudendâque contradicendi libidine laborarint, adeò ut vix inter duos vel tres circa quæstionis cuiusvis decisionem consensus inveniatur. Illustre exemplum, in suis ad Augustinum de Civitate DEI annotationibus modo laudatus Vives de-

*L. Vives
in Lib.
XVIII.
Aug. de
Civ. Dei
c. 18.*

dit verbis sequentibus: *Disputant inquit Scholastici, an potentia creandi possit communicari creatura? de quo multa Thomas, cuius argumenta nititur infirmare Scotus, ut sua confirmet, qua labefactare conatur Occamus, ut sua figat, at ista quoq; Petrus Aliacensis luxat, usq; adeò vel ludunt in re seria, vel affectibus & factionibus suis cogunt subservire rem cælestem: Qui mores (pergit) possunt emendari, qui sedari & tolli pravi affectus, qui fieri divini ex doctrina dissidiis agitata, & tracta versaque sursum, & deorsum pro libito affectuum humanorum concussa machinis tam pertinaciter litigan-*

Idem lib. tium? Nec minus notanter idem Vives I. de caus. alibi; Antequam de disputationibus finem dicendi facio, adjiciam illud, quod ostendit, quam isti homines eruditionem & cognitionem veri parvi fecerint, quum se penitus conflictui dediderunt, & cum quibuscunque potue-

potuerunt rebus aluere: Etiam inter illa ipsa inepta, absurda, stulta dogmata, si quod esset unde copiosum aliquod & fertile oriri posset disputationi seminarium, tametsi falsum esse existimarent, inferebant nihilominus in scholam, & statuebant tanquam positum & fixum, ne materia decisset rixandi: videlicet quod ex illo quod verum esse non dubitarant, pauciora existerent, quam ex falso argumenta. Exempli gratia: Secta illa Scholastica, qua à Gulielmo Occamo defluxit, & Nominalium se appellavit, videt quæ Johannes Scotus, & ii qui Reales dicuntur, de punctis, de momentis, de intervallis, de indivisibilibus affirmant, & tamen illi ipsi disputaturi vel in logicis de incipit, & definit, vel in physicis de motu & tempore opinionem Scoti tanquam veram subijciunt, ut sit diminutio diuturnior. Et ad eundem ferè modum. *Erasmus*
Erasmus; Quid futurum (scribit) arbitramur, in *Ench.*
 si Turcis ut Christum amplectantur, Occamos, aut *Mil.*
 Durandos, aut Scotos, aut Gabrieles, aut Al-
 varos proposuerimus? quid cogitabunt aut quid
 sentient (sunt enim & illi, ut nihil aliud certe homi-
 nes) ubi audierint illas SPINOSAS ET IN-
 EXTRICABILES ARGUTIAS, præsertim ubi
 viderint de iis adeò non convenire inter magnos illos
 religionis professores, ut frequenter usq; ad palle-
 rem, usq; ad convicia, usq; ad sputa, nonnunquam

Et utq; ad pugnas invicem digladiantur. Id verò potissimum in iis damnandum, quod de maximi momenti articulis, inque Sacro Codice clarissimè definitis, horrendo contradictionis æstro perciti Magistri, topicè imò scepticè disputare, atque in locum fidei certæ, sophisticam scepfin & Academicam *εποχὴν* introducere, non dubitaverint, variisque argumentis veluti fluctibus, modò in hanc, modo in illam partem jactati, nescierint quo se recipere possint, rem denique omnem in dubio re-

Jo. Him- linquentes, regiam nefandæ incredulitati vi-
mel. in am pararint. *Ab eo tempore* (verba celebris cu-
Tract. de jusdam Doctoris adscribo) *Littere Sacrae sine*
Canon. & gravitate & eruditione, argutius sophisticis & curio-
Jure sis parum ad pietatem proficientibus quæstionibus
Can. pag. sunt tractate. *Evangelica doctrina miserandum*
 703. *in modum hujusmodi Βεβήλοις νενοΦωνίαις*

non tantum obruta, sed fermè penitus extincta. Postquam scil. in corruptelarum concertationumque Sophistico-scholasticarum possessionem Doctores quidam recentiores devenêre, cœptamque ab iis altercandi litigandique telam indefesso studio ac labore continuavêre, atque gravissimis dividiis ansam dedêre & occasionem. Sunt equidem nonnulli [inquit Salutius] inter illos etiam, qui SPIRITUALES videri volunt, pleni spiritu contradictionis, quibus in omni colloquio delectabile est contendere, quod sine superbiæ nota vix fieri potest,

Salvius
in Spec.
Anima
cap. 19.

potest, quoniam alios despiciatui habent, ac
 ceteris plus sapere, suamque semper opinio-
 nem prævalere volunt. Hos meritissimo jure
 Patrum nostrorum memoria impugnavit Am-
 brosius Catharinus, dum plurimum hoc ipso
 peccatum fuisse, & adhuc peccari pronunciavit, *Ambros.*
 Theologiâ tandem in factiones & sectas reda- *Cathar.*
 ctâ. Disertius verò Nicolaus Beraldus Doctor *in l. con-*
 Parisiensis ostendit, plurimos ævi sui Magistros *Lajetani*
 frivolis quibusdam frigidisque argutiolis de- *Nicol.*
 ditos, neque rebus ipsis, sed rerum umbris fal- *Berald.*
 sisque imaginibus inhærentes, tota aberrasse *in præfas.*
 viâ; *Novem* enim [inquit] studioforum ingenia ex- *scriptis*
 acuiunt captiuncula ille ac trica spinosa, ut plerisque *Guil. Pa-*
 perasum est, sed mentis succum omnem exhauri- *ris. præ-*
 unt, adeoque a studio piecari nonnullos abducunt. E- *fixâ.*
 osdem novissimorum temporum Sophistas
 graviter infectatus est celebris ille Episcopus
 Canar. Melchior Canus, miseram vocans illam *Melch.*
 Scholarum doctrinam, quæ de divinis, detractâ *Canus*
 Scripturæ autoritate sit philosophata, SO- *D. Theol.*
 PHISMATUM FECES intulerit, ad risum *lib. VIII.*
 Viros doctos incitarit, & delicatiores ad con- *c. 1.*
 temptum. Totam Theologiam illorum Do-
 ctorum [qui ad discordiam nati sint] partium
 esse studium, meramq; CONTENTIONEM.
 Et alibi conqueritur, plurimos in Acade- *Idem Lib.*
 miis, omnem fermè Theologiæ disputati- *IX, c. 1.*
 onem SOPHISTICIS ineptisq; rationi-

bus transegiſſe, Sacrae Scripturae umbras non fuiſſe aſſecutos, in ſophiſtica arte omnes ſe torſiſſe diutius; & ad Theologi- am aggreſſos, non Theologiam ſed eius ſumum ſecutos fuiſſe. Quibus ipſe Vasquez, licet Scholaſticorum Doctorum primipilus calculum ſuum addidit: Negare non poſſumus (*ſcribens*) fuiſſe in Scholâ per multos Theologos, qui quaſtiones Theologicas frivolis rationibus tractaverint, in quibus rariffima ſunt Scripturae testi- monia - - Miſcentur etiam ab iis interdum quaſtiones omninò philoſophicae, aut me- taphyſicae, pueriles ſanè, & quae ad res Theologicas parû ſunt accomodatae, &c.

Omnium optimè autem Cornelius Muſſus Epiſcopus Bitontinus, iſtos divinae ſapientiae per rixas contentionesque aſſiduas corruptores vi- vis depinxit coloribus: Divinae (en verba, notatu digniſſima!) Scripturae olim prohi- dolor! quanto omnium damno negligebantur! Vigebar SPINOSA & moleſta, neſcio quae Theologia, de Inſtantibus, re- lationibus, quidditatibus, de formalita- tibus, itemque hæc omnia ſyllogiſmis ar- te contortis, & humanis duntaxat argu-

tis,

*Vasquez
Diſp. III
in I. part.
Thom.
cap. 3.*

*Cornel.
Muſſus
in Com-
ment. ad
Rom VI.*

tilis, quæ procul dubio, quâ autoritate recipiuntur, ea & refelli possunt, pertractabantur. Tota penè ætas hominum indecretis, quæ inter se pugnantis semper, nullo tempore concilianda, alunt perpetua per secula litem, conterebatur. Is sublimis Theologus habebatur, qui majora portenta pro suis traditiunculis affingere sciret; pretiique pars erat gloriola inanis, non intelligi grandia illa verba, quæ alto supercilio inter mulierculas de Sacris literis philosophantes trutinabant. Juraverant universi divini verbi Duces in Magistrorum verba. Hinc sexcentæ sectæ; Thomistæ, Scotistæ, Occamistæ, Baconistæ, Albertistæ, Ægidiani, Alexandrei, ô scelus! posthabebantur Evangelia, Epistolæ, Christiana philosophia delitescerebat, à paucissimis tractabatur, sed frigide, non dicam insincere. Atque hæc quidem laudatus Episcopus Bitontinus.

VII. Sicuti autem summum semper fuit veteratoris infernalis studium lites in Ecclesiâ ferere ac dissidia; ita nullo non tempore ille Viros eruditione doctrinaq; singulari præditos, insatiabili quodam LITIGANDI DESIDERIO accendit, suæque effecit tyrannide, ut liberio.

*Dan.**Bartol.**in char.**lit p. 137.*

beriora etiam ingenia miserrimam hanc subierint servitutem, nec disputarint amplius, sed fervidè malediceque invicem sint digladiata.

Hinc tot litium trica (ut cum ante laudato Scriptore loquamur,) *tot APOLOGE-
TICI tractatus, nedicam paratragædia, &
singularia spectacula pugnarum inter Scri-
ptores etiam minimè vulgares, qui multum
atatis & sudoris in hanc gladiaturam proje-
cerunt. At enim cui bono?*

*Bella geri placuit nullos habitura trium-
phos.*

Luc. lib. 1.

*Est hic nonnullorum agrestis & inurbanus
umor, qui obtrectatione aliena, scientiæ
famam aucupantur. Semper gerunt feru-
las tristes, sceptræ pedagogorum, ictum au-
ctoribus quos legunt minantia, non minus hoc
sibi arrogato imperio superbi, quàm alii sce-
pero. Ad nimiam quippe animi elationem su-
perbiamque proni hominum literatorum plu-
rimi, nemini prorsus cedentes, multò minus
agnoscentes commissum ex infirmitate huma-
nâ errorem, sed pertinaciam induentes pro o-
pinione, animo tandem ita sunt perturbati, ut
nec intelligere amplius rectè, nec dextrè judi-
care valuerint, sed ad rixas ut plurimum, & a-
terbissimas delati sint concertationes.* *Et*

ONIS

cum (præclarè dicente Stobæo) disputan- Stob.
do de rebus haud secus quam animantia bruta Serm 4.
pugnando, solam sibi proposuerint victoriam,
ac veritatis amore ac studio relicto, nihil præ-
ter suam curarint utilitatem; gravissimum
sæpè & famæ & vitæ, imò animæ detrimentum
etiâ subiêre. O si in conspectu esset, (præclarè scri- Aconti-
bit Acontius) quot quantasque clades intulerit us lib. I.
hoc nno contentionum telo Satanas, quasque de stra-
vastitates fecerit, planè ferreus esset, qui sag. Sat.
tenere posset lacrymas. Triste cumprimis p. 21.

exemplum olim præbuit pulcherrimus ille,
LUCIFER CALARITANUS Episcopus,
quem ob sinceros antea vitæ mores D. Hier-
onymus sanctum appellare non dubitavit, sed
cum à contentionum & dissensionum auctore
diabolo tandem esset superatus, & eapropter à
Catholica Ecclesia separatus, optimis quibusq;
tntum incussit timorem, ut illud Zachariæ de eo
usurparint: ULULA ABIES QUIA CECI- Zach.
DIT CEDRUS! Et quamvis in Contentionis XI.
illius causa assignandâ scriptores haud invicem
convenient, constat tamen vulnere huic tri-
stissimo (crescente magis magisque contentio-
ne) aliud atque aliud additum, multosque ejus
exemplo pellectos ab orthodoxa Ecclesia defe-
cisse, qui postea Luciferianorum nomine sunt
denotati. Hinc (notante Baronio) luxerunt
fideles & pii acerbissimam tanti Viri ca-
sum,

Baron. in sum, cum viderent hominem honestissimis
Annal. magnâ gloria pro Ecclesia Catholica perfun-
Eccles. ad etum legationibus, tot confessionibus insigni-
Ann. 362. ter nobilitatum, quos apices in Constantium,
 scripserat pro Athanasio & fide Catholicâ,
 totq; martyria propemodum exantlatum,
 quot annos exul in diversa loca fuerat de-
 portatus; hominem Coryphaum & antesigna-
 num Catholicorum, in tam diuturno & diffi-
 cilimo pralio Arianorum positum, instar Hie-
 remie in columnam ferream, & murum arc-
 um pro domo DEI, Ecclesia Christi: Hunc i-
 psum inquam (proh dolor!) post tot victo-
 rias & erecta de perfidia debellata trophæa,
 sub ipso triumpho tam infelicitè à DISSEN-
 SIONUM authore superatum ac planè pro-
 stratum esse. - - Utinam ipse Lucifer,
 qui zelo astuabat Helia, & Helia dictum
 audisset: **NON IN SPIRITU VE-**
HEMENTI DOMINUS, NON
IN COMMOTIONE DOMINUS,
 nec in IGNE DOMINUS, nempe in
 mansuetudine, benignitate, & miseri-
 cordia verè inerat Dominus. Nonne luctuo-
 sus hujus quoque Luciferi casus clarissimè do-
 cuit, quò tandem mortalium doctissimi & præ-
 stan-

stantissimi perveniant, si nefario Contentionis & dissensionis spiritui locum concedant. Quem cum Avorum nostrorum memoria etiam admisisset MATTHIAS FLACIUS IL-
LYRICUS, æque tristes & perniciosas tempestates concitavit. Etenim cum inquieto valde esset ingenio, ac sine personarum respectu quosvis oppugnasset, tandemque ad colloquium cum Strigelio habendum Vinariam fuisset evocatus, ibi antagonista jugulum petens, nec tamen propositum ab eo argumentum dissolvere valens, absurdum illud longè maximum; *PECCATUM originis esse substantiam homini* profiteri non fuit veritus, nec solum ex improviso, præterque omnium spem [urgente contentionis spiritu] in hæresiar-
cham postea est transmutatus, verum turbarum passim concitatarum sive author, sive singularis fautor extitit. Eodem morbo cum non ita multos post annos laborasset ANDREAS OSIANDER ingenioq; pariter ac eloquentia excellenti esset præditus, perniciosam in Borussia de *Essentiali Dei Justitia* [quâ nos salvari enunciavit] litem atque contentionem infelicitè est auspicatus, quam turbæ horrendæ Regionum, ipsaque tandem Morlini ejectio exceperunt, longèque atrocius erupisset incendium, nî præter omnem expectationem Osiander paroxismo epileptico prostratus, prius ex hac vita discessisset.

Mar.
præf. Tri-
adis Scri-
ptor. ed.
 1669.

VIII. Notanter Vir quidam ætate nostra
 celebris; *Omnia novandi* (scribit) *cacoethes,*
contradictionis spiritus, & affectatio singu-
laritatis, tales tragædias excitare solent, &
Theologia Professor, qui ex ministro & custode
religionis illius Dominum vult agere, ac
jus sibi vindicare eam mutandi pro lubitu,
semper erit præsentissima pestis in Ecclesia.

Atque ut de inquietis litigiosisq; Ecclesiarum
 turbatorib⁹ nihil dicamus amplius, nunc quos-
 dam literarum humaniorū (minimè humanos)
 cultores designabimus, qui dictis pariter ac
 scriptis contentiosis animorum motus & di-
 vortia concitantes, extremum sibi met ipsis con-
 quisivèrè exitium. Quo nomine, Patrum no-
 strorum memoria, infelix præ cæteris in Gallia
 PETRUS RAMUS extitit. Is enim cum diu bonas
 literas, philosophiam, scientiasque Mathema-
 ticas in Prælea schola, cui præerat, & postea in
 Regio Auditorio docuisset; postremò CON-
 TENTIOSAM erroneamque in philosophicis
 invexit doctrinam, Aristotelem voce & scriptis
 importunè oppugnans, lites cum doctissimis
 & clarissimis quibusque hominibus gravissimas
 exercens, donec in Parisiensi laniena à Carpen-
 tario æmulo sicariis immissis è cella in quâ late-
 bat, extractus, & post direptam pecuniam, in-
 flictis aliquot vulneribus per fenestram in are-
 nam est præcipitatus, effusis visceribus, quæ pue-

Confer.
Thuanus
Hist. lib.
 52.

ri furentes [magistrorum pari rabie incitato-
rum impulsu] per vias sparserunt , ipsumque
cadaver scuticis in professionis opprobrium
diverberantes, contumeliosè & crudeliter ra-
ptaverunt, tristemque adeò vitæ illi litigio-
sæ imposuere colophonem. *Mirum est*

(scribit Sammarthanus) quantos ille in to- *Sam-*
ta Parisensi Academia tumultus excitavit, in elogiis
cum editis in Aristotelem animadversionibus, illustr.
sumum illum philosophum liberius esset in- Gallor.
sectatus, insurgentibus in eum penè omnibus p. 55.
ejus avi professoribus & Magistris, rece-
ptamque in scholis disciplinam certatim asse-
rentibus & defendentibus. Eâdem conten-

tionis peste JASONEM DENOREM, Virum &
nobilitate generis, & eruditionis laude clarum,
extinctum, mœroreque acerbissimo oppressum
fuisse, historicorum monumenta testantur. Ni-

mirum cum inter alia quæ scripsit eristica ope- *Thuan.*
ra, de POETICA differens, Tragicomœdias pa- *lib. 90.*
storales, quæ intar Italos usurpantur, tanquam *circa fin.*
monstra quædam, & nullo veterum exemplo,
contraque poetica priscæ leges ab imperitis rei
antiquariæ introducta exagitasset, eumq; ser-
monem Baptista Gvarinus (qui PASTOREM
FIDUM magno plausu ubique in Italia ex-
ceptum ediderat,) ad injuriam suam perti-
nere existimans, magna vi eloquentiæ simul &
verbo-

verborum amaritudine refutasset, exitu minime fatali sed præcipitato ille decessit, vitamque in litibus transactam cum morte infelici commutavit. Sic magnum illud Reip. Literariæ decus ac ornamentum, CAROLUM SIGONIUM, post egregiè depulsos invidiæ malignantis fluctus, post adeptam maximam nominis gloriam, gravi quâdam contentionis literariæ procellâ dejectum, summiqûe angoris [è concertatione quâdam literariâ coorti] impetu tandem exanimatum fuisse accepimus. Etenim cum arduo nimis ausu perditum Tullii de consolatione opusculum, suamet opera confectum in lucem edere, atque Viris doctis obtrudere esset conatus, facileque futurum existimaret, ut inter genuinos Tullii fœtus reciperetur, statim ac prodiit personatus ille Cicero ad varios allisit scopulos, amplamque altercationibus literariis materiam subministravit, & cum præ cæteris Antonius Riccobonus accusatoris munia subivisset, disertèque opus illud spurium esse, nec ullo pacto Ciceroni adscribendum ostendisset, fucosum scil. styli genus, & adscititiam rerum vim, onerosamque ubertatem redarguens, factum, ut post agitata aliquandiu istas lites Sigonius, in cassum ac futile initas à se vigilias animadvertens, morbosum animi contraxerit æstum, quo deinceps, aliis vel increpantibus, vel miserantibus, Reip. literariæ [quam melioribus ingenii monumen-

Vid. Jo.

Imperia.

liu Mu.

saum Hi-

storic.

pag. 58.

59.

ris exornare potuisset] fuit surreptus. Simili
 propemodum fato post avi superioris medium
 ad plures abiit JOHANNES BUTEO, Vir
 quidem (Thuanæ teste) ad literarum ac scienti- *Thuanæ*
 arum mathematicarum studia excolenda na- *lib. 36.*
 tus, inprimis in Musicis instrumentis & ma- *hiflor.*
 chinis novis fabricandis ingeniosus; sed cum
 deinceps DE QUADRATURA CIRCULI
 acerbè cum ipso præceptore suo esset digladi-
 atus, tandemque ob turbas in Delphinatu con-
 citatas, Museo suo relicto, Romanum conces-
 sisset, procul à libris maximo tandem mœrore
 contabuit. Ad eundem ferè modum LUDO- *Thuan.*
 VICUS CASTELVETRUS, variis cum Han- *hiflor. lib.*
 nibale Caro de re ludicrà altercationibus vexa- *50.*
 tus, patriam ad extremum reliquit, & litera-
 rum studia pariter ac lites antea agitatae prose-
 cuturus, apud Helvetios hospes decessit. Quis
 tantus in Rep. literaria hospes est atque pere-
 grinus, quem clarissimum THOMÆ DEM-
 STERI nomen fugiat, cui singularem gloriam
 multiplex rerum scientia, recondita exquisi-
 tæque literæ, & incredibilis memoriæ magni-
 tudo paraverat; quem doctissimi insuper in
 Rosinum de Antiquitatibus Romanorum, in
 Crispum Poetam Africanum Claudianumque
 commentarii, aliâq; tum soluta oratione, tum
 versibus doctè eleganterque conscripta quatu-
 or item epistolarum libri, nec non varia tum geo-
 graphica tum mythologica monumenta tan-

Janus
Nic. E-
rythraus
in Pina-
coth. ima-
gin. il-
lustr. vi-
vor. part.
l. p. 24.

tum non ad ipsa sidera evexere ; At vero hunc
 tanti ingenii, tantæque eruditionis Virum à
 SPIRITU CONTENTIONIS tantoperè ob-
 fessum fuisse memorat Erythræus, ut homo ad
 bella atque contentiones prorsus natus vide-
 retur, quippe qui levissimè re vel verbo lace-
 ssitus, continuo ad arma rixasque decurreret, nec
 ullum ferè diem à concertationibus vacuum
 præterire passus sit, quin videlicet cum aliquo
 vel verbis vel ferro decerneret, atque pugnis
 etiam rem ageret, sicque prædagogis plagosis-
 que orbiliis omnibus formidabilior evadens,
 artuum tandem ac nervorum (bile effusâ labe-
 factorum) doloribus miserè sit consumtus.
 Haud minori ingenii ferocitate Johannem
 Matthæum CARYOPHILUM [singulari & Græcæ
 & latinæ eruditionis laude celebratum virum]
 laborasse, atque nimio opere ad iracundiam
 contentionemque propensum fuisse, nec tamen
 diu lucis hujus usura frui potuisse, idem Scri-
 ptor in Pinacotheca sua est contestatus. Sed &
 Angelum Angelotium, omni ferè disciplinarum
 genere excultum Virum, omnibusque scientiis
 mathematicis ornatum, stupenda item rerum
 in orbe nunquam non gestarum notitiâ illu-
 stre, ita loquacem atque contentiosum fuisse
 tradidit, ut nullum aliis quibuscum una esset
 sermonis partem reliquerit, solusque disser-
 tationis munus semper sit persecutus, inde ta-
 men gravissimum cæterorum odium incurre-
 rit,

Idem E-
rythr. l.
c. p. 224.
idem Pi-
nacoth.
l. p. 289.

rit, cum & sapientissimus, & communis omnium Doctor atque præceptor voluerit salutari. Magis verò ridiculū cunctis sese præbuit Dichæus ille DICHÆANUS, humanitatis ac juris Civilis studiis optimè imbutus, eò quod verbis rationibusque validissimis ab alio labefactatus, ad id accurrisset, in quo superiorem se esse non dubitabat, nimirum ad vim, impetuque facto pugnis & calcibus adversarium ad terram afflixisset, ægerrimè sc. ferens, se rabulæ [ita enim contumeliæ causa illum nuncupavit] in disputando contentendoque parem esse haud valuisset. Non minus doctè quam sapienter dictum est, magnam animi incitationem, & ad concertationes mutuas cunctis desiderium, præcelis innatum esse ingeniis, ast rationis imperio illud regendum esse, neque committendum, ut quæcunq; velit in partem ille impetus nos abstrahat atque compellat, operam quoque dandam, ut virtutum sit cos, non rixarum temerè susceptarum irritamentum; Denique, ut in omni re, sic in ista cumprimis videndum esse, quod Terentianus Sosia apprimè in vita utile esse judicavit; *Ne quid nimis*, quod monitum si maximi quidam in Orbe erudito viri magis observassent, sedationibusque animi motibus, quasi leni placidoq; mari pro-
 vecti fuissent, ad longè majus altiusque famæ ac honoris literarii fastigium devenissent, sed quoniam infesto scopulosoque contentionum

id. p. 218

& perturbationum suarum pelago sese committere maluerunt, eoque tenui fractoque sui iudicii navigio deferri, non mirum quod in syrtes sapè & scopulos devenierint, ad eosque famæ pariter ac vitæ suæ navem affligerint, quin imò thesauri pretiosissimi, tranquillitatis nimirum jacturam fecerint, vix ullo studio arteq; recuperandam. De Jacobo Arminio refert anonymus quidam professorum Leidensum encomiastes, quod post concitatas de quibusdam Theologiæ capitibus controversias, dolore confectus in morbum inciderit lentum ac gravem, cum quo aliquandiu sit conflictatus, tandem vivere desierit, taleque epitaphium post fata sit consecutus :

*Subtilis ille sensuum potens fandi,
Sed cura semper prima cui morum fuit,
Appellat omnes hic jacens ARMINIUS.
Ne disputare maluerint quam vivere.*

Plurima sanè clarorum ævi nostri & Theosoporum & Philosophorum Philologorumque exempla suppeterent, qui lites de levioribus etiam rebus concitatas, immoderatè adeò intemperanterque sunt prosecuti, ut in omnium ferè odia incurrerint atque offensiones, & acri verborum scriptorumque suorum contentione nil nisi extremas quasque & fulminantes lacerati sint calamitates, ast ne honori eorum, laudi-

laudique, melioribus quibusdam ingenii & industriæ suæ monumentis, magno eruditorum consensu plausuq; partæ quidpiam detraxisse videamur, novissima isthæc, pariter ac odiosissima dissidiorum in erudito orbe agitatorum exempla & documenta silentiî perpetui peplo duximus involvenda.

IX. Neque tamen reticenda tradendaq; oblivioni est varia & multiplex CONTENTIONIS LITERARIÆ indoles, verum fusius paulò explicanda, ut penitus perspecta & explorata, tanto majori studio ac circumspectione devitetur. Alia nimirum CONTENTIO est, quâ agnita veritas in quopiam maximi momenti (veluti religionis,) negotio malitiosè impugnatur, id quod grande nefas, & noxa verè est piacularis. Nihil non audebit qui ipsam revelatam oppugnare non dubitat veritatem, hinc hæresiarcharum pseudo-doctorumque veterum pariter ac recentiorum, imò ipsorum atheorum ac Theomachorum execranda agmina, gravissimam multis ruinam, horrendas Ecclesiæ veræ tempestates, sibimetipsis verò extremam tandem attraxere perniciem, & ad Marcionis exemplum consilio destinato, dataque operâ Ecclesiam findere laborantes, *non levem quidem (dicente Epiphanio) fissuram illi immiserunt, verum se ipsos tandem perdidērunt, & omnes qui eis obediērunt.* A

quibus haud ita multum abesse videntur illi, qui scriptis pariter ac sermonibus seditiosis vehementissimos animorum motus concitare, & omnem populum ad turbas bellaque intestina, imò amplissimorum Regnorum ac Rerumpublicarum eversionem concitare non dubitarunt. Eheu ! quam tristitia proximè nos antegressum seculum huiusmodi motuum vidit exempla, dum Dæmone auspice, plurimi surrexere turbigidi contentiosique pseudo-prophetae, qui vaticinia quædam Sacrae Scripturae de Regno Christi loquentia pessimè & corporaliter tantum interpretati, turbas seditionesque concitavere gravissimas, multisque christianorum millibus extremum attulere exitium. Quos statim insecuti fuerunt Monasterienses Anabaptistae, qui pristinum reducentes errorem, propheticas insuper revelationes commenti, ingentes dedere turbas, sicuti Sleidani & aliorum eâ de re publicæ testantur historiae. Quid quod idem omninò nostro hocce seculo Satanas molitus fuisse videatur per alios ejusdem commutatis farinaeque homines, qui totius Orbis reformationem & in melius restitutionem confingentes, non artium modo & cunctarum facultatum, sed Ecclesiae etiam, Imperiorumque mutationem instare clamitantes, chartis suis contentiosis & pseudo-christianis animos hominum in sublimi suspensos, novâ & vanâ spe diu multumque lactarunt, & zelo agitati amaro, inordinato, (quem simul scelus, sum-

mam-

namque appellare insaniam possumus,) horrendas Ecclesiæ pariter ac Reipublicæ christianæ clades intulere , gravissimo tandem suo periculo docuere , frustra planè suscipi, quæ sine DEO legitimaque vocatione suscipiuntur.

X. Sed & alia Contentionis, tum ecclesiasticæ tum literariæ species apprime notanda nobis est , non quidem graves adeò turbas motusque concitans , nec revelatâ impugnans veritatem , sed leviora (ut ita dicamus) convellens placita , atque in quovis mustaceo laureolam quærens, non sine gravi tamen & pietatis sinceræ , & optatæ tranquillitatis detrimento. Dum enim Eruditorum hominum plurimi pro lubitu suo contrarias veteribus , aliisque recentioribus Doctoribus opiniones effingere defendereque sunt conati, dicente Stobæo *veri cognitionem prorsus effecere dubiam*, Stob. atque gravioribus dissidiis motibusque ansam Serm. 4. dædere atque occasionem. Hoc ipso nomine optimis quibusdâ Viris displicuit methodus illa discendi CARTESIANA, seu potius renatus à Renato Des-Cartes Scepticismus, prætensaque libertas philosophandi, imò tollendi abnegandi, inq; dubium vocandi omnia naturalis luminis principia atque axiomata , hætenus communi Christianorum & extraneorum philosophantium consensu recepta, nec non imperata illa omnium notionum atque dogmatum

tum præceptorum deletio, oblivio, & præsentanea erasio, omnisq; scientiæ fideiq; abjectio, quam cum Cartesius in methodo sua aperte à quolibet ad solidiorem eruditionem adspirante requisiverit, latenterque sua philosophemata per Belgium disseminarit, factum est, ut *unanimis etiam armarit in prælia fratres,* & calcem ac lateres ad discordiæ intestinæ perniciosæque muros erigendos subministrarit. Fuerit licet quorundam judicio Cartesius ille Brutus quidam literarius, subtilitatis terebra, in Mathesi præstiterit, quod humanæ mentis vires superasse videretur, dum tamen veterum omnium ac recentiorum philosophorum placita subvertere, ac novum quendam scepticismum introducere laboravit, optabilis concordiæ literariæ vinculum dissolvit, atque contentionum vehementissimarum sive author sive singularis quidam fautor evasit. Sanè si veritati quidem tuendæ certamina gravissima suscipiantur, ea tamen sine modo, nec loco nec tempore suo agitentur, tandem in plusquam vatianiana odia, & acerbissima convitia degenerabunt. *Magna virtutis est* (ait Cicero) *paratum esse & refellere sine pertinacia, & refelli sine iracundia.* Vitio insuper non caret, si quis tam exigui momenti veritatem tueri nitatur, ut plus nocitura sit altercatio, quam controversæ veritatis defensio. Concedamus

Tibi

*Cic. lib. I.
Tuscul.
quest.*

Tibi mi erudite litigator, Te neutiquam falsam
 erroneamque defendere sententiam, quid tum
 postea, cur eapropter excanduisti tantoperè,
 cur ita es vociferatus, cur multos adeò offendi-
 sti, bonamque causam tuam malè agendo pro-
 lixa simultatis causam præbuiſti? quanto con-
 sultius fuisset, à lite tam sterili linguam cohi-
 bere & calamus, quam tantis animi motibus
 ansam dare, nec unam existimationi Tuæ af-
 fricare maculam? Is videbatur Isocrati omne
 humanitatis deseruisse officium, qui rixosus es-
 set, & ob levissimas quaslibet causas acriter de-
 pugnaret. Melius Plato: *Ubi multa rixa,* *Prov.*
ibi multa injuria; Optimè autem Salo- *VI.*
 mon: *Homo perversus suscitât lites, & o-* *v. 12. 14.*
mnî tempore jurgia seminat. Ideò mo- *Prov.*
 nens; *Qua (ait) viderunt oculi tui ne XXV. 8.*
seras in jurgio citò, ne postea emendare non
possis, cum dehonestaveris (editis cumpri-
mis scriptis aculeatis) amicum tuum. RE-
 SPONDETE OBSECRO (sic collocutores
 suosue antagonistas Jobus compellavit) SI- *Job. c.*
 NE CONTENTIONE. Et quia id maximè *VI. v.*
 in disputationibus literatorum locum habere, *29.*
 debet, seriò cautum à sapientibus, ut moderati *Mer. l. 1.*
 in eis essent, eoque consilio disputationes olim *var. lect.*
 in TEMPLO PACIS habitas notat ex Galeno *2. 13.*
 Mercurialis. Optimè autem in hanc rem Epi- *Lib. II.*
 cletus apud Arianû; *Pleriq; inquit, & incanti dur.* *cap. 12.*

se dant disputationibus, confundunt, & confunduntur, & ad extremum CONVICIIS PROSCINDENTES (NB.) & PROSCISSI discedunt. Primum illud & maximè proprium fuit Socratis, ut disputando non, excandesceret, nec malignum aliquid aut injuriū proferret, sed potius conviciatores sustinebat, & dirimere pugnas solebat. Si libet cognoscere quantus in eo fuerit, legite Xenophontis symposiū, ex quo perspicietis, quas lites ille composuerit. Nec immeritò apud Poëtas maxima laudi ducitur illud: Hic cito certamen prudenti voce diremit. Non solum autem vocalia istiusmodi certamina sollicitè sunt dirimenda, verum ea etiā quæ stylo calamisq; agitari solent, ne scilicet & illa juris ac æqui metas transgrediantur. Consonent & illic affectus animi (juxta sapientis cujusdam monitum) rationis harmonicæ vocibus, nihil durum stylo, nihil extra concentum excidat; sacrificet Gratiis scriptor, priusquam in pugnam descendat, atque [ut Xenoerati Plato author fuit] savi illarum temperamento adversariorum ferociam leniat. Si ipse Carneades in Zenonem Stoicum rigidiorē scripturus, copioso helleboro prius purgavit stomachum, ne quid scribentis ingenium molestè obtur-

obturbaret, & ex corruptis in stomacho humoribus, ad domicilium animi redundaret; multò magis christianis scriptoribus danda est opera, ut purgatissimo gaudeant cerebro, omnemque rancorem penitus exuere studeant, priusquam cum aliis in arenam descendant.

Gell. lib.

XVII.

cap. 35.

XI. Et cum lubricum valde sit, tum ADVERSUS ALIOS, tum PRO SE scribendi negotiū, necesse est, ut aptiora nunc suggerantur monita, quibus observatis, utraq; pars illasam, sive in adversariis impugnandis, sive scriptis propriis defendendis servare conscientiam possit. Sit autem hoc primum atque præcipuum præceptum illi observandum, qui scriptis impetere alios inducit in animum, ut suam ipsemet non inconsideratè prodat ignorantiam, dum proximi incusare inscitiam conatur. Risum merito olim debuerunt Diogeni nasuti illi hodogetæ, qui cum in Ulyssis erroribus scrupulosius perquirendis fuerunt occupati, neutiquam deprehendere proprios. Frustra equidem alios labyrinthis suis eripere laborabunt contentiosi scriptores, si gravioribus & molestioribus ipsi sint impliciti. Cæterum errantem corrigere volenti, magno opus est doctrinæ pariter ac ingenii, præsertim verò pietatis sinceræ solidæque apparatu, ne benè dicta scriptaque in sensum trahantur alienum, & quæ nunquam dicta, ac ne in somnis quidem cogitata sunt, malitiosè tribuantur innocentibus. Caveant sollicitè

citè Scriptores polemici, ne cum larvis pugnent & umbris, & quæ ipsi finxerunt simulacra infestis armis impetant. *Erroris aperti* (inquit nonnemo) *aliquem convincere idem est, quod manum hianti vulnere admoveere, & fundotenus illud explorare, quod exquisita eget cautione, ne vulneris dolorem ex curatione graviore deliquium animi sequatur.* Et cum frequentius nihil sit, quam ex aliorum depressione famam quærere, amplioremque in orbe erudito existimationem, multique eos duntaxat laceßere impugnareque cogitent, quos certamini suscepto impares fore existimant, hinc videant cuncti bellatores literarii ne ejusdem pravitatis æstro perciti, cum ullo mortalium in arenam descendere præsumant, aut imbecilliores duntaxat ducant laceßendos. Multis equidem indignatione crevit ingenium, sopitiq; spiritus ita sunt excitati, ut in opem occurrerint vocati, & ab illatis injuriis atq; contumeliis temerè vexatos egregiè vindicarint. Qui aliquandiu dormierunt, subito sæpe expergefacti in campum prodière, & suis æmulis enorme provocationis imprudentissima dedecus reliquère. Non male eos Bartolus *rupibus* assimilavit, *quæ sunt metallis gravis, si telo fulminis petantur, mittunt ex eo vulnere augustum specimen & luculentum*.

Dav.
Bart.
char llt.
p. 243.

opum

opum quas premebant indicia, jamque aurei celebrantur montes, qui moles saxorum inutilis credebantur. Multi quos cerebri frigus obtusi sensus effecerat, & pigritia natura durarat in silicem, ad styli pugnam provocati, non scintillas eo ex silice, sed jactus fulminum explosere. Ipsa Balaami asina temerè percussa in sui defensionem eloquens evadit, ac licet animal omnium hebetissimum fuerit (dicente Chrysostomo) bene tamen Chrysost. se defendit apud eum, qui ipsum pulsabat. in Ps. 47.

Mutis quibusdam, pariter ut Cræsi filio defendendi sui necessitas linguam solvit, ut quæ nunquam didicerunt, non sine quodam miraculo sint effati. Quos incauti provocatores agnos initio asinosque putaverunt, qui styli mucrone impunè proritari queant, leones postea experti sunt, eorundemque gravissimos lethalesque sensere morsus. Idem plane illis accidit quod Ruffino Aquileensi, Magnum impugnantem Hieronymum, cum eum habere æmulum potius, quam amicum voluisset, mox tamen ingenti suo malo gravem. Doctoris illius in feriendo expertus est manum, nec pugna deinceps subducere se potuit, etiamsi voluisset. Ac licet conquestus fuerit, in fontem se plecti ab Hieronymo, cum nulla animi perturbatione sua in eum scripserat,

sed

sed solius amore veritatis, nec inter christianos styli ductus pro inflictis ferro vulneribus esse habendos, parum tamen inde existimationi suæ pariter ac tranquillitati accessit. *Esto* (respondabat Hieronymus,) *me nescius vulnera-*

Hieroni
apol. II.
contra
Ruff.

ris, quid ad me qui percussus sum? Num idcirco curari non debeo, quia tu me bono animo vulnerasti? Confossus jaceo, stridet vulnus in pectore, candida prius, sanguine membraturpantur; & tu mihi dicas, noli manum adhibere vulnere, ne ego te videar vulnerasse. ita Hieronymus; ad cujus exemplum scriptores plurimi temerè ab æmulis lacerati, postmodum verba sibi dari minimè passi sunt, atque se vinci precibus non permiserunt,

Bart. l. c.
p. 245.

qui verbis scriptisque victores extiterant. *Secundo nimis suam nonnulli deplorarunt temeritatem, cum viperis & aspidibus intempestivè evocatis essent circumsepti. Quid igitur? num temerè lacescito scriptori infesta adeò arripienda sunt arma? an christiana pietati satis convenit tanta vindictæ de hostibus [licet atrocissimis] sumendæ cupiditas? LUBRICUM antea diximus esse non ADVERSUS ALIOS duntaxat, verum etiam PRO SE scribendi negotium, ideoque læsus etiam atque lacesitis salutaria quædam præcepta atque monita sunt observanda, ne scil. & ipsi*

ipsi juris ac æqui metas transgrediantur, si sua
adversus aliorum impugnationes placita de-
fendere velint. Primum illud sua defenden-
di studium neutiquam AMORIS PROPRII
suscipiatur auspiciis, sed veri potius amore
grave illud, ineatur certamen; *Is amor* (ait *Idem l. 6.*
antea laudatus monitor) *tradito in ma-* p. 248,
num innocenti stylo militem suum creet,
magistram præficiat scribenti modestiam,
stylum doceat in errorem acuere, & agere,
ut chirurgi scalprum, in levandum quadam
intemperie morbi brachium; non ut mili-
tes infestam in hostem lanceam. Ante o-
mnia cavendum, ne quis in cursu dicendi
pro re suâ excutiat ephippit scandulis, &
ingenii laudem turbulenti animi vitio de-
terat; ne fastum Platonis proculet fastu
Diogenis: ne reum se culpa constituat dum
aliū culpā. Ac licet difficile omninò sit
tunc intra officii lenitatisque debita terminos
se tenere, ubi jus ipsum ulciscendi veniam læso
ac lacesito tribuisse videtur, ea tamen mode-
ratione susceptæ vindiciæ sunt adornandæ, ut
clarissima animi, summum in se suosque affe-
ctus imperium obtinentis, indicia & documen-
ta inde elucescant. Talem se suaque defen-
dendi viam ac rationem quilibet eruditorum
ineat, quæ hominem deceat christianum, ne
ipsam

ipsam pietatis æquitatisque lineam transfiliisse, longeque pejus morbo ipso remedium adhibuisse deprehendatur. Quodsi acceptas plagas temerè impetitus altissimo premeret silentio, & præter hanc, nullam aliam pœnam adversariis suis duceret imponendâ, cuncta equidè opprobria ille multò vindicaret felicius, ac de universâ malignantium phalange optimè tandem triumpharet. At verò (dicit læsorum aliquis) si illatas ab antagonistis injurias, inque innocentem evibratas calumniarum atrociorum catapultas silentii involvam peplo, omnes me pro confitente reo habebunt, scriptorum mimus ero vulgi que ludibrium, non innocentis modestiæ, sed conscientiæ potius culpam agnoscenti silentium illud omnes omnino adscribent atque imputabunt. Quid verò felici ex sinceræ pietatis studio homini literato cum otiosis perversorū judiciis, divinum poti⁹ expectet, inque SPE & SILENTIO illustre quoddam fortitudinis christianæ edat specimen. Non equidem animositatis, sed imbecillitatis potius summæ indicium, imò evidentissimum desperatæ causæ præsagium ac argumentum est, vehemens sua propugnantis ira ac indignatio, cum è contrario animi quies & serenitas, veræ illi christianæque lenitati sociata victoriam certissimam portendat. Insignem Magnus Hieronymus gloriæ coronam inde est consecutus, quod renuerit cum Augustino
(post-

*Amplior
hæc de re
in subs-
quenti
de male-
dicentiâ
literato-
rum
commen-
tatione
erit di-
cendi lo-
cum.*

(postquam is per Italiam sparsisset epistolam Hieronymo oppositam, nec tamen prius ei ad quem attinebat transmisisset) descendere incertamen, amicasque potius & privatas ad eundem literas exarare maluerit, quam publicè cum eodem verborum acerbitate decertare: *Optimè novit* (ita Hieron. ad Augustinum) *prudèntia tua unumquemq; in suo sensu ab-* Hieron.
Tom. II.
undare, & puerilis esse jactantia accusan- Tom. II.
opp. fol.
do illustres Viros suo nomini famam quare- 346.
re, superest ut diligas diligentem Te, & in
scripturarum campo Juvenis senem non
provoces. Nos nostra tempora habuimus,
& cucurrimus, nunc Te currente & longa
spatia emetiente nobis debetur otium. Tunc
se olim Sidonius Apollinaris Victorem crede- Sidonius
lib. V.
bat, cum id adversarius gravi quadam indi-
gnatione fateretur; Oblectabatur commotione Epist. 2.
superari, & tunc demum credebatur sibi cessis-
se Collegam, cum fidem fecerit victoriæ sua
bilis aliena. Si quæ igitur aliqua scribendi
suaque defendendi literato Viro incumbat ne-
cessitas, caveat sedulò, nequicquam commit-
tat, quod velut indecorum exhibetur, vel ut
scandalosum reputetur, vel ut puerile ridea-
tur, scenæque & theatro ritè serviendo, pro vi-
ribus susceptæ sese attemperet actioni, eun-
demque in parandis vindictis suis teneat mo-
dum,

Tertull.
advers.
Valent.
cap. 6.

dum, quem Tertullianus quondam adversus
Valentinianos (hostes suos contumacissimos)
usurpavit : *Ostendam, (ajebat) sed non
imprimam vulnera, si videbitur alicubi, ma-
teris ipsis satis est; Multa sunt sic digna
revinci, ne gravitate adorentur.* Hisce in-
quam laudatissimis vestigiis quilibet insistat,
sanctæ Alethæ vindex, si intoleranda provo-
cantis acerbitas nec tacere, nec dissimulare
plagas hostiles diutius permittat. *Explodantur*

Bart. l.c.
p. 256.

*cum tonitru fulmina, non quæ graveolenti-
am fulguris secum vehant, sed quæ afferant
ILLUSTRANDÆ VERITATI lucus pu-
rissima candorem : non quæ furore incon-
ditio rapiantur, sed quæ aquâ librentur ra-
tione. Suus insit Jano bellorum DEO vul-
tus duplex, JUVENIS, & SENIS, robusti
& cordati, moderati, sed vividi. Feli-
ces literæ si magistros haberent Apelli &
Protogeni similes, qui amicâ certarunt æ-
mulatione de subtiliori diversi coloris lineâ,
sic superducendâ subtili lineâ, ut neutrius
violaretur color : si tela quibus inter se pu-
gnant,*

Cassiod.
lib. VII.
for. 1.

*Arma juris essent, non FURORIS :
Si non essent maledicentiæ spicula, sed radii
veritatis. Et cum sæpè literatorum lites acro-
resque*

fesq; contentiones ex civilibus in causas etiam capitales transferint; hinc Superioribus quoq; omnes ingenii nervi intendendi; ne partes litigantes diutius odiosè se invicem insectentur, sed placidè potius rerum momenta considerantes, conjunctis studiis omnes de veritate pariter ac pace concordiaque concilianda sint solliciti.

XII. Omni studio autem dæmon impedire conatur quo minus eruditorum plurimi exemplis monitisque hisce saluberrimis aures præbeant, illaque ad animum [uti par esset] revocare velint, & cum ingenium ad nimiam animi elationem superbiamque haturum, pravisque præceptorum institutionibus exemplisque depravatum, ita plerunque comparatum sit; ut sodalibus cæteris in rebus omnibus antecellere velit; tantæ sæpè arrogantia; imò demeritæ notam incurrit, ut cedere amplius velit NEMINI, & ex contentionum ignibus (instar Salamandræ cujuscpiam) sua capiat nutrimenta. Quid quod litibus tantopere assveta mens erudita, non solum cum aliis, verum secum ipsa acriter tandem contendat, atque intestinis quibusdam certaminibus tota propemodum discerpatur? Hâc interiori ho-

minis docti discordiâ nihil usquam est foedius, nihil humanitati insensius. *Uti improbatum*

(scitè ait Paschalius,) certissimum docu-

512

mentum

Paschal.

de virt.

et vit.

charact.

p. 725.

mentum est sibi met esse contrarium, ita animus sedatus, nullisq; diversis affectibus dilaceratur fidelis est & indubius index virtutis. Verum indice hoc virtutis omnes illi destituuntur eruditi, qui sententiam prius suo probatam calculo, post foedè improbare non dubitant, siquæ fortè veræ rationis ductum principio sint secuti, mox per devios illum vitant tramites, pedemque jam jam illatum retrahunt unius cupiditatis suasu. Nunquam à se dissentirent eruditi, nunquam dissimiles sibi, internâ opus haberent reconciliatione, si verâ virtute & æquanimirate christianâ essent præditi, non nova veteribus, non deteriora melioribus mutarent, nec aliis facilè nisi gravissimas ob causas moverent lites, amicamq; dissolverent communionem. Utinam concordiam potius veluti cœleste quoddam considerarent bonum, tantum ubique congregans, quantum discordia infernale illud monstrum disgregat, debilitat atque extinguit, imò efficit, ut ab aliis segregatus docti hominis animus, se uno, hoc est arundine, re fluxa, caducâ & quæ est nullo numero pessimè nitatur. Quocunq; tandem nomine illa optimorum ingeniorum pessima depravatrix CONTENTIO scil. veniat, seseque prodat, insigne prorsus ac detestabile vitium est, & admodum deformis animæ eruditæ labes, quippe quam duris adeò vinculis tenet constrictam, ut nec pietatis veræ, nec chari-

charitatis christianæ viam perambulare possit,
 Nec animam solum contentio turpiter inqu-
 nat, sed hominis quoque nomine mancipia sua
 spoliât, intellectui spissas offundit tenebras,
 voluntatem ad omne facinus armat, *Imaginem*
DEI (uti scitè Basil. *bas. 25.*) *cum effigie*
hominis damoniaci, externam verò figuram *de irâ.*
cum fera specie permutat; potentiam effe-
 ctricem turbat, impotenti ut impetu feratur,
 non aliter ac furens unda torrentis, quæ non
 modo glebas & saxa devolvit, sed arbores quo-
 que villas & obvia quæq; , ne vestigio quidem
 relicto evertit. Nec omnibus solum animi vitiis
 ostium aperit, sed corpus etiam gravissimè læ-
 dit, dehonestat, laniat, conficit, faciem irru-
 gat, vultum eruditi hominis pallore immutat,
 omnemque illius decorem ac decentiam pro-
 trinus evertit, dum scil. obnubilat oculos, lin-
 guam in clamorem format, dentes acuit, manus
 calamis felle tinctis armat, cor accendit, san-
 guinem immutat, cholericam passionem indu-
 cit, morbos varios acerbissimosque creat, ipso-
 que Sancto Spiritu teste *vita dies imminuens, Eccles.*
ante tempus tristem molestantque accelerat 30. v. 23.
senectutem.

XIII. Tantam itaque malorum senti-
 nam, lites sc. immodicas non solum fugere de-
 bet literatus, verum etiam ad Socratis antea
 laudati exemplum operam navare strenuam,

ut aliorum pugnae ocyus dirimantur, litesque componantur, difficiliores praesertim & vehementiores. Quod si verò quis eo nondum assurgere audeat, ut aliorum contentiones è medio tollat, litesque componat, illud tamen absque extorqueat, rixosos non esse in iurgiis suis obfirmandos, illumque sibi nunquam revellendum canonem figat, quem Abbas Josephus olim apud Cassianum commendavit: *Siendum*

Cassianus sanè generaliter, illum partes agere fortiores, qui voluntati fratris suam subjicit voluntatem, quam eum, qui in defendendis suis definitionibus ac tenendis pertinacior invenitur. Ille enim sustentans ac tolerans proximum, sani ac validi, hic autem infirmi & quodammodo agrotantis obtinet locum, quem ita palpari necesse est, ac foveri interdum, ut etiam à rebus necessariis pro ejus quiete ac pace salubre sit aliquid relaxari. Sanè qui aliis ubique difficiles ac morosi, ubique asperi sunt ac contradicentes, nunquam ad vitam civilem decorumque humanæ societatis sese accomodant, quin potius gravi laborant defectu, & in periculosas adeò syrtes scopulosque impingunt, ut illicò collidantur, existatque ex ea collisione non scintilla tantum, sed & flamma, & ingens quandoque incendium. Perpulchre Basilus, homines ejusmodi non *LOQUE*

*Basil. M.
Homil.
21. quæ
est in di-
versa
scripta
(104.)*

ait

ait, sed LATRARE. Quod si in aliquem simili œstro percitum incidant, & veluti sopitum canem latrando excitent, tum demum utroque collatrante mirabilem oriri confusionem necesse est, cum neuter asperitate inferior videri volens, infeliciter palmam accerbior affectet & inurbanitatis, nec rarò à latratibus ad morsus & dentium infixionem veniatur. Abhorreat à pudendo hoc depravati animi caractere literatorum quilibet, atque deposita rusticà illa asperitate placidam & decentem cum aliis instituat collationem. Elegantissimè Epictetus apud Arianum; *Lacessè Epist. 2.* (inquit) *voluntatem meam & desiderium, pud A-* *ut spisso gramine ac lato uberique allici ovis rian. lib.* *ad pascendum solet. Quod si lapidem ut II. c. 24.* *panem apposueris, non invitabitur ad ve-* *scendum.* Ita nobis quoque sunt ingenerata cupiditates naturales ad disputandum, quando scilicet auditor idoneus nobis occurrat, quando provocat ipse. At cum tanquam lapis aut pabulum sese objiciat, qui potest hominis desiderium excitare? Vitis non hortatur vinitorem ut suam curam gerat? nonne id sua presentia & aspectu declarat, quod ei qui se coluerit sit profutura, atque eo ipsa invitat ad cultum? Puelli festivi

& argutuli, quem non provocant ad colludendum ipsis, ad unà serpendum atq; balbutiendum? Asino autem quisnam est, qui velit colludere, aut simul rudere. Tamen si enim & ipse sit pusillus, tamen asellus est. Equidem cum proximum pariter ac se ipsum acriter lædat contentionis labe pollutus literator, ericii que instar secum conversantem vehementissimè pungat atque vulneret, plerumque accidit, ut cane pejus & angue omnes prudentiores aculeati huiusmodi Draconis fugiant devitentq; consociationem. Nihil quip-

Chrysost.

hom 29.

ad pop.

Amioch.

pe (dicente Chrysostomo) rixoso ejusmodi homine insuavius, nihil gravius, nihil infestius, turpius nihil. Fera potius quam talis est cohabitandum; nam illa cum semel mansuefacta fuerit, suam servat legem, hunc autem quoties mitigaveris, rursus effertur, omnemq; concordia & socialis vitæ gratiam evertit Nil certius. Nunquam non enim suavissimæ concordia vinculum à contentiosis ruptum fuit Sophistis, qui instar canum alios allatrare, instar scorpionum innocuos pungeré, instar serpentum obvios quosque mordere instituerunt, pro perversi ingenii sui more ac consuetudine parcentes nemini, nec veneranda senectutis, nec vitæ laudabiliter transactæ, nec generis fideique aut charitatis christianæ ullam

ullam habentes rationem. Hinc mirum non est, quod virulentæ huiusmodi viperæ, molossique in furorem versi tandem se ipsos lacerent, & cum ab aliis neutiquam impugnentur, in propria sæviant viscera, tandemque miserè pereant, *falsim*, (notante Ambrosio) *omnem Ambros. perdant sapientiam, ut quid, quo ordine sit bon. de agendum omninò nesciant. Nimirum in- irâ.* *telligentia lumen ira contentioq; subtrahit, cum mentem permovendo confundit. Sic ipsa quoq; veritatis lux amittitur, cui enim menti iracundia tenebras confusionis incutit, huic DEUS radium cognitionis suæ abscondit.* Ita eleganter & verè Ambrosius, nec minus notanter Basilus M. scripsit, *pessimum istum, demonem nostris animis innatum, doctorum- que quorundam hominum interiora possidentem impedire spiritus sancti iter ad nos, atq; summam à DEO efficere alienationem.*

Hom. de irâ.

XIV. Explorata igitur morbi istius literarii naturâ ac pernicië, REMEDIIS, etiam ejus antidotisque perspectis tempus nunc est ut VERE FELICIS, h. e. sanitati integritatique mentis restituti, & à turpissima CONTENTIONIS labe divinâ ope liberati LITERATI ideam Orbis sistamus conspectui. QUIS VERE FORTIS? sic ex Ebræorum magistris quondam quæsit BEN SOMA, scitèq; respon-

In Pirke
Avoth

c. 4

dic: הכובש את יצריו *qui vincat concupi-*
scientiam suam. Equidem si nobis nunc esset
edisserendum, quisnam literatorum verè fortis
felixque esset prædicandus? bonis omnibus
consentientibus illum isthoc ormandum esse,
elogio diceremus, qui concitatos animi sui mo-
tus reprimere, & tristibus contentiosorum li-
teratorum casibus periculisq; perspectis, omni
studio morbi vitiiq; illius abominabilis mali-
gnitatem evitare didicisset. Fuit equidem hæc
semper constans omnium ferè Sophorum opi-
nio, cum esse ad literarum studia aptissimum,
qui sit quietissimus, & ab omnium certaminum
contentione remotissimus; quod mitissima
Musarum natio non audeat ad eum accedere,
cui immane ac ferox ingenium à naturâ conti-
gerit. Ut igitur mansuetissimæ illæ sorores
summâ animi voluntate hominem eruditum
complectantur, vel potius ut saluberrimâ cœ-
lestis spiritûs scatebrâ magis magisque ille re-
creetur, opera illi navanda est strenua, ut o-
mnes (quantum fieri potest) contentionum li-
tigiorumque devitet occasiones, ab ineptis o-
tiosisq; abstineat quæstionibus, atque optatæ
invigilare studeat quieti & tranquillitati, quam
certò certius obtinebit ac consequetur, si (jux-
ta sapientis cujusdam monitum) *litigantium fu-*
giat societates, nec quicquam facile vel ore
proferas, vel scripto proponas, ex quo alius
longam

longam capiat contendendi occasionem. Præ-
clarè Ludovicus Vives in eleganti ad sapien-
tiam introd. In differendo (ait) ne sis conten-
tiosus, aut pertinax, si verum audias, hoc poti-
us silentio reverere, illiq; tanquam divina rei
assurgito. Non prohibetur quidem liberalis
ingeniorum conflictus, utpote quo sapenu-
mero & veritas purior, & eruditio probatior e-
micuit, adolescentibus cum primis ista exerci-
tatio ad profectum est oportuna, ut à tenero
non reformidare homines assuescant neq; um-
bratili solum doctrinâ vitâque solitariâ sint.
contenti, sed in publicam aliquando lucem
prodeuntes, mentem paulò altius erigant, &
obtusum languidumque acuant ingenium.
Audient in literariis concertationibus multa
quotidiè probari, explicari, multa etiam cor-
rigi, & acriores ut plurimum ad studia faces ac-
cipient. Et quis veritatis sinceræq; doctrinæ stu-
diosus æquo animo ferat turpem sacrarum veli-
tationum contemptum, quo fascinati nonnul-
li, omnes de controversis fidei Religionisque
Christianæ capitibus decertationes plusquam
vatiniano prosequuntur odio, & veluti non
necessarias lites, imò vanas frivolas & noxias
logomachias prorsus averlantur? Quis laudet
maleferiati illius Politici consilium, quo omnes
Theologorum disputationes (quas meras li-
res & contentiones otiosas nuncupare non du-
bitavit) acriter prohibendas censuit, summis-
que

L. Vives
in introd.
ad sapi-
ent,

Confer
pistol de
Athei-
mi radi-
ce,

que elogiis Magnum Moscovitarum Ducem celebravit, quod non concedat cuiquam ut de Religione disputet, sique aliquos de sacris rebus disputantes deprehendat, ita eos puniat, ut loqui dediscant. Licet enim multæ velitationes ecclesiasticæ in acerrimas contentiones, altercationesque (ab ipso Apostolo castigatas,) degenerarint, indeque nomen illud tantæ expositum sit invidiæ, quin imò multæ de fide disputationes è superbo præmanarint spiritu, omnibus tamen eandem scribere dicam, atque cum sordibus ejicere infantem, nimis in humanum, nimisque barbarum videri posset institutum. *Quærat allophyolorum quispiam:*

I. Tim.

IV. v. 5.

*Par. in
vestibulo
Iren.
p. 4.*

Quid tot profuerunt disceptantium Theologorum litigia, nisi quod infestioribus subinde animis discessum sit, quam fuerat conventum, & acerbioribus dehinc scriptis lites de licibus fuerint sata & cumulata, vulneraque Ecclesiæ non sanata, sed exulcerata magis; ad animum tamē talis sibi eo quo par est studio revocet, idē infelicitē quandoque disputatum fuisse, quia infideliter, non tamen propterea bonam causam deferendam esse, quia infelicitē aliquando sit decertatum: plurimum sæpē effectum esse sacris de Religione disquisitionibus; prosperē nimirum celsisse Origenis cum Berillo hæretico certamen, siquidem illum Christo hâc ratione lucrifecerit; in aliis
vctu-

vetustissimorum Doctorum pugnis sæpenu-
mero victos discessisse heterodoxos, victum
fuisse Ariū disputante Athanasio coram. Probo
Judice, victum Pascentiū contendente cum eo
Augustino, qui solenni etiam biduanoque con-
flictu Felicem Manichæum eò adegit, ut simul
victum se totā præsente ecclesia sit confessus,
& pudendum Manetis damnarit errorem. Sa-
nè cum præter sobrios ejusmodi piosque de re-
ligione conflictus, vix ulla commodior oportu-
niorq; via ac ratio ex abyssu ignorantia emerg-
gendi, & ad solidam veritatis cognitionem de-
veniendi inveniatur, nemo facile musteis illis
muginatoribus locum concedet, qui omnes si-
ne discrimine de fide concertationes contem-
nunt, rejiciunt atque averfantur.

XV. Absit tamen omnis illaudata con-
tendendi libido, modestè potius verecundeque
agant ii qui bella Domini suscepere debellan-
da, in tractandis controversiis debitam lenita-
tem adhibeant atque mansuetudinem, ne uti-
quam verborū decertantes acerbitate, nec odio-
sè injurioseque insectantes adversarios, sed
placidè potius rerum momenta considerantes,
de veritate eruenda stabiliendaque unicè sint
solliciti. Adponamus memorabile Jo. Pic.
Mirandulani de hisce concertationibus ju-
diciū: *Profunt disputationes quæ placido ani-
mo ad vestigandam veritatem privatis in
locis exercentur, at illa obsunt plurimum,*
quæ

qua in propatulo sine ordine fiunt, ad capi-
 ptandam populi auram & imperitorum ap-
 plausum, vixq; potest fieri ut honoris cupidi-
 ni, quâ FRONTIVAGI illi disputatores
 exagitantur, inseparabili vinculo annexum
 non sit lethale vulnus animæ venenumque
 charitatis mortiferum. Quicquid au-
 tem in publicis ejusmodi concertationibus est
 vitii, quorundam est gloriosulorum, & famam
 doctrinæ captantium, non autem ipsius erudi-
 tæ Theologicæque disquisitionis. At mini-
 mē convenit illic humanos affectus obstrepē-
 re, ubi cœleste est omne quod geritur; neque
 congruum; in rebus sacris tractandis parum
 modestos & integros videri, quæ solæ verē mo-
 destos reddunt atque pacatos. Id quum omni-
 bus de Religione contendentibus, præcipue
 tamen orthodoxis est observandum, seculo ni-
 mirum hoc exulcerato & litigioso, ne quicquā
 scilicet sive voce sive scripto committant, un-
 de plurimi contra - & maledicendi decerpere
 possint occasionem, & sive suopte iudicio, sive
 alieno impulsu Religionis meditentur defen-
 sionem, simplici puroque & ab inordinato al-
 tercandi studio planē remoto id faciant ani-
 mo. Verū illi caveant, ne ullam cum dome-
 sticis ~~ut in pœdica~~ fidei publicē ineant
 sive de Thologicâ sive alia quapiam re concer-
 tationē. Quamvis enim in omni professionis ge-
 nere

nere semper liberū fuerit, in hisce duntaxat reb⁹
quæ ad religionis dogmata propriè non perti-
nent invicem dissentire, nec fraudi cuiquam vi-
tioque sit vertendum, si non promiscuè omni-
um adoret placita, sed diligentiori potius exa-
mine cuncta discutiatur; attamen cum tantā
sæpè hominis sit superbia, ut quicquid semel
exiderit, omninò ratum esse velit, nec facilè
cedat meliora docentibus, ira etiam invidiaque
ut plurimum atrociora adversus fidei & profes-
sionis ejusdem socios arma subministrat; hinc
multò consulti⁹ rectiusq; felix ageret litetatus,
si socio cederet contradicenti, quam gravi ani-
mi motu occupatus, ipse cum eodem in arenam
descenderet. Cæterum longissimè ab illauda-
to illorum recedat instituto, imò si fieri pote-
rit etiam consortio, qui unam vel alteram seli-
gere solent quæstionem, & huic tanquam gle-
bæ pertinaciter insidere, totumque impendere
tempus, dein rixati assidue, contendere, pugna-
re, ultra vexatiora quædam themata nihil am-
plius perquirentes. Alio plane animo piè lite-
ratus sacra faciat sapientiæ christianæ, placidā
potius mente delectetur atque doctrinā, veri-
tatem quærens non sectam, & exquisitam illam
observans methodum, quæ tum cognoscendie
rebus, tum dirigendis studiis aptissima videat-
ur; doctiorum etiam haud illubenter acquie-
scens iudicio, nec unquam talem sibi in Eccle-
siā aut Rep. literariā dicendi potestatem arro-
gans,

gans, quam sibi in foro sumunt caufidici, ut quicquid in buccam venerit pronuncient, vitet potius studio omni profligatam adeo temeritatem impudentiamque, & Prophetarum spiritus Prophetis subjiciendos esse planissime sibi persuadeat. Antequam in medium quidpiam efferat, cogitet quid, cogitet etiam cum animo suo, quâ veritatis specie conceptam statuere defendereque; opinionem possit, ac ubi eam edixerit, verecundiæ meminerit atque modestiæ, sine quibus eruditissimæ etiam utilissimæque disquisitiones in turpes altercationes pendendasque logomachias degenerant. Haud equidem gravate literati christiano illo demissionis spiritu præditi ferent sese admoneri, à doctioribus præsertim & melioribus, amicis etiam, pietate pariter ac integritate singulari conspicuis, illorumque luto haud quaquam coinquinatis, qui simulant amicitiam & necant, dum osculantur latus ense aperiunt, benevolentia in corripiendo speciem admiscunt, dum perniciem moliuntur; candidis potius & infucatis monitoribus aures faciles illi præbunt, nec qualiacumque dogmata & placita obstinatè defendent. Felix hoc nomine eruditi ideam Ictus & philologus insignis PETRUS CUNÆUS nobis posuit ob oculos, præclare alicubi de semet ipso scribens ad hunc modum: *Neque verò nos sumus tam superba impotentisque arrogantia, ut in tantâ communis natura*

*Petrus
Cunæus
in præfat.
libri III.
de Rep.
Ebraeor.*

tura imbecillitate solos nos superesse existi-
memus quibus interdum opus veniā non sit.
Hallucinamur omnes, alii gravia alia levio-
ra, nec est quispiam, qui tam benè animum
suum disciplinis obfirmavit, ut nihil fugere
eum possit amplius aut fallere, item: Per-
tinaciam pro opinione induere haud est no-
strum, Ipsi nos, si quando errores quosdam
nostros odorati fuerimus, sponte hanc gra-
tiam à nobis inibimus, & primi eos indica-
bimus, ne quis fortè studio nostri aut amore
deceptus, vitia nostra cæcis oculis prætereat.
Laudabile hoc Viri egregii exemplum ac insti-
tutum si omnes sequerentur eruditi, tot tantæ-
que litium & rixarum materiæ, tot de mi-
nimi momenti rebus pudendæ altercationes
paulatim penè interciderent, saltim vix aliquo
in Orbis eruditi angulo illarum exiguæ quæ-
dam reliquæ superessent. Præclarè Author
epistolæ ad Zenam & Serenum apud Justinum;
Si vera (ait) docet, parere ei debemus &
obsequi. Contentiosus enim Vir pecca-
tum suum conduplicat, & cum cedere debeat,
vult Cadmeam, ut ajunt victoriam vincere;
In causa est vana gloriæ cupiditas, dum ne
erratum fateatur, mavult opinioni suæ
quamvis periculosa acquiescere. Ridiculi

T:

enim

enim sunt, qui ut aliquid evincant, agunt
 quotidianis clamoribus, quos *ERIS* illa,
Philo de obiecto pome concitat. Moysen merito lau-
vita Mo- dat Philo Judæus, quod cum Assyriorum literas,
sis. Chaldæorum & Ægyptiorum lyderalem scien-
 tiam exactè didicerit, intactus à contentioni-
 bus nudam quaesierit veritatem, nihilq; præ-
 ter eam in omni vita admiserit; Alia longè
 mens illi fuit, quam pervicacibus quibusdam
 litigatoribus eruditis, qui proposita semel
 placita & dogmata sive probata sive impro-
 ba, mercenariorum causidicorum (jus omne
 & æquum negligentium) more defendere haud
 quaquam verentur,) ipsis interdum Genti-
 lium Magistris longè deteriores, quorum
Stobæus alius, Democritus sc. nullam non contentio-
Serm. xx. nem imprudentem esse judicavit, siquidem
 is qui hostem omni pacto lædere cogitet,
Epict. in propriam prorsus negligat existimationem at-
Enchiri- que utilitatem; alius (ipse Epictetus quidem)
dio. lites & contentiones ubique indecoras esse
 pronunciavit; alius laudante Stobæo appri-
Stobæus mè sibi cavendum duxit, ne contra quam sen-
Serm. 1. tiant, vincendi amore ac studio occupatus quic-
 quam afferat in medium; Cavebo [aiebat] ne
 contra quam sentio, quicquam statuam, aut
 vincendi studio contentionis foveam incur-
 ram, ac ne cum veritatis jacturâ etiam secus
 quam

quam ipse credo falsa argumentatione quendam decipiam, aut ad contendendum extimulem. Nec malè ZENON (ipso Philone ^{Philo} laudante) pronunciavit, non oportere Viros ^{Jud.} probos cum malis contendere, & Chilon do- ^{Tract.} ctos omnes ut litis miseriam effugiant gravissimè monuit. Multò magis à doctrinæ pietatisque christianæ professoribus omnis abesse ^{quod} deberet rixandi concertandique libido, appri- ^{omnis} mèque iis esset cavendum, ne turbatorum ve- ^{probus} rius quam defensorum nomine, rabularum po- ^{sit liber.} tius quam doctorum titulo compellari mercantur.

XV. Scitè quondam Timon Gymnasium Museumque Alexandrinum CAVEAM vocavit ^{Asben.} VIMINEAM, irridens scil. Philosophos, ^{lib. 1.} qui in eo velut aves pretiosæ alebantur. ^{Sic Gymnos.} (ajebat) *pascuntur multi in Ægypto populo-
losa libris pugnantes, & semper digladiantes in Musarum caveâ.* Videtur autem genus avium cui Timon literarios istos digladiatores contulit esse Gallorum, de quorum pugnaci natura Plinius ad hunc modum: ^{Plin. lib.} *im-
peritant suo generi, & regnum in quacunq;* ^{X. c. 21.} *sunt domo exercent, dimicatione paratur hoc
quoq; inter ipsos, nec finis sapè nisi commo-
rientibus. Quod si palma contigit, statim in
victoria canunt, seq; ipsi principes testantur.*

En elegans contentiosorum & φιλονεικίας morbo laborantium literatorum hieroglyphicum! en ejusmodi disputatoris acerrimi typum, qui describente Nonno :

Nonnus ἔγχε' ἔχων σῶμα θῆρον ἔπος ξίφει,
in Dio- ἀσπίδα φωνῇ.

nylib. 13. Pro hasta habet os promptum, sermonem
 pro gladio, pro clypeo vocem.

Luc. in
Ana-
charsi si-
ve de Gy-
mnasiis.

Et cum non Gallos solùm, verum cothurnices etiam ad certamina componi scripserit Lucianus, hinc quoque aptissimum literariæ æmulationis, earumque disputationum, quæ inter Symstas, fideique domesticos, imò inter ipsos interdum eruditionis Antistites instituuntur, symbolum derivabitur. Ter felix autem atque beatus ille dicendus est literatus, qui caveat ejusmodi vimineæ aut nunquam fuit inclusus, aut forte fortuna in ipso ætatis flore eò delatus, optatæ tandem & libertati & tranquillitati restituitur. Ad Magni sc. illius Basilii exemplum, qui Athenas studiorum gratia quondam accedens, teste Gregorio Nazianzeno, CONTEN-

Gregor.
Naz. O-
rat. XX.
in laud.
Basil.

TIOSIS potius quam doctis & argutis quæstionibus ab ipsis etiam amicis tentatus, magna quidem alacritate animi strenuos illos diglatores fuit insectatus, nec ante argumentationibus ferire destitit, quam prorsus in fugam convertisset, victoriamque haud dubiam adeptus fuisset: Attamen veræ christianæque philosophiæ amore

amore tandem captus imò velut è gravi somno
 expergefactus, ad supremæ scientiæ admirabi-
 le lumen respexit, & deplorata plurimum vitæ
 prius in litibus & contentionibus transacta.
 Doctorem ductoremque ad eam flagitavit di-
 sciplinam, quæ nil nisi veram solidamque spi-
 ret pietatem, quæ non rixosa, ac inutilium con-
 tentionum micis fatua, sed salutaris appareat
 ac utilis, quæ non uti Atheniensis illa sit So-
 phistica, ac otiosas & spinosas magis quam fru-
 ctuosas, plusq; futilitatis quàm utilitatis habentes
 sectetur quæstiones, easque tanquam singu-
 lares delicias, ac lautissimas epulas efflagitet,
 sed divina potius mysteria & cœlestia oracula
 avidissimè æmuletur, quæ sinceræ charitati so-
 ciata & humilitati alumnos suos non inflat aut
 argumentis armet sophisticis, sed auræ beni-
 gnioris perflet suavitate, perficiat non interficiat,
neq; (ut Seneca loquitur) *populare sit*
artificium, aut ostentationi paratum, sed
animum formet ac fabricet, vitam disponat,
atque fideli manu ductione sua, agenda pa-
riter ac omittenda demonstret. Ad talem ni-
 mirum animi formatricem sapientiam Ma-
 gnum illum Basilium aspirasse, ipse testatus est *Basil. M.*
 verbis alibi laudatis nec satis unquam celebran- *Epist. 79.*
dis: Ego sanè posteaquam multum temporis ad Eusta-
vanitati impendissem, & omnem propè ju- *rium Se-*
ventutem inani studio attrivissem, quo te- *bastia*
nebar, *Episc.*

*nebar , cum apprehendendis infatuata à
 DEO Sapiencia disciplinis immorabar ;
 Tandem aliquando, ubi velut ex gravi somno
 expergefactus , ad Evangelica veritatis ad-
 mirabile lumen respexi , agnovi^q inutilita-
 tem Sapiencia Principum hujus Mundi qui
 abolentur ; deplorata plurimum miserabilē
 mea vitā , ductorem mihi dari optabam , qui
 ad Pietatis dogmata me introduceret .* Hæc
 Doctor ille verè admirabilis , postquam ad ani-
 mum sibi revocasset miseras molestiasque
 CAVEÆ illius ATHENIENSIS , Magistro-
 rum item ac Sophistarum [magni olim à se
 æstimatorum] odia mutuā , ab invidia æmu-
 lationeque conflata non sine quādam notasset
 animi sui indignatione , quin imò observas-
 set , homines de summa nostrā felicitate , al-
 tissimāque animi tranquillitate præclarè dis-
 ferentes , nullam prorsus requiem invenisse ,
 sed mente modoque incondito circumagita-
 tos , iracundiæ continuis motibus efferatos ,
 in vanitatem totos intentos , nec de aliā re ma-
 gis , quam laudis gloriæque incremento fuisse
 sollicitos , tum inquam supremi luminis splen-
 dore collustratus , infatuata illius Sapienciæ
 tenebras agnovit , & fidelem ad pietatis dogma-
 ta hodogetam anxie efflagitavit . Neque ve-
 rò solus DEUM desideravit obtinuitque divi-
 nā

nā benignitate Basilius, verum etiam quotquot
divinæ gratiæ radiis illustrati, profanæ conten-
tiæque sapientiæ tristem atque luctuosam
faciem probe sunt intuiti. Hos inter præcipuè
est Magn⁹ ille Præsul Hipponensis AUGUSTIN⁹,
is cum diu multumq; Academicorum pariter ac
Manichæorum sophistarum ineptiis argutiis-
que defatigatus, nihil in iis nisi meros nodos,
laqueosque & labyrinthos inextricabiles de-
prehendisset, ac in sacro suo secessu svavissi-
mum quendam audivisset concentum, & voce
cœlesti de salute monitus, Paulinum arripui-
set codicem, inque verba incidisset sequentia:

Non in CONTENTIONE & EMUL- *Rom. XIII.*

LATIONE, sed induite Dominum JE-
SUM CHRISTUM : Mox divino a-
gitatus spiritu ad tantæ sapientiæ culmen de-
venit, ut soli DEO sua consecraverit studia,
publicam etiam Rhetoricæ deseruerit professi-
onem, NUNDINAS (ut ipse loquitur) LO-
QUACITATIS, nec amplius Juventuti bella
forensia & mendacēs insanias vendiderit, sed
veræ solidæque pietati strenuam navarit ope-
ram, donec ad optatam tandem verè FELICIS
LITERATI pervenit tranquillitatem, probeque
deprehendit, universam profanæ eruditionis
Rempublicam apertam vanitatis scholam esse,
inquā magna eruditorum hominum pars de-
clivinatūræ impetu in Contentionis gloriæ-
que inanis lutum prona, spiritum trahat inglo-

rium & anxium, multi eruditi quid agant nesciant, seque id nescire non nesciant, nihilque cœleste sapientes & divinum, cum nullis facile conveniant, ut qui secum dissideant perniciosissimè. Atq; exindè isti Augustini, pietati & tranquillitati suæ restituti, divinæque gratiæ radiis collustrati ignes : *DIRUPISTI VINCULA MEA, Tibi sacrificabo hostiam laudis, - Quis ego & qualis ego, quid non mali ego? Tu autem Domine misericors rupisti surditatem meam, tetigisti me, & exarsi in pacem Tuam, &c.*

*August.
Lib. IX.
confess.
c. 1.*

XVI. Eundem veræ felicitatis portum cum Basilio atque Augustino omnes attingent eruditi, si oculis perspicacibus omnem Mundi sapientiam intuentes, eam coram Deo abominabilem stultitiam esse sibi persvadeant, ejus sectatoribus nî respuerint miserè tandem sit succumbendum, & nî post intestina atque diuturna bella sedata, post deploratum pejoris vitæ statum, ad Augustini exemplum Sacrosancto se consecrent Numini, & meliorem temporis posthâc collocandi instituant rationem, cum B. Hieronymo occinentes : *Habeat sibi Roma suos TUMULTUS, arena saviat, Circus insaniat, nobis adherere DEO bonum est, & ponere in Domino fiduciam nostram; neque de vanæ profanæque doctrinæ copus*

copiis instruendis tantoperè amplius sint solliciti, & qualem alii in litibus serendis operam collocant, ipsi in minuendis, componendis, tollendisque contentionibus longè laudabiliori instituto impendant. Facile equidem cessabunt lites, ubi pars altera silere noverit. *Quod Philo lib. si aliquando (præclare ait Philo) majore vi de agro coactus in certamen descenderis, ne Te vincat. ci pudeat, sic enim demum si vincaris, victor evades, quando in hoc genere victor vincitur.* Eodemque sensu Plutarchus; *Non Plut. lib. enim inquit, tantum egregium est scire de ednat. vincere, sed etiam posse vinti pulchrum est, liberor. ubi victoria est damnosa, idemque confirmans Nazianzenus; Præstet ait honestè Nazian. vinci, quam periculosè ac nefariè vincere.* orat. 1.
 Quod si enim vincendi desiderio occupatus literatus, Satanæ, litium semina suggerenti aures commodaverit, dubium non est, quin operam ille daturus sit strenuam, ut ad regnum suum dilatandum oportunam capere queat occasionem, gravioresque indè discordiæ fluctus atq; maxima incendia oriantur. Ut ut etiam erudito ac Deo sacratio homini jus suum prosequi concessum sit, attamen ob levissimam quamvis injuriolam in aciem & dimicationem venire, ac de lanâ caprinâ, aut de hirundinis nidulo, aut de Parni scaphulâ vehementissimo animi

Tit B

con-

contendere æstu, admodum culpabile, maximæque dementiæ opus jure meritoque poterit nuncupari. Cum primis autem erudito declinandi sunt adversarii potentiores, inque litibus controversiisque literariis agitando se longè exercitatiores: Rarissima tunc victoria, si quæ tamen est, graviori longè damno est sociata; *Non linges* [ita divinus monuit,

Eccles. 6. Præceptor) *cum homine linguato, neq. in i.*
VIII. 4. *gnem illius struas ligna*, id quod optimè ipse quondam expressit Cato:

Contra verbosos noli contendere verbis.

XVII. Nec garruli duntaxat, sed iracundi etiam cane pejus & angve literato vitandi sunt adversarii, fatui item & arrogantes, qui ne tanti quidem æstimandi, ut cum iis in arenam descendere in animum inducat. Et cum difficilè admodum sit in ipsâ conflictus publici palæstra non irritari quandoque & irritare, opera omninò danda est, ut antea mens medicamentis quibusdam ita præparetur, ne quid ejusmodi committatur. *Disputationem*

Acontius de Sera.

tag. sata-

na lib. II

p. m. 70.

(inquit Acontius) *ingressuro perinde Tibi faciendum est atque fortissimo cui-
 piam Viro, & cautissime in singulare certa-
 men descensuro; is enim omnes feriendi co-
 gitabit artes; & ad singulas rationem de-
 fensio-*

fensionis premeditabitur. Ad hac cogitabit
quas corporis partes minus armatas habe-
at, aut in quibus majoris sit vulnus periculi
futurum, ut illis circumspēctius caveat. Tum
autem animum incertamen ita exacuet, ut
constitutum deliberatumq; habeat, aut vin-
cere aut mortem fortiter oppetere. Sic cogi-
tandum Tibi cum animo tuo est, quicquid in-
ter differendum accidere Tibi possit, ad a-
nimum tuum ira accendendum, offun-
dendamq; oculis caliginem, ac deniq; omnia
turbandum; ut quod convicia in Te collatu-
rus sit adversarius, quod impie Te aut im-
pudenter, aut sceleratè facere accusaturus
sit; quod appellaturus Te sit rerum omnium
ignarus, stupidum, bardum, quod irrisurus
Te sit homo nihili; quod verba tua cavilla-
tur; quod deniq; summa sit usus inso-
lencia; ac nihilominus certum tibi esse o-
portet, nulla re commoveri; quin potius sum-
ma lenitate patientiaq; instituta disputati-
onis filum ad finem usq; prosequi. Hujus-
modi animo cum acerbissimis adversariis hæ-
reticisque virulentissimis congressus olim est
B. Augustinus, omnesque injurias, offensas,
calumnias, licet gravissimas æquissimo exce-
pit

*August.
cont. III.
in Psalm.
36.*

*Hieron.
Ep ad
Asel. To.
II opp.
f. 36.*

pit animo, nunquam maledictum reddens pro maledicto, sed vel tacens, vel simpliciter quod falsum erat negans, gratias itidem DEO agens, ac pro iūmerito odio christianam rependens dilectionem : *Loquantur adversum nos [aiebat aliquando) quidquid volunt, NOS DILIGAMUS eos & nolentes; Novimus enim fratres, novimus linguas eorum, propter quod eis non irascamur. Nec minus præclare Hieronymus, adversariorum contentioforum virulentis spiculis petitus; Licet Sacerdos (elegantè ad Asellam scripsit) despicat atq; Levites, Samaritanus ille misericors est, cui cum cum diceretur Samaritanus es, & demonium habes, demonium renuens Samaritem se non negavit, - - Maleficum quidam me garriunt, titulum Domini servus agnosco. Magum vocant, & Judæi Dominum meum, seductor & Apostolus dictus est. &c. O si eadem æquanimitas moderatioque omnium eruditorum animis insideret, nec tanta illi verborum decertarent acerbitate, Satanam toties ad arma, ad rixas, ad dissidia, seditiones, & horrendas animorū convulsiones & collisiones concitandas accinctum neutiquam spectaremus. Non malè ad bella literatorum mutua applicari posset illud Cicero- nis de bello civili Caesaris & Pompeii effatum :*

Si aliquid de summa gravitate Pompejus, multum de cupiditate Caesar cum suis dimisisset, & pacem stabilem, & aliquam Rempublicam nobis habere licuisset. Sanè si quidā de ingenito animi sui fastu, præfidentiâque ingenii & eruditionis; alii de noxia contendendi, novasque opiniones disseminandi libidine remisissent, & pacem inter eruditos stabilem, & Rempubl. literariam tranquillam hæten⁹ nobis habere licuisset. Quanti id esset ad emollienda durissima quædam eruditorum hominum pectora momenti, si damna & pericula ex vehementioribus concertationibus promanantia, assiduè sibi ponerent ob oculos; si neutiquam soli sapere sibi viderentur, si præ se contemnerent neminem, præcipuè verò pudendam illam (quæ vehementer morosum reddit disputatorem) ultrò deponerent **ARROGANTIAMI**: Quid enim huic cum vera sapientiâ supremaque hominis eruditi felicitate commune? Quid pectore turgido elatoque miserius, quid gratius dæmoni? Cœnum id est, quo rugiens atque circumiens iste Leo infernalis præ sordibus aliis quam maximè delectatur. Quid aptius ad dirimenda omnia amicitia, consanguinitatis & religionis vincula, ad dissolvendas arctissimas etiam animorum necessitudines, denique ad evertendam devastandamque universam Rempublicam christianam? Hanc si eru-

si eruditi salvam velint & inconcussam, posito fastu, extinctoque pessimo illo contentendi altercandique pruritu, CONCORDIÆ studeant, pacem (ast sine veritatis detrimento) quarant efflagitentque sollicitè, mutua sese obstringant charitate, nulla quidem privata impulsu utilitate sed publica, ad quam ipsi unanimiter curas cogitationes studiaque omnia conferant, eadem velint, eadem nolint, eadem sacra habeant & profana, prospera & adversa, damna & compendia, curas & gaudia æqualiter partiantur, atque hunc certissimum optimarum mentium characterem, optabilem nimirum Concordiam summo studio custodiant. Felicem hoc nomine apprimeque beatum D. HIERONYMUM KROMAYERUM extitisse, alibi testatus sum, scilicet adeo in illo cuncta in usum expedita, lepore atque suavitate condita fuisse, ut raro quenquam offensum, conciliatos plerosque & melius instructos reliquerit, siquidem non ignoravit Vir & Theologus prudentissimus, orthodoxorum quorundam discordiam publicam gravissimarum calamitatum causam esse atque scaturiginem, imò malum antiquissimū, quo invalescente, universa res sacropublica in ruinæ extremæ constituta sit periculo: Nihil proin illo per omnem vitam placidius, nihil fuisse tranquillius, ubique pacata habuisse omnia, strenuumque defensorem veritatis, sed sine felle, sine verborum acerbitate agere consueville.

Confer
Templi
Hon. ed.
 1673.
 p. 408.

sueviffe. Ad cujus insignis Viri exemplum Doctores christiani tum demum se felicitatis literariæ apicem attigiffe credant, si imperturbata animi gaudeant tranquillitate, neque ullum cum rixis & dissidiis intestinis habeant commercium. Portum quippe tunc attigere verè felicem, atque latissimæ segetis prænunciam prosperitatem sunt consecuti. Hocq; fundamento nixi, eaq; perfusi suavitate ubèrius suis fruuntur bonis, & illustre literariæ excellentiæ specimen omnium sistunt conspectui, quin imò cunctis illis motibus angoribus & terroribus, quæ homines plerunque circumstant turbantq; superiores, divino tandem beneficio ad supremam perennemq; pertinent tranquillitatem. Tantum verò abest ut à salutari hoc imperturbatæ felicitatis scopo illi absterrent Doctores, qui flagrantem in aucthores schismatum & scandalorum ardorem ostendunt, ut potius viam ad scopum illum pertingendi cæteris ostendant, atque egregia, laudum præconia promereantur. Cum error apparet incorrigibilis, atque post medicinam suam desperatus habetur morbus, non malagmatum amplius placabilitate, sed cauteriorum opus est adustione, nec jam improbitas excusanda, sed suis potius depingenda est coloribus. Quamprimum insignis ille orthodoxiæ vindex Cyrillus Alexandrinus apprehendit, Nestorium ab errore suo blandis & amicis

micis verbis haud posse revocari, tum ille hominem jure meritoque armis aggressus est validioribus, conscriptisque *de rectâ fide & perversa Nestorij opinione* libellis, illum fraudis & imposturæ manifestæ convicit, suoque exemplo docuit, quanto fervore veritatis cœlestis *Hom. 34.* causam Ecclesiarû Antistites agere teneantur. *in Matt.* Ne queratur (præclare inquit Chrysostomus) *Vir sanctus, quod tanquam lupi in adversarios ruamus, sæpè sine victoria, qui tamen vinceremus, si oves essemus à pastoris officio non recedentes, qui non luporum sed ovium pastor est.*

XVIII. Quandoquidem verò frequenter accadat, ut qui naturâ moderati, humani, mites, à litibus & contentionibus sunt alieni, pusillanimitatis & tepiditatis obelo præter culpam suam notentur; ex opposito autem, ignea ingenia, & divinitus ad errores moresque prævios impugnandos excitata, immoderationis rigidæ, turpissimæque præcipitantia veru inique configantur, hinc probè advertendum.

D. Sam. quænam inter extrema ista Virtus, iusta gratæ-
Pomar. que DEO & bonis omnibus MODERATIO.
Diss. VII. NIS nomen obtinere queat. Quod ut tantò
de clarius appareat, Viro quodam egregio præ-
Moder. lucente genuinam Theologicæ moderationis
Theol. rationem tribus axiomatibus explicabimus:

(I.) *Sincera & seria sit, non simulata*

*lata & affectata; Dētorum sive Ecclesiastico-
rum sive Academicorum MODERATIO*

Non pauci equidem reperiuntur, qui verbis
pariter ac gestibus blandis animum ab omni
contentione præ se ferunt alienum, inprimis
quando versantur cum simplicioribus, quibus
desunt sensus exercitati ad boni malique di-
scernitionem; quodsi verò in quosdam à placi-
tis suis paulò alieniores incidant, animi adeò
inhumani, contentiosi, immitis ac lividi do-
cumenta dare solent, ut feris quam homini-
bus videantur esse similiores. *Sunt quidam*
(scitè ait Bernardus) mites, sed quamdiu agi-
tur vel dicitur pro eorum arbitrio; patebit
autem quam longè sint à verâ mansuetudi-
ne, si levis oriatur occasio. Pseudopro-*Matth.*
phetas quis haud abs re eos dixerit, qui in. *VII. 8,*
vestitu veniant ovium, sed intrinsecus lupi *15.*
sint rapaces; imò illiberalibus illis Tiberii
Cæsaris artibus potius, quam Christi præcep-
tis imbutos, siquidem de illo Suetonius scrip-*Sueton. in*
serit, quod singularem populi favorem *Mo- vita Tib.*
derationis simulatione captaverit, licet iracun-*c. 57.*
di & crudelis fuerit animi. Eiusdem farinae
hominem Leontium Arianorum Episcopum,
Antiochenum fuisse, ex Theodoretò discimus, *Theodo-*
qui scilicet Moderatoris personam induerit, *reus lib.*
atque sub splendido isto titulo diversas con-*II. Hist.*
ciliare laboraverit religiones, ast mox in dis-*Eccles.*
sentiep- *c. 24.*

edit. Pa-
ris. ab H.
Valesio.
1673.

sentientes ab opinione sua fera instar intulicrit,
& à verâ animi moderatione longissimè fuerit
alienus. Ipsum Theodoretum H. Valesio in-
terprete, de egregio illo Moderatore Leontio
audiamus disserentem : *Breviter ait versutiam
ejus ostendam & fraudulentiam : Cum esset
particeps Arianae blasphemiae, morbum illum
occultare summo studio nitebatur. -- Sed e-
jus sententiam facta ipsa apertissimè decla-
rarunt, quotquot enim Apostolicam doctri-
nam sequebantur, nullam ijs curam nec or-
dinationem imperiebat, Ariana autem,
vesania participes, summam sub eo naçti
sunt licentiam -- Nec ulla res Leontium
adducere potuit ut malitiam suam corrige-
ret, sed sub MODESTIÆ ac MANSUE-
TUDINIS LARVA nequitiam occulta-
vis, eos enim qui perversam fidei doctri-
nam amplexi fuerant, licet alioqui vitæ es-
sent turpissima, in presbyterorum tamen ac
diaconorum ordinem promovebat, eos verò
qui Apostolica doctrina mordicus adhare-
rent, inhonoratos relinquebat, quam ob
causam Clerus quidem plerosq. habuit here-
tica labe contaminatos &c. Ad cujus Leontii
exemplum non pauci moderati audire gesti-
unt, ac mansueti, licet naturâ pariter ac assue-
factio-*

factione continua nihil minus quam tales existant, sed Contentiosi potius, ambitiosi ultionisque & utilitatis propriæ sitientissimi, iræ etiam retinentissimi. Caveat sibi verus Christi minister à pudendo hoc simulationis vitio, imò ipsiusmet diaboli evidentissimo charactere, veram & infucatam potius animi moderationem dictis factisque exprimat, priusquam aliis præscribere audeat christianæ mansuetudinis leges, ejiciat larvatam omnem & e mentitam lenitatem, DEUM hominesque fallere laborantem, candorem potius & simplicitatem diligat secteturque, exemplo illius, qui odio habet *Prov. VI.* omne cor dolosum, secreta rectorum inspicit, *ψ. 18.* eadem suo tempore in lucem producturus. *I. Sam.*

(11.) Axiom. *Neutiquam in Teporem VI. ψ. 7.*
atque servilem demissionem abeat prætensa moderatio: Tametsi tranquilla docendi ratio multis nominibus vehementi & severiori sit præferenda; cane tamen pejus & angue fugiendus [Theologo cumprimis] tepor est, DEOque valdè exosa timiditas, quâ laborantes plurimi, atque mansuetorum laudem captantes, toti ab alieno pendent nutu, ne scil. in suo officio inquietentur, mundi que & diaboli odia sustinere cogantur, sed apud universos in honore amoreq; habeantur. Quid miseranda & servili illa submissione tetrius, quid hypocritico tepidoque ejusmodi Doctore deterius?

Vv

Nihil

August. Nihil est in hac vitâ & maxime hoc tem-
Epist. 148. pore facilius & letius Episcopi aut Pres-
 byteri aut Diaconi officio, si profunctoriè
 atq; adulatoriè res agatur, sed nihil apud
 DEUM miserius, & tristius & damnabilius.

August. Videant DEO sacрати Viri, ne unquam in u-
Tract. tramque claudicent partem, neve irrumente-lu-
 po (moderationis cujusdam prætextu) taceant,
 46. in cedantque, ne ejusdem Augustini ingratam,
Johann. hanc exaudire olim cogantur cantilenam:

*Ecce lupus ovi guttur apprehendit; diabo-
 lus fideli adulterium (hæresin) persuasit,
 tu taces, non increpas, o mercenarie! Iupum
 venientem vidisti & fugisti; Respondes fortè &
 dicis: Ecce hic sum non fugi, fugisti quia ta-
 cuisti; tacuisti quia timuisti: Fuga animi ti-
 mor est, corpore stetisti, spiritu fugisti. Et*

Greg. M. istud Gregorii M. veniunt lupi, fugiunt
Hom. 14. dum se sub silentio abscondunt, dum tacent

in Evang. cum resistere deberent. Insignem quendam
confer. avi hujus Theologum in Templo Honoris

Templ. laudavimus, quod verè gloriari potuerit, se ab
Honor. eo tempore quo in DEI Ecclesia Oratorem

P. 42. egerit, maximo semper studio quæsisse, ut nec
 in FRIGIDORUM nec TEPIDORUM
 Doctorum ordine inveniretur, sed FERVI-
 DORUM, qui justo pietatis zelo pro reli-
 gione dimicent & fidei veritate, eandemque,
 peri-

pericula nulla extimescentes confiteantur defendantque pro viribus. Verè equidem in tales quadrat cœleste illud elogium, quod FERVIDI sint infaciendo officio, singularique zelo & fervore Spiritus Sancti moti, masculè adversus hostium cohortes dimicent, nec quicquam omittant, quo veritatis cœlestis doctrina asseri propugnarique possit. Tales insuper in nulla non officii sui parte sunt constantissimi, impavidum semper retinentes animum, pro nihilo habentes sophistarum ineptias, rationisque curiosæ quisquilias, utpote quæ verbi divini fulgore, non secus ac tenebræ Solis meridiani radiis discutuntur.

(III.) *Neg. Auctoritatì Doctòris quicquam composita sedataq. deroget docendi vel agendi ratio.* Hanc enim cum sæpè contemptus excipiat ac vilipendium, nec infrequenter ut homines simplices despiciantur ii, qui vel ex insitâ naturæ bonitate, vel exercitatione assidua christianæ moderationi singularem navant operam, imò personæ contemptus non infrequenter gravissimum ipsi etiam officio accersat opprobrium; hinc tale lenitatis atque severitatis temperamentum est adhibendum, quod supremi Regis Ministros quammaximè deceat, dictisque eorum ac monitis pondus egregium adjiciat: *Sollicita nimirum circumspèctione est providendum, ne aut districtio rigida,*

Vv 3

aut

Gregor.
Naz. O.
rat. XX.
in Laud.
Bas. M.

aut pietas sit remissa, scil. ad Basilii M. exemplum, quem Gregorius Nazianzenus insigniter prædicavit, quod humanitati iustitiam, austeritati verò placabilitatem sociarit, quo de egregio virtutis utriusque temperamento sub finem præcedentis commentationis disseruimus.

(IV.) *Divinitus concessio orationis dono ad discendum docendumque, non verò ad contendendum literati utantur.* Quisquis enim seriò operatur Sapientiæ, inutiles averfatur contentionum litigiorumque tricas, nec donis sibi concessis superbè ad dissidendum contendendumque pertinacius abutitur, sed ad docendum modeste, non eum victoriæ gloriæque præposterum tenet desiderium, sed fructus potius, seu amor puræ nudæque veritatis.

Def. Eras-
mus⁹ Gom.
IX. opp.
p. 997. *Atq; hoc ingenium mihi malo*, (ita cum Def. Erasmo felix ex infeliciū contentionumq; periculis & casibus ait literat⁹) *quam quo vides quosdam esse præditos, ut impotenter addicti sententiæ, nihil ferant, quod ab eâ discrepet; sed quicquid legunt in scripturis, detorquent ad assertionem opinionis, cui se semel manciparunt: Sicuti juvenes, qui puellam amant immoderatus, quocunque se vertunt, imaginantur se videre quod amant. Imò, ut, quod est similis, conferam*

feram, quemadmodum inter eos, inter quos
 in erudit pugna, quicquid forte ad manum
 est, siue cantarus sit, siue discus, in telum ver-
 titur. Apud sic affectos, quod obsecro po-
 test esse sincerum iudicium? aut quis ex hu-
 jusmodi disputationibus fructus, nisi ut uter-
 que ab altero consputus discedat? Semper
 autem erunt quam plurimi tales, quales de-
 scribit Petrus apostolus, indocti & instabiles,
 qui depravant Scripturas ad suam ipsorum
 perditionem. Ita Erasmus, cui consentien-
 tes eruditorum hominum alii, præclare obser-
 varunt, zelum amarum viris bonis malorum
 multorum sementem facere, si qui potestatem
 ei zelo adjunctam habeant, vel genio sint ad
 nocendum prono, ac scabie notandi pruriant,
 vel quæ sua sunt quarant, non quæ J E S U
 CHRISTI; non Justitiæ sed causæ suæ velli-
 ficantes: Judacium id vitium esse notatum à
 Justino est in dialogo: Acti enim cacozelia Ju-
 dixi nascentem Christi Ecclesiam, specie hono-
 ris DEI, & tuendorum Mosis institutorum in-
 sequebantur, perversè ac malignè in christia-
 nis criminantes omnia, velut muscæ ad ulce-
 rosa [si alicubi occurrerent] advolantes, & fe-
 stucas in trabes mendaciter amplificantes, cum
 ne umbra quidem innoxii inesset. A quo pessi-
 mi animi caractere tantoperè semper doctiores

Conf.

Theoph.

Rayn. in

Apopom-

pæo. siue

Tom. opp.

posthumo

p. 304.

Seneca
lib. III.
de ira
c. 36.

& meliores abhorruerunt, ut in publicis etiam contra adversarios disputationibus nunquam voluerint verborum decertare acerbitate, sed placidè semper momenta rerum consideraverint. Seneca in examine sui cottidiano admonere se ipsum solitus fuit: *In illa disputatione pugnacius locutus es, noli postea con- gredi cum imperitis, nolunt discere qui nun- quam didicerunt.* Quem Felix ex verâ animi tranquillitate Literatus haud malè, nec infructuosè imitabitur, si contentiosorum hominum fugiat consortia, eaque confectetur diligentius, quibus melior, non verò in contendo acrior evadat. Uti medicinæ nullus usus est, nisi morbos à corpore depellentis, pariter nec artis disputatoriæ, nisi animi errores sanantis. Si piè- literatus videat illam à nonnullis ad ingenii sublimitatem ostendendam adhiberi, alios catulorum instar vellicationibus tantum lacerationibusque oblectari, solus ille seriò philosophetur, curaque singulari disputandi donum ad usum longè præstantiorem referat, ut DEUS nimirum juxta revelatâ veritatem rectè agnoscatur, agnitusque ex verbi sui præscripto sincero cordis affectu colatur. In arenam ab aliis provocatus, contra adversarios ita pugnet, ut omnes intelligant, dilectos à se homines, suffocatos autem errores, ac sine sævitia certatum pro veritate fuisse. Deniq; illud Mi-
nutia-

nutianum etiam atque etiam consideret : *Beati Minutius*
satis, satisque docti erimus, si secundum il- in octav.
lud vetus Sapientis monitum, NOSMET
IPSOS FAMILIARIUS noverimus,
neque CONTENTENTES cum aliis, *EB-*
RATA PROPRIA prætervolemus, & quod
scitu *SUMME NECESSARIUM,*
turpiter ignoremus.





COMMENTATIO VI.

DE

MALEDICEN-
TIA
LITERATORUM.

I.



ALI CORVI MALUM O-
VUM : Pestilentissimæ CON-
TENTIONIS LITERARIÆ pro-
prius atque genuinus [non verò
ingenuus] fectus est MALEDI-
CENTIA, sive Detractio, morbus eruditorum
quorundam hominum voluntarius, potensque
& furens perturbatio, Viros præclaris animi do-
tibus variæque doctrinæ copiis instructos ita
sæpè invadens, & de bonæ mentis statu dejici-
ens, ut belluarum venenatarum (veluti ser-
pentum & viperarum,) imò dæmonum po-
tius, quam hominum sanâ ratione præditorum
imagi-

imagines referant, ac ea propter bonis cordatisque omnibus sint execrationi. Quod si enim pensi nihil habent optabilioris, quam ut in lapsus auctorum involent, omnesque carpant mordeantque pro lubitu, non hominibus sed vulturibus [qui putridis carnibus laucius pascuntur,] imò corvis ipsis existunt similes, qui avidioribus in cadavera rapiuntur rostris. Est agrestis adeò inurbanusque; ejusmodi literatorum tumor, ut non nisi turpi pudendaque obtreptione famæ inhient inanitati, tantaque in configendis alienis monumentis libertate utantur, ac si ab omni errore labeque ipsi essent immunes. Pessimo equidem hoc insidiarum genere utitur dæmon tum ad capiendos, tum ad vexandos atque perturbandos eruditos, immittendaque in eos odiorum ac inimicitiarum perpetuarum semina; *Nimirum*, ut scitè eleganterque more suo Magnus alicubi scripsit, Gregorius: *Contra duos (literatos) bellum movet hostis ille callidus, unum videlicet inflammans, ut contumelias læsus reddat, sed quia ejus jam victor extitit, quem ad proferendas contumelias commovit, contra illum acrius dolet, quem ad reddendas injurias commovere non potuit.* Verum frequenter accidit, ut adversariorum maledictis provocatus læsusque literatus, & ipse exardescat, damnorum injuriarumque jacula ad animum

nimum sibi revocans, hostiumq; maledicta vehementer exaggerans, quæ cum intolerabilia esse existimet, tanto interdum furore conturbatur corripiturque, ut æque horrendas, imò deteriores etiam contumelias rependere constituat. Quid, quod privata ejusmodi detractiones sæpenumero in publicum eant detrimentum, præsertim si maledictis sociorum DEO sacratus homo impetitus, turpi quodam scelere credatur contaminatus, atque ita auctoritatis suæ omnem faciat jacturam, ac rectiora suadens, fidem apud alios minimè inveniat. Tunc juxta egregium Magni Basilii effectum, tribus simul damnosus evadit maledicus ejusmodi Doctor, atque callidus artium, sed il-liberalium magister; *Nimirum illi injurias est quem traducit, & auditori suo, & sibi met-ipsi.* Trifidum hinc telum haud absre dixeris petulantem detractionem, aut tormentum æneum triplici ferrea glande fulminans, tres velut uno enecans incursu, vel ut scitè Bernardus; *Nunquid non vipera [inquit] est lingua ista? ferocissima planè, quæ tam letaliter tres inficit flatu uno. Nunquid non lancea est lingua ista? profectò acutissima, ut quæ tres penetrat ictu uno.* Et quemadmodum Basilisci vis etiam sine morsu vel solo aspectu est perniciosissima, ita maledicus literator, clam falsas accusationes auribus alio-

aliorum instillans, licet nullo palam infixi
 morfu, acerbissima tamen infligere solet vul-
 nera, cum scil. alienam famam semper lacerat
 cæcis ut plurimum viis, & improbissimis quibus
 plurimum potest artibus, veluti latens vipera
 in occulto sua coquit venena, inque iis omni-
 bus, quibus aliqua humanæ felicitatis pars con-
 tinetur, ferales studet extruere nidos. Graphi-
 cè hanc viperam descripturus Ludovicus Vives
 in sua ad sapientiam introductione; *Non fa-
 cundiam [ait] exerceas caninam, nec disertis lau-
 dem affectes in alienam contumeliam, in quem in-
 fantem & mutum esse satius est.*

II. Vetustissima cheu hæc pestis erudi-
 torum est, à quâ præstantissima (uti diximus)
 ingenia ita sæpè correpta pariter ac corrupta
 fuere, ut alios gravissimis laceßere conviciis,
 & per eorum depressiones ad famæ sublimio-
 ris fastigium tendere non dubitaverint. Ip-
 se ille, qui inventorum diligentia & acumine
 omnes quondam antecessit Philosophos, Sta-
 girita nimirum, præterivit neminem anteces-
 sorum suorum; quem non carperet, tantum
 in se derivatum iri gloriæ ratus, quantum a-
 liis omnibus ademisset, quasi sublimior esset
 cæteris, acutiusque & longius prospiceret.
 Cum Asinius, teste Quintiliano, pati non pos-
 set sibi quenquam præferri, totus in scripto-
 rum monumentis allatrando fuit occupatus,
 ipsos Cæsaris commentarios ab omnibus tanto-
 perè

*Conf. Lu-
 dov. Viv.
 de causis
 corrupt.
 art. lib. 1^a*

perè commendatos, acriter reprehendens, quasi parum diligenter, nec integra veritate sint compositi. In Salustio verba carpebat obsoleta, in Cicerone stylum nimis exanguem & elumbem; Livio objecit quod peregrinus esset, longiusq; à Latio versatus, &c. Sic & Cæstium quondam nasutissimum quidem, sed nullius ingenij hominem doctioribus omnibus, Ciceroni præsertim valdè infestum memorant. Zoilus quoque Amphipolites Sophista hoc potissimum facinore fuit nobilitatus, quod Homerum poëtarum omnium Principem libris aliquot incessere non dubitarit, inde *ἑμπερομαστῖνος* cognomine notatus, quod ipsum etiam in proverbium ita abiisse constat, ut omnes nobilium auctorum castigatores, præmii quasi loco turpem ejusmodi mastigum retulerint appellationem, mox Vergiliomastiges dicti, ut Pero, mox Ciceromastiges ut Gallus Asinius, Didymus, & Largius Licinius, qui M. Tullium parum integrè, sed improprie potius & inconsideratè locutum fuisse judicarunt. Quin imò Ciceroni ipsi eadem maledicentiæ atque incontinentiæ nota fuit iniusta, postquam in spectatos quosdam Viros, cum primis C. Jul. Cæsarem ejusque auctoritate lectos Senatores suæ mordacitatis dentes stringere non dubitavit. Verum in pudenda ista Maledicentiæ palæstra Oratores & Philosophos longissimè olim Poëta superarunt, utpote qui
data

data opera omnes Theonino dente (quæ ipsa phrasis Theoni cuidam, rabiosæ loquacitatis petulantissimæque maledicentiæ Poëtæ suam debet originem) rodere atque virulentis convitiis lacerare consueverunt. Eum præcipuè in finem Hipponax Jambographus ille Ephesius, autore Dionysio (Halicarnasseo trimetrum Archilochium de industria in Scazon-*Confer. Plin. lib. 36. cap. 5. & Eras. in Ada- giiis.* tem infregit, quo inimicos laceraret acerbius, cunctosque fortius feriret. Sicuti & Archilochum ex Paro insulâ Poëtam primum Jambo ad maledicendum contra Lycamben socerum usum fuisse; Theocrinen verò primum tragicarum actorem, dein calumniatorem & sycophantam (unde Demosthenes Æschinem tragicum nuncupavit *Theocrinem*) extitisse accepimus. Memorantur etiam Flacco mordaces valde & denigrantes Bionis Poëtæ sales, de quibus ait:

- - *Hic delectatur jambis,
Ille Bioneis sermonibus, & sale nigro.*

Id est (Gomesio interprete) *carmine mordente, ac alio à denigrante famam.* Apuleo nonnulli maledicebant, inq; Magiæ eum trahebant suspicionem quod Poëticam calleret; *Quid ad magica maleficia quod ego pueros Scribonii Lol- Apul. cei, amici mei, carmine laudavi? An apol. 1. idèd magus, quia Poëta? Quis unquam fando audivit tam sinistram suspicionem?*

tam aptam conjecturam? tam proximum argumentum? Longum nimis esset commemorare singulos, qui ad Medii illius adulatoris Regio-Alexandrini exemplum, in optimum quemque & convitiis tela vibrarunt, & aliis idem ut facerent authores fuerunt; *Nam*

Confer. *etiamsi* (dicebat homo ille pessimus) *vul-*
Cælest. *nus persanarit ejus in quē morsum infixeris,*
Rhod. *nihilominus cicatricosus deinceps apparebit*
lib. XV. *Antiq. locus.* Non malè hinc Muretus Poëtas apibus
Lect. cap. comparavit, quod sint aculeis armati, & mella
 25. *amœnæ* scriptionis præferentes; Crabronibus
Muretus rectius contulisset, aut vespiis, cum versibus
Lib. VIII. tantum nonnunquam inimicis suis dolorem.
Var, cap. immiserint, ut ex eo miserè occubuerint.
 1.

III. Sicuti verò Philosophorum, Poëtarum & Grammaticorum veterum præcipuum fuit probrum luto conspergere obvios, & maledicere melioribus; ita HÆRETICIS olim adeò familiare fuit, ut insana quasi mordendi impetigine etiam supra ipsos gentilium magistros laborarint, atq; juxta Plinianum illud: *Minium icci, omnia compleverint fragoribus.* Quanta bone DEUS odii spicula & maledicentiæ jacula Novatiani evibravere in innocentem sanctumque Romæ Episcopum & Martyrem Cornelium, masculè sese nefandis eorum conatibus opposentem; Valentiniani & Marcionitæ in Irenæum, munitiones pessimas

mas explorantem, arma examinantem, vires
 expendentem, & graviter retundentem; Ari-
 ani in Athanasium, quem [dicente Fulgoso]
 nec vitæ sanctitas, nec doctrina protexit, quin
 à multis Episcopis Arianis ceu magus atque
 veneficus apud Constantium Augustum accu-
 saretur. Neque sic tamen satiata immanis ob-
 trectandi libido, asserere non dubitavit vi-
 illum doloque cathedram Alexandrinam oc-
 cupasse, Imperatori parasse insidias, trucidasse
 Arsenium, aliaque nefanda patrasse crimina.
 Quanta ignominia Nestoriani, fraudis & hære-
 scos manifestæ convicti, affecerint Cyrillum,
 magnanimum; quantum diligentia Eunomi-
 us in maledictis adversus Basilium Magnum
 ejaculandis posuerit; quibus diceriis convi-
 tiisque Hieronymum lacerarint professi hostes
 veritatis evangelicæ; quanta ferocia Augusti-
 num alia atq; alia hæreticorum agmina sint in-
 sectata, notius est quam ut prolixa opus sit de-
 ductione. Mox è Pelagianorum legione Ju-
 lianus adversus eum [quem postremo nomina-
 vimus loco] horrendis & gravissimis pugna-
 vit convitiis, mox Secundinus Manichæus
 ambitionis notavit stigmate, Augustinum id-
 circò ad fidem catholicam accessisse dictitans,
 ut Episcopus fieret, mox acerbissimo scripto
 eundem de Arianorum grege aggressus est Co-
 mes Pascentius, atque inter alia hunc compul-
 lavit in modum: *Dignatio tua est sicut furens*

Conf. e- nimio calore accensus, si invenerit aquam,
pist. Aug. cœnosam, & se inde ingurgitaverit; postea
 176. etiamsi limpidissimam & frigidam reperi-

ens biberit, non satis proficere potest, quan-
 doquidem cœno semel ejus cor & anima ob-
 ruitur. Quid non mendacii adversus eundem
 fidei & pietatis sinceræ Doctorem excogitavit
 Petilianus Donatista, eo præsertim consilio ut
 populum DEI à fideli suo pastore averteret?

Confer. Presbyterum (dicebat) fuisse Manichæo-
August. rum, esse Tertullum S. Pauli accusatorem,
 lib. 3. furem suorum verborum, habere Carnea-
contra diæ Academici damnabile ingenium, quod
 lit. Pe. possit omnia incerta, & nigras nives cum
 ril. c. 17. 18. 19. sint alba facere. Ad quæ enormia op-

probria Vir maximus respondit egregiè :
Si & ego Tibi vellem pro maledictis maledi-
cta rependere, quid aliud quam duo maledici
essemus, ut ii qui nos legerent, alii detesta-
tos abjicerens sana gravitate, alii suavi-
ter malevola haurirent voluntate. Sa-
 nè si idem animus cunctis semper insedisset.
 Doctoribus christianis, si paria æquanimittatis
 documenta in scriptis suis cristicis ipsi Litera-
 torum PRINCIPES dedissent, multò majorem a-
 pud Deum & bonos quosq; iniissent gratiam,
 nec propriæ minus privatæque, quam publi-

ea tranquillitati optimè consuluissent. Non-
 ne probrosum valdè, quod Celsus apud Orige- *Originem*
 nem Doctoribus christianis plusquam hostiles *fin. lib. I.*
 exprobrarit digladiationes? id verò non chri- *contra*
 stianum sed plebeum, veròq; Philosopho indi- *Celsum.*
 gnum vitium, imò manifesti furoris indicium
 esse Origenes pronunciavit, nihilomin⁹ tamen
 nobilissima quædam inter Christianos ingenia
 isto furore ita sunt correpta & corrupta; ut
 [Ludovico Vive dicente] *melius latrones inter* *Ludov.*
se quam scriptores christiani convenire vi- *Vives*
deantur. Nihil sine maledicentia vel di- *lib. 3. de*
 cere nonnulli possunt vel mandare chartis, *craden-*
 nulloque artificio infrunitum coercere tala- *dis di-*
 dum, immemores planè moniti illius saluber- *scipl.*
 rimi, quod Magnus Chrysostomus hisce sug- *Chrysost.*
 gessit cedro dignissimis verbis: *Ne maledixe-* *Homil.*
ris, ne Te ipsum polluas; nec lutum conte- *in Psal. 1*
xueris cum luto & lateribus, sed coronas ex- *49. adil-*
rosas & violis & floribus reliquis; nec ster- *lud: Os*
eus ore tuleris quemadmodum scarabæi, id e- *tuum*
nim faciunt qui maledicunt, ut qui ipsi fæ- *abunda-*
torem primi sentiant, - - omnes enim a- *vit mali-*
versantur maledicum, ut illum qui lutum *tiâ.*
redoleat; ut hirudinem, quæ sanguine, sca-
rabæum qui stercore, alienis malis aluntur.
 O quam immensum hirudinum hujusmodi, &
 scarabæorum (si opus esset) numerum inire,
 possemus, dareq; consignationem ! *IV.*

*Bartolus
charact.
lib. p. II.
p. 223.
segg.*

IV. Quis verò credat (ita appositè Bartolus, pronum literatorum ad obtrectandum aliis genium, insitamque ad id ingenio humano pravitatem delineaturus) in famam garrere alienam tam dulce sapere, ut hoc semel experti, semper deinceps avidè repetant? Leo ungues cruentos si lambere caperit, exinde perpetuò sanguinem esurit. Succis primoribus obtrectationis qui palatum & linguam semel imbuerunt, linguâ malint carere in posterum, quam dièteriis abstinere, nec prius ab iis desinunt, quam desinant vivere. Minuit illos non rarò senectus decrepita capite ac sensu, lingua aculeis ac punctiōibus vix unquam; ut nunquam rubos veteres orbat suis spinis hyems, etsi frondibus exuat, & ornatu. Sunt isti ut plurimum acuti naturâ, sed mittendis solum in alios jaculis; nunquam melius loquuntur, quam cum pejus; nunquam luculentius quam dum urunt. Tota illorum industria in diètis & jocis mordacibus, quibus parandis ingenium non minori fatigant sollicitudine, quam orator græcus in efferenda litera caninâ. Audire istos Minippos, Leilos & Momos in alieno ludentes corio musica

*sica instar est, (adeò lepidè id agunt) non, qualem Pythagoras observarat in numeroso malleorum percussu, nam habent eorū calami plus de vulture quam de cygno. Parte altera fundunt scribendo atramentum, alterā toxicum, qui erat Demosthenis stylus: imò atramentum ipsum est toxicum, quod ea venenat nomina qua scribit. Ex quo similiter ut ii qui veneno extinguuntur, nigra & livida in scriptis eorum apparent, infecta venenatis ipsorum obtreccionibus & dictis illa nomina. Ad hunc planè modum illustre BERNARDI Claravallensis nomen, olim * Berengarius quidā Scholasticus Abaelardique sectator extinguere, & nigra, quadā lividaq; epistolā (pro Abaelardo apologeticā) conspurcare minimè dubitavit. Obstupui equidem steteruntque comæ, cum copiam ejus inter Abaelardi opera primò reperissem, & quantam infrunita maledicentia in maximos etiam Viros sibi arroget licentiam, ex eo specimine didicissem: Sperabamus (ita pessimus ille obtreccionator non multum ab*

Xx 3 initio

* Berengarii hujus Scholastici epist. contra Bernardum Clar. primum cum opp. Abaelardi prodiit Paris. 1616. legiturq; pag. 302. & seqq. cui, quod mireris mitissimus Bernardus ne verbum quidem reposuit.

initio scribebat, Bernardum ejusce criminis reum peracturus, cujus ipse potius peste laboraverat) in lingvæ tuæ arbitrio cœli sitam clementiam, æris intemperiem, uberratem terræ, fructuum benedictionem, caput tuum nubes tangebant, & juxta vulgare proverbium rami tui umbras montium transcendebant - - Nunc prohdolor! patuit quod latebat, & colubri soporati tandem aculeos suscitasti. Omisissis omnibus, Petrum Abaelardum quasi signum ad sagittam posuisti, in quem acerbitatis tuæ virus effunderes, quem de terra viventium tolleres, quem inter mortuos collocares. Corrogatis undecunq̃ue Episcopis, eum in Senonensi Concilio hæreticum pronunciaſti, ab utero matris Ecclesiæ velut abortum præcidisti, in via Christi ambulanti, tanquam SICARIUS de occulto prodiens, tunica inconsutili spoliasti. Concionabaris ad populum, ut orationem funderet ad DEUM pro eo; interius autem disponebas eum proſcribendum ab Orbe christiano - - Sic judicant verba luminis
cæci

cæci, sic Virum sobrium damnant ebrii,
sic contra organum Trinitatis differunt
calices facundi. Sic contra simplicem
disputant cornuti. Sic sanctum canes, sic
margaritas porci corrodunt. Sic sal ter-
ræ infatuatur. Sic legis fistula obtura-
tur. Concionatur sapiens Vir, *qui tangit
picem inquinabitur ab ea*; quod nos alio
reddere possumus versu: *Qui tangit vi-
num, inquinabitur ab eo.* Biberat Episco-
porum sobrietas sangvinem uvæ mera-
cissimum, cujus integritatem aqua non
devirginaverat - - impleverant prima-
tes Orbis, philosophi gutturi, dolia sua
vivido vino, cujus calor ita incesserat ce-
rebris, ut in somni letargiam oculi omni-
um solverentur. Inter hæc sonat lector,
stertit auditor; alius cubito innititur,
ut det oculis suis somnum. Alius super
molle cervical dormitionem palpebris su-
is molitur. Alius super genua caput re-
clinans dormitat. Cum itaque lector in
Petri (Abaelardi) libro aliquod reperiret
spinetum, surdis inelamabat auribus
Pontificum, DAMNATIS? Tunc quidam

vix ad extremam syllabam experefacti, somnolentâ voce, capite pendulo, DAMNAMUS aiebant, alii verò damnantium tumultu excitati, decapitata prima syllaba, NAMUS inquirunt. Verè NATIS sed natatio vestra procella, natatio vestra immersio est. Sic milites dormientes testimonium perhibent, *quia nobis DORMIENTIBUS venerunt Apostoli & tulerunt corpus.* Qui vigilaverat in lege Domini die ac nocte, nunc damnatur à Sacerdotibus Bach i, sic morbidus Medicum curat, sic dampnat, naufragus in litore constitutum, sic arguit innocentiam, qui ad furcas ducitur suspendendus. Hæc & plura alia æque horrissona in Doctorem mellissuum, Conciliique Senonensis Patres maledicta Berengarius ille evomuit, ac diabolica planè rabie agitated, splendidū illud nomen disteriorū suorum nebulis obfuscare extingvereq; laboravit. Et quāvis zelo domus DEI abreptum se protestatus sit verbis sequentibus, eò quod lepra insanæ doctrinæ macularit Ecclesiæ corpus, cui obvian- dum in ipso statim nequitia semine fuerit, ne latius vis veneni serperet; tantum abest tamen, ut hoc ipso velamine pudenda maledicentia suæ obtexerit, ut potius eadē magis magis-

gisque omnium exposuerit obtutui. Ex eorum nimirum numero ille erat Berengarius, *Bartolus* quibus (scitè dicente Bartolo) *insunt fulmina* *l. c. pag.* *al. eos ignes irahentia*, in ore habentes epigramphorum veterum lingvam, quam Martialis definiverit lingvam malam. Ut autem tales (non *225.* *Mart.* pigebit porrò authori eruditissimo, de pudenda illa literatorum hominum labe egregiè disferenti patulas præbuisse aures) sunt luce hâc & vita inter homines indigni, ferinum quid animo premunt, dum amicorum quoque proculcant gratiam, ut scurrili dicterio plausum vilem, & susurrum emant :

Dummodo risum

Horat. I.

Excusiat sibi, non hic cuiquam parcat amico.

Sat. 4.

Quo nomine Comicus rectè illos VULTURIOS dixerit :

Qui hostesné an cives comedant parvipendunt.

Modo conceptum ridiculè dictum spuant, flocci habent mœrorem, quo torquendus est Vir bonus, in quem est jactatum. Unum ut bellè succedat quod ludunt (esto calvi poëtæ caput excerebret testudo, dum suis carnibus aquilam à quâ dejecta est satiet,) sic isti gaudent aliorum dolore ; ignominia tument quam aliis inferunt ; Bonarottæ artem æmulantur (sitamen is fuit) qui vivum hominem suffixit in crucem, ut expressius Christum pingeret morientem ;

rientem ; aut illud potius abortivum Nero-
nem , qui Romam succendit , ut ex patria mi-
serabiliter & crudeliter ardente , Trojæ canen-
dæ exemplum sumeret . Ah ! nimium barba-
ri acutorum risuum aucupes ! Experiuntur
Japonii suos acinaces in cadaveribus damna-
torum , & de lenta illa vel facili membrorum
sectione temperaturam chalybis æstimant ; vos
inhumanus sævitis , qui ludicræ gladiaturæ
umbratili specie, mucronem defigitis in famam
alienam , haud minus illi mortiferum quam
ferrum corpori , quod DUAS (inquit Vege-
tius) UNCIAS ADACTUM MORTALE
EST. Scire tamen vos volo satyrarum patres
& satyrarum artifices deformiores esse , quod
semicapri ; quam formosos quod sint semi-dei :
nec tam similiter sales vestri mordaces placent,
quod acuti , quam displicent , quod malignum
olent ac sapiunt. Sunt hi demum supremi e-
ruditionis vestræ nifus ? Sunt hæ divinæ cogi-
tationes, quibus versandis divina vobis à DEO
data est mens ? Excelsum , proh nefas ! ab ortu
fortiti genium , facitis illum ex Rege tyran-
num , & vitæ civilis carnificem ex conservato-
re. Cadit in vos profectò illa in Perillum ab
antiquo scriptore intorta exsecratio, quod fun-
dendi æris in Heroum statuas & deorum artem
innoxiam , vertisset in tauri fabricam , in quo
rei ardentes cruciatibus & mugitu saturarent
crudelitatem Phalaridis. Horum porro solet
hoc

Veget.
lib. I. c.
12.

Confer.
Plinium
l. 34.
c. 8.

hoc esse supplicium ut diligantur à nemine,
VITENTUR à plurimis, CUNCTIS ODIO
SINT, & illam vultu gerant Nasuti Satyrici
notam, inquem lusit epigramma :

Si meus ad Solem statuatur nasus, hianti

Ore bene ostendet dentibus, hora quota est.

Suum Diogenes, philosophiæ Cynicæ Prin-
ceps canis, seu palatium seu nidum habebat in
dolio, versabat ipsemet hoc Cœlum, dignus
sphærâ tam nobili motor. Ex hoc antro scisci-
tantibus reddebat oracula, vini magis quam
veri odorem spirantia. Ex eodem suggestu
aliorum mores studebat emendare, magno si
hoc impetrasset miraculo, ut dolium homines
redire in sese compelleret, quod solet extra se
illos exturbare. Philosophantis verò qualif-
cunque foret & quanta doctrina, illum enim
Plato *Socratem* alterum vocabat, sed *insanum*,
quod tamen illo in dolio philosophiæ sinceræ
vinum MORDACI ACETO perpetuæ obtre-
ctationis & maledicentiæ misceret, pro disci-
pulis habebat derisores, & totis Athenis pro ca-
ne rabioso habebatur. Hactenus ingeniosè ut
solet & eleganter Bartolus.

V. Ex infinitis autem ac innumeris re-
centioribus MALEDICENTIÆ LITERA-
RIÆ exemplis (quæ priscis illis duximus sub-
jungenda) memorabile cumprimis est FRAN-
CISCI ROORTELLI. Urinensis, quem
[licet egregiè doctum] pudendo tamen isthoc
stigma-

Jo. Imperial. in Mus. Hist. pag. 61. stigmatē prae ceteris eruditis in Museo suo Historico Jo. Imperialis notavit: *Inerat in homine peracris obtrectandi libido, summaque in doctos omnes iniquitas, quos cum pares ferre non posset (en foetulentam maledicentiae literariae scaturiginem!) continuè proscindebat convitiis, eximio scil. florens ingenio, sibi que plus quam par esset indulgens, procaciori studio popularium affectabat obsequia.* Hinc Sigonio semper infensus, ut quem acerrimum sortitus erat amulum industriae, laboris, ingenii. Cum Alciato pariter, aliisque clarissimis ejus aevi luminibus internecinas propè similitudines exercuit. Quo factum, ut semel Venetiis Baptista Egnatius, optimus ac doctissimus Vir, crebris ab eo laceffitus injuriis, educto senili gladiolo in eum impetum facere non dubitavit. Maledico illi Francisco (Robortello sc.) alium jungamus Franciscum, nempe Rablaesium, ejusdem planè ingenii hominem, inque ridendis perstringendisque hominum actionibus semper occupatum. Cum enim (teste Scævola Sammarthano) pro ea quā pollebat linguarum scientia, multa graviter & eruditè scribere potuisset, Lucianum tamen emulari maluit.

Sammarth. Eleg. p. 15.

maluit - - aded ut Romam profectus & in
 Pauli III. conspectum venire jussus, ne ipsi
 quidem Pontifici Maximo pepercit. Eadem
 Maledicentiæ peste MARCELLUM MARCHESI-
 UM ita correptum fuisse Janus Nicius Erythræ⁹
 memorat, adeoque dicacem & virulentum ex-
 titisse, ut ab omnibus metueretur, quo etiam
 teste M. ANTONIUS MURETUS & Thomas Cho-
 rea Lusitanus Vir græcè latineque doctissimus
 frequentissimè inter se obtrectarunt, cum uter-
 que humaniores literas doceret, sed majore
 Muretus theatro, plausuque. Alexandro
 Stufæ cum idem scriptor egregia multa laude-
 que dignissima tribuisset, cumque veluti homi-
 nem ingenio ad omnes liberales artes facto
 præditum, Juris insuper Civilis, Philosophiæ,
 rerumque divinarum scientia conspicuum mi-
 rificè celebrasset, pudendam tamen maledicen-
 tiæ dicam propterea duxit scribendam, quod
 in aliorum scriptis examinandis notandisque
 sæpenumero non tam Aristarchi partes gere-
 re, quam alterius laudi gloriæque invidentis
 detrahentisque speciem præferre non dubita-
 verit, sed & in jaciendis mittendisque ridiculis
 vocibus nullam vel hominum vel temporum
 habuerit rationem. Quo etiam probro ante
 laudatus Sammarthanus notavit Ludovicum
 REGIUM, Virum aliàs singularis doctrinæ
 laude conspicuum, quod scil. valdè iniquum
 alienæ

Jan. Ni-

cius Ery-

thr. in Pi-

nacoth. 1.

illustr.

Vir. p.

123.

idem Pi-

nac. 1. p.

253.

idem Pi-

nac. III.

p. 87.

ab illo edita monumenta testantur. Nimirum *Tarr.*
 unicum hoc sibi (dicente nonneminē) egre- *Hebini*
 giumq; si DIS placet munimentum adstru- *de vita*
 xerat, nulli parcere posse, - - hāc arte & mor.
 facile se aliquem futurum sperabat. Sed G. Sciop.
 non erat satis, notis suis, & iis qui in eadem, pag. 45.
 regione vivebant ostendere cerbeream mali-
 tiam, Orbi omni & precipuē suis, quibus o-
 lim omnia debere non poterat diffiteri, insul-
 tare, ita ut DEO simul parcere non posset, a-
 nimum induxit, & dum salvam maledicen-
 di artem, quam penitus pectore perceperat
 haberet, nihil non sibi polliceri etiam ex tam
 infelicitibus principiis capit. Sanē si quis
 librum quem Scaligeri hypobolimæi titulo in
 lucem emisit, inspiciat, cornu omnigenæ male-
 dicentiæ copiā refertissimum facile reperiet.
 Bone DEUS! qui scommatum cumuli, quot
 sarcasmodum aculei, quæ detractionum men-
 daciōrumque portenta operis illius maledici
 fetulentam sentinam impleverunt! Optan-
 dum autem esset, ut insipidum maledicentiæ
 sale nequiquam linxisset ii, quos probris hor-
 rendis incessere datā quasi opera Scioppi⁹ insti-
 tuit. Maximus ille & toto Orbe celeberrimus Vir
 JOSEPHUS SCALIGER plurima in scriptis suis
 mordacitatis literariæ exempla dedit & docu-
 menta; alium [nempe Gilb. Genebrardum]
 bestiam

bestiam insolentissimam nominans ; alium
 [Christophorum scil. Clavium Mathemati-
 cum non ignobilem] hominem luteum, ty-
 ronem, atque sarmentitii libelli authorem vo-
 cans ; nec temperatius de quibusdam ævi sui
 doctissimis hominibus, ipsisque fidei & profes-
 sionis suæ fociis, cum primis Davide Pareo &
 Thoma Lydiato statuens, adversus quos for-
 tissimum contradictionis arietem admove-
 re summo laboravit opere. Quo ipso loliginis suc-
 co Vir alius de literaria re meritissimus suam
 adversus Philippum Pareum scriptionem ita
 replevit, ut plusquam centum & triginta sex
 convicia (nec qualiacunque sed horrida, & fel-
 lita nimis) inibi sint deprehensa : Etenim in-
sanire adversarium pronunciavit, *gannire,*
rudere, obbrutescere, delirare, fanaticum ac
lymphaticum agere, vocans in super magiste-
rulum, scrospasum, Arcadicum germen, Asi-
num Cumanum, malum, Verrem, veruecem,
arietem, hircum, noctuam, phreneticum,
stolidissimum, stercoreumque *gramma-*
ticalis cellæ inquilinum, aliisque plu-
 rimis probris eundem afficere non dubitavit.
 Consimilis planè maledicentiæ de honesta-
 mentis scriptiones suas (aliàs egregias doctis-
 simasq;) CLAUDIUM S. fœdasse, admirandasq; a-
 nimi sui dotes corrupisse notius est, quàm ut pro-
 lixâ opus sit cōmemoratione. Tot illum tanta-
 que

*Author
 animad-
 vers. in
 quadam
 capita
 Specim.
 Salm.
 ed. Haga
 1657.*

que dedisse maledicentia animique agri & impotentis documenta quidam notavit, ut vel ipsi amici testati sint, eum vivos & mortuos notos & ignotos, imò absque ullo discrimine amicos & inimicos pari tractasse feritate, adversariis autem suis ita ut plurimum respondisse, ut maledictis certarit convitiisque plurimis, argumentorum pondere nullo. *Quandoquidem enim* (pergit ille) *in literis, omniq; adeò ut putabat eruditionis genere jam regnum occupasset, in ejus quaq; possessione tueri se debere credidit vel maledictis convitiis minisq;, quæ homini formidoloso metum incitant.* Ut proin haud abs re ad scripta seculo nostro evulgata accomodari possit quod in Talmude tract. de Sabb. fol. 32. col. 1. legitur: אדם ויצא לשוק יהי דומה לעינור במי: שנמסר לסרדיוס: h. c. *Homio prodicens in publicum est in oculis suis quasi tradendus litatori;* quandoquidem ut glossator ibi habet R. Salomon. : *Reperiuntur illic CONTENTIONES, hominesq; litigiosi tam ex Gentilibus quam ISRAELITIS.* Accidit sanè id ipsum (Viro quodam egregio notante) exulcerato hoc seculo quamplurimis, qui scribendo prodeunt in publicum, ut hoc ipso publicæ se exponant alex, nihilque habeant aliud quod expectent, quam non, necessa-

rias disputationes, lites, controversias; idque non solum à כרתים professis hostibus & adversariis, sed & ab ישראלים ISRAELITIS, h.e. AMICIS, ac ipsis fidei professionisq; ejusdē fociis. Licet verò mordacitas hujusmodi lenem Christi ejusque discipulorum spiritum neutiquam redoleat, plurimis tamen avi nostri scriptoribus ea adedò est familiaris, ut multorum opera non scriptiones sed grandines probrorum, & imbres convitiolorum esse videantur. Quid carmine illo acerbius, quod Poëtarum avi nostri celeberrimus Caspar Barlaeus, in Theologum quendam Daventriensem scripsit, cum illum (edito de DEO Synagogæ libello) in hæreseos cujusdam, atque cum Gente Ebræa collusionis suspicionem traxisset :

*Inique Censor, Ordinis Tui struma,
Pirata fama nominisq; Barlei,
Adulterator impudens tabellarum;
Quid immerentis verba lancinas Vatis?
Mendacioq; vindicas Redemptorem,
Et scelere Christi grande nomen incestas!
Patrocinari veritatis auctori
Si lingua gestit, veritatis ante aras.
Dic, teste Cælo vera, quid tenebroso,
Calumniator prave delites antro?
Innoxioq; flore virus exsugis.
Araneorum more toxico pastus?*

Tuus

*Tuus libellus fetulenta sentina est,
Cloaca falsi, consequentia probrum,
In quo Palamon verba, putidos sensus
Scortilla veri, subdolosq; sermones
Stagira carpit. Cætera reticemus.*

Ex eodem fonte etiam manarunt anagrammata literatorum maledica, quibus nonnulli singularis acerbitalis suæ documenta dederunt, in scriptores claros arrepta ex nominibus ipsorum occasione virulenter satis invehentes. Cujusmodi maledicentiæ specimen Jonium quendam exhibuisse, atque mordaci quodam anagrammate JOHANNEM EUSEBIUM NIEREMBERGIUM turpiter exagitalle, Raynaudus memoravit, insulsum vocans illud Jonii inventum maledicum, ineptum & man-
cum, quod erat tale:

*Rayn.
in Apo-
pompeo,
p. 304.*

Joannes Eusebius Nierembergius,

Anagr.

Vivens æger sibi; nobis amens.

Cujus anagrammatis authorem, insigne & maledicentiæ & supinitatis suæ specimen dedisse monuit Raynaudus, eo quod quadruplicem licentiam adhibuerit, tres literas abundantes omiserit, & quartam mutarit in A, ut vocem MENS in AMENS commutaret. At verò ipse Raynaudus vix maledicentiæ notam effugere potuit, quod illatam socio professionis

Yy 2

suæ,

suae Nierembergii contumeliam, acerbiori longè anagrammate vindicavit, & contra pietatis christianae leges injuriam duxerit retaliandam, h. m.

Pater Carolus Jonius,

Anagramma:

Tu orci lues, par asino.

Non est profectò hominis crediti ne dum DE O sacri luto ejusmodi anagrammatico conspergere proximos, non christiani sinceri est, suismet ita maledicere adversariis. Magis verò detestanda monstra illi pariunt, qui cum ignorantia recti, invidia suspicioneque coeuntes, anonymi in alios pus suum evomere, chartisque satyricis, neq; nomen authoris nec typographi prae se ferentibus optimos etiam impetere inducunt in animum, occultè scil. nocere & ledere non dubitantes, ut inter atrocis imposturae, & audacis impudentiae parietes furtim elabantur.

VI. Plura recentioraque Maledicentiae literariae exempla & documenta proferre supersedeo, utpote & vulgatoria & tristiora; *Abasv.* Vivimus cheu (juxta pientissimi cujusdam Icti querelam) nos in seculo adeò contentioso, ut ferè nihil tam pium, tam æquum & tam clarum dici aut scribi possit, quod non illicò à Zoilis, Momis, rigidisq; Aristarchis in sinistrum sensum rapi, carpi, perstringi, *Fritsch.* crassiq; erroris damnari soleat. Admodum *S. 1.* pauca

pauci sunt (teste Seneca) sine adversario. Nullus Scriptorum tam cautus esse potest, ut si inter amulos loquatur, nullum verbum ejus incurrat aliquam questionem. Vix equidem tristius quicquā Viro & scriptori erudito accidere potest, magisque lugubre, quam incurrere in hominem aut nimis malum, aut minus amicum, cum qui inimicus sit, etiam in scirpo nodum quærat, nec veritatem (dicente Chrysostomo) indicent ij, qui disceptantes habent stomachus inimicitias. Quid frequentius hodiè eruditis Hom 4. quibusdam maleferiatis, quid item pestilenti- in Epist. tius, quam cæno quosvis conspergere obvios, ad Eph. & maledicere prætereuntibus? sæpè qui scholas suas domi perdiderunt, hoc agere solent, ut per quasitas aliorum (& meliorum quidem) criminationes alibi quærant novas. Quam multi in lucem publicam emittunt foetus ingenii sarcasmiis horrendis dictis & abominandis maculatos, maledictis suis, convitiis, minisque atrocissimis [ut paulo ante de S. nonnemo dixerat] formidolosum metum ingentem incutere laborantes. Non G. Joh. in seicte doctissimus Vossius, ex quorundam Vossius sententia, omnium facultatum Doctores & de cognit. Professores in tria genera dispescendos esse sui pag. pronunciavit: APES nimirum, FUCOS 29.

& CRABRONES; Qui Apum habeant genium, eos in melle fragranti conficiendo, si-
ve aureis ingenij doctrinæque monumentis
parandis unicè occupari; FUCOS verò fa-
vore duntaxat Magnatum allumtos, de suis
potius commodis & emolumentis, quam stu-
diorum incrementis esse sollicitos: Ast CRA-
BRONES invidiâ & maledictis semper præ-
stantium Doctorum Collegarumque lacerare
famam, ut eâ ratione ipsi videantur quod non
sunt, animæ verò illæ præclaræ quod sunt, mi-
nimè appareant. Plinius refert Camelum a-
liter non gaudere potu, nisi prius aquâ procul-
catione obturbatâ, eò quod animal superbum
suam sibi deformitatem ab aqua pellucida
monstrari non ferat. Idem prorsus quod Came-
li, agere videntur literati illi maledici, probor-
um famam nullis non obturbantes detractio-
nibus, ne soli deformes esse putentur; sanctis-
simum scil. illis est decretum Ephesinum: *Nu-
lus inter nos excellens esto!* Atque ut minus
inepti minusque culpabiles videantur homines
nauci, doctioribus & melioribus pessimè exagi-
tatis insultant, tumq; denum se pulchros exi-
stimant, cum ceteros maculatos, probrisque
fœdatos omnium irrisioni exposuerint. Ne-
que hic solum finis scopusque maledicorum
literatorum est palmarius, ad quem pudendis
suis atræque loliginis succo tinctis monumen-
tis collimant, sed etiam ut per aliorum depres-
sionem

tionem ad laudis gloriæque perennis fastigium perveniant. Putida igitur mali istius literarii scaturigo est fastus immodicus, vanaque sui ostentatio, summæ animi levitati, (quâ aliis placere student eruditi obrectatores,) nec non pudendæ æmulationi, mentisque alienationi (dum animum vindictæ appetentem illi satiare desiderant) sociata. Quibus si longa accesserit consuetudo, tam malo pravoque maledicendi habitu animus docti litigatoris corrumpetur, ut in alteram propemodum ejus naturam ille transiisse videatur, talisque instar Salamandræ cujusdam nonnisi in igne rixarum & litium sua quarat nutrimenta. Cum Zoilum (hominem & malè loquendi & scribendi studiosissimum,) olim quidam interrogaret, quamobrem malediceret omnibus, adeoque in Homerum etiam, Platonem, aliosque Viros celebres stylum tanta stringeret vehementia?

Quoniam (respondit) malefacere cum velim, non possum. Eadem profectò mens, idem animus plurimis insidet docti Orbis incolis, eò scilicet laborantibus strenuè, ut quibus re aut manu nocere vix possunt, eos lingua saltim, vel calamo felle tincto feriant. Quod Bonasus animal, id literatus est maledicus: ille enim si Plinio fides, quoniam cornibus implexis lædere non valet, finem aufugiens reddit, cujus contactu insequentes maculentur; ita ille dum coram non audet, sparsis à tergo probris proximum conta-

Ælian.

lib. II.

Varian.

hist. cap.

10.

minat. Gloriabatur in fabulis quidam canis, quod ipse morderet neminem; non sum in-
 quiens ut ceteri, qui lacerant etiam innoxios, sed reponebat canis alius: *Osejus inspicite*,
 mox patebit quare mordeat neminem; *den-*
tibus quippe carebat bestia, vel quia nondum
enati, vel quia excussi fuerant. Jactent stultè
 nonnulli literiones, quod aliis non noceant,
 damnent dentatos, ipsi non nocuerunt, quia
 dentibus destituti non potuerunt. Neque ve-
 rò malitiosa solùm, verum etiam ingeniosa ut
 plurimum est, veloq̃ue candoris & integritatis
 singularis obnupta improba illa famæ alienæ
 spoliatrix, vestemque ita interdum variare no-
 vit, ut probè internosci nequeat. Etenim quĩ
 detracturus est alteri, [monente & observante
 nonnemine] sub initium sermonis vultum
 ad omnem gravitatem & modestiam sermonis
 componit, oculos humi dejicit, gemitus edit,
 voce lenta seriaq̃ue per ambages & anfractus
 incipit nocituram evolvere seriem, tortuosa
 circuitione venena jaculaturus, utque facili-
 or sit verbis fides, prius subinde laudat, quo effi-
 caciùs vituperet, claudens narrationem com-
 miserationibus vestitam. Nequè nova hæc ars,
 sed perantiqua est, ipsoque diabolo inven-
 tore gaudens, quã non Gentilium solum
 pseudosophi, verum christianorum quoque
 Doctorum plurimi olim ita fuere fascina-
 ti,

Drexel.
in Orb.
Phact.
cap. XV.
S. 2.

ti, ut alienorum pectorum virtutes sapè improbis ejusmodi adulterinisque coloribus duxerint dehonestandas. *Dum nimirum alii*

(ita Bernardus de peste illa literaria eleganter disseruit) *nudè quidem atque irreverenter, uti in buccam venerit, virus evomunt detractiōis; alii autem quodam simulata verecundia fūco conceptam malitiam, quam retinere non possunt, adumbrare conantur. Videas præmitti alta suspiria (en clarissima pudendæ illius versutiæ, Bernardi ævo regnantis vestigia!) sicq̃, quâdam cum gravitate & tarditate vultu mæsto, demissis superciliis, & voce plangenti egredi maledictionem, & quidem tanto persuasibiliorem, quanto creditur, ab his qui audiunt, corde invito & magis condolentis affectu, quam malitiosè proferri. Doleo (inquit) vehementer pro eo, quod diligo eum satis; & alius: Mihi quidem ait benè compertum fuerat de illo istud, sed per me nunquam innotuisset. At quoniam per alterum patefacta est res, veritatem negare non possum, dolens dico: reverà ita est.*

Bernar.
4⁹ Serm.
XXIV.
in Cant.
circa
med.

VII. Quo insuper majoris apud alios est authoritatis malignus ejusmodi detractor, eò

nocentior ut plurimum, atq; virulentior est sermo ore illius egressus: Verè juxta nobile Salomonis effatum *in labiis ejus ignis ardescit*, qui cum præfixas metas transiliens foras erumpit, hinc inde noxio furore ita grassatur, ut non sine gravi quâdam strage edita tandem aliquando extinguatur. Non dubitat literator talis Viros in omni etiam doctrinarum genere eximios taxare ut cæcos, simpliciores, atque imperitiæ non ferendæ notare stigmatē, utque rudis stultique popelli aucupetur plausum, & ab ignaris Alcidas ac Samson putetur, in moruis leonibus depilandis totus est occupatus. Quid quod aliorum [quos reprehendit] errorē sæpe adscribere præsumat, quod suæ potius ignorantia imputandum fuisset, ut proin non immeritò in illum cadere posset, quod in Julianum Apostatam sancti olim Antistites retorsere, cum sancti Apollinaris apologeticum lectum sprevisset: *Legisti, sed non intellexisti, ideo neglexisti, si intellexisses minimè improbares.* Et sicuti nefaria isthæc maledicendi libido [quodam è veteribus monente,] verè *irrequietum est demonium*, in quosvis acutæ linguæ vel venenati calami gladiū stringens; ita malè feriata ejus indoles inde potissimum cognoscitur, quod Viris etiam optimis probri loco ea frequenter ducat, quæ summo perè laudanda in iis atque deprecanda fuissent,

Aniob.
hom. 29.
Detract.

sent, ad priscorum scil. hypocrytarum pharisaicorum exemplum, qui Christi sanctissima etiam reprehendere non dubitarunt instituta, scil. quod publicanorum societatem non aspernaretur, quod se tangi pateretur à malæ notæ hominibus, quodque Sabbatho ægris impertiretur sanitatem. Quemadmodum nonnullorum malignitas olim eo processit, ut Magnum Basi- *Nazien-*
 lium [Nazianzeno teste] etiam de rebus per- *zen. in*
 quam gloriosis & honorificis accusare non du- *vita Ba-*
 bitaverit, utpote quod Ducem se Virorum quo- *sil. Mag.*
 rundam piorum constituisset, qui soli DE O *orat. XX.*
 servire decrevissent, quod modestè incederet, parcè comederet, pièque conversaretur; indeque clarissimè [Nysseno notante] patuit, nullā esse tam nobilem actionem, nullam tam præclaram & inculpatam vitæ consuetudinem, quam cæca malitia, & fœda calumnia, & livens invidia diro ac furialis pectoris sui veneno non tingere atque contaminare conetur. Tantum verò abest ut ad præfixam illa malitia semper pertingat metam, ut potius majorem accusato asferat gloriam, & illustriorem reo conferat atque conciliet existimationem. Nimirum ut præclare quondā dixit profundus ille christiani nominis propugnator Tertullianus de juratis Religionis veræ hostibus; *quod cæcitate interdum imbuunt in suffragium* facientes scil. quod cæci solent, qui sæpè cum in cumulum luti impingere

gere putent, in acervum tritici incidunt. Non
 secus gentiles illi maledici [observante Ter-
 tulliano] faciebant, optimos quosque de Chri-
 stianæ fidei suscepta professione redarguentes,
 eoque nomine plurimum eos commendantes,
 quo illos summoperè criminari intendebant;
 Sic & detractorum plurimi, bonos eo ipso ma-
 jorem in modum illustrent, quo obscurare stu-
 dent vehementius, illatâ injuriâ & calumniâ
 in singulare encomium mirâ metamorphosi
 conversâ; quos reddere lutulentos putabant,
 eos magis luculentos reddunt, atque meditati
 probri loco, ampliorem iisdem gloriam inviti
 ac indignabundi conciliant. Cum audio

Dan.
 Barr.
 charact.
 p. 238.

Valentis Cocum (ita notanter ingenio-
 sis, characterum liter. author) *Demosthe-*
nem, velut dictandis condimentis evasisset
doctissimus, Basilii M. Theologiâ notare quasi
& insulsam, & sapientia sapore vacuum:
Cum hypodidasclus Joh. Ludovicus Divum
Augustinum accusat inscitia & docere illum
aggreditur dialecticas argumentorum for-
mas, magnumque illum Archimedem, totum
ex ingenio & mente, qui adversus Dei &
fidei hostes quot argumenta tot fulmina con-
didit - videre mihi videor exeuntes de-
cavernis mures, & paleis hastatos, in Leo-
nes

nes imperum facientes; ranas aquam stagni
 Diana turbare, ipsamque adeò si possint, un-
 dis absorbere molientes DEAM; ruden-
 tes asinos ut in fugam Gigantes agant: Hos
 inquam Aristarchos dum cerno in pun-
 dis, delendis, castigandis Virorum illustrium
 scriptioribus occupatos, recurrit animo impru-
 dentissimus asinus, qui ore spinosis & car-
 duis assueto, ausus est totam Homeri vorare
 Iliadem, eò Troja majori vel pudore, vel in-
 fortunio, quo fuerat olim honoratius, illam
 ab equo Græcorum perire, quam tunc ab asino.

VIII At verò si intimius investiga-
 dum, quid causæ sit, quod tam facile à se ipsis
 deflectant ERUDITI MALEDICI, imò quod
 tam impotentes sæpè fiant in cohibendis a-
 nimi sui perturbationibus, mox occurrent tres
 omnium gravissimæ infirmitates, quibus hu-
 manam naturam apprimè laborare Plato quon-
 dam observavit, nimirum modica in homine
 [erudito] sui ipsius notitia, nimia cum cor-
 pore cognatio, multiformis denique ejusdem
 animi distractio, jugi perversorum affectuum
 conflictatione profata; quibus si mens obæ-
 cata, inque propria caligine fatiscens accedat,
 homo furente nimis perturbatione ad tantam
 sui impotentiam propellitur, ut è staturatio-
 nis propemodum in truculentarum belluarum
 statum

Plato in
 Phædo-
 ne.

Aristot.
Ethic.
lib. 3.
cap. 10.

statum detrudatur, quo respexit Aristoteles in Ethicis, ubi hujusmodi animi motus FERINOS appellavit, ipso præeunte Platone, docenteque, homines maximè cum feris convenire: cum IRA ferveſcant, nullumque eſſe ſcleris genus, in quod per iram & efferveſcentiam homo non abripiatur, immedicabile ferè hoc malum eſſe, quippe quod hominem totum inficiat, atque graviſſimum dolorem, tormentumque concitet in animo. A quâ Platoniorum opinione neutiquam aberrans Plutarchus, in eo libro, quo maledicorum, Epicuræorum mores exagitavit, graves adeò animorum motus ex ſola corporis conſuetudine tranſcribi voluit in animas, quæ à ratione veræ virtutis ſæpè elongentur, atque degenerent penitus, cui malo plerumque ſtupor accedat immanis, quo occupati plurimi, ad ſua contemplanda prorsus hebeſcant, in alienis verò tantum ſint perſpicaces, adeoque nullam non maledicendi atque ſiniſtrè de aliis loquendi ſeu judicandi arripiant occaſionem.

IX. Quandoquidem verò graviſſimum hunc ANIMI morbum eruditorum plurimi SCRIPTIS adeò mordacibus prodere ſoleant, ut ſæpè ejusdem Muſæ conſecraneis, ipſiſque fidei & religionis ſuæ ſociis velut ex plauſtro quodam turpiter convitientur, aliorumque navis etiam levioribus, veluti horrendis ſcleribus inſultent, atque de opinione contro-
 verſa

versa tanquam de existimatione aut salute,
 quin & de verbi cujusdam aut ritus antiqui
 interpretatione veluti pro aris & focus digla-
 dientur; hinc non indignandum modo, sed
 summopere etiam deplorandum est, quod pe-
 stilenti hoc fidere ipsi nonnunquam assentur
 scientiarum & disciplinarum Antistites. *Nonne D. A-*
hoc nostro cumprimis omnium peruersissimo baso.
seculo (laudato ICTO præclare enunciante) Fritsch-
communissimum malum est, aliorum scripta ^{incita}
dente Theonino rodere, adversus ea sæpe ^{paran.}
sine mente & fronte debacchari, non tantum ^{S. 2.}
res arguere, sed syllabas, & verborum ven-
tilare cortices, Grammaticale bellum super
eis excitare, litem alteri ob exiguum erra-
rem contentiosè movere, prava libidine in-
gentia convitiiorum plaustra in alium conve-
here, personalia (ut vocant) tractare, fa-
mam hominis arrodere, variisque conspur-
care contumeliis; opinionis adversa asse-
clam, stultum, bardum, bliteum, stupidum,
imperitum, imò furciferum, asinum, ca-
nem, bovem &c. dicere, eumq; impletatis,
inseitia, falsitatis, mendacii, &c. accusare,
licet non rarò lis sit de lana caprina, & de
tribus Postumi capellis; qua tamen nonnun-
quam

quam adeo acris esse solet, quasi totius Reip^u aut Ecclesia Christiana salus ab illius decisione dependeret. Hactenus Vir egregius, cui jure meritissimo displicent illa virulenta valde doctorum hominum scripta, quæ summo cum bonorum quorundam, imò ipsorummet authorum suorum dedecore prodeunt in publicum, ad inquietandos infirmorum animos, & ad exasperanda partium certamina.

X. Nihil equidem proclivius, quam ut ipsa Religionis ac fidei dissidia in amarulentissima rixarum & conviciorum spicula degenerent. Publicæ equidem quietis & tranquillitatis interesset, effrenem adeò intemperantiam, & quorundam maleferiatorum ingeniorum pruriginem gravibus reprimere decretis, ne si remissius agatur, impunèque liceat scommatibus ac dictæis bonorum allatrare famam, offensionesque privatas sub zeli etiam religiosi schemate ulcisci, effrenis licentia ac discordes animorum motus ita tandem prævaleant, ut iis moderandis vix ulla fortiora consilia sufficere valeant. Tradunt * Ebraeorum Magistri satius esse ut homo seipsum conjiciat in fornacem ardentem, quam ut socium publicè aliquâ afficiat ignominiâ; Nimirum quia

alios

* In Berachot fol. 43. b. Ketubot fol. 67. b. & Bava MeZia fol. 59. a. Adde sis Pirke Arot cap. 3. & Juchasin pag. 54.

alios confundens eadem quasi committat, ac ea propter aeternis olim torquendus sit gehenna cruciatibus, ideo consultius longè esse temporariis quam aeternis sese addicere suppliciiis. Nec minus egregiè Author Ez Hechajim pronunciauit, cum qui sibi honorem ex ignominia alterius quarat, exsortem esse aeternæ vitæ. Quà de oppidò parum solliciti illi esse videntur scriptores Christiani, qui ad alios commaculandos pretiò quasi aut are conducti, nec alia re magis quam scribendi acerbitate famosi [aut fumosi potius] deprehenduntur. Sanè qui in refutandis adversariis rem suam agere contumeliis non verentur, leniendi essent memorabili Origenis allocutione ad Celsum contumeliosum illum Epicuræum: *Maledicta convitiisque jaculari non est disputatoris, sed plebeum & indignum Philosopho vitium, ipsiusque indicium furoris, eum quilibet potius deberet rem propositam examinare candidè, & quantum fieri potest nihil alienum ab ea dicere.* Nec abs te bonorum Virorum vituperia omnes illi incurrun-
 Apud D. W. a. gen. seil. in notis ad libr. ii. Mischn. de uxore adult. p. 205.

runt, qui causam optimam, ipsamque religionis veræ defensionem ut plurimum agere convitiis, atque fidei adversariis per opprobrium as-
 fingere non dubitant talia, quæ nunquam iisdem veni-
 re in mentem. Displicent quidem Deo

mendacia, etiam contra ipsos veritatis hostes prolata, nec falsis testimoniis eget Sacrosancta christianorum religio, quocunque tandem sine illa fuerint divulgata, tantumque abest ut ipsa dem juretur orthodoxa religio, ut potius ejus hostes, petiti convitiis, ex insanis reddantur insaniore, & ex argumentis de causa ipsa plerumque judicent, summo veritatis præjudicio.

*D. Jo.
Christ.
Wagen-
seilium l.c.
de uxore
adult.
fol. 598.*

*Gerson
lib. de
Rabbin.
vita scā-
dal. &
finali de-
sperat.
p. II.
n. 17.*

Merito hinc Vir nostro ævo doctissimus reprehendit Christianum Gersonem, quod Rabbinos quosdam luxuriæ, vitæque dissolutioris accusarit, qui tamen satis laudabiliter honesteque vitam suam transegerint; quinimo ad lædendos omniumque odiis exponendos illos Ebraeorum magistros locum quendam Talmudicum temerare turpiter corrumpereque non dubitaverit, memorans scil. R. Chaninam & R. Oschajam vel ipsis Doctoribus Thalmudicis testantibus venefico extitisse, & cum sutores fuerint, eo sine in lupanari semper degisse, ut eo majorem cum meretricibus, occasione opificii inire possint familiaritatem: *Von R. Chanina* (ita ille sermone ait vernaculo) *Und R. Oschaja* zenget der Thalmud, dass sie nicht allein viel Zaubereyen mit dem Schemhamphorash getrieben haben, sondern die uveil sie Schuster ihres Handvercks waren, wvohnten sie im Hurenhause, und machten den Huren ihre Schue und Stifel, und zogen

gen sie ibnen auch an. Quod si verò ipse Gemaræ textus inspiciatur, liquidò constabit, rem longè aliter se habuisse, eosque Rabbinos egregia potius continentiaæ atque castitatis de *Thalm.* disse documenta ; *Scilicet hi* (ita Thalmudica in *Pesa-* verba à Gersone corrupta, inque alium prorsus *chim* fol. detorta sensum latinè sonant) *sutoriam artem* 113. *exercebant in Judæa, habitabant in platea scortorum, faciebant meretricibus calceos, eosq; allatos pedibus illarum aptarunt, neq; tamen unquam OCULOS SUSTULERE ut ipsas intuerentur.* Minimè equidem tale quid facere Gerson debuisset, ne odio Ebræorum temerando veritatem, magnum conversioni ipsorum poneret offendiculum. Uti quisque bonus esse debet, ita bonâ fide cum ipsis etiam agat religionis veræ hostibus, nec rectè dicta factaque, in deteriore rapiat sententiam. Utinam omnes sequerentur saluberri- mum Imp. Justiniani consilium, cunctis causa- rum patronis *l. quisquis o. §. 1. Cod. de postulan-* do *suppeditatum*, quod tale : *In licentiam convitiandi & maledicendi temeritatem ne prorumpant ; agant quod causa desiderat, temperent sese ab injuria, nec probris sed ratione putent esse certandum.* Hoc inquam præclaro consilio observato nullum veritati adferretur præjudicium, nec DEUS offende-

tur, nec dilectionis christianæ lex violabitur, neque lædatur conscientia, nec scandalum in Ecclesia aut Republica literaria excitabitur, nec vinculum pacis & concordiae inter eruditos dirumpetur, nec laude gloriaque sperata Scriptores ipsi facile destituentur. Non displicissent equidem Eruditorum plurimi, Viris & doctrinâ & virtute illustribus, si quantum græcis latinisque literis & disciplinis variis profecerunt, tantum operæ & humanitati moderationique christianæ impendissent, neque sibi metipsis tantum arrogassent, ut spreto omni bonorum consilio dicacissima obrectatione nullos non duxissent lacerandos, inde tam doctorum quam imperitorum in se odium concitantes, gravissimisque turbis ac dissidiis subministrantes occasionem. Videntur profectò aliqui in scriptionibus suis perpetuò Herculi litare Lindio, cui [ut est apud Origenem] sacra fiebant non ἐν Φυρία [ut græci appellant] sed execrationibus maledictis atque convitiis; & habebantur sacra illa pro violatis, si quando inter solennes ritus vel imprudenti aliqui verbum bonum excidisset, cujusmodi sacra non sacra sed sacrilega potius ii obire videntur, quibus non nisi aspera scribendo excidunt verba, quibusque sæpè accidit, quod iusto DEI judicio cuidam malæ mentis homini contigisse Petrus Damianus tradidit, perhibens eum fel cum anima emisisse, atque in fere-

tro quoque jacentem fel ex ore effudisse, ita & aliquos etiam morti proximos nil nisi fellitum & amarulentum promississe emisisseque, tristicis experientia nostro quoque ævo docuit, nimirum maledicis quibusdam literatis mortem obtigisse vitâ (quam egere turbulentissimè) dignissimam, atque plenissimam odii & obtreptionis. * Non equidem hoc est linguam & calamum (uti Nazianzenus in Monodia de S. Basilio agebat) ex spiritus pyxide movere, sed spiritum potius virulentum pectore abditum efflare per calamum, coque in ignem malevolentiae internae velut intincto, turpissimum sibi metipsum inurare probum, maximè si quis cum doctiore & illustriore commissus, vanaque scientiae persuasione inflatus, ultrò pudendum maledicentiae appetat certamen, & procaci adulatorum incitetur plausu. *Laudantur tunc quidem, (scitè ait Mamertus) falsoque laudantur, & credunt; sed mentis tunc sanitas maximè periclitatur. Accendit hoc etiam laceffendi intentionem, quam animi crimen excipit ac pœna. Nam si quid ab his quos iniquo laceffunt odio ad utilitatem publicam veri prodatur, DIVERSUM procius adstruunt etsi idem sentiant.*

Zz 3

sic

* Id ipsum in Salmasio jam morituro patuisse author animadvers. Anti-Salmas. Hagæ 1657. editarum memoravit.

Mamertus in
præf. lib.
I. de A-
nimis.

sic inexhausto firmatōq; odio, cum his quos sibi odisse institutum est, nequaquam metunt **VERITATIS FECISSE JACTURAM.** En pestilentem amarissimumque huiusmodi altercationum fructum, en pudendum genitricis pessimæ (maledicentiæ scil. literariæ) foetum!

XI. Quid igitur? an nefas insolentem quorundam retundere inscitiam? An indigna homine piè literato concertatio quælibet? Num ipsa veritatis tuitio illi negligenda? Minimè: Diximus alibi, causæ potissimum spectandam esse rationem, utpote quæ styli amarulentiam sæpè quodam honestatis velo exornare, & duriora verba in nimis malos fidei & pietatis christianæ impugnatores enunciata & exarata nonnunquam excusare queat. Temperatissimi & mitissimi erant prisca illi Sacræ Alethæ vindices, quos Patres nuncupamus, qui ipsi tamen ad comprimendum hostium Ecclesiæ furorem, illustrandamque orthodoxæ fidei puritatem, vel etiam respondendo fatuo secundum stultitiam suam, satis aculeatis asperisque usi sunt phrasibus. Hanc ob causam, cum Hieronymus à Ruffino aliisque maledicus dictus fuisset, & detractor, ac qui in omnes genuinum infingeret, neminem se hoc ipso violasse respondit, siquidem argumenti pariter ac adversarii malignitas aspera quædam verba sibi extor-

Confer.

Hieron.

Apol lib.

1. sub fin.

n. 41.

extorhisset ; *Hoc obsecro, [inquit] nisi mordacius quippiam scripsero, non tam mea puteris asperitatis esse, quam morbi, putrida carnes ferro curantur, & cauterio, venena serpentina pelluntur antidoto.* Et paulò post, commemoratis quibusdam Sanctorum exemplis qui iusta asperitate Divini nominis hostes offenderint, subdit sequentia : *Unde non mirum est ; si & nos ipsi vitiis detrahentes, offendamus plurimos. Disposui nasum secare fatentem, timeat qui strumofus est.*

Quemadmodum alibi quoque plura in hanc *Confer* rem contra eum congeffit, à quo SATYRICUS *præf. lib.* IN PROSA SCRIPTOR dictus fuerat, clausula *3. in le-* vam etiam adversariis tanquam monstris horrendis intentans. Quantumvis insignis ille, [ex nominis sui prælagio] Orbis Christiani pacificator IRENÆUS, operam ac studium singulare in compescendis sedandisque motibus ecclesiasticis, cum primis in tollendo schismate ob celebrationem paschatis concitato collocaverit, pro veritate tamen orthodoxæ fidei adversus omnis generis hæreses earumque propugnatores strenuè decertavit, nefariis illorum conatibus, piperatis nonnunquam occurrens verbis, atque scriptis aculeatis illos retundens ; maximè autem Valentini & Marcionis oculum latensque venenum (rogatus à Turibio Præsule Toletano ardentis fidei Viro) in aper-

*Epiph. in
pref. Pa-
narii.*

tum ita produxit, ac profligavit, ut eo ipso e-
gregia doctrinæ pestifera subvertendæ arma
ordinis sui hominibus subministrarit, glori-
amque in Ecclesia perennem sit consecutus.
Eodem planè asserendæ & vindicandæ verita-
tis studio quondam conspicuus Epiphanius
Cypri Salaminæ Episcopus, in præfatione o-
peris sui contra octoginta hæreses conscripti,
(quod Panarium sive arculam aut capsulam,
medicam appellavit,) indulgentiæ petiit ve-
niam, si alicubi adversarios tractaverit durius,
aut incesserit cavillis, si zelo justo exarsuans
aliquos dixerit *deceptores* aut *circulatores*, aut
homines miseros, ipsam enim necessitatem ta-
lem sibi sudorem expressisse, ut lectores avehan-
tur, ostendaturque, doctrinas illas pestíferas à
christianâ fide orthodoxaque veritate prorsus
esse alienas, nec minus se per orationis & con-
tradictionis vehementiam, justam debitamque
in scribendo demonstrasse libertatem. In cal-
ce etiam laudati Panarii lectores suos hisce no-
tatu dignissimis verbis compellavit: *Qui hac
lecturi estis, rogo ut veniam detis meæ hu-
militati, ac debilitati, & mentis meæ tenu-
itati, quæ à multo hæreseon veneno obstu-
puit; & hinc instar nausantis & reuo-
mentis propter austera verba, per quæ contra
quosdam commota invecita est, dum aliquos
secte-*

*Id. in
c. 1. or
Pan. in
compen-
dar fi-
dei ex-
pos. n. 19.*

ſceleftos, aut impoſtores, aut erroneos, aut deceptores appellavit. Nam propter multam veneni moleſtiam ac vexationem, (quamvis hic non noſter mos ſit, ut aliquos libenter ſuggillemus,) coacti fuimus talibus ipſos impetere verbis, quo mentem quorundam averteremus, ne forte putent, nos ex eo, ſi diſplicentiam noſtram non publicaveſſemus, in revelando ea, qua ab ipſis dicuntur, aut fiunt, partem habere mentis aſſentientis prave uniuſcujuſq; hæreſis opinionem.

XII. Tanto minus autem piorum quiſpiam, fervidam adeò in ſcribendo dicendoque libertatē priſcis Eccleſiæ Doctōrib⁹ vitio vertet, quanto magis illi in arduis ſuis adverſus hæreticos velitationibus Scripturam ipſam (vix ullis in eoſ aſperis verbis parcentem) ſunt imitati; Non verba ſed ſpicula potius cenſenda ſunt, quæ adverſus nefarios quosque populi ſeductores Apoſtolus evibravit; *Homines* II, Tim. (eos nuncupans) *ſe ipſos amantes, cupidos, elatos, ſuperbos, blaſphemos, ingratos, ſceleftos, ſine affectione, ſine pace, crimina- III. tores, diabolos, incontinentes, immites, ſine benignitate, proditores, protervos, tumidos, voluptatum amatores magis, quam DEI;*
 225 habent.

*habentes speciem pietatis, virtutem autem
 ejus abnegantes; homines insuper corrupto
 mente, reprobos circa fidem, seductores, er-
 rantes & in errorem mittentes alios, &c.*
 Mirū itaq; non est, quod orthodoxi quidā Ec-
 clesiae Veteris recentiorisq; Doctores nihilo mi-
 tiore in vaniloquos quosdam praestigiatores
 fuerint neque authores solū, sive fal-
 sū dogmatum ebuccinatores asperè tra-
 ctarint, verum erga fautores etiam [licet
 in eminentia constitutos] suae acrimoniae plu-
 rima dederint documenta. Quanta praeter
 ceteris severitate adversus Constantium Arianum
 tametsi Imperatorem, Hilarius Episc. Pictaviensis
 egerit, ex eo praesertim libro, cujus princi-
 pium: *Tempus est loquendi*, abundè colli-
 gitur; *Pugnam*⁹ (sic inter alia scribere non
 dubitavit) *contra persecutorem fallentem,
 contra hostem blandientem, contra Constans-
 tium Antichristum, &c.* Hunc insuper Ty-
 rannum vocavit, omnium crudelium crudeli-
 simum, damno majore in Christianos & mi-
 nore venia deservientem, quam priscos illos
 Ethnicos, quantumvis truces ac efferos, clari-
 simè hoc suo exemplo docens, non molliter, sed
 fortiter potius doctrinae falsae authores & fau-
 tores [licet in Mundi vertice collocatos] esse
 impugnandos. Nec tantummodo in haereticos
 asperi

asperī adeò fuēre Veteris Ecclesiæ Antistites, verum etiam ipsos fidei & professionis suæ socios erroribus citra hæresin sordentes, aceto quodam mordaci duxēre perfundendos. Quales enim Hieronymus fuerit in Ruffini exagitatione, ex libro quem adversus illum scripsit apologetico manifestè apparet, mox enim Ruffinum C A N E M vocavit, & ejus scholam tyrannicam, ad hæc per ironiam, *sapientia columnen, & normam Catoniana severitatis, sui etiam temporis Aristarchum puerilia nescientem* appellans, deniq; acutis jaculis ex Proverbiorū libro contra fatuos congestis, Ruffinum (haud contemnendæ eruditionis virum) confodiens. Quam severè à priscis quibusdam Doctoribus ipse quoque Origenes sit habitus [licet errores plurimi libris ejus ab adulteratoribus sint in-
 spersi] quibus verborum jaculis eum Thophi-
 lus Alexandrinus, Epiphanius, imò ipse Hieronymus impetierint alii ostenderunt. Non
 leniorem in Maximum extitisse Gregorium
 Nazianzenum, nec Bernardum Petro Abailardo
 pepercisse, utriusque monumenta disertè lo-
 quuntur. Sic Petrus quæque Blesensis mitis-
 simus cæteroqui scriptor, ab insulso demorsus
 sciolo, ea in illum regessit, quæ videri possent
 asperissima; *Sciolum* quippe vocavit antago-
 nistam, *invidum item, detractorem, DEO*
odibilem, spiritu aspidis, oculis basilisci præ-
ditum

Hieron.
lib. 1. A-
pol. contr.
Ruffin.

Vid. Pe-
tri Hal-
loix Ori-
genes de-
fensus,
nec non

Raynaud.
di tract.
de libris
bonis &

malis
part. 1.
Erasm.

IX, p. 103

Petrus ditum superbum eum esse addidit, & nihil
Bles. in scientem, languentem circa quæstiones, & pu-
opu/c. cui gnas verborum, factum odorem mortis in mor-
rit. Inve- tem, cui frons sit meretricis, cuiq; molestus sit
ctiva in penitentiæ labor &c. Quinimò eum pulcibus
depra- annumeravit mordacibus, tinea demolientibus,
vatorem disculis disputatoribus, qui sententias pal-
operum liata involvere soleant iniquitate. Tanta
suorum autem durities atq; asperitas licet neuti-
Canon. quam [ut diximus] vitio vertenda sit optimis
Regul. illis, & singulari doctrinâ morumque probitate
que nuper conspicuis scriptoribus, cum vel virulentia
eum car- negotii, vel adversarii malignitas eam sæpè
teris ejus flagitarit severitatem, nec secus se talis Doctor
scriptis habeat justè corripiens alium, quam Medicus,
prodis qui manu tumentes vulnerum sinus contrectat;
Parif. injusta tamen & iniqua scriptorum quorundâ
 (nostri præsertim ævi) mordacitas, Deoq; pari-
 ter ac piis omnib⁹ invisa petulantia gravissimâ
 reprehensionem incurrit & castigationem. Sanè
 qui scriptiõnis virulentia calamus suum quasi
 sagittam vulnerantem ac lanceam faciunt,
 adeoque christianæ mansuetudinis immemo-
 res recti lineas prætergrediuntur, non tam ad-
 versariorum impetunt honorem pudoremque,
 quam suum lacerant, ac sibi metipsis turpissi-
 mum maledicentiæ profligatæque charitatis
 inurunt stigma. Neque enim (præclare di-
 cente Cypriano) qui audit, sed qui facit
 convi-

Cyprian.
epist. LV.
n. 79.

convitium miser est, nec qui à fratre vapulat,
 sed qui fratrem cedit in lege est peccator, &
 cum nocentes innocentibus injuriam faciunt,
 illi patiuntur injuriam, qui facere se cre-
 dunt. Ausim dicere idem iis contingere, quod
 cato picam voranti, juxta narrationem sive apo-
 logum metricum qui ita sonat :

*Mordaces morsu solitus consumere mu-
 res;*

*Invisum & domibus perdere dente ge-
 nus.*

*Catus in obscuro, cepit pro sorice picam
 Multiloquumq; vorax sorbuit ore ca-
 put.*

*Pæna tamen præsens, prædonem plectitis
 edacem,*

*Nam claudunt ravidam cornea labra
 gulam.*

Faucibus obsessis vitalis semita cessit;

Et satur escali vulnere captor obit.

*Non habet exemplum volucris vindicta
 perenne?*

Hostem pica suum mortua disruiat.

Obvia facile est apodosis, improbe scil. impro-
 videque mordentem ipso morsu extremum si-
 bi metipsi parare exitum: Quemadmodum

Hip-

Vid. Libi
 IV. Epi-
 gram. ve-
 ter. poc-
 tar.

Hipponacti ante memorato tam caro stetit
mordacitatem, cumque acerbissimo lethi ge-
nere periisse, illa Nasonis clarissimè innuunt:

*Ut q̃ parum stabili, qui carmine laesit A-
thenim,*

Invisus periit deficiente cibo.

Ex Plinio nimirum compertum est Athenim
vel Athenam sculptorē in Hipponactis scripta
incurrisse, carmina ejus sustulisse maledica,
authorem verò lethali inedia fuisse confectum.

Sic & Archilochi, singulari mordacitate in Ly-
cambem, Neobulum, Chidum & Periclem in-

Valer. famati Poetae libros, Lacedemonii, teste Valerio

Max. l. b. Maximo è civitate sua exportari jusserunt, eò

VI. c. 3. quod illorum lectionem summè damnificam,

de seve- fore sapientissimè sint arbitrati; *Noluerunt e-*

ritat. *nim* (ita Valer. notanter scribit) *ea libe-*

rorum suorum animos imbui, ne plus mori-

bis noceret, quam ingeniis prodesset. I-

Ælian. *taq̃ maximum Poetam, aut certè summo*

lib. II. *proximum, quia domum sibi invisam, obsce-*

var. c. 10. *nis maledictis laceraverat, carminum exi-*

Vitruvius *tio mulctarunt.* Eandem sicam ethnicos

in prefat. olim in sophistam omnium retrò scriptorum,

lib. 7. mordacissimum, Zoilum scil. (cujus in Ho-

Plin. in merum, Socratem, Platonem, aliosque viru-

prefat. lenta scripta Ælianus memoravit) strinxisse,

Nat. Hi- discere licet ex iis quæ Vitruvius pariter ac Pli-

stor. nius

nus in operum suorum præfationibus tradidē-
 re. Nec minus & Christiani legislatores gra-
 vissima animadversione dignos judicarunt, qui
 alios suggillando ac mordendo à lenitatis &
 moderationis christianæ tramite longissimè re-
 cedere non vererentur; *Si quis* (ita saluber-
 rimè illi statuerunt) *adeò procax fuerit, ut non l. 6. C. de*
ratione sed probris putet esse certandum, o. postul.
pinionis suæ imminutionem patietur, quin
 imò bonorum omnium odium incurret atque
 offensionem. Et verò lubens quis (Bartoli ver-
 ba sunt) spinosæ hystrici quis adblandiatur,
 quæ nunquam ita cautè tangit, quin acriter
 pungat? Quis scorpioni, CUI SEMPER
 CAUDA IN ICTU EST? quis amicum ha-
 bere Leonem cupiat, qui ut parcat ungibus
 & denti, lingvâ est adeò asperâ, ut lambendo
 quoque sanguinem eliciat? Sint sanè nobis
 potius honorati, quam infensi: Sacrificemus
 illis, ut Romani febri Diisque averruncis, NE
 NOCEANT: ambiamus ex iis hanc gratiam,
 ut longè se semper à nobis abstineant, & ad hoc
 tantum nostri meminerint, ut curent nunquam
 meminisse. Sequitur gravior adhuc MALE-
 DICOS pœna, non modo ut alios ab sua con-
 suetudine avertant omnes, verum ut multo-
 rum in se proritent iras, & odia & ferrum.
 Quamvis enim plerumque satis intelligant,
 non esse stylo provocandos qui possunt gladio
 respondere, nec verbis læcessendos, forte per-
 jugu-

Bartolus
 char. li-
 ter. p. 225.

jugulum redituris ; sed oportere in eorum rebus, si minus cæcum, at saltem mutum se fingere ; vix tamen hoc à se tam firmiter obtinent, ut incogitanter interdum non erumpant, & verba sibi patiantur excidere, quibus natura vel habitu assueverunt. Prudentius grues saxo rostrum obarmant, dum taurum transmittunt, ne suis clamoribus aquilas illic in rupibus nidulantes ad prædam accersant. Instat bombycum hi sibi carcerem ORE PROPRIO strunt, & muniunt, & cum qui possit, acriter stimulant ad elidendum scorpionem super eo, quod intulit vulnere ; confirmantque reipsa

Macrobius

Saturnus

l. 2.

quod Pollio de Augusto dixit, STULTUM ESSE, IN EUM SCRIBERE, QUI POSSIT PROSCRIBERE. Non est ita proum, semper invenire qui det ut taceas, & ex te silentium suis de rebus emat - - Atque ut taceant, non raro quidem accipiunt, sed hoc accipiunt unde in perpetuum taceant, quæ fuit merces illius Zoili, qui aut igne aut lapidatione, aut cruce pœnam luit lacerati ore maledico poetarum principis. Ita de maledicorum pœnis optime differuit Bartolus.

Vierus
pres.

XIII. Neque politicam solum, verum ecclesiasticam etiam censuram Scriptores incurrunt. MALEDICI, cum DEUS ipse styli mordacitate gravissime offendatur, quemadmodum Hugo Etherianus, cum adversario insigniter mordaci agens, prolixè non minus quàm egregiè demonstravit ;

Hugo Etherianus
lib.

II. de heresib.

Ravit ; ita veritatem semper querendam esse
 concludens, *quasi DEUS præsens sit ; si DEUM* *Hugo E.*
hic præsentem habuisset, (adversarius scil. vi- *therian.*
 rulentus, cujus spicula verborum acutissima *l. II. de*
 antè recensuerat) *nequaquam in DEI Ecclesiæ* *heres.*
tot conviciis profudisset. Hoc ipsum si omnes ubi-
 que (nostri præsertim ævi) obtrectatores li-
 terati attendissent, non tantam in se justamque
 DEI & bonorum omnium devocassent offensi-
 onem. Narrat Paulinus duos ecclesiastici
 ordinis Viros subito fato corruisse, quod in
 Ambrosium Mediolanensem Præsulem defun- *Paulinus*
 ctum quædam maledicentiæ jacula evibrassent. *in vita*
 Ex his alterum Sacerdotem fuisse Afrum, sed *Ambros.*
 Mediolani ope Ambrosii sacro muneri adhibi-
 tum hanc ei gratiam rependisse, verum illum
 auditores neutiquam invenisse benevolos, &
 DEUM mox gravissimum vindicem esse exper-
 tum ; *Nam* (ait Paulinus) *subito miser expal-*
lescere, voce ticubare, artubus tremere cepit, sic
inter brachia deductus est ad lectum, & una ad
lectum. Sic & Noddonem, improbæ dicacita-
 tis hominem miserrimè periisse, postquam o-
 ptimum Præsulem Arnulphum probis inces-
 sere studuit, eorundemque criminum convi-
 ctum (quorum Daduchum suum arguebat.)
 caput perdidisse, historiarum monumenta te-
 stantur. Atque ut priscis recentiora miscea-
 mus, horrendas sanè vitii illius DEO odibi-
 lis pœnas ille dedit [Cantipratano teste] Sa-
 cerdos,

*Canti-
prat. lib.
II cap.
37.*

*Jo. Ma-
jor in spe-
cul. E.
xempl.
p. 265.*

*Abas.
Fritsch.
l. c. n. 5.
& 6.*

cerdos, qui ut tanto facilius alios ordinis sui viros in infamiam traheret, de se ipso pessima est mentitus, ast morti proximus, tanta in se ipsum quoque debachatus rabie fuit, ut dentibus linguam maledicam scedè laniaret & commoleret, quin imò palam omnibus ostenderet, inde suplicii exordium sumi, unde ille sumisset peccati. Nec multum ei absimilis fuit quidam veste potius quam moribus in Anglia religiosus, rabido detractionis dente quosvis laceans: Is, cum [Jo. Majore teste] sub vitæ finem monitus esset, rogatusq; sollicitè cogitaret, quodnam insisteret iter, de tota nunc æternitate agi; MONETIS FRUSTRA, respondebat; HÆC ENIM [linguam exerens & digito percutiens] PESSIMA ME DAMNAVIT; moxque misere expirans, grande documentum cunctis (etiam eruditis) dedit detractoribus, ut alienis sapere detrimentis, ac modestius leniusque loqui pariter ac scribere discant, omnemque in objurgando devitantes acerbiteratem, & perniciofa, & christiano homine prorsus indigna cavillandi, aliorumque dicta facta scriptaque perstringendi aut sugillandi libidine, prorsus abstineant; ad animum sibi etiam atque etiam revocantes monitum egregium, quod antea laudatus Theologo - politicus suggestit, verbis hisce & notatu & observatu longè dignissimis: *Semper à Viris bonis abesse debes*

Spiz

ῥῆξ ὕσριχ & *nigra loliginis succus*, quin
 & *verba σκληρὰ καὶ καυδὰ*, defendatur
 [pergit] veritas, quæ simplicitatem amat ver-
 bis simplicibus modeste, absque ulla sermonis
 acerbitate, sine conviciis asperisque moribus.
 Si quis forte erroneam doctrinam in scripto
 publico foveat, defendatur rei veritas, damne-
 tur error, sed salva lege charitatis, salvâ homi-
 nis famâ. Neque enim decet ignominiosis ti-
 tulus personam errantis lacerare, & hujus vel
 illius opinionis adsertorem stultum, ineptum,
 asinum &c exclamare. Certè, qui credit, ut
 quemvis credere oportet, à DE O omnia esse:
 DE U M unicum datorem esse omnium bono-
 rum, omnisque sapientiæ ac scientiæ; diversa
 esse dona, & ut S. Apostolus ait, ea juxta men-
 suram, pro beneplacito divino hominem ex
 merâ grâtia accepisse, is abstinabit ab ejusmodi
 re pessima, DE Oq; gratias aget, si melius, per-
 fectius, accuratius, penitius rei veritatem per-
 spicere possit, quam alius, qui vel hebetioris
 ingenii, vel non tam profundæ eruditionis, vel
 qui non satis in re informatus fuerit. Dixeris
 forte: *Amicus Plato, Amicus Aristoteles, sed*
magis amica veritas, sit ita; Anne veritas
 aliter defendi non potest, quam cum errantium
 illusionem, ignominiosa irrisione & vilipendio?
 Amica certè semper esse debet veritas, sed
non minus amica charitas christiana, quæ
 A a a 2 pro-

proximo debetur. Verius nonnunquam dici potest, quod amicus quidem Plato, sed magis amica OPINIO, cum primis nova ac singularis. Maledicentiam certè & cavillandi acerbicetatem sæpè *non amor veritatis, sed opinio infallibilitatis, & presumptio singularis scientia* parit, scientia inflat [ait Apostolus,] sed *charitas edificat.*

Confer XIV. Est certè peccatum non leve, sed *eund., l. c.* gravissimum, & dilectioni christianæ prorsus contrarium, dictis vel scriptis proximi errantis famam lacerare, & ut vulgò vocantur personalia realibus præter necessitatem immiscere. Omnino cogitandum, de quovis inutili verbo DEO aliquando, in tremendo illo iudicio magno rationem reddendam esse. Cogitandum, quod invidia, odium, vindicta, quæ non rarò calamum scribentis regunt, peccata sint mortalia. Cogitandum, quod errare vel minus sapere, infirmitatis sit humanæ. Cogitandum illud Apostoli: OMNIA PROBATE, QUOD BONUM EST RETINETE. Cogitandum, quod DEUS huic talentum, alteri dimidium talenti vel minus commiserit. Cogitandum, quod facilius sit vituperare, quam emendare. Cogitandum, quod nullus unquam liber scriptus fuerit, qui non suos habuerit naves. Cogitandum, quod juxta Plinii effatum nullus liber tam malus sit, qui non aliquâ parte proficit saltim.

Saltim, adeoque uti quis poterit parte libri, si totum non adprobet. Cogitandum, quantam post se complurium malorum catenam trahant chartæ contumeliosæ, nam & author obtrektoris inde sortitur appellationem, & læsus gravissimè offenditur, & lector [præsertim pius ac placidus] non modico afficitur dolore, si tantam animorum (etiam orthodoxorum) deprehendat tamque luctuosam collisionem, adhæc probè intelligat, quanti nocumenti, & quam difficilis curationis aut conciliationis sit hoc præsertim seculo exulcerato & contentioso certamen quodlibet, in publica luce agitatum. Mirum quam tenaciter inhæreat, quâ semel imbutus est, sive lectoris, sive auditoris animus **FALSA OPINIO**: Leni quippe susurro, pauculis verbis, velut clavus in asserem illa adigitur in animum, si iterum velis extractam, vix ulla id vi efficies amplius, cum perversam de alio opinionem jamjam imbiberit lector, quàm ægrè dimittet, etsi centies dicas, hoc scripsi iratus, illud inconsideratè protuli, istud me indicare compulit invidia, quicquid dixerit maledicus ejusmodi, ast pœnitens scriptor, altius hærebit implantata jamjam opinio, quam ut stirpitis ea evelli amplius possit. Contra serpentis ictus, est è serpente pulvis, contra scorpionis aculeum, est scorpionis oleum; contra rabidi canis morsum, sunt canum pili, at verò qui lingua vel calamo obtrektoris

sunt laesi, aut difficulter & imperfectè, aut nunquam curabuntur, quod enorme detractionis maledicentiaque in Orbe literato frequentatae nocumentum probè perpendens disertissimus

Chrysof. Chrysostomus; *Quae enim* (præclare scripsit) *homil. 3.* *utilitas*, cum a vibus quidem & piscibus ab-
ad pop. *stineamus*, fratres verò mordeamus & co-
Antioch. *medamus*? *Detrahens* fraternas carnes
post. med. *comedit*, proximi carnem momordit, propte-
Gal. V. *rea* & Paulus tergit, dicens: Si autem vos
 invicem mordetis & comeditis, videte ne
 ab invicem consumamini. Et ne forsitan sit,
 qui admonitionē hanc eludat, notanter addit:
Ne quis hoc mihi dicat, tunc detraho quando
 falsa dico, nam si vera loquens maledixeris,
 & hoc est crimen, etenim phariseus ille pub-
 licano veridicus maledixit, sed tamen hoc
 ipsi nihil profuit. Dic enim mihi, publicanus
 non erat publicanus & peccator? Cuique cer-
 tum est quod fuerit publicanus, sed tamen
 quoniam ipsum vituperavit phariseus, abiit
 omnibus amissis. Vis fratrem corrigere? la-
 cryma, D & U M ora, ex corde apprehensum
 admone, consule, exhortare; sic & Paulus fa-
 ciebat. Sed jucundum detrahere; imò ju-
 cundum non detrahere. Detrahens enim

continenter anxius est, suspicatur & timet, penitentiam agit & linguam suam mandit, timens & tremiscens, ne forte aliis enunciatum verbum magnum sibi periculum afferat, & inutilem inimiciā hā, qui dixere, operetur. Sententiam deniq; concludens Chrysostomus, hisce notatu dignissimis usus est verbis: Fugiamus igitur dilecti, fugiamus detractionem. O DOCTI, tanquam satanicum insidiarum barathrum. Ut enim nostra negligamus, & graviores nobis reatus constituamus, in hanc nos consuetudinem diabolus duxit; imò verò non solum inest hoc malum, quod tunc rationem dabimus eorum qua diximus, sed etiam quod peccata nostra sic graviora faciemus, omni nos excusatione privantes; acerbè enim aliena exquirens, in suis excessibus nullam unquam veniam nasciscetur. Eliminemus igitur omnem ex ore nostro detractionem; sollicitè nimirum perpendentes mala gravissima ac atrocissima ex mutua ejusmodi λειδογία suam trahentia originem. Quanam illa? Alethæ sacrosanctæ interitus, animorum summa exacerbatio, odiorum ac inimiciarum tristis concitatio, rectorum pudendarum & scandalosarum fabricatio, optimorum ingeniorum (quæ scri-

ptis suis egregiis DEO ac Reipubl. servire possent) depressio plusquam tyrannica, conscientiae lasso enormis, violatio christiana charitatis, nec minus Ecclesiae quam Reipubl. literariae ruina inevitabilis: Oraculo enim verius, quod nonnemo verbis enuntiavit sequentibus: *Illud magnoperè dolendum, insistere saepenumero doctorem quidem, sed non perinde bonorum hominum animis perniciosum invidentia virus, quo aliorum opera incessant, lacerent, proscindant, aut perdere cœnentur, profutura aut allatura lucem, obscurent. Hinc odium, & ex odio rabiosa maledicentia, & impotentis animi verba, rixæ & jurgia & calumniae. Hinc saepè desperatio, & desponsio meliorum ingeniorum, quoniam per cæsarem sic amaram & inamabilem, ab omni scribendi & juvanda poste-*

Conf. vit. ritatis ratione avertuntur. In cineres olim Mirand. redegit Jo. Picus Mirandulanus **QUINQUE**
opp. pra- **AMORUM LIBROS**, quos ætatis primæ li-
fix. & centiâ effuderat, *ne scil. vel nomini Scri-*
Angel. *ptoris, vel moribus alienis, vel utrisq; da-*
Polit. l. *mino forent;* Platonem hæc in parte imita-
1. Epist. 7. tus, qui scriptos editosque, secus ac decuerat
 versiculos suos, ipse lucenti iniecit foco. Li-
 cet enim Plutarchus alicubi scribat Platonem
 despe-

desperatione Homericæ felicitatis & majesta-
 tis id fecisse, ex aliorum tamen clarissimo indi-
 cio constat, illum hoc virtutis gravitatisque
 philosophicæ illustre documentum dedisse,
 postquam Socratis instinctu, ludicris abjectis,
 magis seriis magisque utilibus studiis invigila-
 re cœpisset, tum scil. poemata à se in juventu-
 te composita consecrassse Vulcano. Quam ve-
 rò uterque legitimam exustionis habuit cau-
 sam, ea potius omnes christianos, Numinisque
 reverentes scriptores ad cremanda perdendaq;
 opera pudendæ MALEDICENTIE luto
 contaminata incitare deberet, *ne scil. vel NO-*
MINI scriptoris, vel existimationi laudi-
busq; alienis damno forent & detrimento.
 Hinc scriptor quidam ætate nostra famige-
 ratissimus, morti vicinus uxori injunxit, ut
 quæ domi scripta haberet jam confecta & in
 quâdam arca seposita, adversus maximos Vi-
 ros dudum prælo parata, omnia ac singula
 flammis traderet: *ne si forte in aliorum*
manus devenirent, erumperent in publicum,
& magnorum Virorum perderent famam,
cum iis gravissimos eorum errores confutaf-
set. Et quemadmodum Picus Platonem in ex-
 urendis lascivis & petulantibus poematibus
 fuit præclarè imitatus, ita ille ad exemplum
 NONNI PANAPOLITIS scriptoris

Confer.
vitam

Sal. ab

Ant. Cle.

mentio

conscript.

& lib. 1.

Epistol. e-

jus præst-

xam.

græci doctissimi & volubilitate verborum, dictionisque copia opulentissimi, (qui Dionysiacorum libros, quos calore juvenili conscripserat, non retraxit modo, damnavitque, sed quotquot eorum exempla nancisci potuit, fecit favillas, studiumque deinceps suum ad divina convertens, Johannis Evangelium versibus ac paraphrasi politissima illustravit,) ad Nonni inquam hujus exemplum scriptor iste rodentia quædam scripta flammis absumi curavit: *Nihil scilicet, moratus libros, (quæ ipsiusmet verba notatu sunt dignissima) sed*

Lib. I. E-

pistol. 35.

ad Jac.

Crucium.

Angelus

Politiano

combustus

à Pico li-

bris amo-

rum, gra-

cum scri-

pse epita-

phium,

quod ex-

rat Lib. I.

Epist. 7.

opp. f. 6.

COMBUSTOS omnes volens, si doctiores tantum, non etiam MELIORES, qui illis dant operam, reddere sint idonei. Utinam omnes librorum conditores tandem pariter saperent ac intelligerent, suaq; monumenta ad æquitatis & lenitatis christianæ leges non satis exacta, sed arrogantia maledicentiæque maculis foedata tenebris perpetuis addicerent, nec castigatricem solum spuris ejusmodi germinibus admovent virgulam, verum in favillas etiam cineresque illa redigerent. Hunc in modum feliciter funeratis scriptis maledicis non Politianus quidem ANGELUS eorum bustis epitaphium scribet, sed ANGELI potius cœlestes scriptoribus illis de illustri adeo victoria olim gratulabuntur. Incipiamus igitur ô eruditi (Lud. Vive in præf. Comm. ad opp. f. 6. August. de C. D. monente) tandem hunc tol-

lore

lere morem, quem invidiæ omnibus furia in-
 præstantia studia immiserunt, impetendi &
 lacerandi eum, quem conjunctissimum nobis
 charissimumque debebat reddidisse cōmunio
 studiorum, ac earundem Musarum cultura, ut
 prætereamus baptismum & charitatem Christi,
 quandoquidem hæc proh dolor! jam olim sur-
 dis auribus inania sunt nomina, & agris ocu-
 lis vanæ sine corporibus umbræ. Non absit ab
 studiis humanitatis humanitas, serveturque il-
 la tranquillitas animorum, qua super res o-
 mnes alias Musæ gaudent. Colamus literas,
 ut nos delectent, ut juvent, non ut in certa-
 men acerbum committant, & tela vel eruditio-
 nis vel styli subministrent, quibus pravos affe-
 ctus nostros explentes, feriamus sauciemusque
 inimicum.

XVI. Verum Maledicos literatos tan-
 dem suæ improbitati, suisque suppliciis relin-
 quamus, ac illis nunc omni studio succurra-
 mus, illos fulciamus ac erigamus, quos gra-
 vis adversariorum immeritaque circumlatrat
 injuria, in hanc quidem tractationis partem,
 tanto libentius incumbentes, quanto certius
 ipsa rerum magistra experientia dictitante con-
 stat, eruditorum plurimos vel levissimæ inju-
 riæ contumeliæque esse intolerantissimos,
 pauculos verò adeò lenes sibi que constantes,
 ut non hujus aut illius maleferiati hominis
 obtreptione tandem debilitentur, frangan-
 tur-

turque. Horum quemlibet principio instanter monemus ac serio, ut nullam injuriæ ansam sive occasionem subministret, vitet potius quam invitet aut irritet aculeata crabronum agmina, atque singularem in declinandis evitandisque virulentissimis maledicorum moribus prudentiam adhibeat. Hanc Demosthenes olim eò collimare dicebat, ut Vir prudens ita prospiciat difficultatibus, ut vitet ab honestate mentisque tranquillitate avocantia aberrantiaque omnia, inter quæ cum principem locum dedecus & ignominia occupet, opera literatis prudentioribus navanda est sedula, ne culpâ suâ gravem adeò incurrant calamitatem. Quodsi verò nullo prorsus merito, sed alienâ impietate ipsis opprobria, contumeliæ ac dedecora obveniant; quodsi acutis truculentisq; hujusmodi telis frequentius petantur, non solum patiente, sed & hilari animo ea (præsertim à potentioribus illustrioribusque vibrata) excipiant, imò & jure suo non gravatè cedentes, injurias nunc sustinendo, nunc remittendo, nulli sine maximâ sese opponant necessitate. Recident frangenturque faciliè cuncta injuriæ tela, quotiescunque fortia tetigerint pectora, & adversus quoscunque incursum doctrinæ Christianæ præceptis ita munita, ut nullo ictu à rectæ bonæque mentis sede possint deturbari. Illustria equidem æquanimittatis hujus specimina non Christianorum

norum solùm, verum etiam gentilium literatorum plurimi dedere, supremam humanæ felicitatis metam hujusmodi fortitudinem ducentes; Quin Julianus ipse facinus hoc longè nobilius esse judicabat, quam expugnare Trojam, vel ingentem exercitum compellere in fugam, eaque propter haud abs re damnans Ulysslem, quod post tot rerum discrimina gloriose constanterque suscepta, non potuerit ejus, à quo fuerat exceptus hospitio injurias perferre fortiter, tametsi fortasse non ignoraret, quod

*Jul. Imp.
orat 3.*

- - *Stolidusque, & futilis ille* *Ovidius*
Ædibus exceptus, qui cum hospite jur- *4. de*
gia miscet. *pont.*

Et cum gentilium sapientissimi, Aristoteles, Epictetus, Seneca & Plutarchus unanimiter pronunciarint, non culpæ sed pœnæ malum esse injuriâ affici aut contumelia, propterea id homini neutiquam probrosum, atque à forti viro alienum esse optimè statuerunt, silentium hoc ipso indicantes molliculis illis, qui injuriarum tolerantiam neque rationi, neque honestati consonam arbitrantur, ineptè non minus quam impiè blaterantes, quod cum illa mititate atque contumeliarum oblivione (ad quam ipsa religione invitamur,) coherere satis non possit magnanimitas sive animositas illa, quam veræ fortitudinis titulo sapientiores olim exornarunt. Tantum equidem

dem abest, ut quarumvis injuriarum abolitio firmumq; in perferendis malignantium convitiis animi robur, ipsam fortitudinis virtutem obtundat, vel aliqua ex parte ejus hebetet. aciem, ut potius veram exacuat germanamque excitet sustinentiæ virtutem, præterea illum impetum quo homo sponte ruit in ulationem egregiè refrœnet, denique efficiat, ut literatus de hoste potentissimo, nimirum de SE IPSO feliciter triumphet. *A.*

Sen. epist. 36. ad Lucil. *micum tuum* (ita Seneca olim egregiè scripsit ad Lucilium) *hortare, ut istas magno animo contemnat, qui illum objurgant, quod umbram & otium petierit, quod dignitatem suam destituerit, & cum plus consequi potuerit, prætulit quietem omnibus.*

Illum nimirum felicissimam de hoste pessimo victoriam reportaturum existimavit Seneca, qui totus in contemnendo contemptu sit occupatus, vel ut Pyrro quondam discipulis suis inculcavit, conviciis non aliter quam præconiis afficiatur, quin imò ad sortem sapientis apprimè id pertinere, atq; Socraticum vel potius Herculeum esse CONVITIA TRANSMITTERE SILENTIO quondam censuit.

Plutarch. de utilit. ex in. vic. 6. 13. Plutarchus, siquidem sapiens conscientiae suae innixus, nihilque alteri de se credens, eodem animo imperitorum contumelias, quo laudes acceptare soleat, quod & laudatus Seneca de sapien-

sapientis constantia differens optimè est exsequutus, validæ quorundam occurrens obiectio- *Seneca*
 ni: *Naturale scil. esse opinionibus homi-* *Epist. 10.*
num tangi, & adversis contristari, quare *& lib. de*
non permittendus sit tam honestus mala o- *ta.*

pinionis metus? Aures (respondit) neutiquam præbendas esse malignis ejusmodi sermonibus, animum potius vel renitentem adversus vulgi rumores, & judicia carptorum extollendum; cum placida eorum perpeffio proficientis sit, & ad conscientiam suam respicientis. In eo equidem apprimè resplendet hominis virtuosæ indoles, si maledicta non retaliet instar pugilum, qui adversarium à quo pulverulento aspersi sunt ungvine, vicissim adspargunt, & maculas luto abstergere conantur, rectius longè facturi, si ad cognitionem compositionemque sui, ipsis suis uterentur inimicis, utpote qui hæc in parte amicorum & familiarium fidem & curam longissimè superant. Hinc apud Epictetum virtutis solidæ *Plut. l. c.*
 studiosus tacitè suum derisit encomiasten, in- *cap. 10.*

simulanti verò repugnavit minimè; sed & iniquas lividæ calumniæ voces referenti, *si &*
cetera (respondit) *vitia mea nosset, neutiquam*
intra illas voces constitisset. Neque fidem.

semper Vir prudens habeat hujusmodi susurronibus, *Sym-*
mach. *siquidem* (dicente Laconico Oratore) *benè conscius vitæ, æstimare debet nihil in* *ep. 127.*
se

*Arnobi⁹
4. ad
versus
Gentes.*

*Salust.
in Ju.
gur.*

se maledicis licere sermonibus, talisque excelsi animi mansuetudo ingentis profectus & sublimis conscientiae sit indicium. Acerbissime licet, (ut Arnobius ait,) vulneret, quod inurit innoxios, & quod decus nominis atque existimationis infamat, facilius tamen conscientia recta admitter contumeliae vulnus, quam laesa, utpote quae ipsa instar mali ulceris sit, ipso Plutarcho norante, & ad levissimum quemvis contactum indolescat. Equidem si verae virtutis studiosus molliciem effoeminatam, improbus verò inveteratam removeat malitiam, uterque dolorem convicii pro conscientiae habitudine variare deprehendet. Sic apud Salustium Marius: *Me quidem ex animi mei sententia ladere nulla oratio potest; quippe vera, necesse est bene praedictet - falsam vita moresque mei superant.* Ad hunc modum si sese demitteret contraheretque adversariorum injuriis pressus literatus, nunquam in parem cum illis incideret insaniam, sed diu multumque ferendis contumeliis exercitus, indies evaderet melior, & ad artem illam artium, scientiamque scientiarum, saluberrimam nempe sui cognitionem felicissime tandem aliquando pertingeret.

XVI. Fuerunt qui patientiam irrogationi injuriarum fortiter excipiendae addictam, philosophiae metam longissime transcendere censuerunt, quasi ex ejus praescripto honestum sit

sit non tolerare injuriam sed rependere. Et
 sanè ingens omninò est in illius (præsertim
 paulò gravioris) perpeffione difficultas , cui
 tanta naturæ fragilitas non immeritò succu-
 bitura judicetur, saltem agrè obstitura, nec
 diu constantiam servatura, si exarmata cœlestis
 gratiæ præfidiis, tantum philosophicis fulcire-
 tur adjumentis. Ac licet levior videatur inju-
 ria (ut sic dicam) verbalis, sive convitium,
 quam realis, quæ scil. labia transcendit, ulte-
 riusque pervadens, ingens in rebus ipsis infert
 nocumentum; attamen summam in ipsis etiam
 convitiis patienter excipiendis esse difficulta-
 tem, nemo est literatorum qui nesciat, cum ipse
 Chrysostomus contumeliæ & convitii per-
 peffionem lapidatione duriorē affirmare non
 dubitaverit, aliis non absurde adeò injuriæ
 visæ sint nudis naturæ viribus omninò impor-
 tabiles. Nihilominus etiam philosophicè ho-
 nestam, ac rationi perquam conformem esse in-
 juriarum tolerantiam, plurima ipsorum genti-
 lium (nudo naturæ lumine nixorum) præclare
 dicta & heroicè gesta testantur. Senecam to-
 tum in eo argumento desudasse, quod in sa-
 pientem non cadat injuria, aliaque non con-
 temnenda tolerantia illius præfidia ac subsidia, ap-
 tum in libris de ira, tum alibi passim submini-
 strasse, quis est qui nesciat? Nec verbis solum, injuria,
 verum proprio etiam exemplo literatos omnes
 Themistius [se ipsum consolans in gravissimis

Joh.

Chrysost.

hom. 31.

ad pop.

Ant.

Senec.

opusc.

quod in

sap. non

cadat

injuria.

*Themist.
Orat 4.*

quas sustinebat insectationibus] docuit quali antidoto rabidos convitiatorum morsus eludere debeant, & ad optimorum sapientissimorumq; hominum pertingere sortem. Quid ego succenscam (ait inter alia) si cum omni tempore id pugnaverim, U T E O S VIROS (quos sc. paulò ante memoraverat convitiis immerito exagitados) quoad facere possem imitarer, eadem sim cum Ducibus meis expertus, & in iisdem consecretandis vestigiis, ad eosdem scopulos offenderim? Si inquam velut examen quoddam aculeatorum fucorum in me ipsum excitaverim, non quidem sponte, nec certo animi consilio, sed quod ea rei huius natura sit, cui me totum tradidi, quam impensè diligo, quam vitæ ipsi atque animæ præfero? Neque verò si mercaturam agerem, pacatum mihi semper ac placidum Mare, aut secundos ventos, aut ex mercibus perpetua opum incrementa pollicerer, sed & procellas, & scopulos, & ejectionem mercium, ac nonnunquam etiam prædonum incursiones, fluctibus ipsis atrociorum tempestatem perhorrescerem. Quin hoc ipsum argumento mihi esse debet, propius illorum me vestigia premere, nec multum aberrare; quod quibus me calumniis ac convitiis in præsentia vellicant, non aliæ sint, quam quas in divinos illos atque eximios homines insani illi ac furiosi contulerunt. Nam Sophista, & arrogans, & novitatis studiosus, convicia sunt, primum

mum in Socratem coniecta, inde in Platonem,
 ac deinceps in Aristotelem ac Theophrastum.
 Ita præclare Themistius, nimis delicatum eum
 philosophū esse pronuncians, qui ipsis Sapien- *Epictetus*
 tiæ columinibus accenseri velit, & tamen ea *Enchir.*
 patienti injuriarum perpeffione imitari dedi- *c. 10. &*
 gnetur. Mens eadem Epicteto, quam Arianus *27.*
 hoc memorabili sermone expressit: *In univer-*
sum id memineris, quod nimirum nosmet- *Arian.*
ipso premamus, & in angustias conjiciamus, *lib. I. cap.*
25.
ist verd est, opiniones nos premunt & ar-
etant. Quid proinde est conviciis incessere
iplum per sese? Confer maledicta in lapi-
dem, quid queso efficies? quod si quis ista
audiat tanquam lapis, quid queso proficiet
conviciator, at si imbecillitatem ejus cui
convicia fiunt, tanquam suggestum quoddam
naetus sit is, qui maledicit, tum sanè multum
proficit. Idem argumentum Antoninus Impera-
 tor & creberrimè & luculentissimè versavit, va-
 riisque subministratis considerationibus, qui-
 bus & injuriæ asperitas mitescat, & fortitudo
 roburque animi augeatur: Tolle ait opinionem, *Antonino*
 simul etiam de accepto damno abolebitur co- *lib. IV.*
 gitatio, hacq; sublata, ipsum etiam damnum *num. 9.*
 non erit, quod hominem se ipso deteriorem
 efficere non potest, id neq; vitæ ejus pejorem
 reddit,

reddit, neq; ladit, neque extrinsecus neq;
intrinsecus - - Non ita tibi sentiendum est,
quemadmodum is, qui injuriam facit vel ipse
sentit, vel te existimare vult, sed res ipsas
quid verè sint, perspice. Et quod h. l. Anto-
ninus de opinione dixit, ea nos plerunq; ur-
geri potius, quam vero damno & injuria, id ali-
bi pulchrè illustravit confirmavitque verbis se-

Idem An- quentibus: Omnia opinione constant, hæc
ron. lib. 8 autem est in tua potestate, tolle igitur cum lu-
n. 34. & bet opinionem, eruntque Tibi tanquam pro-
40. & lib. montorium præterveto omnia serena, &
12. num. sinus fluctibus vacans. Diligentius fusiussq;
18. id ipsum à Seneca traditum est locis variis, de-
Seneca e- libabimus duntaxat unicum: Plura sunt
ist. 13. inquit, quæ nos terrent, quam quæ premant,
& sapius opinione, quam re laboramus. Et
mox: Cito accedimus opinionì, non coargui-
mus illa quæ nos in metum adducunt, nec ex-
cutimus sed trepidamus, & sic vertimus
terga, quemadmodum illi, quos pulvis motus
fugâ pecorum exiit castris, aut quos aliqua
fabula sine authore sparsa, conterruit. Ne-
scio quomodo magis vana perturbant, vera
enim modum suum habent. Quicquid ex in-
certo venit conjectura & licentia paventis
animi

animi traditur. Haud verò inopportunè laudatus Antoninus monuit, cavendam hic maximè esse ostentationem, ac vitandum ne fructus patientiæ cujusdam, gloriolæ captatione evanescat, quâ ille nota Phocionis in conviciorum toleratione patientiam duxit suffigendam: *Contemnor* (inquit ille) *ab aliquo, videtis : ego curabo , ne quid contemptu dignum agam , aut loquar.* Ego quidem omnibus sum placidus, & benevolus, atque eo ipso promptus ad ostendendos aliis suos errores. *Neq; hoc exprobrandi causa, ut ante PATIENTIAM OSTENTEM meam, sed ingenuè, & probè. Quantus erat Phocion, nisi id ipsum præ se tulisset ? Neque Phocionis solum, sed omnium ferè philosophorum gentilium patientiam hâc teredine vitiata fuisse plurimi notarunt.*

XVII. At verò longè meliorem excelsioremque injuriarum omnium despectionem. CHRISTIANA RELIGIO instillat commendatque, non verborum modo pulchrè sonantium concentu, sed subsidiorum etiam, è cœlesti officinâ subministratorum apparatu. Hoc si quis gaudeat, omnem sine læsione excipere injuriam poterit, eamque proفسus imbellè sine ictu telum esse reputabit, quemadmodum scitè & notanter Tertullianus olim cōmonuit:

Tertull. Omnis (Scribens) injuria seu lingua, seu
lib. de pa- manu incussa, cum patientiam offenderit,
rient. c. eodem exitu dispugetur, quo scilicet aliquod
 18, in petra constantissima duritia libratum,
 & obtusum. Concidit enim ibidem irri-
 ta opera & infructuosa, & nonnunquam
 repercussum in eum qui emisit, reciproco im-
 petu saeviet. Nempe idcirco quis Te laedit,
 ut doleas, quia fructus ledentis in dolore
 lesi est, ergo cum fructus ejus everteris non
 dolendo, ipse doleat necesse est amissione
 fructus sui. Tunc tu non modo illatus i-
 bis, quod etiam solum Tibi sufficit, sed in-
 super adversarii tui & frustratione oble-
 tatus, & dolore defensus, hac est patien-
 tia utilitas & voluntas. Non dissimiliter
Joh. D. Chrysostomus splendidissimum victoriae
Chryso. genus esse ostendit, illatam patienter excipe-
hom. 85. re injuriam: Non queramus igitur (arri-
in Mat. gant aures cuncti vindictae privatae a-
 more flagrantis literati!) ubique victo-
 riam, nec semper superari vereamur. Est
 enim quandoque victoria detrimentum, offen-
 sio verò & injuria emolumentum adducit.
 Etenim in ira qui valde contumeliatus est
 alterum, superasse videtur, cum revera
 ipse

ipse maximè à turpi hâc perturbatione victus, non parum sibi ipsi nocuerit. Qui autem magno animo tulit injuriam, hic profectò & quidem cum laude superavit. Ille namq; ne suam quidem aegritudinem compressit, hic etiam alienam extinxit. Et ille suo morbo superatus est, hic etiam alienum curavit, nec solum ipse inflammatus non est, verum etiam ingentem alterius flammam extinxit - - Non igitur ubiq; victoria querenda est, qui enim ladic, superare læsum videtur, sed pernicioſa sibi victoria superat, læsus autem si magno animo perfert injuriam, quanquam victus videatur, coronam tamen splendidam adeptus est. Ad-diditque benè multa in eandem sententiam. Chrysostomus, alibi notanter conscientiam, illius est contestatus, qui injuriam æquo animo subeunti intulit, an non ipse acrius læsus sit ac flagellatus, vel nemine accusante, quam is qui injuriam patienter excepit, planè ita rem habere (reo ad fatendum adacto) demonstravit. Et cum præclarè notasset non adeò ipsum pungere convicium, quam despectio-nem inde apud conscios exurgentem, clarifimè ostendit, injuriarum & conviciorum perpersioni non patientis sed convitiantis ad-jungi despectionem: Itaque (ait) quod est criste

Confer
Chrysost.
hom. 15.
in Act.
Ap. &
ib. hom.
50. rur-
sus eod.
opere
hom. 39.

non est natura contumelia, sed in sententia spectantium, ut ita non videatur contemptibilis esse. Quid igitur si hac pro nobis sit? Nonne qui contumelia afficit, ignominiosus sit, quando pro nobis sententiam fert? utrum contemnunt presentes eum qui ignominia afficit, an eum qui contumelia afficitur, & silet? - - Manifestum, quod eum qui contumelia afficit, etsi minor quidem sit, insanire illum dicemus sin par honore, desipere; si autem major neg, sic ap-

Ibid. Po.

lus. l. II.

Epist. 67.

Idemque confirmaturus genus Chrysostomi discipulus Isidorus Pelusiotus, verba usurpavit adscriptu dignissima: Quod acceptam injuriam ulcisci minimè injustum sit (nimirum in speciem, aut si potestate publica fiat,) assentiar, quod autem ne philosophicum quidem sit, concedi abs te æquum fuerit, quanquam si id facile ac sine multis molestiis fieri posset, sermo tuus ratione aliqua niteretur. Cum autem ante eum qui poenas daturus est, is qui eas exposcit, sexcentis se ipsum calamitatibus convulneret, satius fuerit minimè committere, ut eum eo quod latus ipse sis, alia quoque mala

mala experiaris. Quod si obscurum tibi ac perplexum videtur quod dictum est, id perspicuum reddere conabor. Considera enim, si quis illatam sibi injuriam ulcisci velit, quonam acerbitates perferat, primum furore perfunditur, deinde ab ira interrumpitur. Primum enim ebullit affectus, deinde ad vindictæ cupiditatem extimulatur, tertio infinitos fluctus excitat, quartò mille cogitationum vias ingreditur, quinto metus subit ac tremor, animique angor, iracundiâ nimirum eum interrumpente, ac metu concutiente, dum illud secum agit, quonam pacto quod cupit assequatur, acceptamque injuriam vindicet. An non videtur tibi hujusmodi homo, ante eum qui pœnas daturus est, ipsemet pœnas dare? At qui patientiam adhibet, ab his omnibus rebus est exemptus. Ac sanè meritò. Nam hoc in ipsius arbitrio situm est, atque ipse totum absolvit. Ille autem alter non item. Verum & temporis commoditate opus est, & loco & fraude, & versuta improbitate, & armis & machinis, & adulatione, servitute &

Bbb s

hypo-

hypocrisi. Videsne quemadmodum difficilis quædam res sit vitium, facilis autem virtus, atque illud quidem tumultibus scateat, hæc autem ab omnibus perturbationibus sit remota? Ut enim Vir nequam ac improbus tot & tanta perpetratur, ita probus ac virtutis studiosus tranquillitatem obtinet. Atque is quidem qui ulciscendæ injuriæ studet, infinitam inimicitiam reddit, qui autem patientiâ utitur, eam quam ocysimè opprimit & exstingvit, unde importunum etiam ac sævum hominem mitigat, atque ad amicitiam allicit. Nimirum consensit Pelusiota Senecæ, qui hominem injuriam patienter excipientem non aliter ad illam se habere professus est, quam Solem ad interpositam nebulam: Solis (*inquit*) vis & lux integra est etiam inter opposita. Et quamvis aliquid interjaceat, quod non prohibeat ejus aspectu, in opere est, cursu suo fertur. Quotiens inter nubila luxit, non est sereno minor, nec tardior quidem, quoniam multum interest, utrum aliquid obset tantum, an impediat. Eodem modo, virtuti, opposita nihil detrahunt.

Non

*Seneca
Epist. 92.*

Non est minor sed minus fulget. Nobis forsitan non æque apparet ac nitet, sibi eadem est, & more Solis obscuri, in occulto vim suam exercet. Hoc itaque adversus virtutem possunt calamitates, & damna & injuriæ quod adversus Solem potest nebula. Nec minus scitè Augustinus, cunctos à turpi vindictæ studio revocaturus, maledicos ranis comparavit; *Rana* [ait] *sunt isti clamantes ex paludibus limosis, strepitum habere possunt, doctrinam veræ sapientiæ insinuarè non possunt.* Optimè autem D. Ambrosius in pietatis lenitatisque veræ christianæq; gymnasio institutus: Quando aliquis (ait) nobis conviciatur, laceffit, ad violentiam provocat, adjurgium vocat, tunc silentium exerceamus, tunc muti fieri non erubescamus. Peccator est enim qui nos provocat, qui injuriam facit, & nos similes sui fieri desiderat. Denique si taceas, si dissimules, solet dicere: Quid taces? loquere si audes, mutus es, elinguem te feci? Si ergò taceas plus rumpitur, visum sese putat, irrisum, posthabitu atque illusum, si respondeas, superiorem se factum arbitratur, quia parem invenit.

*August,
Serm.
95.*

*Ambros.
lib. 1. of-
fic. c. 5.*

venit. Si enim taceas, dicetur : Ille conviciatus est huic, contempsit iste. Si referas contumeliam, dicetur : Ambo conviciati sunt, uterque condemnatur, nemo absolvitur. Ergò illius est studium ut irriter, ut similia illi loquar, similia agam. Justi est autem dissimulare, nihil loqui, tenere bonæ fructum conscientiae, plus committere bonorum iudicio quam criminantis insolentiae, morum suorum gravitate esse contentum, hoc est est enim silere à bonis : quia benè sibi conscius, falsis non debet moveri, nec aestimare plus ponderis in alieno esse convicio, quam in suo testimonio. Ejusmodi etiam svaviores amaræ radicis (tolerantiae nimirum) fructus inter gentiles non solum *Maxim.* exquisitè illustravit delibavitque, verum cunctis etiam eruditis, adversantium contumelia à probroque affectis degustandos dedit. *Tyrius* *Serm. II.* *utrum* *referenda sit in-* *jur. ex* *interpret.* *Cosmi* *Paccii.* *MAXIMUS TYRIUS*, haud postremus Platoniorum placitorum sectator, Oratione illa politiori, quam de non referenda injuria doctæ posteritati transmisit. Quid est igitur ? (*dicens inter alia*) nunquid improbo injuriam (*literatus probus*) referet ? At nihil inveniet in quo figat injuriam. Quam-

Quamobrem enim potius improbus, improbus est, quam quod careat bono? quare neque opere ipso, qui sapiet, improbo injuriam rependet, quandoquidem nihil apud eum inveniatur, in quo injuriam locet; neque etiam animo, siquidem non magis Vir probus injuriam unquam inferre quam tibicen tibias dissonanter inflare meditatur. Communitur verò si improbum est injuriam facere, injuriam referre simile quippiam est, si enim qui injuriam intulit, propterea quod prior causam præbuit majus flagitium admisit, attamen qui retulit, idcirco quod ultus est, ei improbitate exæquatur. Et si injuriam inferens deliquit, vicissim delinquere videtur quia injuriam rependit. Quemadmodum enim qui gratiam refert, eo qui coepit beneficium conferre, nihilominus beneficus est, quamvis prior beneficium accipit, sic etiam qui injuriam refert, nihilominus deterius agit, eo, à quo ante acceperat injuriam, etiamsi prior erat injuriam perpeffus. Nam quis erit unquam injuriæ finis? Siqui injuriam est passus ultionem nequaquam remittit.

mittit, profectò necessarium erit malum continuè ab alio ad alium transferri ac transilire, injuriamque novam veterem semper injuriam excipere. Et enim si conceditur justo, propterea quod est perpeffus injuriam, authorem injuriæ ulcisci, in eundem etiam justum ab eo, qui ultionem excepit, revertetur iterum ultio, utrobique enim agendi idem eadem æquitas est. Qualem ô Jupiter (*sic umbrarum gentilium tenebris obnuptus Tyrinus exclamavit*,) justitiam fecisti, quæ ex injuriis oritura esset, quonam usq; progreditur malum, aut ubi tandem consistet? An parum videras perennem Te improbitatis fontem movere; atque eam universis hominibus sancire legem, à qua vetusta quædam origo malorum omnium initium sumeret! & post alia: O latentem inerrantemque justitiam! Ob eam scil. causam Socrates Aristophanem æquo animo tulit, odium adversus Melitum minimè exercuit, neque ultus est Anytum; sed clarissimè clamabat, Anytus ac Melitus Socratem de medio tollere possunt, lædere autem non possunt, neque

que enim improbo licet probo detrimentum inferre; Hæc quidem justitiæ vox est, qualem si universi mortales loquerentur, nullas profectò tragœdias, nullas scenicas fabulas, præterea non tam multas variasque calamitates haberemus. Hactenus Maximus Tyrius, cui consentiens Philo l. Maximus [non quidem nomine sed re] Philo; 6. de a-
Quidam (notanter scribit) è priscis pro-griul-
vocatus ad conviciandi certamen, in hoc iura-
quidem inquit, nunquam descendero, in
quo victo victor fit deterior. Ergò tu
quoque quisvis es, noli unquam cum ma-
lis contendere, & primus esse in hujusmo-
di certaminibus, sed ante omnia si fieri po-
test cura ut fugias. Quod si quando majore
vi coactus fueris in certamen descendere, ne
Te vinci pudeat. Sic enim demum si vinca-
ris, victor evades, quando in hoc genere vi-
ctor vincitur. Nec expectes, dum adversa-
rium aut praco vicisse pronunciet, aut certa-
minis præses coronet. Sed ipse accedito, pal-
mam porrigens, atque etiam si libet coronas
lemniscatas imponito, ipse victorem magna
intrepidaque voce pronunciato in hanc for-
mulam: In hoc concupiscentia, furoris, intem-
perantia, insipientia certamine victus sum,
vicit

vicit autem iste. & in tantum vicit, ut ne nos quidem invidemus. At verò sonoram hanc iustitiæ vocem, excelsaq; injuriarū omnium despectio nem christiana religio fortius longè instillat, commendatq; , non verborum duntaxat elegantiorum apparatu, sed exemplo potissimum illius, qui unus est omnium Magister, cujus vita universa non nisi aurea quædam fuit mansuetudinis veræ sinceræque tela, ipse veluti scopus, in quem nulla non maledicentiæ jacula, odii spicula, injuriarum sagittæ ex hostium animis veluti pharetris, illorum ore velut arcubus sunt evibrata. *Ei cum malediceretur* (dicente Apostolo) *non maledicebat*, non solum nulla maledicis reponens convicia, sed & benedicens maledicentibus. MAXIMI hujus Magistri potius quam Tyrii istius doctrinā imbutus, nec Socratis adeò, quam Salvatoris exemplo incitatus olim Nazianzenus, in hæc summam lenitatem christianamque æquanimitem spirantia verba erupit: *Nec me vel laudatores, vel vituperatores immutabunt; (quemadmodum qui cæno unguentum, aut unguento cænum admiscunt, ac per mixtionem qualitates confundunt)* ut maledicos sermones, tanquam à me ipso mutatus, graviter & iniquo animo feram. Nam alioqui multas pecunias

Gregor.

Naz. O.

rat. XIV.

n. 15.

cum laudatoribus numerarem, si me laudando meliorem efficerent. Verum aliter se res habet, quod enim sum hoc maneo, siue maledictis afficiar, siue laudibus in cælum ferar. Homo autem temerè verbis natat, ut inquit Job, ac quantum petram spuma, aut pinum, vel aliquam aliam densam & proceram arborem aura, tantum me lingua circumfluunt, ac simul hujusmodi quiddam mecum commentor, si falsa objicit accusator, non me magis, quam eum, qui loquitur hæc oratio attingit, etiamsi me nominatim conviciis petat: si vera, me ipsum potius, quam eum qui loquitur, accusabo. A me enim illi sermonis materia subministratur, non autem illius sermo causa est, cur talis sim; ac vocibus præteritis, ut quæ nihil sint, mei ipsius ero; hoc unum ex eorum improbitate commodi capiens, ut cautius vitam instituam. Ita Nazianzen⁹, qui insignem hanc philosophiã non in veteri illa seu Platonica, verum recentiori nobiliori quæ Academia JESU CHRISTI didicit, ad se quoque spectare reputans monitum, ab ipso illo Rectore perpetuo toties traditum atque inculcatum: *Discite à me quia Matth. MITIS sum.* Hoc igitur exemplar illustrissimum sibi ob oculos ponat variis injuriarum

Ccc

pro-

*Apud
Carol.
Paschal.
de virt.
& vit.
p. 179.*

probrorumque telis læsus literatus, magnamque dementiam esse reputet injuriarum ultionem, cum eam sine notabili in se ipsum injuria effectui dare nequeat, multo minus possit malum malo curare alio. Præstat (juxta vulgatam sapientiorum omnium sententiam) quierâ tolerantia sanari vulnera injuriæ, quam ultionis paratu eadem irritari, quisquis injuriam contemserit reddet exoletam, si vehementius irascatur, illa quoque ingruet vehementius, vulnusque levius se lacerando insanabile evadet, quale iis ut plurimum inflictum fuit eruditis, qui scriptis æque mordacibus, pari quæ verborum vehementia atrocitateque efferatos suos aggressi sunt adversarios, adeo quæ lutum luto abstergere alio satis præposterè sunt conati.

XVIII. Difficilis quidem & anceps habetur disceptatio, quid cordato doctoque Viro sit faciendum, ubi existimatio ipsius per disseminatos in publicum famosos libellos laceratur? silentione & contemptu adversus eos sit decertandum, an verò eorundem vanitas authorumque improbitas stylo injustam indignationem laxato sit ulciscenda? Qui enim ejusmodi scripta pari cum latratu canum dignatione habenda censent, differere solent, super vacuum esse circa ista discutienda laborare, esse pusilli animi ad cujusvis malevoli gannitum commoveri, conscientia suæ securo, famæ mendacia ridenda esse, falsum crimen in castam vitam

tam jactum perire, sicut ignis in aquam conjectus continuo restinguitur, præsertim ubi non in obscuro aliquo angulo, sed in luce & celebritate quis vivat, innocentiaque suæ infinitos testes excitare queat: Ex adverso autem constare, non semper famæ satis caveri tacito calumniarum contemptu, quæ aliqua probabilitatis specie adornatæ vestigia relinquant, nisi curiosè abstergantur, quæ & ipsa causa improbos homines ad audacter calumniandum impellat, quod vulnere curato cicatricem sperent remansuram. Quid verò ad hæc Sacro-sanctæ disciplinæ alumnus? num acuto livoris gladio læsus multum turbabitur, vel attri cujusdam serpentis aut crabronis morfu vulneratus, ultionem seu vindictam meditabitur? Minimè, quin potius animo fortissimo nullos non adversantium insultus excipiet, cum B. Augustino in hæc verba erumpens: *Quisquis volens detrahit famæ meæ, nolens addit mercedi meæ; Nec enim malam conscientiam sanat præconium laudantis, nec bonam vulnerat opprobrium convitiantis.* Ad hujus inquam Viri Maximi exemplum præsentissimo semper erit ad ferendas injurias animo piè-literatus, tandem aliquando de tota maledicorū phalange felicissimè triumphaturus. *Nihil enim (ut scitè Gregorius ait Nazianzenus) per-*

Gregor.
Naz. cir-
ca Orat.
23. ini-
tium.

secutorem ipsa superat, uti Patientis alacritas;

Isid. P. 14; qui si [juxta Pelusiotæ monitum] ita sit comparatus, ut non modò à vindictæ studio abhorreat, sed eorum etiam, quos maledicentia vitium subegit miseria moveatur, optimam philosophandi consecutus est rationem, semper nimirum secum considerans: Quid sit quod contra se dicatur scribaturque? à quibus? quo animo? Quid sit: Verum an falsum? Si verum, non esse cur vero offendatur; si falsum non esse cur falsa æstimet, quæ mox majori cum patientis honore sint revelanda. A quibus? ab hostibus? quid mirum? at nemo credet: ab Amicis? quid novum? at nemo probabit: Quo animo? Errore? quid igitur opus ratione, cum nemo injuriam dicatur intulisse, lædendi animo destitutus; Consilio? sed & hoc erroneum brevi appariturum. Hinc licet contumaciores piè literatus nactus fuerit inimicos, nunquam tamen abjiciet animum, multò minus in parem unquam cum iisdem incidet insaniam, quippe nulla nocendi voluntate præditus nec facultate. *Ut enim* (ita laudato loco ait Ma-

Maxim. ximus Tyrius) qui fuliginosum complexus, *Tyrius* non potest non immundus abire à complexu, *l.c.* ita & cum, qui injurio homini congregitur, cumque eo pariter volutatur in injuriâ, necesse est flagitii partem accipere, deque ejusdem fuligine abire inquinatum. Athletam laudo qui cum athleta aquâ certandi ratione parig,

pariꝫ vincendi studio concreditur, videꝫ
 namꝫ in utroꝫ similitudinem natura, medi-
 tationem cupiditatemque vincendi propè pa-
 rem. Quotiescunque verò Vir probus cum
 improbo contendit, quod minimè ex eadem
 palastra uterque progressus est, neꝫ sub eo-
 dem sese exercuit magistro, non eandem di-
 dicit artem, non iisdem certaminibus inha-
 sit, non eandem coronam appetiuit, neque
 eodem delectatus est praconio; piget ejus-
 modi pugna, inaequalis est congressionis con-
 ditio, necesse prorsus est improbum ab eo stu-
 dio certantem discedere victorem, qui spe-
 ctatoribus improbis, iniquisque iudicibus
 utatur. Probus namꝫ harum artium rudis
 atque ignarus, infidelitatis, veteramento-
 rum dolorumque omnium inanis existit, mi-
 nimeque ejusmodi certaminum peritus, à
 quibus improbitas & vires & robur haurire
 consuevit, ita ut deridendum se praebeat, qui
 cum neꝫ natura, neꝫ arte, neꝫ etiam mori-
 bus ad injuriam formatus sit, ad eam tamen
 inferendam se paret. Cum egregius quidam Conser-
 xvi hujus Theologus acerbissimis antagonista Templum
 sui convitiis esset proscissus, insignem animi Hon. p.
 verè christiani characterem verbis ostendit se-72,

quentibus : *De conviciis & maledictis constanser affirmo, scommata ac dicteria tam me non curare, quam corvorum aliarumque obscenarum avium per medium aërem volantium crocitates atque garritus.* Quo sapius itaq; & violentius verè sapientem literatum injuria aliena incurfat, eò animosius feliciusque illam tolerantia, non ficta vanaque, sed veræ christianæque repellit scuto, tantoque pluribus & clarioribus victoriis nobilitatus incedit, quanto atrocioribus frequentioribusque injuriis fuit exagitatus. Sunt equidem injuriarum species plurimæ, ad quas satius est omninò obmutescere, quam rem noxiam retractando, magnum, arduum, apprimæque periculosum sibi facessere negotium. Expuenda potius animo est injuria, neque committendum, ut eodem contubernio vera eruditio & hoc dedecus utantur. Advocanda exercendaque est patientia, utpote cujus præsidio omnes injuriæ, cuncta maledicta & offensiones vel animo æquabili tolerantur, vel (quod paucissimis contingit,) nullatenus sentiuntur. Cato senior crebris à quodam vexatus iniuriis; *Impar mihi aiebat, tecum certamen est: Nam ut tibi malè audire & maledicere facillimum, ac promptissimum est, ita mihi maledicere insuave, malè audire insolitum.* Expe-

Expe.

Expeditiſſima equidem hæc ratio eſſet irritos reddendi omnes maledicorum, & ad inferendam injuriam accinctorum literatorum conatus, quam qui obſervaverit, ex illata injuriâ nihil prorsus dedecoris, ſed laudis ſolidæ plurimum lucrabitur. *Quam execrandum* (ait *Paschal. ſapiens*) *eſt ſcelus illius, qui injuriam me-* *loc. cit.*
ditatur & facit, tantum laudis vere mere-
ſur is, qui ad injuria ſenſum non perturba-
tur, cujus mens manet immota & integra, qui
ne muſſitat quidem; qui non ſolum agnitam
ignoscit, ſed omnino non agnoſcit. Quiſquis
ſupra omnem extat injuriam, quem nulla ul-
tionis cupido proriſat, cujus animus injuria
ſtimulos hebetat ac retundit, ille demum
unus egregiè ultus eſt adverſarium ſuum.
 Atque ut ab iſto inſipientiæ cumulo, illaudato ſc. præpoſteroque ultionis amore & deſiderio eo magis Vir eleganter doctus abſcedat, ſemper feliciorẽ ſe in ejusmodi arumnis atque afflictionibus agnoſcat, quam in laudis gloriæque ſummæ confluxu, ſiquidem per triſtia quædam exiſtimationis ſuæ decrementa ad longè pretioſiora bona ipſi pateat acceſſio, nimirum ad ſplendidas infracti animi opes, ſummamque nominis [ex ſolidæ virtutis exercitio] claritatem, quam illi ſolùm obtinent eruditi,
qui (præclare dicente Ephraïmo Syro)

DEO *devoti probati sunt tentationibus,*
AC FAMAM NOMEN QUE EX
TRIBULATIONIBUS CONSE-
CUTI, *imago pulchra generationibus fu-*
turis evaserunt. Quemadmodum Cyrenæus
 ille Simon, vilis terræ filius, **CRUCEM POR-**
TANDO tantam nominis adeptus est clarita-
 tem, ut ejus fiat mentio ubicunque prædicatur
 evangelium, totoque Orbe christiano illustrior
 ille habeatur, quam Magnus Alexander omni-
 bus præliis, & Cæsar victoriis, & Tullius elo-
 quentiâ, & Aristoteles scientiâ, & omnes eru-
 diti Orbis incolæ cunctis suis operibus, scri-
 ptisque voluminibus, quibus ad famæ nominis-
 que aspiravere claritatem; ita summa celebri-
 tatis, perpetuæque **FELICITATIS** fastigium
 haud dubiè attinget homo literatus, si insua-
 vem, carniq; calumniarum conviciorumq; cru-
 cem lubens, compositoque ad modestam hila-
 ritatem vultu suscipiat, cunctasque animi affli-
 ctiones christianæ patientiæ alacritate superet.

XIX. Et cum fieri vix possit, ut Vir do-
 ctus absq; omni morso vitam transigat; ideo
 quilibet operam studiumque adhibeat indefes-
 sum, ut tolerantia & æquanimittatis veræ spiri-
 tu ductus, illustria quæq; & generositatis suæ,
 & consummatæ virtutis specimina exhibeat:
Haud grave (Seneca interprete) reputans
pati injuriam. Quis enim (pergit) hanc
ferre

ferre non posset, qui potest iram? Quare quis ^{Seneca} fert agri rabiem, & phrenetici verba, & ^{lib. III.} puerorum protervas manus? Nempe quia ^{de ira} videntur nescire quid faciunt, quid interest ^{cap. 26.} quo quisque vitio fiat imprudens, imprudentia par in omnibus est patrocinium. Maxima est facta injuria pœna, fecisse, nec quisquam gravius afficitur, quam qui ad supplicium pœnitentiæ traditur. Sit licet magnis & liberis ingeniis injuria morte ipsâ acerbior, valdè afficiat animum contumelia hostis proacitate illata, qui verbis virulentis & fellitis maximè delectetur, neutiquam tamen virtus illius [qui injustè læditur] vinci sese atque conculcari parietur, ad ictus quoscunque immota persistens, ac eapropter non insignis tantum prudentiæ titulo, verum etiam præstantiæ ac bonitatis summæ elogio condecoranda, ve- ^{Thucyd.} lut optimè Thucydides; Virorum (ait) pru- ^{lib. I.} dentium est, si non laceffantur injuria, quie- ^{Conc. Co-} scere; Bonorum autem si injuria affician- ^{rint} tur, pacem bello mutare; ac si benè cesserit, iterum pro bello pacem inire, & neque belli successu efferrî, neque pacis tranquillitate capi &c. O magnum igitur & spectabilem hominis animum, qui non modo haud pungi & inquietari, sed ne tangi quidem potest injuriis licet atrocissimis! sicuti prudenter olim Fabius

bis Maximus illum qui scommata & prociacitatem adversariorum ferre nequit, meticulosiorum pronuntiavit illo, qui terga obvertit hostibus; ita nulla generositas cum ea poterit conferri, quam injuria nulla inclinare valet nedum opprimere. Non malè invictam hanc animi, doctrinā pariter ac virtute singulari conspicui, constantiam, prisca poetæ repræsentarunt in Hercule interemptore Scillæ, quo monstro pudendam calumniam & contumeliam designarunt, cum superior ejus pars femina, inferior canis effigiem ostenderit: pariter ut contumeliosi in fronte & habitu speciem habent amicitia, in linguā & factis verò plurima canina maledicentia dant documenta. Ad hujusmodi igitur monstra debellanda illi maxime sunt idonei, qui diu multumque ferendis contumeliis exerciti, maximas ex iis accipiunt utilitates. Siquidem nihil eos magis circumspectos reddat, nemo ad saluberrimam *αὐτογνωσίαν* melius adducat quam hostis maledici inspectio, quæ cum pro rebus bonorum etiam solertes agat excubias, singulari eas industria observet, inquirat in vitam, actiones expendat, ipsa quoque animorum scrutetur confilia, fieri non potest, quin omnem mirificè expellat negligentiam, efficiatque, ut boni Viri secum habitent, & cum paratos sibi esse sciant? subindeque imminere tam oculatos speculatores, & quovis Catone rigidiores censores,

nihil

nihil infamiâ dignum admittant, aut criminis notatione, sed domum habeant honestati patientem & sanctimonix expositam, vultu gestuque verecundi, sermone graves ac restricti, motu, gestu & cultu corporis modesti apparent, studiosè caventes, ne quid imprudenter peccent, vel in aliquo eminentiori honoris fastigio collocati, quicquam committant, unde calumniatores maledicendi decerpere possint occasionem. Quid si verò & cœca malitia & tœda calumnia, & livens invidia, optimas etiam, atque laude dignissimas actiones diro peccatoris sui veneno conspergat tingatque? veluti olim maledici quidam Magnum Basilium calumniati sunt, quod Ducem se piorum aliquot Virorum constituisset; Quid inquam honorificis hujusmodi accusationibus sacer aliquis reus respondeat? *Illud, quod nihil habeat ut respondeat*, sed in maximo potius lucro ponat, sanctorum ejusmodi criminum impositionem, quibus neutiquam in periculum infamiæ inducatur, sed illustrior potius magisque gloriosus reddatur. *Ego verò (dicat cum admirando illo Doctore Basilio) omnem vitam meam impenderem, ut mihi possint ista impingi delicta.*

Basil. M.
Epistol.
LXIII.

XX. Tantum equidem abest, ut præclaris ejusmodi incusationibus & honorificis calumniis, literatus christianæ lenitatis spiritu prædi-

*Cassiod.
Lib. IX.
Epist. 4*

*Tertull.
Apolog. cap. 2.*

præditus, existimationis suæ jacturam subeat, ut
potius nova inde præclaræ commendationis
ornamenta sit consecuturus. *Felix querela est,*
quando leges pietate superantur, ita sapienter
olim Rex Athalaricus, prudentis & cordati Se-
natoris Cassiodori ore pronunciabat, summè
oprabiles querimonias vel calumnias eas esse
reputans, quæ pro infamia laudes & gloriam
adferre soleant. Nec intempestivè huc veni-
et insignis & profundus Tertullianus, qui pro
christianæ professionis defensione disserens,
testatus est, inter calumnias alias, quibus per-
summum contemptum onerati à gentilibus ii,
qui veræ Religioni nomen dedissent, etiam hæc
audita fuisse dictoria : *Qua mulier ? quam la-*
sciiva ! quam festiva ! quis juvenis ? quam laci-
vus ! quam amasius ! facti sunt christiani. No-
verant nimirum gentiles barbari quosdam, qui
superioribus diebus licentius vixerant, tur-
pemque voluptatè fucrant consecrati, pluri-
mumque illos criminari intendebant, propte-
rea, quod christianæ militiæ nomina dedissent,
reverà magnum in modum eos hoc ipso hone-
stantes & illustrantes, quo obscurare fœdus
sunt conati, siquidem post fidei christianæ pro-
fessionem solennem, infamis vitæ prioris mores
emendarunt, ex avaris liberales, ex impudi-
cis casti, ex dissolutis continentes, temperantes
denique facti sint ex luxuriosis. Ergò si lite-
ratus ex opprobrio felix, ejusdem farinæ hono-
rificis criminationibus & calumniis impetatur,
animum

animum neutiquam despondeat, sed erigatur
 potius, cum laudaro Senatore reputans *Cassiodo-
 rns l. 6.* **MA-
 GNUM PRÆMIUM ESSE AD TALIA VE-
 NISSE CRIMINA**, vel ut aliis verbis dixisset : Calumniam hanc alii ut volent interpretentur, ego de ea sic existimo, non posse aliam esse magis vel illustrem laudem, vel gloriosam opinionem, quam tali notari crimine, putent criminatores sese intulisse injuriam, alii encomia eos dixisse judicabunt, itaque ingentes potius tantis benefactoribus persolvendæ gratiæ, eorumque merita conquistis elogiis celebranda. Ac licet contumeliis & detractionibus (præsertim acrioribus) de honore multum decedat, minimè tamen ex in eruditis animis concipienda est tristitia, cum graves ejusmodi ægritudines calumniæ & opprobria ut plurimum ad animæ profectum, divinæque laudis & gloriæ augmentum dirigantur. Igitur tam cordato, tam generoso & masculo animo **FELICEM LITERATUM** calumniis dictariisq; adversariorum exagitatum esse oportet, ut placido non minus & amico obtutu, post illatam injuriam adversarium sit aspecturus quam antea, ergaque illum ita sese habiturus, ac si nihil quicquam finistri intulisset.

XXI. Sicuti verò animi præcelsi illustre, hoc est documentum, ita summæ felicitatis literariæ, consummatæque virtutis indicium, **BENEFICIIS PENSARE INJURIAS**, sive omnem æmulis atque obrectatoribus exhibere bene-

benevolentiam, tum temporis maximè, cum admodum molesti, contrarii, atque perniciosi extiterunt. Quemcunque eruditorum non modo nulla frangere aut exacerbare potest injuria, aut ulla ultionis proritare cupido, sed ad benefaciendum magis acuit, is altissimum sapientiæ gradum conscendet, supremosque in Theosophia christiana, illustriq; Salvatoris Academia honores reportabit. Neque verò denegabit author largitorque bonorum omnium DEUS ad tanti momenti opus gratiæ suæ scatentiam, si modo eruditi eam seriò diligenterque expetiverint, & ad sinceræ mansuetudinis charitatisque (etiam hostibus debitæ) exercitia alacriter sese animaverint, in singulos dies generosè ad omnia perpetiendâ, omnesque sine discrimine adamandos comparati. Ut ut onus ingens ac intolerabile carni sit inimicorum dilectio, & continuum quasi martyrium, sive tamen admodum & tolerabile cuilibet sinceræ pietatis studioso (Magistri supremi exemplo non minus quam voce edocto) id onus videbitur.

Matth. XI. Disci- id onus videbitur. Sanè si tot illustrium, inque christiana Academia pietatis veræ cultorum & Professorum imagines frequenter ante oculos habeat, tanto facilius feliciusque mala injuriarum, mansuetudinis atque patientiæ christianæ alacritate superabit, & ad eorum exemplum, supremæ istius philosophiæ, (inju- beneficiis pensantis) egregia planè

nè specimina exhibebit. Perquam stupendâ
 olim erga hostes & persecutores suos benigni-
 tate conspicuus fuit fulgentissimus ille Smyr-
 nae Angelus Polycarpus, dum centum annis
 major, necis suae immeritae satellites perbenignè
 tractavit, & currendo quarendoque defatiga-
 tos, cibo potuque recreavit, adeoque imitator
 factus ejus, qui (ut ipse Polyc. in egregia sua ad
 Phil. epistola scribit) PROPTER NOS UT
 IN IPSO VIVAMUS, OMNIA SUSTINU-
 IT. Cujus exemplum alii etiam è veteribus
 Ecclesiae christianae Doctoribus feliciter adeo
 sunt imitati, ut nobilissima quaeque & patien-
 tiae & charitatis erga hostes ac adversarios
 suos infensissimos dederint documenta. Sic
 Magnus ille Ecclesiae Doctor Hieronymus,
 probrosus appellabatur ac versipellis, men-
 dax & satanae arte decipiens, haereseos notaba-
 tur stigmate, demum eò vesaniae res procede-
 bat, ut illi crimen amoris turpissimi impinge-
 retur, ob intimam cum Paula Eustochii matre
 consuetudinem; græcus denique dicebatur
 & impostor, urbe pellendus, lapidibus obru-
 endus, inque fluctus præcipitandus, ut ipse in
 quâdam epistola prodidit: Inde tamen ad i-
 ram (furorem illum brevem) concitatus fuit
 minimè, sed potius neglexit cuncta maledicæ
 linguæ convicia, atq; re & ipso opere id præsti-
 tit, quod frequenter suis auditoribus inculca-
 vit: *Inimicos ut fratres esse diligendos, citatq;*

*Euseb.
 Hist. Eccl.
 c. 15.
 Polyc. in
 Epist ad
 Philipp.*

cum iis in gratiam esse rediendum. Si cuiuspiam hominis probata fuit æquanimitas, ac lenitati sociata erga inimicos charitas, Augustini fuit, ast veræ sinceræque pietatis fundamento innixa, incoheussè perstitit. Confluebant in eum ab omni hæreticorum colluvie acerbissima odiorum spicula, calumniarum & maledictionum jacula, nunquam verò ille maledictum pro maledicto, nunquam imalum pro malo reddidit, sed vel tacuit, vel simpliciter quod falsum erat negavit, gratias agens DEO, ac rependens pro odio dilectionem. *Loquan-*

Augusti-
nus conc.

3. in ps.

XXXVI.

Idem lib.

III. con-

tra lit.

Petii. c.

6.

tur adversum nos quidquid volumus (agebat.)
NOS DILIGAMUS ILLOS ET NO-
LENTE S. Nec acerbos solum vitupera-
tores benigniter toleravit, sed laudavit etiam,
tanquam salutare medicos suos, imò tanquam
futuros brabentis: *Et nos quidem* (scribit ali-
cubi notanter) *charissimi, cum falsa cri-*
mina audimus ab eis quos offendimus præ-
dicando eloquia veritatis, & erroris vanilo-
quia convincendo, habemus sicut noster ab-
undantissimam consolationem. Nam si in eis,
quibus me criminantur, testimonium con-
scientie meæ non stat contra me in conspectu
DEI, non solum contristari non debeo,
verum etiam gaudere & exultare, quia
merces mea multa est in celis. Nobilem
hanc

hanc Magni Augustini indolem Numen benignissimum eruditis largiatur omnibus, ut dictis scriptisque acerbissimis provocati læsiq; ad illustres illius Doctoris Augustini exemplum pluris ignominiam crucis & obrectationum faciant, quam omnes mundi laudes & honores, & glorias, cunctisque terrenis & caducis rebus postpositis, ad summæ felicitatis christiano-literariæ culmen adspirent, PRO ODIIS, CONVICIIS AC MALEDICTIS ADVERSARIORUM SEMPER REPENDENTES DILECTIONEM.

XXII. Sed hæc ad firmandam & munendam in injuriis fortitudinem pro instituto notrosatis. Colophonem huic imponam⁹ dissertationi, si pri⁹ admonuerimus, magna omnino hæc in parte opus esse animi literati præparatione, eaq; propter proposita injuriarum tolerandarum subsidia non esse perfunctoriè & oscitanter usurpanda. Tanta est enim semper & ubivis [in erudito cumprimis Orbe] ex hominum perversitate seges injuriarum, ut plurimi, etiam doctrinæ virtutisque non contemnendæ laude conspicui Viri iis quandoque subjaceant, gravissimū & famæ & vitæ suæ incurrentes periculum. Cui evitando oportunum valdè videtur Panætii Stoici gravissimi, Tullio Ambrosioque laudatissimi prudens monitum, quod fragmento ejus apud Gellium continetur his verbis: *Vita, inquit, hominum qui at-*

Ddd

tem

Cellius
lib. 13.
cap. 26.

tem in mediocriter agunt, ac sibi suisque esse
usui volunt, negotia periculaque ex improvi-
so assidua & propè quotidiana fert. Ad
ea cavenda atque declinanda proinde esse o-
portes animo semper prompto atque intento,
ut sunt athletarum, qui pancratiasta vocan-
tur. Nam sicut illi ad certandum vocati,
projectis alio brachiis consistunt, caputque
& os suum manibus oppositis quasi vallo pra-
mununt, membraque eorum omnia, prius-
quam pugna mota est aut ad vitandos ictus
cauta sunt, aut ad faciendos parata: ita
animus atque mens Viri prudentis adversus
vim & petulantiam injuriarum, omni in-
loco atque tempore prospiciens, debet esse e-
recta, ardua, septa solidè, expedita, nun-
quam connivens, nusquam aciem suam fle-
tens, consilia cogitationesque contra fortuna
verbera, contraque insidias iniquorum quasi
brachia & manus protendens, ne quā in re
adversa & repentina incurso, imparatus im-
prosecutusque oboriat. Ita Panætius, quo-
cum ipse Seneca animi præparationem opti-
mum esse adversus convitia, contumelias, &
quascunque injurias subsidium existimavit:
Imperfectis, inquit, & adhuc in publicum
se

Seneca
lib. quod
in sapi-
entem
non ca-
das in-
jur. cap.

se iudicium dirigentibus hoc proponendum est, inter injurias ipsas contumeliasq; debere versari. Omnia leviora accidunt expectantibus. Quo quisq; honestior genere, forma, patrimonio est, hoc se fortius gerat: memor, in prima acie altos ordines stare; contumelias, & verba probrosa & ignominias, & cetera dehonestamenta velut clamorem hostium ferat, & ut longinqua tela, & saxa, sine vulnere circa galeas crepitantia. Injurias verò ut vulnera, alia armis, alia petori infixa, non dejectus, ne motus quidem gradu sustineat. Etiam si premeris & infesta vi urgeris, cedere turpe est: Assignatum à natura locum tuere. Quæris quis sit hic locus? VIRI. Utinam hæc ejusque farinæ alia priscorum monita ii præ cæteris pensarent & observarent Doctores christiani, quos metus oblocutionum & infrunitarum, lingvarum à recto plerunque abducit, & qui non modo apertæ contumeliæ, sed etiam clanculariæ detractionis injuriam tantoperè ad animum revocant, ut mollem propterea à recto meditentur recessum, * atque LINGVIS

Ddd 2 TAN-

* Quæ de re etiam copiosè differit Jo. Chrysost. hom. 3. de verbis Esaia, homil. 2. in 1. ad Cor. hom. 5. in II. ad Cor. hom. 75. in Joan. & hom. in Psal. 5.

*August.**epist. 56.**confer**conc. 3.**in Ps. 30.**conc. 1. in**Ps. 32.**Serm. 18.**de verbis**Dom.**Nazian.**zen. O.**rat. 27.*

TANQUAM FALCIBUS (ut scitè Augustinus ait) CONCIDI TIMENTES, LIGNA FIANI ARIDA. Quam ipsam quoque improbitatis machinam, Satanæque ad mortales à bono retrahendos lectissimum instrumentum Nazianzenus studiosè subvertens, insignite ostendit, quam fatuè sensus hominum iniqua loquentium & obloquentium bonis, judicio DEI contraria probantis, vel componatur, vel etiam anteponatur. Atqui, ait, plerique, secum videtur, inquires. Quid mea interest, qui rei veritatem magis curo, imò solum curo? hoc enim vel me condemnaverit, vel absol- verit, hoc miserum vel beatum reddiderit. At quid aliis videatur nihil ad nos, quem- admodum nec alienum somnium. Non ita aliis videtur, ais. Quid verò? An iis qui vertigine correpti sunt, terra fixa & sta- bilis esse videtur? An ebriis, sobrii inte- gra mente esse? an non potius in caput in- cedere, ac sursum deorsumque moveri? An non quibusdam interdum hominibus mel a- marum est, nempe morbo laborantibus male- que affectis? At non propterea res ita se habent, ut qui hoc statu sunt arbitrantur. Quocirca fac prius fidem, sanos eos esse qui de nobis ita sentiunt, & tum nos admo-

ne ut meliorem mentem induamus, aut condemnare, nisi consilio tuo pareamus, sed in eadem sententia perstemus. Non ita multis videor? At DEO ita. Imò non videor, sed perspicuus atq; manifestus sum, ei qui omnia, prius quam oriantur novit, qui corda nostra sigillatim fingit, qui omnia opera nostra, omnes motus & cogitationes, cum quibus res à nobis geruntur, intelligit, quem nihil eorum, quæ sunt, latet, aut latere potest, qui aliter res nostras intuetur, atq; mortales solent, (homo enim videt in faciem, DEUS autem intuetur cor, audisti scripturam hæc dicentem, & fidem adhibe,) cujus iudicium cordatis hominibus pluris faciendum, magisq; curandum est, quam omnium aliorum in unum coactorum. An tu duos quidem homines, quorum alter acutior & sagacior, alter imperitior & hebetior esset, de eodem negotio in consilium adhibens, haud recta mente præditus videreris, si relicto prudentis consilio, iudicium imperiti sequereris? (Neq; enim Roboam laudem ex eo est consecutus, quod pro nihilo habitasenum sententiæ, juvenum consiliis paruit,)

Cum autem DEUS & homines inter se expendantur, iudicia hominum potiora duces, quam DEL. Nequaquam certe id facies, si me audias, recte q. sentias.

Eadem terè subsidia ad firmandam hanc in parte infirmitatem nostram Cyprianus, & Gregorius Magnus in eà epistolâ, qua cumulatè, & splendide neglectum oblocutionum & morsuum per linguas detrahentes infixorum commendavit Theodistæ patriciæ, inde moerenti,

Cyprian⁹
l. de laude Mar-
tyrii.

Greg. v.

M. lib.

IX. regi-

str. epist.

39.

Seneca

epist. 76.

quod pro laudibus debitis, detractiones retulisset. * Sed & præclara videntur illa Senecæ, quibus ludibrii humani contemptionem firmitatemque in virtutis calle jam adito hunc in-

modum inculcavit: *Hi plerumq. videntur nihil boni negotii habere quod agant, inepti & inertes vocantur.*

Mihi contingat iste derisus. Aequo animo audienda sunt imperitorum convitia, & ad honesta vadenti contemnendus est iste contemptus.

Idemque remedium alibi proposuit his verbis: *Malè de te loquuntur homines: Sed MALI.*

Moveret si de me M. Cato, si Lælius sapiens, si alter Cato, si duo Scipiones ista loquerentur. Nunc malis displicere, lau-

dari

Idem in

fragmē.

tis de re-

mediis

fortuito.

rum.

Idemque remedium alibi proposuit his verbis: *Malè de te loquuntur homines: Sed MALI.*

Moveret si de me M. Cato, si Lælius sapiens, si alter Cato, si duo Scipiones ista loquerentur. Nunc malis displicere, lau-

dari

dari

dari

* Conf. ejusdem Gregorii lib. IX, epist. 45. ubi in simili causa Palladium presbyterum consolatur.

dari est. Non potest ullam auctoritatem habere sententia, ubi qui damnandus est, damnat. Malè de te loquuntur, moveret, si iudicio hoc facerent. Nunc morbo faciunt, Non de me loquuntur sed de se. Malè de Te loquuntur, benè nesciunt loqui, faciunt non quod mereor, sed quod solent, quibusdam enim canibus sic innatum est, ut non pro feritate, sed pro consuetudine latent. Præsentissimum itaque remedium adversus omnes maledicorum morsus CONTEMPTIO est CONTEMPTUS, atque paulò accuratior materiæ convitii introspectio: Non sapienti Seneca adeo [ut idem monuit] Viro opus est, sed tantum libro conspiciente ad injurias despicendas, dicat illo sibi: quod in Utrum meritò in his ista accidunt, an immeritò, si sapient. meritò, non est contumelia, iudicium est, si immeritò, non ca- illi qui injusta facit, erubescendum est. - - Non dat in- decet illi aliquando par. Invenietur qui te vin- jur. 6. dicet. Hoc pharmacum si variis & frequentio- 10. ribus convitiis injustè læsi literati adhibeant, christiana etiam ad firmandam hac in parte infirmitatem suam usurpent lenimenta; vix ullis maledicæ lingvæ pungentisque calami vexabuntur aculeis, nullisque vitæ hujus molestiis concussi, altissimam animi sui consequentur tranquillitatem.



COMMENTATIO VII.
DE QUORUNDAM
LITERATORUM
HOMINUM
AMBITIONE.
I.



Uamvis immotus HONORIS apex, constansque ac solidum gloriæ fastigium extra Virtutis Regnum haudquaquam inveniatur, à longo tamen seculorum decurso tempore tristis experientia docuit, ERUDITORUM PLURIMOS propendulum illud Honoris ampliorisque dignitatis culmen sine solida affectasse virtute, & jugi mobilitate ita fuisse circumagitatos, ut vix ulli tutam invenerint mansionem, extremamque tandem incurrerint calamitatem, nimirum uti de Sejano egregiè dictum est à Juvenali :

*Qui nimios optabat honores
Et vimias poscebat opes, numerosa putabat
Excelsa*

Excelsæ turris tabulata, unde altior esset

Casus & impulsæ præceps immane ruinae.

Excepit equidem ea ipsos quandoque eruditionis doctrinæque multijugæ Principes, dum de dignitatis suæ incremento plus æquo, nec ubi & cum oportebat fuere solliciti, dum operatæ Musarum tranquillitati & quieti vitam præposuere anxiam & ærumnosam, denique de aliena etiam gloriâ intercipienda damno-
sa agitavere consilia; ad vota quidem sua, veluti novi Icarî rapti sunt præcipites, mox tamen horrendas ambitionis dedere pœnas, extremæque infelicitatis aleam subiêre. Cum enim vasta illa & hians adscendendi cupiditas, pugnacitatis contentionisque valdè sit amica, semper spectet ulteriora, atque vix ullo fræno possit coërceri, cum ipso audeat certare jure, nulla non charitatis solvat vincula, atque sacro-sanctarum etiam legum conculcet auctoritatem; mirum sanè non est, quod præpostera illa cupido ut plurimum inter prærupta elidatur, inter angusta frangatur, atque inter summa tandem evanescat. Nec malè

Paschalius exitiosam istam Literatorum pestem, AMBITIONEM sc. verum Ingenii servilis, stolidi, sordidique specimen nuncupavit, cum nulli non abjectè supplicet is, qui miserè illa cupiat, quæ non nisi à multis ex-
primi possunt & obtineri, nec quenquam ad

*Pascha-
lius in
charact.
virt. &
vit. cap.
XLVI.*

Ddd 5

digni-

dignitates ambitio trudit nisi per multas animi & corporis immunditias, per varias indignitates, per inaudita genera fœditatum. Ut Humilitatem ceteræ virtutes cohonestant, ita in ambitionem vitia omnia omnesque deformitates aliquid de suo conferunt, quo detestabilior evadat, atque ut vehemens est & valdè importunus ille adscendendi pruritus, ita vix quicquam perficit, nisi multarum impuritatum, simulationum cumprimis & dissimulationum (quarum involucris ambitiosus quilibet totus contegitur,) copioso accursu atque confluxu, quinimo pudendæ etiam temeritatis interventu, siquidè talis ut scarabæ? semper volare velit per inanes, impietatem etiam, omnigenamque nequitiam vocet in subsidium, licet in mores ingenuos sese componat, verbaque mellita effutiat, pessima tamen det mentis depravata, ingenii que insidiosi argumenta, sed & artium bonarum apparatu destitutus, in dolis & fallaciis nectendis strenuè se exerceat.

II. Sicuti autem hæreditarius hic animi humani morbus est, quem ex primis parentibus contraximus; ita in LITERATO cumprimis AMBITIOSO vitiatæ nostræ naturæ pervicaciam cernimus, quæ eo magis fam despumat fœditatē, quo salutaribus doctrinæ admonitionisque Christianæ repagulis fortius cohibetur. Quinimò aptissimum diaboli ad

li ad subvertendas animas eruditas organum fuisse ambitionem, miseræ horrendæque multorum strages docuere. Qui urbem, arcemve munitam oppugnare labefactareque cupiunt, neutiquam firmissima ejus initio tentant propugnacula, sed machinas murales ibi admovent, cuniculos agunt, & impressionem faciunt, ubi muros humiles & discissos, fossas siccas vel planas, portas collapsas, turreaque incustoditas reperiunt. Ad eundem planè modum VALIDUS ILLE ARMATUS humanæ eruditæque animæ arcem obsidens, impetumque in eam facturum, muros ejus ibi primum trucibus tentationum suarum arietibus percutere, diruere, scalisque transcendere tentat, ubi humiliores, pendulos, expugnatuque esse novit faciliores. Quodsi igitur vasserimus ille spiritus statum conditionemque pectoris ex eruditione elati, veluti arcis cujusdam satis habeat perspectam atque exploratam, mox gravissimis illud AMBITIONIS tentationibus oppugnare, omnique studio ad immodicum dignitatum honorumque temporalium amorem sollicitare impellereque laborat, ac dicente Cypriano *honores promittit Cypr. lib. terrenos, ut adimat cœlestes.* AMBITIO, am- de Zelo
bitio, fortissima illa diaboli machina est, qua & livore
nullo non tempore corda munitissima, & o- §. 2.
mnigenæ doctrinæ virtutisq; apparatu refer-
tissima tandem sunt expugnata, miserrimam-
que

que subiēre deditionem. AMBITIO ambitio, dolosa illa scala est, quā doctissimi etiam, altiores honorum dignitatumque gradus conscendere laborarunt, ast in horrendum perpetui exitii infamiaeque aeternae barathrum dejecti sunt atque deturbati. Morbus cheu! eruditorum est *πρωτόμυος*, adeoque deploratus, ut omnem respuat medicinam. Prorsus ut calx AMBITIO eo magis accenditur, quo magis aqua affunditur; tanquam torrens rapidus, tanto impetuosior est, quo plura obstacula illi objecta sint atque opposita. Primum denique AMBITIO est, maximeque pestiferum venenum, quod draco infernalis in Angelicæ humanæque naturæ perniciem evomit, & quo omni ævo Viros maximos in partes suas, pro lubitu suo permovit, probè sciens, quod quamprimum AMBITIO in homine (erudito præsertim) pedem figere incipiat, nulla sive bonorum morum, sive pietatis, sive naturæ, sive amicitiae lex locum habere queat. Si de Dominio vel dignitate adeunda agatur, filii proprios circumvenire parentes, ipsique fratres mutuis sese necibus conficere solent, nec ullus divinæ vel humanæ legis tunc valet respectus. Unde graviter Chrysostomus; *Nullum profectò (inquit) perniciosius vitium est, nulla magis violenta perduratio, & qua ita ferè in omnibus locis magis obtineat, licet alibi magis, alibi verò minus.* Et D. Bernardus Eugenium Papam Ter-

*Chrysost.
hom. 2.
in epist.
ad Tit.*

Tertium ad prosequendum strenuè vitii hujus
 exterminium incitaturus; *Ignescat* (scribebat) *Bernard.*
Zelus suus, exurgat auctoritas adversus impuden- *l. de con-*
tem hanc ET GENERALEM PESTEM. *siderati-*
 Sapientissimè nimirum Bernardus judicabat, *one ad*
 omnes rixas, inimicitias, contentionesque à *Eugen.*
 generali hâc peste Ambitione scil. suam ut. *III.*
 plurimum trahere originem. Sic & D. Am- *Ambros.*
 brosius præclaram daturus rationem, cur op- *lib. III.*
 timus Salvator discipulorum suorum pedes *de Sa-*
 paulò post suscitata inter ipsos de primatu *crat. c.*
 contentionem abluere voluerit; *Lavat ergò* *1.*
 (ait) *pedes, ut lavet VENENA SERPEN-*
TIS, quasi diceret, ideò augustissimum illum
 Regem gloriæ se ad viles piscatorum pedes de-
 jecisse, ut discipulos suos à mortifero AMBI-
 TIONIS VENENO liberaret. Haud abs re
 equidem Ambrosius vitium hoc abominabile
 propriissimum & perniciosissimum esse statuit
 toxicum, quod nequissimus ille orci tyrannus
 primò quidem in cœlestem, postea in terre-
 stre Paradiſum, demum verò in ipsummet.
 Collegium Apostolicum transfundere non du-
 bitavit, imò cunctas vires suas nervosque in id
 intendit, ut ipsummet DEI filium, [si possibi-
 le fuisset,] lethifero isto veneno inficeret,
 hanc sibi ultimo loco velut validissimam & po-
 tentissimam sagittam è pharetra sua deprom-
 endam datâ operâ reservans: *Tibi dabo pote-* *Luc. IV.*
statem hanc universam & gloriam, quia mihi *vers. 6.*
tradi-

tradita sunt, & cui volo do illa. Hoc nimirum Ambitionis venenato telo Christum impudentissimus daemon transigere conabatur; *Extremum reservans quasi* (dicente Chrysostomo) *quod omnibus valentius iudicaret*, suoque proprio edoctus exemplo, nihil esse tam impium, quod imperii consequendi causa ambitiosi non meditentur.

Chrysost.
homil.
XIII. in
Matth.

III. Origenes, cum solita styli sui gravitate commemorasset, ad quantam effroenis ambitionis impulsu impietatem Herodes devenisset, nimirum ut barbaram adeò atque horrendam innocentum stragem ediderit, præclare observavit: *Regem illum in pestifero AMBITU cordis sui omnium facinorum crimina supergressum fuisse*, siquidem hæc passio omnem invertat naturæ legem, ipsamque in fasciis suis etiamnum involutam INNOCENTIAM extinguat. Quis est qui nesciat, quam frequenter crudelis illa bestia in Ottomannici sanguinis principes pueros sævierit, quoties innocentes trucidaverit, quam execrabiles & inhumanas in fratribus, filiis, imò in propriis etiam genitoribus ediderit strages, ut sese in imperio, vel ut verius dicam in tyrannide sua tanto firmitus solidiusque stabiliret. DEUS te perdat, AMBITIO, inquit Poëta:

*Quæ fratres armis in fratrum viscera,
quæque,*

Securum à nato non finis esse patrem.

Exempla in promptu sunt plurima fratrum inter se idem agentium, quod Etheocles & Polynices egerunt, quos Ambitio in mutua vulnera & cædes impulit. Nonne nostra etiam ætate experientia docuit, quantopere effrœnis ille adscendendi appetitus, non naturalis solum, sed ipsius etiam divinæ legis ordinem conculcare soleat. Nec minus hucusque variis patuit documentis, quam turpiter sese spe adscendendi dejiciant homines aliàs eruditissimi, atque mandato diabolico obediētes, in Terram prostrati adores, ut exaltentur. Neque Bernardi solum, verum nostrum etiam avum novit *viditq; literatos Ambitiosos, ad universa pericula subeunda paratos, scandala adhuc (ut idem Bern. ait) suscitantes, sustinentes odia, opprobria dissimulantes, negligentesque maledicta*, quinimò ad omne malum proclives. Tales ut dominantur aliis, prius serviunt, curvantur obsequio, ut honore donentur, & dum volunt esse sublimiores, fieri student demissiores. Taceo, quantopere effrœne illud dominandi desiderium literatorum quorundā acutissimorum intellectum excæcarit, genium eorum, naturam moresque in diversa commutavit, ita ut de iis optimè Bernardinum illud usurpari potuerit: **HONOR ABSORBIT INTELLECTUM**; mox enim

*Bern. in
l. de con-
vers. ad
Cler.*

*Ambros.
lib. IV.
in Luc.*

*Bern. e-
pist. 7.*

ut illi ad honores & dignitates altiores adscendere, omne protinus amittere iudicium, sequi ipsos magnificentes, misere sunt infatuati.

Innoc.

Priores (ut scite ait Innocentius) spernentes amicos, notos ignorantes hesternos, comites contemnentes antiquos, vultum avergentes, visum extollentes, cervicem erigentes, fastum ostendentes, grandia loquentes, sublimia meditantes.

Et cum tales in supremo honoris culmine constituti, MORTALES se esse ut plurimum obliviscantur, consultum equidem foret, ut quidam frequenter eorum auribus eadem in clamarent verba, quibus olim triumphatores Romani (per omnes urbis vias circumvecti) à nonnullis prudentissime compellati fuere: **MEMENTOTE VOS ESSE HOMINES!** Hæc ipsa verò Ambitionis [præsertim literariz] mala ac incommoda probe considerans Dio Chrysostomus,

Dio

Chrysost.

Orat. 4.

de Regno.

insigniter monstri illius indolem ac genium, nomine Diogenis Alexandrum alloquentis, descripsit in hunc modum? *Qualem fingere debemus & habitum & speciem AMBITIOSI GENII? An constat, quod altum, & ventis expositum, secundum illius mores atq; cupiditates cum verbis pariter ruentem; quales Boreæ filios excogitarunt, & pinxerunt pictores, leves & sublimis.*

cum

cum venti flatibus currentes? At illi si quando vellent suam ostendebant virtutem atque cum aliis Heroibus in Argo navigarunt, atque alia effecerunt nulli cedentes. **AMBITIONOSORUM** autem Virorum praefectus, semper est in sublimi suspensus, neque unquam contingit terram, aut aliquid simile, sed excelsus & sublimis fertur. Quando nactus fuerit serenitatem & tranquillitatem, aut favonium leniter spirantem, semper magis exultatque & vadit in aethera ipsum. Et frequenter sese in tenebrosa abscondit nube, concurrente aliqua ignominia & timore à vulgaribus hominibus, quos ille colit & honorat, & felicitatis suae Dominos esse demonstrat. Non ille quidem quod ad securitatem attinet, assimilari potest aquilis, neque gruibus, neque alii volucrum generi; sed magis eum dicas esse similem Icaro, violento & innaturali volatu, quem Dadalus instituerat, artificio sanè acuto, sed impossibili. Quapropter ob juventutem & jactantiam, cupiens enim astra transcendere volatu, modicum quidem temporis constitit, laxatis autem vinculis & cera fluente, cognomen ab hoc facto mari praeiit, ubi interiit decidens.

Ecc

Ita

Ita & ille imbecillibus & revera lenibus se credens alis, puta honoribus & opinionibus ab hominibus vulgaribus casu exortis, periculose & instabiliter fertur, hominemque fert ipsius amatorem & ministrum, nunc quidem excelsum & beatum multis apparentem, mox rursus autem humilem & miserum, qui tamen sibi ipsi maxime primus videatur. Si cui verò non placet illum alatum excogitare & facere, ille assimilet eum difficili & violenta Ixionis revolutioni & necessitati, rota cujusdam impetu in orbem tracti atque rotati. Neque enim absorum, neque alienum à sapientibus scitisque fictionibus esset rota comparata gloria, & motu & mutatione facillime in orbem currens. In circumferentia verò omnifarias figuras cogeret animam recipere, magis quam figulorum rota, ea quæ super eam finguntur. Talem igitur hominem volutum semper & circumrotatum, adulatorem populorum, & turbarum in concionibus, in ostentationibus Regum, aut tyrannorum amicitiiis & culturis quis non misereatur ob hanc naturam & violentiam? Sed & ea quæ mox apud Dionem laudatum de pudendo Ambitiosi literati genio, malisque cum con-
comi-

comitantibus sequuntur, singularem merentur observationem: *Præterea & ipsum multo magis vacillare, & in composito servientem & adherentem negotio, crebroque continentiusque, quam venatores agunt, gaudentem, rursusque affectum agitudine. Illis enim illud accidere maxime solere ajunt, visa & perditæ præda. Ita hic quando magni fit, laudesque ei obtingunt, animus ejusmodi hominis crescit, & pullulat, & admirandam habet magnitudinem. Quemadmodum Athenis ajunt sacrum olivæ ramum in una die pullulasse, maximumq; factum: Mox autem rursus contrahitur ac dejicitur, deficitque quum vituperium aliquod acciderit. Tantum licet sit, tamque grave AMBITIONIS LITERARIÆ malum; Malum inquam (ut Bern. verbis Bernardi utar) subtile & secretum virum, Serm. VI. pestis occulta, doli artifex, liveris parens, vitio- rumque origo; id ipsum tamen omni ævo Viros Qui ha- doctrinâ ingenioq; præstantissimos tantoperè bitat, &c. invasit, ut inexplabili honorum laborarint appetitu, atque ut in pinguioribus cascis facilius vermes subnascuntur, inque ligno tenui & delicato citius teredines gignuntur, quam in nodoso atque duriori, sic ingenia omnigenæ eruditionis ubertate donata, præ rudioribus*

sapè leviq̃ue doctrinâ tinctis, ambitionis peste
ita correpta corruptaque fuisse deprehendi-
mus, ut ad eam explendam pretiosissima quæ-
que impendere perdereque non dubitaverint,
planè ad infelicitis Esavi exemplum, qui primo-
genita sua PRO VILI ESCA vendidit.
Vilis equidem esca est nullius non honoris &
dignitatis accessio, esca maximas in animo gra-
vedines concitans, & pessimas generans crudi-

Bern. lib.

III. de

confid.

ad Eugen.

Chrysost.

Hom. 43.

ad pop.

Ant.

Ambros.

Lib. IV.

in Luc.

c. 4.

tates, cum dicente iterum Bernardo, *nil acrim
cruciet ambitioni, nil molestum* (pariter ut esca
vilis assolet) *inquietet, nilque vehementius tor-
queat miseros mortales. &c.* Esca tam perniciofa,
ut monente Chrysostomo *ipsam perdere valeas
Animam*, atque hoc ipso pestilentior, quod
delicatissimis etiam Viris quandam movere
queat salivam. *Sape quos vitia nulla* (ait
ad rem scitè Ambrosius) *delectant, quos
nulla potius movere luxuria, nulla avaritia
subruere, facit ambitio criminosos, habet enim
forenses gratiam, domesticum periculum.*

Quis non horrescat vel ad solum escæ nomen,
quæ præterquam quod innumeras molestias
doloresque concitet, vitam quoque adimit, ho-
minesque citius exuit mortalitate? Nonne
escæ tales imaginariæ illæ sunt honorum di-
gnitatumque omnium lautitiæ, quas ut pluri-
mum calamitates gravissimæ, fulminantesque
miseriæ, nausea virtutum continua, extremum
deni-

denique & corporis & animæ excipere solet comitarique exitium. Nec male escas illas dixeris UMBRATICAS, omniq̃ue aded soliditate, utilitateq̃ue destitutas. Quid inquam dignitates omnes, quid honores ab eruditis ambitiosis tantoperè efflagitati, vel ipsa testante Scripturâ, sunt nisi *Escæ quædam umbraticæ? Transierunt* (ait sapiens) *illa Sap. V. veluti umbra.* Et ex Syracidis sententia *Syr. c. 34. omnes ad ista mendacii visa attendentes, sunt quasi qui umbram apprehendunt, & persequuntur ventum.* Terque igitur quaterque miseri omnes sunt literati, [etiamsi supremum doctrinæ attigissent fastigium] qui ea in re summam quærunt felicitatem, quæ omni caret soliditate, & fugitivam de se umbram emittere malunt, quam fulgentissimi luminis divini favore illustrari. Nonne dementiæ summæ arguerent hominem corporis sui UMBRAM capere nitentem, cum eam magis fugere videant insectantes, nec tamen à captanda vanissima illa honorum dignitatumque umbra ridiculi illi abstinere volunt venatores.

IV. Quod si verò eorum inire numerum, atque LITERATORUM isto dæmonis cibo AMBITIONE sc. inescatorum perditorumq; exempla in medium afferre vellemus, unde in dicendo initium caperemus, finem quando inveniremus & exitum? Peripateticorum imò Philosopho-

*Suidas
in Ari-
stox.*

*Plut. in
Cicer.*

rum omnium Principem Aristotelem in honore ambiendo immoderatiorem quam par erat fuisse, ipsi ejus sectatores neutiquam audent diffiteri, asserentes, eum qui inventorum diligentia, & acumine ingenii antecessores suos longissimè superaverit, vix pati potuisse ut quisquam sibi præferretur, quinimò in *quamvis aulam & scenam* illum insiluisse, ut ampliores capiat dignitates, Aristoxenus Peripateticus commemoravit. Quamvis & ipse Aristox. hoc morbi genere ita laborarit, ut (Suida teste) in Præceptorem jam jam morientem convicia dixerit, quod ei Theophrastum in scholæ successione *præposuisset*. Eâdem peste magnum Romanæ eloquentiæ Parentem M. Tullium Ciceronem tantoperè correptum fuisse, *ut immensa eum Honoris cupiditas tenuerit,* *quæ præclara ejus consilia frequenter interpellaret,* ex Plutarchi indicio accepimus. Sed & plerisque Athenienses pariter ac Romanos oratores ac philosophos, fatuos fallacis dignitatis igniculos magnoperè consecutatos fuisse, & ad summa quæque anhelasse, varia veterum monumenta loquuntur. Nec mirum adeò, damnifico umbrarum ethnicarum, velo obnuptos doctores, pudendæ **AMBITIO-****NIS** tenebras tantoperè adamasse, cum satis abundè (proh dolor!) constet, summa Christiani eruditiq; Orbis lumina eâdem caligine

ne frequentissime obfufcata, imò miferè tandem extincta fuiſſe. Non ſatis quibusdam fuit, cum fraude multiplici tendere ad Primum, ipſum etiam Monarchatum ſibi rapere ambitionis peſte toti occupati & occacati ſtuderunt. Neque hic dum acquieſcentes, ſed cum DEO ipſo de imperio quaſi contendentes, tanquam terreſtres Dii voluerunt adorari. Non pauci eruditorum, obſcuro licet nati loco, inexplebilis ſuæ ambitionis clariffima dedere documenta. Senecionem quempiam olim vixiſſe legimus, qui grandia ſemper dicere concupiverit, ſervos habere noluerit nonniſi grandes, & argentea vaſa non niſi grandia, concubinam etiam ingentis ſtaturæ aluerit, ſummisquæ ſemper inceſſerit digitis, quum diceret, UT GRANDIOR videretur. Ad cujus exemplum eruditorum hominum plurimi per omnem vitam GRANDIORA ſunt conſectati, ſupra alios omnes ſeſe extollentes, omniaquæ ex arbitrio ſuo agere ſatagentes. Talem inflatum ambitioſæ vanitatis utrem JULIUM CÆSAREM STELLAM Romanum, Virum excellenti aliàs ingenio, & ad literarum ſtudia inprimis aptum extitiſſe, Erythraus in Pinacotheca ſua memoravit, ita celere il-
Erythr. in Pinacoth. l. num.
 li tribuens ingenium, ita lepidum, ut in ipſo penè ineuntis ætatis flore in faciendis ver-
 ſibus ſenum multorum gloriam antecellerit; *17. p. 35.*
 verum cum ſatis ſe adeptum laudis & gloriæ

arbitraretur, optimum illud studium remisisse, quo à puero fuerit incensus, ac in aula luce HONORUM SECTATOREM maluisse versari, quam in umbra domesticorum parietum delirescere, ast subita morte correptum è vita hæc misère excessisse. Æquè pudenda impotentis ambitionis argumenta cum in Anglia Avorum nostrorum memoriâ dedisset.

Polyd. lib. 27. THOMAS VOLSÆUS, atq; obscuro loco natus, & mediocri doctrina tinctus, *Regibus sese equatum* existimasset, aureâ uti sella cepisset, pulvino aureo, nihilque prius habuisset, quam ut aliquâ insigni re doceret, se alios omnes dignitate exuperare, ad extremum per sacra ipsa ostentare Mundo adeptum decus cepisset, Carolo quinto ob denegatum Archiepiscopatum Toletanum, bellum Henrici Octavi nomine indixisset, imò Edovardum Buchingamiæ Ducem æmulum suum falsis circumventum criminibus capite plecti curasset; primum omni dignitate & fortunis spoliatus, mox jussu Regis captus, diem supremum Lectriciæ inglorius planè obivit. Quantæ doctrinæ, quantæq; eloquentiæ laudè in Orbe erudito consecutus sit BARNABAS BRISSONIUS oppidò paucos latere existimo, verum Ambitione illum tam immodica laborasse Thuanus perhibet, ut impotenti PRIMAS IN SENATU TENENDI desiderio, gravissimo vitæ periculo sese exponere non dubitaverit, ratus

simi-

Confer.
J. A.
Thuan.
lib. 68.
et 102.

nimirum, se [Collegis aut fugâ elapsis, aut Ba-
stiliæ inclusis] eâdem facilitate, quam in expli-
candis causis forensibus experiebatur, plebis
effertatæ animos moderaturum, & urbem ut a-
iebat Regi legitimo servaturum: *Postea tamen*
[ait Thuanus] *homo in litium tricus, quam in*
Rep. administranda magis versatus, serò sensit se in
errores delapsum, quibus extricare se nunquam ci-
tra capitis periculum posset, quod ipsum tandem
miserè subiit, cum nihil tale cogitans, in hor-
rendum carcerem detrusus, mox ad sealam ti-
gno affixam, Cromæo quodam urgente suspen-
sus, & compressis laqueo faucibus à carnifice
tandem esset necatus. Minimè equidem in-
fami adeò supplicio Vir tantâ eruditione con-
spiciuus fuisset affectus, ni pudenda turpisque
Φιλοπροτεία locum in ejus animo invenisset.
Quo etiam glaucomate fasciatus doctissimus
ille Chronologus JOHANNES FUNCCIUS,
cum relicto concionandi munere præpostera
[ut idem scriptor tradit] AMBITIONE ad *Thuan.*
civilia munia obeunda in aulam Alberti Borus- *lib. 38.*
sæ Ducis sese contulisset, eidemque stolidi ju-
xta ac perniciosi consilii auctor fuisset, cum a-
liis rerum novarum molitoribus & publicæ
tranquillitatis perturbatoribus in Regiomon-
tis foro capitis luit supplicium. FELICES
admodum, nimiumq; felices Literatorum ho-
minum plurimi extitissent, si quâ æquanimita-
te sortem privatam tulere, eâdem moderatio-

ne publicam amplioremque fortunam ferre-
 perrexissent ! felicissimi autem futuri, si quem-
 admodum orsi fuerant, L A T E R E vitam o-
 mnem potuissent, & in secessu potius literario,
 quam aula quadam Regia aliove officio splen-
 didiori suum transigere ævum ! *Paucos equi-*
dem oppidoq. raros (ait nonnemo) *ex ob-*
scuriore vivendi conditione transgressos ad
se, magna potestas excepit ; quos non serius
oculusve postea, casu longè tumultuosiore,
provolverit in præceps è gremio suo ; quam
cum splendore suscepit. Interdum enim
eadem illa, quæ provexerat eos, fortuna
mutabilitas dejecit, aliàs autem hominum
perfidia stationem eis fidam non concessit.
PLERIQUE verò **SUISMET SE VI-**
TIIS PESSUM DEDERUNT. Horum
 autem albo, quot quantosq; Literati Orbis in-
 colas inferendos existimabimus ? Eos nimi-
 rum singulos, qui infrunitæ **AMBITIONIS**
 cestro perciti, semper altiora spirarunt, pro-
 brorum omnium atque scelerum **SE** ipsos ex-
 empla statuentes : Quid mirum quod **EX AL-**
TO MAJOR. ILLIS VENERIT RUINA ;
 cum è diverso si sua se sorte continuissent, &
 cum illo Claudiani sene conditionem humili-
 orem aula luxibus antetulissent, **SI MINUS**
VITÆ, certè **PLUS VITÆ** habuissent, plusque
 late-

latebrarum, ac minus voraginum aut periculorum. Quanto rectius TERENTIUS VARRO macellum avitum, paternumq; quam Consulatum Romanum, & Cannensem expeditionem tractasset; PHOCION patris sui cochlearia, quam ATHENARUM portum, & Macedonum doctiorum occulta colloquia? Quanto consideratius innocentiusve avorum nostrorum memoria JOHANNES ille LEYDENSIS felicitatis suæ punctum in acu, quam in Anabaptistarum fanatico regno collocavisset? Quanto beatius Caspar ille PEUCERUS *Confer* aetatem suam transegisset, si minores post so- *vit. Peu-* cერი obitum sibi sumisset spiritus, equidem *ceri apud* ni aulicorum favore ita fasciatus, aut hono- *Melobi-* rum accessione tantoperè immutatus fuisset, diras *orem A-* adeò ambitionis suæ pœnas dare, molestiorisq; *dam. in* carceris calamitatem neutiquam subire debuisset. *vit. Germ.* Quam multis Sacrorum Antistitibus sa- *Medic.* tius fuisset, cum Petro MORONO cathedram *p. 387.* vel adscendisse nunquam, vel INVITOS infeldisse, vel quod compendiosissimum fuisset, citius dimisisse? Tunc equidem, etsi publicæ rei non multum contulissent, nihil tamen eidem intulissent detrimenti, neque Christianum afflixissent Orbem, suæque quieti & tranquillitati optimè consuluisent. Plurimos datâ operâ prætergredior nostri ævi Viros Literatos, qui cum sui, pluriumque præcipitio culminibus rerum adrepserunt, quæ tamen illi si verè sapuiss-

sapuiſſent, ad ſe vel ultrò deſcendentia, pro virili depellere potius, quam periculofæ adeò ſemitz inſiſtere, ſicq; extremæ perditionis periculum evitare debuiffent. Taceo quoque horrendos caſus exitusq; illorum, qui veram doctrinam quidem amplexi, aſt mutato [urgente ambitione] conſilio, ad dignitates ampliores vel conſequendas, vel non amittendas turpiter deſecerunt, ſpe verò illa ſua omninò fruſtrati, loco optati honoris calamitates graviffimas, & fulminantes miſerias aſpexerunt. Sciam veterum Chriſtianorum perſecutionem deſcripturus Baroniſius, illuſtri quodam documento oſtendit, plurimos mecu percuſſos obſtupuiſſe, atq; ex illis qui tum **DIGNITATE**, tum **divitiarum affluentia conſpicui fuiſſent**, timore perterritos, **Diis gentilium ULTRO SE OBTULIſſe**. Ad eundem ſanè modum non pauci ultimis hiſce temporibus, & gratiæ gloriæ cœleſti potius, quam Dominiſis ſuis, imperiis, atque fluxis & caducis dignitatibus renunciarunt, nimirum **GLORIAM HOMINUM MAGIS QUAM DEI DILIGENTES**. Sed & aliæ calamitates miſerabiles, horrendæq; ſtrages execrandam quorundam Doctorum ambitionem ſæpè ſunt concomitata, non ſine ſummo quidem bonorum atque moderatiorum omnium dolore & luctu, quod publica res eorum culpa tantis quandoque per-

perturbata jactataque fluctibus fuerit, quæ præ cæteris compositâ gaudere mente, nec minus de publicâ quiete animiq; optatâ tranquillitate conservanda solliciti esse debuissent: Ast cum & ipsi summa sæpè honorum dignitatumq; cupiditate flagrarint, imò proflus infamierint, vix ullum tanquam ex æquo in Republ. civem dignitate superiorem ferentes, imò clariorum quoque virtutem, & majorem apud alios existimationem non nisi ægris oculis aspicientes; ut plurimum accidit, ut turgidi ejusmodi elatique magistri, & turbis gravissimis occasionem subministrarint, & famæ non minus existimationisque, quam vitæ ipsius luctuosum periculû incurrerint, adeòq; omnium gravissimas experiri sint calamitates. Quis casibus atq; periculis tantis perspectis, cum Cicero-
ne, omnē Ambitionem [literatorum præsertim] omnemque honorum contentionem appellare dubitaret MISERRIMAM? quis (ipso momento Seneca) casus istos varios & in sublimi maximè lubricos considerans, non appetitos formidaret honores? quis cum Ennodio singularis virtutis fructum non esse censeret.

AMBITIONIS REFROENATIONEM, cum infrunita emergendi, cæterisque imperandi libido omnium ferè causa malorum dissidiorumque fuerit, graviaque adeo bella non anti-
quis solum temporibus, sed nostra etiam ætate in publicam & literariam rem invexerit.

M. T.

*Cicero
lib. I. de
offic.*

Seneca

Ep. 94.

Ennodius,

Paneg.

Theod. 6.

4.

V. Re-

V. Recentiora sanè plurima dare possemus
 AMBITIONIS exempla & documenta, ni indi-
 cata ad pestis illius naturam ac indolem imma-
 nemque atrocitatem cognoscendam abunde
 sufficerent. Videmus juncos & virgulta, quæ
 facile flectuntur, & vento sese submitunt, firma
 permanere & infracta; magnas verò & robu-
 stas arbores tempestatis impetu plerumq; frangi
 & eradicari; Ast ambitionis turbine, & junci,
 h.e. homines levi tincti eruditione, & arbores, si-
 ve solidâ doctrinâ illustres quaxantur, est enim
 instar fulminis ambitio, quod in omnes res op-
 positas suam vim exerit & potestatem, quos-
 dam etiam literatos fatuo suo igne ita accen-
 dit, atque stultè adeò facit præsumtuosos, ut
 omnes honores sibi ex quodam justitiæ rigore
 debitos existiment. Sit in exemplum Tiro
 in foro aut curia, honorum desiderio æstuans,
 si fortè inter plures aliquantum emineat, ad
 summa quæque is quovis pretio, & quavis se-
 mita properare conabitur, donec ad cupitam
 sublimitatem evehatur. Ubi primum Narcissi
 cujuspiani animum ambitio invaserit, aut for-
 sitan pro solâ civilitate philosophi appellatio-
 ne ornatus sit, jam plusquam celebratissimus
 Doctor præsumet, siquæ forsit adulationi illi
 gratuitum dederit titulum hominis in philoso-
 phia, aut alia quapiam facultate probè versati,
 de tam sublimi appellatione ille valdè præsu-
 mens, nulla non honorum munerumque orna-
 menta

menta sibi pollicebitur. Non male equidem Dio
 adversus ambitiosos compositam existimavit
 Ixionis fabulam, quod scil. pro Junone nubem
 sit complexus, atq; ita geniti Centauri; quippe
 cum gloriâ illi (tanquam virtutis simulachro)
 habentes consuetudinem, nihil sincerè agunt
 vel constanter, verum diversis rapti studiis &
 motibus, ut plurimum res gerunt minutas at-
 que adulterinas. Cum Tantalo etiam, ob in-
 solentiam ad inferos præcipitato, & saxum gra-
 ve vertici suo imminens depellere conante,
 magnam ambitiosi isti habent convenientiam,
 siquidem & ipsi vitam satis miserè & ærurano sè
 traducant, odia etiam inimicitiasque plurimo-
 rum gravissimas incurrant, & horrendâ vitio-
 rum mole toti propemodum obruantur. Quæ
 unquam hydra à Johanne in Pathmi scopulis
 spectata è tam diversis conflata fuit capitibus,
 quam illa tot capitum, quot vitiorum ferax,
 horribilisq; ambitio sese bonorû omnium sistit
 conspectui? Eam cum pellucido mentis suæ
 oculo intuitus esset Magnus Basilius, haud abs
 re perniciosiorem belluis istis esse pronuncia-
 vit, quæ unam alteramque corporis humani
 partem lanient, capiti parcant, dum ventrem
 devorent; cum illa immoderata adscendendi
 cupiditas omnes corporis sensus, omnes animæ
 facultates occupet, imò universum hominem
 tandem aliquando absorbeat; sed & gravissi-
 mo lapidis ponderi similem esse, quæ circulos
 in

Basil. l.

de vera

virgin.

in cisterna multiplicet, universam commoveat, ut undæ ex omni parte concitatae sursum erumpant, agantur in spumas, & inspectantes circa effundantur. *Lapis ait in aquam cisternæ conjectus, non solum adjacentem partem in quam cecidit agitatur, verum orbis alios post alios perpetuis vicibus excitans, ad ultimos lacuna margines agitando perducit.* Sic optimè Basilii. Semper equidem id evenisse deprehendimus statim ac perversa quæpiam ascendendi cupiditas corda eruditorum tetigit, malisque innumeris subministravit occasionem. Ecquem verò Literati homines eo morbo laborantes habent **AMBITIONIS** suæ Ducem primum ac vexilliferum? Ipsum sanè **LUCIFERUM**, qui ad infima detrusus Tartari penetralia, locum omnium extremum occupat, cum supremum obtinere debuisset, & qui per pudendam sublimius sese evehendi fiduciam, tertiam stellarum, id est cœlestis militiæ partem de cœlo detraxit, huncque ingenii sui characterem, **SUBESSE NEMINI**, omnium asseclarum suorum cordibus impressit. Cacangeli illius horrificum ex ambitu casum considerent, quicumque superciliis elatis, animoque turgido cunctis præesse desiderant, emptaque favoribus aut auro dignitate, natalium suorum sordes obliterare, & ad summa quæque aspirare conantur. Sciant atque me-

mine-

minerint, de stercore levatos in altum pauperes etiam literatos, in lutum denuò suum ut plurimum relapsos, quinimò omnium odio atque contemptui tandem expositos fuisse. Caveant proin sibi ipsi Musarum, ipsi Sacrorum, Antistites, ne ad periculosos ejusmodi scopulos unquam suam adfligant navem, SUPRA-QUE se aut sortem suam ire præsumentes, ruinam omnium tristissimam incurrant. Videant ne per fas ac nefas ad altissima quælibet sese porrigentes, infelicem & vitæ & studiis suis colophonem imponere cogantur, igni similes, qui quo altius adscendit, & ad celsiora nititur, eò citius sæpè extinguitur. Si ignes horreant æternos literati (tot ambitiosorum periculis & casibus edocti) fumosam illam gloriæ citò evanescentis lucem quam studiosissimè declinent. Se ipsos odisse incipiant, qui nimium sese prius amarant, cœlestique lumine redeunte, miseram ambitiosorum omnium sortem tandem aliquando respiciant, nec Museis adeò, quam cordibus suis memorabilem hanc Paschalii sententiam inscribant: O QUAM BENE AGITUR CUM ILLO, QUI MODICIS CONTENTUS, MODESTE ET INTER INFERIORA VERSARI MAVULT, QUAM UT AQUILA ARDUO VOLATU NUBES VERBERARE, ET INTER NUBES VANESCERE.

*Carolus
Paschal.
in charac-
ter. virt.
& vitior.
c. XLVI.
p. 417.*

VI. Quantumvis verò cujuscunque honoris & dignitatis **AMBITIO** damnifica sit & detestabilis, pessima tamen atque turpissima illa est, quæ in ipsa Ecclesia locum inveniens, DEO sacratos homines, gregis christiani pastores, animarumque curatores ita occupat & in-

Greg. M. vadit, ut munera splendidiora *in cante posuit* (ut initio pa Magnus Gregorius loquitur) *experant, quam*
storal. *caute eorum pondera declinent.* Quinimò (gra-

Isid. Hi. viter dicente Isidoro Hispalense) suæ magis
spal. lib. utilitatis causa, quam gregis præesse deside-
III. de rent, non ut profint Præsules fieri cupientes, sed
summo magis ut divites fiant & honorentur, abjecto
opere, solam nominis ac regiminis appetentes
dignitatem. *Etiā* (ita suo ævo illacrymans

Bono cap. exclamavit Cyprianus) *in sinu sacerdotum*
34. **AMBITIO** dormit, ibi *sub umbra recubat, in se-*

Cyprian. creto thalami *se fraudulentè occultat!* Et quem-
de jejun. admodum Satanæ execrando hoc vitio ter i-
& *tentat.* pso tentavit Apostolos, ita eodem glaucoma-

Christi x. te summos quosque Ecclesiarum præfectos tan-
18. toperè fascinauit, ut ad ambitiosi Diotrephis

III. Job. exemplum supra cæteros sese extollere, domi-
natum in cunctos exercere, æque suo arbitrio

γ. 9. nihil non agere disponereque saterint. Si
ulli mortalium, Theologi certè & Ecclesiarum
Antistites detestari deberent summè pernicio-
sam ambitionis pestem, cum tristis omnium æ-
tatum experientia abundè docuerit, per illam
innumeras & **HÆRESES & CONTENTIO-**

NES

NES in DEI Ecclesiam fuisse invecas. Non minus ingenii, quam doctrinæ luce clarissimi Doctores (veluti illustria quædam sidera) de cælo lapsi, inque FATUOS IGNES urgente sola ambitione sunt transmutati, posteaquam hæresum abominandarū, schismatumq; perniciosorum conditores evaserunt. Sic Valentinum inde factum fuisse hæreticum, quod alium sibi in dignitate prælatum ægrè tulisset, Tertullianus tradidit. Sic Tatianum celebrem illum Iustini auditorem, MAGISTERII PRÆSUMPTIONE elatum & inflatum, cum Valentino & Saturnino hæresiarchis conspirasse memoravit Irenæus. Sic Arium spe consequendi supremi in Ecclesia Alexandrina fastigii frustratum, æternam Christi arroxisse divinitatem; Novatum quoque eandem ob causam in tantam desperationem incidisse, ut ab Ecclesia se ipsum segregare, proprios cœtus cogere, novamque per defectionem hæresim instituere non dubitavit, priscae Ecclesiæ clarissima monumenta loquuntur. *Ego findam Ecclesiam vestram (dicebat Epiphanio teste Marcion,) & mittam fissuram in ipsam in æternum; Et revera fissuram.* [addit idem] *immisit non parvam, non tamen Ecclesiam diffidit, verum se ipsum, & omnes qui illi obediverunt.* Quas turbas AERIUS Hæresiarcha homo procax dederit, eo quod non potuerit creari Episcopus, sed Presbyter semel creatus, semper in ea functione permanserit,

*Tertull.
lib. cont.
Val. c. 3.
Iren. ad-
vers. hæ-
res. lib. I.
c. 31.*

ex ejusdem Epiphanii indicio didicimus. Alii insuper flante & infestante ambitionis vento de bonæ mentis statu, veræque felicitatis fastigio ita sunt deturbati, ut per sycophanticas imposturas ad episcopatum tendere cogitarint.

Quemadmodum Timotheus quidam Ælurus (teste Theodoro lectore) *immodica*

Theod

Lector

Lib. I.

Hist. Ec-

cles. fol.

553. e.

dic. Va.

lesiane

1673.

Niceph.

Lib. XVI.

cap. 18.

honoris atq. dignitatis siti tantoperè laboravit, ut inauditis etiam præstigiis atque machinationibus episcopalem thronum occupare tentarit, cellas nimirum Monachorum noctu circumiens, singulosq. nominatim appellans, eumq. is qui nominatus erat, respondisset, ipse unum ex Angelis se esse dicebat, ad hoc missum, ut singulis denunciaret, ne alium præter Timotheum Ælurum eligerent Episcopum, semetipsum hæc ratione cunctis designare non dubitans. Æque

pudenda sycophantia [Nicephoro tradente] FLAVITAS quidam sedem Constantinopolitanā post Acacii Patriarchæ obitum invasit; Post Acacium (en ipsa Historici verba !) Flavitas Constantinopolitanum suscepit Episcopatum: Vir, qui quidem presbyter esse visus sit, sed usque adèd ad audaciam & improbitatem summam pervenerit, ut id quod dicturus sum facinus, satis qua-

lis

his fuerit indicare possit. Zeno chartam puram in sacro reposuit altari, DEOque per scriptum supplicans, ut angeli manu quæ in hominum conspectum non veniret, nomen ejus adscriberet, quem cœlesti calculo Constantinopolitanæ Ecclesiæ episcopum vellet præfectum, indicto ob eam rem quadraginta dierum jejunio. Hæc ubi Flavitas cognovit, auro multo templi custodem corrupit, ut nomine suo chartæ inscripto, eam Imperatoris rursus obsignaret sigillo, quo tandem derepente Flavitas velut à DEO designatus Episcopus, saltu magnifico in Patriarchæ thronum conscendit. Non diu tamen, piaculum tantum omnipotens providentia latere passa, scenicam illam illusionem quamprimum in apertum produxit. Infelix enim ille cum non totos quatuor menses in sede ea transegisset, morte sublatuſ est repentina, prius quam ne dimidiam quidem ejus pecuniæ partem, qua episcopalem dignitatem redemerat, corradere potuisset. Ast cum argentarii pecuniam nuper admodum mutuò datam ab hæredibus exigere, nec illi essent

solvendo, commissâ fraus omnibus; ipsique Zenoni Imp. fuit patefacta, qui obstupescens, non à Christo sed Chryso Flavitz nomen chartæ mandatum fuisse apprehendit. Nec prætermittendum cen-

Greg. M.

lib. III.

Dial. 6. 5.

seo id, quod Magnus Gregorius alicubi memoravit Ambitionis horrendum documentum: Cum Archidiaconus quidam Canusinus infano adipiscendi Episcopatus desiderio esset accensus, Sabinum Episcopum veneno extingvere molitus est, cumque vinifusoris animum corrupisset, ut mixtum vino venenum ei præberet, Sabinus quidem sine vitæ dispendio id ipsum hausit, sed Archidiaconus eâ ipsa hora miserè periit, quasi per os Episcopi ad viscera ejus venenum transisset; sic illi [notanter addit Gregorius] *ad inferendam Episcopo mortem, venenum corporale defuit, sed seipsum in conspectu iudicis, malitia sua veneno occidit.* Taceo alios infelicissimos exitus eorum, qui per ambitionem ad dignitates ecclesiasticas adspirare non dubitarunt.

VII. Taceo item magis horrendas elatorum

Bernard.

Serm. 6.

super Ps.

Quis ha-

bitat &c

quorundam Clericorum tragœdias, invasiones sedium plusquam tyrannicas, innumeras de primatu contentiones, internecina odia litesque, quæ bellis nonnunquam longè gravissimis ansam dedere & occasionem. Optimè Bernardus Ambitionem [Clericorum cumpri-
mis]

primis] grande malum vocavit, secretum virus, pestem occultam, doli artificem, livoris parentem, tineam sanctitatis, vitiorumque omnium originem : Ut enim honores ac dignitates majores quidam (etiam sacro addicti ordini) obtineant, nihil non relinquunt intentatum, omnibus sese subjicientes, omnibus se affabiles præbentes, ipsum (si dicere fas est,) adorare audentes diabolum. Semper (observante Innocentio) Ambitiosi, sive Clerici sint sive seculares, sunt pavidī, semper attentī, ne dicant aliquid quod displiceat, humilitatem simulant, honestatem mentiuntur, affabilitatem exhibent, applaudunt & adulantur omnibus, statim verò ut ad honorem promoti sunt, extolluntur in superbiam, jactantiā effrœnantur, prodesse non curant, sed gloriantur præesse, præsumunt se meliores, quia cernunt se superiores, veteres dedignantur amicos, vultum avertunt, cervicem erigunt, grandia loquuntur, sublimia meditantur, molesti, infesti, graves & importuni omnibus. Oleum, cum semel super alium adscenderit liquorem, nunquam nisi violenter & ad momentum duntaxat demergitur, operam quasi navans, ne liquor cui accessit in sublime feratur, sic & ambitiosi, (etiam Clerici) semel è loco humiliter emergentes, toti in deprimendis aliis, licet doctioribus & melioribus sunt occupati, miris etiam fraudibus, technis calumniisque impedi-

*Innoc. de
vilitate
humana
condit.*

*altiora conscendere (scil. per ambitum) quid aliud agit, nisi ut crescendo decrescat, & adscendendo exterius, interius ad profunda descendat. Crescit quidem aquâ infusâ vinum in dolio, ast crescendo decrescit, cum hoc modo virtutem perdat & vigorem; sic & ambitiosus eodem Gregorio notante, crescendo decrescit, omnem generosi animi amittens vigorem, magnus in speciem evadens, reapse fit minimus, & hîc & alibi supremâ felicitate destituendus, sempiternoque puniendus exitio. Quis igitur litteratorum non horrescat vel ad solum AMBITIONIS nomen? Quis cœca adeò cupiditate ad fallaces illas dignitates curreret, tanquam sine angore onereque victurus, cum potius ad honores fugaces, ad labores veraces sit perventurus? Cane pejus & angve, DEO Musisque sacrati fugiant pestem illam execrabilem, ne, & ipsi miserè tandem aliquando pereant, contemnant honorem *tam vilem* (ut sapiens ait.) *dum efflorescit, tam lubricum dum splendet, tam inconstantem dum evanescit.* Nec minus sibi eruditorum singuli persvadeant, in nullam rem oleum futilius impendi & operam, quam HONORIS & DIGNITATIS conquestionem, siquidem id periculosa adeò aleæ plenum sit opus, ut ubicunque fastigium, illic finitimū quoque sit præcipitium, nemo altius cadat, quam qui adscenderit alti⁹, cum culmina ut plurimum fulminibus tangantur, illosq; pri-*

mum fortuna dejiciat, quos ut primos extulerit. Hoc cum abundè perspectum sit & exploratum, quid est cur eruditi optare tantum, ne dicam sollicitè captare velint fluxi honoris auram, cur ullatenus turbari vel ablato, vel non delato isto coloris tam citò evanescentis pigmento? Si mentis illuminatæ oculos aperirent, facilè perspicerent, id, quod homines HONOREM vocant & dignitatem, purum putum nihil esse, quod qui sectetur, velut umbra delectetur, prætermisso corpore, atque inani imagine capiatur. Ostensuri Veteres, quantum AMBITIO malum sit, fabulas atque apologos adyocarunt, ingenioseq; nonnunquam sunt mentiti. Quidni enim horribilis Phaëthōtis casus adaptari posset cuivis LITERATO AMBITIOSO, per suam & aliorum ruinam ad honores grafanti, qui tamen fulgori dignitatum propius accedens, decussis temeritatis suæ alis, ut plurimum gravissimo summeque miserabili corruit lapsu. Nec minus ABIETEM, proceram suam staturam & pulchritudinem intemperantius jactantem, rubumque præ se contemnentem in eos convenire sunt arbitrati, qui res arduas, suprema honorum sedilia, aliaque supra vires posita negotia aggrediuntur, cum extremo quidem suo & aliorum etiam exitio, ita enim Rubus Abieti:

- - *Nunc lata quidem, bona sola fateris,
Et frueris nostris imperiosa malis.*

Sed

*Sed cum pulchra minax succidet membra
securis,*

*Quam velles spinas tunc habuisse me-
as.*

Non fictis autem sed factis evidentioribus alii
summam ex Ambitione miseriam adumbratu-
ri, **LUCTATORES** attulere in medium, qui eodem tempore, quo æmulum colluctato-
rem in sublime elevent, nullo id alio fine agant,
quam ut ipsum tanto vehementius terræ alli-
dant. *Tolluntur scil. in altum, ut lapsu graviore
ruant.* Quanto amplius nubes supra nos cœ-
lum versus elewantur, tanto citius à radiis So-
laribus dissipantur & evanescunt: *Nubes quip-
pe [appositè ait Gregorius] in alto eminet, sed
hanc ad cursum flatus impellit: sic sunt temporalia
iniquorum bona, (fluxæque dignitates) veluti
in alto quidem per honoris celsitudinem degere vi-
dentur, sed ad cursum vite quotidie veluti quibus-
dam mortalitatis sue FLATIBUS impellun-
tur; Salus (HONOR) ergò ut nubes transit,
quia perversorum gloria, quæ alta est, FIXA non
est. Hinc FUMO etiam subitò adscendenti,
mox verò deficienti & prorsus evanescenti,
Ambitiosorum conatus respondere idem Gre-
gorius notavit: Fumus quippe adscendendo de-
ficit, & sese dilatando evanescit, sic videli-
cet fit, cum peccatoris (ambitiosi) vitam
presens felicitas comitatur, quia ostenditur*

*Confer
Hugo
Cardin.
in Psal.
72.*

*Gregor.
M. lib.
XX. mor.
cap. 10.*

*Idem lib.
1. Regim.
epist. 5.*

ut

ut ALTUS sit, inde agitur UT NON sit.

Nec solum ut non sit, verum etiam ut æternum ipsi MALE sit, cum Petro Blesense eleganter dicente, MULTORUM DOMINATIO, EORUM SEMPITERNA SIT DAMNATIO, eosque cum Dignitatibus suistandem infernus miserimè absorbeat.

VIII. Potissima autem ratio ob quam Doctori christiano honores & dignitates fugiendæ, imò formidandæ & contemnendæ penitus, PRÆCEPTORIS SUI AMOR est, atque IMITATIO EJUS, qui non solum nullos honores appetivit efflagitavitque, verum etiam sibi constitutos & delatos omninò recusavit. Quid igitur vero Christi discipulo, sinceraque humilitatis in Rectoris tanti Academiæ studio, quid inquam illi cum Mundi diabolique pompâ, cum dignitatibus, cum pudendo hominum fastu? procul ab eo sit LUCERE velle, qui LUGERE potius deberet, procul mundani honoris appetitus, qui Christi profiteretur imitationem. Quid monstro similis, quam Mundi appetere gloriam, & vitam in Christo absconditam elegisse? Quamvis tepidis & elatis quibusdam absurdum aded non videatur, imò rationi maximè consonum putetur insitum nobis adscendendi desiderium, tanto magis tamen piè literati infernalem illum serpentem horruerunt, quanto frequentius huc usque in Orbe christiano

stiano is suam despumavit foeditatem. Nec
 solum optimi quique Christi imitatores blan-
 da illa seculi delinimenta tanquam venena
 rejecerunt, verum ad Magistri communis hu-
 miliatorem ceteros studio singulari sunt ex-
 hortati. Aurea profectò sunt, omnemque
 humanam sapientiam transcendunt illa Ma-
 gni Gregorii verba: *Diligenter* (inquit) *animad-*
vertant oportet, quantoperè juvet, ac con- Gregor.
ferat ad vitæ spiritualis profectum omninò M. lib.
abhorre ab omnibus quæ Mundus amat, & V. Mor.
concupiscere totis viribus quicquid CHRI-
STUS Dominus noster amavit & amplexus
est. Quemadmodum enim mundani homi-
nes, qui ea quæ mundi sunt sequuntur, di-
ligunt, & querunt magna cum diligentia,
honores scilicet, famam, magni nominis exi-
stimationem in terra, sicut mundus eos edo-
cet; sic qui procedunt in spiritu, & serio
CHRISTUM Dominum nostrum sequun-
tur, amant & ardenter optant, quæ ijs om-
ninò contraria sunt, indui nimirum eadem
veste, ac insignibus Domini sui pro ipsius
amore ac reverentia, -- quandoquidem illa
ipsa propter majorem nostrum profectum in-
duit, nobisque exemplum dedit, ut in om-
nibus quoad ejus fieri poterit, divina gra-
 tia

tia aspirante eum imitari & sequi, cum vera sit via qua ducit homines ad vitam, velimus. Nihil profectò aut nervosius, aut fervidius ad Honorum, ipsiusque contemptus humani contemptum, ardentemque humiliationis amorem imprimendum dici potuisset, vix significantioribus verbis Cœlestis sapientia circumscribi; quæ tametsi Mundanis absona, absurda imò delira videantur, eo ipso tamen acrius cunctos doctrinæ & vitæ Christianæ Professores ad Mundi & quæ in eo sunt dignitatû despectionē excitare deberent. Pudeat imitari contemnentes parvique pendentes illustre hoc sapientiæ genus, quod stultam reddidit universam hujus mundi scientiam. Hanc unam PHILOSOPHIAM toto amplectantur animo eruditi, quotquot ipso etiam cognomine Christi nomen profitentur. Sint licet proniores ad in anem illum honorem doctrinæ & vitæ profanæ cultores, cum damno & periculo suo maximo; Nos tamen tot modis initiati, tot Sacramentis CHRISTO adacti, foedum ac turpe putemus illius nescire dogmata, vel contemnere præcepta quæ certissimam omnibus præstant felicitatem. Si quid (ita scitè Erasmus) à Chaldeis aut Aegyptiis adfertur, id ob hoc ipsum acrius avemus cognoscere, quod è peregrino sit Orbe deportatum, & pretii pars est è longinquo venisse.

*Des. E.
rasmus
in Ad.
hort. ad
Christ.
philos.
stud.
Tom. V.
opp. fol.
117.*

- - *At qui fit, ut hujusmodi cupiditas non item Christianos titillet animos, quibus persuasum est, id quod res est, hanc doctrinam non ex Ægypto Syriave, sed ex ipso venisse Cælo? cur non ita nobiscum cogitamus omnes? Novum & admirabile Philosophia genus sit oportet, quod ut traderet mortalibus, is qui DEUS erat, factus est homo; qui immortalis, factus est mortalis, qui in corde Patris erat, sese dimisit in terras. Magnum quiddam & haudquam triviale sit oportet, quidquid illud est, quod ille tam ADMIRANDUS AUTHOR, post tot excellentium Philosophorum familias, post tot insignes Prophetas docturus advenerit. Quodnam illud? Est quidem arduum, est valdè eximium sinceræ HUMILITATIS genus, quod suo non minus exemplo, quam ore sanctissimo supremus ille, *Matth.* Doctor toties commendavit. Hoc Daducho *XI. Di-* incitati, hoc spiritu impulsu, proniores longè *scite à* ad fluxarum dignitatum contemptum, atque *me quia* continuum humilitatis exercitium sumus, *mihi* quam profani illi turgidiq̃ue literiones ad ho- *sum &* noris inanis captationem. Sit licet molesta *HUMI-* admodum carni despectio Honoris, potentis- *LIS COR-* simus tamen est amor tanti Præceptoris JESU, *DE.**

SU, satisfque efficax, ut cuncta acerba con-
 diat atque svavefaciat. In nulla re verus
 amator Salvatoris majus gaudium majorem-
 que inveniet voluptatem, nisi imitatione e-
 jus, qui omnia seculi delinimenta veluti ve-
 nena nocentissima repudiavit. Hinc tanto-
 perè in laboribus, ignominiiis, infirmitatibus
 omniqque humiliatione gloriatus est Aposto-
 lus, ut mundo sese crucifixum & sibi Mun-
 dum enunciarit, cum ea quæ Mundus æsti-
 met veluti inanes pompas, ambitiosas cere-
 monias, primos accubitus, magnificosque in-
 cessus omninò sit detestatus, sicq; ex animo se
 ipsum despiciens, nullam adversariorum cu-
 rarit ignominiam, quin potius svavi & jucun-
 da perpeffione omnem injuriam exceperit.
 Et ante Apostolos eodem spiritu afflatus ipse
 Domini præcursor, non solum cunctos HONO-
 RES fugit, omnia sibi negans, summæque
 authoritatis nomina, Prophetæ sc. & Eliæ re-
 spuens, (cum plusquam Prophetæ, & ob divi-
 næ gloriæ zelum in Scriptura Elias vocatus
 esset) sed de humiliatione sui summoperè est
 lætatus : *Hoc gaudium meum* (aiebat) *im-*
pletum est, illum oportet crescere, me au-
tem MINUI.

IX. Idem planè Christi Spiritus nefan-
 dæ elationis Ambitionisque spiritui oppositus,
 optimorum prisce Ecclesiæ Doctorum pectora
 ita occupavit inhabitavitque, ut cunctos ho-
 nores

nores ipsasque Ecclesiasticas dignitates viriliter rejecerint, saltim non nisi inviti coacti atque cum summo susceperint horrore. Sic Thaumaturgus ille Gregorius (teste Nysseno,) omnibus sese abscondebat modis, ne Ecclesiæ Neocæsariensi præficeretur. Licet Cyprianus divino non minus nutu, quam universæ Ecclesiæ Carthaginensis suffragio electus esset in Episcopum, attamen tantum honorem subterfugit initio, eo se ipsum planè indignum reputans, tandem non nisi invitatus acceptavit. Quemadmodum de Cornelio Episc. Rom. idem Cyprianus testatus est, cum nec postulasse episcopatum, nec voluisse, nec vi ut cæteri (quos arrogantia suæ tumor inflat) invasisse, neque laborasse ut Episcopus fieret, sed vim passum fuisset, ut Episcopatum coactus acciperet. Idem animus insedit tum sancto Nicolao, contra voluntatem suam Myrensi Ecclesiæ præfecto, tum Magno illi Basilio, fugienti primum, dein gravem infirmitatem simulanti, cum post Eusebii mortem ad Cæsariensis Ecclesiæ gubernationem esset evedtus. Quanta cum industria quibusve artibus Nazianzenus Episcopale jugum à se excusserit, ipsemet pluribus epistolis indicavit. In carmine ejus de vita propria hæc notatu dignissima verba leguntur:

Gregor. Nyss. in vita Gregor. Thaumaturg. Pontius in vita Cypriani. Cyprian. lib. IV. epist. II. Gregor. Naz. in vit. Basil. M.

— *Sacris me collocant hi in sedibus
flentem gementem.*

Et de Magno Basilio disertè scribit, quod episcopo-

Ggg

scopa-

scopalem potestatem neutiquam sit furatus, neque eâ per vim potitus, neque honorem, persecutus, sed quod ab HONORE ipse

Gregor. Naz. c. pist. xxxi. & xxxii. & XLII. Conf. O. rat. ejus de non affectata cathedra Constantinop. It. carmen de vit. prop. Paulinus in vita Ambros. *quæsitus fuerit. Quamprimum devotissimus ille EPHRÆM SYRUS intellexit, quosdam sibi ad supremam in Ecclesia dignitatem esse suffragatos, omni studio eorum sese opposuit conatibus, pariter ut insignis Ecclesiæ Mediolanensis Præsul D. AMBROSIVS, Cleri plebi- que erga se favore deprehenso, delatum modis omnibus recusavit honorem, præter morem, severum durumque sese ostentans omnibus, Tribunalque conscendens, reis adhiberi tormenta jubens, quasi Vir sanguinis esset, Sa- cro planè indignus ministerio. Sic & Johan- nes Chrysostomus, & ipse Augustinus multis diversisque modis impedire studuerunt, ne o- nus episcopale eorum humeris imponeretur. amplius autem resistere non valentes, multis obortis lacrymis, ac tremebundi acceptave- runt, etiam atque etiam deplorantes, quod CHRISTI Sponsa, Ecclesia, sibi omnium indignissimis fuerit commissa. Quibus accedat memorabile GRÆGORII MAGNI exem- plum, is Episcopo Pelagio peste sublato, omnium consensu successor electus, alieno vestitu aliquandiu in quadam spelunca deli- tuit, extractus verò rituque veteri consecra- tus, tantum intus sese perdidisse cum dolore pro-*

pronunciavit, quantum foris in speciem sit consecutus, ægerrimè etiam ferens, quod (ut ipse dicebat) *sub episcopatus colore ad seculum reditus, tantisque terra curis denuò sit involutus.* Quid multis? Omnes genuini supremi Doctoris discipuli, inque Veteri ejus Academia sinceræ humilitatis professores, non solum cunctos formidarunt honores, sed in ipsa etiam abjectione contemptuq; sui maximoperè sunt lætati, probè perpendentes, quantus honor apud DEUM sit CONTEMNI A MUNDO, quantaque gloriæ usura hanc gloriosam ignomiâ sit exceptura. Porro cum DEUM solum honore dignum reputarint felices ille animæ, de divino tantum honore promovendo (sui prorsus immemores) etiam atque etiam fuere solliciti, ideoq; ad ipsam honoris vocem exhorrescentes, & grande scelus ingensque delirium esse putantes, si de exaltatione sui cogitatio fortè animum subiisset. Cæterum, & illa fugiendî honoris contemptusque appetendi causa accesserat, ne scilicet in hac vitâ mercedem suam recipientes, in altera illa cœlesti favore æternaque felicitate prorsus destituerentur, quâ ipsa ratione Basilii unice propemodum est usus, cum hominibus DEO sacratis fluxu Honoris fugam summoperè commendasset: *Prorsus (ait egregiè) ab omni AMBITIONE alienum habere animum (DEO scilicet devotus) constitutus debet. Nam si in hac vitâ laboribus, ac rectè* cap. 25.

*factis suis esse premium velit, misera profectò illius mercedis conditio est, qui pro aeternarum rerum jactura caducas paciscatur, si verò secum decrevit, velle se in hac vita agonum perferre labores, non modo honores ultrò ipse consecrari non debet, sed ne oblatos quidem admittere, potiusq; recusare, atque rejicere, ne consequentis vita gloriam presentis honor imminuat, quandoquidem praesens vita universa laborum est, atque certaminum; contraque futura in premiis compensationibusque est posita. - - Proinde si habes in animo in futurum regnare, hic noli otium, **NOLI HONOREM** consecrari.*

Gregor. lib. III. Similiter Gregorius ad formidinem honorum in servis DEI generandam sanctè philosophatus est, pulchrè in super ostendens quanta pericula honoribus & dignitatibus imminuant, siquidem eadem optimorum etiam mentem si non elevent, maximoperè tamen perturbent. Quid vulgatissima ista sententia verius, quid etiam horribilius: **HONORES MUTARE MORES?** cum & ista vitæ hujus prosperitas periculosum adeò habeat virus, ut bonis plerumque moribus apprimè sit infesta, neque solum certissimum superbiendi periculum, verum etiam omnium virtutum reliquarum miserum discrimen illud excipiat. Et cum in
inqui-

inquisitione & appetitu honoris inordinato
 gravius periculum lateat, quam in minus vo-
 luntaria possessione, hinc illæ terq; quaterq; fe-
 lices piæ literatorum animæ, sollicitè & istud fu-
 gerunt pietatis veræ detrimentum, quod ipsum
 considerans laudatus modò Basilii, sapientissi *Basil. M.*
 mè pronunciavit, *omnes à propudioso Honoris* *h.c.*
desiderio capti vites, invidiosos, contentiosos, in-
simulatores, impudentes, calumniatores, assen-
tatores, veteratores, humiles ubi non conve-
niat, illiberales, gloriosos, sexcentis denique
aliis hujusmodi turbis vitiisque refertos; exa-
ctiusque miserum illud umbraticæ gloriolæ
mancipium delineaturus; Quinimò (ait) sepe-
numero idoneorum etiam interitum exopta-
bit, quò videlicet, sublati de medio qui ta-
les sunt in deferendis muneribus, necessario
suffragia ad ipsum deveniant, proin & iæ
penes quos deferendi honores potestas resideat
adulabitur, plurimæque illiberaliter agat at-
que serviliter, adversus inferiores verò
superbè se atque præfidenter geret, dolos va-
rios consuens, suspensiones sibi perturbatione-
nesque innumerabiles accersens, omnem
tandem à se animi fugans tranquillitatem.
 Quamvis denique tuta omnia & extra salutis
 æternæ periculum essent tendentibus ad altio-
 ra, illud saltem maximorū Virorum animis ob-

versabatur damnum, quod per splendida munia ad honoris sedilia eVecti & sublimati, ne-
tquam sibi feliciter adeò vivere, proprioque
vacare profectui queant, sed in mille curas ut-
plurimum abrepti, suaviora amœnioraque stu-
dia omninò negligere cogantur. Quam
ipsam ob causam eloquentissimus ille Philoso-
phorum Christianorum Synesius, à Ptolemai-
densibus ad episcopale munus postulatus, id
nequaquam sibi recipiendum judicavit, quo-

Synes E-
pist. CV.
ad Evopt.

niam scil. *sacrum illud officium* (uti ipse
fratri suo Evoptio scripsit) *penitus à phi-*
losophiæ studio & rerum consideratione ho-
minem avocet, animum curis negotiisque
immergat, adeoque divinæ auri particulam
obruat & quasi extinguat, maximeq; impe-
diat, quo minus secundum solam mentem
tanto onere pressus possit operari, vel ut
significantius verba Synesii juxta authen-
ticum textum sonant: Necesse quidem
est ipsum (Episcopum sc.) tam multa u-
num negotia sustinere, quam multa ceteri
simul omnes. Unus enim quæ omnium sunt
EFFICERE debet, aut criminationibus
omnibus obnoxius sit oportet. Quomodo
igitur non ingentis cuiusdam & maximi
animi erit, tantam sollicitudinum molem,

Conf. ope-
ra Synes.
à Dion.
Petavio
Gr. &
lat. edita
Parisi.
1631.
p. 248.

pon-

pendusque sustinere, neque iis mentem obruere, nec in animo restinctam divinam particulam intueri, cum tanta illum studiorum varietas distraxerit? Nec me praterit, fieri istud à nonnullis posse, atque istiusmodi felicem indolem prædico, ac re ipsa divinos illos viros esse censeo, quos assidua rerum humanarum tractatio nihil à divina consuetudine amoveat. Sed ego me ipsum intelligo, & ad urbem descendere, & ab urbe adscendere solitum, iisque rebus implicari, quæ ad terrena & infima detrahant, & quantis nemo dixerit sordibus inquinari. Sed cum excellentissimæ virtutis natura & indoles sit, ut splendidissimæ lucis instar, quæ præcellsa in specula refulget, omnium animos ad se convertat, omniumq; favorem blando quodam & occulto illicio sibi conciliet, hinc accidit, ut prælustre illud omnigenæ eruditionis lumen, invitum plane ac reluctans Cyrenensis Ecclesiæ candellabro fuerit impositum, id quod disertis verbis ipse Synesius ad Ecclesiæ suæ Presbyteros scribens est contestatus; *Se nimirum Episcopi onus, totis viribus & omnibus machinis declinasse: Equidem non unam mortem pro ea functione (pergit) subiissem. Neq; enim satis mihi accomodatam rei dignitatem arbi-*

Synes. Epist. XI.
ad Eccles. sue Presbyter.

trabar, sed quoniam mihi DEUS non quid cuperem, sed quod ipse vellet imposuit, eundem illum precor, qui vitæ gubernator extitit, ejus esse quod in gubernaculo dedit, moderatorem. Qui enim in philosophiæ otio, ac minimè negotiosa rerum contemplatione atatem contrivit, tantumque vitæ curis ac molestiis tribuit, quantum ad eam quæ in hoc corpore degitur, vitam, ac civile in rebus publicis officium satis esset; qui continuis illis curis possum sufficere? aut qui me ipsum negotiorum turbis implicans in eas mentis pulchritudines animum possum defigere; quibus frui beati est otii, sine quibus mihi ac mei similibus vita universa vitalis esse non potest, equidem assequi minimè possum, DEO verò omnia ut ajunt possible, &c. ita Synesius.

X. Sed juvat paulò recentius consimilis generositatis exemplum sistere, dareque documentum. Cum Sixtus IV. JOHANNEM *Vid. vita* WESSELIUM, Groningensem, Virum atad-
Ioh. Wess. edis. cum te sua literatissimum ob singulares animi do-
vite Prof. vitiæ Prof. res ad se traxisset, atque in hunc compellaf-
Groning. set modum: Fili pete a nobis quod vis, nihil Tibi
1654. negabimus, quod & nostram æstimationem, &
p. 18. tuam conditionem decebit: Sanctissime Pater,
(respon-

(respondit ille) Patrone clementissime, non est quod Sanctitatem tuam multum gravem, res magnas ut scis, nunquam quæsi, rogo tantum ut concedas mihi ex Bibliotheca Vaticana Græca & Hebræa Biblia: Ea reposuit Sixtus, tibi dabunrur; *Sed Tu stulte, quare non petis Episcopatum aliquem, aut simile quidpiam?* Respondit Wesselus, quia iis non indigeo, sapientissime scil. cum Ivone Carnotense judicans, *Episcopatum nil esse nisi cruciatum, omnem in Orbe sublimitatem, valde naufragosam esse tempestatem;* qua propter & ipse modicis contentus, inter inferiora versari maluit, quam cum aquilis at-
duo volatu verberare nubes, & inter eas tandem vanescere. Ecquis verò hinc non videt, quam imprudentes, ne dicam excordes illi sint, quos vel ipsa Sacri muneris difficultas non terreat, quos item pudenda Ambitio potius, & carnalis aviditas, quam sincera DEI & proximi charitas ad sacra trahat pulpita? *Colligant hinc* (ita notanter & appositè Magnus Gregor. Gregorius) *quiq; precipites, cum quanta M. Pa-*
culpa cæteris præferri non metuant, si sancti stor. lib.
adèd viri, (DEOque verè sacrati literati,) I. cap. 7.
Ducatum suscipere DEO etiam jubente ti-
muverunt. Moyses suadente Domino trepidat, & infirmus quisque ut HONORIS onus suscipiat, anhelat, & qui ad casum valdè urge-
tur ex propriis, humerum libenter opprimen-
G g g 5 dum

Greg. M. dum ponderibus submittit alienis. At verò Sa-
l. c. cap. 8. crum illud officium, non solum non diligit
 omninò, verum etiam nescit, qui ad culmen
 regiminis anhelans, in occulta meditatione
 cogitationis cæterorum subjectione pascitur,
 laude propria latatur, ad HONOREM cor
 elevat, rerum affluentium abundantia exultat.

NB. Mundi ergo lucrum quæritur sub ejus honoris
 specie, quo Mundi destrui lucra debuerant.

Unde verò hæc sitis (ita quondam illacry-
 mans exclamavit Cyprianus,) *pectoribus*
affidet miseris, & AMBITIONIS sal-

Cypriano
de Car-
dinal.
Christi
opp. in
prol.
sugo bibulam animam occupat, ut PER FAS
ET NEFAS ad loca superiora, etiam de
latebris eremi nonnulli se ingerant, & de
omni gradu, ubi aliquis aditus patet, anhel-
prodeant, discurrant ad Judices, blandian-
tur mediatoribus, conducant auxilios, &
modis omnibus elaborent, ut sedcant cum
Principibus. Quod si verò ipso Cypriani ævo
 illa pestis Clericorum animos tantoperè inva-
 sit, quid mirum quod superior locus, excelsior-
 que cathedra hodiènum à multis sollicitè

Laur. In-
stinian.
Libro de
discipl.
mon. c. 9.
 adeò desideretur, quærat, ematur, & abs-
 que timore obtineatur, cum quale sit onus
 prorsus ignoretur. Attendunt hujusmodi
 [dicente non nemine,] præsentia, futura
 neutiquam prospiciunt, magni æstimant si

præ-

præponantur cæteris , si aliis imperent , si honoribus extollantur ; gaudent juxta Domini sententiam ab hominibus vocari Rabbi, & à subditis Patres nuncupari. ATTENDUNT QUID ÆSTIMENTUR , NON QUID SINT, nec considerant ipsi elatione, tumidi, mente cæcati, intentione corrupti, & moribus perditæ, quam sit breve ipsorum gaudium, quam formidabilis status, quam fugitivi honores. Nam tanquam somnium de strato surgentium est vita hæc, & instar puncti omnis ipsius delectatio, labitur enim cum tenetur, amittitur cum possidetur, nihil in ea stabile, nihil mundum, nihil securum, nihilque æstimatione dignum. Quo dulcius honor tenetur, eo durius ac laboriosius relinquitur, & quanto quis sublimior fuerit, tanto majora ab eo exigentur, teste namq; Scripturâ judicium durissimum his qui præsunt fiet. *At NON OMNES CAPIUNT VERBUM HOC* (ita satis appositè inquit Magnus Bernardus) *multi alioquin Bernardus non tanta fiducia & alacritate current ad honores, si esse sentirent & onera, gra-* XLII,
vari profectò metuerent, nec cum tantolabore & periculo quarumlibet affectarent infulas dignitatum. Cæterum (scribit porro) curritur in Clero passim ab omni ætate & ordine, & doctis pariter ac indoctis ad Ecclesiasticas curas, tanquam sine curis jam quisque victu-

viſturus ſit, cum ad curas pervenerit. Nec mirum id de his, qui nec dum in ſemetiſſis experti ſunt; videntes quippe illos, qui jam proprios humeros cupitæ ſarcinæ ſubmiſerunt, non ſolum non gemere quaſi ſub onere, ſed etiam APPETERE PLUS ONERARI, non deterrentur periculis, qui cupiditate cœcati non vident, ſed favoribus amplius, quos illis invident, provocantur: O INFINITA SEMPER AMBITIO! Cum primos honorum gradus meruerint in Eccleſia, meruerint autem vel vitæ merito vel PECUNIÆ, ſive etiam CARNIS ET SANGVINIS, quæ Regnum DEI non poſſidebunt, prærogativâ; non ideò corda quieſcunt, duplici ſemper æſtuantia deſiderio, quo utique magis ac magis & dilatentur in plura, & ad celiſſima ſublimentur, verbi gratia, cum factus quis fuerit in quâcunque Eccleſia Decanus, Præpoſitus, Archidiaconus, aut aliquid huiusmodi; non contentus uno in una, plures ſibi, imò quotquot valet conquirere honores ſaragit, tam in una quam in pluribus. Quibus tamen omnibus ſi locus evenerit, libenter unius præferret Episcopii dignitatem. Sed nunquid ſic ſatiabitur? Factus Episcopus, Archiepiscopus eſſe deſiderat, quo forte adepto, ruſſum nescio quid altius ſomnians; laborioſis itineribus & ſumptuoſis familiaritatibus ROMANUM ſtatuit frequentare palatium, quaſtuoſas ſibi quaſdam exinde com-

comparans amicitias, &c. Ita Bernardus, qui non verbis solum scriptisque, verum ipso vitæ modestiæque incomparabilis exemplo, ævi sui Ambitionem retundere laboravit, nullas unquam ad Episcopatum (licet splendidas satis) vocationes admittens. *Quos Ecclesiæ distinctæ pastoribus* (ita disertè de eo vitæ scriptor) *eum sibi in Episcopum elegerunt?* Elegit eum domestica Lingonensis Ecclesia, elegit Catalaunensis, intra Italiam Civitas Januensis, & Mediolanum Metropolis Ligarum hunc optaverunt Pastorem & Magistrum, Remi nobilissima Franciæ civitas, secunda Belgicæ provinciæ caput, ejus dominationem ambivit. Omnibus his vocationibus postpositis, non sollicitavit animam ejus honor oblatus, nec motus est pes ejus ut inclinaret se ad gloriam, nec magis eum delectabat tiara & annulus, quam rastrum & sarculus. - - Nec aliqua seculi hujus ambitione pulsabatur, qui solis cælestibus inhiabat. Sic ipsum quoque Augustinum tantoperè reformidasse Episcopale onus constat, ut ingredi eas noluerit civitates, quibus nosset vacare cathedram, ne fortè invitatus ei præficeretur, curaque gravaretur animarum. Usque adèd (ita de seipso alicubi) timebam Episcopum.

Serm. 49. *scopatum, ut quoniam cæperat esse alicujus
ad divers. jam momenti inter DEI servos famamea,
s. i. conf. in quo loco sciebam non esse Episcopum, ne
Epistol. illo accederem, cavebam, & hoc agebam.
August. quantum poteram, ut in loco humili salva-
148. rer, ne in alto periclitarer.*

Gregor. *XI. O quam præclare, dicimus cum Nazi-
Naz. O- anzeno, nobiscum ageretur, si idem rerum no-
rat. XX. strarum status esset ! Nunc autem (eheu !) pe-
in laud. riculum est, ne ordo omnium sanctissimus, o-
Basil. mnium maximè sit ridiculus. Non enim vir-
tute magis quam maleficio & scelere sacerdo-
tium paratur ; nec digniorum sed potentio-
rum throni [episcopales] sunt. Antistes fa-
cilè invenitur non elaboratus, sed recens, quan-
tum ad dignitatem simul satus & editus, quem-
admodum Poëtæ Gigantes finxerunt, uno die
Sanctos fingimus, eosque sapientes & erudi-
tos esse jubemus, qui nihil didicerunt, nec ad
sacerdotium, quicquam prius contulerunt
præter VELLE. Utinam hæc studiosè consi-
derarent, quicunque ardentius quam par est ad
officia Ecclesiastica obtinenda feruntur ! Uti-
nam in illa quæ à DEO ipsis concessa est hono-
ris sorte acquiescerent, nec ad altiores digni-
tatum gradus festinabundi adeò properarent,
verum majorem in declinandis honoribus, di-
càm an oneribus, gravioribus, adhiberent pru-
dentiam ! Ex vetusto Ecclesiæ ritu quisquis in
Episco-*

Episcopum olim consecrabatur, inter ipsa so-
 lennia rogatus à consecrante : NUM VELIT
 EPISCOPARI ? semel iterum, tertio respon-
 dit : NOLO ; invitum sese ordinatum fuisse
 subindicans, quippe qui tanto oneri sustinen-
 do se imparem, tanto muneri exercendo ini-
 doneum, tanto honore indignum esse, neque
 ambitione quapiam incitatum, verum Eccle-
 siæ necessitate adactum profiteatur. Tantum
 quippe [juxta Imperialem quandam sanctio-
 nem Corpori Juris Cæsarei insertam] ab AM-
 BITU sepositus esse debet Antistes, ut quæra-
 tur cogendus, rogatus recedat, invitatus effu-
 giat, sola illi suffragetur necessitas excusandi.
 Ast parum observatæ sanctiores ejusmodi leges
 ab eo sunt tempore, quo enormes circa officio-
 rum ecclesiasticorum collationem abusus in
 christianam Ecclesiam irrepsere, sanctaque mi-
 nisteria non hominibus ad ea idoneis deman-
 data, sed pro superiorum favore & arbitrio, ve-
 luti præmia quædam sunt distributa. *Sicuti*
(ita notanter scribit author Histor. Tr.
Conc.) primis Ecclesiæ temporibus personæ
quæ Ecclesiæ necessitatibus inservirent, elige-
bantur, sic decursu temporis, gradus digni-
tatis sive emolumentum, personæ qualita-
ti fuere adaptata. Res etiam eò rediit,
quod in dignitate personæ, unus ducenta, al-

*Leg. II.
 c. de Epif.
 & Cler.*

*Gerson in
tract. de
defectibus
Eccles.
Nicol.
Cleman-
gis in
tract. de
corrupt.
Eccles.
statu.
Bernard.
Serm. ad
verba:
Eccere-
liquim⁹
omnia.*

*ter trecenta beneficia tenuerit. Quo de enor-
mi abusu etiam præter Gersonem Nicol. Cle-
mangis gravissimis verbis est conquestus. Ac-
cessit frequens Graduum Ecclesiasticorum mul-
tiplicatio, nec non quæ iis annexa fuere privi-
legia, immunitates, redditus & amplissimi prin-
cipatus, quibus plurimorum Ambitio tanto-
perè fuit accensa, ut dies noctesque in illud u-
num incubuerint, quâ ratione & ipsi ad sum-
mæ dignitatis culmen pervenire queant, falsè
ea propter à Bernardo haudque immeritò exa-
gitati: *Festina (ait) multiplicare præben-
das, inde ad Archidiaconatum evola, demum
adspira ad Episcopatum, ne ibi quidem re-
quiem habiturus, quia SIC ITUR AD A-
STRA. Quo progredieris miser? quamdiu
enim Ecclesiæ ministeria suam primævam
retinuere simplicitatem, spreta à Magnati-
bus jacuere, non ea obierunt, nisi qui zelo
DEI in animarum salute curanda ducebant-
ur; postquam verò splendidis palatiis, pa-
trimonio admodum opimo, pompa mundana
quasi coruscabant, quisq; ea pensabat, non
tam ut gregem curaret, quam ut haberet
unde luxuriaretur, unde ditesceret. Nec
minus graviter Joh. Sarisberienſis conqueritur
ætate sua non inventum nisi per rarum, qui ac-
cinctus**

*Joh. Sa-
risber. lib.
VII. poli-
erat. c. 18.*

cinctus fuerit super femur suum gladio ad præsumptionem hujusce ambitionis reprimendam. *Ille namq[ue], [addit notanter] machinas multiplices erigit, ut expugnet nemine defendente.* Alius enim de NOBILITATE confusus, aut viribus potestatum, violenter in Sancta irruit, & si forte pulsatur ad ostium, parietem aut limina effodere non veretur; nam & seditionem concitabit in Moysem, & alienum ignem in Templum inferet, & vasa Sanctuarii contaminabit. Alius sperans in multitudine DIVITIARUM, SIMONE DUCENTE ingreditur, non inveniens ibi, qui cum & pecuniam suam jubeat ire in perditionem. Alius in muneribus ad Petrum reformidat accedere, clanculo tamen per impluvium auri, ac si per regulas Jupiter elabatur in gremium Danaes, sic in sinum Ecclesiæ PROCUS DESCENDIT INCESTUS. Alius OBSEQUIO, quasi muneris ignarus, adest, ac si obsequia non cedant in muneris rationem; sed profectò nulum majus est munus, quam cum homo se ipsū devovet hominis servituti. Alium collusione quādam liberalitas prævenit vocantis, sed postmodum collatam gratiam suo Giezi plenius compensabit. Alius agit ne ipsum pulsare oporteat, sed ad ingrediendum compellatur invitatus, & quasi obnubilans lucernam DEI, ut cum impunè fraudulentius irrideat. Nec injucundum ex eodem Saresberienſe discere.

H h h

quam

Idem.

Saresb.

c. 18, ibi-

dem.

quam solerter olim perversi quidam honorum
ecclesiasticorum aucupatores eluere suas conati
sint maculas, omnesque elidere objectiones. Subdit
ergo l.c. sequentia: *Plures incontinenter am-
biunt, & impudenter, frustra enim ut quen-
quam eorum repellas, aliquem oppones titu-
lum, quia clamore conductitio pravalente
delebitur, concurrentibus (scil.) exemplis
& sanctionibus Patrum: IGNOBILIS
est, sed nec Petrus Patricius extitit, aut
alicubi de claritate sanguinis gloriatur.
MINOR est? Hieremiam & Præcursores
Domini habet authores. PUER est? mon-
strat Seniores à Daniele puero condemnatos.
ILLITERATUS est? Sed nec Scholas
leguntur frequentasse Apostoli. - ELIN-
GUIS est? Sed Aaron vices Moysi qui e-
rat impeditioris lingue & sacerdotium
legitur ministrasse. SCORTA SE-
CTATUS est? Sed Oseas mandante Do-
mino amplexibus meretricis adhesit. IN-
SIPIENS est? Sed per insipientiam Mun-
di decrevit DEUS salvare credentes - -
VINOLENTUS est & deditus gula?
Sed Dominus ipse dictus est, potator vini,
vorator carniū. NON ACQUI-
ESCIT MAIORIBUS? Sed & Paulus*

in faciem restitit Petro. CONTENTIO-
SUS est? Sed inter discipulos JESU facta
contentio memoratur. MUTUS est?
Sed hoc Zachariam à Sacerdotio non exclu-
sit. ELECTIO deest? Sed & Apostoli
non petentibus populis missi sunt. NON
VACAT SEDES, in quam possit intrudi;
Accedat presidenti; nam & Augustinus
Valerio Hipponensi non tam successisse, quam
accessisse describitur. AVARUS est? Di-
spersa poterit congregare, & inutiliter non
distrahet congregata. Ut paucis universa
complectar, AD OMNIA INEPTUS
EST? Sed Samson mandibula Asini Philis-
teos expugnavit, potens est & nunc DEUS
de lapidibus suscitare filios Abrahe. Ad hæc
dubium esse non debet, quin cathedra Episco-
palis sanctos recipiat, aut sanctos faciat,
nam & cum Saul inunctus esset in Regem,
insiliit in eum Spiritus Domini, prophetavit-
que & mutatus est in Virum alium; Caiphas
quoq; licet sacrilegus, ut qui cum Judæis con-
spiraverit in necem Salvatoris, cum esset Pon-
tifex anni illius prophetavit, ut constet
ipsum ex officio prophetie gratiam quam de-
Hh h a
me-

meruerat accepisse. Hactenus Saresberienfis. Equè solerter ac studiosè quidam ævi recentioris Clerici annisi sunt amovere obstacula, quibus sæpè retardati sunt, quo minus cursu pleno ad concupitos honorum officiorumque gradus (præsentissimo sæpè animarum periculo sociatos) pervenire potuerint. Video enim (ait nonnemo) rem eo loci devenisse, ut qui maximarum artium studiis dant operam, diligentius vulgo profiteantur, sese doctrina laude ecclesiasticam aliquam aucupari dignitatem; quo scil. Christo Domino & Ecclesia operam suam navent. Sed profectò miseri falluntur, quippe qui studia illa ad privatam magis referunt, quam publicam utilitatem, & quoniam verentur, ne DEUS ipsorum cupiditati non obsequatur, nolunt totā rem divinæ permittere voluntati. Quid multis? Rarissima in Orbe Ecclesiastico avis est Pastor vel Episcopus diu reluctans & invitatus muneri appositus. Avis inquam, non ex iis quæ agminatim cum multis incitato alarum remigio per aeris aperta spatia circumferuntur, sed tam rara & singularis, ut admirationi sit & cum plausu celebretur, ubi & quodocunque sui faciat copiam. Gloriatur in Novella quādam Imperator Valentinianus & Marcianus, se venalem ambitum radicitus amputasse, &
ad

ad res privatas vel publicas sincerissimè gubernandas traxisse INVITOS, adduntque, felicem fore Rempublicam, si à nolentibus & actus publicos repulsantibus regatur. Hoc ipso nomine honorificum in perpetui honoris TEM- *Confer Templi*
 PLO locum ætate nostra obtinuit MAT- *Hon. an.*
 THIAS HAFENREFFERUS, nimirum 1673.
 quod semper invito & reluctanti sacra com- *edit. p.*
 missa fuerint munera. Ita enim ex Eninga 54.
 præter expectationem suam tractus est ad Ecclesiastæ Aulici, & Sacri Consistorii provinciam; ex Aula ad professionem Academicam, & Ducalis Collegii ephoriâ, quantumvis precibus intercederet, nolens volens ductus est, demum ei etiam Cancellariatus Academiae est concreditus, sed reluctanti, factumque inde, ut cuncti ejus labores, studia & actiones, felicissimum habuerint successum. Utinam Ecclesiæ semper & ubique hæc contigisset felicitas! utinam non multis in locis corruptionum sordes, & privatae prævaluissent gratiæ, neque indignissimis, intercedentibus nummis, primariae etiam dignitates Ecclesiasticæ collatae fuissent! *Ambros.*
 Ast quam severè Ambrosius ad eos qui olim dicebant: *Aurum dedi & Episcopatum comparavi;* *de dignit.*
 Lepram (inquit) cum Giezi à sancto suscepisse se credant Helisæo, qui gradum Sacerdotal- *Sacerd.*
 em pecuniis comparare æstimant. *cap. 5.*

XII. Audiant hæc qui modis mediisque illicitis ad altiora dignitatum loca viam sibi

Phil. II.

v. 21.

munire, ac turpi ambitionis œstro perciti, per
 fas & nefas ad suprema honorum fastigia ten-
 dere non dubitant, neque DE I gloriam, ne-
 que populi profectum, sed proprium duntaxat
 commodum atque emolumentum privatum
 respicientes, & quæ sua ipsorum sunt, non quæ
 JESU CHRISTI quærentes unicè, Bileamo
 haud dissimiles, qui Balaki promissis pellectus,
 populum Israël, nisi DE US illum inhibuif-
 set, exilio devoverat: *Valde cumulabo Te* (di-
 cens) *honore, & quicquid edixeris mihi efficiam.*
 Quis lernam malorum quæ in Ecclesiam inde
 defluxêre, potest recognoscere? quis tot coru-
 scantes stellas, quæ urgente hoc Satanæ angelo
 de cœlo cecidêre, animo valet revolvere, &
 non execrari abominandam illam philotimi-
 am, quæ tot misérias, tot calamitates, Ecclesiã
 ubiq; infestantes, plenis velis introduxit. Cur in
 mente auribusq; Doctoris Ecclesiastici vox au-
 rea Magni cujusdam Oratoris non personet:
Ecce quomodo DEUS omnipotens in eter-
num ejiciat eum, qui in hominum gratia,
spem reponens, non admodum de bona vita
& justis operibus sollicitus est, modo sibi be-
nevolentiam conciliet. Ad rugiendum cum
Esau ille se comparer, qui putat perventu-
rum se ad PRIMOS HONORES, natali-
um, non laborum meritis, nec virtutum

EXER-

exercitio, sed VILI OBSE QUIO, & adulandi studio erga eos à quibus possit promoveri. Minime igitur spe adscendendi de favore gratiaque humana sibi concilianda. DE O sacratus homo sit sollicitus, omniq; caveat studio, ne in foedam adeò, & christiano homine nomineque prorsus indignam incidat idololatriam. Quod fretum tantos habet fluctus & commutationes? quem Euripum huic Euripo quis compararet? quæ Charybdis tam vorax, quod Mare tam fallax, infestum & scopolosum? Ecquis sine summa trepidatione tantis sese committere ausit fluctibus, quis ardenti quopiam desiderio erga tantam ferri tempestatem? Ingentia quorundam damna nos edoceant, haud grandiore sumptum excogitari posse, quam quo hominum gratia comparetur, cum gemini, & quovis pretio majoris thesauri, FAMÆ scil. ANIMÆQ; perditio sæpè haud sufficiat ad Magnatum benevolentiam redimendam, aut dignitatem optatam consequendam, imò sæpius divina providentia factum sit, ut oculi ab infinitæ Bonitatis cœlestis throno aversi, inque hominum potentiam atque auctoritatem conjecti, pro speratis eventibus prosperis, calamitates gravissimas & fulminantes miseras aspexerint. Quis denique à veritatis tramite aberrare diceret eum, qui pudendam illam mundani FAVORIS pariter ac HONORIS captationem, infrunitam.

*Jerem.
XXIII*

que quorundam Ecclesiasticorum **AMBITIO-**
NEM omnigenæ corruptionis nuncuparet
seminarium? Siquidem omnium ætatū historia
testetur, illud hominum genus [quod spiritus
divinus **CURRENTIUM** titulo designavit]
aut enormes quosq; in Ecclesiā invexisse erro-
res, aut satis frigide fidei & pietatis negotium
egisse, imò frequenter gregem universum mi-
serè decepisse & perdidisse. Quod si tales justo
cœlestis gloriæ promovendæ fervore & studio,
sanctoq; adeò flagrarent igne, ut pro SS. Nu-
minis gloria atque Ecclesiæ emolumento maxi-
mos subire labores velint, sibi dictum puta-
rent, quod Davidis olim filia, se furenter inva-
denti dixit Ammoni: *Loquere ad Regem, & me*
Tibi non denegabit; cum Rege inquam **COE-**
LESTI potius quam **TERRESTRI** loqueren-
tur, tantoque feliciores in sacro officio habe-
rent successus, quanto longius ab omni ambi-
tu, **CORDE HUMILES**, abfuerunt.

*II. Sam.
XIII.*

*I. Tim.
III. 2.*

XIII. Neque verò hæc ita accipienda,
quasi illicitum, prorsusque damnabile sit omne
pro consequendâ vocatione ecclesiastica stu-
dium, aut culpanda sacra illa orexis, ipsius A-
postoli calculo comprobata, sed quod **DEO**
sacratum hominem minimè deceat immodicus
honorum appetitus, neque conveniat sine le-
gitima vocatione irruere in **DEI** domum Sacri-
que Honoris templum, cum nemo id ipsum in
privati cujuscpiam audeat ædibus, neque lega-
tio-

tionis onera sine Regis vel Principis nutu à privato quopiam (licet donis singularibus ad ea instructo) gerantur vel suscipiantur. Idem. de se quilibet supremo Regi devotus sentiat, quod sensit olim Jeremias, qui cum à DEO ad rudes & ignaros populos ablegaretur, suam, inscitiam exposuit, infantiam excusavit, utq; onus illud effugeret, pueriliter balbutivit, sicuti & antea memorati priscae Ecclesiae Doctores, sacro quodam correpti horrore, latebras ad evitandum honorem quæsierunt, divina tandem vi ad munera sacra obeunda pertracti. Quos enim æterna DEI sapientia ad ejusmodi gradus olim destinavit, eos tempore oportuno, quamvis refugientes, è latebris suis ac profugiis in lucem & Solem novit educere, atque ad Ecclesiae suae gubernacula miris admove re modis. Via nimirum hæc est ad primos HONORES Regia, admodum tuta, sed parum trita, quo fit ut nō pauci ad altiora conscendere cupientes, justo DEI judicio descendere jubeantur, atque se ipsos exaltantes [juxta Salvatoris effatum] & hic & alibi humiliantur. Probè id ipsum. considerans Basilius; CAVEAT sonorā exclamavit voce, *omni ratione pietatis cultor*, cap. 25. [caveat dicimus cum ipso, Clericorum & literatorum hominum quilibet,] *ne HONORES consecetur, caterisve se praponi velit; omnis enim qui seipsum exaltat, humiliabitur,*

& qui se humiliat exaltabitur. Si semet-
ipsum pietatis cultor in altum extulerit, ha-
bet qui graviter ac potenter illum affligat,
& ad inferos usq; possit deprimere; sin-
contra se ipsum humiliaverit, splendidis-
sime magnificentissimeq; extolletur, cum
DEUS (qua ipsius potentia est,) humilian-
tem sese in altum extollat. Expectato igitur
rectè extollentem, neq; ad res vitæ hujus co-
gitationem velis adjicere. Exemplum habe-
mus angeli illius superbientis, qui dum ex-
altari voluit, humiliatus est ad inferos.

Isiod. Pe. Nec minus graviter Pelusiota quendam, Epi-
lus. Lib. scopatum ambientem, compellavit ad hunc
V. Epist. modum: Si neq; Episcopalis dignitas, neq; dignum
6 opp. p. quid illâ à Te confectum, ac ne Apostolica
555. quidem vox, Episcopi describens officium,
neq; DEI incorruptum tribunal, quo certa
definitaq; feretur sententia, nec deniq; a-
liud quid ab hac Te amentia revocat, quid
inepto, & à ratione omni abhorrente deside-
rio dignitatem mercaturum te speras? sal-
tim externi seu pagani hominis exemplo
pudore suffundaris. Ferunt enim Pitta-
Laertius cum, accepta à Mitylenais imperandi pote-
in Pitta. state, cum Phryonem Rhegiensibus prae-
60. ctum

Etum singulari jam certamine vicisset, Magistratu se abdicasse. Id factum cum Mitylenæi recusarent, vi eos compulit; quod privatus degere quam imperare mallet. Proprio itaq; periculo & sanguine imperium adeptus, sponte deposuit, pro quo acquirendo periculum adierat, principatum deposuit, etsi rationibus reddendis minimè obnoxium: Tu verò qui neq; dignus es, vel inter subditos numerari, magistratum mille rationibus reddendis obnoxium, & supra dignitatem omnem humanam, quem neq; sponte concessum suscipere debebas, eum continuo somnians, mercari non modo non erubescis, sed & extolleris. Ecquis igitur hanc tuam satis accuset audaciam? Quodsi insuper tales Dignitatum sacrarum aucupes ad animum sibi revocarent, quod Honores semper prævia prærequirant merita, indignique ad eos evecti, majorem potius ignominiam quam laudem sibi adsciscant; quod item reverentia dignitati potius quam personis, perperam ad altiora evectis, veniat attribuenda, si poenas denique, quibus DEUS inambitiosos animadvertit assiduè cogitarent, minimè immodico adeò honorum atque dignitatum laborarent appetitu, nec ad celsiora
loca

loca semper adspirantes, perpetua tandem exitia incurrerent. Quid, quod in ipsâ muneris sui administratione omnes illegitimè sublimati, infelicem plerumque sortiantur eventum, omnibusq; fiant ludibrio? Et sicuti ingens honor gloriaque eos comitatur, qui sublimioris officii candelabro meritis virtutibusque suis id ipsum exposcentibus imponuntur; ita præter meritum dignitati admotis, maxima ignominia atque dedecoris infamia accrescet.

Nazian. DIGNITATIS SPLENDORE (ut scitè Nazianzenus de quibusdam sine merito ad Episcopatum evectis scribit) ERUNT INFELICES, eorumque MALITIAM (juxta Philonis effatum) gloria reddet illustriorem. Eodeformiores (dicente Bernardo) erunt, quo *SUBLIMIO-*
lib. 2. RES, imò quanto plus promoventur (addit Dionysius Carthusianus) ac sublimantur, tanto
de confid. magis eorum stoliditas ostendetur; tanto clarius
cap. 7. simiarum ejusmodi turpitudine apparebit, quanto
Dion. altius adscendent. Dignissima observatu similitudo Plutarchi est: *Sistatnam* (ait) *vidi-*
Caribuf. *ter elaboratam & defectuosam super basim quam-*
in cap. *dam eminentius collocaveris, efficies, ut ejus in*
I. I. Prov. *sublimi posita defectus facilius animadvertantur,*
ψ. 35. *quam si humi semper iacisset. ad eundem quoq;*
Conf. Lyr. *modum minorum defectus non observantur aut*
in eund. *notantur, quamdiu privatim vivunt, cum tamen*
loc, *mox ut exaltati, omniumque oculis expositi fuerint, defectus eorum omnibus manifesti evadant.*

Quem-

Quemadmodum maculæ in sordida quadam veste minimè ita se produnt, nec tanti æstimantur, sicut in bysso aut regia quâdam purpura; sic animi labes aut maculæ non adeo obscuras infimasq; deformant personas, quam illas quæ in clariori honorum ac dignitatum luce sunt constitutæ. *Claras enim* (ait ad rē præsentem aptissimè Aureli⁹ Cassiodor⁹, ille quondā à Regibus tantis in delitiis habitus Senator) *lib. XII. suas maculas reddunt, si illi, ad quos multi respiciunt, aliqua reprehensione sordescunt; alioquin expedit non videri, quam cunctorum reprehensione signari; ita præclare Cassiodorus, cujus etiam cedro digna sententia singularem meretur observationem: Fasces accipimus, ut graves esse debeamus; Tribunalia conscendimus, ut MORUM GRADIBUS EVEHAMUR nil vile, nil cupidum Judicēs* (omnesque adeo viros honoratos) *deceat, alias juxta sapientissimi Regis sententiam.)* *Prov. III. EXALTATIONEM eorum maxima IGNOMINIA excipiet. Quid Habacuc turgido prædixit Chaldæorum Regi? Replet⁹ es ignominia pro gloria; circumdabit te calix dextra Domini, & vomitus ignominie super gloriam tuam.* Pariter ambitiosi omnes, ordinario divinæ justitiæ consilio, in omnium venient contemptum, cum talia sæpè pro futilis honoris acquisitione, tamque indigna & pudenda suscipiant

Aurel. Cassiod. lib. XII. epist. 2.

Prov. III. p. 35.

piant, ut omnium risui & contemptui exponantur. Quis autem venerabilior, quis honoratior vero honorum contemptore? Hunc mirantur homines, hunc amant: mirantur, videntes ea illum negligere, quæ ipsi adorant, amant autem, nullum ab eo ambitionis suæ adimplendæ metuentes impedimentum.

XIV. In tantæ igitur Virtutis christianæ palæstra, præter viros Ecclesiasticos, LITERATORUM etiam singuli sese strenuè exercent, atque Maximorum illorum Doctorum, ipsique Salvatoris vestigiis insistant, si ad supremi honoris culmen, VERÆQUE FELICITATIS LITERARIÆ fastigium pervenire velint, neque solum laudatissimis humilium exemplis, verum tristissimis horrendisque ambitionis turgidorumque Doctorum casibus edocti, sed & divinæ gratiæ radiis collustrati, omnem adscendendi libidinem protinus à se expellant, sitimque honorum extinguant insatiabilem, ne cum miseris istis ad altiores dignitatum gradus adscendere cupientes, ipsi quidem, hinc ad ignominiam, alibi ad cruciatum sempiternum descendant. Atque ut tantò facilius & felicius intestinum illum flatum, animique perniciosum tumorem reprimant & retundant quilibet sinceræ humilitatis in Academia Christiana cultores & professores, etiam atque etiam ad mentem sibi curas molestiasque gravissimas revocent, quæ nullis non flu-

xi honoris mancipiis sunt subeunda: Nemo ambigit, quin longè sit facilius vallem perambulare, quam conscendere montem, paucissimi sunt, qui plus appetant laborem, quam quietem, bellum magis ament, quam pacem, damnationem præferant saluti; Quî obsecro LITERATUS obfuscatum adeò rationis habeat oculum, ut perspecto immenso Honorum onere non totus horreat & contremiscat? Quam multi summo conatu sese opponunt ambientibus officia, ne ea obtineant? Quantis odii spiculis, nefandæque maledicentiæ jaculis undique petuntur spirantes altiora? Sapissimè amicum amicus, & patrem filius, Collega Collegam, urgente ambitione impugnavit, omni-que virium nisu alter alterius retardavit adscensionem. Quid à pacatâ, sibi-que semper constante hominis eruditi mente magis alienû, quam pudenda ejusmodi de re vanissimâ concertatio? Cur sibi umbraticæ dignitatis spe, eripi patiatur pretiosissimum illum thesaurum, imperturbatam animi tranquillitatem? Gravissimorum Virorum judicio, vix dulciora erudito homini suppetunt solatia, quam si à curis molestiis-que gravioribus liberatus, SIBI Musis-que optatius vivere queat, sicuti singularem hanc felicitatem, & quicquid inde boni nascitur Plinius Minutio suo Fundano hunc in modum commendavit: *Nulla spe, nulla timore sollicitor, nullis rumoribus inquietor,*
mecum

Plinius
epist. ad
Minn.
Fund.

*mecum tantum & cum libellis loquor. O re-
tam sinceramque vitam ! ô dulce otium !
honestumque ac pene omni negotio pulchrius !
O mare ! ô litus, verum secretumque muscum
- - proinde Tu quoque strepitum istum ina-
nemque discursum & multum ineptos labo-
res, ut primum fuerit occasio relinque. Ita*

Cicer. lib.
III. de
offic. c. 1.

Plinius, ad sapientissimi quidem Socratis exem-
plum, qui ab omni ambitu maximè alienus,
tantumque animi tranquillitatem optans, in-
ter libros suos chartasque sedebat, cum nil
præter Alcibiadem Athenienses loquerentur,
quemadmodum etiam duabus rebus, quæ lan-
guorem afferant cæteris, acui consuevisse a-
nimum Scipionis Africani Senioris M. Tullius
tradidit : OTIO nimirum & SOLITUDINE sic : -
*nim (ait) requiescens à Reip. munerib' otium
sibi sumebat aliquando, & à cætu hominum
ac frequentia in solitudinem sese tanquam
in portum recipere solebat. Nunquam sanè
LITERATUS, felicitis hujus tranquillitatis, & tran-
quillæ felicitatis metâ attinget, ni inanè Hono-
ris onerosi imaginem ex animo suo prorsus abji-
ciat, atq; potiores prosperitatis literariæ partē
in fluxæ dignitatis fugâ neglectuque collocet.
Egone (dicens cum famigeratissimo quodam æ-
vi hujus Philologo,) au-um, aut HONORES
avidè respiciam, qui quocunq; me convertam, nihil
præter*

præter animorum monumenta, magnis Viris su- Daniel
peresse videam, corporis verò notas ne extare qui- Heinſius
dem unquam, cæterorum autem vix memoriam, in orat.
aut nomen ad posteritatem pervenire. Me pro- ad Curat.
fectò ne movere quidem illa possunt, qui cum in Leiden-
TRANQUILLITATIS HOC ASYLUM me ses.
subduxi, quicquid reliqui sperare possunt, avidè ob-
liviscor. Si quis querat, cur tam pauci ita se ex-
erceant, breviter id dicam: **PAUCIS VAGAT.**
Alii in aula quippe vivunt; alii in foro, in corru-
pta Republica alii, ubi sensus animum, animi men-
tem involvit, ne intenta esse bono suo possit. Quod si
Rhetorem in castris, Dialecticum in foro, Mathe-
maticum in via meditari posse existimamus, credamus
eos quoq; intentos esse posse, qui sic vivunt. Illa verò
pars divina cum à corpore abire non possit, quantum
potest ab hominibus recedit; & cum sola secum ipsa
vivit, nulli quicquam invidere potest, cum placere sibi
cæpit, omnes voluptates (honores) præ se spernit,
veram enim solidamq; invenit. Quid si institutum
nostrum & hanc vitam quidam semiliterati aut in
foro aut alibi contemnunt, qui aut **PREHEN-**
SANDO, aut **CURSANDO**, aut facundiam
locando diem consumunt, sic profectò pares jam su-
mus, quippe nisi hosce vicissim contemnissem, nun-
quam ab eorum instituto recedendum mihi putas-
sem.

XV. Neque verò solus ille Polyhistor in-
figne hoc felicitatis literariæ arcanum calluit,
verum etiam quotquot tumultuosum vitæ a-

divæ genium, curarum multiplicium procel-
 las, horrendos animorum ambitiosorum mo-
 tus, tristem denique ac verè luctuosam inanis
 gloriæ splendidaque miseriæ faciem sunt intu-
 iti; hi inquam optatæ tranquillitatis litera-
 riæ mysterium probè intelligentes, illam di-
 scriminum palæstram, fallaciarum scenam, fe-
 rarumque spelæum, **AMBITIOSÆ** nimirum
VANITATIS SCHOLAM toto pectore sunt
 averfati, in quâ scil. cuncta visu audituque
 percepta, speciem quidem habent elegantem &
 jucundè ridentem, at verò in pleno lumine ve-
 ritatis confusum quid, & valdè maculosum,
 proptereaque perspicacibus oculis horrendum
 ac generosis animis aspernabile contineant. In
 qua porrò magna hominum pars declivi natu-
 ræ impetu in lutum Honoris prona, spiritum
 trahit inglorium & anxium, ac licet subinde
 doctrina melior admoneat officii, ne tamen au-
 res commodet, strepitus forenses ac populari-
 um favorum fragores maximè impedian, mul-
 ti ambitionis cæstro perciti, quid agant nesci-
 ant, nihil pacatum sapiant & modestum, cum
 æmulis minimè conveniant, parumque curent
 insigne illud felicitatis literariæ, tranquillita-
 tis imperturbatæ, salutisque perpetuæ nego-
 tium. Secedentes igitur à turbulentorum
 consortio sapientissimi literatorum, atque
ingens (juxta Senecæ monitum) inter se

& ceteros facientes intervallum, horrendos ex Ambitione lapsus feliciter evitarunt, atque profligato pessimo illò pacis turbone, exoptatam obtinuerunt tranquillitatem. Felix eo nomine, terque felix Proavorum nostrorum ætate fuit prælustre illud Literatorum decus ac singulare ornamentum, FRANCISCUS PETRARCHA, qui ad evitandam illam discriminum palæstram, propè Sorgam fluvium casam statuit, quam sibi ab omnium perturbationum castris exauctorato, tanquam militi veterano tranquillii ocii sedem faceret, ubi multis annis parvo prædio, quod sibi emerat, contentus, vitam non frugalem tantum, sed & beatam egit. Audiendus nobis Bocacius, probè meritis de præceptore tanto discipulus in hæc verba: *Franciscus Petrarcha cælestis homo, & nostro ævo Poeta clarissimus, nonne spre- ta Pont. Maximi benevolentia, quam omnes ferè Christiani summoperè cupiunt, & procurant, & pileatorum Orbis Cardinum aliorumque Principum, in Vallem clusam abiit, insignem Gallia solitudinem, locum ubi Sorga fontium Rex oritur, & ibidem omnem ferè floridam juventutem suam Villici unius contentus obsequio, meditando atq; componendo consumpsit. Quod ipsum vitæ genus adamarunt magnisq; semper conatib⁹ amplexati sunt*

mortalium etiam doctissimi, hunc tranquillitatis portum, honorum onerosorum fluctibus jactati optarunt unicè, in quo tandem aliquando pacatum ævum, placidas noctes, & secura agere convivia; DE O denique Musisque vacare, & benè actam vitæ fabulam pulchro fine concludere queant. Invitati ad primariæ dignationis munera, nec non pro connato nobis adscendendi desiderio ad sublimiora incitati, diligenter expenderunt levitatem, inconstantiam, vanitatem earum rerum, ad quas plerique velis remisque contendere solent, utque sæpius plures dolendi quam lætandi causas afferant, quantis invidiæ & æmulationis subjaceant stimulis, quibus ambitiosi omnes sese fatigent vigiliis, quæ tædia devorent & fastidia, quis patiantur molestias, quam tumultuosa vita illorum, qui quotidie cum maximis rerum difficultatibus inquieto animo & inter turbas turbulento colluctantur, hæc inquam probè perpendentes, omne honoris fastigium sacro quodam & honesto quasi supercilio despexere, istumque & peccatorum & malorum ferè omnium portum feliciter deseruere. At hæc cogitantes, quam arduum in lubrico stantem non cadere, quam capitalis ex alto ruina, quam severum judicium animis ex dignitate elatis sit expectandum, quo impetu sæpè ab adversariis ad casum concussi sint etiam honoratissimi, toti exhortuere, & salutari timore perculsi, temporalem & æternam evitare confusionem.

XVI. Non paucos Eruditorum, singulare Honorum & dignitatum fastidium odiumque ex eo concepisse accepimus, quod eadem asellis sæpè, sive mortalium omnium ineptissimis & imperitissimis tribuantur, multiq̃ue nullo doctrinæ aut vitæ merito conspiciui, summi honoris culmen attingant, sicuti Nævio dicente,

FATO OLIM METELLI CONSULES FACTI, hoc est, sine suo merito ad tantam assumpti dignitatem.

Videas sæpè (ita de causis corruptarum artium Vives) pueros jam Magistros, qui pedagogio adhuc indigeant, magistri nominantur earum artium, quarum vix prima rudimenta posuerunt.

Ut quemadmodum de philosophis sui temporis ait Socrates in Apologia Platonis, melius multò de rebus judicaret vulgus hominum, quam illi totius sapientia consulti, &c. Quid igitur nobis [ita doctiores illi melioresque] cum vili adeò abjectoq̃ue asellorum, fatuorumq̃ue hominum diademate? quid cum arundineo isto sceptro vel baculo, quo virtute doctrinæq̃ue omni destituti ut plurimum sustentantur? Ventis vehementius olim in frugum perniciem flantibus, Empedocles Agrigentinus [Laertio teste,] super montium & collium fastigia utres collocari fecit, ex asininis pellibus confectos, sicq̃ue ventorum impetum optimè repressit; Haud secus asini, (sive im-

L. Vives lib. I. de caus. corr. art. p. 356.

Diog. Laert. lib. 8. de vit. Philos. ex Plac. Tim.

periti, ad suprema tamen dignitatum fastigia exaltati,) sæpè effecerunt, quo minus mortalium doctissimi & peritissimi ambitionis flatu fuerint de supremæ felicitatis suæ sede dejecti atque deturbati, sed quiescere potius (Seneca monente) maluerint, & secum morari, quam cum asinis, imò utribus asinorum, vento elationis superbiæque inflatis, in altum elevari. At verò graviores longè & excellentiores sprete contemptique honoris causas ac rationes ii habent, qui vitam literatorum privatam tanquam jucundissimum speculum intuiti, secum habitare, & sollicitam animi conscientiaque curam in felici quodam seductu gerere malunt, quam periculosa adeò alex geminum illum, pretiosissimumque exponere thesaurum, & cum suis Circulos (ad Archimedis exemplum) sibi turbari, sive optatissimam auferri nolint quietem, ideò ab omni ambitu tantoperè sunt alieni, ut vel ipsis promotoribus ad honorem se vocantibus silentium indicere non dubitent, hoc ipso non tantum curas vitantes, acerbisque aliorum censuras, sed ipsam quoque mortuum affectuumque suorum internam discordiam, toti in illud bonum intenti, quod quia verum est, tanto magis adamatur, quanto diuturniore familiaritate magis innotescit, & quia summum simplexque est, animum eruditi hominis ita implet, ut nullum prorsus cupiditatibus aliis locum relinquat. Ille quidem, qui

arca-

arcenum hoc sublimeque bonum adhuc non-
 tam tenet possidetque, quam cupit & efflagi-
 tat, donec exactiori ejus cognitione judicium
 magis stabiliatur, quandoque ad vulgaria ista
 inferioraque respicit bona, aciem illi nonnun-
 quam præstringunt splendentes honorum at-
 que divitiarum apparatus, ita ut *difficilius ad Seneca*
versus ea (quemadmodum de se Seneca *lib. I. de*
affirmat) *oculos quam animum teneat, neq. Tran-*
pejor inde recedat; sed maestior; ex adverso quill.
 autem Viri solidiori virtute conspicui, quia *cap. I.*
 certam jam bene pacateque vivendi normam e-
 legerunt, quam instar legis servant, firmiores
 sunt & constantiores, quam ut vehementissi-
 mo violentissimoque cedant AMBITIONIS
 impetui, ac licet interdum dubitatio, tacitus-
 que morsus, & quodpiam adscendendi deside-
 rium animos eorum subeat, profectus tamen,
 & instituti sui laudatissimi ita sunt tenaces, ut
 surrepente etiam humiliationis tædio neuri-
 quâ ab instituto illi possint ab alienari. Quem-
 admodum ii, qui relicta tellure patriâ in va-
 sto mari jactantur, nondum desideratis loci de-
 stinati vestigiis sese offerentibus; sic qui à cu-
 rà cultaque fluxarum rerum averfi, ad vera il-
 la arcanaque tendunt bona, tamdiu anguntur,
 donec optatum illum veræ tranquillitatis por-
 tum respiciant, in quem delati, jucundissimâ
 amœnitate post anteaotos labores molestiasque
 superatas perpetuò recreantur. *Mibi inquit*

Marius ille, qui omnem etatem in optimis artibus
annd Sa cgi, benefacere jam ex consuetudine in na-
lust. in turam verti. Quidni christiano pieque Lite-
Jugur. rato secum quiescenti & ad veram animi tran-
 quillitatem tendenti, fluxorum honorum con-
 temptus, sui que humiliatio assidua in natu-
 ram veluti ita transire deberet, ut delatas eti-
 am ultrò dignitates, velut Circes in cantamen-
 ta, aut Sirenum insidiosissimam Musicam sibi
 declinandam, neque pluris ducendam statuatur,
 quam statum auræ tenuis, nihil habendo amplius
 humani, quo suum divinò amore flagran-
 tem animum relaxare possit, ardensque cum
 intimæ pietatis sensu iterando suspirium :
 AMOREM solum Domine tuum mihi dones,
 & HONORATUS sum satis, imò FELIX sum
 satis atque beatus. Quippe probè intelligens,
 nimis esse elatum superbumque eum, cui DEUS
 ipse non sufficiat, & qui summo hoc dignitatis
 apice conscenso, læto pectore non exultet. Si
 aliis ex ambitione turgescant animi, ipse tanto
 fervidius diligentiusque christianæ demissionis
 studio incumbet, inque nihili sui voraginem
 profundius descendens atque se ipsum tum po-
 tentiorum, tum ambitiosorum conspectui ma-
 gis subducens, hujusmodi secum instituet ser-
 mones: Quid quereris Tibi honorem vel non
 deferri, vel auferri, qui quocunque Te aspicias
 honore omni indignum cognosces? Nihil es
 nisi

nisi peccatum & umbra. Quis honoret nihil, quam ipsum nihil: Ad nihil itaque jam valet, nisi ut conculceris ab omnibus, cur velis eorum laudibus honorari, quorum pedibus dignus es conculcari? Quam ridiculus esset opilio, qui stomacharetur se non esse electum in Imperatorem? quam stolidus latro, qui dignus vel puniri gladio, vel suspendi laqueo, corona vel ictrō donari postularet. Quanta eorum est insania, qui rudes, tardi, stolidi, nec digni sunt, qui lictores aut carnifices audiant, ambiunt tamen esse Senatores. Par Tua insania, quantus quantus es, non es nisi vanitas, imò ipsa vilitas, ne dicam perversitas, qua tamen non obstante te omni honore dignum existimas, ac si ipsa esses summæ virtuti sociata dignitas. Pavo sit licet totus formosus, ob oculatam floridæ caudæ pompam, ob unicum tamen pedum defectum totus confunditur. Quanta est tua vilitas, tam quoque vilis est honor ipse. Ut eum consequaris non pendet à Te, nec à tua industria, sed ab aliis aliorumq; nutu, quam arduum igitur est, illud velle consequi, quod necesse est ut dent alii, ut dent multi? Quid æstimas bonum, quod dare malus potius valet, quam bonus, quid bonum inquam censes, quod pendet à malis, quid tuum, quod ab arbitrio alieno? Si omnibus esset integrum, impunè Tibi tuas tollere fortunas, quis Te foret infortunatior? Ita licentia in HONORE EST, po-

Augusti-
nus Ep.
64.

Bernar-
dus Serm.
XVIII.

tentioribus arbitrarium, illum vel tollere, vel multum imminuere. Quæ major miseria quam precaria felicitas, quæ in omnium sit manu præterquam in tua? Eritne secuta tua securitas, quæ pendet etiam ab hoste, quæ tot habet pericula, quot possunt fieri iudicia? Ista conditio Tua est, cum ambis honores. Ah si sapis, noli eos mutuari à mutabili homine, ne & Tu varius & mutabilis evadas. Hujus verò hostis (elegantè ait Augustinus) vires non sentit, nisi qui ei bellum indixerit: quia etsi cuiquam facile est honore carere dum denegatur, difficile est eo non delectari cum offertur. Non longè ab his diversus abit D. Bernardus, præclare explicans, quomodo gradatim quasi ad veram perveniatur demissionem: *Descendamus* (inquit) *per viam humilitatis, ponaturque in nobis primus ejus gradus, id est primus profectus,* **NOLLE DOMINARI:** *Secundus* **VELLE SUBJICI:** *tertius, in ipsa subjectione quaslibet contumelias & injurias illatas equanimiter pati.* His inhæserè vestigiis, imò hunc ipsum animum induerunt, quotquot inter SS. Patres veræ humilitatis laude quondam conspicui fuère. Licet D. Ambrosius Mediolanensis, in summâ dignitatis arce fuerit constitutus, tanta tamen præditus fuit Humilitate, ut non tantum Episcopatu se prorsus indignum, & episcoporum omnium mini-

minimum vocaverit, sed scripta etiam sua alieno iudicio subicere non erubuerit, imò pro maximo duxerit beneficio, si quando aliquid esset admonitus, uti. in LXIII. ad Sabin. epistola disertè testatur. Admirabilis quoque fuit

Ambros. lib. II. de exit. c.

78.

D. Hieronymi Humilitas, quâ cunctis peccatorum sordibus se dixit inquinatum, quâ imperitiam suam confiteri, quam parum de proposito argumento dicere maluit, quâ, nihil ita (quæ ejus verba sunt) à pueritia conatus est vitare, quam tumentem animum, & cervi-

Hieron. epist. 32.

cem erectam, & contra se odium provocantem; quâ denique, omnes fortiter toleravit injurias, cuncta opprobria & calumnias vultu ad modestam hilaritatem composito excepit. Quandoquidem verò sine cœlestis gratiæ præsidio ne minimam quidem Ambitionis tentationem vincere, nec ullum demissionis sinceræ documentum Homo literatus dare possit, inque corde ejus defixa Ambitio, venenum sit tam pervicax & tenax, ut haustum vix ullis remediis & antidotis exhauriri queat evomique; hinc incomparabile demissionis sinceræ charisma quilibet humilitatis sinceræ studiosus precibus assiduus ab eo efflagitet, qui Spiritum Sanctum, spiritum supremæ sapientiæ se daturum promisit precantibus. Non deerit inquam gratiæ suæ favonio benignissimus ille bonorum omnium largitor, strenuè certanti

pariter

pariter ac oranti literato, quin potius votis ejus
 calidis assurgens, perniciosum ambitionis fla-
 tum, sitim honorum insatiabilem, omnemque
 dominandi libidinem auferet protinusque ex-
 pelleret, denique efficiet, ut palabundus eruditi
 hominis animus, latè pridem evagatus, ad se
 ipsum tandem accedere propius, secum habi-
 tare optatius, res curasque hominum è longin-
 quo, ac velut in PIO quodam SECESSU in-
 tueri tutius, denique in solo Christo optatis-
 simam quietem & refectionem in-
 venire verius possit.





COMMENTATIO IIX.

DE

LITERATORUM

HOMINUM

A V A R I T I A.

I.

Monstruosum quendam Vulcani filium, ac famosum pariter latronem, naribus & ore ignem fumumque furoris sui evomentem, ab Arcadibus CACUM inde appellatum fuisse Poëtae veteres sinxerunt, quod MALA infinita vicinis inferre quasi genitus fuerit, & furtis incendiisque crudeliter omnia devastaverit. Quâ ipsa imagine dum typum AVARITIÆ (mali literatis quibusdam perquam familiaris) designare intendimus, ab accuratâ æquiparationis scopo haud sumus aberraturi. Et enim ut AVARITIA nomen ac definitionem

ex

ex parte cum illo Vulcani filio CACO habet communem, cum ab ipso Apostolo MALORUM omnium RADIX sit appellata; ita etiam re ipsa in multis conveniunt: CACUS enim iste ut furtis & damnis innumeris, nec non homicidiis famam apud omnes & nomen comparaverat, ita insatiabilis habendi cupido, sive avaritia, ob consimiles ausus pudendisque effectus in ore ferè hæret omnium, cum iis quos occupavit, omne propemodum naturæ robur surripiat, vigoremque viscerum rapidis assiduisque caloribus depopuletur, innumeris adhæc malis lancinando, tandem ad marcorem extremum & interitum perducatur. Quum itaque hic ipse CACUS in Orbe etiam Literato (eheu) sit quotidianus, & latè diffusis rapinis, in corpora pariter ac animos summorum etiam LITERATORUM ferociat, ad almam Pietatis virtutisque sinceræ medicinam, tanquam Herculeanam clavam non immeritò confugientes, pessimum hocce vitium tanquam alterum CACUM pro virili edomare, ac profligare tentabimus. Priusquam verò id ipsum, divinâ opitulante gratiâ, demus effectui, monstrosam Caci illius feritatem, ore & calamo Magni Chrysostomi graphicè delineatam, contemplabimur: *Fugite* (ait ille post præmissam AVARI cum dæmoniaco comparationem) *videre tetrum quendam hominem, in Matth. qui ab oculis ignem emittat, cui ex utroque humero*

Johan.

Chryf.

kom. 29.

in Matth.

humero dracones pro manibus dependant,
cujus os caverna instar magnitudine sit, in
quo pro dentibus acuti enses stent, ex lin-
gua venenosus fons scaturiat, venter omnē
fornace sit ardentior, cuncta quæ immi-
tuntur subito consumens; pedes alati ven-
tis quoque ipsis velociores, facies, canis ac
lupi simul faciem ostendat, nec hominis vo-
cem emittat, sed insuave quiddam atque
terribile mugiat; Is ad hæc omnia facies
ardentes in manibus teneat. Mira hæc
forsan vobis videntur, sed nondum dignè
ipsum descripsimus, sequi etiam debent ho-
rum instrumentorum effectus, itaque ima-
ginemur eum obviam factos jugulare, carnes
edram lacerare ac devorare; Sed quid fa-
cio? Nam & hoc descripto, multò truculen-
tior *AVARUS*, in omnes ut mors insiliens,
omnes ut infernus deglutiens, communis ge-
neris hominum hostis, quippe qui vellet res
omnium sibi arrogare, nec finem hic faciat,
verum cum undique cupiditate cuncta colle-
gerit, ipsius etiam terra substantiam in au-
rum commutari vellet, fontes ac fluvios ar-
gento fluere optaret. Quid horrida hujusmodi
specie truculentius? Neque verò ad sermonis
dum;

duntaxat pompam spectasse eam. CACI nefarii, h. e. Avari hominis expressionem, idem orator verbis proximè sequentibus innuit; *Verum ut videatis, nondum nos insaniam illius oratione affecutos, fingamus à nemine ipsum accusari, nullum sibi terrorem imminere, non à iudiciis, non à consuetudine hominum, non à legibus; Et tunc videbis ipsum arrepto ense omnes interimere, nulli parcere, non amico, non cognato, non ipsis parentibus, sed quid plura? Interrogate Avarum, si hac secum quotidie versat, si omnes cogitatione invadat amicos, cognatos, parentes, at nec interrogare quidem ipsos opus est. Scitis enim quod qui hoc morbo premuntur, & vitam parentum senum graviter ferunt, & dulce illud & natura suavissimum liberorum donum aspernantur. Unde factum est, ut multi sterilitatem uxorum herbis excogitaverint, ac naturam orbam effecerint, qui etsi filios non interfecerunt, attamen ne omnino nascerentur effecerunt. Quare nolite mirari, si sic avaros descripsimus, cum videatis non potuisse nos pravitatem eorum oratione affequi, sed considerare quomodo poterint ab hoc acer-*

acerbissimo damone iberari. Quod si verò mi-
 tius paulò de pestifera ista malorum omnium
 radice, cunctorumque vitiorum (uti Demo-
 critus quondam ajebat) Metropoli sentire &
 loqui velimus, avaritiam haud abs re gravem e-
 jusmodi perturbationem atque commotionem
 nuncupabimus, quâ infestante, animi etiam
 eruditi status à rectæ rationis præscriptione
 turpiter sapè deficiat, nullaque ratione fræn-
 nari, aut contineri possit. Cuicunque litera-
 to vitium illud detestabile inhæserit, illi vi-
 detur D E U S id quod satis sit, dedisse nemi-
 ni, potissimum verò sibi, semper ad ea quæ
 non habet anxie hianti. Ideò gravem haud
 immeritò bonorum omnium censuram illi Do-
 ctiores, sive Ecclesiastici sive Academici Schola-
 sticiq; sint incutunt, qui studia non secus ac
 opificia tractantes, solum respicere lucrum
 suamque vendere scientiam neutiquam verentur.
 Audiamus de hâc literatorum quorundam
 dementia Johannem Franciscum Picum, *Jo. Fr.*
 Mirandulæ Dominum, libro secundo de stu- *Picum l.*
 dio divinæ & humanæ philosophiæ piè *2. de stud.*
 non minus quam scitè differentem ad hunc *divin. &*
 modum: *Magis exorbitant qui literis quasi mer-*
catura utuntur, ut pecunias congregent, & *human.*
studium sapientiæ faciant mercenarium, di- *Phil. cap.*
rigunt enim ordine præpostero internum *9.*
bonum nobile ad externum ignobilius: Ho-

rum hominum genere adeò infectum est
 præsens seculum, ut sint nonnulli, quibus
 persuaderi non potest quenquam esse, qui ob
 aliud studiis literarum incumbat, quam ob
 lucri cupiditatem. Malè adeò instituti ani-
 mo, ut non solum non sint boni, sed nec al-
 ios bonos credere possint. Duos enim no-
 vi qui philosophi vocantur, quos audiui hanc
 turpitudinem fassos, hocque dedecus non e-
 rubuisse evomere; ut quam haberet scien-
 tiam, mille aureorum numum precio si non de-
 esset emptor, libenter venderet; & alte-
 ram qui etiam se equum esse mallet, dummo-
 do copiosa suppeteret alimonia, quam eo vi-
 etu vivere, quo debebat, & nihilominus non
 egebat, si metiri indigentiam secundum com-
 munem existimationem voluisset, non secun-
 dum insatiabilem suam & inexhaustam au-
 ri cupiditatem. Non igitur Avaritia li-
 teratorum imbecillæ duntaxat mentis levicula

Confer
Paschal.
Chara-
Herod.
cap. 73:

(uti quidam existimant) est labes, sed mor-
 bus propemodum incurabilis, & infinita quæ-
 dam sitis, quâ perpetuò miseri isti enecantur.
 Voracem dixerimus Charybdim, vas pertusum
 & fluxum, sive dosium Danaïdum, cui inge-
 sta circumfluunt & superfluunt omnia.

II. Eccursumæ stoliditatis stigmate literatos
 ava-

avaros notare dubitarem, cum insatiabiliter ea semper quærant, quorum ipsi usum omnibus modis reformidant: *Nihil est eis dul-* *Vives de*
ce (notanter scribit Johann. Ludov. Vi- *causis*
ves) nisi quod præsentem affert mercedem, in *corrupt.*
 quam solam inconviventes habent oculos, quippe non *art. lib. I.*
 secum philosophia & labor studiis impensio gravis i- *opp. To.*
 stus molestusq; est, atq; agricola fossio vel aratio, ve- *l. p. 349.*
 redario cursu, sutori suere, textori texere. Ser-
 vile est enim mercenarium quodcumq; agitq; ani-
 mum properantem ad premium, & sicut Horati-
 us inquit, *Spe finis dura ferentem.* Ut proin me-
 ritò præcipuam corruptarum artium ac disci-
 plinarum culpam insatiabili Doctorum quo-
 rundam avaritiæ atque philargiriæ idem Vives
 duxerit tribuendam; *Quoniam scilicet quosdam*
mercede docentes pretii cupiditas ita exocularis, ut *Idem l. c.*
sine delictu ullo receperint ad se discipulos, & fre. fol. 330.
quentius ad se traxerint auditorium &c. Quæ-
 stum nimirum solum in literis rimati sunt illi
 pseudo-doctores, & Mercurio (ut scitè quidam
 ait) usi sunt velut ARGENTO VIVO aurifi-
 ces, ut scil. extracto & adjuncto sibi aliorum
 auro potiantur, non ut veræ sapientiæ AURO
 discantium pectora repleant. Si cunctis olim
 damnosi habiti sunt suis duntaxat invigilantes
 commodis, quale obsecro de literatis ad rem
 suam unicè attentis ferendum est judicium?
 Midæ potius auro inhiantis ideam, quam ve-
 rorum Doctorum imagines illi referre viden-
 tur.

tur. Ferunt Poëta, antiquos quosdam philosophos in diversas transformatos fuisse figuras, Socratem in gruem, quoniam PEDE IN UNO solidum exegerit super uno argumento diem; Anaxagoram verò in Aquilam, Solem in-
tuentem; in canem Diogenem, in porcum Epicurum, in saxum sensu omni cassum Xenocratem, Zenonem in caudicem affectus cuiuslibet expertem, in desperabundum Heraclitum semper lugentem, in stultum semper ridentem Democritum: Non alium equidem literatus avarus quam ASINI IN AURATI vultum representare videtur, pari horrore spectandum, quo pictoris Orgagnæ suorum temporum principis Medusæ tabulam (deformitatum, quas-
cunque nancisci poterat diligentissime collectarum apographum) olim spectatam fuisse historiarum monumenta testantur. BOS, ASINUS, ESTO, SIM MUTUS, AURUM ME FACITE, ET DEUS ERO. Hæc pudenda multorum est philosophia, cuius placita etiam-
num (ni fallimur) vigent, & post nostra etiam tempora vige-
bunt. Haud abs re equidem illi gratulabimur Ordini, illi Collegio, illi Civitati ac Facultati, quæ ejusmodi hominum pseudo-literatorum monstris sit destituta, iisq;
solum Doctoribus gaudeat, qui de profectu auditorum potius, quam privato suo commodo & emolumento fuerint solliciti. *Quæro*
(ajebat olim Themistocles) *Vires qui indigent pecunia,*

pecunia, non pecuniam qua indigeat Viro;

Verum quærendi potius cæterisque omnibus anteponendi illi essent Doctores, qui licet pecunia indigeant, perditè tamen illam non ament aut confectentur, ac verè-miserorum infeliciamque illorum literatorum albo neutiquam sint inserti, qui immodico erga fluxas opes laborant affectu, cò plus egentes, quo plura possident, semperque in eo occupati, ut augeant anteparta, aliisque subinde atque aliis inhient thesauris. Quo plus illi constant rei, quo frequentius opes conduplicant, hoc savius ab indomiti census desiderio, & perpetua quærendi cupiditate agitantur. Inter aliena & circumstantia gaudia ipsi semper aspiciuntur mœsti & atroces, inter opes mendici, in media ubertate aridi, etsi circumfusi aquâ intercuti, tamen perpetua siti arentes, inter epulas famelici, futura semper prospectantes, & carentes præsentibus. Tantum desiderant, quantum quærunt, tantum quærunt quantum delirant, tandiu delirant quandiu vivunt. Mònstret eos multitudo ut divites, semetipfos tamen inopes credunt, eaque propter verè infelices, quippe quorum famem nulla abundantia explere possit. Et cum Avaris hujusmodi, cupidisque Doctoribus nihil unquam satis sit, quicquid etiam tribuatur, tantam sæpè incurrunt mentis caliginem, ut longè majorem sacræ illius FAMIS sedandæ, quam FAMÆ tu-

endæ curandæque rationem habentes, nihil etiam non turpe committere inducant in animum, imò fluxam illam opum quærentes felicitatem, culpa sua fiant infelicissimi, ac fortunæ melioris desiderio se ipsos reddant miserimos, adeò ut semper desiderantes nunquam gaudeant, semperque concupiscentes nunquam conquiescant, tristi que suo exemplo doceant, divicias maximum infelicitatis instrumentum, summèque anxia esse opum vota, nec avarum tantum cum extrema miseria habere commercium, sed contubernium potius perpetuum. *Auri custes* (ait ille) *possunt argenti, quid habet nisi pervigiles noctes, anxios dies, sollicita tempora, trepida gaudia, inquieta desideria, semper in aestu, nunquam in portu, utpote qui metum semper secum*

Isid. Pe. portat ut domesticum. Hinc avarorum insipientiam atque defæcatissimam stultitiam, & plusquam infantile iudicium egregiè descripturus Isidorus Pelusiota; Quandoquidem (*scribit*) ii quoque, qui tenera admodum aut puerili ætate sunt, ea quæ verè horrenda & pertimescenda sunt, nihil curant, imò etiam manus persæpè in ignem conjiciunt, inanes autem larvas ac spectra conspicientes, metu percelluntur & contremiscunt, His porro non dissimiles esse videntur;

videntur homines pecuniæ ac rapacitatis studiosi, ut qui paupertatem quidem, quæ non modo nihil habet quod metuendum sit, verum etiam securitatis omnis ac modestiæ materia est, pertimescant, iniquas autem divitias plurimi ducant, quæ tamen quovis igne magis timendæ sunt, si quidem Dominorum suorum & animos, & spes exurunt, atque in cinerem redigunt. Consimilis prorsus insipientiæ avaros convicit Synesius, de nimium quæstui intendentibus differens ad hunc modum: Sæpe numero unamquamque animi perturbationem mecum ipse reputans, qualesnam sibi deditos homines efficiat, quæstuariam illam nationem mihi videor præ cæteris ignobilem ac improbam, planeque illiberalem esse - - Hæc enim corpus animæ obsequio subjecit, externa ad corporis usum revocavit, posteriori verò secundas partes dedit, idè formicis ignobiliorem atque insipientiorem pronunciare non erubescam. Illæ enim vitæ necessitate quæstum metiuntur, hi vitam quæstu, lucrique necessitate censent esse metiendam. In quam ipsam sententiam cum variis locis perquam eleganter D. Chryso-

*Synesius
orat. de
Regno*

mus differuisset, teterrimam illam servitutem, quâ diabolo avai sese mancipare solent, homiliâ peculiari declaravit, summamque avari in se ipsum savitiam & horrenda tormenta, quæ ipsemet sibi carnifex infert, iis coloribus representavit, ut nihil expressius desiderari queat. Avaritia (*4* in I. Ep. *it inter alia*) suos amatores quam qui metalla effodiunt, nulla meliori conditione esse permittit. Ut enim illi perpetuò in tenebris inclusi & ligati, maximis exercentur laboribus, ita & hi in avaritiæ speluncis defossi, nulla necessitate & vi, sponte sua supplicium lubeunt, & se ipsos insolubilibus vinculis alligant. At rei illi, vesperi saltem, laboribus relaxantur. Hi autem die noctuque huiusmodi mala metalla effodiunt. Et illis quidem mensura definita est laboris: hi verò nullam mensuram norunt, sed quanto magis effodiunt, tanto magis miseriam illam desiderant. Quod si illi inviti operantur, hi sponte; difficultatem mihi morbi enarras, à quo minimè liberari possunt, siquidem non odio habent, quod malo afficiantur, sed tanquam sus in coeno, ita hi in avaritiæ sordibus involuti lætantur, graviora quam rei illi patientes:

III. Dubium igitur nullum est, quin erudi-
 ti, si malum hoc eos invaserit, pejus habeant
 quam damnati ad metalla, siquidem ex Ethni-
 corum etiam sapientum mente; *Nulla avari-* *Seneca*
tia sine poena est, quamvis satis sit ipsa poenarum. *epistol.*
O quantum lacrymarum, & quantum laborum exi- *115.*
git? quam misera desideratio, quam misera portio
est! Adjice quotidianas sollicitudines, quae pro mo-
do habendi quemq; discerniant. Majore tormen-
to pecunia possidetur, quam quæritur. Quantum
damnis ingemiscunt, quæ & magna incidunt, &
majora videntur, deniq; ut nihil illis fortuna detra-
hat, quicquid non acquiritur damnum est. Dio
item Chrysostomus, cum omnium omnino *Dio*
communem hostem denuntiasset Avarum, ma- *Chrysost.*
ximè suimetipsum adversarium esse præclare *Orat.*
ostendit, quoniam scil. multi vitam quoque *17.*
omnibus amabilissimam propter avaritiam pe-
riculo exponant, aut etiam perdant, vel si vitam
retineant, innumeris eam langvoribus & sol-
licitudinibus miseram & ærumnosam effici-
ant, id quod ille satis suspicere non potest, in
tanta præsertim vitæ nostræ brevitate, cui tam
pauca plusquam sufficiant. Locus est illustris,
cujus extremam duntaxat adseribo partem: Ve-
vementer equidem admiror, quidnam fecis-
semus, si non minutissimi temporis mensu-
ram essemus à Diis consecuti, quum nunc
quasi ad perpetuam vitam procreati, aliud
alio plus habere contendamus. Quemad-
modum

modum igitur si quis sciat, se tantum duorum aut trium dierum habiturum navigationem, annum tamen victum imponat, factus videbitur; eodem etiam modo si cui constet, quod ultra septuaginta annos non sit victurus, in annos mille victum compareret fortassis, nonne similiter esset insanus? Nonnulli etiam tanta apparaverunt, ut si illis esset navigandum, statim submergeretur navis. Et hoc hercle contingit plurimis. - Vestem quidem nemo corpore majorem habere vult, ut ad usum inhabilem, facultates verò prorsus necessitate majores concupiscunt habere omnes, ignorantes quod quod hoc illo difficilius inhabiliusque sit. Videtur autem mihi Cræsus ille Lydus, rectè, quum hominum inexplebilitatem vellet redarguere, quibusdam inductis ad thesauros, tantum auri permisisse efferre, quantum quisque corpore posset. Multosque non solum implevisse sinum ferunt, sed etiam in capite ramenta extulisse, & ore, ut vix ingredi possent, valde ridiculos & intortos. Sic ergo & circa victum quosdam ingredi videas, indecorè se gerentes ob avaritiam, valdeque ridiculè. Quem obsecro latet quam inde-

indecorè hætenus eruditorum hominum plurimi, quamque ridiculè sese hæc in parte gesserint, quam tristem atque miserandam servierint servitutem, quam indigna veris philosophis, ne dum christianis Doctõribus urgente avaritia commiserint, & quod magis in tanta cœcitate mirari nos jussit Seneca, quam multa naturæ etiam humanæ contraria sint meditati: *Nam nos integros (ait ille) ac liberos natura genuit, nihil quidem quod avaritiam nostram irritaret posuit in aperto, pedibus aurum & argentum subjecit, calcandumq; ac premendum dedit, & quicquid est propter quod calcamur ac premimur. Illa vultus nostros erexit in cælum, & quicquid magnificum mirumq; fecerat, videri à suspicientibus voluit - - Aurum quidem & argentum, & propter ista, nunquam pacem agens ferrum, quasi malè nobis committeretur abscondit. Nos in lucem, propter quæ pugnaremus extulimus. Nos & causas periculorum nostrarum, & instrumenta, disjecto terrarum pondere eruimus. Nos fortuna mala nostra tradidimus, nec erubescimus summa apud nos haberi, quæ fuerunt ima terrarum. Vis scire quam falsus oculos tuos deceperit fulgor? Nihil est in istis, quamdiu mersa & involuta cæno suo jacent, facilius, nihil obscurius*

Seneca
epist. 94.
confer
Plutar-
ch: opuse.
de cupi-
dit.

*scurius. Nihil est illis dum fiunt, & à fa-
ce sua separantur, informius. Deniq̃ i-
psos opifices intuere, per quorum manus ste-
rile terra genus, & informe perpurgatur :
Videbis quanta fuligine oblinantur. At
qui iste magis inquinant animos quàm cor-
pora, & in possessore eorum, quàm in artifi-
ce plus est sordium.*

IV. Ut verò magis appareat, quanto pe-
rè falsus ille fulgor literatorum quorundam
oculos deceperit, atque eorundem animos pu-
denda avaritia inquinavit fuligo, apprimè duo
AVARORUM notandi veniunt ORDINES, quo-
rum Aristoteles Princeps Peripateticorum, de
extremis liberalitatis differens, singularem fecit
mentionem; Primo Ordini parcos omnes, tena-
ces atq; in dando deficientes duxit inferendos;
*Qui hii (ait) nominibus pradii sunt, ut
dicantur parci tenaces, retracti, & restri-
cti, omnes in dando deficient. Non ap-
petunt autem aliena, neque accipere volunt,
alii ob probitatem quandam, turpiumque re-
rum evitacionem, videntur enim aliqui,
vel certè dicunt propterea conservare, ne
aliquando agere turpe aliquid cogantur - -
Alij ob timorem ab alienis abstinere, pro-
pterea quod facile minimè est, ut si aliqui*
aliena

*Aristo-
teles 4.
Ethic. ad
Nic. cap.
1. sub fin.*

aliena acceperit, alii ab eo quicquam non accipiant, atque idcirco neque accipere, neque dare ipsis his placet. Superbiat primus hic avarorum *toro*, ex tenacibus Euclionibus conflatus, honestatis cujusdam virtutisque titulo, non minus tamen in damnum miserorum illorum vergit, quam in maximam injuriam aliorum. Est quippe atræ hujus loliginis succo tinctus literatus rebus suis veluti appositus quidam custos, ne quis eas, ac ne ipse quidem contingat, & cum arca ejus *ve-* *Jovian.*
lut armarium quodpiam inexorabilibus pessu- *Pont. lib.*
lis sit oppilatum, hinc nulla erga pauperes *deliberal-*
etiam afflictissimos tangitur commiseratione, *c. 6.*
nec quemquam vel unico nummo sublevare *Plato in*
laborat. Totus est inutili & superfluâ cura *Hippar-*
macer, & quas semper quærit, semper quo- *cho.*
que confectatur miseras suas. Vivum quod- *Plut. l.*
dam dixeris sepulchrum, in quo opes inuti- *an seni*
les & emortuæ sunt reconditæ. Ad hanc pri- *fit admi-*
num avarorum ordinem retulerim cum alios *nistr.*
complures literatos, quorum alicubi Jovianus *Resp.*
Pontanus meminit, tum nominatim SIMONI- *Elia. 9*
DEM, quem ipse Aristoteles hand obscure te- *l. 9. var.*
nacitatis damnavit, damnantque cum eo ple- *bist. Na-*
rique veterum, cum primis Plato, Plutarchus, *zianz.*
Ælianus & Naziazenus, quicquid pro Simo- *Orat. 3.*
nide quidam proferant, satis abunde ex tan- *num. 37.*
torum virorum indicio constat, illum pecu- *constr*
nitiæ avidissimum & tenacissimum fuisse, par- *Bill. in*
citatem notæ.

citatem tamen ea specie texisse, quod diceret malle se mortuum inimicis benefacere, multis post se bonis relictis, quam vivum egere amicis, nimirum ut Ulysses dixit de Alcino, ne unam quidem micam salis cuiquam de suo superstes dare voluit, opesque boni ævicuris pravissimis (ut scitè quidam ait) duxit conregendas Non minus Patrum nostrorum, quam eo quo etiamnum vivimus ævo non pauci extitère literatorum, qui primo avarorum ordini adscripti, immensoque tenacitatis pondere ita fuère prægravati, ut nullâ ratione ad beneficentiam potuerint levâri, in medio opum splendore sordidi, in abundantia sua anxii, nulla accessione facti auctiores. JOANNES CORICIUS cur non inter literatos ejusmodi tenaces reponatur? qui licet ob singulares animi dotes, eruditorum variorum carminibus fuerit celebratus, justam tamen bonorum omnium incurrit reprehensionem, quod aurum defossum sive occultatum ipsâ vitâ charius habuerit. Captâ enim à Germanis Româ, aureorum quandam vim sub inferioris aulæ limine defoderat, fabro uno tantum conscio, qui cemento locum obturaverat. Accidit autem, ut idem faber captivus factus pro se redimendo xxv. aureos à Coricio peteret mutuos, ille ne secretum proderet, quippe qui aliunde non habebat, unde eos expromeret, nisi ex defosso, perbellè negavit. Indignatus

*Pierius
de litera-
torum
infelic.
lib. II.
pag. 171.*

gnatus faber, rem Hispano ductori à quo in
vinculis habebatur, prodit, ille in ædes Co-
ricii transmigrat, dumque hominem compa-
randis necessariis ablegavit, aurum ipse dōmī
de latebra eruit, quā re patefacta in gravissi-
mam Coricius incidit ægritudinem, & perdi-
tarum rerum desiderio exulceratus, miserè tan-
dem occubuit. Magis lugubre consimiliste-
nacitatis documentum Pater ille dedit, qui
eodem Pierio perhibente, optimæ spei filium
ex immōdico auri amore à studiis avocatum
extremæ dedit internecioni. Nostis omnes *Pierius*
(scribit ille) Johannem Baptistam Roborem *lib. II.*
Bartholomei Grossi filium, dignum quidem, *p. 179.*
patriis qui lætior esset imperiis, & cui pater
haud Mezentius esset. Is quidem incompa-
bilis ingenii & probitatis adolescens, tantum
profecerat, ut & eleganter & acriter decla-
maret, & versus non illepidos faceret. Ad
philosophiam mox & Mathematicas discipli-
nas studium omne suum contulerat, cum pa-
ter inexplebilis avaritiæ gurgēs, invitum ad
ephemeridas impulerat, cum tamen ille clam
& bonarum artium studiis incumberet, & in-
vito patre proficeret -- summa verò patris du-
ritia offensus, omniq; spe proficiendi abjecta,
in militiam ad Venetos est profectus, sicque
ex otiosa vitā in laboriosissimam repentina
morte transgressus, tam ob insolitas exercita-
tiones, quam edacissimas curas in lethalem in-
cidit

cidit morbum. Neque sic motus pater, ut
in extrema inopia probatissimo filio subveni-
ret, frustra supplicantibus amicis, illum pro
stupenda tenacitate sua prorsus destituit, abje-
cit, misereque perdidit. Nonne clarissime
hinc apparet, pudendam illam inhumanitatem
neutiquam in externos tantum grassari, sed e-
os etiam ferire, quæis homo proximo & sangui-
nis & naturæ vinculo nectitur, quemadmodum

Gregor.

Nyss. 60.

mil. in

usurarios

sub fin.

etiam Gregorius Nyssenus avarum memoravit
plusquam credi posset tenacem, ast justo DE I
judicio cum plurimum aurum defodisset, sub-
itò mortuum, cum nemini thesaurorum suo-
rum latebras indicasset, filios, familiamque u-
niversam pauperrimam reliquisse, stultitiam
patris quotidie detestantem, qui asperitatem
in suos dum viveret, summa egestate moriens
cumulasset. Tradit Petrarcha, Parentem quen-

Fr. Pe-

trarcha,

lib. II. de

remed.

dial. 13.

dam filio tenaci arenam pro auro in sacculis re-
posuisse, parumque referte credidisse, auro ne
an arena avari sacculus esset refertus. Aspicit
quippe opes suas ille ut nescius, trepidat ut de-
fraudator, atque propria conscientia oppres-
sus prosternitur, quicquid habet aureo malo
est simile, quod oculis tantum usurpatur, neu-

Jan. Nic

Erythro⁹

Pinacoth.

1. num.

XXII.

pag. 218.

seqq.

tiquam verò comeditur. Agmen hoc primum
Literatorum sordidorum claudat DICHÆUS
ille DICHÆANUS, cujus extremam avariti-
am, lepidè non minus quam prolixè in Pina-
cotheca sua Janus Nicius Erythræus comme-

mora-

moravit, summopereque est detestatus ad hunc modum: DICHÆUS DICHÆANUS puer è Græcia à parente perductus est Romam, ac sicut ceteros æquales impotentia atque elatione animi vicit, ita etiam multos mortales VITÆ PAR-SIMONIA antecessit, nam fuit cerebroforum cerebrofissimus, & parcorum parcissimus. Adolescens studiis humanitatis, ac juri civili imprimis operam dedit, de quo nonnulla, ab eo doctè eleganterque scripta narrantur, sed ea nondum quod sciam typis impressa apparuerunt. Verum de incredibili hominis parsimonia, cujus gratia in illius memoriam incurrimus, sexcenta possunt enumerari; sed paucis contenti erimus, unde appareat, voluisse eum duas res inter se maxime diversas copulare atque connectere, summam videlicet in omni victu tenuitatem, & admirabilem vitæ cultum atque splendorem. Erat illi elegans suppellex, à parente relicta, serica vestis stragula, plura peripetasmata, multum argentum, tum calatlum, tum purum, conopei, lecti, sellæ, mensæ cum scriniis, ex ebore atque hebeno scite eleganterque contextis, atque alia ejusmodi non parum multa regalis propemodum opulentia ornamenta: itaque jubeat sibi quotidie exornari amplè magnificeque prandium ac cœnam, videlicet exponi ea, quibus abundabat, plurima ac pulcherrima vasa argentea, quavis ut cum aspexisset, non se paratum homini

privato prandium, sed instructum Regi maximo convivium, videre arbitraretur, ac pro certo existimaret, deferendum in illud esse, quidquid eo die apud omnes lanios, apud omnes aucupes, denique quidquid omentorum fuisset in foro: procedebant famuli, utraque ferentes manu patinas, alias aliis impositas, atque invicem tectas, quasi depellendi ab epulis, quas continebant, frigoris vel sordium causa; sed intus nihil habebant, sed plenæ erant inanitis; pauca verò, vel pulstem, vel frustulum agninæ, vel suillæ, vel bubulæ, pro temporum varietate, claudebant; vespere vero cœnabat olus, ovum, vel paucas oleas, cum frustulo panis, quod sibi reliquum fecerat in prandio, & ad vappæ heminam sitim extinguebat: in prandiis vel cœnis summam dabat operam, ne qua panis, quem edebat, mica sibi in barba adhæresceret, vel in sinum, atque inde ad pedes, delaberetur; & si quæ forte decidisset, magno clamore, tollendam eam reponendamque una cum aliis in mensa, imperabat: itaque nulla unquam neque catella, neque pullus galinaceus, neque formica, facta est ex earum aliqua pinguior. Postquam è mensa surrexerat, jubebat placide accurateque inde mappam amoliri, omnesque panis micas, quanta maxima poterat diligentia, in unum contrahi, colligi, asservarique, in proximum diem dominicum, ut ex eis, ex jure coctis, puls sibi conficeretur.

Coco

Coco quotidie ligna ad exiguam mensuræ rationem præbebat, simulque hanc illi edictionem habebat, ne vicino cuiquam ignem petenti daret, vel cultrum, vel pistillum, vel mortarium, vel quidquam ejusmodi utendum traderet; quod si edicta non servasset sua, diario ejus diei cum multabat. Neque cæteris in rebus minus erat parcus, minusque in speciem magnificus, sed quotidie antequam advesperasceret, candelabra sex argentea disponebat in mensa, quæ erat in cubiculo, ubi ad se venientes excipiebat, ut qui adirent, se esse copiose ornatum, atq; ad ejusdem cultus rationem reliquam suam esse vitam arbitrarentur: sed prodebat ipse sese; nam cum terras nox opacaverat, si erat qui conveniendi aditum posceret, unam ex candelis, candelabris illis affixis, sua manu inflammabat; tum in ambulatione cum illo veniebat, sed octo vel decem spaciis factis, candelam alteram, illi proximam, accendebat, & primam extinguebat; deinde, aliis decem spaciis confectis, tertiæ eodem modo lumen admovebat, ac secundæ adimebat; quem deinceps ordinem, in aliis accendendis extinguendisq; servabat; quare assequebatur, ut omnes simul ad eandem mensuræ rationem decrescerent: sed ubi ad sextam candelam redacta res erat, continuo missos faciebat omnes, neque cuiquam se adeundi potestatem dabat, sed candelæ suæ luce orbata, abdebat se in cubiculum,

ibique, ad tenue lucernæ unius lumen, quod reliquum erat temporis, antequam cœnatum vel cubitum iret, legendo vel aliquid aliud agendo conterebat: at mos hic tam illiberalis ac sordidus, irrisioni jocisque facetorum hominum patuit. Nam cum venisset ad eum nocte quadam vir in primis nobilis, & ad jocandum aptissimus, atque solenne & antiquum illud suum de candelis, ut diximus, obtinentem eum aspexisset, irrisit stultam hominis sordidè parci sedulitatem, qui & sibi voluptatem, & aliis, qui essent illud audituri, risum quærens, ad sextam candelam accessit, cui cæteris jam suo functis munere, cubiculi illuminandi partes incumbabant, ac micantem in ea flammam spiritu oris impellens extinxit; atque illico consecutæ sunt tenebræ; quare ille vehementer commotus; Cur hoc, ait, tibi venit in mentem conari? Quia, inquit, volui te hunc laborem lucrifacere, & quia duxi, pro nostra veteri amicitia, unam saltem candelam, domi tuæ, lucis expertem efficere mihi licere, quod tibi in aliis quinque facere libuisset; quod si tantoperè candelam unam extinctam quereris, in quo nihil est damni, sed lucri potius aliquid inest, quos clamores ederes, si illi Vulcanum admovissem, si ardere coëgissem? Neque in tota domo reperiuntur aliquid vel lucernæ vel candelæ lumen lucere, quod illud inferretur, sed necesse fuit, mutuum illud foris accipere. Aurigæ, ac circum-

cum pedibus, vestes consimiles dabat, quibus induti sequerentur ipsum, quando incedebat per vias; sed simul ac se domum receperat, iubebat illos eas deponere, ac proprias accipere, ne videlicet, ab se data, frequenti usu attererentur, ac sordescerent, sed semper integræ ac recentes venirent ad oculos; & quia semel rhedarius complicatum sibi pallium pro pulvino subjecerat, simul atque animadvertit, illico prope ad insaniam redactus, voces in cælum tollere, DEI atque hominum fidem implorare, suam rem perdi seque eradicari clamare; ac parum abfuit, quin eum collo abreptum, atque è curru dejectum, ad terram affligeret, pedibusq; protereretur. Quoties illi exeundum erat domo, quo honestius comitatus incederet, eo die duos quosdam serica talari veste indutos, qui se comites sequerentur, mercede conductos habebat, quos deinde reveniens, ab ostio missos faciebat. Hybernis vero mensibus nefas erat grande apud eum, si uspiam, præterquam in culina, conspectus esset ignis lucere; & quoniam interdum famuli, pene frigore obrigebant, auctor illis erat, ut inambularent in Sole, vel, si cælum esset nubilum, ut currentes se invicem peterent, ac suis palliis verberarent, vel aquam è summo puteo ad domesticos usus haurirent: ita enim fore, ut brachia, manus, pedes, latera sine ulla ignis ope concalescerent; sibi vero in interiori cubiculo igniculum ex tigillis

comparabat, quem excitabat ex pagellis, quibus reliquias sordiū, sedī hærentes, abstergebat: non enim earum aliquam perire patiebatur, sed singulas arculæ cuidam commendabat, unde eas postea, cum esset opus, depromeret. Postremo insitum sibi à natura, rei per vitæ sordes augendæ studium, multo magis in morte ostendit. Nam cum testamentum facturū deliberaret, quem nam potissimum ex iis, qui bolo illi, tanquam esurientes lupi inhiabant, omnium bonorum suorum hæredem institueret, redditæ sunt ei literæ à gentili quodam suo, in dimidio chartæ unius, ut vocant, folio scriptæ; cumq; debuisset homini irasci, quod ejus, ad quem scribebat, dignitatis rationem non habuisset, multo inde alacrior ad hæreditatem illam illi mandandam est factus, quod tuto eam in loco se collocaturum existimaret; non enim esse metuendum, ne à se atque à majoribus suis benè parta, malè disperirent, si tam parce parco juveni committerentur. Itaque regalis ejus majestas, sordidæ atque inexplicabili cupiditati, rei suæ etiam post mortem tuendæ augendæque, fastigium fascesq; summisit. Hætenus de Dichæano Erythræus.

V. Verum ad alterum AVARORUM LITERATORUM pergimus ordinem, eum scil. qui cuncta metitur emolumento, atque de opibus undecunq; corradendis coacervandisq; est sollicitus. *Nonnulli [inquit] in accipiendo excedunt,*

*Aristo-
tel. l. c.*

dunt, dum & undecunq̃, & quodcunq̃ accipere non verentur - - Qui quidem omnes neq̃ unde debent, neq̃ quantum debent accipiunt. Hoc illiberalitatis sorditiei; morbo qui laborant literati, omnem despiciunt doctrinam atq; eruditionem, ni inde aliquam lucri & emolumenti privati spem concipere queant; sordidum lucellum, ubicunq; latet, captant, nullo honesti respectu, neque expectato ob summam auiditatem debito tempore atque oportunitate. Hujusmodi Doctores more veterum Sophistarum disciplinas venum exponere non dubitant, beneficii magnitudinem pretio corrumpentes, Musas prostituentes, mercedem ac tributa à discipulis scœdissima pactione corrogantes. Ipsos Peripateticos huic avarorum ordini olim fuisse adscriptos, ex Justinii Martyris indicio cognoscimus: Is enim cum pro insigni suo quærendi discendique desiderio sectarum omnium placita indagare, cunctasque disceptationum argutias haurire ante suam ad fidem christianam conversionem esset conatus, Peripateticum etiam hominem adiit, à quo cum primis diebus benevolè admissus exceptusque esset, brevi post est interrogatus: *Ecquam ipse Magistro mercedem statueret?* Quippe non arridebat peripatetico sui consuetudinem absque pecuniario quæstu commodare, quod animadvertens Justinus, cum statim

*Justin.
Mart.
in Dial.
cum Try-
phon.
Jud.*

missum fecit, arbitratus scil. nihil à dignitate philosophiæ magis alienum, quam avaritiæ sordes, & vilis lucri cupidinem, ac ne illum quidem prorsus videri, nec esse philosophum, qui sic contrahendis pecuniis inhiaret. Utrum hâc labe omnino illi hodiernum careant, qui placitorum peripateticorum singulari tenentur amore, & annon pariter lucro & emolumento proprio metiantur omnia, ipsi viderint. Nul- lum equidem rixarum & contentionum fœto- rem quidam pseudo-philosophi averfantur, dummodo in medio fœtore aliquis inveniatur quæsticulus, linguam cum calamo illi habent venalem, atque errores & circumforaneos lu- cri spe agere, suaque per ultimas etiam sordes promovere non dubitant, qualiscunque odor pecuniæ, qualecunque lutum, perinde est, dum- modo id lutum lucro non destituatur. Meritò Protagoras Abderites vel Tejus, primus ille So- phista bonorum incurrit odium, quod ἐπιστῆνς
Cal. Rho- dig. lib. λόγῳ h. e. contentiosas orationes invenerit,
 13. *Ant.* certamenque verborum instituerit, & centum
leEt. c. 7. propterea minas exegerit à discipulis. Neque
Confer. Speusippus Eurymedontis filius, Platoniciæ phi-
Suid. in losophiæ Professor vituperio caruit, quod so-
Protag. lius mercedis amore captus docuerit, inque ipsam cucurrerit Macedoniam, ut in Cassandri nuptiis, spe præmii epithalamium recitaret, quod versibus (ut Philostratus in Apollonio tradidit) ineptis & rigidis confecerat. Eodem
 lucri

lucri pudendi amore quondam captus Chrysippus, in caput ter saltare, talenti præmio non dubitavit. Imò Sapientem quemvis Regum contubernia quæstus gratia sectari, ludumque mercede institui voluit, nullum scilicet (ut antea diximus) foetorem averfatus, dummodo foetor lucro non destituatur. Appositè autem Aristoteles, cum finem de utroque Avatorum ordine differendi fecisset; *Communis* (ait) *his omnibus* (artium illiberalium Magistris) turpis quæstus videtur. Causâ enim lucri opprobria subeunt. Nam qui magna unde Plutarch. non oportet, & quæ non oportet accipiunt, non in Stoic. illiberales, sed impios potius improbos, & in- cor. pu- justos appellare consuevimus. At aleator & gnus. fur, seu spoliator & latro ex illiberalibus etiam ipsi sunt, cum turpi lucro sint dediti. Utrique enim lucri causa negotiantur, & opprobria sustinent, & hi quidem pericula maxima acceptionis causa subeunt. Illi ab amicis quibus dare deberent, lucrantur. Utrique igitur, cum unde non oportet, velint lucrum comparare, turpi lucro dediti sunt. Non est Philosophi mens, ut omnes mercedis acceptiones in avaritiæ classe sint collocandæ, sed cum sæpè avaritiam veluti fontem habeant, jure meritoque de eo obstruendo, immodicæque nummorum cupiditate reprimendâ fuit sollicitus.

VI. At longè feliciori successu saluberrimum hocce negotium egerunt veteres christiana scholæ Magistri, atque pietatis sincerae professores, non damna solum horrendaq; pericula, quæ nummorum cupidi sponte sua incurrunt studiosè enumerantes, verum efficacissima etiam suggerentes remedia, quibus morbus iste divinâ opitulante gratia pellatur, animoque æger pristina restitatur integritati. Et quidem ad damna & pericula quæ avari omnes, cum primis literati incurrunt, quod attinet, scitè non minus quam exquisitè ea ob oculos è veteribus posuit Johannes Cassianus, perniciosum phil-

Job. Cas- argyriæ morbum describens ad h. m. *Hic*
sian. In- vero morbus posterius superveniens, & extrinsecus
stit. lib. accedens anima, quanto facilius caveri potest ac
Phil. c. 2. respui, tanto neglectus & intromissus semel cordi,
p. m. 105. sit perniciosior cunctis, difficilique propellitur;
malorum namque omnium efficitur radix, mul-

tiplices fructificans fomites vitiorum. Et cum inter plurima mala, in quæ cultores suos avaritia præcipitat, Apostolus tentationem etiam recenseat, laqueum diaboli, desideria multa nociva, denique interitum & perditionem, dubium non est, quin cuncta hæc calamitatum genera literati illi incurrant, qui immodica pecuniarum cupiditate sese abripi patiuntur.

Ambro- Ingeniosa est illa Ambrosii ex antiquis
sii l. de Poëtarum fabulis observatio, quod Dites si-
Nab. c. 6. mul Dea fuerit divitiarum, & dominium pa-
riter

riter in infernum obtinuerit, quasi vel ipsorum Gentilium Poëtarum iudicio divitiæ propterea sint contemnendæ, quod pondus in se habeant, quo animæ mortalium in perditionis barathrum deturbentur. Hinc etiam Poëta christianus in psychomachia sua quondam de avaritia eleganter cecinit:

Omne hominum rapit illa genus; morta- Pruden-
lia cuncta tius in

Occupat interitu: neque enim est vio- Psychom.
lentius ullum cap. 5.

Terrarum vitium, quod tantis cladibus
avum

Mundani involvat populi, damnetq; ge-
henna.

Similiter Augustinus avarum barathro perditionis similem esse iudicavit, eo quod ad inferni ipsius exemplum, quantacunque devoraverit, nunquam dicat satis est, nec undique confluentibus thesauris ullatenus satietur. Et B. Bernardus medium se inter divitem avarum in pœnis hærentem & Abrahamum constituens, interrogat: *Hæcine cruciatuum causa tota quod in hoc seculo bona receperis? Ita planè.* Laqueis nimirum illis infernalibus tantoperè irretitus fuerat miser homuncio, ut omni spe evadendi frustratus, æternæ datus sit internecioni, tantumque in miseriam deductus, ut guttam aquæ in inferno peteret, neque tamen acciperet. Et rectè

Augusti-
nus Serm.
24. de
Verb.
Dom.
Idem
Serm. 25.

rectè quidem ; Postulabat enim [scitè inquit ,
Augustinus] dives ille in vita avarus aqua gut-
tam , sicut Lazarus postulaverat micam , sed pau-
per ille non perveniebat ad micam , nec dives in in-
ferno propterea perveniebat ad guttam . Et in eun-
dem sensum alibi tam culpæ [ut scholæ lo-
quuntur] quam pœnæ mala avaritiam excipi-
entia commemorans Augustinus ; Quæ [ait]
est ista concupiscentia aviditas , cum ipsæ
bellu.e habeant modum ! Tunc enim rapi-
unt quando esuriunt , parcunt verò præda
cum senserint satietatem . Inexplebilis est
sola avaritia divitum , semper rapit , &
nunquam satiatur , nec DEUM timet , nec
hominem reveretur , non patri parcit , nec
matrem agnoscit , nec fratri obtemperat , nec
amico fidem servat , viduam opprimit , pu-
illi rem invadit , liberos in servitutem
revocat , testamentum falsum profert . Quæ
est ista , rogo , animarum insania , amitte-
re vitam , appetere mortem , acquirere au-
rum , & perdere cælum ? pensantur pro di-
vitiis pœna , refrigerium pro paupertate ,
pro purpura flamma , refectio pro nuditate ,
ut salva sit equitas statera , & non menti-
tur modus ille mensuræ , in quâ inquit men-
si fueritis mensurâ , ita metietur vobis . I-
deò negatur in pœnis misericordia diviti-
quia

*quia ipse dum viveret noluit misereri. I-
deò rogans dives non exauditur in tormen-
tis, quia rogantem pauperem non exaudi-
vit in terris.*

VII. Neque verò spiritualia solum & sempiterna avaritiæ damna veteres sollicitè posuère ob oculos, verum temporalia etiam pericula, h. e. ærumnas & cruciatus varios dedere expendendos, qui scil. cunctos terrestrium bonorum insanq; amatores in vita præsentis exercere soleant. *Quocunq; enim (rur-* *August.*
sus præclare inquit Augustinus) eor se conver- *in Psal. 8.*
terit, in terrenis rebus, amaritudinem invenit. un-
deq; dulcescat non habet. Et Mediolanensis Am- *Ambros.*
brosius de seculi hujus divitibus differens ; Il- lib. 6. E-
lud miraris inquit, quod abundant auro, argen- *xamen,*
to, pecunia ? quantis abundant vides, quantis e- *cap. 8.*
geant non vides, &c. Considera (addit Bernar-
dus D. Ambrosium explicans,) naturam divi-
tiarum, in eis reperies laborem, timorem & do-
lorem, laborem in acquirendo, timorem in possi-
dendo, & dolorem in relinquendo. Et in eun-
dem sensum haud malè alius ; Christus (ait)
divitias spinas vocavit, quoniam varias cu-
ras amaras, timores, suspiciones & inqui-
etudines animam instar spinarum penetran-
tes producant. Multus quoque B. Chryso-
stomo olim de cruciatibus & ærumnis divi-
tum & avarorum fuit sermo, nihil opibus falla-
cijus

Johan.
Chrysoſt.
homil. 2.
ad pop.
Antioch.

cuius eſſe demonſtrans , quæ hodiè nobiſcum ſint, cras contra nos, invidorum oculos arment, undique hoſtes ſint contubernales, atque domeſtici inimici. Et cum omnia illa bona, quæ nos ſpecioſa putamus, cum ſummo labore poſſideantur, cum invidia conſpiciantur, nunquam vel rarò juſtè teneantur, quidni ſpinæ nobis videantur & ſcopuli, quibus (vel ipſo

Seneca
conſol. ad
Polyb.
Chryſoſt.
hom. 40.
ſuper
Matth.

Seneca monente) *pendimus & fluctuamus*, alter in alterum illidimur, & aliquando facimus naufragium. Nec malè laudatus Chryſoſtomus Avaros comparavit Iſraëlitis, qui cgebantur à Pharaone quærere paleas ad conſciendos lateres ; *Nullum enim* inquit inter auri ſollicitos collectores & cœni atque laterum operarios, quique ad paleas colligendas flagellis adigebantur, diſcrimen omninò eſt. Nam ut tunc Pharaon atrociffimus ille tyrannus flagellis ad colligendas paleas compellebat Hebræos, ſic etiam nunc diabolus ad officium laterum flagellis cupiditatum multos incendit. Quid enim aliud aurum eſt, quam cænum? & argentum quid aliud quam palea? ſicut ergo palea ignem, ſic pecuniæ cupiditas avaritiæ flammam incendit, & quaſi cœnum aurum ipſum inquinat poſſidentes, eosque quos cepit in tantam (more ſæviſſimi tyranni) ſervitutem vindicat, ut inter flagella & ſupplicia illi eſſe malint, quam ab iis dirempti optatis frui deliciis. Imò verò *gravior pena avaris* (uti Peluſiota rectè iudicavit) *infer-*

Chryſoſt.
hom. 64
ſuper Jo
han.

tur, quam fuit eorum, qui olim ad metalla sunt dam-
nati, cum illis confecto opere, somno & quiete
frui licuerit, avaritia autem noctem quoque severa &
inhumana proponat edicta.

Isid. Pe-
lus. lib.
II. epist.

233.

IIX. Sed cum præ cæteris mortalibus e-
ruditi nonnulli graves sæpè divitiarum inani-
um spe devorarint molestias, exemplis quibus-
dam & documentis singularibus nunc osten-
dendum erit, quam spinosa, quam plena cura-
rum, periculorum & dolorum, etiam tempora-
lium, sit vita literatorum AVARORUM, qui non-
nunquam cum maximis rerum difficultatibus
inquieta animo & inter turbas turbulento sunt
colluctati. Prodeat Vir in Orbe erudito non in-
celebris THEODORUS GAZA, casumque suum
satis miserabilem, quem urgente nummorum,
cupiditate noxia subiit, Jo. Pierio interprete
commemoret : Tantæ [ait ille] eruditionis
Vir, quantæ multis ab hinc annis nemo Græco-
rum, dicere ausim & Latinorum fuit, cum di-
vinas propemodum elucubrationes in Aristoteli
animalia, quam historiam latinè legen-
dam repræsentarat, Xisto Quarto Pont. Max.
nuncupasset, sperans scilicet Principis ejus be-
neficientia quæsitum per tot labores vitæ sub-
sidium non deparcum se consecuturum : neque
tamen plures quam aureos quinquaginta, qua-
si magnum ab eo, à quo se totum inauratum i-
ri speraverat, retulisset ; studiis indignatus,
quod tam parca sibi laborum & vigiliarum sua-
rum

Jo Pier.
Valer.
lib. II.
de lite-
rat. in-
fel. p. 159.

*Idem. lib.**L. p. 74.*

rum merces tributa esset, nummos eos primum in Tyberim abjecit, mox ipse hujus indignitate rei exulceratus, insolabili ægritudine contabuit. Magis verò calamitosa GABRIELIS ZERBI Veronensis Doctoris avarissimi mors, quâ [eodem Pierio teste] nulla multis abhinc annis neque immanior, neque crudelior accidit. Fuit is in Patavino Gymnasio Professor valdè celebris, cujus promptissimum ingenium, & intrepida ob doctrinam confidentia plurimis innotuit. Accidit autem, ut Scander, Turcarum Regis primipilaris Vir, gravissima dysenteria laboraret, quæsieritque per cognitissimum sibi hominem Andream Gritteum, ut Medicus ex Italia ad se quamprimum mitteretur, ingentia itineris, laborum & curæ præmia reportaturus. Suscepit hanc provinciam Zerbis, & immensum auri pondus spe vorans, ad Scanderem proficiscitur, secumque filium adhuc impubem adducit. Curat principem Zerbis diligenter, & pristinae reddit incolumitati, donatur mox auro multo, vestibus & gemmis, & argenteis pateris, aliisque suppellectili locupletatur, ut si domum ea omnia asportare licuisset, unum quemque Europæ Regem instrumento fuerit provocaturus. Jumentis itaque oneratis, ad finitum quoddam Turcarum castellum, unde in Dalmatiam diverteret, se recipit; pauculosque ibi moratur dies, dum præsidium itineris ex Christiani nominis hominibus accersi-

cerſitur, quæ omnia pacatiſſimè & fide utrin-
 que data acceptâque tranſigebantur. Accidit
 autem ut Scander in graviorem ex incontinen-
 tia recideret ægrotationem, quâ breviffimo
 temporis ſpatioſo conſumtus interiit. Filii,
 ut in pretioſa illa munera, quæ Pater Zerbo de-
 derat, invaderent, temporarium venenum à
 Medico Patri datum calumniantes, percuffo-
 res expeditiſſimos immiſerunt, qui fugientem
 ut aiebant è fuga retraherent. Illi caprum
 Zerbum, & una filium adoleſcentem indiſta
 cauſa eo ſupplicii genere affecerunt, ut pri-
 mum imeritiſſimum filium ante patris oculos,
 inter duas ex ligno tabulas incluſum, ſerrâ me-
 dium diſſecarent, mox ipſum quoque tormen-
 to eodem atrociffimo trucidarent. Nec mi-
 nus ex nimio amore nummorum, eorundem-
 que jacturâ offeſus periit Trypho Dalmata,
 Vir [ut idem Pierius habet] cui noſtra ætas ra-
 riſſimos habuit, quos Latinarum, Græcarum-
 que literarum cognitione conferre poſſet. At
 verò aliquot annis quâdam maniaſ ſpecie ita
 laborabat, ut humanum omne genus evitaret,
 nulliusque contubernium ultra biduum aut
 triduum ferre poſſet, non quidem alia de cau-
 ſa, quam quod quingentos nummos aureos to-
 raci inſuerit, metuque percuffus ne diripe-
 rentur, mortales omnes ſtudioſiſſimè declina-
 rit. Ac ubi (re divulgata) de torace ſuo men-
 tionem fieri animadvertiſſet, arrepto ſtatim i-
 tinere

tinere in alias urbes commigrare constituit. Tandem cum aurum ex torace surriperetur, ad eò efferatus, & à se penitus fuit alienatus, ut dolore tandem & ægritudine oppressus miserabiliter interierit. Infeliciissimi hujus Tryphonis casus, in mentem nobis revocat anonymi illius avari historiam, qui cum insignem quandam auri cumulû in rupis cujusdam recondito & secreto loco reposuisset, post aliquot verò dies aurum omne sublatum, & thesauri loco laqueum invenisset, in tantam mentis vesaniam incidit, ut repertum depositi loco laqueum collo injecerit, seque sine mora ibidem suspensio suffocavit. **QUO NON MORTALIUM PECTORA COGIS, AURI SACRA FAMES !** Quâ etiam ex literatorum ordine Avorum nostrorum memoria quidam Dominicus SARRATONIUS Vener⁹ (qui Pierio memorante, non contemnendam in disciplinis omnibus eruditionis facultatem erat assecutus, atque philosophiæ non indiligentem dederat operam,) tantoperè fuerat correptus, ut animi quoque ab alienaretur, deque nummis, quos in manticam coniectos lacerto suspenderat, loculo in interiorem tunicam immisso, delirio nescio quæ fabularetur, nullisque medicorum opibus adjuvari potuerit, tandem multorum moerore interierit. Quis tragicis hisce literatorum casibus perceptis, summæ crudelitatis matrem non diceret Avaritiam ? quis tanto
morta-

*Pier. l.c.
p. 163.*

mortalium (cupiditate correptorum) stupore
 considerato, negaret, providè admodum ethni-
 cos fictitium divitiarum DEUM cœcum finxis-
 se, eò quod opibus, & nimio ad eas affectu ho-
 mo [etiam eruditus] sæpè occœcetur. *Quod* Clemens
si enim (inquit Clemens Alexandrinus) Alex. 3.
cæca sunt opes, ut revera cæca sunt, quo- Pad. c. 2.
modo non cæci sunt, qui eas stupent, & ad-
mirantur & in eas sunt affecti. Eandem-
 que hominum cœcitatem alibi pereleganter Idem, 2.
 redarguens; *Quæ sunt ait necessario, sicut aquam* pad. c.
& aerem, DEUS apertè omnibus suppedit- 12.
at, quacunq; autem non sunt necessaria,
ut aurum abscondit. Et idè aurum for-
mice fodiunt, aurum Gryphes custodiunt,
à Mari teguntur margaritæ. Vos autem
curam supervacaneam ponitis in iis quæ non
oportet. Vehementius verò Chrysostomus a-
 varitiam malorum omnium causam contesta-
 tus, in verba sequentia erupit: *Quoniam q; insati-* Chrys. st.
abili ista cupiditate non satiamur? *Quid* boni 10.
boni habet aurum? planè attonitus hæc in in 1. ep.
re factus sum. Incantatio quadam est, & ad 1. b. ss.
prestigium, quod aurum & argentum tan-
toperè à nobis honorantur. Animarum ita-
 questrarum nulla nobis est ratio. In ani-
 matarum verò imaginum plurimus cultus.

Mmm 2

Unde

*Unde hic morbus Orbem (literatum) sub-
 ingressus est ? quisnam illum exterminare
 poterit ? quisnam sermo fœvam hanc besti-
 am exscindere , & funditus perdere vale-
 bit ? Neque verò alia ratione id fieri posse ,
 quam generoso auri contemptu ac vilipendio ,
 non christianæ solum , verum gentilis etiam
 philosophiæ professores docuere , ex opum de-
 spicientiâ ad summam animi tranquillitatem
 & quietem olim provecti. Hinc Apuleus ma-
 levolorum criminationibus (quod pauper es-
 set) responsurus , ipsam pauperiem suam ve-
 hebat ad sidera : *Paupertas philosophia vernacu-
 la , parvo potens , amula laudis , habitu secu-
 ra , cultu simplex , consilio benè suada , ne-
 minem superbia inflat , neminem impoten-
 tia depravat , neminem tyrannide efferrat.*
*Prisca apud secula omnium civitatum con-
 ditrix , OMNIUM ARTIUM REPER-
 TRIX , omnium peccatorum inops , omnis
 gloriæ munifica. Apud Græcos in Aristide
 iusta , in Socrate sapiens , in Homero deserta ,
 etiam Romanis à primordio fundavit Im-
 perium. Hinc objurgavit amicum suum ali-
 cubi Seneca protrahentem STUDIA LITE-
 RARUM , donec securus in reliquam vitam
 esset à paupertate ; Nulla (aiebat ille) secu-
 ritas sine pauperie , etiam cum classicum canit ,
 secura**

secura est, & scit se non peti. Cupiditati nihil tutum, tranquillum nihil, paupertati omne. Pauperi naviganti non perstrepunt portus, non inquieta sunt litora, non est infensa turba servorum, sine sarcina, sine velo, sine remigum transtris præsidaria nave inanitatis suæ æquora tranat, æthera sine plumis permeat, neque pennis ventum subornat. Quid paupere felicius, cui non vehiculis, non navibus, non splendidis opus est domiciliis, cui non doctoris perfidia, non raptoris injuria, non temporum iniquitas est metuenda - Nulla censoria pauper veretur supercilia, ubique confidet lætus, ubique hilaris agit, quæcunque libuerint, majori quam Reges & Principes libertate. Duris temporibus, & ingruentibus rerum discriminibus mæsti & muti tabescunt divites, pauper solus cantabit & saltabit. Malo regnante Principe alii diffugient, errabuntque exilio, pauper solus arcem tyranni libenter inviset, & veluti tyrannidis profligator in tyrannum ipsum insolescet. Hunc scil. in modum ipsi gentilium Magistri divitiarum contemptum parare, commendareque cæteris laborarunt, multò magis literatos Christianos decet nobili illi *ἀνταρξίας* studio strenuam navare operam, atque horrificum istud monstrum [avaritiam scil.] specie sua tam multos, tamque sapientes mortales dementans, jure meritoque habere exosissimum. *Ecquis enim* (dicimus

cum Isidoro Pelusiota) acerrimo huiusmodi & inexplebili furore atque innumera peccata, & maledicta & dedecora & intemperantias, ac petulantias nobis confluente capiatur? Ecquis in animum inducat tum in hac vita tam misere vivere, ut dies noctes. que velut flagris quibusdam laceretur, nec requiem ullam aut somnum sentiat, & in futura suppliciorum atque cruciatuum initium accipere.

IX. Quemadmodum verò immodicus opum fluxarum amor, pecuniæque cæca cupiditas omnibus omnino literatis maximo est nocumento, impeditq; quo minus ad optatæ felicitatis metam illi pertingere possint; ita tum maximè suos illa expedit dolos, ubi ipsa ECCLESiarum invaserit SANCTUARIA, CHRISTI infecerit discipulos, Pastores corrumperit, DEOque sacros homines Principis tenebrarum subjecerit potestati. Ubi semel illorum mentes AVARITIÆ perniciēs pestilenti sua caligine occupavit, vix sui amplius compotes, verum ad miserrimi infelicissimi que Ischariotis exemplum arctissimis vinculis religati videntur. Quamprimum Christiani Sacerdotes turpi lucro inhiare incipiunt, Templum Dominicum (horrendā metamorphosi) in latronum infernalium speluncam transmutatur.

Corru-

Corruerunt ut plurimum in pessima omnes Gehasi & Judæ proditoris sectatores, nec in temporalis solum, verum sempiterni exitii bathrum fuere præcipitati. Non solus RHEGINETUS Misnensis Episcopus horribiles adeo avaritiæ suæ poenas dedit, ut miseranda morte absumtus, suisque thesauris (quorum nimius amator erat, & quos nullo conscio terræ infoderat,) miserrimè fuerit immortalis; verum plurimi etiam è Simonis Magi ordine detestabili illo avaritiæ morbo occæcati, extremæ perditionis subière aleam. Ecquid deterius quam videre sacris ornatum muneribus virum pudenda illa labe contaminatum? Quidve tam asperum, tamque perniciosum (ait Ambrosius) quam si Ecclesiasticus seculi huius divitijs studeat? Quid tristius atque miserabilius, quam si irradiantium illorum luminum splendorem, pudendæ istius cupiditatis tenebræ opprimant, plenaque dedecorum caligine fulgentissima cœli christiani sidera obtegantur? Sicuti de Theophilo Alexandrino Episc. refert Nicephorus, quod vitam per avaritiam secus sit quæstuosam, omnemq; adeo lapidem moverit ut auri odore perfrueretur. Ea propter Magnus gentium Apostolus horrida illa (quæ ab AVARITIA Ecclesiastico-Palladium hominum emanant) mala considerans, non Timotheum solum suum esse, ἀφιλ- dial. de ἀργυρον, verum pestem tantam ex omni-vitâ Cbry-

Brevius
Histor.
Ecclesiast.
lib. XX.
adu.
1066.
num. IV.

Niceph.
lib. XIII.
cap. 10.
confer
Palladi-
um in
vitâ Cbry-

Mmm 4

um sustemi.

I. Tim.

III.

Chrysol.

Sermone

29.

omnium DEO sacratorum Virorum cordibus
 voluit eradicatam ; *quoniam scil.* (Chryso-
 logo interprete) *illa malorum omnium*
radix cupiditas *sevus adeò sit hostis*, ut i-
psorum etiam DEI ministrorum fidem fran-
gat, *violet affectum*, *vulneret charitatem*,
turbet quietem, *adimat innocentiam*, *sua-*
deat fraudes, & *alta mentium semper in ter-*
rena demergat. Nec minus laudabilem
 in pestiferà illa malorum omnium radice [A-
 varitia scil. Clericorum] exterminanda Jo-
 hannes Chrysostomus operam posuit, eosque
 potissimum Sacerdotes gravissimè duxit in-
 crepandos, qui ex Bonis Ecclesiæ ditescere,
 Deoque sacratas opes in privatos convertere,
 usus neutiquam dubitarunt. Hos apud se nec
 tolerabat, neque Ecclesiasticorum titulo di-
 gnos judicabat. Si hæc (en verba notatu di-
 gnissima !) idololatria omnibus christi-
 anis severè adeò est interdicta, an non multò
 execrabilior in iis, qui sacro divinoque officio
 funguntur, illa videbitur ? Vide igitur (ait i-
 dem) *quanta sit rerum perturbatio* : *Qui*
rectè vivendo, *rectamq.* aliquo modo fidu-
 ciam obtinendo, *montium cacumina occupa-*
runt, è medio sublatis, & velut ab hostili
alienoq. & minimè domestico corpore avulsi
sunt, *Corrupti verò*, *quiq.* innumeris ma-
 lis

Job.

Chrysol.

hom. VI.

in epist.

ad Ephes.

lis scatent, in Ecclesias irruerunt. *V*

*N*ALES facta sunt dignitates, mille
hinc malanascentur, & tamen nemo est qui
corrigat, nemo qui reprehendat, sed viam
quandam, atque sequelam hac naeta est mer-
ces. Et alio loco idem Chrysostomus;

Non poteritis (præclare ait) de paupertate
differere, vel persuadere ut facultates con-
temnantur, qui omnia facitis ne quid ex ve-

*Id. Ho-
mil. xvii.
in Math.*

stris facultatibus vobis decedat, ut opibus
opes accrescant, propter vos, & iterum pro-
pter illas institores facti. Neque enim in-
genua & jucunda sunt vestra officia. Qui
jussi estis portare crucem, & sequi Christum,
abjecistis crucem, quasi effæminati milites.

Graviter hinc (ita notanter in vitâ Johannis
Chrysostomi Palladius scribit) offende-
batur.

*Pallad. 9
in Dial.
de vita
Jo. Chry-
sostomi.
Isidor.
Pelus.
lib. I.
Epist. 27.*

*P*ARS OBSERVANTIUM SACCULOS, at-
que de exturbando Viro innocentissimo po-
tius, quam extirpandâ illa malorum omnium
radice fuit sollicita. Miratur haud abs-
re alicubi Magnus ille Pelusiota, quod avari-
tiæ morbo tantoperè laborent, inque alie-
na bona (ut ipse loquitur) insano quodam
împetu ferantur ipsi divini verbi præco-
nes, Sacrorum librorum incumbentes me-
ditationi ; ut nec amor divinus, nec lectio
sacrarum literarum (quarum tenore non mo-

do aliena non sint concupiscenda, verum propria etiam dispergenda) immodicam illam pecuniarum sitim extingvere valeat, quin imò (ut ad Alypium Episcopum scripsit) usque adeò hoc morbo devincti teneantur, ut ne morbum quidem esse existiment. Cum verò ad animum sibi Isidorus revocasset Satanæ in supplantandis impugnandisque hominibus spiritualibus malitiam & pravitatem, mirari omninò desiit, totusq; in subministrandis optimis saluberrimisq; adversus illam Clericorum pestem remediis fuit occupatus. Quanto graviolem curatuq; difficiliorem eum morbum Pelusiota esse judicavit, *qui nec exquisitis* [ut ipse loquitur] *atteri pharmacis facile queat*; eò diligentiolem in illo depellendo, & ad sanam mentem revocandis DEO sacratis hominibus operam adhibuit; mox auri cupiditatem vitii omnis fontem esse disertè ostendens, mox Sacerdotes avaros sub idololatrarum furiosorumq; imagine repræsentans, mox acutissimum adversus eosdem lingvæ calamique mucronem stringens, horrendamq; avaritiæ tyrannidem, omnia sursum ac deorsum miscentem acriter perstringens, mox saluberrima adversus voluntarium illum exitialemq; morbum remedia subministrans: *Nimirum ut corradere paulatim desinat, & ad distribuendum largiendo animum applicet, quisquis* *integram animi valetudinem recuperare velit.*

Idem lib.

III. Ep.

234.

Isid. lib.

V. epist.

142.

Idem lib.

II. epist.

146.

ubi de a-

varitiæ

malis no-

xaq; di-

vitiarū

prolixè

differuit

Id. lib I.

epist. 36.

Id. l. III.

ep. 234.

lit. Nunquam [ita ad Heronem Presbyterum
 notanter scribit] incurabili hoc morbo capie- *Id lib. V.
 ep. 67. &*
 tur, qui intra fines utendi, quantum quidem *142.*
 satis est, se ipsum conservet, sed in delectatio- *Id. lib. V.
 epist. 67.*
 ne erit & gaudio, & ab affectibus expugnari
 nescius constans perseverabit. Quam verò in
 Clericis omnibus tantoperè reprehendit avaritiam
 Isidorus, eam Doctor Mediolanensis potissimum
 in Episcopis est detestatus; *Ambros. de officio:
 Nihil de*
formius (scribit alicubi, ostensurus turpia *lib. III.*
 lucra eos minimè decere) *quam nullum, cap. 9.*
habere amorem honestatis : & usu quodam
degeneris mercatura quæstu sollicitari no-
bili, avaro æstare corde, diebus ac noctibus
inhære in alieni detrimenta patrimonii,
non elevare animum ad honestatis nitorem,
non considerare veram pulchritudinem; Hinc
nascuntur aucupia quæsitæ hereditatis, con-
scientiæ atq; GRAVITATIS SIMULA-
TIONE captatæ, quod abhorret à proposito
christiani Viri. Nec alios hisce verbis Ambrosius
 notavit quam Episcopos hæredipetas, quos *Hieron. epist. ad*
 bellè alicubi depinxit Hieronymus, & quorum *Nepoti-*
 cupiditatem infrunitam Synodus Constantino- *an. de vi-*
 politana Septima sanctione peculiari duxit re- *ta Cler.*
 primendam. *Præco veritatis Paulus divinus*
 & *Apostolus quendam veluti canonem Ephe-* *Synod. Constan-*
siorum presbyteris imponens, vel universæ *tinop.*
potius VII, c. 4.

potius sacerdotali multitudini, sic liberè dixit: *Argentum vel aurum, vel vestem nullius concupivi, omnia vobis ostendi, quod oportet sic laborantes, infirmos suscipere, dare beatum existimantes. Quo circa nos ab eo edocti, statuimus, ne turpis lucri gratia Episcopus excogitet & quærat excusationes in peccatis, ut aurum vel argentum, vel ullam aliam speciem ab iis qui sibi subsunt episcopis, vel clericis vel monachis exigat. &c.* Verum surdis auribus hæc excipiunt insano auri amore flagrantibus Clerici, pecuniarum (ad Simonis Magi exemplum) potius conquisitioni, quam Paulinæ imitationi studentes, nec ab ipsis irreligiosis negotiationibus, pudendisq; dignitatum ecclesiasticarum nundinationibus abstinentes. *Decetne verò Pastorem (ait D. Bernardus) more pecorum sensibus incubare corporeis, herere infimis, inhiare terrenis (quæ omnia facit captator munerum) & non potius erectum stare ut hominem, cælum mente suspicere, quæ sursum sunt & quærere & sapere, non quæ super terram?*

Joh. Sarisber. loquitur) per impluvium auri descendere, ac si per tegulas Jupiter in gremium Danaæ
Joh. Sarisber. loquitur) per impluvium auri descendere, ac si per tegulas Jupiter in gremium Danaæ
ly rat.
c. 17.

Danaes elabatur Non malè dictum à sapiente, dæmonem avaris [cujuscunque illi status ordinisve sint] amarissimas exhibere pillulas, argento vel auro contectas, neque verò eas ad evacuatam, sed sistendam avaritiæ alvum facere, tantosque ut plurimum concitare cruciatus, ut ager vitam agere miserrimam cogatur, tandem omni bonorum suorum fruitione sit destituendus. Hinc livoris crudele tormentum, & cremantis malevolentia horribilis cruciatus, hinc sæpè tot noxii humores, tanta non corporum sed animorum discrasia, rixarum videlicet, odiorum, contentionumque etiam inter uni⁹ fidei, & professionis ejusdem socios infinita congeries, cum odia intestina pestiferæq; lites & dissensiones apud eruditos primum plerunq; aditum per divitias & frigida illa verba *meum & tuum* invenerint: *Cujus enim* (ait Chrysostomus) *mali causa non sunt? Nonne harum gratia concupiscimus? nonne rapimus, nonne inimicitias subimus? nonne conserimus rixas? nonne contentiones perpetuas teximus?* Et in eundem sensum Valerianus; *Ex hoc fomite* (scripsit) *avaritia* scil. videmus pullulare odiorum causas, hinc evenire criminum pugnas, hinc fraternas acies instrui, hinc amicitiarum fœdera dissipari. Nil certius. Tot equidem in Orbe literato (imò ecclesiastico etiam) fraternas Collegarum

Chrysost.
hom. 17.
in 1. ad
Tim.

Valerian.
hom. 20.
de avaritia.

legarum acies turpissimum & abominandum illud cupiditatis monstrum instruxit, ut iis enumerandis iusti voluminis mensura vix sufficeret. Quid multis? In tantam malorum, vitiorum, calamitatum & miseriarum farraginem avaritia literatorum sese extendit, ut laudato Valeriano præclare observante, nihil sit malorum, quod prava illa cupiditas aut non conceperit, aut non partuerierit, aut non nutriverit.

X. Quanto autem vehementiori impetu hæc AVARITIÆ pestis in miseros quosdam, & infelices literatos hætenus fuit grassata, tanto diligentiori studio nunc disquirendum, quibus REMEDIIS à præsentissimo exitii periculo (divina opitulante gratia) illi sint liberandi, suæque restituendi integritati. Et cum graves avarorum cruciatus doloresque hætenus exposuerimus, ea nunc quæ ad ægrorum salubritatem facere possunt remedia prosequamur, quum nulla pars magis expeti soleat, aut nihil prius ipsa polliceatur medicina. Magnus Basilii, postquam varia morbi illius symptomata æquâ lance ponderasset, tandem ad ægrotum sive avarum conversus, eum compellavit in hunc modum: *Quibus verbis Te curabo? quomodo loquar? Regnum DEI non curas, gehennam non times, quam anima Tua medicinam idoneam inveniamus? Disputamus cum corde lapideo, ô infelix homo! pecunia naturam ali-*

*Basil. M.
homil. 7.
in divit.
avar.*

*aliquantulum inspice, quid attonitus aurum
miraris? Lapis est aurum, lapis argentum.*

Aptissimum sanè ad curandos levandosque
avaros est hoc Basilii remedium, si nimirum il-
lis divitiarum, omniumque bonorum terreno-
rum proponatur tum vilitas, tum brevitās, ut-
pote quæ meritò hominem, præsertim litera-
tum à pernicioso illo pecuniæ amorè abaliena-
re debeant; Cum opes Chrysostomo docente Chrysost.

*fluvialium undarum naturam imitentur, quæ hom. 1. in
simul & videantur & labantur, uno eodem. Ps. 48.*

que temporis puncto & teneantur & effluant.

Sunt planè (pergit) fugitivæ divitiæ, ho- Id. hom. 1.
dierna die transeuntes ad hunc, cras ad illum; 2. in Ps.

neque fugitivæ sunt tantum, sed alios red- 48.

*dunt etiam fugitivos, dū efficiunt, ut ii qui-
bus custodienda commissæ sunt, sæpè fugam*

arripiant. Quemadmodum & Hilarius illam Hilar. in

fluviorū, sive bonorum temporalium rapiditatem Ps 136.

& fugacitatem considerans; FLENT (scribit)

omnes, qui se captos in Babylone sentiunt, &

sedent super flumina, omnia enim seculi cur-

runt, labuntur & transeunt. Non malè Pli-

nus observavit, quod natura flores illos, qui Plinius

vel maximè oculos alliciant & rapiant, quam lib. XXI.

citissimè languescere & deficere faciat, eoquæ Hist. nat.

ipso singulare quoddam inconstantiae atque cap. 1.

instabilitatis mundanæ edat documentum.

*Uti in rerum (ait) natura, quæ spectatissimè
florent , celerrimè marcescunt , veluti rosa,
lilia, viola, cum alia durent, ita in hominum
vita quæ florentissima sunt , cito veruntur
in diversum. Vix Sol in humanæ felicitatis
meridie splendoris sui diffundere incipit ra-
dices, quin subito ad instabilitatis & mutatio-
num occasum deflectat. Quanto amplius aquæ
intumescunt, & eriguntur, tanto copiosiores in
iis generantur spumæ, quæ vix apparentes subi-
tò evanescunt & deficiunt. Unde Magnus*

*Gregor.
M. l. 16.
Mora!
in Job,
cap. 5.*

*Gregorius ; Sic spumosa aquarum bullæ in-
choantibus pluvius excitata, ab intimis cer-
tatim prodeunt , sed eo celerius disrupta di-
spereunt , quo inflatæ citius extenduntur,
cumque excrescunt ut appareant , crescendo
peragunt ne subsistant. Et diu ante Grego-
rium Seneca, qui ipsis Imperatoribus in curia
Romana intimus , honore & opibus illustris,
volubilitatis tamen illius oculatus fuit testis,
fragilem & caducam nuncupavit eam felicitate-
tem, quæ à fortuna blandiente proveniat, siqui-
dem cum vitæ etiam periculo sæpè fluat, & sine
ratione destituat. Magis verò christianè ; *Præ-
terit præterit , Theodorus ait Studita,
figura hujus mundi , id est labitur , prætere-
quitat , nec vel diurnam stabilitatem obtri-
uens,**

*Seneca
lib. II.
Controv.
cap. I.
Theod.
Stud. ca.
reches. 3.*

uens, sed qui heri nitidus, hodiè squalidus,
 qui heri in re splendida, hodiè in miseria est;
 nunc extollitur ille, nunc alter dignitate
 ruit, hic è paupere fit dives, alius è divite
 pauper, milleq; mutationibus & vicibus
 ærumnosa nostra vita est subjecta. Salutare
 hoc remedium, si literatus cupiditatis immodi-
 cæ morbo laborans studiosè adhibuerit, h. e. va-
 nitatem & inconstantiam opum frequenter sibi
 ad animum revocaverit, bonisq; locum conces-
 serit consiliis; dubium nullum est, quin pristi-
 nam animi integritatem cœlesti ope sit recupe-
 raturus, atq; sempiterni exitii periculum feli-
 citer evitaturus. Sin verò saluberrimam hanc
 constanter respuere velit medicinam, aurumq;
 cumulando, noxios adaugere pergat humo-
 res, immedicabilem efficiet suam ægritudinem,
 tandemque extremam subibit perditionem.
 Idem illi (vel ipso Chrysostomo notante) *Chrysost.*
 continget, quod laborantibus febri, quæ ini- *hom. XI.*
 tio quidem non admodum siti agrotantes ad- *in epist.*
 urit; cum autem creverit, & flammam ex- *ad Cor.*
 citarit, tunc sitim efficiet immedicabilem,
 & si quis eis concesserit ut potu sese exple-
 ant, non solum non extingvetur ardor potu,
 verum magis etiam inflammabitur. Nihil
 verò (addit optimè) hanc sitim ita extingvit,
 quemadmodum si ab hujusmodi desiderio Te
 Nnn. ipsum

ipsum liberum constituas, sicut etiam acuta bilis non potest sed abstinencia potius, & evacuatione extinguitur. Aliud non minus salubre remedium alicubi subministravit Cassianus h.

*Cassiani
lib. VII.
instit. e. 30.*

m. GIEZI *exemplum pertimescamus, qui ob philargyria culpam aeterno supplicio lepra multatur; Nec non etiam Juda vel meritum vel exitium formidantes, damnationem etiam Anania & Saphira memoriter retinentes.* Et quis toto non horreat pectore, si graves adeo auri-cupidorum poenas probe consideret? Atque ut Giezi & Judam nunc suppliciis suis relinquamus; *In Anania comprimis* (D. Ambrosii verba adscribo)

*Ambros.
Serm. 39.*

exemplum avaris omnibus est propositum, ut qui ejusdem criminis reus fuerit, ejusdem supplicii in judicii die sententia feriat. Grande igitur malum est avaritia, imò malorum omnium origo. Consideret insuper pie-literatus, quam sit indecorum, animum ad immortalia & coelestia procreatum, hisce terrenis, non bonis, sed bonorum duntaxat imaginibus adhærescere; quam perniciosum etiam sit, eò delabi, ut quævis monita & præcepta salutaria habeantur contemptui, malis verò dæmonis suggestionibus aures præbeantur patulae, neque vera amplius à falsis, bona perennantia à fluxis & caducis distinguantur.

gvan- tur, neque ipsi instinctus divini revocen-
tur ad animum. Ita siquidem divitiarum a-
mor (dicente D. Hieronymo) excæcat ocu-
los, ut nihil aliud amantem nisi id, quod a- *Hieren.*
mat, cogitare permittat; Annon [pergit.] *Commēt.*
dicenda est ebrietas, cum propter vile scortum *in i. cap.*
& ignominiosam corporis partem, animæ li- *Joel.*
bertas in serviles blanditias inclinatur? cum la-
borem suum alterius facit esse delitias? cum
furto, scelere atq; perjuriis opes futuræ præpa-
rat voluptati? Et cum videatur ab omnibus, se
existimat non videri, dummodò potiatur eo
quod desiderat.

XI. Sed & aliud REMEDIUM Lite-
ratis Avaritiæ morbo laborantibus suggessit
ISIDORUS Pelusiota, omnium quæstuosissi-
mæ artis, (h. e. christianæ in MISEROS
& EGENOS LIBERALITATIS atque
benignitatis) amorem ac studium comendans:
Ut nimirum, quæ Isidori verba sunt, corra-
dere paulatim desinant, & ad DISTRI- *Isid. Pe-*
BUENDUM LARGIENDO VE- *lus. lib. v.*
NIANT, si integram recuperare valetudi- *ep. XLII*
nem velint. Sanè cum palmarium quendam
ea Virtus in cæterarum choro locum habeat,
quinimò ex nobili christianæ charitatis RA-
DICE eadem succrescat, dubium non est, quin
hoc ipso artificio pessima vitiorum malorum-
que omnium radix atteri eliminarique optimè
possit.

Chrysoſt. poſſit. *Melius eſt dicente Chryſoſtomo*
 homil. *hanc SCIRE artem omnium quaſtuofiſſi-*
 XXXIII. *mam, quam eſſe Regem, & diademate coro-*
 ad popul. *nari. Hæc & SOPHISTIS (addit no-*
 Antioch. *tanter) ac Oratoribus Te potiorẽ facit;*
 clariffimè innuens, literatum, operibus miſeri-
 cordiæ occupatum, facundiſſimis & ſubtiliſſi-
 mis quibuſvis Doctoribus eſſe præferendum;
ſiquidem ea ſcientia (ut ſtatim ſubjungit
 Chryſoſtomus) *doceat DEO ſimilem fieri,*
quod omnium bonorum eſt ſumma. Gazo-
 phylacium Sacra illa liberalitas eſt, & quidem
 inexhaustum; ærarium eſt, puriſſimo auro undi-
 que refertum, locupletiusq; Salomonz, quod
 ita evacuatum fuit, ut ſubditos immodicis tri-
 butis ille Regum ſapientiſſimus & ditiffimus
 premere debuerit. Crœſiano etiam ærario eſt
 ſplendidius, quod manu hoſtili fuit direptum:
 Opulentiſſus quoq; Palatio Sardanapaliano,
 quod tandem combuſtum fuit atque diſſipa-
 tum: Quis verò effuſum in pauperes liberali-
 tatem unquam vidit exhaustam, conſumptam,
 diſſipatam? Et quamvis ea quæ indigentibus
 tribuuntur, diſpergi amittiſque videantur, tan-
 tum abeſt tamen, ut pereant aut diſtrahantur,
 ut potius per manum pauperum veluti ſecu-
 ram per navim ad felicitatis perpetuæ portum
 transmittantur. Seminationis cuiuſdam ratio-
 nem larga in egentes benignitas habet, ſiqui-
 dem

dem plus semper recipiat misericors, quam ipse pauperibus suppeditaverit, *pro silice* [ut in proverbio est] *torrentes planè aureos*. O utile commercium, quo non solum substantia lucri pretium excedit, sed sortem ipsam incrementum fœnoris superat! Intelligant hinc Literati opulentiores maximum divitiarum suarum fructum facultatem benefaciendi esse. *Placeat ipsis* (ait Petrus Damianus) *consilium quod Petrus per Salomonem datur: Mitte panem tuum Damia-*
super aquas transeuntes, quia post multa tem- *nus lib.*
pora recipies illum, da partes septem, nec de ele-
non & octo, quia ignoras quid mali futurum *mos. c. 2.*
sit super terram. Et iterum: *Manè se-*
mina semen tuum, & vespere ne cesset ma-
nus tua; sevit Isaac in Gerara, & invenit
eo ipso anno centuplum; sed quam felicius se-
minat, qui dum subsidia indigentibus sub-
ministrat, pro avena triticum, pro grano
metit acervum, eademque opera pestiferam
 illam malorum omnium radicem ex cordis agro
 exterminat. Sed audio nescio quæ objicientem:
 Nonne pleriq; literati Orbis incolæ duro ege-
 statis premuntur iugo, ut ipsi vix habeant unde
 vivant, ne dum aliis ære suo subvenire, atq; ero-
 gare eleemosynas possint? Probè equidem con-
 stat, calamitate ista exagitari etiam doctissimos,
 adeò, ut post diu multumque navatam litera-

riam operam, inopem sæpè traduxerint vitam, unde se alerent non habentes, inque extremâ egestate diem supremum claudentes. * Darent omnibus, darent libentissimè literatorum optimi, sed dandi facultate destituuntur; *Ego misericordiæ* (inquit ad mentem ipsorum OS illud A U R E U M) *lubens implerem officia, ego inopes pascere, egenos foverem, nudos vestire, ego pauperibus necessaria victus impenderem, si mihi copiae redundarent. At cum mihi necessaria defer. hom. sint, cur dandi sterilitas imputatur. SED 2. ad po- A U D I* [pergit Chrysostomus significantissimè] *quisquis hoc loqueris, & excusandi an- fas quas obtendis omittit. Nullus miser est, nisi qui misereri noluerit, quia nec quisquam misereri desiderans, poterit non habere quod tribuat. Non enim misericordiæ definita sunt pretia. Vidua Eliam ex modico pascit, & id ipsum quod habuit finire non potuit. In Evangelio minutum viduæ, divitum opulentias vicit.*

Pro-

* De Pomponio Lato perhibet Pierius lib. II. de infel. literat. p. 167. quod post navatam per annos plurimos Romane cathedra operam, post tot per universum Orbem discipulos ad eloquentia Rom. puritatem dimissos, inopem ad extremam vitam traduxerit, & in Xenodochio extremâ in egestate decesserit, periculumque adierit ut insepultus iaceret, nisi amicorum impensis elatus fuisset,

Provocaris christiane, (provocaris ò L I T E -
 R A T E) & â vidua in certamen deducaris. Et
 ne possit quisquam non habendi excusatione
 purgari, gratuita misericordiae inducuntur of-
 ficia [qualia sunt calicem porrigere frigida,
 ægrotos, vel in carceribus constitutos visitare,
 informare rudes, in viâ revocare errantes, &c.]
 ut ostendatur, Dominum etiam ipsis pauperi-
 bus (literatis) operandi imposuisse obsequia.
 Nec minus notanter Magnus ille Chrysostomi
 discipulus, ISIDORUS Pelusiota docuit,
 non ab ipsa dationis magnitudine vel parita-
 te, sed ex ANIMI PROPOSITO eleemo-
 synam æstimari; *Multi enim (addit) repe-* *Isid. Pe-*
riuntur, qui de magna copia dent pauca; Et *Ins. Lib.*
contra multi, de exiguis facultatibus dant *IV. Epist.*
multa: Neque enim tam mensura, siue quan- *CXVIII.*
titas eorum quæ dantur, quam dantium fa-
cultates & ANIMUS attenditur, inde-
que sumitur judicium. Quæ causa est, cur
vidua quoque illa, quæ duo minuta intulit in
gazophylacium, omnes etiam qui multa offe-
rebant, longo intervallo post se reliquit, illi
namque particulam duntaxat (suorum bono-
rum) offerebant, ipsa verò omnem substan-
tiam suam dedicavit. Hæc sibi quoque dicta
reputent literati duro egestatis iugo pressi, ut
ut liberâ & effusa manu elemosynas erogare.

non possint, animo tamen benevolo, commiseratione, solatio, intercessioneque apud alios ditiores, miserabiles ac egenos sublevant, votis calidis facultatum supplentes defectum. Quod si verò divina benignitate gaudeant abundantique opibus Viri literati, non consilio solum, sed re & opere ipso cuivis afflicto subveniant, prompta mente erogent eleemosynas, notosque pariter ac ignotos sublevare pro viribus studeant.

XII. Laudabili exemplo eruditibus quondam præluxit Cæcilius Cyprianus, cuius singulare erga miseros & egenos studium Pontius Diaconus hunc in modum celebravit:

Pontius
Diac. in
vit. Cy-
priani.

Nulla vidua reversa est sinu vacuo, nullus indigens lumine non illo comite directus est; nullus debilis gressu non illo bajulo est vectus, nullus nudus auxilio de potentioris manu non illo tutore est protectus; hac debent facere (dicebat) qui DEO placere desiderant. Atque hoc ipso felicissimi Doctoris christiani caractere Basilium Magnum maximopere conspicuum fuisse, primum fundasse nosocomia, languentiumque hospitia instituisse, in quibus pauperum ægrotorum infirmitates curarentur, Nazianzenus disertis verbis est contestatus. Et quanto nisu ipse Gregorius in benignitatis christianæ officia incubuerit, ex eâ quâ de pauperum amore habuit oratione clarissime colli-

Gregor.
Naz. O-
rat. XX.
in laud.
Bas. M.

colligitur, maximum mandatorum omnium
 esse ostendens alendorum pauperum studium,
 DEIque ipsius magnificentiâ & benignitate
 dignissimum; *Absit hoc à me* (ait inter
 alia) *ut vel opibus abundem, fratribus in-*
opia rerum laborantibus, vel commoda fruar
valetudine, nisi horum vulneribus opem fe-
ram, vel victum atque amictum satis am-
plum habeam, ac sub tecto requiescam, nisi &
panem egentibus pro facultatum modulo
porrigam, vestem impertiam, eosque tecto
excipiam. Tantoque effusius Vir optimus
 suas erogavit eleemosynas, quanto vehemen-
 tius illam Clericorum literatorumq; pestem &
 malorum omnium radicem, A V A R I T I A M
 scilicet est detestatus. Amplissimæ Ecclesiæ
 Præsul institutus, ne unicâ quidem drachmâ
 suas hinc auxit facultates, cum tamen ingen-
 tem auri vim acquirere potuisset. Nec minus
 illustre, suæ in pauperes, egenos, naufragos, va-
 riisque, nominibus calamitosos benignitatis
 documentum olim dedit EPIPHANIUS, siqui-
 dem disertè Sozomenus memorat, *Eum & pro-*
prias suas, & Ecclesiæ communes facultates
in usus pauperum expendisse, quinimò infi-
gni aliquando miraculo ejus in pauperes cha-
ritatem fuisse comprobata. Cujus etiam pie-
 tatis rara ac singularia vestigia in GREGORIO

Gregor.
 Presb. in
 vit. Na-
 zianz.
 n. 30.

Sozom.
 Trip. H.
 stor. lib.
 9. c. 46.

Confer Magno apparuere, ut & Johanne Alexandrino
Iob. Dia- Episc. qui à contentissimo suo erga pauperes a-
con. lib. I. more cognomen ELEEMOSYNARIUM est con-
cap X. secutus, cum adeò liberaliter & plena manu de-
vit. Gre- derit, ita se totum in pauperes profuderit, ut
gor. & non tantum non opibus suis, nec suis vestibibus,
Phot. sed nec sibi ipsi perpeccerit. Et cum multivaria
Bibl. Cod. semper fuerint PIE LITERATORUM homi-
CCLII. num studia, omnes tamen in eo sibi tuere similli-
Vid. Le- mi, quod ELEEMOSYNIS propensissimè ope-
or. ium ram dederint, easq; liberà effusaq; manu eroga-
in vita rint. Disperserunt & dederunt pauperibus, ju-
Job. Ele- stitia illorum manet in seculum seculi. Ab in-
emos. ed. fantia eorum cum ipsis crevit miseria, & ab
cum vitis utero cum illis est egressa, illud & sibi & aliis
P. P. à identidem instillantes: *Qui liberalis erga DEUM*
Her. Ros- est, is erga se *DEUM* multo liberaliorem
veido, experietur. Illustre etiam avo suo Literati erga
f. 180. egenos benefici exemplum præbuit PAULUS
Psalms. EPISCOPUS Viridunensis, qui cum post excul-
CXII. tas humaniores disciplinas totum se ad res divi-
Y. 9. nas contulisset, OFFICIIS potissimum charitatis
Job. & misericordiae strenuè incubuit; Benignè (ut
XXXI. vitæ scriptor addit) *opem ferens miseris*
Conf. vit. & *pressis inopia, adeò, ut facultates suas o-*
Pauli *mnēs in egenos, morbosos, nudos, fame si-*
Virid. Ep. *tiq; afflictos, in carcerem coniectos, aliisq;*
apud. L. *calamitatibus obnoxios contulerit, nihil de*
Sur. Fe- *bruar. p. crastino sollicitus.* Quantam circa alendos
86. pau-

pauperes miserosque curam adhibuerit ipsa.
 fidelium Mater, nascens ac fervens Ecclesia, Ter-
 tullianus illustri quodam loco edocuit: *Pre-Tertull.*
sident probati quiq; Seniores, honorem i- *Apologi.*
stum non pretio, sed testimonio adepti, Ne- *etici cap.*
que enim pretio ulla res DEi constat. Eti- *xxxix.*
am si quod arca genus est, non de honoraria
summa, quasi redempta religionis congrega-
tur, modicam unusquisq; stipem menstrua
die, vel cum velit, & si modo velit, & si
modo possit, apponit. Nam nemo compel-
litur, sed sponte confert. Hac quasi DE-
POSITA PIETATIS sunt. Nam inde
non epulis, nec potaculis, nec ingratis vo-
ratrinis dispensatur, sed egenis alendis,
humandisq; & pueris ac puellis re ac paren-
tibus destitutis, jamq; domesticis senibus, i-
tem naufragis, & si qui in metallis, & si qui
in insulis vel in custodiis duntaxat ex cau-
sa DEi secta alumni confessionis sue sunt.
 Nec minus Ambrosii avo morem illum lauda-
 tissimum in Ecclesia christiana viguisse argu-
 mento est, quod ipse POSSESSIONEM EC-
 CLESIAE SUMPTUM EGENORUM ESSE
 dissertè enuntiavit, eodemque propemodum
 tempore florens ante laudatus Epiphanius,
 charitatem in pauperes optimis Christianorum
 mori-

Ambros.
Lib. II.
epistol. 12.
ad Valen-
tin. Imp.

Epiphan. moribus accensuerit, sic enim ille de Veteris
lib. III. Ecclesiæ curâ pro miseris & pauperibus : Jam
contra verò hospitalitatis, humanitatis, & in o-
heres. To. mnes pauperes beneficentiæ fructus, toti
II. num. Catholica & Apostolica Ecclesia communis est
24. indictus, & post alia notanter admodum;

PLERIQUE scribit **BONA SUA VEN-
 DUNT, ET IN PAUPERES DISTRI-
 BUUNT.** Æque honorificum testimonium

Cyprian⁹ multò ante beatus Cyprianus Almæ matri Ec-
in opere clesiæ dederat, optimè [ipso Apostolo præ-
de orat. lucentē] docens, divitias à piis non tantum
Domin. contemnendas, sed & summoperè vitandas ef-
 se, illic esse **RADICEM MALORUM** blan-

dientium, & cæcitatem mentis humanæ occul-
 tâ deceptione fallentem. Quam si mortalium
 doctissimi incurrere nolint, neque pestilenti il-
 lo **AVARITIÆ** detestabilis fidere affari, ne-
 cesse est, ut ad Veteris Ecclesiæ piorumque ejus
 Antistitum exemplum, debitam pro miseris
 & pauperibus curam suscipiant, suasque ad
DEUM per pauperum manus præmittant fa-
 cultates. Cujusmodi benignitatis elogio ætate
 nostra apprimè conspicuus fuit D. **JOHAN-
 NES GERHARDUS**, qui eum diem sibi peri-
 disse putaverat, quo non illustre aliquod mi-
 sericordiæ & liberalitatis specimen edidisset.
 Haud metuebat Vir egregius, ne res suæ fami-
 liares hæc ratione frangerentur, aut redige-
 rentur

Confer
Templū
Honoris
p. 127.

rentur ad incitas, cum nihil suum esse reputaret, quod auferri, quod eripi, quod aliis erogari posset. Neminem à facie sua tristem discedere patiebatur, sæpeque in familiari colloquio enunciarat, malle si vineas, agros hortosque divendere, quam verbo duriore excipere inopem, aut ulli petenti denegare stipem. Ita cordi suo insitos habebat pauperes, ut sæpè de quotidianis sumptibus non parum demeret, ut ipsis opitularetur. Ad tanti Viri exemplum D. CASPAR ERASMUS BROCHMANDUS

Vid.

sollicitam adeò pauperum habuerat curam, ut omnes ferè redditus episcopales illorum necessitatibus sublevandis consecraverit, de victu prospexerit Scholasticis indigentibus, 7000.

*Templæ
honor. p.
192. 193.*

Imperiales Nosocomio Vartoviensi, & pauperibus quatuordecim senio & valetudine confectis alendis destinaverit, ac in omnis generis pauperes innumera contulerit beneficia, imprimis in bonarum artium & Theologiæ studiosos, quorum indolem & ingenium apprime probarat. Ejusdem virtutis christianæ radiis JOHANNES MICHAEL DILHERRUS

Confer

tantoperè fuit collustratus, ut nullos non egenos, consilio pariter ac auxilio suo sublevarit, tantumque sæpè pecuniæ tacitè iis exolverit, quantum avertendæ inopiæ satis fore existimavit.

Templ.

Honoris.

p. 297. &

D. Chr.

Tenebras nimirum [ait nonnemo] quarebat charitas Dilherriana, luce immortalitatis dignissimas.

Arnoldi

orat. fun.

Laudatissimis

hisc

hisce vestigiis inhæreant omnes felicitatis vera candidati, panem æquè hilariter frangant, esurientibus, atque divina adspirante clementia sollicitè caveant, ne ullis unquam cupiditatis perniciosæ laqueis involvantur.

XIII. Si denique pestilentem erga caduca bona affectum LITERATI homines minuere velint, etiam atque etiam sibi ad animum revocent, VITAM præsentem similimam esse PEREGRINATIONI, doctisq; viris cum viatoribus convenire optimè: Sicuti verò Peregrinator haud quaquam multis sarcinarum obrui cupit ponderibus, ut tantò expeditius iter suum conficere queat, ita literatis etiam viatoribus ea deponenda sunt onera, quæ impediunt cursum pietatis, mentemque deorsum trahunt atque inclinant. E tribus potissimum signis hominem peregrinum dignosci posse veteres tradidere; ex *Lingua, Moribus & Affectionibus*: Lingua manifestat an Hispanus, Gallus, Italus vel Germanus sit: ita ex cujusvis sermone facillè constat, an quis bonis hujus vitæ nimium adhærescat, an potius advenæ & peregrinatoris agat personam; num cor suum in opibus & divitiis, an verò in bonis cœlestibus habeat defixum. MORES etiam & AFFECTIONES de vero cœli cive & incolâ clarissimè testantur, quippe cujus CONVERSATIO dicente Apostolo *in cœlis est*, quisquis vitæ hujus luxum parum æstimat & amat,

Phil. III.

§. 30.

amat, is genuinum civis cœlestis præ se fert
 characterem. *Ille est ait Augustinus in taber-* *August.*
naculis, qui se esse in mundo intelligit pe- *tract. 28.*
regrinum, ille se intelligit peregrinum, in Johan.
qui se videt ad cælum suspirantem. Et
 cum vita ac peregrinatio nostra innumeris tæ-
 diis ac miseriis sit referta, cur arctè adeò eam
 velimus complecti? ita potius nos compare-
 mus, ut rectà ad alteram illam, plenissimam
 bonorum omnium proficiscamur. Abjicia-
 mus immodicam terrestrium bonorum cupi-
 dinem, atque nostra etiam tanquam aliena
 negligamus, & aversemur veluti noxia, ne
 nocitura pro utilibus complectamur. Quid
 est quamobrem his quæ huc atque illuc vol-
 vi jactarique cernimus, sollicitemur aut mo-
 veamur tantoperè? quare servire velimus cu-
 piditati, quum futura sint incertissima, & præ-
 sentia paucis contenta. Insignem quendam *Vid.*
 avi hujus Theologum in TEMPLO HONO- *Templis*
 RIS laudavimus, quod incomparabili bonæ *Honor.*
 conscientiæ & pietatis quæstu contentus, om-
 nis lucri temporalis osorem egerit, sæpeq; in-
 genuè fuerit professus: *Non posse se simul &*
sacro sanctis Bibliis scrutandis, & profanis divitiis
coacervandis studia curasque impendere; ad hæc
 crebrò commendaverit pulcherrimum Brentii
 factum, quo centum aureorum honorem,
 à quodam Principe pro dedicatione com-
 mentarii in Epistolam D. Pauli ad Roma-

nos oblatum, modestissimè recusaverit, ne se occasione Scriptorum Theologeorum nummos conquirere, & Theologiam venalem facere velle videretur. Narrant Philippum aliquando à Principe Mauritio interrogatum: *Numquid ipsi sumtum & rerum necessariorum deesset?* penuriam omnem dissimulasse, jussu deinde ut quod vellet peteret, respondisse: *Habere se suum stipendium, quo sit contentus, neque se ullum ἐπισημα expetere.* Insignia hæc ἀνταρξίας literariæ exempla seriò nobis revocemus ad animum, neq; committamus, ut maxima vitæ pars (quum sit natura sua fugax & arcta) miseris ob fluxa & caduca bona curis pereat, atque perturbationibus, siquidem neutiquam vivamus, quamdiu immodicis opum concutimur desideriis. Hæc sæpè animos maximorum etiam Doctorum tantoperè enervarunt, ut spissæ tenebræ eorum obortæ sint oculis, semperq; queruli existentes, nec DEO nec hominibus nec sibi metipsis unquam placuerint. Quæ cruces cum his comparari possunt, quæ miserorum tormenta? Et quum quævis perturbatio mentis eruditæ judicium obscuret, tum maximè aviditas corda eorum tantoperè rodit atque affligit, ut qui eo tenentur affectu, semper anxii, anhelii, truces atque horridi compareant. **ARCTUM ANNULUM** ex Pythagoræ sententia homo (præsertim literatus) **NE GESTET**, hoc est omnem navet

Confer
Adam.
de Vit.
Theol. p.
526.

ope-

operam, ne immodicus rerum terrestrium amor ipsum angat ac cruciet, sed in DEUM potius amandum colendumque sese effundat, illudque memori pectore conservet, quod Hieronymus alicubi commonuit: *Veterem* *Hieron.*
amorem novo mutemus, loco Regina Vasthi He- *epist. ad*
ster adamemus, mundum deferamus, & DEUM *Just.*
complectamur, dicamusque illud, quid mihi est in
cælo, & in te quid volui super terram? Defecit
caro mea & cor meum, DEUS cordis mei & pars
mea DEUS in æternum. DEI amor juxta Bernardum virgæ Moysis instar, amorem carnalem devoret, atque spurium illum seu meretricium in terrena affectum penitus extingvat. Adolescentem ferunt (ita B. Ambrosius) post *Ambros.*
amores meretricios peregrè profectum, & ab- *lib. II. de*
olito amore regressum, postea veteri occurris- *penit. c.*
se dilectæ, quæ ubi non interpellatam, puta- *10.*
verit non recognitam, rursus dixerit occur-
renti: *Ego sum!* responderit ille; *sed ego non*
sum ego, quia videlicet jam turpem amorem
exuerat, cui antea erat implicatus. *O felix*
hominum (eruditorum) genus, si vestros animos
[dico cum Boëtio] amor, quo cælum regitur, *Boëtius*
regat! Cujus sacrosancti AMORIS hic quo- *in lib. de*
que fructus est, [quamvis præcipuum ejus in *Consol.*
amicitia cum DEO sit præmium] quod mens *Philos.*
cupiditatum compedibus exsoluta in cælum
se erigat, & sublimibus quasi alis rerum na-
turam peragrans, amœnissimo spectaculo refi-
ciatur.

ciatur. Huc eruditum quoque assidua su-
cognitio invitat, cui cum incitatio ad sapien-
tiæ potius, quam pecuniæ studium inesse so-
leat, optimam illi viam atque rationem osten-
dit, quomodo hoc vitæ iter tot spinis, laqueis,
offensiculis infestum, illasus, liber, rectus ab-
solvere & ad optatum supremæ felicitatis por-
tum pervenire queat, nimirum si cupiditates
curasque & affectus cæcos atque impotentes
subdlexerit, quæ casui & injuriæ obnoxia, &
sperantes sæpè eludunt, semperque angunt,
& fidentes sibi atque innixos repentè desti-
tuere, atque affligere solent, denique nec ad-
eptos unquam explent, nec fruentes tranquil-
lant. Et cum temporalia bona nostro arbi-
trio DEUS neutiquam subjecerit, providenda
quidem & dirigenda sunt, quæ consiliis hu-
manis licet, sed ut aliena, sine affectu, ut
commodata, & deposita à DEO; ex quibus
non aliud quam fructum dum licet, cupiamus,
præ illo æstimantes non tantum opes regen-
di prudentiam, sed & reddendi fidem, dum
repositur, & ablata non desiderandi æqui-
tatem. Cui literato non exsurgat animus ad
longè ampliorem salubrioremque cupidita-
tem, si cognoverit, *quam bona conditione nati-*
simus, si eam non deseruerimus, id nimi-
rum egit rerum natura, ut ad benè viven-
dum non magno apparatu opus esset; si por-
ro ista bona sibi ob oculos posuerit, quæ sa-
cra

Epictetus
lib. 2. dis-
ser. 5. &
lib. 4.
dis. 7.

cra sunt & immobilia, in quæ non est manus
 furtivæ injectio, quibus denique tranquillæ &
 beatæ vitæ fundamenta innituntur. Horum
 respectu invictum indemnemque se in cala-
 mitate publica & patriæ excidio Stilpo sensit,
 apertè professus, nihil suum amisisse, neque
 enim rationem, eruditionem & scientiam,
 quenquam sibi abstulisse, siquidem illa in victo-
 ris arbitrium neutiquam ceciderant, non mi-
 litibus in prædam cesserant, non alium Domi-
 num sortitura, profugum & exulem stipabant,
 in publica confusione secura, & in captæ urbis
 strage intemerata: tunc possessori suo jucun-
 dissima, cum illis solis vacaret, solis acquiesce-
 ret; tunc utilissima pretiosissimaque cum ve-
 rum potentia suæ darent documentum, culto-
 rem sui secum ex captivitate publicâ vindican-
 tia in libertatem; tunc charissima, cum invi-
 ctam in adversis fidem approbarent. Talis spi-
 ritus fortisq; olim etiam fuit Democritus, præ-
 dia sua alienis pecoribus relinquens compa-
 seua, suâ paupertate beatus; Diogenes, ejus-
 dem amore velut regni accola dolii, nec non
 Bias ille, qui patria captâ, in tumultu civium
 inter asportandum sua, fugiendumque trepi-
 dantium, unus omnium minimè districtus,
 OMNIA SE SUA SECUM PORTA-
 RE est contestatus. Cum vita fortunæ impli-
 cata sit maximè turbulenta, coenosa, impervia,
 violenta, nec diuturna, eam potius sectemur,

quæ homini erudito ex virtute solida accedit,
 felicitatem, utpote quæ pura, plana, facilis,
 amœna atque perpetua, nunquam cupiditatis
 aut formidinis fluctibus æstuans, nec sordida
 parsimonia contaminata, à luxu etiam aliena
 & voluptatibus immodicis. Quodsi homini
 fortunæ auram captanti, in maxima etiam re-
 rum copia non desit sitis, semperque nauseet
 stomachus, felix ex *avulapueria* literatus suavi
 & salubri illo liquore recreabitur, imò super se
 ipsum tandem levatus, nullis posthac vitæ
 præsentis curis tangetur atq; sollicitudinibus,
 nullis vexabitur immodicæ cupiditatis mole-
 stiis, omni solutus anxietudine, profusiori cœle-
 stis gratiæ scatebrâ gaudebit, cumque insigni
 quodam ævi hujus Doctore, vultu inter adversa
 hilaritatem spirante, exclamabit: *Nihil*
caducorum hujus mundi, vel si adesses
in pretio habui, vel si abesset cupivi, opes
quas mundus æstimat à me contemptas, pro
me testabitur innocens & lata paupertas.
Nihil tamen habenti nihil unquam defuit;
imò nihil amplius cupienti, omnia superfuere.
Thesaurus planè inexhaustus semperque
abundans fuit largissima DEI benedictio.
 Denique una illi (ut Magni Cypriani ver-
 bis concludamus) placida & fida tranquil-
 litas, una solida & firma ac perpetua se-
 curi-

Vid.
Templū
Honor.
p. 315.

Cyprian.
lib. II.
Epist. 2.

*curitas, si ab his inquietantis seculi turbibus extractus, salutaris portus statione fundatus, ad cælum oculos tollat à terris, & ad Domini munus admissus, ac DEO suo mente jam proximus, quicquid apud ceteros in rebus humanis sublimè ac magnum videtur, intra suam conscientiam jacere gloria-
tur. Nihil appetere jam, nihil desiderare de seculo potest, qui seculo major est. Quam stabilis quam inconcussa tutela est, quam perennibus bonis cæleste præsidium, implicantis mundi laqueis solvi, & de terrena face purgari in LUCEM ÆTERNÆ IMMORTALITATIS.*

XIV. Antequam verò hinc abeamus, aliud quoddam avaritiæ genus doctis hominibus perquam familiare est considerandum, quod sicuti priore illo longè detestabilius, ita multò etiam nocentius deprehenditur. Est hæc tenacitas spiritualis, quam SCIENTIÆ AVARITIAM non malè quidam nominarunt, quâ laborantes eruditorum plurimi, scientiæ dona à DEO accepta neutiquam in proximorum erogant utilitatem, sed veluti absconditum quempiam thesaurum diligenti studio collectum sibi servare conantur, nemini mortalium usui futurum. Non minus equi-

*Conf.
Estius o.
rat. s. p.
78.*

dem execrabiles hujusmodi habendi sunt literati tenaces, quam divites vulgaris avaritiæ morbo laborantes; cum præstantissimum eruditionis doctrinæque thesaurum illi avarè sibi retinere, **SIBIQUE SOLIS** duntaxat vivere inducant in animum, adeoque jure & meritò gravissimam bonorum incurrant reprehensionem, præsertim si omnium utilissimam & maximè necessariam rerum divinarum scientiam abscondere, atque charitatis & facilitatis debitæ sinum erga fratres famelicos ac percunctes neutiquam expandere velint, gravissimam propterea justo Judici tempore suo reddituri rationem, horribileque servi illius inutilis

Luc. XIX subituri judicium : *De ore tuo te iudico serve*
v. 22. sqq. male & PIGER, quare non dedisti pecuni-
am meam usurariis, & ego veniens cum fa-
nore mea exegissem. Tollite ab eo talen-
tum, & date ei qui decem habet, omni enim
habenti dabitur, & abundabit, ei autem qui
non habet, & quod videtur habere aufere-
tur ab eo. Ejicite servum inutilem in te-
nebras exteriores, illic erit fletus & stri-
dor dentium. Hoc scil. tremendum, atq. ju-

stissimum judicium subibunt cuncti tenaces scientiæ doctrinæque reconditæ possessores, optimum illum thesaurum sibi solis reservantes, neque in publicam eum erogantes utilitatem.

Quid

Quid enim talenti nomine intelligi aptius posset, quam præclarum scientiæ donum, quod operando & negotiando quasi duplicat, quisquis de illo fideliter dispensando distribuendoque apprimè est sollicitus. Terræ verò acceptum doctrinæ talentum infodit, atque in sudario reponit, quisquis ex ordine literatorum laborem fugiens, & inania pericula metuens, imò vanum hujusmodi metum desidiæ suæ prætexens, concreditum sibi donum apud se retinere non dubitat, ipse interim aut terrenis desideriis, atque occupationibus profanis implicatus, aut certè QUIETIS amore [ut quidam loquuntur] propriæque commoditatis ita detentus, ut omnem scientiæ atque pietatis inter fideles multiplicandæ fructum intercidere sinat, notabili propterea sapientissimi etiam Regis sententiâ damnatus: *Eccles. Stultus complicat manus suas, & comedit IV. carnes suas, dicens: Melior est pugillus cum requie, quam plena utraque minus cum labore & afflictione animi.* Sic enim quietis prætextu, atque molestiæ & laboris vitandi gratia, profanè doctorem (reapse stultorum & insipidorum) plurimi manus suas complicant, atque à saluberrimo dispensandæ doctrinæ ac pietatis opere abstinere, quasi nulla prorsus juvandi proximi curâ atque sollicitudine tangerentur, neutiquam cogitantes, quod juxta cœleste mandatum scientiam, quam acqui-

sivere, aliis communicare teneantur, ita ut sine gravi peccato id ipsum omittere, ac sine culpâ negligenter ac parcè dona accepta dispensare nequeant. Quid obsecro sibi vellet illa inutilis servi projectio in tenebras exteriores, si non in gravioribus, sed levioribus peccatis habenda esset illa pudenda scientiæ tenacitas? Graphicè admodum execrabile hoc Avaritiæ literariæ genus depinxit, sum̃ opereq; detestatus est eruditissimus Bartolus, verbis quæ singularem observationem merentur, sequentibus: Nullius commodis magis invita laborat natura, nullius rem ægrius procurant homines, quam ejus qui curat neminem, & totus suus est; in frequentia populorum solus; peregrinus in patria, inter homines fera; indignus planè qui ab alio vitam acciperet, qui uni sibi ita vivit, ut nihil ab eo ullus accipiat. Hujusmodi sunt absque dubio qui AVARUM INGENIUM, omni literarum refertum copia pertinaciter clausum tenent, maluntque tot opes secum mori, quam scriptis liberaliter commissas, prodesse posteris - - Nec enim cœlitus sapientia nobis dono datur, nobiscum ut pereat; sed mutuo, ut transferatur in posteros, quod arbitrariæ non tam est liberalitatis, quam rigidi juris. Excipiaturn sanè lumen Solis, sed transmittatur inferius, nec subtrahatur oculis alienis, quod non est nostris jam necessarium. Ergò nostri Majores, tot ante nos seculis solitaria

*Bartol.
charact.
lib. Hom.
p. 354.
seqq.*

tarii, pallidi, & studiorum labore infracto, macilentum, plures anni dies, quam diei horas, de vita sibi ademerint, ut magnis contentionibus de locuplete ingenii sui venâ thesauros nobis aureæ veritatis exscinderent, & gemmas refo-derent nondum Orbi notas, atque hoc suum patrimonium privatum, in publicam hæreditatem transcripserint, nos avis ingrati, nepotibus invidi, & sua & nostra eodem nobiscum sepulchro condemus? Profectò qui se inter illos & futuros deinceps medium statuet, cogitabitque illorum exemplo, quid debeat; istorum bonum quid exigit; non satis intelligo qui possit aut illis negare imitationem, aut suam eis opem. Nam si eorum imaginibus inspectis qui bello aut pace claruerunt, pungitur animus ejusdem stimulo gloriæ, dum libri nobis, ingentes animas ex quibus orti sunt, velut spirantibus etiamnum statuis repræsentant; quem non inflammet vel sciendi ardor quæ ignorat, vel pudor AVARE RETINENDI, quod alii publicis utilitatibus dicarunt? *Sume in manibus indicem philosophorum, hæc ipsa res expergisci te coget; si videris quàm multi tibi laboraverint, concupisces & ipse somn. ann. ex illis esse.* Est inquit Philo Sapia Sol; hanc splendore qui privat, destruit; & mentes sublimioris intelligentiæ, flammis & igni symbolas faciunt multi Platonici; *Igni* (in-

Ooo 5

quam)

*Plin. l. 3. quam) cujus unius ratio fecunda, seq. i-
cap. 117. pfe parit, & minimis crescit scintillis. Hoc*

majorum exemplum si debilius persvadet, accedat commodum posterorum, quibus nisi barbarè admodum negare non possumus, quod sumus nostro cum lucro daturi, suo illi comodo & bono accepturi - - Quod si putamus fortunatos, qui consanguineos sibi superstites pingvi censu augent, & familiæ splendorem opibus magnis stabiliunt; quæ major, esse ac relinqui potest hæreditas, quam quæ coaluit ex divitiis animi, & opulencia ingenii, longa studiorum negotiatione exerciti? Hanc non atterit usus, non tempus minuit, nullæ absorbent vel publicæ vel privatæ clades, semper viva, semper integra, suo nunquam non primigenio pretio, & utilitatibus censa. Ita Bartol. Valido sanè argumento hortabatur amicum Plinius, ut studiorum suorum fructum aliquem bono daret: *Effinge aliquid, & excude quod sit perpetuò tuum, - - hoc nunquam tuum desinet esse, si semel cæperit.* Si dicente A-

*I. Cor. XII. postolo unicuiq. data manifestatio spiritûs
AD UTILITATEM, alii quidem sermo sapientia, alii autem sermo scientia secundum eundem spiritum; liquidò apparet, quam graviter illi peccent errantque Doctores, qui non ad UTILITATEM, verum ad O-*

TIUM potius, manifestationem scientiæ sibi datam existimantes, turpi litare Vacunæ, execrabilique isti avaritiæ indulgere neutiquam verentur. Haud abs re Viros doctrinâ scientiâque singulari illuminatos, Reipubl. christianæ OCULOS dixerimus; si verò absurdum esset, in corpore naturali OCULUM SIBI SOLI VIDERE, non etiam capiti, imò corpori integro; multò magis mysticum illud corpus (cujus membra omnia charitate flagrantiorum compaginata esse oportet) deformaretur, si clarum quodpiam, scientiâque illuminatum membrum, quòd cæteris rectam monstrare viam posset, lucem suam non in publicum proferre vellet usum, sed otiosam atque inertem imò tenebricosam inire statueret vivendirationem. LUCERNA (ait appositè Gentium lumen) *corporis Tui est oculus tuus. Atqui nemo accendit lucernam & ponit eam sub modio, sed super candelabrum, ut omnibus qui in domo sunt, luceat.* Et cum exactissima sit scientiæ doctrinæque cum lumine convenientia, utraque etiam lux splendorem suum in remota vel proxima quæque diffundat; hinc non magis bonorum quilibet feret literatum hoc sensu avarum, quam hominem lucernæ suæ lumen, lucernis aliorum communicare nolentem, cum scientiæ lumen æque sine ullo lucentis detrimento aliis communicari possit.

Quid

Boetius in
Consol.
philos.

Quid quod hinc elucescat, quantò detestabili-
or sit literatus SCIENTIÆ AVARUS, quam
AVARUS (quem antea suis coloribus depin-
ximus) PECUNIÆ. Non enim adeò miran-
dum si qui pecunias habet, eas non elargiatur
in alios, quoniam largitio sine possessoris quo-
dam detrimento fieri nequeat. O ANGUSTAS
inopesque divitias (ait Boetius) *quas nec*
habere totas pluribus licet, & ad quemlibet
sine ceterorum paupertate non veniunt. Ast
cum nobilissimus ille sapientiæ scientiæque
thesaurus, spirituales istæ divitiæ nulla largitio-
ne minuantur, nulla exhauriantur profusio-
ne, ideo nullam prorsus habebit excusationem
quisquis doctrinæ scientiæque suæ alios parti-
cipes facere recusaverit. Si omni execratione
dignus, qui panem vel frumentum in pauperes
famelicos erogare nollet, quando ejus & co-
piam haberet, & nova tali largitione opum sua-
rum sperare posset incrementa, quidni summo-
perè inculpandus ille esset literatus, qui cum
scientiæ thesaurum penes se habeat, ex eo ta-
men nihil depromere velit, quo alii densis ad-
huc ignorantiae tenebris immergi, sublevari
& ad salutem institui possint. *Scientia* (ait
sapiens) *distributa recipit incrementum,*
& avarum dedignatur possessorem, nisi pub-
licetur, elabatur, communicata augetur. Et
cum animi opib⁹ sui avarus scientiæ post mor-
tem

tem alios ditare non possit, sicut avarus pecunia, quin imò moriens universum eruditionis suæ thesaurum amittat, ideò operam navabit tanto diligentiorē, ut vivus ac superstes in commune illum effusa manu (vel ore potius & calamo) expendat, sicque pigri illius atque inutilis servi horribile iudicium effugiat. *Tollite ab eo talentum, &c.* Quod si rectissime, quondam à Poetâ dictum :

Quo mihi divitiæ, si non conceditur uti ?
Cur non etiam verissimè dicatur :

Quo mihi doctrina, si non conceditur uti ?

Audiamus eâ de re Magnum Episcopum, Hipponensem, more suo, id est præclare differentem : *Omnis res quæ dando non de-*

ficit, dum habetur & non datur, nondum habetur, quomodo habenda est. Ille autem ait ;

Qui habet, dabitur ei Dabit ergo habenti-

bus, id est cum benignitate utentibus eo quod acceperunt, adimplebit atque cumulabit quæ dedit. Illi quinque & illi septem erant panes, antequam inciperent dari esurientibus, quod ubi fieri cepit, cophinos & sportas, satiatis rat hominum millibus impleverunt. Sicut ergò ille panis, dum frangeretur accrevit, sic ea, quæ ad hoc opus aggrediendum jam Dominus præbuit, cum dispensari cæperint,

Augustinus lib. I. de Doctr.

Christ. cap. I.

eo ipso suggerente, multiplicabuntur, ut in ipso hoc nostro ministerio, non solum nullam patiamur inopiam, sed de mirabili etiam abundantia gaudeamus. Hæc ille.

XV. Atque hinc Sole meridiano clarius relucescit, quam necessarium Viro erudito sit, quamque salutare de aliis præclare merendi, suæque scientiæ bona distribuendi studium, nisi enim hoc animi pabulum, frumentum electorum, & vinum germinans virgines tempestivè proferatur, animæ spirituali fame deficient, atque magis magisque extabescentes tandem miserè peribunt. *Si corporis interfecforem* (supra laudatus Orator scitè ait) *merito dicimus eum, qui proximum inedia morientem, cum possit, non pascit, juxta illud: Si non pavisti, occidisti, quod excusationis velum obtendet, quo minus interfector animæ judicetur apud DEUM, qui proximi sui animam Verbi DEI fame defectam ac pereuntem, pane cælesti non reficit, non erigit, non confortat, ne in aternam mortem abstrahatur? Non magnum esse ventres pascere inoriturus, sed magnum esse animas pascere in aeternum victuras optimè enuntiavit Augustinus, imò uti Gregorius egregiè addidit: Majus miraculum est, verbo consolationis convertere peccatorem, quam carnem mortuam*

Estius L.
c. p. 88.

ruam suscitare. Et quid de pessimo illo avaritiæ genere statuat Bernardus, hanc sua notabili sententia declaravit : *Rem profectò proximi retines, si donis SCIENTIÆ & eloquentiæ adornatus, verbum bonum quod posset prodesse multis, inutili, imò damnabili silentio ligas.* Quo ipso haud obscure iunuit, etiam extra necessitatem extremam non absque gravi proximorum injuria scientiæ talentum abscondi posse, metuendum equidem tenaci hujusmodi Doctōri, ne aliquando propheticum illud exclamare cogatur : VÆ MIHI QUIA TACUI, cum & ipse Apostolus horrendum animæ periculum incurrisset, si munus evangelizandi deseruisset : VÆ MIHI SI NON EVANGELIZAVERO, NECESSITAS ENIM MIHI INCUMBIT. Revocent sibi quoque cuncti scientiæ salutaris avari Doctores ad animum ipsius Salvatoris de veteribus Ebræorum ex ordine Pharisaico Magistris judicium : *Vae vobis quia tulistis clavem scientiæ, ipsi non introistis, & eos qui introire volebant prohibuistis.* Quisquis enim scientiæ salutaris clavem portat, neque verò cœlestium secretorum januam aperire velit, se pariter ac alios optatissimo privabit ingressu, & cum clave sua, insonoro vestigio tandem abibit ad plures, atque cum Hannibale, qui Romam expugnaturus bis imbre densissimo coactus recedere, cum statim

1. Cor.

IX. v.

16.

Luc. X)

tim post pugnam potuisset, clamabit in orco :
Cum potui non volui, cum volui non potui;
 adeoque serò nimis sapient Phryges illi frigidi
 austerique, cum jam ceciderint, demum horri-
 bile suum agnoscent periculum. Quis ita-
 que literatorum, præsertim DEO Ecclesiæque
 utilitati sacratorum, non animo prompto, hila-
 riq; fronte dispensaret acquisitas doctrinæ sci-
 entiaque (cum primis divinæ atque summè sa-
 lutaris) thesauros ? cur concessam sibi ad pu-
 blicam utilitatem spiritus manifestationem,
 non ultrò communicet aliis ? præsertim si sin-
 gulari doctrinæ sermonisque gratiâ gaudeat,
 atque egregiâ eloquentiæ scientiæque supel-
 lectile divino beneficio sit instructus. Si ex
 Sinici illius Philosophi famigeratissimi, CON-
 FUTII scil. iudicio, *Magnorum Virorum*
doctrina in eo est posita, ut cum quisque se
ipsum perfecit, ALIOS QUO-
QUE PERFICIAT, sic ut o-
mnes unum, hoc est summum bonum conse-
quantur; Nos potius Christianos Philosophos,
 in meliorem beatitatis sortem Servatoris bene-
 ficio genitos, par vocatione nostra verset labor
 & cogitatio, quo dignam nomine, dignam of-
 ficio nostro in distribuendis scientiæ opibus
 curam & diligentiam præstemus, præsertim si
 defint alii, qui vel non possint, vel non velint
 saluberrimo isto officio defungi. Licet haud te-
 merè

Mart.

Mari-

nii Hist.

Sin. l. 4.

p. 129.

confer

commet.

nostr. de

de Relit.

Sin. Sect.

IIX.

merè ad id muneris se offerre debeant etiam doctissimi, oblatum tamen à superiore subterfugere vix poterunt sine gravi conscientia latione, æternique exitii periculo: *Si quam operam* (rursus ait Augustinus) *vestram* August. epist. 81. *desideraverit, nec elatione avida suscipiatis, nec blandiente desidia respuatis, nec vestrum otium necessitatibus Ecclesie praponatis, cui parturienti si nulli boni ministrare velint, quomodo nasceremini, non inveniretis.* Et alibi idem Doctor; *Otium* Idem lib. 19. de Civ. Dei. *scribit sanctum querit charitas veritatis; negotium justum suscipit necessitas charitatis. Quam sarcinam si nullus imponit, percipienda atque intuenda vacandum est veritati, si autem imponitur, suscipienda est propter charitatis necessitatem.* Nec minus præclarè Prosper Aquit. de illis literatis, Prosper lib. 3. de vita contemplat. *qui tranquillitatis & quietis suæ avidi, istis sese subducunt charitatis officiis; Videndum est inquit, utrum justè faciant illi, qui se removens ab occupationibus cunctis, ac studiis spiritualibus offerentes, nihil humana societati proficiunt, & desideria sua commodis omnium præferentes, utilitatem communem desiderata vacationis electione contemnunt: Cum profectò laborantibus ovem*

P p p

ferre

ferre nolle, cum possis ; & communi bono posthabito otiosa quiete frui velle, nihil habeat aequitatis. Cui aequitati qui serviunt, omnes omnium bono vivunt, ac velut sibi invicem nati, salutem mutuam tuentur ac diligunt. Ac per hoc, contra justitiam faciunt hi, qui merito suae conversationis vel eruditionis electi, OTIOSUM STUDIUM fructuosa utilitati regenda multitudinis anteponunt, & cum possunt laboranti Ecclesia subvenire, operosa administrationis laborem, fruenda quietis contemplatione refugiunt. Haecenus Prosper, cui Doctorum veterum plurimi consentientes, passim quidem monuere, ne quis scientiam carens, arduum illud docendi munus suscipiat, at verò idoneo ad id muneris neutiquam morosius esse reluctandum, neque ex praepostero quietis amore, detestabiliq; tenacitate acquisitae scientiae thesauros esse abscondendos, quibus alii ad salutem perpetuam instituantur. Utinam vero doctis omnibus cum charitatis affectum inspiret cunctorum bonorum author DEUS, ut intelligant, & re opereque ipso declarent, se Thesaurum scientiae suae portare atq; circumferre non ad fastum & ambitionem, non ad quæstum & AVARITIAM, non ad curiositatem & vanitatem, non ad contentionem & æmulationem, sed

sed ad honorem & gloriam DEI inprimis, deinde ad suam & proximorum utilitatem, ac totius Ecclesiæ ædificationem. Ita namq; futurum, ut qui ex timore & amore DEI non turpis lucri gratia, sed voluntariè verbo salutis paverunt DEI gregem, suo tempore immarcessibilem gloriæ coronam accipiant, inque cœlesti Academia aliquando fulgeant, quasi splendor firmamenti, & quasi stellæ in-

PERPETUAS ÆTERNI-
TATES.





COMMENTATIO IX.
ET ULTIMA
DE NOXIA
LITERATORUM
HOMINUM
CURIOSITATE.

I.



OSTREMA quæ HOMINIS
ERUDITI faciem turpiter non un-
quam deformat macula, CURIO-
SITAS est, superflua scil. illa cura,
& appetitus inordinatus ea cogno-
scendi, quæ vel inutilia, vel captui humano
minimè sunt accomodata. Non inquam co-
gnitionis multivariæ desiderium eruditis ver-
titur vitio, sed inordinatæ cognitionis studi-
um, vel appetitus addiscendi otiosa, inutilia,
noxia.

noxia. Gravem haud abs re ea CURIOSITAS incurrit reprehensionem, quæ (juxta Magni Augustini effatum) *non ad subeundam voluptatem aut molestiam, sed experiendi noscendiq; libidine committitur.* Quoties-
 cunque nimirum sciendi appetitus rectum haudquaquam habet finem, & ad propriæ solùm excellentiæ manifestationem tendit, tunc vitium est quo nullum ferè pestilentius reperitur. Siquidem malè - curiosus literatus perpetuus est sititor novitatis, molestus percontator, fingendi avidus, hiantibus oculis & auribus ea excipiens, unde gaudeat sibi oblatam cavil-
 landi, calumniandi nocendiq; occasionem. Semper plenus est negotiî aut improbi, aut supervacanei, semperque improspéro sese labore defatigat. Neque verò (quod notandum pariter ac dolendum apprimè est,) abjecta vulgariaque ingenia sitis illa sciendi agendiq; immodica ambit, sed quæ singulari pollent ac-
 cumine, memoriâ quoque, ratiocinatione aut vi quapiam ignea sunt exornata; porrò neque invita sese illa ingerit, sed fautorum passim eruditorumque aliorum plausibus introducitur. Quotquot enim sunt literis ingeniisque præfecti, ubi elucere divinos quod ajunt igniculos vident, ex omni materia fomenta con-
 gerunt, ac faustis acclamationibus, & felicissimis ominibus, nec non varia videndi, audien-
 di dijudicandique segete mentis rasam tabu-

August.
 lib. X.
 confess. c.
 35.

lam opplent, ut jam vix sui capax diduci, & in
 omnes terræ plagas, in nulla non studiorum ac
 disciplinarum genera diffundi extendique con-
 cupiscat. Quid mirum, ingenia præstantissi-
 ma CURIOSITATE laborare, si tot pararii &
 magno conducantur, & tanta Doctorum insi-
 gnium opera illi alendæ subserviant? Quic-
 quid enim vel eloquentia floridi excogitavit,
 vel opinionum sententiarumque invicem pu-
 gnantium conflictus extruxit, vel rerum casu-
 umque humanorum varietas exposuit, vel ter-
 rarum Regionumque elegancia ostendit, quic-
 quid tandem ad boni malique discrimen, veri
 falsique dijudicationem supra vulgi sortem in-
 vitat, id omne ingenii curiosioris pabulum est,
 quod tanta aviditate depascit, ut nullo labore
 fatigari, nulla mole obrui, nullo etiam tem-
 pore satiari possit. Nam velut pira accensa si
 oleum, stupas, ligna atque alia igni non invisa
 injicias, nunquam extinxeris, semper auxeris
 flammam; ita ingenium tam vorax, tam vari-
 etatis rerum sitiens, vix fatigatur, etiamsi no-
 va subinde desideria, novi stimuli suppedi-
 tentur, sed ex omni materia ignem adauget,
 atque tanto citius fomites absomit suos, quo in
 majorem altioremq̃ue pyramidem excrevit.
 Oleum huic igni fama addit loquacula, pluri-
 mos tanti LIBRORUM HELUONIS
 præcones excitans & admiratores, atque na-
 scentes subinde foetus obstetricis instar exci-
 piens,

piens, exponens, conquistisq; elogiis posteritati (scil.) commendans. Sed & pudenda adulatio speciosa superaddit mendacia, quibus misera illa curiositatis, inanisque susurri mancipia aliquandiu impleat, & nescio cujus in Orbe literato meriti persuasione detineat. Hunc, hunc illū esse omnigenæ eruditionis doctrinæque multivarix promum condum, hoc illud melioris luti fictile, istum sagacioris indaginis spiritum, capacioris cranii cerebrum, sublimioris conaminis pectus, subtilioris industriæ organon, Encyclopædiæ gazophylacium, imò cœlestis panurgix æmulum. Quid agat jam obsurdescens, & saluberrimā sui cognitione destituta anima? nonne tot credat encomiastis? nonne quod multorum consensu, tot phalaris constat atque ampullis, summa sibi religione admittendum putabit? Et cum de conscenso FELICITATIS LITERARIÆ apice sibi tacitè jam gratuletur, neq; videat turpiter impositum sibi fuisse ab adulatoribus, hinc per longiores circumvagare cogitat ambages, majora indices amplioraque meditari, nullum doctrinæ genus relinquere intactum, nullas non devorare molestias, nullis parcere sumptibus, denique id omni agere conatu laborat, ut cæteris variæ diffusæque eruditionis laudem præripiat, atque summam apud eruditos existimationem consequatur. Si unquam, certè hoc, non minus erudito, quam summorum ingeniorum feracissimo se-

culo, non ab uno, sed quam pluribus laboratum fuit de perficiendis disciplinis, hisque non paucis, sed omnibus; Viris quibusdam egregiis de compacto quasi id agentibus, & aliis circa has, aliis circa alias utilissimam operam navantibus, quæ tamen opera longè feliciter processisset, si intra facultatis scientiæque suæ terminos quilibet sese continuisset, neque fallacem in alienam misisset messem. Sed cum non pauci (solis sibi plaudentes) ardua nimis, tenuesque superantia vires sint aggressi, atque summa quæque in animo volutarint, accidit, ut turpiter plerunque à præfixo augendarum perficiendarumque scientiarum scopo aberraverint, pernicioseque ista Satana catapultâ, (quam NOXIAM CURIOSITATEM nuncupavimus,) miserè fuerint oppressi. Præterea cum antiquos sapientiæ Antistites, quibus tanquam merito maximo coronatis, tot per secula tantum non omnes eruditionis solidioris candidati assurrexerunt, velut infidos spreverint ductores, neminem vel parem, vel æmulum pati potuerint, deque submovendis omnibus consimile negotium agentibus, supplantandisque Viris idem volventibus saxum, perniciose admodum agitarint consilia, factum; ut ipsi tandem miserè à scopo præfixo aberrarint, atque meditatum perfectionis culmen minimè sint assecuti. O

quanti

quanti veritatem querunt (egregiè ait Richardus de S. Victore) *non IN VERITATE, sed in vanitate; quasitam inveniunt non ad veritatem, sed ad vanitatem.*

Tria haud absre Diogenes quondam literatorum hominum genera carpere solebat, & curiosæ scientiæ arguere: HISTORICOS, MUSICOS, ASTROLOGOS. Historicos, quod inquirant studiosè quid ubique terrarum olim sit gestum, vel modo geratur in Orbe, ignari quid in corde suo geratur, Regni & Reipubl. statum explorent, non considerantes animi sui statum deploratum, omnibusque fastis & annalibus evolutis, neutiquam meliores reddantur. Quid stultius, quam sagaciter rimari quid apud Garamantes agatur & Indos, negligere verò quid intra nostra agatur præcordia & fibras? MUSICOS carpebat Diogenes, quod cum citharæ fides artificiosissime contemperarent, & in suavissimam aptarent harmoniam, animæ tamè suæ facultatibus tam malé moderarentur, moribusq; adeò inconcinnis essent ac dissonis, cumque in hominum aurbus demulcendis tantum operæ ac laboris ponant, in mente sua componenda, pravisque ejus motibus sedandis essent tam socordes. Super sunt ASTROLOGI, quos Diogenes propterea infimulavit vesaniæ, quod sui obliti, inter sidera vagarentur, totique intenti sphæra-

rum ac globorum cœlestium ordini & numero, virtutes, quæ fulgore & radiis stellas omnes multis gradibus excedunt, pulcherrimamque in anima harmoniam efficiant, ut plurimum negligenter, vel [ut magis christianè loquamur] impensius multò solliciti sint, ut stellas aspiciant, quam ut fulgeant quasi stellæ in perpetuas æternitates. Annon præter tres istos literatorum, præposterè curiosorum ordines, hoc ipso stigmate plerique docti sint notandi, prudentiores dispiciant.

II. Quod si verò sanctiori meliori que doctrinâ imbuti literati, sic abigere velint pestilentem illum magistrum, ut nihil malignæ luis post se relinquat, ad animum sibi frequenter mala revocent, quæ ex ista virulenta pestiferâque CURIOSITATIS radice pullulant, atque maximis quibusque ingeniis extremam ut plurimum afferunt perniciem. Hæc inter locum initio sibi vindicat turpis affectatio SINGULARITATIS, quæ curiosis illis tantoperè arridet, ut ardua quæque imò impossibilia moliantur, à vulgi sententia ubique recedant, quavis viâ, modo non trita solitaque delectentur, nil nisi quintessentias parturiant, imò tandem vix abstineant, quin majus aliquid homine perpetrare, & aliis vel intacta vel infelicitè tentata expedire in animum inducant. Jam Archimedes, Architas, Dædalusque cerebrum subeunt, quadrare jubentes

circu-

circulum; applicare alas ad volatum, & si qui promptius auscultent, illum curiosorum ingeniorum stimulum PERPETUUM MOBILE aggredi hortantes. Quid quod novarum singulariumque opinionum imbibitione doctissimis etiam eripiat veritatis unio & rectitudo, in profanas infinitasque ea dilatetur fabulas, veritatis candor & integritas convellatur, donec SCEPTICISMU Standem [illa literati Orbis atrocissima pestis] subrepat, & miseris istis densissimas tenebras offundat, ut omnium rerum cognitione solida prorsus destituantur. NOXIÆ equidem CURIOSITATIS morbo olim laborarunt literatorum illi infelicitissimi, qui SCEPTICORUM appellationem ex eo accipere, quod de omni re in utramque partem disputantes, scientiarum artiumque [quantum in ipsis] certitudinem sustulerint, juventutemque de omnibus dubitare jubentes, pessimè corruerint, eo tandem (Protagora præcunte) delapsi, *ut de Diis etiam, neque ut sint, neque ut non sint, statuere voluerint.* Nec est verò, ut in enumerandis vetustis Scepticisimi * [qui suam noxiæ curiositati acceptam fert originem] authoribus sive fautoribus singularibus

* Videatur doctissimus M. Schokii de Scepticismo liber, quo antiquorum & recentiorum Scepticorum deliria discutuntur, edit. Groningæ 1652.

ribus multum ponamus operæ, atq; longiorem
 discipulorum Pyrrhonis texamus catalogum,
 siquidem recentius etiam ævum noverit non
 paucos malè curiosos ejusmodi, superciliosos-
 que Doctores, qui ad Scepticorum veterum
 exemplum, dogmatum magno consensu rece-
 ptorum evertere certitudinem, spissisque igno-
 rantia tenebris, cuncta circumfundere labo-
 rarunt. Mirabile equidem est, quod Matth.
 Parisiensis de Magistro Simone Churnajo,
 [quem alii Thurvajum vocant] celeberrimo
 sui temporis philosopho in historia Anglica-
 na memoravit, quod quum aliquando subti-
 liter pro Trinitate disputasset magno omnium
 applausu, elatus inde supra modum, & Chri-
 stum palam irridens dixerit: *JESULE, JE-
 SULE, quantum in hac questione confirma-
 vi legem tuam & exaltavi: profectò si ma-
 lignando & adversando vellem, fortioribus
 rationibus & argumentis scirem illam infir-
 mare, & deprimendo improbare.* Quo di-
 cto, mox elingvis sit factus, & oblitus omnium,
 mente adeò motus fuerit, ut ne symbolum
 quidem orationemque Dominicam deinceps
 recitare potuerit. Additque author, multo-
 rum scholarium arrogantiam inde suppressam
 refrenatamque fuisse, id ipsum constare au-
 thoritate Nicolai de Fulii Dunelmensis postea
 Episcopi, qui testis ejus rei certus fuerit &
 ocula-

Matth.
 Paris. in
 hist. An-
 glie. ad
 ann.
 MCCI.

oculatus, literisq̃ue mandari rem omnem ius-
 ferit, ne posteritas tantum miraculum (imò
 tam tragicum è noxia damnificaq̃ue curiosita-
 te casum) ignoraret. Absit verò ut cum quo-
 dam magni nominis scriptore huic neosce-
 pticorum, maleq̃ue curiosorum ordini accen-
 seamus DES. ERASMUM; etsi enim alicubi
 is scripserit, se toto *vita tempore nihil aliud di-*
dicisse, quam se nihil scire; non tamen hoc ip-
 so negavit, veritatem ullam dari, sed solum
 repertu difficillimam esse, virosq̃ue summos
 ac doctissimos, eruditionem suam æstimare
 nullam, si illud quod cognoscunt, cum eo
 quod ignorant componere velint. Propius
 ad Scepticismum illum detestandum accessit.
 H. CORNEL. AGRIPPA, dum Cynica sua
 de incertitudine & vanitate Scientiarum de-
 clamazione, non solum omnes labefactare di-
 sciplinas, verum etiam contendere non dubi-
 tavit, nusquam certi quicquam, perpetui
 & divini occurrere in solidis DEI eloquiis,
 atque eminentiâ verbi divini. Nec minus *Confer*
 constat HIERONYMUM CARDANUM & *Valles.* *f*
 Fr. VALLESIUM Scepticorum opinioni *lib. de*
 nos fuisse, alios verò in semiscepticorum sta- *Sacra*
 tione substitisse, vel ad Arcesilæ Pyrrhonis *philos.c.*
 q̃ue exemplum, nullum unquam librum aut. *64. & M.*
 scripsisse aut evulgasse, vel modis omnibus *Schoke*
 sceptin suam interpolasse. Quid quod Ma- *loc.cit.*
 gnus ille ævi nostri Philosophus Petrus GAS- *cap. 19.*
 SEN-

SENDUS in eodem luto hæsisse videatur, eo quod argumentum libri sui adversus Aristotelem secundi argumentum delineaturus, in hæc eruperit verba: *Atque hic præcipuum est, ubi cognitio scientiaque humana arguitur infirmitatis, ac incertitudinis. Hic est ubi*

præcipui jaciuntur Pyrrhonismi fundamenta, stabiliturque maxime illud: Nihil SCI-

RI. Sed cum liber ipse, cujus argumentum verbis hisce Gassendus delineavit, non prodierit, nihil de eo temerè pronunciabimus. Majori fortè jure neo-scepticis illis ac-

+ censueris ABRAHAMUM DE BALMIS, Rabbinum & Grammaticum non incelebrem, de quo notanter* Sebastianus Münsterus; *Abraham de Balmis (inquit) nihil aliud agere mihi visus est, quam veterum doctrinam perpetuè convellere atq; impugnare, magis in insectando occupatus, quam in docendo. At in dubium tantum vocare priscorum præceptiones, cum interim nihil certi statuas, NON DOCERE est, SED RIDERE.* Haud abs re equidem infelices ejusmodi, maleq; affecti literiones compellari pos-

sent

* Münsterus in præfat. præfix. Gramm. Elia. Scripsit Abraham de Balmis Grammaticam cui tit, *Mikne Abraham, sive peculium Abrahami.*

sent Lactantii verbis, quibus Ciceronem olim, tanquam sibi in Academicis speculationibus minus constantem, miserè exagitavit. *Lactant. lib. III.*
Div. institut. cap. 14.
Studuisti nempe (ajebat) philosophia, & quidem sic, ut nullus unquam diligentius; quippe qui omnes cognoveris disciplinas, sicut ipse gloriari soles, eamq; ipsam Latinis literis illustraveris, imitatoremq; te Platonis ostenderis. Cedo igitur quid didiceris, aut in quâ sectâ veritatem deprehenderis? In Academia scilicet, quam sequutus es? quam probasti? At hac nihil docet, nisi ut scias te nihil scire. Tui ergò Te libri arguunt, quam nihil à philosophia disci possit ad vitam. Hac tua verba sunt: (NB. liber in quo ea scripta fuerunt, nunc intercidit) mihi autem non modo ad sapientiam cæci videmur, sed ad ea ipsa, quæ aliquâ ex parte cerni videantur, hebetes, & obtusi. Si ergò philosophia est magistra vitæ, cur Tibi ipse cæcus & hebes, & obtusus videbare, quem oportuit illa docentem & sentire & sapere, & in clarissima luce versari? - - Tuo itaque judicio philosophia stultitiæ inaninatisq; damnata est. Idem in consolatione, id est in opere non joculari, hanc

hanc de philosophia sententiam tulisti : sed nescio quis nos tenet error , ac MISERABILIS VERI IGNORATIO. Ibi est ergo philosophia magisterium ? aut quid Te docuit illa vita parens , sic verum miserabiliter ignoras ? Haftenus de extrema male-curiosorum , malè-fanorumque istorum literatorum infelicitate Lactantius.

III. Sed & graviori, imò vix eluctabili periculo, NOXIA CURIOSITAS mancipia amatoresque suos exponit, ipsius videlicet FIDEI RELIGIONISQUE TEMERATÆ; Etenim cum fieri vix possit, quin in tanta rerum ac sententiarum [curiosè pervestigatarum] diversitate plurima displiceant, imò alia atque alia se mutuò expellant, ratiocinationes quæstionesque substituantur, pudoris auferatur innocentia, & verecundia, frons quoque audax & confidens inferatur; haud infrequenter accidit, ut Curiosis istis opinionistris vera in quâ nati sunt Religio minimè satisfaciat, verum assidua cogitatio animos eorum subeat, quomodo ad singularitatis curiositatisque suæ regulas ipsa Religio reformari accomodarique queat? Si quandoque illi diversarum adversarumque Religionum Professores alloquantur, & unum quemque eorum asserere audiant, quod ex ejus parte stet veritas, pro quâ mortem subire paratus sit etiam

am atrocissimam, inde concludunt Protei illi, melius esse summam profiteri in credendo libertatem, quam dubiæ adeò veritatis subire aleam, cum [uti dicere non verentur,] inter Christianos dissentientes nondum ullo ἀναμαρτήτω iudicio decisū sit à quorum parte stet veritas, sed omnes eam in suas trahere partes conentur. Neque ex alio fonte manavit pessimum illud iudicium, quod Author Irenici Irenicorum de Christianorum dissentientium sectis hunc in modum tulit: *Cum sine dubio nos se desideres Lector, quis sim, & quomodo reformationem Christianismi præterea instituendam esse putem? breviter ita habe, me nec Lutheranum, nec Calvinianum, nec Remonstrantem, nec Gracum, nec Pontificium, nec Socinianum, nec Mennonitam, nec ullum alium ex hodiernis sectis esse hominem. Interim Ecclesiasticos conventus non prorsus aversor, neq. sectam Christianorum ullam, cum aliquid boni tamen apud singulas invenerim, adeoq. per ipsas omnes profecerim. A fratribus scil. Bohemis & Lutheranis accipiens Reformationis & libertatis Christiana initium, à Calvinianis primum rationis usum in Theologia, à Remonstrantibus progressum in libertate con-*

*Author
anon. Iren.
ren. edita
1658. p. 79.*

962 COMMENT. IX. ET ULT. DE NOXIA LIT-
fentiarum, à *Gracis veritatis antiqua*
reliquias, cum Bibliis ipsis & Patribus, à
Pontificiis operum bonorum necessitatem,
cum Patribus nonnullis Latinis, à Socinia-
nis judicandi dexteritatem, à Mennonitis
demum vitam Christi rectius quodammo-
do non dicam explicatam, sed adumbratam. Im-
mo (ut mentem meam clarius aperiam, omnes
quoq; hodiernas Christianorum sectas sine ullo
discrimine Ecclesias Christi esse profiteor.
Consimili prorsus ratione superioribus annis
diversas inter se religiones non sine dispen-
dio veritatis commisisse Hieronymum Carda-
num, in libris suis de Subtilitate, & Johannem
Bodinum, composito, sed nondum edito de RE-
RUM SUBLIMUM ARCANIS ingenti volumine,
Gabriel Naudæus in Bibliographia politica
annotavit. Quibuscum conspirantes hodiernum
malè curiosorum literatorum plurimi, cum
nulla Christianorum secta communicare vo-
lunt, omnes ad singularitatis suæ regulas re-
formare desiderantes, summisque elogiis cele-
brantes Πολύμορφον illam PRUDENTUM re-
ligionem, sectas diversas earumque partes
commiscentem, jamque ex hac, jam ex alia
[ad authoris pseud-Irenici exemplum] quod
congruum ipsis videtur amplectentem, inque
suam rem vertentem, prudentiæ tamen elogio
inde

inde superbientem, quod à prudentioribus doctioribusque hominibus non absque singularr circumspeditione (uti quidem existimant) eligatur. Multiformem hujusmodi fidem à quibusdam etiam vocari GROTIANAM alibi notavimus, sc. ab ejus sive authore, sive fautore insigni Hugone Grotio; qui primum Reformatorum religioni addictus fuerit; postea Remonstrantium; Sociniana insuper dogmata (quæ dudum scriptis impugnaverat, pingere cœperit; variisque Nationibus, Gallis; Suecis, Anglis vela faciens; diversarum sectarum placita in scriptis suis disseminaverit, saltemque miserit in alienam messem, nec ab ipsis Judæorum pudendis erroribus abhorruerit. Vix equidem ex alio, quam extremæ Curiositatis fonte, confusi adeo de religione sensus suam traxere originem; quod Grotius professione Jctus & Politicus eo usque sese rebus immiscuerit Theologicis; imò controversiarum Religionis, quæ per seculum & ultra decidi non potuere; Conciliator & Arbitr; Scripturæ quoque universæ interpres; & dubiorum quorumvis in eadem, etiam ἀπείρων καὶ αλύτων discussor ab omnibus haberi voluerit; suoque Marte nulla non propugnare placita ausus fuerit; Non magis, tamen [dicente non-nemine] feliciter ei successit affectata hæc Theologia eruditionis laurea, quam Salmasio discepta.

Uld. ca

pist. de

Ashei-

smo erad.

ad Clar.

Reis.

J. H.

Boecklæ

in præf.

Notat

ad libb.

Grotii de

Jur. Be

P.

Qq̄ 2

Eio

no sua cum *Ictis* perperam suscepta; & quamvis uterque providerit procellas adversus se surrecturas, immodica tamen illa sciendi agendique fitis prohibuit, quo minus ab illaudatis *ne.odoxi*as conatibus abstinuerint, aut rectiora melioraque suggerentibus aures præbuerint benigniores.

IV. Neque verò sic satis excussum NOXIAE CURIOSITATIS seminarium, neque exhaustus fons ille extremae perditionis: Ea frequenter literatos male-curiosos cura versavit, quomodo vel res divinae totiusque naturae captum excedentes indagari, vel inaccessibleia humanis mentibus mysteria explicari, vel confidenti audacia ipsum mundani excidii tempus [cujus arbitrium Pater coelestis sibi tantum reservavit] cognosci queat, impudenter ad hæc inquirentes quid divina mens egerit, antequam Mundi fundamenta jaceret? cur tamdiu generis humani distulerit redemptionem? cur tot infidelium Nationes in tenebris vivere permiserit? Si fatuus haud abs re diceretur ille, qui Grammaticam aut Logicam scire tentaret, antequam prima literarum didicisset rudimenta, cur non & stultissimus dicetur ille, qui divina investigare præsumit, antequam infima & humana fuerit assecutus. Miranda sanè hominis superbia, qui cum vix valeat ea quæ juxta se sunt, cognoscere, talia inquirere non vereatur. Quid est tandem
quod

quod Magnes trahit ferrum, & illud remittit, si Arabicus vel Indicus Adamas adhibeatur : *Apud Garamantas* (inquit Augustinus) *quendam perhibent esse fontem tam frigidum diebus, ut non bibatur, tam fervidum noctibus ut non tangatur.* *In Epiro alium fontem, in quo faces, ut in ceteris extinguuntur accense, sed non ut in ceteris accendantur extinctæ.* De his similibusque rebus Curiosi illi prius reddant rationem, quam ausu temerario in ea inquirere velint, quæ totam naturæ humanæ excedunt capacitatem. *Altera se ne quarant, & fortiora se neutiquam tententur.* Nihil periculosius equidem homini literato, nilq; perniciosius esse, quam extra officii sui profligare sphaeram, scientiæque humanæ terminos excedere velle, sapientissimorum Virorum constat iudicio. Quis militem non miraretur de libris potius quam armis differentem? Quis non rideret Architectum de curandis morbis sollicitum, aut Medicum de construendis ædificiis colloquentem? Maximis equidem erroribus involutum labyrinthum ingreditur, quisquis extra scientiæ facultatisque suæ sphaeram ambulare conatur. Refrœnanda quadantenus est ingens illa sciendi cupiditas, ingeniumque (quod Seneca dicente *natura nobis CURIOSUM dedit, & artis ac pulchritudinis suæ conscium*) ita coercendum, ne suos prætervollet pervertatque terminos. Quod si felicioris

*Confer
Bartol.
char lit.
P. 284:*

ingenii literatus ad latentes rerum causas per-
vestigandas extimuletur; Quæ nimirum sit
vis illa quæ vastam cœli molem motu circum-
agat perpetuo? Sitne stellarum errantium cœ-
lum multiplex, & diversum, an verò una pro-
lare toti stellarum familiæ cœli domus suffici-
ciat; Ex quâ vel conflatur vel constet cœlum
materia? liquidâ, ut est ær, an durâ ut est a-
damas? unde maculæ & faculæ circa Solem?
Quo igne accendantur, quo alantur pabulo,
cometæ? Numerus stellarum quantus, quanta
magnitudo & velocitas illarum? Quis elemen-
tis temperaturam, quis illum oppositarum qua-
litatum consensum mirabilem, quis occultas
virtutes influat? Quis mari accessus & recessus
dicet? Quicquid est denique & quicquid fa-
ctum est, cuius naturæ sit, & quomodo condi-
tum? Ad hæc inquam, ejusque farinæ innu-
mera alia cognoscenda indagandaq; si ingeni-
um extimulet hominem literatum; opera i-
psi navanda est sollicita, ne [ut antea diximus]
extra Sphæram suam unquam profiliat, & à
scopo palmario turpiter aberret. Præcipue
verò maximeque illi cavendum, ne FIDEI &
Religionis arcana, unquam philosophicâ ex-
plorare curiositate præsumat. Non habent
noctuæ (ait sæpè laudatus scriptor) o-
culos Solis patientes, quem vix aquilæ fe-
runt, niſtantibus oculis, quamvis firmi-
oribus

*Idem l. c.
P. 273:*

cribus adamante - - Quid est obsecro mens humana dum sensuum gravatur pondere, nisi Struthio - Camelus, minor alarum mole quam corporis, nec humo se valens efferre, nisi passis alis, gradum in terra ponat, Quanquam pennis simus alati amplissimis, evasurine ad nubes sumus? Quid dicam ad Solem & majores stellas? Quis altissima licet imbutus rerum divinarum contemplatione, litare cum Atheniensibus non cogatur IGNOTODEO? Quis inquam non fateatur se ad percipienda quæ de se DEUS occultat inhabilem, & postquam suarum alas cogitationum ex ritu avium sacrificandarum torserit, non suam arguat imbecillitatem temerariam aureo illo Augustini dicto: *Melior est fidelis Ignorantia, quam temeraria scientia*; Nunquam fontium aquæ prosiliunt altius, capitibus fontium ex quibus sunt ortæ. Tantum sursum feruntur, quantum in declivia fluxerunt. Atqui nostrum hoc qualecunque scire, unde quæso nascitur & habetur nisi ex sensibus? Sensus verò quarumnam rerum sunt capaces, nisi earum quas claud-

968 COMMENT. IX. ET ULT. DE NOXIA LIT.
dit suis finibus natura ? Ex iis denique
naturæ finibus qui tandem possumus di-
cere Fontem aquæ salientis in vitam æter-
nam ? qui fons scientiâ designat superna-
turalium & divinorum. Nec immeritò idem
scriptor ejusdē farinae impiè curiosos literatos
reprehendit ex eo, quod se ipsos sui Magistros
inaugurent, & quidem ejus scientiæ, cui nun-
quam Mundus viderit discipulum : mentis a-
cumen fatigent, ut in apertum nudæ veritatis,
supra quam possit ac liceat, conspectum se pe-
netrent, & vix dum fidei lacti sugendo idonei,
ejus invadant in ossa, ut eorum medulla pa-
scantur, ac velut nihil omiserint in vasto na-
turæ ambitu, quod non teneant animo com-
prehensum, arcanorum fidei profanam medi-
tentur indagationem : *Ingenio* (scribit notan-
ter) *polles, sed quantulo si ad Augustinum?*
præ quo ut gryllus videris equo prævalido
& generoso collatus. Et talis cum sis au-
des ea tentare, à quibus ille viribus suis diffi-
sus se removet ? Qui certè mari tantum non
so cum Philosopho demergens ; O abyssè (inquit) *tu*
me cape, quia te ipse non capio ! Quin etiam lo-
cis sexcentis contestatur nescire se quicquam,
ac ne capere quidem quid sit scire : Nescio &
non erubescō confiteri, me nescire quod ne-
scio. Et audes Tu os aperire ac vocem mitte-
re, ut impugnes vel in dubium revoces, quod
absque

Idem l. c.
p. 276.

absque numero & mensura docti, quod mor-
tes martyrum infinitæ, quod nullis non lo-
cis & temporibus edita potentiæ divinæ pro-
digia, quod tot consensus populorum asserunt,
confirmant, chirographo inexpugnabili mu-
niunt? Sapientiæ tuæ lucernâ tenui examina-
bis sc. Solis lucem, nec apud te magistri su-
premi sapientia valebit, quod apud discipu-
los Pythagoras valuit? Nobis CURIOSITA-
TE OPUS NON EST POST CHRISTUM
JESUM, NEC INQUISITIONE POST EV-
ANGELIUM. Sed & Geographos advo-

Tertull.

de præscr.

c. 7.

Barc. l. c.

cavit scriptor doctissimus, ut literatos à
noxâ in divinis rimandis Curiositate abduce-
ret. Solent inquit Geographi cum ad metas
venerunt cultarum regionum; IGNOTAS ha-
ctenus, punctorum lineis notare, adscriptis
verbis, TERRA INCOGNITA. Quem mo-
rem Plutarchus in sui excusationem appositè
vertit, quod Heroum vitas aggressus scribere,
non potuisset illorū sigillatim gesta divinare,
quibus essent immortalitatem apud homines
consecuti; Antiquitate siquidem nimia, & ob-
livione quæ illam subsequitur, magnam vitæ
illorum occultari partem, ut TERRAM IN-
COGNITAM. Quod Plutarchus de illorum
gestis refert, illud idem cadere potest in com-
plexum illum rerum omnium, quæ possunt à
nobis intelligi. Multa sunt in iis nota, la-
tent multa, non modo incognita, sed extra

Plutarch.

in vit.

Tbes.

cognitionis nostræ facultatem & sphæram sita, donec in illam subeamus scholam, ubi primo, & solo divini verbi aspectu nobis imprimatur æterna & clara eorum intelligentia, quibus indagandis hic frustra contendimus. Huiusmodi sunt occulta & incomprehensa sacrosanctæ fidei arcana, quo minus aperta, hoc securiora, quo minus permessa curiositati mortalium, hoc sacratius & certius eorum fidei commissa. Quantamcunque quis excelsum intelligentiæ & acumen sit nactus, scrobicula est unius palmi ad Oceanum, si cum iis quæ cupit mente comprehendere, se componat. Attollat quantumvis animum & contemplandi aciem in sanctos divinæ fidei recessus, non fiet propior quam Gigantes cœlo --- Dic sodes priusquam conscendas altius, quod S. Hieronymus Te rogat, cur pedes Elephanti, qui mons carneus est, duntaxat quatuor dati sunt, quibus molem corporis immanem regat & fulciat; musca quæ punctum viventis est, sex pedibus nititur? Non pudebit opinor id nescire, quanquam ut hoc scias, nihil sciveris. Et scire Te credis & intelligere, quod nemo mortalium percipit, etiam si nihil non percipiat? Quam Tibi aptè hic Zeno Stoicus correctoris operam commodet, ut juveni olim quam mento depili, tam capitis vacui. Cui responsum audacius ad quaesita sciscitanti, quæ ne ipse quidem satis perceperat; ob os objecit speculum, interim ad

ures

aures suggerens, censeretne illa quæ interro-
gabat, & responsa quæ reddi volebat, bar-
bam illam decere? Optimè tandem scriptor, *Bart. l. 6i*
ille acutissimus judicavit, omnes illos cum, *p. 276.*
Thalete offendere, inque foveam prolabi, qui
ascensum ejusmodi stellis altioremediten-
tur.

V. Utinam saluberrima hæc Virorum,
prudentiorum monita ad animum sibi revo-
carent illi quoque LITERATI ORBIS incolæ,
qui perniciosæ CURIOSITATIS labe polluti,
ad futurorum etiam prædictionem, rerum oc-
cultarum manifestationem, omnisque generis
divinationem animos applicare solent, donec
horrendis maximè laqueis involvantur. Acci-
dit hoc ipsum superiori ævo Viro multijugæ
eruditionis laude conspicuo GUILIELMO
POSTELLO, qui editis [Sammarthano
teste] locupletibus doctrinæ suæ monumentis,
mulierculæ cuiusdam, vel potius noxiæ curiosi-
tatis præstigiis fasciatus, asserere non dubi-
tavit, se morte obitâ revocatum ad superos, &
juvenili ætati restitutum, rerum maximè ab-
strusarum cognitionem acquisivisse. Mox au-
tem urgente Magistratu ille violatæ persuasio-
nis reus, gravissimum famæ & vitæ periculum
subiit. CURIOSITATEM initio descri-
bentes, appetitum inordinatum nuncupavi-
musea cognoscendi, quæ vel inutilia, vel ca-
pui humano minimè sint accomodata; hæc

*Sammarthano
in elogiis
Gallor.*

inter

inter palmarium quasi locum sibi vindicant plurimæ species DIVINATIONUM, quas immodicè sciendi siti ferè tabescentes literati, ardore tanto captare solent, ut pariter ac Postellus ille, gravissimum inde & vitæ & famæ & beatæ æternitatis periculum incurrant. Tantum verò abest ut hunc in censum Astrologiam referamus Naturalem, (quæ astrorum naturam, planetarum ortum, occasum, junctionem, oppositionem, varium aspectum, tum inter se, tum ad stellas fixas & eclipses considerat, eque earum motu & situ de futuris elementorum, & corporum affectionibus fert calculum,) ut potius inde magnam utilitatem in Orbem redundasse cum Basilio lubentes fateamur; *Quantum* (ait ille) *utilitatem vitæ præbeat significatio ex astris, quis ignorat? Expedit enim nauta intra portum navem continere, ubi pericula ex ventis prospexerit, expedit iter facienti procul declinare detrimentum, & ex tristitia cæli aeris mutationem expectare. agricola autem, qui circa semina & plantarum curas occupati sunt, omnes inde inveniunt operarum opportunitates.* Gravissimam potius censuram, damnificæq; curiositatis notam ii incurrunt, qui ex siderum observatione de futuris contingentibus, universâ vitæ humanæ conditione, de liberis, opibus, infortuniis, inimiciis, carcere, morte denique judicare, aut

*Basil.
homil.
VI. in
hexæm.*

aut judicantibus fidem tribuere non verentur, à pessima illa animi ægritudine liberari haud quaquam cupientes, etiamsi videant Astrologos toties à veritatis tramite aberrasse, eosque tot luculentis mendaciorum stigmatibus hæcenus notatos fuisse. *Nescio quidem* (scitè ait nonnemo) *an non forte ex stellis ERRATICA* ^{Besnier⁹} ^{in Arâ} ^{Cœli De-} ^{cad. II.} ^{concion,} ^{10.n.2.} *quædam sint dicta, non tam quod motibus, sedibusq; incertis ipsæ errent, quam quod in errorem Astrologos, eorumq; client* ^{tes inducant, eo dicendi genere, & phrasi,} *quo pallida mors vocatur, non quæ palleat, sed quæ pallore cadavera afficiat, & pigra hyems ab effectu.* Quo autem errore, quâ noxa ejusmodi præscientiæ libido eruditos sæpè occupet, ut à verâ naturæ ac divinorum operum contemplatione abducti, futurorum eventuum notitias capere cœperint, sive per astrologos ex siderum situ motuque, sive per augures vel aruspices ex avium cantu, & volatu, aut per sortilegos ex sortibus, sive per interpretes ex somniis, ostentis ac portentis, sive per physiognomos ex delineatione habituque corporis externo, sive per Metoposcopos speciatim ex fronte, sive per Geomantes, Hydromantes, Necromantes, pyromantes &c. facile intelligemus, si perniciosæ Curiositatis genium atq; indolem habeamus probè perspectam.

Quam

Quamprimum ista menti suffunditur caligo; tot tantæque eam obruunt tenebræ, ut inde hebetatâ animi acie homo ad futura semper anhelans, jugiter inter speranda ac metuenda, ceu procellis agitata navis certissimo errore divagetur, & nihil non faciat, non credat, non suscipiat, quo se expediat à fluctibus, atque si non præsentem, saltem futuram sibi aucupetur felicitatem. Ut verò **CURIOSE - LITERATUS** maturè conjiciat quam frivola inepæque sint illaudatæ illius illicitæque Divinationis artes; [non enim omne omnino prædictionis genus promiscuè rejiciendum esse; apud cunctos veritatis assertores est exploratissimum;] probè consideret, quod pleraque in numero signorum futura prænotantium (sint ambigua & obscura, quibus neutiquam respondeat eventus; eaque propter ancipiti solum consensu ab hominibus [quamvis valdè superstitiosis] hætenus sint admissa, sive in astris illa fuerint observata; sive in plantis; sive in animalibus; sive in somniis; & cæteris ejusmodi pluribus; quod etiam nulla certa præsensio aut prædictio esse possit eorum; quæ omni fundamento sive naturali; sive artificiali, sive revelato sive rationali destituuntur; ideoque divinationes istas utpote patre diabolo natas, omnino esse rejiciendas, quamvis non raro accepta à talibus signis vaticinia ille ad illudendos perdendosque homines rata fecerit. Non malè Vincen-

tius Ferrerius notavit, quosdam ex merâ vanaque curiositate REVELATIONES PECULIARES expetiisse, qui tamen ut plurimum [DEO permittente] à diabolo miserè sint decepti. Faretur alicubi Augustinus ipse, cōstatum hoc dæmonem sibi persuadere, ut signum aliquod [seu revelationem [à DEO peteret; se verò id detrēctasse; gnarum quam multos HÆC CURIOSITAS decepisset. *Sed & alia enarrantur* (verba Gersonis dignissima notatui adscribo) *exempla sanctorum Patrum; qui CURIOSITATEM huiusmodi visionum vel miraculorum tanquam perniciosissimam fallacissimamq; refugerunt, à qua se Augustinus liberatum in suis confess. gloriatur in Domino, quam propterea Bonaventura abhorrendam nimis esse determinat, totaq; conatu repellendam orationibus, increpationibus &c.* Sunt qui ferventissimum illum prædicatorem Florentinum HIER. SAVONAROLAM noxiæ hac in parte CURIOSITATIS accusare, ac veluti nimium revelationum incertissimarum sectatorem admiratoremque exagitare non dubitant. Etenim disertè Cominæus scribit, Savonarolam in plurimorum incurrisse reprehensionem, quoniam DIVINITUS sibi quædam demonstrata nuntiasset, nimirum de Gallorum novâ in Italiam expe-

*Vincent.
Tract. de
Vita spi-
rit. c. 11.*

*12.
Confer
lib. 10.
Confess.*

*Comin.
lib. V. de
B. N.*

expeditione, Ecclesiae renovatione, instanti-
 que Turcarum, Judaeorum aliorumque infide-
 lium conversione &c. *Quam ille multa* [ita
Delrio *Disquis.* Delrio) *de Ecclesia reformatione, Turca-*
Magic. *rum conversione, & Florentinorum felici-*
lib. IV. c. *tate, quae mox adimplenda, & adstantium*
1. quest. *multierant visuri antequam moreretur, pra-*
3. f. 5. p. *dixit ? addens* (in revelationum com-
 582. *pendio*) *illas absolutas & immutabiles pro-*
phetias esse, attamen nihil horum verè ad-
huc contigit, pleraq; omnia intra centum
annos contraria contigerunt. Longè se-
 verius de Savonarolæ revelationibus iudicium
 à Gabriele Naudeo est profectum, quod ex li-
 bro ejus gallico (sub tit. *apologia magnorum Viro-*
rum. falso Magie accusatorum Paris. 1667. edito)
 excerptum, nuper Vir gente & mente præclaris-
 simus Dn. TOBIAS WINCKLERUS me-
 cum communicavit. Extremæ nimirum mali-
 tiæ simulationisque stigma insigni illi Præconi
 infigere, omnemque virtutis sinceritatisq; lau-
 dem auferre Naudeus atro sua calculo labora-
 vit. Quæ verò è scriptis Savonarolæ (præser-
 tim practicis) elucet pietas zelusque plane sin-
 gularis, clarissimum innocentiae ejus testimo-
 nium perhibere, ipsumq; potius Naudeum fal-
 sitatis & iniquitatis summæ convincere vide-
 tur. Si vel maximè ille ferventissimo suo studio

& forti imaginatione talium rerum quas prædicebat, indeque orta infirmitate quâdam graviore esset abreptus, neutiquam tamen atro aded carbone prædictiones ejus fuissent notandæ, siquidem haud ignotum sit, quid Viris etiam optimis ac pientissimis dæmonis fraude non raro evenierit. Hinc verò cautius mercari discant omnes Theosophiæ christianæ cultores, atque summam prudentiam circa NOXIÆ CURIOSITATIS pestem declinandam adhibere studeant, ne ipsis divinæ revelationis loco, illusio aliqua sive allocutio diabolica obtingat, extremæque eos & vitæ & famæ, ipsiusque animæ periculo exponat.

VI. Eo magis denique infamis illa CURIOSITAS est obstupescenda, quod animos eruditorum nonnunquam in horribicos aded ausus abripiat, ut satiandæ inquietudinis ergo, nec DÆMONIS IMPERIUM refugere, nec ab explicito vel saltim implicito pacto magico - diabolico abhorreere videantur. Haud abs re detestandarum nefandarumque artium Magicarum origo dicitur nimium sciendi studium, pudendaque illa curiositas, quæ ad explendam immodicam suam sitim media illicita & à recto longissimè aberrantia usurpare, neutiquam veretur. Qui enim semel ausus est ultra humana concupiscere, desertus ab hominibus, Spiritus consulere incipit, & geniorum

niorum appetere familiaritatem. Itaque miserum CURIOSITATIS EXITIOSÆ mancipium characteres tandem adhibere, imò horrendas supplicisq̃ue dignas usurpare non dubitat incantationes, infamem illam Dæmonum commercii, inauspicatamq̃ue cognitionem, specioso OCCULTÆ PHILOSOPHIÆ titulo pallians, extremamq̃ue suam temeritatem non sine maxima in DEUM contumelia sapientia summæ elogio exornans. Tristia ceheu exempla huc usque docuere, quosdam literatorum sola urgente Curiositate magisterium Dæmonis admisisse, atque cum nefando isto humani generis hoste pactum execrabile iniisse, iis temerè sese involvisse laqueis, quibus tandem miserè constricti, sempiternam coacti sint horrificamque servire servitutem. Sane, cum Curiositati omne novum & admirandum in pretio, ejusque appetitus adeò sit caninus, ut sæpè in inordinata valdeque noxia ruat, accidit, ut summè lethalem illum morbum (causa externâ sc. magico consortio accedente) multi contrahant, miserèque tandem & æternum pereant. Non tanto damno afficerentur illi, si christianæ pietati potius quam nefariæ curiositati vacivas aures præbuisent. Si vera sint ea, quæ de HENRICO CORNELIO AGRIPPA quidam prodidèrè, si insignis ille Philosophus & Politicus (qui sub diversis & Principibus & civitatum Magistratibus

tibus per Italiam, Hispaniam, Angliam, Galliam multa arduaque facinora designavit, postea à publicis muneribus sese subducens, medicinam haud adeò infelicitè exercuit,) & Magiæ suspitione absolvi haud quaquam possit, dubium nullum esset, quin ex immodico illo sciendi agendiq̃ue desiderio, tantum & famæ, & vitæ & animæ subierit periculum. Ipse equidem in peculiari quâdam ad Johannem Trithemium epistolâ fatetur, *ab incunte ætate sese mirabilium effectuum, & mysteriis plenarum operationum CURIOSUM fuisse* Agrippa Lib. I. cap. 23.
EXPLORATOREM; & alibi haud obscurè videtur innuere, Chrysopæam se exercuisse, cum sociis fœdere sibi junctis, ob quam sapius apud principes libertatis ferè jacturam fecisset, & in carcerem etiam quandoque fuisset compactus. Malè etiam Agrippa audire, Magiæque insimulari cœpit ob libros de Occulta Philosophia in lucem emissos, quos admodum adolescens scribere aggressus, proveciori ætate correxit; multisque capitibus auctos Johannî Trithemio censendos obtulit, haudquaquam ipse dubitans, *multos (uti præfatio habet) vix conspecto titulo clamaturos, vetitas authorum artes docere, hæresum semina jacere, piis auribus offendiculo, præclaris ingenii scandalo esse, maleficum esse, superstitiosum* Idem lib. I. epist. 10.
Rrr a esse

Jovius in elogiis Doctoris Viror. esse, *demoniacum esse, &c.* Neque dissimulandum, quod de ejus obitu Jovius literis prodidit in h. m. *Excessit è vita nondum Senex apud Lugdunum, ignobili & tenebricoso in diversorio multis cum sanguam Necromantia suspitione infamem execrantibus, quod tacodamonem nigri canis specie circumduceret; ita ut cum propinquâ morte ad pœnitentiam urgeretur, cani collare loræum magicis per clavorum emblemata inscriptum, notis exsolverit, in hac suprema verba iratè prorumpens: ABI PERDITA BESTIA, QUÆ ME TOTUM PERDIDISTI.* Quantumvis verò Jo-

Joh. Wierus lib. II. de praestig. demon. c. 5. Martin⁹ Delrio Disquis. Magic. lib. II. gnaest. 29. f. m. 357. nis Virum insulsè adeò ex inanissimo vulgî rumore fuisse locutum, satis tamen superque constat, pessimam optimorum ingeniorum corruptricem CURIOSITATEM scil. perditam illam esse BESTIAM, quæ præter Agrippam, eruditorum plurimos perdiderit, horrendisque adeò constrinxerit laqueis, quibus æternum fuerint involuti. Perdidit illa ipsa bestia (Delrio teste) quendam Agrippæ commensalem NIMIS CURIOSUM, qui absente Dadu-cho Museum ingressus, in libellum conjurationum incidit, & ab advocato dæmone miserè necatus,

necatus, horrendas NEFARIÆ CURIOSITATIS (ut ait author) dedit poenas, perdidit & famosum illum Petrum de Apono, Anselmum Parmensem, Johannem Faustum, Michaellem Scotum, ipsumque Abbatem Trithemium, qui omnes nefariæ curiositatis peste correpti pariter ac corrupti, horrendi cum malignis Spiritibus commercii labem contraxere. De Trithemio equidem Carolus Bovillus testatur, *se eum Magum reperisse, nullâ philosophia Car. Beparee insignem.* Eundem in censum perditorum villis illi referendi sunt, qui Eruditionis pariter ac tantæ existimationis amplioris consequendæ gratia *Wicro* SPIRITIBUS utuntur FAMILIARIBUS, *lib. II. de* quos græci *παρῆδους* (eo quod adsint assiduè) *præst.* nuncupant, quosque sine gravi possessorum *dæm. cap.* noxâ nunquam recessisse constat, siquidem ut 6. plurimum cum illis dæmon pro certo paciscatur tempore, quo finito vel alium isti herum *Ademai* paredro reperiant, vel ipsi cedant dæmoni *terribile e-* candi. Nimirum funestum ejusmodi exitum *templū* omnes graviter adeò in DEUM delinquentes *de dæmo-* fortiuntur, ut satanæ ludibriis aliquandiu *ve-* no *pare-* xati, illiusque, & temporales & sempiternas *dro habet* perfidiæ suæ nefandæq; CURIOSITATIS *Nicol.* luant poenas. *Abi Bestia, qua miseros illos* (quod *Remigi?* Agrippam moribundum dixisse Jovius *tra-* lib. I. *de-* didit) TOTOS PERDIDISTI! *memorasti.*

VII. Etsi verò Curiosorum literatorum plurimi istos extremæ malitiæ perfidiæque

magicae laqueos effugerint, aliis tamen non minus periculosis ut plurimum ita sunt involuti, ut vel vel nunquam, vel non sine maximis difficultatibus ex iis sese expedire potuerint.

Jo. A. Non male Vir nostro ævo clarissimus observavit, omnium in Mundo perplexitatum calamitatumque causam ferè unicam esse, quod homines [præsertim literati, illaudatae Curiositatis morbo correpti] prætermittis Necessariis, non necessariis occupentur, implicentur, imò sine fine intricentur. *Plerunq; scil. CURIOSI*

mes Co- *circa res alienas, incuriosi circa proprias;*
memini *Et quod magis portentosum [notanter addit]*
in tra- *curiosi circa minutias, in quibus nihil ad felicitatem situm est: incuriosi circa maxima, in*
Etam *quibus vitæ & salutis cardo vertitur, alieno in oculo festucam videntes, eamque eximere solliciti, in proprio ne trabem quidem, unde eveniat, ut veritatem quærentium, & tamen errantium; studiosè laborantium, & tamen in vanum vires profundentium; desiderata bona anhelantium, nec tamen adipiscentium, aut frui nescientium, & dehinc rursus fastidientium hominum Orbis plenus sit eruditus. Quid inde fructus scire v. g. quomodo Jupiter duxerit uxorem, quæ fuerit patria Homeri, quæ vera Æneæ mater, an Sappho publica fuerit, aliaque similia, mox contemnenda, investigare otiosarum mentium pabula? Præclare quondam Demonax, cum quidam inquireret, AN*

MUN-

MUNDUS ESSET ANIMATUS? & rursus an globosus? *Vos inquit. de Mundo solliciti estis, & vestram ipsorum immunditiam non curatis.* Si equidem multi impensius solliciti sunt, ut abstrusa reconditaq; indagare queant, quam ut animum veræ doctrinæ virtutisque instruant thesauris, si sis *virtute ex-celsus. tolles ad sidera vultu.* Hoc verò Curiositati solenne, nunquam suos eo efferre, ubi non post annorum aliquot nummorumque depensum, retrò eundū potius sit, quam progrediendum. Nec aliud græcorum Sapientes significaverē, dum dogmata sua fabulis involventes, hominibus ævi sui literatis *Labyrinthos, Sisyphæa Saxa, Tantaliq. delicias* verè non minus quam ingeniosè narrarunt, scil. confusa esse omnia hominum indicantes, labores molestiæ plenos, fructuque cassos, voluptatumque loco dolores, & perpetuas spiritus afflictiones. Sanè si quis universæ Vitæ, à Curiosis literatis transfactæ scenam probè intueatur, si cui per singulas illorum ætates, status ordines ire esset volupte, nil nisi Labyrinthos deprehenderet, perpetuasque desideriorum frustrationes. Habent quippe labyrinthos suos Studiosi, nec illis destituuntur ætate provectiores, Senes denique literati vel maximè iis involvuntur. Philosophi cum primis, inque aliis humanæ sapientiæ studiis excolendis, tradendisque nimis curiosè

occupati, suos ubique invenère labyrinthos. Quantos quamque periculosos ipse omnium Philosophorum princeps olim subiit! *Hc est ille Aristoteles* (verba sunt scriptoris cuiusdam celeberr.) *cujus mores à Platone reprobati; unde exortum illius in magistrum odium & ingratitude, qui scelerosa vita iudicium veritus, Athenas clam raptimq, profugit, qui in benefactores ingrattissimus, etiam Alexandrum illum Magnum* (à quo amplè magnificeque exornatus exiit, quique illi vitam, corpus, animamque pariter atque patriam restituit) *stygia aqua veneno peremit, qui etiam de anima malè sentiens locum gaudii post mortem negavit; qui veterum dicta compilavit, maligneque explicavit, atque ita ingenii laudem furto ac calumnia captavit: quin jam inveteratus dierum malorum* **EX SCIENTIÆ IMMODERATA CUPIDITATE** *in rabiem versus, sibi ipsi intulit necem, ipsis demonibus dignum factus sacrificium, qui illum* **SCIRE DOCHERANT.** Et qui nostrà pariter ac patrum nostrorū memoria philosophiæ universæ reformationem sunt meditati, Petrus Ramus, Telesius, Robertus Flud de Fluctibus, Thomas Campanella, ipse denique Cartesius

refius, loco speratæ philosophiæ solidioris, defatigationes immensas, jurgia perpetua, & plusquam vatiniana quorundam odia contraxere. Postremus cum primis, ex perperuis errorum labyrinthis viam (uti putabat,) se reperisse credens commodiorem, scil. *de veritate jam possessa præjudicia seponendi, omnia de novo examinandi, neque quidquam nisi tam aperte verum ut everti non possit, admittendi*, consilia subreptis, novos periculosissimosque referavit labyrinthos, atque flagrantissimo Curiositatis igni oleum multis dolentibus & ringentibus superaddidit. Cæterum & Dialecticorum, & Physicorum, & Metaphysicorum, & Astronomorum, & Geographorum, & Historicorum, & Chronologorum, & Medicorum & Chymicorum plus justo Curiosorum labyrinthos quis enumeret? Hinc librariorum officinæ non solum tot libellis, à solâ Curiositate dictatis sunt instructissimæ, verum etiam scholæ tot disquisitionibus inutilibus, & christianæ fidei professoribus indignissimis inquietantur, dum quisque lingvâ stylove pro novis curiosisque suis inventis digladiatur, omnesque dissentientes maximo animi nisu de exultationis suæ gradu deturbare molitur, & quasi sub antiquorum Sophistarum sidere natus esset, longum sectatorum discipulorumque agmen, post se trahens, atque

*Confer
Commer-
tat. V. de
Conten-
tion. lite-
rat.*

solus æstimari cupiens ab improvidâ juventute, quæ tamen [ut scitè nonnemo * ait] *haud aliter atq; pisciculi, quos fallaci hamo imposita esca perdit, capiuntur ab iis, qui institores sunt novorum (curiosorumque) dogmatum, quæ non possunt non palato juniorum summoperè allubescere, quod omnes homines rerum novarum quam avidissimi sint.* Ne verò citra iudicium videatur juvenus ad hos illosve Doctores divertisse, illi quos non tam eruditior, quam major chorus delectat, sollicitè dant operam, ut videantur instructi esse tali methodo, ex cuius præscripto non solum feliciter compendioseq; studia queant institui, verum ipsa quoq; disciplina reddi perfectiores. Atro nimirum carbone Vir celebris notavit Ren. Cartesium, vel potius renatum ejus scepticismum, prætensamque libertatem philosophandi, imò tollendi & in dubium vocandi omnia natu-

* *M. Schokius præf. libror. de Scepticismo.*

In tales etiam malè curiosos aliquid videtur molitus fuisse Caspar Barleus, si fidem habemus Vossio lib. 1. de arte Gramm. c. 3. sed quod hætenus lucem non aspexit. Exarmare quoque eosdem laboravit Thomas Campanella, lib. 1. Metaph. sed uti omnes censens nimis generaliter atque suo more confuse.

naturalis luminis principia atque axiomata, communi philosophantium consensu recepta, nec non stolidam illam de novis inauditis, & admirandis methodis gloriationem, omnisque scientiæ fideique abjectionem. Ac licet præ-
tensa illa libertas philosophandi, maximam, post se trahat scientiarum disciplinarumque om-
nium perniciem, quibusdam tamen arrisit, tantoperè, ut pro neo-scepticismo illo veluti
pro aris & focis dimicare, ipsaque pietatis fidei-
que christianæ dogmata periculosa adeò alex
exponere non dubitaverint. Hoc opus, hic
labor fuit anonymi illius scriptoris, qui **SCRIPTURÆ EX PHILOSOPHIA** haud ita pri-
dem meditatus est **INTERPRETATIONEM**, latensque pectoris sui virus, verbis prodere
non dubitavit sequentibus: *In his* (Theolo-
gicis scil. dogmatibus) *inter alia indagandis*, *terpres*,
dum omnem cogitationem figo, *incidit illicò felicis-*
sima illa methodus, quâ nobilissimus ac incompara-
bilis Vir Renatus des Cartes, *Traetate*
Theolog.

Primus inaccessum qui per tot secula verum
Eruit è tetrīs longa caliginis umbris,
Philosophiam ab ipsis restauravit fundamen-
tis, à tot tantisq̃, quibus scatebat, repurga-
vit lacunis, ac proprio nativoque restituit
nitore; nempe præjudiciorum omnium abdi-
catio seria, & nullius rei, nisi clarè distin-
ctæq̃ percepta assensio atq̃ assertio. Diu
multum

*Vid. liber
cui tit.
Philoso-
phia Scri-
ptura in-
genua
nec non
Traetate
Theolog.
pol. de li-
bert. phi-
losoph.*

multumq; reputavi mecum sedulo, an quem-
 admodum illi in philosophia, sic & mihi IN
 NB. THEOLOGIA liceret conducereque IN
 DUBIUM REVOCARE, quicquid in du-
 bium revocari posset, idq; continuo tanquam
 falsum rejicere, donec tandem ad aliquid in
 Theologia firmum ac stabile, quo tuto pe-
 dem figere possem, pervenirem. Et cum
 hanc in rem scriptorum quorundam Reforma-
 torum aut libertinorum potius suffragia pro-
 tulisset, pessimum hoc NOXIÆ suæ CURIO-
 SITATIS dedit documentum: *Tamorum Vi-*
rorum auctoritate, atq; ipsius rei veritate permo-
tus ac suffultus, manum operi admoveere volui, ac
Cartesii vestigiis insistens, experiri, num THEO-
LOGUM agendo, atq; in Theologia quicquid
tanquam dubium ac incertum, removeri potest,
removendo, tandem perveniri posset ad aliquid in
ea primum, quod removeri nequeat. quin tota si-
mul corruat atq; removeatur. Quis obsecro in-
 frunitam hanc nefariamque Sacra polluendi li-
 centiam, atque expeditissimam ad atheismum
 viam toto non detestetur pectore? Sint aliàs
 novarum ejusmodi methodorum inventores
 Bruti quidam literarii, subtilitatum terebræ,
 dissolverint quicquid olim habitum fuerit.
 ἄλυστον, hoc ipso tamen consilio sese bonos
 Christianos neutiquam comprobarunt; verum
 Scepticismum, ejusque individuum comitem
 atheis-

atheismum plenis velis introduxere. Et quamvis ii, qui scientiarum disciplinarumque Sophicarum instaurationem perfectionemque novis suis methodis aut compendiis (an potius dispendiis?) quasiverunt, non tanta tamque atrocia mala invexerint, ut illi Sacrorum invasores; dubium tamen nullum est, quin & ipsi curiositate sua plurimis in erudito Orbe turbis, dissidiis, gravioribusque literatorum moribus ansam dederint atque occasionem. *Non M. Schan-
inficias eundum* (scribit ante laudatus phi^l *him cit.*
losophus) *inter hos multos occurrere Vi-prafat.*
ros egregios, quos fatendum est, in ordi-lib. de
nanda sive universali, sive particulari me-Scepticis.
thodo, plurima cum ratione monuisse, qua
si observarentur, & labor compendiosior red-
deretur, nec periculum foret à variis erro-
ribus, quos veritatis insignibus velatos, vix
ipsi senes exuere possint, quod à teneris eos
imbiberint, diuq; in sinu suo quam arētissi-
mè foverint; sed dum adversa fronte in-
ter se concurrunt, & unusquisq; ex asse sua
methodo, licet aliorum quoq; observationibus
substructa, omnem laudem & gloriam vin-
dicare contendit, ultra methodum vix pro-
ceditur, disciplinaq; non solum sperato de-
stituuntur ornamento, sed ipsi quoq; disci-
puli

690. COMMENT. IX. ET ULT. DE NOXIA LIT:
puli in vestibulo solo detinentur. Laudare
possem ultra viginti Viros celeberrimos, qui
intra seculum varia evulgarunt scripta
aut de methodo, aut de perficiendis disci-
plinis, aut de augmento earundem, qui ta-
men parum aut nihil in una quaq. discipli-
na pro illius perfectione præstiterunt. En
vanos malè-curiosorum hominum conatus!
Et quamvis Eruditi multivariis scientiis dediti,
artem non errandi, non succumbendi, non
speratis bonis excidendi quæsierint, illamque
se tandem aliquando obtinuisse audenter pro-
fessi sint, vanam tamen eam esse, fallacem, in-
numerisq. casibus obnoxiam, præter historicos
& Poëtas, tot cassi doctissimorum hominum
labores inelamavere, quibus diu multumque
defatigati, vel famæ existimationisque propria
glaucomate sunt fascinati, vel in superbiam
contumeliamque elati, vel invidia tandem a-
mulationeque laecessiti, gravissimis periculis a-
trocibusque insidiis undique patuerunt. Sic
Johannem Regium Venetum, sub Alexandro
Sexto Bibliothecarium, Virum græcè & latinè
doctissimum, bonarumque artium studiis ope-
ram strenuè navantem, tempore illo Alexan-
dri iniquissimo, primum in arcano proscripto-
rum albo positum, mox veneno sublatum fuisse,
scripta verò ejus in Plutarchum plurima e-
gregiaque partim ab invidis suppressa evanu-
isse,

Ille, partim furibus gloriam peperisse, Pierius
 in nobili suo de infelicitate literatorum opu- *Iob. Pier.*
 sculo memoravit. Ex cujus etiam indicio con- *Lib. I. de*
 stat NICOLAUM ANGELICUM æque Venetum, *infel. lit-*
 Virum multijugâ eruditione illustrem, sub pri- *terat. p.*
 mum in patriam appulsum, molestissimis liti- *39.*
 bus infestatum, dehinc tumultu ante ædium *Iob. Ma-*
 suarum fores excitato, multis vulneribus lace- *riana lib.*
 ratum miserabiliter occubuisse. De Arnoldo *14. Rer.*
 à Villanova Viro ætate sua celebratissimo, di- *Hisp. c. 9.*
 fertè Joh. Mariana testatus est, quod nobile
 ingenium eruditionemque maximam, prævis
 superstitionibus fœdare sit ausus, additque eum
 propterea ab inquisitoribus gravi notatum in-
 famiâ; libros verò, quos magno numero edi-
 derit, prorsus reprobatos fuisse. Nec minus
 Johannes Baptista Marinus, (cui teste Joh. Im- *Joh. Im-*
 periali natura parens multijugam adeò hâc in *perial. in*
 rerum universitate luxuriem prætulit, ut nemo *Museo*
 faciliiori ad omnem scribendi elegantiam indo- *Histor.*
 le, præditus fuerit,) multorum propterea in- *p. 156.*
 testina sibi undique conflavit odia, plurimaq;
 & rerum & vitæ discrimina periculaque subiit.

IIX. Sed & alios quosdam ex universo
 eruditorum cœtu producamus, qui CASSOS
 planè exantlavêre labores, ac frustra & in va-
 num curis atque vigiliis literariis sese defatiga-
 vêre, omni exin frustrati laude atque commo-
 ditate. Postquam Romæ Avorum nostrorum
 memoria Augustus VALDUS bonas literas mul-

Pier. l. c.

1. 44.

tis vigiliis, sudoribus & peregrinationibus acquisitas diu professus esset, nec voce solum, verum etiam scriptis omnivariam eruditionem ab interitu vindicasset, in miserabilem quandam Romanorum cladem incidit, & præterpretiosissimam supellectilem librariam, **INSIGNES LABORES SUOS**, quos in Plinium elucubrarat, moxque typis mandare decreverat, coram dilacerari, atque in culinæ usum incendi conspexit, mœrore propterea, nec non insatiabili barbarorum crudelitate tandem consumtus. Quâ ratione factum sit, ut ex omnibus Lyricis Græcis, (Pindarum si excipias) minuta quædam *τεμάχια* tantum supersint, apertè ex aliorum relatu docuit Petrus Alcyonius in libro de exilio: Audiebam, *inquit* ex Demetrio Chalcondyla Græcarum rerum peritissimo, Sacerdotes Græcos tanta floruisse auctoritate apud Cæsares Byzantinos, ut integra illorum gratia, complura de veteribus Græcis poemata combusserint, inprimisque ea, ubi amores, turpes lusus, & nequitiae amantium continebantur, atque ita Menandri, Diphili, Apollodori, Philemonis, Alexis fabellas, & Sapphus, Erinnae Anacreontis, Mimnermi, Bionis, Alcmanis, Alcei carmina intercidisse; tum pro his

his substituta Nazianzeni nostri poemata, quæ etsi excitant animos nostrorum hominum ad flagrantiorum religionis cultum, non tamen verborum Atticorum proprietatem & Græcæ lingvæ elegantiam edocent. Turpiter quidem Sacerdotes isti in veteres Græcos malevoli fuerunt, sed integritatis, probitatis & Religionis maximum dedere testimonium. Hæc dignissima notatu in Cimeliis suis literariis habet P. Colomesius. Oportunè admodum obtutui nostro sese nunc sistit GEORGIUS OBRECHTUS, ille magni nominis Jctus, qui cum Bibliothecam diversis Gallicæ in Academiis comparatam diro casu amississet, nec minus aliam (quam in patria pridem collegerat) miserè expilatam reperisset, animo ita concidit, ut de vitæ etiam genere literario deferendo, cumque militari commutando rationes secum inire non dubitaverit. Licet in literatos non paucos, illud Casparis Barlæi adscriptum Iconi VOSSII distichon usurpari possit:

*Et puer, & juvenis chartis impalluit, &
Vir,*

Et nunc non aliud se cupit esse Senem;

SSS

Nec

Confer
Melch.
Adami
vitas I.C.
torum
German.
P. 455.

Nec pauci tanti librorum helluones extiterint, ut varias cujuscunque operis editiones calluerint, miramque eximia eruditioni suæ etiam conjunxerint sagacitatem; in vanum tamen illi ut plurimum laboravêre, vel atrocissima ipsorum fidei ac professionis suæ sociorum odia sibi conflavêre, vel fato præcoci fuere extincti. Nunquam (scribit Pierius) Antonii Marostici sine dolore meminerimus, qui post emensos arduos labores literarios repentina epidemiæ contagione correptus, afflictiore quam ceteri conditione post obitum fuit, quod pleraque ejus scripta, qui vitam illi dubio procul reparatura erant, una cum reliquo apparatu (ut moris sit ad expurgandam morbi contagionem) sint concremata. Haud multò mitius, feram illam immanem, luem scil. pestiferam nostrâ ætate cum doctissimis quibusdam Viris egisse, præsertim in WILHELMUM SCHIKARDUM Philologum & Mathematicum Tübingensem celebratissimum desævuisse, imò vim truculentiamque in ipsas etiam chartas & scrinia, atque hinc inde variè sparsa & disjecta opuscula furiosè convertisse accepimus, ita ut in comuni illo metu & terrore, nobilissima quædam ejus monumenta, inter hominum imperitorum manus vel prorsus perierint, vel ab aliis forsan clam inde fuerint surrepta.

Pier. L. c. Eandem fati inclementiam (ex Pierii testimonio) evitare minimè potuit Hieronymus Carbo,

Idem p.

32.

*Confer
Templ.
Honor.*

p. 340.

Pier. L. c. + Eandem fati inclementiam (ex Pierii testimonio) evitare minimè potuit Hieronymus Carbo,

bo, qui totum vitæ tempus bonis artibus impenderat, inter eruditissimos à Pontano celebratus, ab Actio summè commendatus, doctissimis ingenii sui monumentis eruditorum de se omnium expectationem exæquarat, siquidem & ipse in Neapolitano agro pestilentia oppressus, una cum exquisitis ingenii sui monumentis infeliciter occubuit. TADIO UGOLET- *Idem lib. II. p. 127.*
 TO Parmensi doctissimo, fortuna aliquandiu ita arrisit, ut juventutem apud potentissimos Reges magno in honore peregerit, eorumque favorem in se propensissimum senserit, ast cum Matthiâ Pannoniæ Rege defuncto, in patriam re admodum tenui reversus, ad didascalicas nugas sese conferre coactus esset, in extremâ tandem inopia defecit; *ut nihil quicquam ex magnis & multis operibus, quæ summo cum labore & diligentia lecta inchoaverat spatiis exclusus iniquis, relinquere potuerit absolutum.* Neque verò luem solùm pestiferam, extremamq; egestatē impunè adeò in literatorum monumenta esse grassatam, verum Bellonam etiam cassos quandoque reddidisse summe doctorum Virorum labores, JACOBI CONSTANTII casu sumus edocti, is enim cum flagrante bello Mediceo in arcē Mondulphorum munitissimam libros scriptaq; sua aservanda transmisisset, eorum omnium luctuosam passus est jacturam, cum oppidum Lau-
 Sff 2 rentii

rentii Ducis Medicei virtute caperetur, vique
 ingresso milite nullo discrimine diriperetur.
 Quo ille accepto nuntio, cum de S C R I P T I S
 tantum suis sollicitus esset, neque ulla eorum
 recuperandorum spes affulgeret, gravem adeò
 dolorem exin contraxit, ut gravissimè ægrota-
 re cœperit, tandem & ipse miserè occubuerit.
 Recentius ruinæ hujusmodi librariæ exemplum
 prodidit Theophilus Raynaudus his verbis :
 Nuper sapientissimus Pater ARNOLD. BOHYRÆ-
 us, cum in universum Aristotelem luculentos
 commentarios editurus proximè esset, fœtu-
 ram complurium annorum, tot laboribus ma-
 litiosè injecta flammâ spoliatus momento est.
 Sic Janus Nicius Erythræus testatur, Andream
 quendam Bajanum, non pauca tum soluta ora-
 tione scripsisse, tum versibus, morientem verò
 aliquot aureorum centena cuidam tribuisse, ut
 scripta sua in unum vel plura volumina colle-
 cta, luci publicæ exponeret, at verò ea æternis
 involuta tenebris fuisse. Non possum quin fa-
 ta augustissimi illius INSCRIPTIONUM RO-
 MANARUM operis recenseam, quod semel
 flammis, deinde militum rapinâ perditum, tan-
 dem immensis JANI GRUTERI curis laboribus-
 que est evulgatum. Etenim cum primò omni-
 um Martinus quidam Smetius Brugensis, sex-
 ennio integro totam Italiam pervagando In-
 scriptiones tales collegisset, & doctorū aliquot
 auctorū auctariis locupletatas, in ordinē sum-
 ma

Th. Rayn
de Bonis
& malis
libris p.
322.
Erythr.
Pinacoth.
part. 1.
n. 144.

Confer
vit. Ja-
ni Grut-
teri à
F. H.
Flaydero
conscrip.
& Tub.
1628.
edit.

ma diligentia redegisset, inopinatum incendium opus illud illustre consumsit, atque universum ferè Smetii laborem cassum reddidit, remanentibus solummodo uno & quinquaginta foliis, in scrinio quoque seorsim custoditis. Mox cum de integro illud periculosa adeò alex plenum opus Smetius esset aggressus, restitutumque secum avehere constituisset, inter vias ab Anglis militibus, qui Ostendæ præsidium agebant, nefarie est abreptum, ipso Smetio ad Bruxellas, quod reformatæ religionis ageret concionatorem, à furibundis militibus crudelissimè suspenso: Periisset cum ipso opus insigne, nî Janus Doula Legatus ab Ordinibus Belgii in Angliam missus, forte fortuna in Anglum militem, operis venditorem incidisset, emptumque illud, & in patriam transportatum Grutero concessisset divulgandum. Haud satis feliciter etiam PETRO GILLIO, à Gallorum Rege (cum Bibliothecam instruere cogitaret) in Græciam & Asiam ablegato, ut Græcorum authorum, qui nondum typis excussis essent codices manuscriptos undique conquireret, inque Galliam asportaret, cessit peregrinatio; tunc enim à barbaris cum librariâ supellectile interceptus, & in Africano litore durissimam carceris molestiam perpeffus, vix tandem Cardinalis cujusdam curâ & liberalitate evasit, quemadmodum perhibuit in Gallorum doctrinâ illustrium elogiis. Sammartha-

*Sammar-
iban. c-
log L. 1.
p. 14.*

*Prodiit
E. Ca-
el i Le-
xicon
Lond.
1669.*

nus, quo etiam teste cujusdam Guilielmi Pelicerii (qui complures utriusque lingvæ authores fideliter emendaverat, cum primis in castigando & explicando Plinio Naturam omnem evolverat, aditumque ad perfectam ejus cognitionem studiosis muniverat) opera ferè omnia cum edere neglexisset, simul cum auctore suo perire. Quis non immensum æstimet EDMUNDI CASTELLI laborem, quem in Lexici sui Heptaglotti elaboratione editioneque insumsit, nec solum vocum significationes ex tribus Chaldaeis Targumin, utroque Babylo-nico, & Hierosolymitano Talmude, vetustis-simorum item Rabbinorum commentatoribus Theologis & Philosophis, Alcorano, Avicen-na, aliisque scriptoribus orientalibus ample & dilucidè eruit & explicavit, sed variorum in-super Interpretum difficiles ac discrepantes sententias examinavit, *Atq; per multa annorum lustra in Molendina ista (ut ipse præfatus est) indefinenter occupatus, diem illum tanquam festum & otiosum reputavit, quo per sexdecim aut octodecim horas Lexico huic provehendo non insudasset :* Ast pa-rum absuit, quin cassum & ipse exantlasset la-borem, cunctaque operis exemplaria, cum om-ni Authoris suppellectile librariâ in flammis Londinensibus periissent. Magnam certè Bibli-othecæ suæ partem, cum multis Lexici He-ptaglot-

ptaglotti exemplaribus in fumum abiisse, Ca-
 stellus ipse gemebundus indicavit, ad hæc ma-
 la enumerans privata, quæ sibi in operis illius
 curriculo contigissent, membrorum scil. con-
 fractiones, luxationes, contusiones, quodque
 præ cæteris omnibus ægerrime tulit, oculorum
 lumen perpetuis atque indefessis vigiliis tan-
 tum non planè ademptum, quibus accesserint
 aliæ nec pauca nec parvæ infelicitates, quas si-
 lentio duxerit prætereundas. Priusquam tristis-
 simus, ac Rei literariæ summè deplorandus JO-
 HANN. HENR. HOTTINGERI casus contigisset,
 illeque inexhaustus omnigenæ cruditionis a-
 byssus ab immani fluvio prope Tigurum esset ab-
 repta, datusque internecioni, somniavit, se
 cum charissimo quodam Collegarum suorum
 in vicinam deambulasse civitatem, cumque
 Templo appropinquarent, Collegam altâ sibi
 dixisse voce : *Nunc impletum est caput decimum*
quartum Jobi. Homo natus de muliere,
brevi vivens tempore, multis repletur mi-
seriis, quasi flos egreditur, & conteritur, &
fugit velut umbra &c. Hisque verbis audi-
 tis subito se esse expergefatum. Quo ipso
 quid verius, vitæque cumprimis hominum li-
 teratorum & fugacissimæ & laboriosissimæ con-
 venientius dici possit non video. *Nati de mulie-*
ribus (literati) brevi vivunt tempore, mul-
tisq; imò innumeris ferè replentur miseriis;
 SSI 4 & im-

Edmundo Ca-
 stellus in
 Dedic.
 Lexici
 Heptaglot-
 ti ad
 Carol. II.
 Regem
 Angliæ.

Confer
 vit. Hot-
 ting a
 D. Heid-
 eggero &
 conscripse.

& immensis laboribus studiisque exhausti, viam
 carnis ingrediuntur, morte præmatura abrepti.
 Nonne summorum in Orbe erudito Virorum
 testimonio pariter ac exemplo memorabili
 constat, quam spinosa, quam plena curarum,
 periculorum, dolorum sit vita literatorum, qui
 quotidie cum maximis rerum difficultatibus
 inquieto animo, & inter turbas turbulento col-
 luctantur. Ast longè deterior sors est eorum, qui
 perniciosæ Curiositatis æstro quasi perciti, nul-
 lo ordine, sed mente modoque incondito cir-
 cumagitantur, nec non fucatæ, ac inutilium
 verborum & rerum micis fatuæ eruditionis a-
 more capti, otiosas magis & spinosas quàm fru-
 ctuosas, plusque futilitatis quam utilitatis ha-
 bentes sectantur quæstiones, easque tanquam
 singulares delicias, ac lautissimas epulas effagi-
 tant, ac licet subindè doctrina melior admo-
 neatur officii, ne tamen aures commodent, stre-
 pitus ac popularium favorum fragor maximè
 impediunt, multi literati Curiosi quid agant,
 nesciant, seque id nescire non nesciant, &
 quod dolendum maximè, nihil cœlestè sapi-
 ant ac divinum, parumque maximum illud sa-
 lutis æternæ negotium curare videantur. Haud
 quidem temerè damnabimus, si quis multiva-
 riæ doctrinæ thesauris pectus instruere, imò
 profanæ etiam sapientiæ obscura & aspera gra-
 to verborum nitore illustrare expolireque co-
 netur, verum noxius hujusce studii excessus
 justè.

justè adeò reprehenditur, ut quemadmodum Hercules, cum videret in Templo statuam Andonidis indignabundus dixit : NIL SACRI ES; ita multi Herculei literarum pugiles, id est plus justo laboriosi curiosi que indagatores, animorum à rerum divinarum uniceque necessariarum contemplatione nimis alienorum notas incurrant.

IX. Sapiant hinc rectius atque intelligant veræ FELICITATIS LITERARIÆ Candidati, casibusque ac periculis INFELICIUM EX CURIOSITATE NOXIA LITERATORUM probè perspectis, operam in istâ quoque peste exterminanda adhibeant diligentiorē. Non facilè equidem à beatitudinis supremæ scopo Viri eruditi aberrabunt, neque obvenientibus molestiis laboribusque succumbent, neque votis suis ac desideriiis frustrabuntur, si [gratiæ divinæ radiis collustrati] probè ad animum sibi revocent VITÆ Literato - CURIOSÆ tumultuosum genium, curarum multiplicium procellas, infinitarumque calamitatum seriem concatenatam; Ac si antehâc cum cæteris seculi mancipiis otiosè negotiosi, PHILOLOGI potius & PHILOPONI fuerint, quam PHILOTHEI, & palabundi eorum animi latè hinc inde sint evagati, tunc ad se ipsos redeant citius, secum habent optatius, inque sacro veluti secessu res & curas hominum è longinquo tutius intueantur,

tur, imò molestissimos suos labyrinthos, saxa Sisyphæa, & plusquam Tantaleas illusiones per Salvatoris saluberrimam de UNO NECES-
SARIO regulam felicissimè emendent, denique à rebus non - necessariis exeundo, serium ad DEUM meditentur accessum, & ab eo deinceps unicè dependentes, diu multumque desideratæ quietis capient adeptionem. Mellifluus Bernard⁹ alicubi notabile discrimen inter sana & vana studia traditurus; *Studia Pietatis* (præclare scribit) *cisi literis aliquando adjuventur, & utantur, non tamen literatoria sunt, non cavillantia, non disputantia, non garrula, sed spiritualia, pacifica, & humilia, humilibus consentientia. Quæ etsi foris exercentur, intus potius aguntur in spiritu mentis, ubi renovatur homo de die in diem, induens novum hominem, qui secundum DEUM creatus est, in sanctitate & iustitia veritatis - - Hæc & huiusmodi sunt STUDIA SANCTA, exercitia apostolica, in quibus discutit se animus, & invenit, & emendat, mundans se ab omni inquinamento carnis ac spiritus, perficiens sanctificationem in timore DEI. Studia hæc silentium amant, quietem desiderant cordis in labore*
corpo-

Bern. in
tract. de
vit. sol.
tar. ad
fratres
de monte
Dei cap.
XV.

corporis, paupertatem spiritus, & pacem in exterioribus pressuris, & bonam conscientiam in omni puritate cordis & corporis. Hæc faciunt animum: quia unde faciant habent.

Vana verò illa, nugigerula, verbosa, CURIOSA, ambitiosa, etiam sanctum animum vel jam perfectum dissipant & corrumpunt. Hæc studia scrutantur virtutem, nō ut contentiosa luceant sed ut sint; non ut sciantur sed ut habeantur.

Ita præclare Bernardus, cum egregiò animi nisu Homines profanis vanisque literis tinctos, ad illius Scientiæ amorem incitare statuisset, quæ non (uti inflantes cæteræ) populare est artificium, aut fluxæ consecratum vanitati, non in verbis solum, sed rebus etiam consistit, mentem fabricat, formatque animum, regit actiones, & cavenda pariter ac facienda demonstrat. Nō hic necesse est, ut tot anxiiis disciplinis instructi accedant, tantum adferant pium ac promptum animum, simplici puroque TIMORE DEI præditum.

Quandoquidem (scitè Basil. M. ait Basilius) **TIMOR DOMINI** i. Com-
nitium est Sapientiæ, qui terrenis rebus ment. in
(profanæ multijugæque eruditioni) Psal. 32.
sunt dediti, **PER TIMOREM** erudian. Tom. I.
tur; necessariò enim velut **INTRODU- opp. fol.**
CTOR illis ad pietatem (h. e. Unius Ne- 95.
cessarii adeptionem,) **TIMOR** assumitur;

Hic

*Basil. M.
Com-
ment in
cap. I.
Jes.*

*Conf. Se-
cessum
pium
hom li-
ter. p. 19.
seqq.*

Hic [ut alibi idem Basilius ait] Pædagogus est ad exercendam pietatem. Quicunq; nimirum ad veræ solidæque doctrinæ culmen adipirent, cœlestisque Sapientiæ sectatores fieri cupiant, iis cum primis necessariam esse mentem sacro quodam horrore præditam, & animum reverentem erga sanctam DE I faciem, arcanissima cordium penetrantem, singulasque actiones consilia & cogitata accuratè observantem. Hanc ipsam TIMORIS Isagogici gratiam anxie exoptarunt, quotquot post attritam inani cassoque studio ætatem, ad perennis illius Philosophiæ culmen adspirarunt. Timuere primum, quia multa timenda & committere, & apertis tandem aliquando mentis illuminatæ oculis observavere, nimirum quod tanti literatis Viris objiciantur laquei, tam innumeri hostes gressus ipsorum præpediant, tantæ foveæ, tanta prærupta, tantæque rerum difficultates ipsis sint impedimento, quo minus ad optatum veræ felicitatis terminum pervenire possint. Ad hæc cogitantes, quanto impetu ab adversariis frequenter ad casum sint concussi, & ex casu in præcipitium, denique communem (literatis etiam) peccantibus, scenam, Infernum scilicet pœnamque in eo æternum sævientem secum reputantes, non timuere modo, sed protinus obstupere, & salutari horrore perculsi, ruptis cœlesti auxilio & peccatorum & laborum arduorum vinculis, maximum illud uniceque necessarium

sarium aggressi sunt negotium, supremumque
 tandem in Facultate Christiana gradum sunt
 consecuti. Quos inter sub ipsa Ecclesiæ Chri-
 stianæ primordia THEOPHILUS ANTIOCHENUS
 emicuit, qui cum à teneris in omnem profanæ
 eruditionis disciplinam incubuisset, inque cæ-
 cā gentilitate, & à Magistris fidei ignavis vix
 tantum bonæ eruditionis, quantum blandi ve-
 neni hausisset, denique à philosophis in sua-
 rum cogitationum sublimitate evanescentibus,
 in devios variorum errorum flexus ac labyrin-
 thos esset deductus, tandem vincente fidei ve-
 ritate, & discussis ignorantia tenebris, saluber-
 rimum illum sinceræ pietatis nactus est Dadu-
 chum, quem postea suo [studiis non-necessa-
 riis veluti labyrinthis periculosis miserè invo-
 luto] Autolyco egregiè hisce commendavit
 verbis: *πρὸ πάντων δὲ προηγεῖσθαι ἐν τῇ καρ-*
δίᾳ πίσις καὶ φόβος τοῦ θεοῦ. *Ante*
omnia ingrediatur in corde tuo FIDES &
TIMOR DEI. Hoc inquam Magistro illo
 DEUM verè amans, Deoque amabilis Theo-
 philus tantos in disciplinæ omnium saluberri-
 mæ studio fecit progressus, ut omnia statim
 despexerit terrena, & ad divina tantum ac cœ-
 lestia adspirans, pluris ignominiam crucis du-
 xerit, quam omnes Mundi laudes, & honores
 & glorias, Christiani nomen majori in pretio
 habuerit, quam Philosophi etiam subtilissimā
 elogi-

Theoph.
Antiochi
Lib. I. ad
Autol.

elogium, propriique nominis mensuram magis
magisque adimplens, DEO SOLI se Amabi-
lem præstare (ejus adspirante gratia) consti-
tuit.

X. Nec minus illustre supremæ hujus fe-
licitatis literariæ documentum quondam dedit
JUSTINUS PHILOSOPHUS & Martyr, eodem Ma-
gistro, eodemq; planè spiritu ad veræ UNICE-
que NECESSARIÆ pietatis dogmata intro-
ductus. Totam ferè juventutem suam cum
Conf. Ju. ille assidua Poëtarum veterum lectione, facul-
stini Phi. tatis oratoriæ exercitatione, profanæque phi-
los. & losophiæ studio attrivisset, nec minus pro in-
Marty. genti insatiabiliq; quo pollebat cognoscendi
ris Dial. desiderio, omnium sectarum placita mira celerita-
cū Tryph. te indagasset, omnesq; adeò hominis CURIO-
Jud. SE-LITERATI partes adimplevisset, tantos
Timore Magistro in veræ cœlestisque philoso-
phiæ studio progressus fecit, ut (quæ ipsius Ju-
stini ad Tryphonem verba sunt,) *confestim in-*
gnis quidam in animo ejus succensus fue-
rit, & Amor Prophetarum, eorumq; Viro-
rum, qui Christi sunt amici ipsum incessen-
ti, imò hanc solam esse tutam atque utilem
philosophiam deprehenderit, quæ sibi ab illo
esset proposita. Sic igitur (notanter addit,)
ego & per talia EVASI PHILOSOPHUS
hujusque promotionis suæ memoriâ latus &
incalescent, , pium ac fervidam pro consimili
alio-

aliorum eruditorum conversione votum concepit: *Quam vellem ait. ut omnes similiter atq; ego animis affecti, Salvatoris nostri sermonibus (scil. de uno illo necessario) perpetuo adhaerescerent! TIMOREM enim in se quendam continent salutarem, plurimumque ad eos, qui à recto itinere deflexerint (h.e. curiosè-literatos) in viam revocandos valent, præterquam quod iis quoq; , qui sedulo sermones istos meditantur, animi quietem & tranquillitatem conferant multo suavissimam.* Quemadmodum alibi Justin. [de divino Christi sermone atq; doctrinâ dis- *Mart. in ferens;*] *Accedite, inquit, erudimini. E. Elencho STOTE ut EGO; quoniam & ego fui ut extremo vos.* Accessit postea, præclaroque huic Justin. &c. ni monito morem impigrè gessit Magnus ille. BASILIUS, postquam in vanâ profanâque eruditionis Gymnasio, contentiosis potius, quam utilibus quæstionibus diu multumque fuisset exercitatus, ast salutaris scientiæ amore tandem captus, sui ipsius tactus commiseratione, imò velut è gravi somno expergefactus, ad veritatis Evangelicæ [ut ipse loquitur] admirabile lumen respexisset, & infatuatâ à DEO sapientiæ tenebras probe agnovisset, quinimò deploratâ plurimum miserabili vitâ, Ductorem sibi dari optasset ad eam scientiam, quæ nil nisi veram

ram solidamque spiret pietatem, quæ sinceræ
 charitati sociata & humilitati, alumnos suos
 non inflat, aut reddat turgidos, sed auræ beni-
 gnioris perflet suavitate, pernūciat, non inter-
 ficiat, adoleat non aboleat, animum formet,
 & fabricet, vitam disponat, actiones regat, a-
 genda denique & omittenda optimè demon-
 stre. Neque verò solus Basilii ad laudati Ju-
 stini exemplum monitumque eo modo ac-
 cessit, & post exantlatos immensos labores li-
 terarios suavi Salvatoris jugo collum submisit,
 verum intimum suum amicum GREGORI-
 UM illum Nazianzenum habuit comitem, qui
 quidem & ipse profanæ doctrinæ (cui multam
 in Academia Veteri operam impendit) felici-
 ter valedixit, & desertâ Sophisticâ Atheniensium
 cathedra (teste Gregorio Presbytero) tri-
 cesimo jam anno in artium studiis exacto, pa-
 triæ sese restituisse, & à Mundo sejunctus, ei
 qui solus purissimus est, vivere cœpisset unicè.
 Tum scil. Gregorius, TIMORIS RUDI-
 MENTIS (ut ipse loquitur) IMBUTUS
 ET PURGATUS, Urbes fora, theatra, So-
 phistarum fastum, litigantium rixas & con-
 tentiones, Rhetorum mendacia, furum insi-
 dias, divitum arrogantiam, gloriam fluxam
 & fragilem, aliæque omnia curiosorum inge-
 niorum pabula reliquerat, & cum Basilio suo
 ad illustrem JESU CHRISTI Academiam ac-
 cesserat, tutamque ibi invenerat mansionem,
 donec

Gregor.
Presb. in
vitâ Gre-
gorii Na-
zianz.
Gregor.
Naz. o-
rat. 39.

donec in cœlestem, J. C. Rectoris supremi gratia esset translatus. Idem planè summo illi atq; incomparabili priscæ Ecclesiæ Doctori Aurelio Augustino usu venisse, eundemque pariter, post impensam profanis auctoribus atque philosophis multam operam atq; industriam, post perquisitam magno labore sudoreque, ast nullibi inventam veritatem, cœlestis gratiæ splendore collustratum, & à sapè laudato Magistro, Timore scil. salutifero piè eruditum fuisse, insignis vitæ & conversionis ejus historia (alibi *Confer* à nobis memorata) clarissimè ostendit. *Fer. pinum Se-*
rea quidem (ut notanter ait) *difficiliter* *cess. pag.*
portæ obstabant, quo minus ad scopum hunc- *48 seqq.*
 ce optatissimum citius pervenerit, in omnes partes nutabat Augustinus, ceu navis undique ingentibus fluctibus in medio cingitur ponto, ita mens ejus in diversa abiens errabat, nihilque satis consulebat, ut gravi interioris domus rixâ pressus aliquando exclamarit: *Quid patimur? quid est hoc? Surgunt indocti, & cælum rapiunt, ET NOS cum Doctrinis nostris sine corde, ecce, ubi volutamur in carne & sanguine? Suspirabam* (ait alibi) *lib. Augusti:*
gatus non ferro alieno sed meâ ferrea vo- *lib. VIII,*
luntate, velle meum tenebat inimicus, & *Confess.*
inde catenam fecerat & constrinxerat me, *cap. 8.*
& cogitationes meæ similes erant conatibus
 T T T exper-

IOIO COMMENT. I. X. ET ULT. DE NOXIA LIT.

*expergisci volentium, qui tamen superati
soporis altitudine remerguntur.* Quocunque
nimirum mentem oculosque intendit nimis
tunc curiositatis labe pollutus Augustinus, me-
ros nodos, laqueos, labyrinthos inextricabiles
saxaque Sisyphæa videbat, donec is, qui portas
conterit æreas, qui vectes ferreos confringit,
perplexum etiam Augustini animum serena-
vit, hostes immanes profligavit, omnia remo-
vit obstacula, ac ne foris cum corvina voce
CRAS CRAS remaneret, cœlesti quadam,
TOLLE LEGE, TOLLE LEGE COMPEL-
LAVIT, qua perceptâ tanto diligentius deinceps
illum veræ felicitatis portum (divino fre-
tus auxilio) quæsiuit, & post sedatas intestinas
istas diuturnasque procellas, tutissimam inter
Salvatoris brachia mansionem invenit.

XI. Tot itaque, tantorumque eleganter
non minus, quam piè Doctorum exemplis inci-
ratus, gratiæque cumprimis & verbi cœlestis
luce collustratus CURIOSI LITERATI ani-
musque sapiat & intelligat, velut ex gravi
somno expergefactus respiciat, agnitâque pro-
fanz vanæque sapientiæ inutilitate, SACRI
TIMORIS magisterio ad sinceræ pietatis do-
gmata introductionem enixè desideret, assidueque meditetur. Sollicitè cumprimis ca-
veat, ne ad rem tam sanctam (in qua ipsa Dei
similitudo consistit) protervè ac leviter, teme-
ritatis impetu aut NOVÆ cujusdam CURI-
OSI-

OSITATIS pruritu proruat, sed humili potius reverentia [tanquam ad rem quæ DEI solum gloriam propriamque ac proximorum salutem concernit,] accedat, coram DEO arcanos cordis sui recessus sincerè adaperiat, statumque animi sui miserabilem candidè detegendo, cum Ephræmo Syro in istiusmodi erumpat verba : *To ó Christe elementissime superplex exoro, ut gratia tua super me jugiter veniat; quæ mentem meam VARIE DISTRACTAM colligas, occultaq; rursus mea sanet vulnera. Ecce enim DISTRACTI-* Ephraem²
Syrus
Serm.
III. de
com-
ONES atq; ELATIONES mentis, semper punct. occulta mea vulnera instaurant redintegrantq;, verum Tu Domine sana frequentes meas infirmitates. Quam inutiliter ineptivi hætenus, venatus fumos, sectatus umbras! Ipsa me STUDIA quæ dilexeram damnant, quæ laudaveram vituperant, hi sunt, quibus acquievi amici, quibus parui magistri, quibus servivi Domini. Non aliis itaque ad comparandum supremum illud UNICEq; NECESSARIUM bonum opus est studiis & conatibus, quam TIMORIS Salutiferi atque ORATIONIS fervidæ. Duabus hisce alis instructus, hocque gemino quasi filo donatus literatus, facile molestissimos suos evadet labyrinthos, & ad vividæ lucis salutisque perpetuæ

fontes feliciter accedet, imò super se ipsum tandem levabitur, nullis posthac vitæ hujus perdendus miseriis, nullisque obruendus curarum turbinibus, eo planè modo, quo montis Olympi vertex adeò se altè extollit, ut nullo ventorum ac tempestatum impetu quatiatur.

Habeat sibi (dicet cum piè literato Hieronymo) *Roma suos tumultus arena saviat, circus insaniat, theatra luxurient, nobis ad herere DEO bonum est, & ponere in Domino*

spem nostram. Neque de vanæ profanæque (imò ad perniciem usque CURIOSÆ) scientiæ copiis instruendis amplius erit sollicitus, non vacans ad istas ineptias, cum ingens negotium præ manibus habeat, nimirum sacram ad DEUM à profana vagæque doctrinæ vanitate conversionem meditetur; *Unus se intra se, & cum DEO, in DEO, nec diffundendo se amplius extra se, per res inanes, contentus ex doctrina Christi uno DEO, & uno inter se & DEUM mediatore Christo; unoq; interno doctore, consolatore, confortatore Spiritu S. & uno lumine fidei, unaque spei anchora, oratione ac suspiriis ad Deum perpetuis, & uno opere bono sibi demandato charitate scil. erga proximum; patientia deniq; in adversis, aut ut ne pati quidem*

Confer
Comen.
in Uno
necess.
p. 29.

dem necesse sit, plenaria voluntatis suæ in voluntatem Dei resignatione. Quo supremæ felicitatis gradu conscenso, piè literatus nihil magis exoptabit, quam ut inter dulcia cœlestis providentiæ brachia tranquilla sibi felicitas, & felix tranquillitas obtingat; nec mille mundanorum maledicorumq; ethnosophorum curabit odia, convitia, calumnias, & tela obloquiorum innumera, haud etiam timebit sinistra quævis severaque judicia. Vituperet eum, carpat, infestet Mundus pro suo lubitu, noctuæ instar occlamet ad avium de die volitantium quietem interturbandam; ille in sacro proposito constans perseverabit, in concepta sententia invariabilis: Tanquam stolidum, morosum cœcumque eum profanè docti despiciant, ipse sine ullo angore damnoq; acuta hæc odii jacula excipiet, & Christi verbis non minus quam exemplo edoctus, se totum divinæ permittet providentiæ, cum certo destinatoque consilio DEUM sequendi per omnia, quicquid etiam evenierit. Neq; verò congenitum nobis SCIENDI DESIDERIUM extingvit sincera hæc pietatis professio, sed frœnū potius ad nimiam scientiæ appetentiam temperandam suppeditat, cavetque ne naturale illud pondus animam ultra rectum deprimat, & ad earum cognitionem pertentandam abripiat, quæ minus utilia videantur. Et cum tantopere illa sciendi prurigo præstantissima quædam

ingenia infestet, ut non inutilia modo, atque superflua, sed etiam non vestigabilia imò prorsus noxia indagare conentur, ipsasque divinorum operum & consiliorum rationes tentare, & altiora se quærere audeant; hinc Sacro-sancta illa pietatis prudentiæque Magistra cunctis eruditis salubria adeò consilia suggerit, LEGESQUE præscribit, ut iis nimium sciendi desiderium reprimatur, & ineptus torpor negligentiaque penitus excutiat, quibus extremis literatorum plurimi ita abripiuntur, ut extremæ tandem infelicitatis perpetuæque miseriæ subeant periculum.

XII. PRIMA autem palmariæque PRUDENTIÆ CHRISTIANO - LITERARIÆ LEX flagitat *UT A STUDIIS ABSTINEAT FIT ILIBUS*, nec levibus minusque utilibus homo pie-literatus diutius imoretur; iis nimirum rebus oleum cum operâ haud perdat, *quas* (ut inquit Arnobius) *n. q. scire compendium est, neque ignorare detrimentum nullum*. Ridendi equidem potius, quam laudandi æstimandi que illi sunt eruditi, qui tricis quibusdam, & rebus nihili [Horatius haud malè NUGAS CANORAS nuncupavit] exercere ingenium, & seriis ludicra studia antepondere non dubitant. Sicuti satis præposterè illi facere videntur, prorsusque naturæ repugnare, qui adulteratam aliquam gemmam vel rudem & impolitam crystallum annulo includunt aureo; vel quotquot lutulentas & compitalitias aquas

Arnob.
lib. 2.

aquas in aureis, in Arabicis, in murrhinis cantharis asservant; ita vituperio potius quam singulari encomio illi digni sunt eruditi, qui in ornandis levibus quibusdam choragiis, rebusque futilibus illustrandis toti sunt occupati. Nunquam tinctura vel subjecta bractea crystallum mutabit in adamantem, nec vasis elegantia lutum convertet in balsamum, multo minus fucatum verborum lenocinium tricas & res nihili nobiliores præstantioresque efficiet. Non laudatur Pittacus quod Moram; Canterus quod Simium laudavit; sic & Lucianus, qui Muscam, Polycrates qui murem, Cletarchus qui teredinem celebrarunt, harumque rerum naturas inditasque propensiones studiosè sunt rimati, exiguam apud cordatos viros inierunt gratiam. Imò probro ii omnes etiam è literatis recentioribus habentur, qui res ejusmodi fuitiles, noxias & pudendas, veluti calvitium, febrem quartanam, cœcitatem, pediculum, umbram asini, * Neronem, quin & ipsum diabolum adhibito omni verborum lenocinio commendare, inanibusque ornare elogiis studuerunt, laudabilius longè illi egissent, si argumentis nobilioribus præclari ingenii sui vires probassent doctioribus. Palmare veterum

T t t 4

est

* De laudibus Neronis egit H. Cardanus teste Naudeo; Diabolum vero Bruno quidam Italus referente Barth. Keckermannus peculiari oratione commendavit.

est pronunciatum, cuilibet Oratori eligendum esse argumentum, quod naturâ ferax sit & succi plenum, & quamvis (Tullio dicente) nihil sit tam horridum atque incultum, quod oratione elegantiori non splendescat, certum tamen, ipsâque experientia est comprobatum, sterilem ejusmodi sermonem vix animos peragraré auditorum, sed evolare potius tam celeriter, ut nulla prorsus post se vestigia relinquat. Licet parva illa & humilia (imò futilia) argumenta grandioris styli sublimitate & viribus in altissimo collocentur fastigio, nihilominus tamen parva & abjecta in animis auditorum sunt permansura, postquam Orator de iis dicere desierit, *sicuti eos (quæ Seneca verba sunt) nequaquam dixeris magnos & divites, quibus sceptrum & chlamydem in scena fabula assignant, & qui prasente populo elati & coturnati incedunt; nam simul ac exierunt ad staturam redeunt.* Apage igitur puerilia crepundia ab ore & calamo pii & felicitis literati, caveat is summopere, ne fatuos adeò umbratilis gloriolæ igniculos consecetur, translucent hæ laudes, tamque tenues sunt, ut per involucria illa & fucum verborum perperam laudatarum rerum navi & notæ faciliè compareant. Poetarum potius, quam verâ & germanâ eruditione oratorum hominum sunt præposteræ hujusmodi laudationes, culicum & psittacorum encomia,

Sanarumque & murium certamina, festivi magis & jocosæ quam solidè pieq; docti istiusmodi thematibus occupantur. Tale potius excolatur argumentum, quod animum & commentatoris alliciat & lectoris, quod scribentem juvet, quodque si non majorem semper ac celebriorem, saltem meliorem reddat atque fructuosior.

XIII. Huic verò felicitati consequendæ plurimum etiam conducet sollicita SCOPI seu finis certi electio, Scopum inquam sibi quisque maturâ præfigat deliberatione, nimirum ut metam, ad quam citatis equis decurrat, ut Spartam, quam colat & incolat, ut portum in quo tandem aliquando acquiescat, cujusque ceu poli magnetici beneficio navigationem suam literariam feliciter conficere valeat. *Alioqui nullo scopo jaculari (ait quidam) & piscari quod ajunt in aere, demeritum est, impensam & operam ludentium, eamque ob rem initiandis inclamant Sacerdotes literarum.*

Estne aliquid quo tendis? & in quid dirigis arcum?

Neque magnum solum virtutis incentivum, magnumq; calcar virium Scopu inesse sapientiores putarunt, verum talem etiam tantamque vim atq; efficaciam, quâ oculus pariter ac Animus, Mens & manus Hominis eruditi regatur.

Abfit verò, ut Scoppum illum seu finem literatorum hominum palmarium opes putemus, lucra, honores, dignitates, famæque aut existimationis propriæ incrementa; illa potius SCIENTIA seu Disciplina hoc venit nomine, quam sibi quisq; Sponsam veluti proci nexu sociare individuo constituit, cujus ope ac subsidio (ut scitè Hieronymus ait) *prædulcia laboris sui poma degustare, dulcesq; (juxta Socratis effatum) radicis amara fructus capere possit.* Non parum autem profuerit in Scopo eligendo sapientes audire Amicos, & ingenii sui vires explorare prius, quam certi quidpiam statuatur. Sed cum cæcus plerumq; sui amor sit, ac quilibet sibi in re suâ suffenus & adulator esse soleat, periti etiâ usq; diuturno contriti consulendi sunt magistri, qui justos in tanti momenti negotio ferant calculos, cuique potissimum studio opera navanda sit disertè enuncient. Omnia equidem suis momentis rite prius expendi par est, ne oleum cum operâ perdatur, & in cassum vel vanum (quod innumeris accidit) laboretur. Ipsa equidem rerum magistra experientia huc usq; docuit, omnes ferè ac singulos qui saluberrimam ejusmodi probationem defugerint, semper hæsisse in salebris, cumq; gravissimis luctatos fuisse difficultatib⁹, ex quibus sese vel nunquam, vel non sine ingenti labore expedire potuerint, aut feliciori successu in adita penetrare Musarum. Quod si verò Spes aliqua eventus

opta-

optationis affulgeat, omnibus pro virili incumbendum, ut nautarum exemplo ventis secundis navigationem suam literariam perficiant, sicq; ad optatæ felicitatis terminum citius rectiusque devehantur. Hunc verò ii præ cæteris omnibus literati cum immortali laude attingent, qui DEUM pro unico actionum & meditationum suarum habent SCOPO, in quem studiis suis atque cogitationibus omnibus colliment, honoremq; ejus & gloriam velut ultimum actionum suarum laborumq; finem respiciant. Sint licet haud quaquam infructuosi illorum conatus, qui incertam (juxta ingenii sui modum) intenti sunt scientiam vel disciplinam, quam suo tempore velint profiteri; alii Sacris oraculis Tuas dedicent lucubrationes, alii Prudentiam Juris ament, quibusdam Medicina placeat, aut Philosophia, aut Mathesis, aliis in pretio sint literæ humaniores, iisque veluti organæ & instrumentis, ad majora sublimioraq; perficienda utantur, ad supremæ tamen doctrinæ gloriæque culmen illi solum felicissime pervenient, qui in DEUM ipsum intenti sunt unice, nec alio fine literarum studiis incumbunt, quam ut eò rectius atque expeditius illi inservire, ejusque negotium perficere possint. Apprimè verò optandum esset, ut Parentes filios suos in prima juventute * divino etiam servitio semper consecrarent, ad pientissimæ scilicet Monicae exemplum, quæ cum filium suum Augusti-

Video plerisque Parentes (ita quondam insignis Theol. D. P. I. Spencius ad me scribebat) qui sacris studiis liberos suos dicant, neutiquam hoc facere pio zelo, ut nimirum divinum Regnum strenuè promoveant, & animosè hoc agentes Mundi in se & suos odia, quod propemodum necessarium consequens est, concitent: sed ut in certo & quidem honoratiori, etiam in seculo statuto, vitam, quam ipsi putant, tranquillam agant, imò aliquando suis honori & commodo sint. Ita carnalis est ferè prima intentio, etiam sæpè apud homines aliqui non malos. - - Hæc intentio maturè puerum animis imprimitur, destinari eos sacris muneribus, imprimis ante oculos positis illis, quæ præ cæteris fulgent; atque ita primus qui in studium Theologicum amor conciliatur in teneris animis, nititur propriis commodis & honore, quæ intentio postea pleraque non pessimè alias procedentia miserè corrumpit. Affectus enim ipsos occupat, ut quicquid dein in studiis suscipiant, plerumque ante oculos sit non tam DEO & proximo vera dilectione serviendi, quam inter alios emergendi, suisque rebus quam fieri queat commodissimè prospiciendi studium.

gustinum utero gestaret, votis sæpius renovatis eum religioni Christianæ, ac divinæ gloriæ obsequio dedicavit, uti ipsemet alicubi testatur, dicens quod jam tum in utero Matris agens salem DEI degustarit; quemadmodum etiam Theodoretum Nazianzenumque DEO ante conceptum à matribus donatos, & Bernardum statim post partum manibus maternis illi oblatum fuisse accepimus. Utinam egregia hæc parentes christiani premerent vestigia, atque fructus ventris sui, etiam antequam in lucem edan-

edantur, Divinæ Majestati offerre discerent. . .
Quamvis enim is quoque in prisca Ecclesia
Magni Chrysostomi elogium sit consecutus,
quem Mater Anthusa omni conatu à sacro stu-
dio avocare tentavit, nec sine lamentis seculo
arctius implicare constituit,abunde tamen con-
stat, DEUM nullo non tempore sacras filiorum
oblationes benignè admisisse, atq; egregia sem-
pér Spiritus Sancti organa eos evasisse, qui
vel ante vel post partum DEO à parentibus
[scopi ejusce nobilissimi studiosioribus] sunt
consecrati. Ad hunc scopum si cum parentibus
ipsi semper colliment filii, ad syrtes & scopulos
navem suam nunquam adfligent, verum omni-
genam olim prosperitatem consequentur. . .

XIV. ALTERA STUDIOSÆ INDUSTRIÆ pru-
dentiaq; Christiano-literariæ Lex jubet, ut in
*illud præcipuè doctrina scientiaq; genus Li-
teratus incumbat, ad quod præ aliis fuerit
aptior*, ne sc. pondere minus adæquato mens ejus
prematur, & ad in consentanea abripiatur. . .
Haud malè dicere olim solebat Severus Cassius,
maxima ingenia vix plusquam in uno eminere
opere; paucissimis equidem tantum natura in-
dulsit, ut in duplici facultate omninò excelle-
rent, sicuti quondam Virgilium illa felicitas in-
genii in oratione soluta reliquit, Ciceronem
eloquentia in carminibus destituit, ita non
contingit facillè, ut unus idemque pluribus in
rebus

rebus emineat. Igitur eruditorum quilibet diligenter suum exploret genium ingeniumque, atque illi potissimum studio adhaereat, ad quod se magis aptum esse animadvertet; diligenter cum primis cavens, ne in Scepticorum aut Ephecticorum illorum syrtes deveniat, qui nullam prorsus rerum scientiam certam & veram haberi posse sunt opinati, quorumque Princeps Heraclitus [cum doceret scientiam esse rerum verarum cognitionem] nunquam ulla de re id enunciari posse, quod esset verum confidenter asseruit, hoc ipso consentiens cum Protagora, dicente, nihil esse quod certam habeat naturam, nihilque esse simpliciter verum vel falsum, sed falsum tantummodo aut verum id esse, quod falsum aut verum pro varietate scientiarum hominibus videretur, nec recedentibus ab eadem sententia pestilenti quibusdam Academicis, nullius rei veram dari scientiam statuentibus, sed tantum opinionem, cum sensus à quibus omnis nostra pendeat intelligentia, facillimè decipiantur. Rectius verò sapiāt Christiani literati, & à phaleratis istis ineptiis prorsus alieni, nudam sine fucō fallaciisque sectentur Veritatem, studiose caventes, ne ad ejusmodi scopulos suam affligant navem, & ne gravissimis dubitationum procellis jactati, tandem artium scientiarumque omnium nausēā ac tædio afficiantur, imò fatali Scepticorū vertigine laborantes, de ipso
feli-

felicitatis literariæ fastigo miserè deturbentur. Quantumvis enim sensus in rebus quibusdam singularibus sæpè decipiantur, in iis tamen suam quandam notitiæ firmitatem & evidentiam obtinent, quæ inconcussis principiorum verorum nituntur fundamentis. Hujusmodi igitur scientiæ strenuè incumbant, illi disciplinæ præ cæteris cuncti sapientiæ studiosi invigilent, quam tum cognoscendis rebus, tum dirigendis actionibus, tum proprio ingenio excolendo aptissimam judicarint. *Iter ad scientias & artes quaslibet prosperè initu- ri, suum ante omnia (ut optimè monet Bartolus) consulant genium, & proclivitatem nature ad illas capeffendas; ut navigaturi ventum prius qui spirat observant, & ex eo vela & clavum flectunt. Natura similis est planetis, qui parum & lentè promoveant quâ parte cursu feruntur retrogrado. Non plura ex eâ exprimunt, qui plus premunt, sed qui compertis ejus propensionibus obsecundant. Quicquid ultrò & liberè suscipit, sortitur exitus haud minus faciles & felices, quam Sirenum labor globis cælestibus solo cantu versandis intentus. Huic si vim afferas, non crescit virtus eâ violentiâ, sed hebescit, & quod ante poterat jam*

Bartol.
char. lit.
pag. 296.

jam non potest. Aqua similem dixeris, quæ frigore & gelu adstricta stupere quodammodo videtur & emori, cum esset antea tam inquieti motus & lubrici. In omnium admiratione sunt **INGENIA** quædam **PRÆCO-**
CIA, quæ non antea acta solum ætas * mira-

* Mirum tale est, quod de Avicenna Sorlanus ejus discipulus in Vitæ hist. scribit, cum scil. puerum admodum, anno ætatis X. tam luculentum ingenii specimen Præceptoribus dedisse, ut omnibus esset miraculo, quippe Alcoranum memoria tenebat. & reliquas disciplinas, per se nullo, usus Magistro, sed assiduo labore & perpetuis vigiliis, & summa animi contentione, ante ætatis annum VIII. & IX. didicerat. Sic ipsum Augustinum legimus anno ætatis XII. & Theoricos & Logicos Aristotelis libros optimè intellexisse, multorumque errores monumentis scriptis confutasse. Præclara etiam sunt, quæ de Origone adhuc puero narrat Eusebius Lib. VI. Hist. Eccles. cap. 2. Demosthenes annum ætatis XXV. Rempublicam capeffere, concionesque habere cœpit. Nerva quoque J. C. Nervæ F. ut habet Ulpianus, de jure magna cum laude anno XVIII. respondit. Anno æt. XIX. L. Crassus C. Carbonem; uno & vicesimo Cæsar Dolabellam; altero & vicesimo A. Iulius Pollion C. Catonem; non multo ætate antecedens Calvus Vatinius, his orationibus insecuti sunt, quas hodiè cum admiratione legimus, ait Messala apud Quintilianum de Orat. Dial. Nicolaus Heliotus [ut tradit Gabr. Naudæus in Panegyri de Antiq. & Dignit. Scholæ Medicæ Paris. p. 3.] viginti circiter annos natus, in Aula Navarra disputans anno MCCC XLIII. Philosophus, Medicus, Juris utriusque prudens, Theologus, Linguarum peritus, artium omnium tum liberalium tum mechanicarum sciens, cum summa admiratione Academiæ Parisiensis competens fuit.

secun-

fecunditate produxit, verum recentior etiam
 cū ingenti vidit stupore, satis superque docens,
 naturam senectute neutiquam effctam esse &
 defatigatam, sed pristina potius in producen-
 dis optimis ingeniis divino beneficio pollere
 virtute, taliaque præcociis maturitatis habere
 exempla, quæ ipsi prudentiæ virtutiq̃ue virili
 maximam extorquere possint admirationem.
 An non Avorum memoriâ JOANNES PIC⁹ vige-
 simo ætatis anno, conclusiones nongentas in
 omni scientiarum genere, ex Græcorum, Lati-
 norum, Hebræorum, Chaldæorum, Arabum-
 que arcanis decerptas Romæ disputandas pro-
 posuit? Et Jacobus Mazzonius de omnibus
 scientiis theorematâ, quæstionibus quinque
 millibus centum & nonaginta septem distin-
 ctâ, Bononiæ ætatis vigesimo secundo exhibu-
 it discutienda? & Paulus Scalichius eodem æ-
 tatis anno, mille quingentas quadraginta tres
 propositiones in omnibus Scientiis apud ean-
 dem Civitatem? An non Quirinus (ut Lib. de
 Virgilii culice & Terentii fabulis refert Petrus
 Bembus) magno hominum concursu, magna-
 que Urbis admiratione, quatuor millibus &
 quingentis illis à se in Philosophiâ propositis
 sententiis, omnium omnis disciplinæ Philoso-
 phorum impetus penè puer summa cum gloria
 sustinuit? An non Jacobus Critonius * Sco-
 tus ante vigesimum primum ætatis annum de-

* Hic est Critonius ille Scotus [ita Joh. Imperialis in Musæo Histor. fol. 241.] transacti dudum seculi monstrum, prodigioso naturæ opificis conatu editum. Hic est totius adhuc Orbis iudicio Phoenix habitus ingeniorum. - - Quid humanum magis exsuperans, quam vigesimo primo ætatis anno decem Lingvarum peritia, nec non Philosophiæ, Mathematicæ, Theologiæ, mitiorum artium, cæterarumque omnium disciplinarum apicibus præstitisse? - En sacros celsissimæ originis impetus, quibus pares nulla temporum memoria, præterquam in Pico Mirandula vix invenias. Nec minus de Jacobo Mazzonio idem Imperialis pag. 237. egregia prodidit.

cem Lingvarum, multorum idiomatum, omniumque disciplinarum adeptus est cognitionem? Quid, quod Hugo Grotius aetatis decimo quinto insigne Martiani Capellæ opus Notis suis tersum, & ab innumeris mendis emaculatum in lucem emisit; & Josephus Scaliger minor annorum XVII. Oedipum confecerit tragœdiam, in quam tantum non omnia ornamenta poëtica, & verborum, delectum impenderat. Sic etiam Barclajus admodum juvenis Euphormionem suum produxit; Nicolaus Rigaltius anno ætatis decimo septimo Funus Parasiticum; & Salmasius vigesimo, versionem Stephani de Urbibus, cum notis ad eum eruditissimis paratam editioni habuit. Nam et si (uti præclare Seb. Foxius de Juventute ratiocinatur) par Seni atque Juveni peritia rerum insit, majus est tamen in hoc quam in illo ingenii acumen, quod auget

get prudentiam, quia Senex ut est effeta, jam ætate, ita ingenio quoque imbecilli. At, ardens est Juyventus, & levi quoque appetitus impetu rapitur. Quis verò hinc non probè intelligit, quantum ii errent, qui animum ad eas applicant disciplinas, siue contemplatrices siue practicas, siue ex utroque genere mixtas, ad quas nec eos natura vocat, nec inclinât indoles, nec genius invitat, qui certè idem facere videntur, atque illi, qui flumina prono lapsu currentia in fastigia montium impellere velent.

XV. Non defuerunt è Christianis Doctoribus aliqui, qui vellent omnem scientiam, homini inspirari divinitus, nihil prorsus sciri posse existimantes absque singulari quâdam luce in mentem divinitus immisâ, adeò ut Summi illius Rectoris ac Conditoris commune præsidium satis esse non crederent, ad propinendam scientiam, nisi etiam lumen quoddam, propinquius & magis intimum ad subsidium illud roborandum accederet, quemadmodum ipse D. Augustinus scibilia absque peculiari divina illustratione ab intellectu cognosci haud posse existimavit, sicuti colores sine Solis lumine ab oculis percipi minimè queant; Tametsi verò ea sententia à veritatis tramite non multum abhorreat, pro certo tamen homo sciendi cupidus habere debet, quamlibet scientiam humanam eo modo etiam parari, quo cæteri in

*August.
lib. I.
Colloqu.*

nobis habitus acquiruntur, hoc est labore ac indefesso studio, ad quod eò rectius perficiendum, omnemque torporem excutiendum summo perè conducet librorum optimorum lectio & congeſſio, ſuſceptaque ſcientiæ acquirendæ gratiâ peregrinatio fructuoſa, qualem (Plutarcho teſte) ipſi gentilium Philoſophi quondam inſtituere, varias provincias ad inviſendos præſtantiffimos artium & ſcientiarum magiſtros peragrantes, frequenterque ex Europâ in Aſiam navigantes, non tam ut Ægypti ſitum, aut Nili oſtia, aut altiffimam Pyramidum molem, aut aves viderent peregrinas, quam ut ſolidioris doctrinæ theſauris atque exquisitæ doctrinæ lucro potiantur. Videnda hanc in

*Plutar.
in Solonc.*

*Philo
Jud. de
congreſſ.
quer. e.
rud. gra-
tia, opp.
pag. m.
299.
ſeqq.*

rem literato ſciendi cupido eſt memorabilis Philonis Judæi diſſertatio de *Congreſſu querenda eruditionis gratia*, ubi inter alia hæc notatu digniſſima verba leguntur: *Indifferentes artium ſectatores vident ſe graves uti-
tero, ſed quid geſtent non ſatis vident; ſci-
entia verò cernunt ſætus ſuos manifeſtiſ-
ſimè, nam ſcientia major eſt, quam ars, quip-
pe ratione confirmata ſtabilita q̃, ſic enim
definitur: ſcientia eſt ex multis intelleſtibus
facultas, meditatione acquiſita, ad finem a-
liquem bonum ac utilem; quæ clauſula
rectè additur, ut malas improbasq̃ artes
exclu-*

*excludat ; Tales verò adeundos esse audien-
dosque Magistros , quorum nemo in placitis
exulta à se scientia fallatur. Neque ve-
rò eò dirigenda est à vero pietatis cultore eru-
ditio , aut aliis tradenda , aut etiam ab aliis i-
pſisque exteris acquirenda , quo eam olim pal-
liata illa inanis gloriæ mancipia dirigebant ,
quorum præcipuum institutum fuit , utilitati
juvandi , placendi gratiam præferre , atque ſe-
ctatores ventorum totis velis blandientis vulgi
favonios excipientes , tum demum ſibi ſatisfa-
ctum putaverunt , cum digito præmonſtrari
obtinuiſſent , diciſque audirent , HI SUNT ;
id tantum eruditionis ſuæ oſtentione agen-
tes , ut magnis apud pleroſque celebrentur en-
comiis. Etiam atque etiam cuncti doctrinæ
ſolidioris ſtudioſi vitent pernicioſam hanc
principis tenebrarum catapultam , videantque
ut ad ſcientiam genio ingenioque ſuo aptiſſi-
mam applicent animum , ne inſtar ardelionum
tum maximè inſcitiam ſuam prodant , cum o-
mnia ſe ſcire proſitentur.*

XVI. TERTIA PRUDENTIÆ CHRISTIANO-LI-
TERARIÆ LEGE cautum eſt , *ne confuſè aut cumulu-
ariè traſtentur ſtudia , ſed potius ad præclaram na-
ture indolem , vehementemq; laboris contentionem
ORDO accedat , ſive certa inſtituendorum ſtudio-
rum ratio ; cum experientia magiſtrâ conſtet , ea-
quæ ordine inſtituuntur , minore laboris ac
temporis impendio perfici , nec ſolum citius &*

*Alex.**Fichetus**in arcana**studior.**meth. c.**III. p. 15.*

commodius, verum etiam rectius solere absolvi. Maximis equidem ORDO literatis omnibus sese commendat emolumentis. Eo verò ut nihil est in rerum naturâ divinius, (siquidem dicente Augustino nos ad ipsum deducat DEUM) nihil in adipiscendis scientiis compendiosius, in utendis fruendisque jucundius, uberius, commodius; ita nihil ad experiendum difficilius, nihil varium magis ad eligendum aut perficiendum. QUOT CAPITA TOT ORDINES, [scitè ait Alexander Fichetus] mutantur enim pro geniorum & ingeniorum stomacho & varietate, sive seriem librorum, sive modum legendorum, sive rationem excerpendi flosculos fructusque colligendi per spicilegia spectemus: Alii enim ab oratoribus, alii à Poëtis, ab Historicis nonnulli, & variis ipsorum operibus ducunt primordia. Quidam omnium principes delibant philologos, ut eorum exemplo condiscant artem annotandi; plerique ab artis Magistris auspicantur, à Concionatore item, seu Oratore christiano, ut artis lineamenta deprehendere norint in authoribus. Omne punctum verò illi tulisse videntur, qui pietatis solidæ Magistros, artisque illius artium & scientiæ scientiarum professores cæteris omnibus ducunt anteponendos, adeoque cœlestium disciplinarum studiis prius navare operam, quam humanioribus seu secularibus aliis invigilare constituunt. Et cum

Scri-

Scriptores Theopneusti & Theodidacti, Prophetæ nimirum, Apostolique cuncta vitæ spiritualis [h. e. verè felicis] arcana prodiderint, necesse est ut amor illorum literatos christianos potius incedat, quam profanorum scriptorum veneratio, eamq; primam esse atque præcipuam philosophiâ credant, quæ Sacris sive Biblicis monumentis comprehendatur. *Quam vellem* (præclarè ait Justinus Martyr) *ut omnes* Justinus
in dial.
cum
Tryph. *similiter atq; ego animis affecti, Salvatoris nostri sermonibus perpetuò adhaerescerent !* Timorem enim quendam in se continent salutarem, plurimumq; ad eos, qui à recto itinere deflexerint, in viam revocandos valent. Præterquam quod iis quoq; , qui sedulò sermones istos meditantur, animi quietem & tranquillitatem conferant multo suavissimam. Quandoquidem verò ad eundem felicitatis scopum etiam alii Doctores christiani scriptis suis collimarint, nonnulliq; Patres eam cœlestium disciplinarum principem & magistram scientiam perdocuerint, utpote Basilius M. Hilarius, Ambrosius, Augustinus, Gregorius M. Cassianus, Bernardus aliiq; plurimi, hinc non infructuosè tempus in eorum quoque lectione & evolutione diligentiori Sacro-Sanctæ Theosophiæ Candidatus collocabit, attamen debito [ut antea monuimus] ORDINE, justaque methodo adhibitâ, ne con-

fula lectione animi obruantur potius quam erudiantur. Censent nonnulli Patres legendos ordine antiquitatis & temporis quo vixerunt, sive sint Latini, sive Græci; quidam materiarum ordinem affectantur, ab iis incipientes, qui tractatus scripsere & dissertationes, veluti Cyprianus, Tertullianus, Nazianzenus & alii, tum ad eos sese accingentes, qui in Sacram Scripturam edidere commentarios: Cum verò nonnulli in utroque claruerint genere, ut Hieronymus, Augustinus, Basiliius, Theodoretus, Chrysostomus &c. primum horum orationes, tum demum legendos putant commentarios, ac ne dimidiatos relinquant libros & interrupta opera, integros Patres unum post alium quidam ducunt devorandos. Ast cum plerisque neutiquam instructa adeò sit Bibliotheca, ut pro arbitrio suo cum Doctorum Veterum delectum sequi valeant, illi compendia in fortunæ subsidium advocare, eosque lectitare Patres studeant, qui ad igniculos pietatis eliciendos videantur aptiores. Manibus nimirum frequentius terant Confessiones Augustini & Soliloquia, Hieronymi & Paulini epistolas, Ambrosii de officiis libros, ut & præclara Dorothei, Salviani, Climaci, Cassiani, Bernardi aliorumq; monumenta: Concionabundi verò diligentiorum Chrysostomo operam impendant, non tamen neglectis aliis qui maximo olim cum fructu & emolumento verba

ad

ad populum feceret * Etsi igitur laudatissimum sit, suavi adeò pietatis odore primam ætatem ut testam recentem imbuere, atque tam salutari vacare lectioni, tantum abest tamen, ut maturiori ætate ardor in eadem studia sit remittendus, ut potius magis magisque fovendus sit atque excitandus, cum ejus ope (divinæque adspirante gratiâ) ad supremæ Sapientiæ culmen devenire, & quæ vitanda nobis, quæ amplectenda, quæ tradenda inculcandaque aliis sint, rectissimè intelligere ac perspicere queamus, præfulgidæ equidem lucis portæ cunctis piè-eruditis pandentur, & affulgente de cœlo claritate, insignis ingenii sapientiæque vis ad capellenda fidei ac virtutum mysteria & ornamenta iisdem conciliabitur.

XVII. QUARTA DENIQ; INDUSTRIÆ SACRO-LITERARIÆ LEX jubet, ut nullum non TEMPO-
*RI*s utiliter impendamus spatium, atq; thesauri
omnium præstantissimi singularem habeamus Sen. de
rationem. Mirum (ait Seneca) *re omnium* brevitate
vita,
 VVV 5 præ-

* Legi apprime meretur Ludovici Bail Bibliotheca illustrium Concionatorum. quæ sub
 tit. Sapientiæ foràs prædicantis prodit
 Parisiis, 1666. & quâ illustrium per omnes
 ætates & secula Concionatorum elogia, hi-
 storia, artes, & florilegia, nec non plurima
 ex ineditis seu MSS. codicibus lectiones
 exhibentur.

pretiosissima luditur, vix est qui tempus aestimet, quæ culpa licet in omnibus maximè sit reprehendenda, at in hominibus, qui meliores indices effici debent, aliosque efficere meliores, prorsus est intolerabilis. Vulgo licet mortaliū temporis jactura videatur levior, ii tamen quibus de nobiliori luto Titan finxit præcordia, velocissimæ rei injectâ quasi manu moram facere omni studio laborabunt. Nihil sciet unquam, qui artis hujus omnium utilissimæ, temporis sc. benè collocandi rationem non fuerit consecutus. Trium verborum semper meminerint, quotquot operam literarum studiis navare volunt diligentiorē, PRÆTERVOLAT [Tempus nimirum,] ARRIPE, SERVA. Hujus solum rei possessionem nostram esse, & avaritiam laudabilem, optimi huc usq; judicarunt, sapientissimè itē pronunciantes, neminem unquā insigniter doctū extitisse, qui temporis non fuerit parcissimus. ALDUS MANUTIUS Senior ut multivariis suis consuleret occupationibus, atque importunas inutilisque amicorum (licet officiosas) salutationes & confabulationes summo veret, Musci sui ostio verba inscripsit sequentia: *Quisquis es, rogat Te Aldus etiam atque etiam, ut si quid est, quod à se velis, perpaucis agas, deinde acturum abeat; nisi tanquam Hercules defesso Atlanti veneris supposituros humeros;*

meros; semper enim erit quod & Tu agas, & Aldus. Quod si tantam temporis rationem habuit Criticus ætatis suæ doctissimus, inque emendandis veterum exemplaribus græcis præsertim laboriosissimus, quidni eadem de tempore benè collocando cura versaret sanctioris doctrinæ alumnos, majus fructuosiusq; negotium meditantes, veræ nimirum ac sinceræ pietatis & professionem & propagationem? Sed cum diutius feliciusq; illi studeant, qui valent diutius, illi autem rectius valeant, qui studiis sapientius moderantur, cavendum etiam est, ne sicut avari dulcedine usurarum pereunt, ita literatis nimia studiorum voluptate (siquidem continuis vigiliis horisque longioribus corpus exedatur) animus & vires exhauriantur, ingeniumque hebetetur vel acutissimum. *Est quedam in studiis* [ait scite Fichetus] *literarum ingluvies, & avaritia, quæ nocet animo non concoquenti, sicut cibibus avidius ingestus stomacho.* *Ne mihi sis belluo librorum, sed amicus.* Modus adhibendus est, qui rebus omnibus est salutaris. Arcus & fides Musica nimia contentione franguntur, remissione durant; ferrum usu probo splendet, improbo hebetatur & frangitur, Minuendus est labor ut angeantur vires, non autem onere præfocent.

Fichetus
l.c. cap. 6.

1036 COMMENT. IX. ET ULT. DE NOXIA LIT.
focentur. Nullis magis impendi decet ar-
tem tuenda valetudinis, quam LITERA-
TIS PARS, nulli enim mortalium eam utili-
us impendunt, - - Mutanda sunt studia,
& à remissione modica, aurificum exemplo,
qui reficiunt oculos, exhaustos auri fulgo-
re, nitoreve argenti, gemmarum viventi-
bus pratis; omissis tantisper seriis, jucun-
diores in manu sumendi sunt libri, qui li-
terarum describunt amantitates &c. Sic
Scipionem negotia sua otio interpunxisse, Vel-
leius testatur, id ipsum observent assidui lite-
rarum cultores, ne studiis & meditationibus
nimis citius intabescant apprimeque ca-
veant [ut nostrum de vitandâ Curiositate
nimia sermonem prosequamur,] ne inutilibus
prorsus studiis invigilantes, discant dediscen-
da, & artibus nunquam profuturis ætatem con-
sumant. Laudabilior est animus (inquit D. Au-
gustinus) cui nota est vel infirmitas sua,
quam qui eâ non respecta rerum terrestri-
um cælestiumq; tenet scientiam, vias fide-
rum etiam cogniturus, aut qui jam cogni-
tas tenet, ignorans ipse quâ via ingrediatur
ad salutem ac firmitatem suam. Et quis
neget quoddam intemperantiæ genus esse,
plus scire velle quam satis sit? ait Seneca. Sunt
equi-

August.
lib. 1. de
Trin. c.
2.

equidem non pauci qui ad Curiositatis saturitatem studiis non minus, quam immodico vini usu obruunt intellectum, ex quo ad reliqua efficiuntur impotentiores, nec malè propterea laudatus Episcopus Hipponensis homines moderatè studiosos temperantes ac sobrios appellat, eos verò qui nimio studiorum æstu corripiuntur, intemperantes ac penè ebrios, magnum hinc temperantiæ munus esse statuens vitii adeò noxii coërcitionem ac refrænationem, præcipuè in illis scientiis, quæ ad bene beateque vivendum minus utiles videantur.

Admonent nos Sacrorum mystæ [ait rursus doctissim⁹ Fichetus] ut legam⁹ quidem multa, eaq; præstantissima, sed MULTUM, NON MULTA, h. e. festinemus lentè, obruitur enim memoria multitudinè, festinatione iudicium ingeniumque corrumpitur. Convivas imitemur oportet, qui cibis non ingurgitant sese, quos non concoquerent, sed sedatâ fame, & lento dente vescuntur, eâque mensura & modo, ut digerere & in succum suum demutare queant dapes illatas: Hoc ritu non tantum MULTUM legitur, ad profectum scil. utile, sed etiam multa; optima namque multorum instar esse solent. Examine & iudicio exquisitissimo est opus, & vitia dotesque librorum librandæ, ne virtutum loco peccata authorum subeant, fingendus item ad eorum imitationem est animus, formandumque iudicium, quæ

potis-

*Alex. Fichetus in
Arcan.
stud.
meth. c.
7. p. 51.*

potissima laus est studiorum, ita sapienter Fichetus. Nemo equidem ad sobrietatem eos sapere judicabit, qui intempestivè, qui diutius quam par est, qui sollicitius in studia incumbunt non profutura, vixque credibile est, quantum hâc ipsa helluatione sibimetipsis afferant, detrimentum. *Si enim pro viribus suis a-*

*August.
lib. XII.
de civit.
Dei cap.*

latur infans (præclarè ait Augustinus) fiet, ut crescendo plus capiat; si autem vires sue capacitatis excedat, deficiet antequam crescat.

15.

XIIX. Ab hoc verò maximæ infelicitatis periculo omninò alieni fuere illi divinæ gratiæ radiis collustrati literati, qui tumultuosum considerantes vitæ literatæ genium, horrendos eruditarum mentium motus, infinitarumque molestiarum [à Viris doctis devorandarum] seriem sibi ob oculos ponentes, supremæ scientiæ thesauros sollicitè investigavère, lateque olim evagati, tandem sumè salutarem scopum duxère respiciendum. Ad R U D O L P H U M A G R I C O L A M [illustre illud Frisiorum decus, quod sub seculi decimi quinti initium effulsit,] oculos vertat, quisquis FELICIS eo nomine LITERATI ideam conspiciere desiderat. Tantos ille in omni Studiorum (humaniorum præsertim) genere fecerat præcoci maturitate progressus, ut ex Petri Montani judicio cum ævo isto solum Germa-

nia

nia habuerit, quem insolenti Græciæ, aut pro-
caci Italiæ objiceret. *Nihil enim unquam*
Cisalpinus Orbis (ita Erasmus illum in
opere Adagiorum posteritati commen-
davit) *produxit omnibus literariis dotibus*
absolutius, absit invidia dicto. Nulla erat
honestà disciplina, in quâ vir ille non po-
terat cum summis artificibus contendere.
Inter græcos græcissimus, inter latinos lati-
nissimus, in carmine Maronem alterum di-
xisses, in oratione Politianum quendam le-
pore referebat, majestate superabat. Oratio
vel extemporalis adeò pura, adeò germana,
ut non Frisium quempiam, sed urbis Romanæ
vernaculum loqui contenderes. Eloquentia
tam absoluta parem adjunxerat eruditionem,
Philosophiæ mysteria omnia penetraverat.
Nulla pars Musicæ quam non exactissimè cal-
leret. Extremo vitæ tempore ad literas
hebraicas, ac scripturam divinam totum ani-
mum appulerat. Hic itaque doctrinâ literis-
que illustris adeò Vir cum non ignoraret sa-
pientis illius effatum: Omnem scientiam ma-
gis obesse quam prodesse, si desit scientiâ opti-
mi, maximo tandem animi ardore pietatis sin-
ceræ studio sese addixit, cœlestesque dapes
nocturna diurnaque manu versans, suas duce-
bat

1040 COMMENT. IX. ET ULT. DE NOXIA LIT.
bat delitias. Quinimò vivum & efficax DE I
verbum cor ejus ita immutaverat, ut spretis
profanæ sapientiæ thesauris, nil nisi Christum
spirarit, qui consecratum sibi pectus, ex hoc er-
rorum pelago in veræ sapientiæ portū, & primæ
veritatis arcem mox erat transuecturus. Cor-
reptus enim post seriam suam à vanæ doctrinæ
vanitate ad sinceram pietatem conversionem
febris, animam suam christianâ alacritate
vitæ datori commendaverat, tandemq; reddi-
derat nondum quadragesimum excedens an-
num. Quid obsecro Viro huic doctrinæ opibus
onustissimo contingere potuisset felicius, quod
plenis absolutisque ejus laudibus illustrius ac-
cedere elogium, quam quod artium & discipli-
narum secularium studiis diu multumque de-
fatigatus, tandem ad veram DE I cognitionem
& cultum pervenerit, summamque ad eò lite-
rati hominis prosperitatem sit consecutus. Ad
quam eodem ferè tempore haud infeliciter a-
spiravit Jo. PICUS MIRANDULANUS, cui grave
quod subiit famæ periculum, oportuna occasio
excolendæ exercendæque pietatis extitit. Ab
æmulis etenim [ut alibi diximus] atrociter
exagitatus, atque malevolorum vexatus calu-
mniis, veros suos agnovit & emendavit erro-
res. Prius (notanter ait vitæ scriptor) & gloriæ
cupidus & amore vano succensus, muliebri-
busque illecebris commotus fuerat, viaque
vitæ probatæ posthabita, parumper in delitias
deflu-

*Confer
Com-
ment. IV.
de Invi-
dia lite-
rat. pag.
468.*

defluxerat. Verum similitudo illa expectatus,
diffluentem luxu animum retudit, & conver-
tit ad Christum, atque feminea blandimenta
in supernæ patriæ gaudia commutavit, ne-
glectaque aura gloriæ, quam ipse semper affe-
ctaverat, DEI gloriam & Ecclesiæ utilitatem
tota cœpit mente perquirere, adeoque mores
componere, ut posthac vel inimico iudice com-
probari possent. Quamprimum sacras degu-
stavit literas, non tantum VERAM SA-
PIENTIAM, sed & veram eloquentiam se-
se invenisse lætabundus exclamabat. O miram
DEI ex malis bona elicientis clementiam! Humanam ex in-
gloriam pro nihilo habebat, a-
jebatque sapius, famam vivis non nihil, mor-
tuis minimè profuturam, tantumque pro-
prium æstimasse doctrinam agnovimus, quan-
tum utilitati Ecclesiæ, & eliminandis explo-
dendisque adversis erroribus conducere - -
Admonebat sapissimè familiares inter loquen-
dum ut animadverterent, quantum laborent
nutrentque mortalia, quamque caducum &
fluxum quod vivimus, quam firmum & sta-
bile quod sumus futuri, sive scil. detrudamur
ad inferos, sive sublevemur ad cœlos, hortaba-
turque ut ad DEUM amandum converterent
& incitarent mentes, quod opus præ pondera-
ret cuicunque, quam in hac vita habere posse-
mus cognitioni, hoc etiam in libello ipso de
Ente & Uno luculentissimè est executus, quan-

do ad Angelum Politianum, cui librum nuncupavit, in ipsa disputatione conversus hæc verba effatus fuerit : *Sed videmi Angele, quæ nos insania teneat*, **AMARE DEUM** dum sumus in corpore plus possumus, quam veleloqui, vel cognoscere, amando plus nobis proficimus, minus laboramus, illi magis obsequimur, malumus tamen semper per cognitionem nunquã invenire quod quarimus, quam amando possidere id, quod non amando frustra etiam inveniretur. Deniq; cum Pico morti jam vicino, Albertus quidam mortis confinia reddere placabiliora laborasset; non illa duntaxat rationi pacari animum respondit, non finem mortis cruciatibus poni, sed hæc potissimum, quod Dei sui offensis terminus jam poneretur. Quis itaque Magnum illum Picum, litteratorum felicissimis accensere dubitaret?

XIX. Si quem hoc seculo eruditum continuus immensusque pro re literaria labor comendavit, certè is fuit **JANUS GRUTERUS**, cum quo etiam doctissimi hujus ævi, si laboris emensi respectu comparentur, desidiosissimi vocabuntur. Nullus ferè author sive græcus sive latinus extabat ex antiquis, quem non notis ac commentariis suis aut illustrarit, aut illustrare potuerit, nemo plura veterum recensuit monumenta & restituit, imò singulos vitæ suæ annos, ac propemodum menses libris singulis
à se

à se editis distinxit. Cujus felicitatis literariæ cumulo insignis accessit Bibliotheca privata, ita ad usum publicum instructa, ut inde urgente necessitate, cuncta sine multo labore necessaria proferri potuerint. At verò tot tantisque Ingenii, laborum, operumque fructibus illustris Gruterus, ad majorem longè literati hominis aspiravit felicitatem, de cujus sede eum nec quinquennale exilium, nec gravissima corporis afflictio, nec tempestas etiam extrema dejecit. Tum enim præcipuè insignis Christiani Philosophi idea exemplo Gruteri emicuit, cum pacatum ex hac miseriarum valle exitum Vir annis, laboribus meritisq; in rem literariam splendidissimis gravis esset consecutus. Etenim (uti vitæ scriptor disertè est contestatus) multis ante obitum diebus noctibusque nihil aliud agebat, nihil audiebat, nihil loquebatur, quam quod vitæ fragilitatem ostentaret, & optimam moriendi demonstraret methodum. Summam illam nobilissimamque disciplinam (uti vel ipsi Gentilium philosophi assiduam mortis meditationem nuncupavêre,) curæ cordique Gruterus tantoperè habuit, ut eam non symbolo solum memorabili (ex duobus composito vocabulis: LABOR, & MOR S,) verum etiam nobili suo opere, quod BIBLIOTHECAM EXULUM vocavit, notanter expresserit, nulli plures quam loco de MORTE paginas tribuendo, in fatali etiam operis præfatione,

*Frid.
Herman.
Flayders
in vita
Grut.
Tubinga
1628. ed.*

(quam tribus ante obitum septimanis adornaverat) scribens : SE VIXISSE, & quem DEUS dederit cursum feliciter peregisse. Illustre etiam felicitatis literariæ exemplum ævo nostro FRANCISCUS BACO VERULAMIUS præbuit, cum singulari adeò eruditione virtuti summæ sociatâ conspicuus vixerit, ut quosdam non infimi ingenii homines cogitatio subierit, EUM præ cæteris mortalibus peculiari quodam Scientiæ humanæ radio fuisse illuminatum, indeque tantam in Regio Anglorum confessu auctoritatem obtinuit, ut dicta & pronunciata ejus vix unquam vocata sint in dubium, atque differentis Verulamii verba non aliter excepta, ac si oracula magis quam eloquia protulisset. Nec domi solum & inter populares, verum apud externos etiam, & Terrâ non minus marique quam ipsa religione longissimè diversos, nomen Verulamii tantoperè est celebratum, ut seculi & gentis suæ decus, ornator & ornamentum literarum, latino, non oratorio dicendi genere sit appellatus. *Facultates quippe illæ dotesque* (ait incertus vitæ scriptor) *in aliis* dissociatæ ferè & solitariae reperiuntur, *in illo conjunctæ & quasi connubio aliquo copulatæ eminebant.* Ea fuerant ingenii acumen, memoria fida, Judicium penetrans, & profluens elocutio. Miram hanc felici-

Confer.
vit. Veru-
lam. opp.
ejus an-
no 1664.
Francos.
edis. præ-
fix.

licitatem literariam comitabatur vel augebat
potius insignis Viri candor atque integritas,
quâ omnem profligavit versutiam, & quam
maximè à nova illa pseudo-politicorum secta
abhorruit, quæ alumnos suos lingua comes, pe-
ctore docet esse noxios: *Unde argumentatio-
nis* (ita rursus vitæ scriptor anonymus)
*genus illud, quâ in utramq; partem discepta-
tur, mensa ejus haud novit, aut si aliqua
forte intervenerit, eadem cum magna sub-
missione & moderatione fuit agitata.*
Eicet vero in cunctos fuerit benevolus, quo-
rundam tamen odia devitare non potuit & of-
fensiones, varixque fortunæ aleam subiit, cum
invidia procurante ab amplissimo Cancellarii
munere esset deturbatus. In quo ut NIHIL
NOVI (ipso semet hoc Scripturæ dicto con-
solante) videbatur pati, ita tantum abest ut
FELICITATIS suæ LITERARIÆ inde jactu-
ram fecerit, ut potius notabile ejusdem ex hac
calamitate senserit incrementum. A negotiis
enim civilibus & vitâ activa retractus, extre-
mum quinquennium studiis privatis egregiis-
que insumit contemplationibus, otioque gau-
dens literario, maximam librorum suorum par-
tem exaravit, divulgavitque. In quinq; nimi-
rum annorum umbrâ fructus fœcundi illius in-
genji maturuerunt præcipui, ostenderuntque,
publicum bonum ei tantoperè curæ cordique
Xxx ; fuisse,

fuisse, ac si illius duntaxat promovendi gratia in umbra potius quam in luce vivere optasset. Quantum invidia Viri honoribus summæque dignitati subduxit, tantum vel invita ad nominis sui famæque adjonxit immortalitatem, illum scilicet Honorem, quem maximi quique Viri etiam post fata sunt consecuti. Qui librorum ab eo conscriptorum momenta ponderaque accuratiori studio examinant, verborum vigorem potius & perspicuitatem, quam elegantiam eum sectatum fuisse deprehendent, nec minus animadvertent, authorem scientiam suam haud quaquam ex aliorum scriptorum evolutione hausisse, sed ex principiis potius & notionibus quibusdam intra se accensis; neque tamen cerebri proprii figmenta, sed fixas & radicatas multorumque annorum usu confirmatas cogitationes cum Orbe erudito communicasse.

XX. Alii insuper ævo nostro vixere insignes diffusæque doctrinæ laude conspicui viri, diu immodico adeò agendi scribendique abrepti desiderio, ut à nobili illo scopo longius recesserint; sed qui ad eundem tandem aliquando accessere propius, atque optatæ felicitatis portum quærentes, tutam ibi invenere mansionem. Hos inter CASPAR BARTHIUS, Vir generis & famæ magnitudine, elegantissimarumque artium cognitione excultissimus: Bone DEUS! quot quantosque auctores Græcos & Latinos ille

Vid.
Templ.
Honor.
p. 380.
seqq.

ille illustravit, quot notarum sylvas confecit, quot antiquitatis venerandæ monumenta labore incredibili cum pluribus communicavit. Et quamvis maximam ætatis suæ partem in literario quodam secessu transegerit, otio tamen sese tradidit minimè otioso, supremæque felicitatis literariæ fastigium attigit, postquam semotus à populo cum DEO & Sacra assiduè versatus esset antiquitate, meditando, scribendo, legendo, bonas horas optimè collocasset, maximumque in Sacro suo otio suscepisset negotium, seriam sc. à profanæ doctrinæ vanitate ad sinceram pietatem meditatus conversionem. Quâ de cumprimis testatur illustre SOLILOQUIORUM OPUS, extremis vitæ temporibus à Barthio publicatum, flagrantissimis ad DEUM suspiriis oppidò plenum, & vel Augustino scriptore dignum, quod postea hemi-plecticus quotidie revolvere, & per priorum meditationum vestigia frequenter cogitationes suas cœlo immittere consuevit, quousque è sacræ pariter ac literariæ solitudinis diversorio migravit, inque beata paradisi viridaria felicissimè secessit. Quem obsecro latent plusquam Herculei GERARDI JO. VOSSII labores, rei literariæ emolumento & ornamento exantlati, ex quibus plures ad doctos viros hætenus redundarunt fructus, & porro sunt redundaturi, quam ipsi hætenus confessi sunt, vel in posterum confitebuntur. Nihil non ob-

*Prodiit
hoc opus
Solilo-
quiorum
Barthii
Cygnea
1654.*

fcurum, nihil non abditum vel parum intellectum è profundis omnigenæ eruditionis penetralibus explicavit, utriusque antiquitatis Sacræ & profanæ rariora monumenta ita ventilavit, ut dubium sit in quonam eruditionis genere magis excelluerit. Professioni Historiarum publicæ Amstelodami deputatus, historiz omnigenæ thesauros ita peruestigavit, ut eas calluerit exactissimè, atque bifrontis cujusdam Jani instar, nostra pariter ac antiqua secula perspectissima habuerit. Quinimò tanta Oratoriæ facultatis peritia illum commendaverat, ut qui propius paulò Virum cognovère, parem ipsi in hoc doctrinæ genere non facilè reperiri crediderint. Verum tantum inde laudis gratiæque apud bonos omnes neutiquam obtinuit, quantum inde est consecutus, quod non soli eruditioni, verum etiam menti philosophiâ sublimiori imbuendæ operâ strenuam navandam esse, verbis pariter ac proprio docuerit exemplo, vanam & inanem illam judicans scientiam, quæ virtutis pietatisque christianæ fructibus esset destituta: *Nec enim* (notan-

Gerhard.

Joh. Vos. ter scribit alicubi) *quosvis fructus ex quo-*
in præfat. libet semineo expectes. Quis herbarum se-
 Theol. *minibus in terram conjectis accuset eam quod*
 Gent. *non legumina produxerit? vel quis agrum*
inceffat probris, si ubi severis fabas, aut
milium, non proferat frumentum? quo jure
 igitur

igitur oberebra aded divortia **PIETATIS**
& **ERUDITIONIS** ream faciunt do-
ctrinam universam, si animus eorum quos
accusant, aliis potius studiis fuerit excul-
tus, quam istis, quæ rectè nos ad mores du-
cunt honestos, & pietatem ipsam? Hac ve-
rissime à me dici, nemo inficias inverit, qui
cogitare volet, quam multi tanquam ad Si-
renios scopulos consensescant in linguarum
notitia, omnique literatura, vel etiam
erudito illo Matheseos pulvere aut disse-
rendi disciplina, quæ inscitiam quidem
aliquam animis detergent, sed sola nemi-
nem reddunt meliorem. Idem de soluta
ligataq; eloquentia censendum. Aliæ certè
sunt benè **DICENDI**, aliæ benè **VIVENDI**
artes. Cum igitur non eadem sint doctrina-
rum omnium bona, non fructus idem, quis-
quis salutaria esse volet studia sua, ad duo
hæc præcipuè collimare debet, ut & **ME-**
LIOR & **PRUDENTIOR** reddatur. Ac
de priori potissimum laborandum, quia sine
prudencia quidem infelicem viveremus vi-
tam in terris: sed sine **PIETATE** ater-
num miseri foremus. Nec minus illustra
supremæ hujus philosophiæ documenta Vos-

finis dedit in egregio de COGNITIONE SUI opusculo, in quo artem illam artium, & scientiam scientiarum commendaturus, scitè

Ger. J. Vossius de aliis mereri, si de semetipsis eruditi ma-
opusc. de lè mereantur, quod fiat, si studia in ipsis fa-
cognit. stum pariant non modestiam, cui morbo de-
sui p. 32. pellendo haud melius prodest remedium, quam

quod duabus illis perquam tritis contineatur
vocibus: γινῶσθαι σεαυτὸν, TEMET NO-
SCERE. Hujus præcepti utilitatem duplici hominum generi apprimè injungendam esse sapientissimè judicavit; iis nimirum, qui vel bona sua nesciant, vel qui suos ignorent defectus, quorum cum satis ubique magna reperitur frequentia, literatis omnibus strenuè laborandum esse monuit, ut saluberrimo illi COGNITIONIS PROPRIÆ studio incumbant, agnitisque defectibus suis, solidæ eruditioni, virtuti verè christianæ sociatæ navent operam, sollicitè attendentes, *num in API-*
BUS, an FUCIS, an CRABRONIBUS nomen
mereantur, deniq; illud frequenter in animo habentes, utcumq; pulchrum sit audire doctum,
pulchrius tamen haberi prudentem, pulcherrimum verò ESSE PIUM. Hanc nimirum supremam eruditi hominis sapientiam esse, ejus sectatores laus mansura sit in seculum.

XXI. Felicium quoque literatorum ordini haud abs re inferimus **JO. AMOS COMENIUM**, qui postquam actis pariter ac scriptis singulari fructu targidis, nomen suum æternitati consecrasset, & ad tantam devenisset celebritatem, ut scripta ejus omnium ferè facultatum Candidatis innotuissent, tandem septuagenario major illustre admodum ac singulare hominis à profanæ doctrinæ vanitate ad seriam pietatem conversi exemplum dedit & documentum, Mundoque expendendum obtulit **UNUM** illud **NECESSARIUM** † (*scire nimirum quid sibi sit in vita, morte & post mortem necessarium;*) atque hoc præclarum institutum luculentius paulò expositurus, egregiaque tum seriæ suæ ad **DEUM** conversionis, tum candoris verè christiani vestigia relicturus, apertè testatus est, se quoque **NON-NECESSARIIS** Mundi diu multumque occupatum, varios Literatorum incurrisse labyrinthos, donec ad boni omnigeni fontem ac Oceanum divina ope tandem aliquando sit deductus. Non aliud sibi post tot labyrinthos, Sisypheaque saxa, quibus toto vitæ suæ tempore fatigatus fuerit, arridere, quam illud datum à Christo consilium: Ut posthâc **UNO NECESSARIO** contentus, non necessaria

† Ita novissimum factum suum Comenius inscripsit ed. Amstelod. 1668.

saria cuncta protinus amoveat, Mundumque totum à tergo relinquat. Et si quid specialius (*scribit notanter*) de ultimo hoc meo proposito est dicendum, dicam: Palatii loco mihi tuguriolum erit quaecunque; pretiosæ vestis loco villosum aliquod indumentum sufficiet. PHILOSOPHIA mea erit intueri cum Davide coclos, & reliqua opera manuum DEI; MEDICINA mihi erit tenuissima diæta, jejuniis subinde interpositis decoranda: JURISPRUDENTIA mea erit, quicquid ab aliis fieri velim aut nolim mihi, hoc idem facere, aut non facere aliis, si in THEOLOGIAM inquirat, arripiam cum Aquinate morituro Biblia, totoque corde & ore dicam: Credo quicquid in hoc libro scriptum est! Si quos conscientiae casus habeam, quæret, omnia mea mihi esse suspecta respondebo. Ridebunt forsan (*pergit Comenius*) humanæ sapientiæ admiratores delirum Senem, à fastigiis æstimationis suæ ad bases infimas descendentem, rideant si volupe est, meum cor etiam ridebit effugisse tricas, evasisse labyrinthos. Inveni portum.

for

sors & fortuna valete, dixit poeta. Ego inveni Christum, vos NUMINA VANA valete. Tota mea vita peregrinatio fuit, non patria, mutatum perpetuo diversorium, nunquam & nusquam stabile domicilium: At jam cœlestis patria in prospectu est, ad cuius usque limina Dux meus, lux mea Christus me deduxit. Hæc inter sacro-sancta de UNO illo NECESSARIO meletemata (quibus postremum biennium exegit,) vitam tandem Comenius placidè finivit, optatamque requiem post gravissimos labores superatos octuagesimo ætatis suæ anno invenit. Quo ipso LITERATI FELICISSIMI caractere ætate nostra conspicuus extitit MATTHIAS BERNEGGERUS, non minus rara atque insigni pietate, quam profundæ eruditionis gloria ita conspicuus, ut religionem (quæ primum humani generis bonum est,) ardentissimè amarit, in vita etiam communi incredibilem ostenderit integritatem, ægrè ferens multorum eruditorum incogitantiam, qui cum plerasque artes ac disciplinas excolere cogitent, artem BENE VIVENDI negligere haud vereantur, veluti minus necessariam, vel perceptione & exercitio facillimam, cum tamen ex hujus unius contemptu vel ignorantia tot errores, tot miseriæ, totque in universa vita humana calamitates oriantur. Ad BERNEG-

NEGGERI exemplum gener ejus JO. FREINS-
HEIMIUS ætate nostra elegantē docti simul ac
boni Viri ideam expressit, graviterq; non minus
quam piē & christianē de verā beatitudine ho-
minis literati, ejusque consequendæ ratione
dissertuit, atque sempiternam salutem fluxæ
perituræq; felicitati ac gloriæ literariæ sapien-
tissimē anteposuit: *Nam ut docti simus [ajebat]*
non est necesse, ut boni autem simus, siqui-
dem beati fieri velimus est necessarium.

Vale
Templ.
Honor.
p. 361.

Id ipsum cum paucis ab hinc annis ad animum
sibi probē revocasset Magnus ille ævi nostri
Æsculapius THOMAS BARTHOLINUS, stu-
penda prorsus æquanimitate triste admodum
Bibliothecæ suæ incendium, atque operum
nondum divulgatorum interitum pertulit, e-
ditā peculiari de BIBLIOTHECÆ INCEN-
DIO dissertatione epistolicā † veniam ab e-
rudito Orbe petiit, quod meliori Bibliothecæ
parte devastatā, operum à se in catalogis li-
brariis promissorum copiam deinceps facere
neutiquam valeat: *Temperare mihi [scribit]*
ille notanter] quidem non potui quin in recenti
vulnere

Barth.
de incen-
dio Bibl.
p. 10.

† *Edita est Bartholini de Biblioth. incendio dis-*
sertatio Hafnia 1670. quā etiam prolixē
ostendit, quanta huc usque optimi quique au-
tores à destructore Vulcano passi sint detri-
menta, confer Clem. Museum, lib. III. sect.
II. c. 9. & dissert. Sacris nostris Bibliothecariis
præfixum num. XII.

vulnere mecum non nihil mustitarem, Vulcani fabulam veterem eludere cœpi, & penes me pro fabula fabere. Minerva ille amicus ferebatur olim, jam inimicissimus, cum uno velut fulmine suppellectilem librariam, & tot annorum lucubrationes prostraverit, neutiquam aequo animo ferens, quod à B. Augustino cooperarius Minerva appel- *August.*
letur - Expertus jam loquor, & mecum *Lib. IV.*
testantur, si per violentiam & tyrannidem *de C.D.*
destructoris Vulcani superessent instrumen- *cap. 10.*
ta Anatomica & Chirurgica, libri Anato-
mici & Chirurgici, infinita arcana Medica
& Chymica, Antiquarii plusculi & philoso-
phi, & quod palmarium, OPERA A ME
ductu & auspiciis Minerva confecta, PRO-
PEDIEM LUCEM VISURA, nisi à nimia
& ardente Vulcani luce essent suffocata,
& extincta. Deplorarunt & alii destru-
ctoris hujus savitiam, ne exemplis carea-
mus, aut pro solo exemplo ME posterì ad-
ducant, si quì tristis mei casus meminisse di-
gnaturi sint. Et post quædam alia idem
Bartholinus; Pabulum (scribit) igni sug-
gestimus savienti chartis aternitati conse-
crandis, ut experiremur, quo modo in igne

expurgatorio se gererent. Nati olim ad Solem explorabantur ut legitimi; Mei quoque ingenii & laboris fœtus ad ignem examinati, quia immaturi pro vitalibus & legitimis habiti non sunt, igne ulterius perficiendi. Ita solabar triste & pradii & Bibliotheca mea incendium, credidiq; à DEO immortalī quietem in senio crescente imponi & clementer concedi, quam ipse hactenus variorum editione mihi denegavi. Ne vel hac nimis se ad plures curas laxaret, vel charta materiesq; scribendi aliis prariperetur, utraq; igne debuit coerceri. Neq; enim aliunde incendium accerserim quàm à DEO, vel iubente in pœnam, vel permitte ad probationem. Tempus jam monet, & DEUS quasi dato per ignem exploratorium signo jussit, ut sarcinis collectis, de alio post fata vivendi genere serio cogitem, spretisq; mundanis, quæ hactenus vel mentem occuparunt, vel calamum delassaverunt, ad immortales de DEO animaq; curas me totum componam. Nobile equidem Vir toto Orbe celeberrimus in ipsâ infelicitate sua FELICIS EX ANIMO LITERATI documentum dedit, dum miranda patientia flammâs

mas, librariam suam suppellectilem devastantes excepit, *optimumq;* [quæ ipsiusmet verba sunt] existimavit ea pari, quæ emendari non possint, & *DEUM*, quo auctore cuncta proveniant, sine murmuratione comitari. Taceo alios Orbis literati felices incolas, qui esse boni, esse probi maluerunt, quam videri tantummodo aut vocari, *BENE VIXERE* pariter ac bene *DOCUERE*, vitam egere pietatis professoribus dignissimâ, donec post multa præclarè actitata & scripta humanis rebus exempti, non tam finire mortalitatem, quam beatam æternitatem inchoavêre.

XX. Hæc verò felicitas ut cunctis divino beneficio obtingat literatis, pari studio ac diligentia cogitent: Quomodo ad veram sapientiâ sit properandum; cumque ipsa temporis rapiditate ita iis sit decertandum, ut pulcherrimum fructum consequantur? Quam in rem haud malè Plinius; *Tanto magis inquit, hoc quicquid est temporis fusili, & caduci si non datur factis (nam horum materia in aliena manu,) nos certè studiis præferamus; & quatenus nobis denegatur diu vivere, relinquamus aliquid, quo nos vixisse sestemur.* Magnificentius verò Epictetus; Quo *Lib. IV.* ergo occupatus opere, ait, vis à morte depre- *Diff. 10.* hendi? quod ad me attinet, opere aliquo quod dignum homine sit; benefico, ge-
 Yyy nero-

neroso, in publicum salutari. Quod si hoc supra vires meas fuerit, illud certè conceditur, ut me ipsum emendans, expoliensque, & affectus temperans à morte occuper, quod si contigerit, satis erit posse extensis ad DEUM manibus dicere: Quas à Te facultates accepi, ad intelligendum gubernationem tuam, eique obsequendum non neglexi. Idemque iterum,

*Lib. III.
Diff. 5.*

mihî inquit, in votis est, non alii rei intentum à morte occupari, nisi curandæ menti meæ, ut me perturbatione vacuum, impedimentique & coactionis expertem & liberum, & hoc ipsum toto pectore agentem deprehendat; ut

dicere possim DEO, nunquid leges tuas violavi? nunquid facultatibus animi abusus sum?

Sed magna hæc sunt Epictete, ardua nimis, fastumque à DEO sacratis hominibus longissimè alienum redolent. Nos Christi discipulos major decet modestia, ne PLUS SAPIAMUS,

QUAM OPORTET SAPERE, nihilque ampli⁹ sive per CURIOSITATEM, sive inanem gloriam agamus, ut digni videamur adventantis

Matth.

25. v. 31.

Cyr. A-

lex. de

incarnat.

Chri-

sti hom.

7.

Domini voce: EUGE SERVE BONE ET FIDELIS, &c. Oremus cum Paulo Emisleno apud Cyrillum Alexandrinum, oremus inquam

Patrem ut consuetâ nobis mensam pretiosâq, & varia Spiritus Sancti esculenta paret; Nec min⁹

in nostra fronte animoque (semper in rem summè utilem imò UNICE NECESSARIAM, divinæ item voluntatis ultimique eventus cen-

trum

trum intento,) aurea illa lamina sacerdotalis
rutilat, de quâ S. Hieronymus ad Fabiolam :
NIHIL NOBIS [scribit] PRODEST OMNIUM RERUM ERUDITIO, NISI SCIENTIA DEI CORONEMUR.



DAN. BARTOL. IN CHARACTERE

HOM. LITERATI part. II. p. 131. 132.

LITERATORUM VITIA perioque conjunguntur
in literas, nec debet rei cujusquam naturæ attribui,
quod ex pravo solum proficiscitur ejus usu. Solem in-
ficiunt Horizontis sordes ; Lunæ maculant globum,
repercussæ ex terra expirationes [si qua errori fides,]
stellas motu jactatas perpetuo, aeris vapor nobis re-
præsentat. Ergone Sol propterea squalidus, maculosa
Luna, stellæ instabiles ? nihil est tam innocens, quod
aliena culpa reum non faciat, si pravos in usus deduca-
tur. Crudelitatis officina est bellum ; ambitionis co-
lumen sceptrum ; lasciviarum illecebra, formæ decor ;
luxus adminicula divitiarum : Superbiæ pabulum honores ;
conciliatricula fastus nobilitas. Quid attinet plura
percurrere ? cum ipsamet sanctitas, in usus deflectatur
fictæ probitatis, & vera religio privatarum fiat famula
rationum. Non damnat igitur literas usus præpostе-
rus, cui coguntur famulari, ut nec floris pulchritudi-
nem aranei, qui venena ex iis conficiunt. Quod si li-
teræ ut sunt lux mentis germana, & propria, sic illud
etiam de luce retinerent, ut ex Patre luminum profe-
ctæ radios haberent minime à vero & bono flexuosos,
sed instar lucis è Sole progressæ rectos semper, & quo-
cunque ferri oporteat recta propagandos ; tantò FE-
LICIORES ex tum forent, quanto mundus iis beati-
or ? Sed cum & hoc optare parum sit, & immodicum
sperare, mihi satis fuerit indicasse, ubi sit usus Litera-
rum, nocentior, tum aliis vulgò, tum verò etiam iis
perperam utenti, quæ mihi hujus mali duo capita se-
legi, ad excitandum eorum emendationem, quos
vitio laborare contigit.



CORONIS
HISTORICO-THEO-
SOPHICA,
QUA
FELICIS LITERA-
TI IMAGO EXEMPLIS ET
DOCUMENTIS SELECTIORIBUS IL-
LUSTRATA OSTENDI-
TUR.

I.

HUMANAM FELICITATEM
Cyrænaici Philosophi * quondam
delineaturi, Matronam pingebant,
comitatu suo in publicum prode-
untem,

- * Sicut licet non pauci, neque exiguae authoritatis
Viri, qui GYRÆNAICORUM philosophorum
sectam inter omnes longè vilissimam fuisse exi-
stiment, utpote quæ in corporis voluptate api-
cem FELICITATIS absurdissimâ electione
constituerit; ea res tamen non omni carere du-
bio videtur, eo quod monstri ferè instar habend-
um

dum sit, repertos aliquando esse philosophos, & præ imperitâ quidem plebe eruditionis beneficio sublimiorem scientiam sibi vendicantes, qui usque aded conditionis suæ & humanæ excellentiæ obliiti fuerint, atque in eo, quod omnium maximum est, tam turpiter sint hallucinati. Indigni equidem omni sapientum Virorum fuissent consortio, si in fœdissimis voluptatum corporalium lacunis & paludibus scientiæ pariter ac conscientiæ suæ lamentabile aded naufragium fecissent, vero itaq; similis est, illos (licet paulò durius & contemptibilis sint locuti,) felicitatis humanæ summam in ANIMI voluptate, i. e. Virtutis fructu, & verâ mentis tranquillitate collocasse.

deuntem, majestate etiam ancillis ac pedisequis suffultam, nulloque non cimeliorum ornata apparatu: Quippe eos duntaxat MORTALIUM FELICISSIMOS esse credebant, qui naturam in ortu non novercam sed matrem habeant, qui fortunam nunquam aspiciant adversam, nullisque ad vitam feliciter transigendam necessariis mediis destituantur. Quam ipsam Matronæ illustris faciem cum probè intuitus esset Boethius, hominis felicitatem omnium bonorum aggregatione perfectum [Cyrænaicorum opinioni hærens] statum esse enuntiavit, annuente etiam Pindaro,

Beatus qui simul opes & mentem possidet.

Rectius verò priscorum philosophorum alii blandientis fortunæ bona hominis felicitatem adjuvare quidem, at non interitus conficere aut

constituere existimarunt, siquidem omnia naturæ munera, quodammodo ipsius animi virtutibus respondeant, quæ his deficientibus nullam prorsus mortalibus conciliare conferreque queant prosperitatem. Et licet Demosthenes ille Græcorum sapientissimus, in Clypeo suo fortunam insculpserit, tanquam felicitati dominantem, licet Bupalus omnium primus fortunæ simulacrum pro Numine Smyrnæis adorandum proposuerit, quippe quæ polum capite sustineret, manu verò cornu Amalthææ gestaret; licet Livius fortunam bonorum omnium ærarium appellaverit; licet Servius Tullius fortunæ erexerit Templum, ad fausta feliciaque omnia impetranda; ne utique tamem ivère inficias, solâ VIRTUTE verè beari hominis animum, cui tamen [ipso docente Aristotele] sapissimè etiam fortunæ munera inserviant, atque ipsius animi felicitati ancillantur. Quinimò idem Peripatericorum princeps exemplo Priami Regis præclare ostendit, neminem bonorum externorum affluxu ad supremam in hac vita aspirare posse felicitatem.

Aristot.
lib. 1.
Ethic. 6.
5.

Ovid.

Pasibus ambiguis fortuna volubilis errat

*Et manet in nullo certa tenaxq. loco.
Sed modo lata venit, modo vultus sumit
acerbos*

Et

Et tantum constans in levitate sua est.

Quam etiam ob rationem Philip. Macedo insolita fortunæ blandimenta velut flagellorum portenta extimuit, ab ipsismet Græciæ Sapientibus edoctus, prosperitatem hominis (quæ bonum sit sola virtute solidatum,) neutiquam à fortuna sortiri posse genituram, quæ constantis jugiter pertæsa moræ, novas semper, *Josephini* quæritet sedes, statim alio migratura. *Sapi-Maria-*
ens est (ita præclare Vir quidam doctissi- *viglia in*
mus) qui se ipsum noscens, quo tendat, quo *Leg. Ho.*
sua fatigatione collimet ex virtute perscr- *vesta*
tatur, omnis affulget in virtute sapientia vita, p.
splendor, ubi virtus molitrices contulit ma- 193.
nus, quibus agitur splendide. Gloria pla-
nè inanis, ac meritis vacua esset, per artes
omnes atatem continenter atterere, si vita
nota à meta virtutis in suo cursu aberraret.
 Solummodò Græci verè philosophantur [aje-
 bat Epicurus apud Clementem Alexandrinum]
 quod scilicet in Græcia nascerentur, ubi Minos
 Jovis contubernio dignatus, inviolanda RE-
 CTÆ VITÆ dictaret jura. Non sapien-
 tiam, sed fucum duntaxat ejus esse & umbram
 judicarunt Veteres eruditionem Virtute desti-
 tutam, quinimò amitti sapientiam (ut Seneca
 ex Cleanthe loquitur) crediderunt, si Virtus de-
 discatur.

II. A longo Seculorum decurso tempore ipsos Philosophorum Principes nobilis illa quæstio exercuit: *Utrum homo ARTE potius, an SCIENTIA in sublimiori Felicitatis statu collocetur?* ARTI plerique concessere palmam, eo quod ipso Aristotele docente, ars omnis expetat bonum, atque in bonum semper collimet, quod tamen absit à SCIENTIA, quippe quâ homines sæpè abutantur, atq; extremū tandem incurrant exitiū. Ac licet artes quoq; inveniantur humano generi infensæ, maleficæ, & exitiosæ, illas tamen eo ipso quod à bono discedant artis amittere nomen ac rationem. Satis equidē constat, optimarum artium præstantiâ atque utilitate humanum genus summoperè extolli atque juvari; Scientias verò in extremam interdum degenerare insaniam, cum quidam earum cultores nil aliud agant quam mordere, oblatrare, maledicere & conviciari meliores artium & scientiarum omnium veneratores, ac planè innumera mentis insanæ proferant deliramenta, nihilominus putantes sese ob tanta inlitteratum Orbem merita Heroum albo esse inferendos, sibi que apprimè blandientes, quod Herculis instar nescio quos Leones Nemcos clavâ sua percusserint, Hydras Lernæas igne interemerint, Apros Erymantheos occiderint, cervos ceperint aurea gerentes cornua, Stymphalidas æchin nubibus sagittis confoderint, & nescio quæ

Aristot.
I. Ethic.
an Nr.
cym.

quæ alia immortalī commemoratione digna
 facinora patrarint. Longè equidem feliciores
 inflatis hujusmodi [ex scientia] Thraſonibus,
 turgidisq; literatorib⁹ ſunt omnes artium (hu-
 mano generi magis utilium) cultores atq; pro-
 pagatores, arcis planè ſimiles, omni fructuum
 genere luxuriantibus, arboribuſque proceris,
 non amœnitate ſolum, verū utilitate etiam ſua
 recreantibus univerſos. Nil quicquam illi plu-
 ris faciunt quam VIRTUTIS SINCERÆ cultuſam:
 Quid enim præ reliquis eximium habere, vel
 propria perſuaſione, vel aliorum opinione quis
 poſſit, ſi à virtute receſſerit, eoque ipſo *veriffimè*
 (ut non nemo loquitur) *ſtultitia egat prociū ?*
 Eaſque propter felices illæ animæ ARTIS il-
 lius rationem potiſſimam habuere, illi tanquam
 SOLI inter cætera ſcientiarum ſidera præci-
 puum conſeſſere locum, à qua HONESTI
 RECTIQUE dictamen velut à fonte pro-
 manat, quæ ſola tanquam benigna parens in
 ſinum ſuum recipit ex aliis artibus ſcientiſque
 feſſos, ac veluti fatigatos refugas, quos horren-
 da infantium ſcientiarum ſenticeta diu mul-
 tumque pupugerunt; quæ ſola ſuperata ſo-
 latur laboramenta, nec non ea quæ congenita
 ſunt noſtris ingeniis ſcientiarum ſemina ita
 perficit, ut creſcant magis, maturiuſque adole-
 ſcant. Nihil ſanè eſſet ætatem, quæ ſponte
 conſumitur, per artes omnes & facultates ſingu-
 las velle continenter atterere, ſi nulla ſperare-

tur **FELICITATIS SCINTILLA**, nullus affulgeret beatitudinis splendor, cum ea solum sapientia magni pendenda sit, quâ non tantum amplissima excurrimus disciplinarum spatia, sed quâ rota vitæ ad virtutem velocius currente, ille paratur quietis portus, ubi amplissimo bonorum quæstu labores nostros & opera fœneramur. Ad hunc optatæ **FELICITATIS** [non item sempiternæ beatitudinis] portum inter ipsos Gentilium Philosophos illi quondam aspirarunt, qui excellentiori afflati spiritu, laudabilem à **PHILOSOPHIA** ad **SOPHIAM** transitum sunt meditati, virtutisque optimæ & perfectissimæ operam dare studuerunt, præclare existimantes, nullam esse hujus vitæ vel à naturæ sive genituræ infelicitate, vel à fortunæ malignitate promanantem miseriam, quæ omnimodam beatitudinis, dummodo **VIR T U T E M** pro eo quo cuique datum est modulo quis colat, fruitionem eripiat; frustra nos indolem ad literas factam, scientiisque universis aptatam esse consecutos, parum in cursu disciplinarum naturæ ductu monituque profecisse, si paulatim irrepente vitio flacesseret ingenium, si subeunte virtuti ignaviâ depravetur indoles, si dominante voluptate, natura ipsa à recto aberraret, atque extra viam, veluti saucia contabesceret, si denique sibi philosophis, illa scientia illaque ars deesset, quâ quisque **SE IPSUM NOSCENS**, quo tendat, quo
sua

sua fatigatione collimet, assiduè scrutetur. Hoc ipso nomine splendidis admodum elogiis SOCRATEM * olim ornarunt Græcorum sapientissimi, quod sc. contemplatione pariter ac

* De Socrate hic pluribus agere supervacuum est, quem Plato & Xenophon tam graphicè expresserunt, tam doctè & copiosè dogmata ejus executi sunt, ut uberius & elegantius quid nec præstare potuerit, nec sperari unquam debeat. Laus ipsi meritò d:betur introducta Moralis philosophia, quæ ab Archelao quidem ejus præceptore inchoata, à Socrate verò numeris omnibus perfectæ, Athenis postmodum egregiè floruit. Ac licet Pythagoras non minus (qui Socrate antiquior fuit) quam ille Ethicæ philosophiæ partem excoluerit, id quod vel sola ejus Symbola quæ supersunt, probatissimè faciunt, ea tamen quæ per Jonicam Sectam apud Græcos fuit propagata moralis doctrina, Socratem potius quam Pythagoram auctorem habuit, utpote quem Græci more suo barbarum vocare, nec magni ad eò placita ejus facere consueverunt. Ceterum constat Pythagoricos olim non cura solum publicarum rerum, & amicitia sanctitate, verum singulari etiam pietate (in qua felicitatis cardo consistit) præ aliis plerisq; admirabiles fuisse, nec minus quam Stoicos & Veteres Academicos in virtute bonorum finem summamq; excellentiam

constituisse. *Est cum me neutiquam lateat, quid inter veras, h. e. christianas virtutes, & illarum simulachra intersit, hinc ethnicos illos virtutum magistros, ita in presenti discurſu duxilaudandos, ne plus justo in atrum eve-
hantur, vel ea quæ ad Christianos solos ſpe-
ctat ſempiterna felicitas, cum gentili illa, flu-
xâ & temporanea confundatur.*

*Plutar.
in Socra-
tis da-
mon.*

*Plato in
Socr. a-
polog.*

*Confer
vit. Pla-
ton. a
Marſil.
Ficino
conſcri-
ptâ ope-
ribusq;
preſix.*

ac actione jugi illustris, *aſſuefecerit* (ut Plu-
tarchus loquitur) **IN REBUS IPSIS**
*prudentiam quarere, & ſobria ratione per-
ſequi veritatem.* Quid Socratis jam jam
morituri oratione (à Platone literis mandata)
exquſitius ? Si mihi (dicebat) *Viri Athe-
nienses, in præſentia concedatis vitam hæc
conditione, ut ne poſthæc in ſapientia inqui-
ſitione verſer, diligo quidem vos, ſed certum
eſt DEO parere potius, quam vobis, ac
quamdiu vivo & valebo, philoſophari, at-
que unum quemq; veſtrum exhortari ad vir-
tutem non deſiſtam.* PLATONEMI pſum tan-
tum non in cælum uſque quidam extulere,
quod primus ſalutarem de perdomandis affe-
ctibus, animique paſſionibus reprimendis do-
ctrinam tradiderit inculcaritque, veram phi-
loſophiam animi ſanitatem, cæteras verò fa-
cultates, non tam philoſophiam, quam ejus
tantum ornamenta eſſe enunciarit, cuncta
negle-

neglexerit humana, eaque penitus contem-
 serit, divinis tantum intentus, quæ sola fir-
 ma, sola vera stabiliaque esse judicavit, de-
 nique data aliis præcepta & documenta ipse
 factis egregiis impleverit. Pari modo Epictet-
 um, Senecam, Catonem & quosdam alios
 tanquam SUMME FELICES virtutis subli-
 mioris cultores, omnium humanarum rerum
 contemptores, ipsoque Alexandro superio-
 res ac præstantiores viros multi huc usque
 sunt admirati: EPICRETUS equidem homo inte-
 gerrimæ vitæ, & à fastu arrogantiaque, quâ
 omnes ferè laborarunt philosophi alienissimus,
 immortalem inde consecutus est laudem, quod
 verò philosopho *sustinendum semper malum &
 abstinendū à malo esse* edixerit. Nec min⁹ Solon Ανέχῃ
 ac Zenon vitam quam prius inierant quæstuo- ἡ ἀντί-
 sam relinquentes, sese solius animi studio de- χῃ.
 vovère, quo felicius ad ipsum beatitudinis por-
 tum enavigarent. Sed & SENECA felicibus in-
 ter Gentiles literatis est accensendus, quod to-
 to de brevitate vitæ libro, hanc unam vitæ
 (quam omnes brevissimam querantur) exten-
 dendæ rationem esse docuerit, si cæteris rebus
 omisiss publicis privatisq; [quas vel vanas vel
 exitiosas exitus prober] omnem ætatem veræ
 illius sapientiæ studiis impendamus, nobis-
 que tandem aliquando vivamus; nec minue-
 sententiis suis insigne pondus morum integri-
 tate adjecerit, fortunam expertus novercan-
 tem,

Sen. lib.
de tran-
quill. a-
nimi.

tem, dignitate exutus & opibus, illustria ta-
men quæque virtutis dederit documenta, in-
que laudabilis vitæ instituto ad ultimum usque
diem perseverarit. Quodnam sublimitus un-
quam virtutis exemplar apparuit CATONE,
quem ipse Seneca *vivam Virtutem nuncupavit*
imaginem, alii Stoicorum, Herculi & Ulyssi,
monstrorum domitoribus insignem illum vi-
tiorum domitorem duxerunt anteponendum,
supremum vivendi, cõtiusq; Romanæ sapientiæ
exemplar salutare non dubitantes, eo quod ab-
sonum judicaverit *dicta factis evertere*, notabi-
lique pravitate cunctis invisam reddere salu-
tarem illam summæ virtutis doctrinam. Et
fanè tanta est Sapientiæ Virtuti sociatæ præ-
stantia, ut ex utraq; LITERATUS verè FE-
LIX, ad eam vitæ fortunatæ evthatur sedem,
ubi ipsam beatitatis summæ faciem, atque in-
comparabilem deprehendit majestatem, adeò
liber ac sui existens juris, ut nullo concludi
ergastulo possit, nullis mœnibus capi, & hâc
libertate tanto tranquillius utatur, quanto
conclusus carcere corporis animus evolat al-
tius, & mentis, velut cœli, fulgidâ gaudet se-
renitate. FELICEM cum primis hoc nomine,
terq; felicem ac beatum LITERATUM dicen-
dum esse illum Ebræorum [quis enim hanc
gentem ejusmodi felicitatis gloriâ omninò
exuendam enuntiaret?] sapientissimum P H I-
LONEM Alexandrinum, cuilibet Acta scri-
ptæque

ptaque, ejus penitus introspicienti planissime constabit. Etenim cum Philosophiam haudquaquam amplexus sit aliorum more sterilem & infœcundam, sed omnium Sophorum placitis probè examinatis, non nisi UTILIA & salutaria conlectatus, factum, ut ad insignis tandem illius culmen pervenerit felicitatis, cunctisque ævi sui contribulibus sapientiæ palmam eripuerit: *Per omnes ἐγκυκλίαι παιδείας gradus* (ait vitæ scriptor) *scandendo* *Confer*
ad philosophiam emerfit, à PHILOSOPHIA *ut. Phil.*
verò ad SOPHIAM, quam christiani Theo- *lon. opp.*
logiam vocant κλιμακῆδὲ penetravit, eos ob- *eius præ-*
servans discentium gradus, quos ipse in li- *fix.*
bro Περὶ τῆς εἰς τὰ Προπαιδεύματα σωῶδὲ πρᾶ-
scribit, cum ait, ὡς περ ἐγκυκλία συμβάλ-
λεται πρὸς Φιλοσοφίας ἀνάληψιν, ἔτω καὶ Uid.
Φιλοσοφία ἐπιήκευσις σοφίας, Σοφία δὲ ἐπι- *opp. Phil.*
τήμη θείων, καὶ ἀνθρωπίνων, καὶ τῶν ἰσίων αἰ- *lonis pag.*
τίων, &c. Non verbis equidem solum, *76. 122.*
Philo docuerat, solam Virtutem veræ felicitatis *108. 411*
præscribere leges, solam utilem, solamque *726.*
immortalem, imò propriam sapientum es- *Philo in*
se civitatem, cunctorumque negotiorum re- *lib. quod*
ginam; sed exemplo etiam suo egregiè osten- *deterius*
derat, cum quem ex virtute *potiori*
quitur) percipiamus fructum, insignem esse *insidie-*
FELICITATEM, ut eam frustra haud *cur, opp.*
quaquam possideamus. *fol. 120.*

IV. Non frustra equidem Virtutem possedit, sed insigni quoque ejus fructu præter Philonē gavissus est alius quoque Ebræorum Magister, doctissimus nimirum ille & celeberrim⁹ Moses MAIMONIDES. Quotquot ex ipsorum etiam Christianorum cœtu hactenus cum celebrant, dotibus animi singularibus ornatum fuisse, egregiumque virtutis, pacis item & concordia studiosum ab omni ambitione contentioneque prorsus alienum extitisse tradiderunt. Si nobilem ejus ad discipulorum quendam R. Josephum evolvam⁹ epistolam, (non solum præclaræ eruditionis, sed egregiæ etiam virtutis documentis refertam,) clarissimè apparebit, quamobrem à priscis Ebrææ gentis magistris dictum fuerit, à *Mose* [Propheeta] *ad Mosē* [istum Ægyptium] *non surrexisse sicut Mosē* (Majmonidem) qui doctrina sc. virtuteque Mosi legislatori sit æquiparandus. Et cum alias communissimè cum

Mai-
mon. ep.
ad R. J.
seph. que
incipit

Ebræi appellant. **מורה נרדו** DOCTO-
אור הגולה REM JUSTITIÆ, **LUMEN**

כבר העיר CAPTIVITATIS, summèque fausto sidere natum fuisse pronuncians, liquidò constat, Majmonidem tantæ FELICITATIS LITERARIÆ apicem non nisi virtutis [insigni sociatæ eruditioni] adminiculo attigisse. Notari cum primis meretur illustre Cunæi elogium in Mosi illius Ægyptii honorem conscriptum: *Es*
(in-

(inquit) in admiratione hominum Scriptor maximus, MOSES BEN MALMON, is qui *P. Cuna*
 Talmudicam doctrinam sepositis nugamentis *lib. I. de*
 feliciter complexus est divino illo opere *Rep. E-*
 quod ipse *משה הורא* appellat. Nunquam *raor. c.*
 ita magnificè quicquam de illo authore di- *II. p. 11.*
 cemus, QUIN ID VIRTUS SUPERET E- *12.*
 JUS. Fato enim quodam & sorte nascent- *Confer*
 di primus solusq; in illa gente rectè intel- *Bux.*
 lexit, quid hoc sit NON INEPTIRE, &c. *præf. ad*
 Nec aliam ob causam à quibusdam Moham- *Maim.*
 medanis dictus est SECULI SUI PHOENIX, *Doctor.*
 OMNISQUE SCIENTIÆ GENERE CLA- *Perplex.*
 RUS DOCTOR, quam quod illustria adeo *Item*
 doctrinæ pariter ac virtutis suæ dederit docu- *Pekki*
 menta. *præf.*
ad por-

V. Sed & ex ipso vastissimo SINARUM *tam Mo-*
 Imperio FELICEM ejusmodi advocabimus *sis.*
 LITERATUM, qui iisdem artibus summam
 apud suos gloriam & existimationem obtinuit.
 Est illi nomen CONFUTII, qui quingentis quin-
 quaginta uno annis ante Salvatoris incarna-
 tionem inter Sinas septuagenario major ita
 vixit, ut non exemplo minus quam doctrinâ
 singulari cunctos in sui rapuerit admiratio-
 nem, atque inter omnes Philosophos Sinicos
 MAXIMI appellationem sit consecutus. Tan-
 tam illi virtutis solida præconium ac exerci-
 tium conciliavit auctoritatem, ut nullum ejus

effatum à Sinarum etiam doctissimis & acutissimis vocetur in dubium. Quid quod præter literatos ipsi etiam Sinarum Monarchæ, cum per tot retro secula maximè sint venerati, scriptaq; ejus præclaris referta documentis moralibus in summo semper habuerint pretio? *Quanto altius attollebamus oculos* (ajebat olim memorante Martinio Yenyvenius insignis Sinarum Orator & Philosophus) *tanto major erat CONFUTII virtus, quanto magis eam penetrabamus, tanto erat solidior, atque impenetrabilior. Primo aspectu æstimantibus communis & vicina videbatur, ac repente à nostra longissimè distantem cognoscebamus. Magister noster pulchrè atque ordine homines docebat, nostram scientiam continuo minorem reddebat, compendiarie ritus omnes via docebat. Optabam sæpè ab illius doctrina discedere, nec poteram, omnes ingenii nervos intendebam, ut aliqua intelligerem. Nemo enim pervenire ad CONFUTII VIRTUTEM potest, uti nec admota qualicunque scala cælum adscendere.* Quandoquidem verò felicissimi hujus Literati scripta (quinque apud Sinas distincta voluminibus) varia BENE BEATEQUE vivendi, & Reip. laudabiliter gerendæ præce-

*Marti
lib. IV.
hist. Sin.
p. 132.*

præcepta contineant; unicū duntaxat ex iis idq; illustre de verâ eruditorum hominum felicitate, atq; emergente ex virtutis studio summâ utilitate documentum duximus delibandum, quo considerato liquidò constabit, Sinico illi Confutio palmarium quendam inter literatos feliciores locum neutiquam esse denegandum:

Magna (scribit ille sub primi voluminis initium,) *sive Magnorum Virorum doctrina* Vide Martini l. c. l. b. IV. pag. 129. in eo posita est, ut cum quisq; se ipsum perfecerit, alios quoq; perficiat, sic ut omnes unum hoc est summum bonum consequantur.

Sed sui ipsius perfectio in eo consistit, ut quisque lumen naturale in se accendat, clarumque reddat, ita ut à lege natura præceptisque à natura insitis nunquam exeret.

Quod quia sine verâ rerum cognitione Scientiaque fieri non potest, inde philosophia danda est opera, per quam quæ agenda, quæque fugienda sunt scientiam habeamus. Hâc scientia consilia nostra dirigimus; hâc voluntatem, hoc est utriusque actiones perficimus, ut nihil sentiamus, nihil velimus, nisi quod est rationi consentaneum. Exinde corporis etiam existit, sensuumque perfectio, & in externis actionibus acta ex virtute constitutio, quæ nunquam proventura est, si

non è bona mente velut è fecunda matre efflorescit. Nihil equidem à veritate dixerimus

Confer Com. ment. de Reliter. Sinenſiū Sect. HX. alienum, ſi nobile hoc doctrinæ Confutianæ monumentum univerſæ philoſophiæ ſive humanæ ſapientiæ compendiū nuncupaverimus, quo breviffima tutiffimaque ad felicitatem li-
Seqq. *Sinenſiū* terariam [in hâc quidem vitâ parabilem] via *Sect. HX.* ac ratio oftendatur. **PRINCIPIA** inibi p. 126. invenias, ſeu prima illa felicitatis rudimen-
Seqq. ta, congeniti luminis ſplendore colluſtrata; **MEDIA** adhæc ejulce felicitatis; accuratam nimirum Rerum cognitionem, actionum voluntatiſque perfectioni ſociatam. Nec minus ſanam Rationem normæ cujuſdam ſeu regulæ nomine inſignivit Confutius, (*ut ſc. nihil ſentiamus, nihil velimus, niſi quod RA-*
VI. **FIONI ſit conſentaneum**) denique emergentem ex aſſiduo virtutis exercitio utilitatem **CORPORIS SENSUUMQUE PERFECTIO-**
NE optimè indigetavit. Talis cum fueris **CONFUTII**, utinam noſter h. e. Chriſtianus fuiſſes.

*P. Lam-
becius*

Tom. VII

Com-

menta-

rior. de

Bibl. Vin-

dobon. p.

349. ſeqq.

VI. Nec minus illuſtria felicitatis **CONFUTIANÆ** documenta reperiuntur in libro quem de Sinarum ſcientiâ politico-mo-
 rali ad Confutii mentem **PROSPER INTOR-**
CETTA Siculus, Miſſionis Jeſuitico-Sinicæ procurator Goæ anno 1669. in lucem edidit, anno ſuperiore autem **PETRUS LAMBE-**
CIIUS

CIUS S.C.Maj. Bibliothecarius septimo suo de
Bibliothecâ Vindobon. volumini duxit adjun-
gendum * (sed latinè tantum & absq; characte-
ribus Sinicis) additâ etiam Magni illius CON-
FUTII vitâ, ex antiquissimis Sinarum monu-
mentis desumptâ. Quandoquidè verò (ut scitè
Erasmus ait) id quod à Chaldeis aut Aegyptiis (aut
Sinis) adfertur, ob hoc ipsum acrius ave-
mus cognoscere, quod è peregrino sis Orbe de-
portatum, & pretii pars sit è longinquo ve-
nisse; non pigebit insigniora quædam,
tum libelli illius politico - moralis, tum
vitæ Confutianæ loca notasse, quibus cla-
rissimè appareat, Philosophum illum Sinicum
Literatorum etiam felicissimorum albo esse
inferendum: Quod à Cælo inditum est (ita Si-
nica Prosper Intorcetta de verbo ad verbum
reddidit,) dicitur *Natura rationalis*; quod con-
formatur huic *natura*, dicitur *regula*; restau-
rare hanc regulam dicitur **INSTITUTIO**.
Regula hac non potest momento temporis ab-
esse; si posset abesse, non esset regula: Hæc
de causa perfectus vir attendit & invigi-
lat in his etiam, quæ non videntur; timet
ac pavet in his etiam, quæ non audiuntur.
Non apparent quia recondita: non sunt ma-
nifesta, quia subtilia, idè perfectus Vir in-

Des. E.

rasmus

in adhort.

ad Christ.

Philos.

Stud. rom.

V. opp.

fol. 117.

Lxx 3

vigi-

* Primum prodit h. c. liber 1667. in Sinici
Imp. Metropoli Quamchen, dein Goæ 1669.

vigilat sui secreto. CONFUCIUS ait: Perfectus vir tenet medium, improbus pravaricatur medium. Vir perfectus habet medium, & quia perfectus est, idè semper tenet medium, improbus etiam habet medium, quod teneat, sed quia improbus, idè non veretur illud pravaricari. CONFUCIUS ait: Medium è quam illud sublime, quod è vulgo (literatorum) pauci illud teneant, jam diu est. CONFUCIUS ait: cur via hæc (scilicet veræ solidæque virtutis) non frequentetur, ego novi, quia scil. prudentes (seu doctiores) transgrediuntur; rudes non pertingunt. Cur item via hæc non sit perspecta, ego novi, quia scil. sapientes excedunt; inertes non attingunt. - CONFUCIUS ait: viam hinc non frequentari, proh! quam dolendum! Et post quadam alia, viam ac rationem ad medium illud perveniendi egregiè Confutius verbis sequentibus ostendit: Restaurantes nativæ bonitatis particulam, poterunt obtinere solidam perfectionem: ubi affecuti fuerint solidam perfectionem, mox illa sese proder: ubi sese prodiderit, mox illucescet: ubi illuxerit, mox lucis radios latè diffundet; ubi

ita

ita irradiaverit, eo ipso motum faciet animorum: ubi motum fecerit, jam MORUM MUTATIONEM inducet, ubi mutationem induxerit, eo ipso Conversionem efficiet. Et mox: Hac vera solidaq; ratio, seu perfectio est rerum omnium finis & principium, si desit rebus hac vera solidaq; ratio, seu perfectio, non erunt res. Hæc de causa sapiens & probus Vir veram hanc solidamq; perfectionem æstimat maximi. Verè perfectus quia non ipse perficit se solum, & hic sistit, propterea perficit etiam res (animas imperfectiores) alias perficere se ipsum amoris est, perficere res, providentia est. Et hæc quidem nativæ virtutes sunt; has autem unire applicando externis & internis, regula est: adeoq; suis temporibus exercere convenientia est. Propterea perfectus nunquam cessat. Si nunquam cessat; ergò perdurat: si perdurat, ergò per effectus se prodit. Si per effectus se prodit, ergò latè longeq; diffunditur: si latè longeq; diffunditur, ergò amplus & profundus: si amplius & profundus, ergò sublimis & CLARUS. Ad hunc planè modum CONFUTIUM ipsum sese gessisse, nec verbis solum, sed

vita ipsa, moribusque & exemplo proprio boni sapientisque Viri Ideam expressisse, ex vitæ ejus (quam antea laudavimus) historia clarissime apparet. Etenim cum annorum quindecim adolescens [ita ibi legitur] totum se dedisset priscorum libris evolvendis, rejectis iis, quæ minus utilia videbantur, optima quæque documenta selegit: PRIMUM expressurus ea suis IPSE MORIBUS, deinde aliis quoque ad inuitandum propositurus. Ardens atque indefessum studium divulgandæ per totum Imperium sanioris doctrinæ ad extremum usque spiritum non remisit; cumque viri ardor patriis finibus agrè contineretur; non semel de navigando mari, terrisq; remotioribus adeundis cogitavit. Discipulos numeravit 3000. &c. Omne autem studium ac doctrina Philosophi hujus eò collimabat imprimis, ut naturam ignorantie tenebris offusam, vitiisque depravatam revocaret ad pristinam lucem atque integritatem, cum quâ à cœlo conditam fuisse assererat. Quo autem certius attingeretur hic scopus, volebat omnes obsequi Cœlo [h.e. DEO] ipsumque timere & colere; amare proximum sicut se ipsum; vincere se, atque appetitus suos subdere rationi, nec quidpiam agere, dicere, vel etiam cogitare, quod ab hac esset alienum. Porro quæ scripto verboque præcipiebat, primus ipse moribus exprimebat ac vitâ &c. Certe quemadmodum sectatores ejus tradunt, mira quæ-

quædam fuit Viri gravitas, & corporis animiq;
moderatio, fides, æquitas, lenitas singularis.
Severus erat ac pervigil sui ipsius observator
& censor, contemptor opum honorumq;, hoc
agens unum studio prorsus indefesso, ut doctri-
nam suam quam plurimis mortalium imperti-
ret. Quis itaque hunc virum omne felicitatis
[in hac vita parabilis] punctum tulisse dubi-
taret?

VII. Ad longè excelsiorem verò, solis-
que fidelibus LITERATIS promissam FE-
LICITATEM hætenus aspirarunt CHRI-
STIANORUM sapientissimi, vitæ suæ, tot
miseriarum turbinibus agitatæ calamitatem spe
multò beatoris immortalitatis condientes, at-
que nil magis optantes, quam ut è spissis seculi
hujus tenebris, & infinitarum vanitatum abs-
so liberati, admirabilique divinæ sapientiæ luce
collustrati, tandem aliquando in felicissimum
illum cœlestis gloriæ portum, perpetuæq; pro-
speritatis Paradisum transferantur. Et cum in
verâ animi sui tranquillitate summam FELI-
CITATEM quærendam fruendamq; esse re-
pertarint, hinc prima eorum ac præcipua post
acceptum fidei salvificæ donum cura fuit, ter-
rena cuncta despiciere, ad divina tantum aspi-
rare ac cœlestia, operamque navare strenuam,
ut sine graviore conscientiæ remorsu ætatem
transigere, favorisque cœlestis scatebra semper
gaudere queant. Tales eorum MORES fue-

re, quales sermones, tale exemplum, quale dogma, ut vixisse eos moribus, docuisse exemplo, prævisse ad honesta omnia virtute incomparabili satis fuerit perspectum. Et cum haud ignorarint verè FELICES illæ animæ, quantum momenti adferat præceptis BONUM ipsius Doctoris exemplum, [utpote quod præcipuè respiciant homines, & quo destituti Doctores omnium ludibrio & certissimæ exponantur irrisioni,] hinc tanto ardentiori studio Virtuti omnigenæ operam navavère, & animatæ quasi pietatis sinceræ extitère imagines. Prima eorum [ut modo diximus] præcipuaque post acceptum fidei salvificæ donum cura fuit terrena cuncta despicerè, pluris ignominiam crucis ducere, quam omnes mundi laudes & honores & glorias, fide & charitate sincera omnigenæque pietatis exercitio DEO inservire studentes. Hos inter illustres supremæ Sapientiæ [quæ Christianis solis est propria] Doctores & Professores honorificum olim locum obtinuit ille Literatorum à profanæ doctrinæ & vitæ vanitate ad sinceram pietatem converforum FELICISSIMUS, * JUSTINUS MARTYR, qui cum inter gentiles primas olim tenuit.

* *Admirandam Justinì ad DEUM convers. ex ipsiusmet Dial. cum Tryph. Judeo exposui in pio liter. Hom. Secessu, fol. 35. seqq. conf. Vet. Acad. J. C. p. 33. seqq. & Commentation. ult. p. 1006.*

tenuisset, puram postea Sapientiam sicut thesaurum perserutatus invenit, possedit, atque communicavit cum pluribus, qui INFELICES Ethnicorum pariter ac Ebraeorum literatos manifestæ fatuitatis convicit, eque multis certaminibus Victor, & tot fere trophæis, quot conscriptis à se libris gloriosus, tandem in laudatissima Martyrum propugnatione & ipse pulcherrima Martyrii corona est muneratus. *Nos Justin. Mart. in Dial. cum Tryph.*

itaq; DEI metu (scribit alicubi) percalsi, sermones instituire & miscere colloquia secundum scripturas satagimus, idque non pecunia, non gloria, non voluptatis, sed COMMUNIS duntaxat UTILITATIS studio, siquidem nemo nos alicujus istorum vitiorum arguere poterit. O verè FELICEM, ô summè beatum LITERATUM! qui ex DEI quo agebatur spiritu nefas esse duxerat, eruditionis suæ talenta, aut vana deterere ostentatione, aut in otii & inertiae fundo turpiter defodere. Quo ipso egregiæ felicitatis caractere apprimè conspicuus fuit Cæcilius CYPRIANUS, postquam idolorum cultum, pariter ac adamas pridem vana profanæque Scientiæ copias, litigantium rixas & contentiones, Rhetorum mendaciâ, Senatorum dignitatem, gloriam fluxam & fragilem, aliaque omnia veræ fidei ac sinceræ pietatis amore reliquisset, Mundanaque omnia

alto

Nazian.

Orat.

18. in

laud.

Cyprieni

hab.

alto despiciens supercilio, EI tantum qui
OPTIMUS MAXIMUS est vivere cœpisset: *Dæmonum cultor erat* (ita de Cypriano Nazianzenus) *qui Christi postea discipulus evasit, & persecutor accerbissimus, qui postea Magnus VERITATIS propugnator extitit, atq; & RE & VERBIS* (nam utriusque summam vim ac facultatem habebat) *viam nostram turbabat, qui utraq; reperegregram Christianis operam navavit, ad supremum tandem FELICITATIS Christianæ fastigium evectus. Attigit eundem prosperitatis apicem MAGNUS etiam BASILIUS, postquam à teneris in omnem profanæ eruditionis disciplinam incubuisset, & sub Magistris fidei ignaris Libanio & Eubulo tantos fecisset progressus, ut insignis & excellens Grammaticus, Rhetor, Philosophus, Medicus, Geometra, Musicus, Astrologus, & Poeta evaserit, & à Libanio ipso alter quidam Homerus, Plato, Aristoteles, & penè omnisciens Susarius appellatus fuerit. Sed tandem aliquando salutaris scientiæ christianæque pietatis amore captus, imò velut è gravi somno expergestus, terrenæ illius fluxæque sapientiæ agnovisset infelicitatem, atque ad Evangelicæ veritatis admirabile lumen respiciens, ductorem seu fidelem hodogetam ad veræ felicitatis arcem anxie efflagitasset: Ego sanè* (scribit ipse ad Eustha-

Eusthatium quendam) postquam multum *Basilius*
 temporis vanitati impendissem , & omnem *Magn. in*
 propè juventutem inani studio attrivissem , *LXXIX.*
 quo tenebar , cum apprehendendis infatuata *ep. ad*
 à DEO sapientia disciplinis immorabar ; *Eusthat.*
 Tandem aliquando , ubi velut ex gravi so- *Sebast.*
 mmo experges factus , ad Evangelica veritatis *Episc.*
 admirabile lumen respexi , agnovique inuti-
 litatem (infelicitatem) Sapientia Princi-
 pum hujus Mundi , qui abolentur , deplorata plu-
 rimum miserabili mea vita , Ductorem mihi
 dari optabam , qui ad pietatis dogmata me
 introduceret. — Quem cum divina tandem im-
 petrasset benignitate , atque (ut ipse loquitur) *Basil. M.*
 per TIMOREM DOMINI probè eru- *com. in*
 ditus , inque salutari ejus Gymnasio præclare *Pf. 32.*
 exercitus , veram deinceps pietatem ferventiori
 studio excolere statuisset , magis amare deside-
 rans quam scire , magis pati quam gaudere , sua-
 que illustria dona divinis solum consecrasset
 obsequiis ; factum , ut tandem & ipse LITE-
 RATI SUMME FELICIS axiomate sit
 condecoratus. Habuerat Basilius in conse-
 quendis supremis hisce Academiæ Christia- *Ruff. in*
 næ honoribus socium & competitorem quasi *prologo*
 GREGORIUM Nazianzenum , *opp. Naz.*
Tom. I. f.
 (juxta Ruffini Aquil. elogium) per omnia *275.*
in

incomparabilem , qui verbo & operibus clarus , splendidissimum lumen Scientiæ Christi Ecclesiis præbuit , dum ea docuit , quæ fecit , nec se ipsum condemnavit agendo contraria quam docebat. Hic inquam Gregorius, licet à teneris omnem profanæ eruditionis disciplinam didicerit , & à Magistris Gentilibus edoctus , vix tantum bonæ eruditionis quantum blandi veneni hauserit , Poeticæ non minus quam Rhetoricæ artibus strenuè invigilando ; attamen Cœlestis Sapientiæ amore tandem & ipse captus, profanæ valedixerat vanitati, abjectoquæ Sophistarum fastu, spretisq; litigantium literatorum rixis & contentionibus, cum Basilio suo fidelem illum desideraverat & impetraverat manu ductorem, cujus beneficio & ipse illud summæ FELICITATIS iter scandere cœpit , tandemquæ ad optatam imperturbatæ tranquillitatis sedem devenit.

VIII. Quanto periculosius Christianus ille Ulysses D. AURELIUS AUGUSTINUS , Manichæorum pariter ac voluptatum carnalium impetu raptus, cæcæquæ offusus caligine, inter frendentia maria quassasquæ tabulas plus quam decem annis erravit ; tanto avidius tandem illum VERÆ summæquæ FELICITATIS portum [divina opitulante gratia] quaesivit, & post vocem cœlo delapsam , post deploratum pejoris vitæ statum , post intestinas
easquæ

casque diuturnas procellas sedatas tutissimam
ibi mansionem invenit. Cum diu in omnes
nutasset partes, ceu navis undique ingentibus
fluctibus in medio ponto cingitur, sic ejus
mens [semper in diversa abiens] fluctuasset, *Confer*
ipseque inter doctos doctissimus ferè cecidisset; divina voce TOLLE LEGE, TOLLE *Pium*
LEGE est excitatus, atque velut è gravi som- *nostrum*
no (pariter ut Magnus ille Basilius) experge- *fecess.*
factus, in hac notatu dignissima erupit verba: *p. 53.*

Quid parimur? quid est hoc? surgunt indocti, &
cælum rapiunt, ET NOS cum DOCTRINIS
NOSTRIS sine corde, ecce, ubi volunt amur in carne
& sanguine? Et quamvis hæ ipsæ difficultatum
carnalium ferreæ portæ obstiterint, quo mi-
nus Augustinus citius ad optatæ felicitatis sco-
pum pervenerit; IS tamen, qui portas conte-
rit æreas vectesque ferreos confringit, perple-
xum ejus animum ita serenavit, ut voci di-
vinæ morem impigrè gesserit, hostibusque im-
manibus profligatis, altissimam animi tandem
aliquando consecutus sit tranquillitatem. DI-
RUPISTI (exclamabat latibundus) Domine
vincula mea, Tibi sacrificabo hostiam lau-
dis; laudet Te cor meum & lingua mea, &
omnia ossa mea dicant Domine quis similis
Tibi: Et rursus: vocasti & rupisti surdi-
tatem meam, coruscasti & fugasti cæcita-
tem meam, tetigisti me & exarsi in pacem
tuam,

August.
lib. IX.
Confess.
cap. 1.

tuam. *Placuit in conspectu tuo reformare deformia mea; & stimulis internis agitabas me, ut impatiens essem, donec mihi per interiorum certior esses aspectum,* Felicium huiusmodi Literatorum albo inscribendum etiam esse HILARIUM Pictaviensem (quem ob singularis doctrinæ copiam, & longè lateque exundans facundiæ flumen Hieronymus vocavit LATINÆ ELOQUENTIÆ RHODANUM) nemo dubitabit, quisquis ex primo ejus de Trinitate libro viam ac rationem didicerit, quâ ipse ad veri DEI cognitionem & cultum [adeoq; summæ felicitatis literariæ portum] cœlesti beneficio devenit. Antequam scil. Religioni nomen dedisset, sese de optima vivendi ratione seriò cogitasse memoravit, statimque repudiasse vitam in otio & opulentia transactam, quia indignum esset, homines (præsertim literatos) in ventris & naturæ officium se natos arbitrari, magis autem aliorum sibi arrisisse placitum: BENE VIVERE NIHIL ALIUD ESSE, QUAM BENE AGERE ATQUE INTELLIGERE; quia tamen hæc doctrina convenientia tantum humano sensui præcepta tradat, hinc animum suum festinasse tanti muneris [beatæ sc. ac SUMME FELICIS Vitæ] parentem DEUM cognoscere, cujus famulitio se nobilitandum existimaret, ad quem omnem spei suæ referret opinionem, cujus beneficio ad diu multumque

Hieron.

præf. su-

per epist.

Pauli ad

Galat.

Hilarium

lib. I. de

Trin. sub

int.

que desiderata prosperitatis metam pertingeret, in cuius bonitate denique tanquam tutissimo in portu requiesceret. Maximè verò nomen & honorem verè FELICIS LITERATI insignis ille Philosophus Christianus Hilarius obtinuit, cum post gravissima certamina immarcescibilem perpetuæ FELICITATIS coronam recepisset.

IX. Neque verò tot inter felices Doctores silentio prætereundus est Sanctus ille Stridonensis HIERONYMUS, cum ipse quoque post acquisitam indefesso labore omnigenæ eruditionis copiam, post navatam Donato in Grammaticis, Victorino in rhetoricis, Barrabano Judæo in hebraicis strenuam & diligentem operam, insignis tandem supremæ philosophiæ cœlestisque sapientiæ cultor evaserit, pariterque felix ex christiana Virtute Doctoris elogium sit consecutus. Salvificis etenim imbutus dogmatibus, vivâque præditus fide omnem profanè literatorum respuit vanitatem, DEO duntaxat vivere, suæque militiæ finem (ut ipse loquitur) non terræ & temporis, sed cœli & æternitatis regnum esse voluit, nihil amplius præferre statuens ei, qui verus est Pater & Imperator æternus: Cui enim (pergit) rectius vitam nostram impenderemus (O LITERATI) quam illi à quo ipsam accepimus? - - Præterit hujus mundi figura, & qui hunc mundum dilexerint, cum mundo peribunt. Illi ergò mi-

Aaaa

lite-

litemus, qui militantibus sibi gloriam vite
aterna, honorem regni celestis, divitias ha-
reditatis suae, & divina cognitionis confor-
tium perenne largitur. Et quia Regnum
caelorum vim patitur, & violenti rapiunt
illud, talis violentia DEO grata est, qua
neminem concutit, nullius damno nititur.
In hanc rapinam manus tuas mitte (ô lite-
rate) qua crimen non habet. Sollicitudines
enim nostrae carnales quanto chariores sunt,
tanto plus nos discruciant & fatigant. Ac
proinde nunquam in carnalibus affectionibus
ita acquiescit (literati hominis) animus,
ut cruciatu careat, dum necessitudines suas
aut bonas amat cum amittendi metu, aut
malas odit cum amittendi voto, in utroque
sustinendis miseriis semper obnoxius est.
Commuta ergo in melius vitam tuam, ut
DEUM habeas protectorem. Eo novam
Literati ex animo felicitis nobilissimamq; ide-
am! Magnum etiam BERNARDUM intueatur,
quisquis egregium FELICITATIS christiano-
literariae exemplar, & fulgentissimam ima-
ginem cernere desiderat, ejusque memorabi-
lem à profanae scientiae vanitate, ad pietatis
solidae dogmata consideret introductionem.
Insignes nimirum ille in literarum artiumque
studiis

studiis fecerat progressus, cunctosque avi sui
 literatos doctrinâ superaverat, imò (Guiliel-
 mo Abbate teste) mundum ejusque princi-
 pem exterius sibi multa, spes majores sed fal-
 laces omnes, & vanitatum vanitates offerentes
 viderat, cum veritas ipsa jugiter inelamaret:
Venite ad me omnes qui laboratis & onerati
estis, & ego reficiam vos, & invenietis re-
quiem animabus vestris. Itaque sollicitè in-
 vestigare incipiens Bernardus, ubi certius feli-
 ciusque animæ invenire possit requiem, igni-
 tum illum & ferventem cum Basilio exoptavit
 Timoris Dominici Spiritum, qui viam à pro-
 fanæ doctrinæ vanitate ad sinceram pietatem,
 sempiternamque felicitatem ostenderet. Quâ
 tandem aliquando repertâ, literatis omnibus
 carnalis vitæ miseriam, laudumque & volu-
 ptatum omnium fallacias disertè posuit ob
 oculos: *Vanus utiq;* (ait) *labor est, qui stu-*
dio vanitatis assumitur, ô doxa doxa in
millibus mortalium nihil aliud quam aurium
inflatio vana, & tamen quantam putas IN-
FELICITATEM hac ipsa non tam fe-
lix vanitas, quam vana felicitas parit,
 additque Bernardus, hinc cervicosum prove-
 nire furorem, suspicionisque laborem anxium,
 hinc livoris crudele tormentum originem tra-
 here, & cremantis invidiæ miserabilem cru-

ciatum, qui non nisi sinceræ pietatis (unde vera literati hominis felicitas pendeat) studio & exercitio evitari possit.

X. Quo verò piaculo præteream aureum illum Ecclesiæ Veteris florem, seculique sui illustre decus ISIDORUM PELUSIOTAM ? Is quoque eruditorum FELICISSIMIS est accensendus, & veluti vivum expressumque vitæ christiano-literariæ exemplar proponendum, qui claris & piis natus parentibus, non solum IN OMNI DIVINA HUMANAQUE SCIENTIA * ad summum eruditionis fastigium est profectus, verum etiam vitam in carne angelicam, duxit, & post initam cum DEO familiaritatem totum Terrarum Orbem divinis suis sermonibus epistolisq; (cœlesti simul sale & gratiâ exuberantibus, omnemque ferè utriusque Testamenti Scripturam enucleantibus) illuminavit. Et cum eadem † præclaris sententiis

ac

* Hoc elogio Isidorus Pelus. ornatus est in *Meneis Græc.* ad d. IV. Febr. eademq; leguntur in novo Græcorum anthologio *Roma* sub Clem. II. excuso, conf. *Evagr.* in *Isid. Niceph. lib.* 14. c. 30. & *Sixt. Sen.* in *Bibl. S.*

† Sane epistola ista [scribit Billius editor] perbreves ferè omnes, & perpetuo quodam Laconismo contexta, sed doctrina utilitate copiosa. Nam ut verba D. Joh.

Ebrj-

*Chrysostomi discipulus & imitator totus in
formandis moribus occupatur, VIRTU-
TIS locuples laudator & praeo, & vitio-
rum acerrimus insectator - Me certe di-
cam ingenuè, omnes Isidori Pelus. epistola,
dum lego, lego autem saepius ita afficiunt,
ut nihil in hoc genere sive ad animi passiones
reprimendas, sive ad propagandam veram
sinceramq. pietatem illustrius extare existi-
mem.*

is ac brevibus adhortationibus perutilem sem-
per lectori inſigant aculeum, operam is neuti-
quam perderet, qui inde VERE FELICIS nu-
merisque omnibus beati tum LITERATI, tum
DEO sacrati hominis imaginem duceret ex-
primendam, atque Isidoro praelucente ostende-
ret, quo ardore erga honestatem, erga Ecclesi-
am, erga virtutem denique omnigenam flagra-
re debeant ii, qui de verâ felicitate consequen-
dâ apprimè sunt solliciti. Quid de summa Viri in
sceleratis doctoribus (h. e. verè infelicibus lite-
ratis) imò ipsis Clericis flagitiosis corripiendis
dicam parrhesia? Sic enim pseudo-presbyte-
rum Zosimum, scelerumque ejus *Ευωγίδας*
Maronem, Martinianum, Eusthatium atque
Eusebium ordinis sacri strumas castigavit, sic
stylum adhortando strinxit, ut validissimos ad
resipiscendum subdiderit stimulos, & à mori-
bus depravatissimis, in veræ virtutis, ac simul
VERÆ FELICITATIS viam miseros istos er-

rones deduxerit, immortali propterea encomio longè dignissimus. Cujusmodi etiam laudum præconiis ornandi sunt alii christianæ pietatis felicissimi Doctores & propagatores, utpote JOHANNES CLIMACUS, qui eam quam sollicitè exædificavit Virtutis SCALAM [inde Climaci sortitus appellationem] ipse conscendit impigrè, cunctisque licet artium & disciplinarum studiis fuerit excultus, sinceram tamè in Academia Christiana professus est simplicitatè, omnemq; profanæ sapientiæ fastum

Confer

Acad.

Ver. J.C.

p. 209.

Seqq.

Opera

Cassiani

cum A-

lardi Ga-

zai com-

ment. ed.

sunt A-

trebati,

1628.

Albini

seu Al-

cuini o-

pera curâ

Andree

Querce-

dani pro-

dicere Pa-

rifis,

1618.

penitus proscribens, ad summæ virtutis fastigium veramque christiani Doctoris beatitatem felicissimè adspiravit; JOHANNES item CASSIANUS, Collationibus suis (quibus ad optima quæque & maxima feliciter præclareq; gerenda piè literatum hominem idoneum reddidit,) salutaribusque institutionibus, ad vitæ potissimum christiano-ecclesiasticæ emendationis spectantibus, in Orbe universo decantatissimus; VENERABILIS BEDA, ob variam doctrinam pariter ac singularem virtutem suam maximis dignus elogiis; ALBINUS sive ALCUINUS ejus discipulus, Abbasque Torunensis, eruditione non minus quam virtute singulari eximius, Magni Caroli informator; * ANSELMUS Cantuariensis ille beati-

* *Conf. Anselmi Cant. tractat. de quatuordecim beatitudinibus, quarum septem ad corpus, totidem verò ad animam pertinent.*

beatitudinis veræ non præco solum & encomiastes, verum sectator etiam impiger & indefessus ; & ISIDORUS HISPALENSIS, præclaris de Summo Bono, sive imperturbata hominis (etiam literati) felicitate commentationibus illustris, qui (Braulio quodam Episcopo teste) *universam Hispaniam tam boni operis exemplo, quam doctrinæ famâ velut splendidissimus Solus radius illuminavit.* Ac licet insignes hosce pietatis virtutisque christianæ Doctores ævum exceperit, INFELICIS nomine quamplurimis scriptoribus notatum ; seculaq; sui asperitate ac sterilitate planè ferrea, & passim exundantis mali deformitate plumbea sint subsecuta ; attamen clarissimè in ista etiam temporum caligine apparuit : *Nullum a-Tasitus deò Virtutum sterile esse seculum, ut non, I. Annal. & bona exempla prodiderit.* Illustria inquam supersunt Scriptorum [qui OBSCURIS Confer illis vixere temporibus] & verè FELICIUM opera & aliquot LITERATORUM monumenta, utpote *Richardide RICHARDI DE S. VICTORE ; [cujus præ-S. Vict. clarum de statu interioris hominis eloquium edit. Col. solidum & immobile præ se fert animi à doctrinæ 1621. profanæ vanitate ad pietatem christianam verè part. I. conversi fundamentum ;] AELREDI * item p. 36.*

Aaaa 4

Rhic-seqq.

* Opera Aelredi lucem viderunt Paris. 1654.
qua inter palmam obtinet Speculum charitatis, egregiis instructum sententiis.

*Johan.
Trith.
in catal.
Scriptor
Ecclesi.*

*Petri
Blesensis
Scripta
variis il-
lustrata
notis au-
te trien-
nium de-
nuò pro-
diere Pa-
ris. in fol.*

Rhievallensis quondam in Anglia Abbatis, [Viri ex Trithemii elogio in Sanctis scripturis judi studio exercitati, secularisque philosophiæ non ignari, ingenio mitis, eloquio dulcis, DEVOTIONE præcipui;] PHILIPPI Bonæ Spei * Abbatis, cujus scriptiones doctrinâ pariter ac pietate profundâ scatentes, & paribus ferè periodorum numeris deductæ similiterque cadescentes orationes, in multis haud abs re summæ fuerunt admirationi; ALANI AB INSULIS, Viri non solum in divinis scripturis, sed secularibus etiam literis eruditissimi, Theologi quæ [ut Trithemius ait] Poëtæ & Philosophi celeberrimi, qui tamen insignis humanæ gloriæ spreto, magnusque amator humilitatis evasit, atque eximie pietatis monumenta moralia & parænetica [quæ inter Summa Virtutum & vitiatorum eminet, cum libro de planctu naturæ, & alio de pœnitentiâ volumine] reliquit posteritati; denique & PETRI illius BLESENSIS, cuius eximiam erga DEUM charitatem (quæ cardo omnigenæ est FELICITATIS) singula monumenta, epistolica præsertim, contestantur, in quibus suavissimus quidam christianæ pietatis odor ita legentium animos afficit, ut illi nescio quibus igniculis se totos penetrari atque inflammari sentiant. XI.

* Philip. Abbatis Bonæ Spei opera prodierunt Duaci 1621. Alani ab Insul. opera moral. & parænet. ed. Antwerp. 1654. conf. Andrea Saussæi martyrolog. Gallic. anno 1637. Paris. edit.

XI. Plures LAUDARE possemus Viros doctrina & virtute illustres, *in quibus multam gloriam Dominus magnificentia sua fecit, quorum corpora in pace sepulta, nomenq; Sy-æ. vivit in generationem & generationem, XLIV. quorum sapientiam narrant populi, & lau- Ps. 1. 2.* dem nunciat Ecclesia; plures inquam recentioris ævi laudare possemus DOCTORES CHRISTIANOS, quos vera illa summa- que FELICITAS est complexa, eò quod post transactam in lingvarum & artium studio ætatem, ad divinarum rerum tum intelligentiam tum propagationem omnes cogitationes suas, studia omnia contulerunt, semper æterna mundanis, immortalia caducis, divina humanis felicissima optione anteponentes; cum verò iidem longè celsiora in BEATÆ ÆTERNITATIS Sacrario pegmata conscenderint, multorum etiam in præliminari nostrâ dissertatione pariter ac ipsis Commentationibus honorificam fecerimus mentionem; ea potius sub operis hujus finem sectabimur, tribusque (quod ajunt) indicabimus verbis, quæ LITERATOS HOMINES tum ad veram sinceramque VIRTUTIS (imperturbatæ semper FELICITATI sociatæ,) studium, tum ad propagandæ, aliisque commendandæ PIETATIS amorem invitare pariter ac incitare validissime possint. Tantum equidem abest ut tot miserabi-

les horrendique literatorum hominum casus, quorum in nostro opere passim meminimus, quibusque non solum omnium seculorum historia plenissima sunt; sed qui nostra etiam tempora abominabilibus & terrificis exemplis infamia fecerunt, extremæque propemodum infelicitatis damnarunt; tantum abest inquam, ut illa omnem felicitatis ac beatitudinis spem literatis hominibus adimant, atque præscindant, ut potius in illis prudentiam apprimè acuant, torporem omnem mirificè excutiant, optimeque eos edoceant, quâ ratione perspectis tot infeliciis ex animo, h. e. vitiosorum literatorum calamitatibus atque miseriis, verè FELICES fieri, & ad imperturbatæ beatitudinis sedem tandem aliquando devenire possint, summam perpetuamque ibi reperturi felicitatem. Sit licet literatorum hominum vita, novercantis fortunæ ludibriis undique exposita; insidiis,urbationibus, miseriis, corporisque pariter ac animi ægreditudinibus, nullisque non doloribus acerbissimis ita pateat, ut nihil stabilis, nihil jucundi, vel tantillum imaginari, ne dum polliceri sibi audeant vel optimi; lerna & ilias malorum appareat universa eruditorum hominum Respublica, quotidianis & indefinentibus exercita inquietudinibus, & turbamentis, quæ veræ alicujus beatitudinis vix speciem aut simulachrum & umbram exhibeat; tantū tamen hæc & similia neutiquam sunt,

sunt, ut PIE-ERUDITIS inæstimabile illud
 veræ felicitatis bonum extorquere, aut de su-
 premæ beatitatis fastigio eos rursus deturbare
 valeant. Et cum nullatenus is verè FELIX
 dici mereatur, qui suam felicitatem ignorat,
 aut ipsum beatitatis fundamentum vanarum
 opinionum & fallacium persuasionum cunicu-
 lis & subfossionibus evertit aut labefactat;
 hinc FELIX noster eruditi Orbis, Civitatisque
 sanctæ incola strenuam navet operam, ut non
 solum bona sua (cœlitus concessa) probè per-
 spiciat atque intelligat, verum etiam sinistras
 omnes opiniones exuat, neque in propriis un-
 quam viribus (quæ potius infirmitas & imbe-
 cillitas dici merentur,) verum in divina boni-
 tate, clementia & gratia, cui omnia humiliter
 sunt adscribenda, tranquillè & suaviter, imò u-
 nicè acquiescat. *Enam si* (ait sapiens) *perfe-* Sap. IX.
ctus sit aliquis inter filios hominum, absen- v. 1.
te sapientia quæ à Te est (DOMINE)
in nihilum computabitur. Sit licet quis
 numeris omnibus absolutus Doctor, nullisque
 non corporis ac animi dotibus gaudeat, si ta-
 men fide pietateque verâ sit destitutus, nihili e-
 rit reputandus. *Eni* (ait idem supremæ Sa- Cap. XIII
 pientiæ encomiastes) *sunt omnes homines, in* v. 1.
quibus non subest scientia DEI; sicut uter vel
 follis vento quidem turgidus, sed vino vacu-
 us, vanus est, cum nihil in se habeat solidi, ita

LITE.

LITERATI (licet alias acutissimi sint) lumine quod desuper descendit nonnisi in animas DEI sui studiosas destituti, inanisque potius inflantisque scientiæ vento turgidi, omninò vani sunt ac stolidi, bullæ sunt vento tumidæ, quæ mox ab aëre diffiabuntur, vapores & fumi sunt, qui mox tenues vanescent in auras. Optimè Philo in memorabili suo de temulentia opusculo ; *Sicut Sol (ait) exortu suo stellas abscondit, tanto suo splendore perfusis nostris oculis ; ita quoties animi oculi, sincero, puro, fulgidissimoq; illuminantis DEI splendore irradiantur, nihil aliud inspicere possunt. Affulgens enim ejus, qui est Cognitio, nihil non illustrat, ut etiam quæ sunt per se splendidissima collatione hæc obscurentur.*

XI. Scitè admodum è Veteribus nonnulli enunciarunt, DUO ESSE, quæ ab hominibus nec pecunia comparari, nec à quocquam mortalium donari, nec casu vel hæreditate obvenire cuiquam possint, ERUDITIONEM nimirum & VIRTUTEM, utrumque indefessum exposcere laborem, maximamque industriam, siquidem DEUS (dicente Chrysostomo) paradysum voluptatis ipsiusque beatitudinis locum soli homini agenti concesserit, non desidi aut torpenti, nec hominis ullius vita credatur beata, quæ exilium omni labori si-

ve diurno, sive nocturno indicat. Nihili profecto ducenda esset illa felicitas, quæ ab omni solertiæ meta semper aberraret, inque otio & quiete sine operâ industriaque ferventiori consenesceret. Quandoquidem verò omnis animi operatio, sive ERUDITIONIS, sive VIRTUTIS consequendæ studio suscepta, suum velut finem & terminum reposcat, fruitionisque tandem spectet, oblectationem, dubium nullum est, quin illa quæ ex VIRTUTIS exercitio oritur voluptas, longissimè præstet alteri, quæ ERUDITIONEM solidiorè comitatur, cum nullum pretiosius bonum etiam apud profanæ doctrinæ magistros statutum sit, quam illud quod intellectum simul humanum & voluntatem exornet. Nihil thesauro illo præstantius: *Quicquid solida Virtutis imperio geritur (ait ille) gloriosum est, quidquid ejus colore tingitur, regium est, quidquid ejus dignitate fulcitur, supra omne decus est.* Veteres Deam facientes Virtutem clarissimè indicarunt, perinde esse violare virtutem, ac Deam ipsam. Philo Judæus quandam Virtutis aternitatem commentus, dixit etiam homine pereunte ejus Virtutem esse superstitem, quemadmodum ipse opinabatur Ideas artium una cum Mundo in perpetuum duraturas. Quid quod tanta sit felicitatis oblectationisque illius, ex Virtute vera emanantis præstantia, ut hinc sapiens ad supremam illam evehatur Vitæ regiq;

Josephus
Maria-
viol. in
Proteo
Ethico-
Polit.
Leg.
LXIIIX.
fol. 359.

regionem, in quâ semper benè agitur, & ad quam cœlesti beneficio delatus verè FELIX, eandem ubivis naturæ faciem Majestatemque deprehendit, idem ubique cœlum intuetur, eundem Solem, eandem Lunam, nullis infuscatam eclipsibus, easdem semper tot siderum choreas harmonico concentu, semper benè dispositas. Nimirum ut scitè eruditorum quidam : Occurrunt ipsi (scribit) ubiq; locorum, consimiles montes, valles, planities, fluvia, fontes, arbores, herba, lapides, animantes, homines, urbes, & dum tam vasto agitur animo, non unius regionis se civem agnoscit, sed totius Mundi; & quocunq; venerit, ibi se versari ut in PATRIA putat, adeoq; liber ac sui juris dicitur esse, ut nullo concludi ergastulo possit, nullis mœnibus capi, & hâc libertate tanto tranquillius utitur, quanto conclusus carcere corporis animus evolat altius, & mentis velut cœli gaudet serenitate. En ! splendidissimum FELICITATIS, quæ sola VIRTUTE sapientiæ consociata paratur, exemplar.

XII. Neque verò in eo contemplando solum imitandoque VERÆ FELICITATIS CANDIDATI, sinceræq; pietatis- christianæ Professores toti sint occupati, verum etiam in PROPAGANDA VIRTUTE, emendan-

dandisq; & ad Salutis semitam reducendis erroribus aliis operam collocare studeant diligentiorē. Sanè cum dicente Nazianzeno nullā re perinde *DEUS delectetur, ut hominis emendatione & salute; nec grātius illi, ut Chrysostomus addit, officium praestetur quam si universam vitam ad commune emolumentum conferamus*; capropter assidua **FELICES** Literatos cura versare debet, quā ratione fratres, damnificis doctrinae & vitae profanae tenebris diutius obnupti, ad lucis perennis claritatem, ejusque Scientiae scopum deduci commodè possint; quā non [uti infantes ceterae] populare est artificium, nec fluxa consecrata vanitati, non in **VERBIS** solum, sed **REBUS** etiam consistit, mentem fabricat, formatque animum, regit actiones, & agenda pariter ac omittenda demonstrat. *Nemo sanè (ut praeclare Chrysostomus) suum ipsius negotium rectè gerere potest, neglectā PRO-* (Chrysost.
Orat. 4.
contra
XIMI salute, propter hoc & Paulus ait: Judeos Nemo quod suum est quærat, sed quisque sub fin. quod alterius, sciens quod sua cujusque utilitas in proximi utilitate sita est, &c.
Quod ipsum expendens quidam è recentioribus, dicere solitus erat, se omni ope laboraturum ut vel unicam lucrifaciat animam; *Quomodo enim (addebat) Christus illum*
con-

Chrysoſt.
Hom. in
II. Cor.
III.

Idem
Hom. III
in Genes.

condemnabit, qui animam, rem illi tam caram
& dilectam lucratus fuerit. Nihil est enim
(ait rursus notanter laudatus Chryſoſtomus)
quod animæ poſſit æquiparari, nec univerſus
quidem mundus, itaque etſi immenſas pecunias
pauperibus eroges, plus tamen efficies, ſi unam
converteris animam &c. *Nam ut anima* (ait
alibi) *corpore melior eſt, ita illis qui indigen-*
tibus pecunias & facultates ſuppeditant, ma-
joribus premiis digni ſunt hi, qui admonen-
do, & continuè docendo in viam rectam ſu-
pinos & deſides inducunt, monſtrando eis
Virtutum divinarum fragrantiam, & vi-
tiorum malevolentiam. Hac omnia cum
ſcimus, præ omnibus aliis hujus vitæ curis,
de **SALUTE ANIMARUM** loquamur
proximi, eandem illis ſollicitudinem inge-
rentes. Magna enim bonitatis eſt animam
cui hac continuò intonantur poſſe reduci ex
abyſſo malorum in quorum medio verſamur,
& compesce ſeditionem quæ perpetuo ani-
mam noſtram infeſtat. Cum itaque nobi-
le illud convertendi animas ſtudium non ſo-
lum cæterarum Virtutum opera, verum etiam
nulla non charitatis chriſtianæ officia longiſſi-
mè excedat, meritò ea cura atque cogitatio
cunctos Deo ſaceratos affiduè verſare debet, quæ
ratio-

ratione doctrinae & vitae profanae mancipia suo ministerio ad veritatis & voluntatis divinae agnitionem adduci, & cum offenso Numine reconciliari queant. Adeo inquam ingenum & nobilis est haec cura salvandi homines (praesertim profane eruditos,) ut sine ea digni haud simus, qui gregis pastores & Christi discipuli aut sectatores nuncupemur: *Si Mercenarii Chrysost.*
Christi sumus (ita rursus nos Magnus al- *hom. 24.*
 loquitur Chrysostomus) *primum debemus in Matth*
aspicere quae ad gloriam DEI pertinent pro-
ximiq; profectum. Quia charitas & ve-
rus amor erga DEUM non quarunt quae
sua sunt, sed ad libitum amati cuncta per-
ficere desiderant. Audiamus haec atque ad
 animum serio revocemus, qui Verbi divini publi-
 cos praedicoes agimus, haud quaquam ad no-
 stram respiciamus utilitatem, ne STUDIIS
 tantummodo privatis vacantes, ANIMA-
 RUM LUCRA negligamus, terrena potius
 concupiscentes, humanam gloriam intentam
 mente captantes, denique ipsum ministerium
 Sacrum ad ambitionis vertentes argumentum.
 Saxo quovis duriora nobis pectora essent, si
 pensare nollemus quae Gregorius Magnus ad *Gregor.*
 hoc animas salvandi convertendique studium *M. Ho.*
 quod attinet, nobis dedit expendenda: *mil. xvii*
in Evan-
 Pensamus ergo qui unquam per linguam *gel.*

nostram converſi, qui de perverſo ſuo opere noſtrâ increpatione correpti poenitentiam egerunt, quiſ luxuriam ex noſtra eruditione deſeruit, quiſ avaritiam, quiſ ſuperbiam (*cenedoxiam, ambitionem, contentionem, maledictionem, &c.*) declinavit? Penſemus quod lucrum DEO fecimus nos, qui accepto talento ab eo, ad negotium miſſi ſumus. Etenim dicit: Negotiamini dum venio. Ecce jam venit, ecce de noſtro negotio lucrum requirit. Quale ei animarum lucrum de noſtra negotiatione monſtrabimus? Quot ejus conſpectui animarum manipulos de prædicationis noſtræ ſegete illaturi ſumus? Ponamus ante oculos noſtros illum tantæ diſtinctionis diem, quo judex veniet, & rationem cum ſervis ſuis quibus talenta credidit, ponet. Ecce in Majeſtate terribili, inter angelorum atque archangelorum choros videbitur. In illo tanto examine electorum omnium & reproborum multitudo deducetur, & unusquiſque quid ſit operatus oſtendet. Ibi Petrus cum Judæa converſa, quam poſt ſe traxit apparebit. Ibi Paulus converſum

versum ut ita dixerim , Mundum du-
rens; Ibi Andreas post se Achajam , ibi
Johannes Asiam, Thomas Indiam in con-
spectum sui Judicis conversam ducet.
Ibi omnes Dominici gregis arietes cum
animarum lucris apparebunt, qui sanctis
suis prædicationibus post se subditum
gregem traxerunt. Cum igitur tot pa-
stores cum gregibus suis ante æterni pa-
storis oculos venerint , nos miseri quid
dicturi sumus, qui ad Dominum nostrum
post negotium vacui redimus, qui pasto-
rum nomen habuimus , & oves quas nu-
trimento nostro debeamus ostendere, non
habemus? Hic pastores vocati sumus, &
ibi gregem non ducimus - - Et per nos
quidem fideles ad sanctum baptisma ve-
niunt , nostris precibus benedicuntur &
per impositionem nostrarum manuum à
DEO Spiritum Sanctum percipiunt, atq;
ipsi ad regnum cœlorum pertingunt , &
ecce nos per negligentiam nostram deor-
sum tendimus. Ingrediuntur electi cœle-
stem patriam, & nos ipsi per vitam repro-
bam ad inferni supplicia festinamus, &c.

Sicuti verò negligentes isti, deque proximorum salute parum solliciti pastores, extremæ infelicitatis aleam olim subituri; ita voluptatem maximam non in futurâ solum, verum præsentî etiam vitæ illi sunt percepturi, qui de juvandis & ad virtutis semitam revocandis animabus seria semper secum agitant consilia. Tale inquam hoc est gaudii lætitiæque genus, cui nequaquam conferenda, ne dicam anteponenda est ulla voluptas terrena alia, ubi nimirum piè-doctorum aliquis nonnullos operâ suâ studioque ex vitiis ad virtutem, ab impietate ad pietatem conversos, vel in ipso pietatis cursu alacriter proficientes, inque omni virtutis genere efflorescentes conspiciat. *Quanta obsecro hæc res animo DEUM sincerè amanti affert gaudia?* quas sæpè ex oculis elicit lacrymas? *Etenim si* (ut Propheta ait) *capta præda exultant victores*; quanto major in ejusmodi victoriis inq; tali prædâ erit exultatio? Illic alterius partis bonum, alterius damnum est: hic cum nostro fructu proximorum quoque fructus conjungitur, atque hoc ipsum proximorum bonum, nostrum quoque adauget gaudium. Ac licet multis laboribus curisque constet ejusmodi fructus, lætitia tamen subsequens facilè efficiet, ut exantlatæ molestiæ oblivioni citissimè tradantur. Non dubitandum equidem est, quin in hunc etiam partum conveniat illud quod est dictû à Domino:

Mulier

Esa. 9.

Mulier cum parit, tristitiam habet, cum autem peperit, jam non meminit pressura, quia natus est homo in Mundum. Atqui major longè latitia ex spiritali isto partu exoritur, cum homo non nascatur in MUNDUM, [nullis scil. non miseriarum generibus repletum] sed verius nascatur in COELUM; non vitam illam corporis brevissimam consequatur, verum animi potius perpetuam atque sempiternam. Quid igitur sentire nos oportet in hoc immarcessibili fructu, cum videamus philosophum ethnicum in discipulorum (profanae doctrinae placitis imbutorum) exultare profectu? Si agricolam inquit, arbor ad fructum perducta delectat, si pastor ex fœtu gregis sui capit voluptatem, si alumnus suum nemo aliter intuetur, quam ut adolescentiam illius, suam judicet, quid evenire credas iis, qui ingenia educaverunt, & quae tenera formaverunt, adulta subito videant? Quid verò fructus quem Seneca cognoscere potuit, si cum nostro comparetur; Fructu inquam spiritali, immortalis, aeterno? Taceo quod non una latitiae illius sit ratio, sed plures concurrant, DEI inprimis honor, proximi salus, maximum quoddam gratissimumque divinae clementiae & bonitatis spectaculum, quibus illud denique accedit, quod tam præclari operis

Johan. XVI.

Seneca
epist. 34.

*I. Cor.
III.*

ris ac muneris nos etiam aliquo modo participes sentiamus, ut cum Paulo dicere & quodammodo gloriari liceat: EGO PLANTAVI. Et cum in eo nemo non mirificè lætetur idque diligat, in quod aliquid studii atque operæ contulit, liquido apparet, justissimam in Domino exultandi causam eos habere, qui in divino adeò opere perficiendo, nimirum animarum salute procurandâ etiam atque etiam fuere occupati. Ut verò hæc solatia, hæc gaudia cunctis in animarum messe sedulò versantibus non certa solum, verum etiam perpetua sint, eorumque ministerio plurimi pleno gradu ad veram pietatem contendant, Is cujus negotium potissimum agitur, supremus sc. ACADEMIÆ CHRISTIANÆ RECTOR pro in effabili sua benignitate ac clementia etiam atq; etiam efficiat!



L. B.



L. B.

QUum ultima manus operi huic The-
 osophico esset imponenda, oportune
 admodum oblat a mihi fuit Magni *Extat ea
inter O.
Ferrarii*
 illius Oratoris Patavini OCTAVII FER-
 RARII erudita atq; memorabilis de LI-*prolusio-
nes Pa-
lusio, quâ malorum eruditos Viros undique
tau.*
 prementium Iliadem mirâ verborum elegan-*1668.
editas,
num. IX.
pag. 81.
scqq.*
 tia ac styli nitore singulari exposuit, ma-
 ximorumq; ingeniorum extremas calamita-
 tes exquisitè adumbravit. Hujus itaq; nobi-
 lissima scriptiois partem potiore Tecum
ANAGNOSTA INGENUE meri-
 to duxi communicandam;

QUoties mecum ipse repeto, quam in fru-
 giferâ sint sterilesque literæ, quot in-
 commoda ac ludibria sectatoribus suis affe-
 rant, quanto in contemptu apud proceres
 versentur, si qua fides, dictorum & consi-
 liorum omnium fera animum pœnitentia
 subit, pudetque ac piget toties vobis earum li-
 terarum studium inculcasse, in quarum conse-
 cutione maximî labores exhaustiendi, Biblio-

thecarum sepulchrō infenescendum, legitima voluptates abdicandæ, abrumpenda vitæ blandimenta, ut demum una paupertas, unā miseria, una contemptus confluant, earumque discipulos, ac doctores circumstant.

Exhorrescat profectō necesse est, quicumque literatorum infelicitatem, varios casus, supremasque necessitates revolvit. Nec lingua modo, sed mens ipsa refugit, hæc Græcis cothurnis aptiora repetere. Non enim unus aut alter sorte quadam & fati malignitate, sed gregatim occurrunt, qui post consumotam literarum laboribus vitam, earundem fructu ægrè ipsam vitam tolerarunt, & aut alienas fores obfidere, aut diuitibus adulari coacti sunt, aut turpi ministerio alimenta expedire, aut omnium egeni in publica domo inter mendicabula indignantem animam projicere; Et cum rabula, ac sillabarum auceps jurgiis, ac clamore ditiescat: cum medicamentarius, cum artium ludicrarum doctores superbi perambulent: cum sellularius aliquid quotidie lucello apponiat, soli eruditi, nisi quos aut avita res, aut aliud artificium sublevar una cum literis, & paupertate educantur, soli laudantur & frigent: tolluntur ad sidera, jacentque: comitati in publicum prodeunt, & ne servulum quidem domi, neque arcam, nec camicem habent: pleno Gymnasio excipiuntur, vacuas ædis incolunt: omnia cum ab illis petantur, nihil datur: libri
corum

eorum manibus omnium teruntur, suppellex
 digitum sustulit: meliorem existimationem
 habent, quam vestem plures, laudatores nume-
 rant, quam nummos: salutationibus pleni,
 inanes oculos referunt: verba dant, & acci-
 piunt, digito monstrantur, nescio ob ingeni-
 um, an ob corporis illuviem: & cum benè
 laudati domum venerunt, sæpe incœnati cu-
 bitum petunt, credo ut summo mane facilius
 ad Musas salutandas expergiscantur.

Sed hæ maximæ nugæ sunt, præ ut quo
 pacto fortunæ livor, Regumque inclementia
 atrocita in eruditos exempla semper edidit. Ab
 Homero principium Musæ. Is omnis sapien-
 tiæ, atq; eruditionis parens, ingeniorum prin-
 cept, naturæ indulgentis miraculum, nescio
 majori factorum infamia, an vestro Pierides ru-
 bore, sine re, sine lare, ac recto omnis divinæ,
 atque humanæ opis egentissimus, & ad augen-
 dam superum invidiam oculis captus, manum
 porrexit ad stipem, ac divini poematis partes
 decantans ad ostia, ægre famem depulit: Ut
 etiam in ipsa morte fortunæ ludos instrueret,
 nam quod jocosum piscatorum ænigma solve-
 re nescivisset, mærore extinctum haud obscuri
 scriptores prodiderunt. Forte illi in littore
 cum mare turbatum ferias daret, aprico Sole,
 alii capturæ intenti, fœda indagine demersa
 capillis, ac sordentium tunicarum rugis ani-
 malcula quærentes, quæ reperire nollent, viso

Homero per ludibrium vatum maximū tanquam de tripode sententiam explorant. Nodus Homero vindice dignus sui erat: Quos cœpimus non habemus, quos non cœpimus habem⁹. Sed mendico nostro facilius fuit mori, quam nexum expedire. Idque unum ludibrio deerat, ut qui pediculorum agmina verminantium toto corpore paucrat translata veluti in animum Phitriasi ab iisdem conficeretur. Quid jam cetera persequar? Pindarum Lyricorum DE U M in ephebi gremio expirasse: Euripidem ut ferunt à canibus laceratum: Pythagorā una cum sectatoribus infelicibus flammis ustulatum: Platona inter epulas divinum illum spiritum exhalasse: Aristotelem, quod Erypi naturam non caperet, se in eundem coniecisse. Demosthenem veneno captivitatem effugisse. Plautum in pistrino non hominis operas locasse, sed caballi: Lucretium amoris poculo in furorem actum: Tullium inimico ceruicem præbuisse: Ovidium tota barbarie obrutum: Senecam & ejus agnatum Lucanum purpuream animam toto corpore evomuisse: Plinii naturæ capax ingenium cineribus obrutum, & ne hic omnes Libitinæ fastos excutiam, dicere distincte, prætermittam, alios dira lue absumptos: quosdam veneno sublato: hos aquis interceptos: illos penatum suorum ruina consепultos: istos ferrum jugulo infecisse: illos igne funeratos: plerosque aut pædore carceris exanimatos, aut carnificis manu

manu confectos : Nonnullos seruili dextra,
aut uxorū insidiis occubuisse : alios deniq;
ut egestatem, vel contumelias evitent in se ver-
tisse rabiem, & vel jacto in præceps corpore, vel
transfosso pectore, aut aperto jugulo fati satis-
fecisse. Sed ne antiqua nimis repetantur, quis
nescit Nicolaum Francum elisis laqueo fauci-
bus pependisse ? Aonium Palearium, Jacobum
Bonfadium, Hieronymum Sauonarolam publi-
ce crematos ? Ut ingentem eorum numerum
transeam ; qui capta ab Hispanis duce Gallo
Urbe Roma, mille mortis generibus per teter-
rimos cruciatus expirarunt. Cum ingeniosa
barbaries inaudita tormentorum genera exco-
gitaret, ut immania tributa exigeret, ac defossi
auri confessionem exprimeret. Cum proce-
res ipsi asellis conversa facie impositi, sacro-
rum veste excultis militibus ceno obliti sub
furcas agerentur ; At cruditorum servientium
turba validos tortores delassaret : & hi quidem
admoto igne torrerentur : illi de putei troclea
quassati, moxque iisdem aquis demersi : ma-
gna pars adactis sub unguis festucis excarnifi-
cati : minutis vulneribus confecti : candenti
ferro vellicati : Ferventi adipe plumboq; adu-
sti : & ne quod veteres quidem Tyranni excogi-
rarunt per testes, ac generationis membra su-
spensi, tandemque vigiliis, algu, inedia exani-
mati. Verè barbari, verè stipites, qui ab erudi-
tis aurum poscerent, quorum soror, ac comes
pau-

paupertas semper fuit, magna que suppellex librorum cistula, putris grabbatus, & luctantes cum tineis chartæ, vestesque infelicitatis instrumenta. Quorum tam fædè morientium triste solatium fuisse existimo, quod viderent, iustos Trojugenas, heros suos vel potius carnifices, ærumnarum sorte sibi æquatos, avaritiæ ac crudelitatis pœnas, plusquam ipsi vellent, persolvere. Nolo in universum conqueri non enim præficæ operam locavi, quæ literatorum funere lessum faciat. Ingratam auribus vestris hanc nœniam non dubito. Sed torquet me atque excruciat, ut nihil de his temporibus loquar, recens eorum memoria, qui nondum expletum fætorum furorem testati sunt. Nam Ludovicus Ariostus, Etruscus Homerus, quantum ab heris suis adeptus est, quibus ille æternam nominis gloriam comparaverat? Malo ipsum interrogetis satyrasque vetustati pares perlegatis, quibus fortunæ suæ angustias, ac patrii monii tenuitatem, non sine Dominorum invidia facunde, ac falsè miseratur. At Torquatus Tassus, Italus Virgilius, ab iisdem tam illiberaliter exceptus est, ut propter hoc credatur vergente ætate mente everfus, qui sapientiæ morbus cum paulatim remitteret, ut præparcum Principum ingenium ulcisceretur, divinum opus, nescio an melius immutatum Aldobrandinis inscripsit, à quibus destinatos summo vati summos honores mors antevertit. Porro Joh. Bapti-

Baptista Marinus quantum poesi lucratus est? longo carcere fractus, tam propè à ferali pegmate, quam à veterum poetarum laude fuit. Nisi quod extremis annis propitium Gallicum Cœlum habuisse visus est; sed unde unctius caput non retulerit, ut demum in patria majori laude, quam censu extingueretur.



FERRARIANAM HANC
DE DOCTORUM HOMIN. INFELICI-
TATE DISSERTATIONEM
EXCIPIAT.

INFELICIUM PARITER
AC FELICIUM (QUORUM TOTO
HOC OPERE MEMINIMUS) LI-
TERATORUM ACCURATA
DESIGNATIO:

LITERATI INFELICES

(I.) EX CASIBUS ET CALAMITA-
TIBUS VARIIS.

Homerus pag. 4. Hesiodus 6. Anacre-
on Tejus 8. Alcman Sardienſis ib.
Philistio Nicaus 9. Philippides 9.
Sophocles ibid. Æschylus ib. Oppianus
Cilix

Cilix *ibid.* *Terentius Afer* 10. *Titus Lucretius Carus* *ibid.* *Antonius Urcus Codrus* 11. *Laurentius Laurentianus* 16. *Petrus Leon*, *ibid.* *Joh. Baptista Albinus* 17. *Nicodemus Frischlinus*, *ibid.* *Thomas Campanella* 18. *Paulus Decanalis* 405. *Jacobus Constantius* 405. *Pomponius Latius* 918. *Joh. Regius Venetus* 990. *Nicolaus Angelicus* 991. *Augustus Valdeus* *ibid.* *Georgius Obrechtus* 993. *Tadius Ugolettus* 995. *Martinus Smetius* 996. *Petrus Gillius* 997. *Edmundus Castellus* 998. *Joh. Henr. Hottingerus* 999.

(II.) INFELICES EX IMPIETATE ET ATHEISMO SIVE DIRECTO SIVE INDIRECTO ET PARTICIPATO:

Maximus Tyrius 9). *Protagoras Abderites* 179. *Theodorus Mopsvestenus* 178. *Epicurus* 180. *Cesar Cremoninus* 99. *Jacobus Zabarella* 99. *Angelus Politianus* 100. *Gottofredus à Valle* *ibid.* *Jul. Caesar Vaninus* 101. *seqq.* *Galli quidam tenebriones* 105. *seq.* *Petrus Aretinus* 110. *Petrus Bembs* 112. *Simon quidam Polonus*

Polonus 124. *Franciscus Rablæsius* 126. *Bonaventura Peresius* 126. *Simon Thurvajus* 128. *Barthol. Anulus* 134. *Benedictus Spinosa* 143. *Anonymus Bibliomastix* 142. *Nicol. Machiavellus* 147. *Reginaldus Scotus* 152. *Abrahamus Palinghus* 153. *Gvil. Luranus* 153. *Pomponatus* 173. *H. Cardanus* 174. *Arnoldus de Villa nova* 176.

(III.) INFELICES EX FASTU ET
SUPERBIA.

Palæmon Grammaticus 207. *C. Navius Comædiographus* *ibid.* *Menebrates Medicus* 207. 249. *Agathocles Peripat.* 200. *L. Ennius* *ibid.* *M. T. Cicero* *ib.* *Alexarchus Gramm.* *ib.* *Calliphanes Poeta* 109. *Empedocles* 209. *Simon Magus* *ib.* *Marcion Hæresiarcha* 210. *Tatianus* *ib.* *Novatus* *ib.* *Eunqmius* 281. *Julianus Pelagianus* 241. *Lucifer Calaritanus*, 210. *Nestorius* *ib.* *Petrus Abaelardus* 211. *Hier. Cardanus*, 213. *Simon Thurvajus* 215. *Colmanela* *ibid.* *Monachi Neapolitani* 216. *seq.* *Theologus Peruensis anouymus* 217. *seqq.* *Alphonsus Castellanus* 218. *David Georgius & Henr. Nicolai* *ib.* *Franciscus*

1120 DESIGNATIO LITERAT.

ciscus Robortellus 220. Joh. Faseolus
 Prof. Patavinus 220. Joh. Baptista Ma-
 rinus ib. Joh. Ciampolus 221. Antonius
 Maraffa 222. Joh. Franciscus Carreto-
 nius 2 3. Alexander Tassenus ib. D. Di-
 chaus ib. Trajanus Boccalinus ib. An-
 gelus Angelorius 225. Raphael Menicucci-
 us 225. Claudius S. 227. Richardus Mont.
 229. Moses Am. ib. Joh. Camero ibid.

(IV.) INEELICES EX INANIS GLO- RIÆ AMORE AC STUDIO :

Crescens Philosophus 303. Aristoteles 304.
 Cicero 305. Empedocles 397. Anonymus
 apud Arianum 305. Palamon Gramma-
 ticus 306. Appion Grammaticus 306.
 Calliphanes 307. Calvisius Sabinus 307.
 Aulus Posthumus ib. Thestorides 317.
 Cleombratus 397. Hieronymus Cardanus
 308. Joh. Wesselus Gansfortius 309.
 Angelus Politianus ib. Fortunatus Scachus
 311. Belm. Cagnolus 3 2 Cynthius Lu-
 carinus 312. Franciscus Balduccius 313.
 Jacobus Claverius 317. Zoilus Ardelio
 317. Concionator quidam Hispanus 365.
 Andreas Thevetus 426.

(V.) IN-

(V.) INFELICES EX INVIDIA ET
ÆMULATIONE ACTIVA.

Meneclides Orator 444. *Zoïlus* 446. *Antiochius Lemnius* 446. *Cydon* *ibid.* *Xenophanes*, *Colophonius*, *Amphimenes Cous* *ibid.* *Pherecides* *ib.* *Salarus* *ib.* *Aridaus Macedo & Crateva Theſſalus* 484. *Anaxagoras*, *Suſibius* *ib.* *Timocreon* *ibid.* *Xenophon* *ibid.* *Plato* 474. *Aristoteles* 447. 475. *Pollio Afinius* *ib.* *Palamon Grammat.* *ib.* *Demetrius Ep. Alex.* 450. *Euseb. Caſar. Ep.* 454. *Timotheus Alex.* 457. *Theophilus Alex.* 459. *Joh. Hierosol.* 460. *Sabinianus Ep. Rom.* 475. *Jacobus de Hogſtraten* 470. *Stunica*, *Leus*, *Sutor*, *Bucenta*, *Standicius Dorpius*, *adverſarii Deſid. Eraſmi Roterod.* 471. *Liſius Sinicus* 476. *Baptiſta Egnatius* 485. *Claudius S.* 503.

(VI.) INFELICES EX INVIDIA PASSIVA, SIVE QUI AB ALIENO LIVORESUNT INFESTATI.

Pythagoras 445. *Socrates* 444. 525. *Homerus* 446. *M. T. Cicero* 445. *Hesiodus* 446. *Pindarus* *ib.* *Thales* *ib.* *Bias* *ibid.*
Cccc Simo-

*Simonides ib. Isocrates 447. M. Varro
ib. Tertull. 448. 551. Origenes 449. /qq.
Basilus M. 454. Gregorius Naz. 457.
Joh. Chrysost. 458. Hieronymus Stri-
don. 459. 497. 54). Gregor. Magnus,
475. 537. Petrus Blesensis 462.
Bernardus, Clarav. 533. Hieron. Savo-
narola 465. Franciscus Petrarcha 467.
Jo. Ant. Campanus 468. Jo. Picus Mi-
randulanus 468. Jo. Capnio Reuchlinus
469. Jo. Ludovicus Vives 471. Des.
Erasmus 471. Laurentius Valla 472.
R. Moses ben Maimon 475. Orator qui-
dam anonymus 482. M. Ant. Muretus
483. Guil. Budæus ib. Christoph. Lon-
golius ibid. Phil. Cominaus 484. Fr.
Baco Verulamius ib. Theophilus Deme-
trii Chalcondila fil. ib. Carolus Molina-
us 485. Joh. Müllerus Regiom. Ma-
thematicus 485.*

(VII.) INFELICES E RIXIS SIVE
CONTENTIONIBUS.

*SOPHISTÆ VETERES, 576. seqq. ut Gor-
gias Leontinus 579. Chrysippus ib. Cle-
anthes ib, Carneades ib. Diog. Antisth.
Eucli-*

Euclides 577. *Crates* 578. **HÆRETICI**
PRISCI, 580. *seqq.* ut *Faustus Manichæus*
 580. *Eunomius* 581. *Marcion* 613. *Val-*
entiniani & Marcionitæ 582. *Arius* 583.
Aetius ib. *Eudoxius ibid.* *Theophronius*
Macedonius ib. *Eutropius ib.* *Nesto-*
rius, Eutychius ib. *Leontius Episcopus*
Arian. 658. *Lucifer Calaritanus* 603.
DOCIORES QUIDAM SCHOLASTICI,
 583. *seq.* *Joh. Scotus* 585. *Occamus* 596.
Petrus Aliacensis ib. *Durandus* 597. *Al-*
varus ib. *Biel. ib.* **QUIDAM RECEN-**
TIORES : *Matth. Flacius Illyricus*
 605. *Andr. Osiander ib.* *Petrus Ramus*
 606. *Jaso Denor.* 607. *Antonius Ric-*
cobonus ib. *Joh. Buteo* 609. *Ludovius*
Castelvetrus, 609. *Thomas Demsterus*
 609. *Matthæus Caryophilus* 610. *An-*
gelus Politianus ib. *Dicheus Dicheanus*
 611. *Ren. des Cartes* 615.

(IIX.) INFELICES EX MALEDI-
CENTIA :

Arist. Stagir. 669. *Asinius ib.* *Castius* 670.
Zoilus Amphipolites 670. 718. *Perq, Di-*
dymus, Largius Licinius, ib. *Theon poe-*
ta 671. *Hipponax Jambographus* 671.

718. *Archilochus* *ibid.* 718. *Theocritus* *ib.* *Bion poeta* *ib.* *Novatus* 672. *Arius* 673. *Eunomius* *ib.* *Julianus Pelagianus* 673. *Secundinus Manichaeus* *ib.* *Comes Pascentius* *ib.* *Petilianus Donatista* 674. *Berengarins Scholaasticus obrectator Bernardi* 677. *seqq.* *Franciscus Robortelus*, 683. *Franciscus Rablasius* 684. *Marcellus Marchesius* 685. *Alexander Stufa* *ibid.* *Ludovicus Reginus* *ibid.* *Trajanus Boccalinus* 686. *Caspar Sciopius* 687. *Jos. Scal.* 687. *Claudius S.* 688. 709. *Caspar Barlaus*, 690. *P. Jonius* 691. *Christianus Gerson* 706. *Noddo quidam* 721. *Sacerdos anonymus* 722.

(IX.) INFELICES EX AMBI-
TIONE :

Aristoxenus Peripateticus 790. *Terentius Varro* 795. *M. T. Cicero* *ib.* *Jul. Caesar Stella* 791. *Tatianus* 803. *Arius* *ib.* *Acrius* *ib.* *Timotheus Elurus* 804. *Flavitas Ep. CP.* *ib.* *Archidiaconus quiam Canasius* 806. *Thomas Volsaus* 792. *Barnabas Brissorius* 793. *Joh. Funccius* *ib.* *Caspar Penserus* 795.

(X.) IN-

(X.) INFELICES EX AVARITIA :

Peripateticus quidam apud *Iustin. Mart.* 887. *Simonides* 877. *Alcinous* 878. *Protagoras Abderites* 888. *Spensippus* *ibid.* *Theophilus Alex.* 903. *Rheginetus Episc. Misnensis, ibid.* duo literati anonymi 866. *Iohannes Coricius* 878. *Bartholomeus Grossus* 879. *anonymus* quidam 880. *Dichans Dichaeus* 881. *Theodorus Gaza* 895. *Gabriel Zerbi* 896. *Trypho Dalmata* 897. *Sarratonius Venetus* 898.

(XI.) INFELICES EX NOXIA CURIOSITATE :

Protagoras Abderites 955. *Cicero* 959. *Heraclitus* 1023. *Simon Churnajus vel Thurvajus* 956. *Henr. Cornel. Agrippa,* 957. 978. *Hier. Cardanus* 957. *Abrahamus de Balmis* 958. *Joh. Bodinus* 962. *H. Grotius* 963. *Guilelmus Postellus* 971. *Petrus de Apono* 981. *Anselmus Parmensis* *ibid.* *Johan. Faustus* *ib.* *Michael Scotus* *ib.* *Joh. Trithemius* *ib.* *Ren. Cartesius* 987. *Arnoldus*
Ccc 3

du à Villa Nova 99). Joh. Baptista Marinus ibid.

(XII.) INFELICES EX CASSIS ET
SUPERVACANEIS LABO-
RIBUS.

Joh. Regius Venetus 990. Arnoldus à Villa Nova 99). Augustus Valdeus ib. Poeta quidam Lyrici 992. Pittacus. Canterus Lucianus, Polycrates, Clesarchus 1015. Antonius Marosticus 994. Hieron. Carbo 995. Taddeus Ugoletus 995. Iacobus Constantinus, ib Arnoldus Bohyræus 996. Martinus Smetius 997. Petrus Gillius ibid.



FELICIUM QUORUNDAM
LITERATORUM
IN HOC OPERE LAUDATORUM
SYLLABUS.

Moyses Propheta, pag. 642. 827. Plato, 381.
1068. Socrates, 280. 848. 1067. Demosthenes, 732. Democritus, 642. Bias, 931.
Epictetus, 206. 642. 733. 735. 1069. Zenon,
643.

643. 1069. *Panetius*, 769. *Seneca*, 429. 733.
 734. 737. 1069. *Solon*, ib. *Possidonius Philof.*
 383. *Cato Senior*, 758. 1070. *Plinius Secun-*
du, 415. *Confutius vetustissimus Philosophus*
Sinicus, 944. 1073. seqq. *Philo Judæus*, 21.
 132. 1070. *R. Moses ben Maimon*, 1072.
CHRISTIANI: *Dionysius Arcopagita*, 381.
Ignatius Theophorus, 383. *Theophilus Antio-*
chenus, 1005. *Gregorius Taumaturgus*, 817.
Irenæus, 383. 404. 711. *Cecilius Cyprianus*,
 383. 404. 774. 817. 920. 1083. *Justi-*
nanus Martyr & Philosophus, 116. 383. 404.
 1006. 1082. *Athanasius*, 383. *Basilius M.*
 383. 404. 644. 817. 920. 1008. 1084. *Gre-*
gorius Nazianzenus, 383. 753. 817. 920. 1008.
 1085. *Ambrosius Episc. Mediol.* 383. 415.
 747. 818. 858. *Hilarius Pictaviensis*, 1088.
Hieron. Scridanensis, 383. 649. 711. 859.
 1089. *Aurelius Augustinus*, 350. 383. 404.
 647. 651. 1009. 1086. *Johannes Chrysosto-*
mus, 383. 404. 742. *Isidorus Pelusiota*, 375.
 1092. *Epiphanius*, 712. 921. *Ephrem Syrus*,
 818. 1011. *Cyrillus Alexandrinus* 655. *Gre-*
gorius M. 818. *Bernardus Claravallus*,
 383. 1020. 1090. *Paulus Episcopus Virdu-*
nenfis, 922. *Synesius*, 822. *Nonnus Panapo-*
lites, 729. *Joh. Climacus*, 1094. *Joh. Cassia-*
nus, ib. *Venerabilis Beda*, ibid. *Albinus sive*
Alcuinus Caroli M. Præceptor, ib. *Anselmus*
Canuar, 1095. *Isidorus Hispalensis*, ib. *Ri-*

chardus de S. Victore, ib. *Aelredus*, 1096.
Philippus Bona Spei, 1096. *Alanus ab Insulis*,
 ib. *Petrus Blefensis*, ib. *Franciscus Petrarcha*,
 851. *Jo. Picus Mirandulanus*, 728. 1040.
Johannes Wesselus, 824. *Rodolphus Agricola*,
 1038. *Joh. Lud. Vives*, 867. *Des. Erasmus*,
 662. *Philippus M.* 928. *Aldus Manutius*,
 1034. *Adrianus Turnebus*, 219. *Justus Lipsi-*
us, 359. *Jac. Fajus Speffens*, 388. *Claudius*
Puteanus, 388. *Aloysius Novarinus*, 431.
Franciscus Iunius, 153. seqq. *Matth. Hagen-*
refferus, 837. *Joh. Gerhardus*, 924. *C. E-*
rasmus Brochmannus, 925. *Joh. Mich. Dil-*
herrus, 925. *Fr. Baco Verulamius*, 1044.
Joh. Coletus, 593. *Janus Gruterus*, 1042. *Ca-*
spar Barthins, 1046. *Dan. Heinsius*, 849. *Pe-*
trus Cunaeus, 640. *Gerhardus Johannes Vossi-*
us, 1047. *Joh. Amos Comenius*, 1051. *Mat-*
thias Berneggerus, 1053. *Joh. Freinsheimius*,
 1054. *Thomas Bartholinus*, 1055. seqq. *Hie-*
ronymus Kromayerus, 654. *Philippus Iacobus*
Spenerus, 1020. *Iacobus Thomafius*, 322.
Ahasverus Fritschius, 692.



IN.



782929



INDEX RERUM ET DOCUMENTORUM MEMORABILIMUM CO- PIOSISSIMUS

A.



BAELARDI
extrema ex
fastu mise-
ria, p. 211.

212. lapsus gemitus,
ibid.

Abietis fabula litera-
tis ambitiosis accom-
modata, 812

Abrahamitarum ge-
nuinorum criteria
ad mentem vete-
rum Ebraeorū 277.

Abrahami de Bahmis
mordax & scepti-
cus genius, 958.

Abnegatio sui litera-

ris commendata, 51
quam durus mole-
stusque carni sit de
ea sermo, 53. 272.

Academicorum Do-
ctorum tria genera,
693.

Actio jungenda con-
templationi, 200.

Aëlredi Rhievall. Ab-
batis eruditio pie-
tati sociata, 1096.

Æmulationis & invi-
diæ differentia, 441

Æquanimitas litera-
torum ex animo fe-
licium, 736. seqq.

Ccc 5

Aërii

- Ærii** hæresiarchæ causus ex ambitione, 803.
- Æschyli** Poëtæ miserabilis exitus, 9.
- Æternitatis** amor salutare est adversus invidiæ pestem remedium, 515.
- Ævum** infelix quod fuerit literis, 1095.
- Adversarii** à literatis nec temerè sunt provocandi, neq; contemnendi, 620.
- Affectus** doctorum hominū indomiti, 22. à Poëtis quâ ratione præfigurati, ib. quomodo sint coercendi, 70. seqq.
- Agathoclis** Peripatetici fastus & arrogantiæ maxima, 207.
- Agricolæ** **RODOLPHI** laus, 1038. insignis ejusdem felicitas 1039. conversio ad pietatis studium, 1040. pius obitus, ibid.
- Agrippæ** **HENRIC. CORN.** magicum studium, 154. Scepticismus, 957. occulta philosophia è noxia curiositate profecta, 978. exitus miserabilis, 980.
- Albini** **JOH. BAPT.** *αυτοχρησία*, 17.
- Alani** ab Insulis eruditio & virtus, 1096
- Alcmani** Sardiensis poëtæ extrema infelicitas, 8.
- Alcuini** sive **Albini** Abbat. Turon. de superandâ invidiâ dictum memorabile, 564. eruditio & virtus eximia, 1094
- Alexander** **M.** Orbis Victor quâ ratione pravis suis cupiditatibus succubuerit 73.
- Alexandrinum** **Gymnasium** cur dictū sit cavea viminea, 643.
- Alex-**

Alexarchi Grammatici superbia, 208.

Alphonſi X. Castellæ Regis elatio, 218.

AMBITIO literatorum, 776. ſeqq. ejus natura ac indoles adumbrata, 778. ſeqq. ſumma perniciēs, 780. 781. 782. 783. 787. 798. 811. 839. maxima tyrannis, 782. exempla vetuſtiora, 790. recentiora, 792. 793. 795. opportuna morbi illius remedia, 801. 812. 846. ſeqq. 853. 859. ſeqq. ambitionis refrœnatio, & felicis literati adverſus eam pugna, 797.

Ambitioſus literatus ſimilis Icaro, 777. Phaetonti, 812. eſt vitiatæ noſtræ naturæ exemplar,

778. ejus axiomaperpetuum: Subeſſe nemini, 800. ſumma infelicitas 844. 847.

Ambitionis ſalfugo quomodo animos Clericorum occupet, 826. quam inſatiabilis ſit, 828.

Ambitionis tentatio quomodo ſit ſuperanda, 859.

Ambitioſi genii habitus & ſpecies, 784. ſeqq.

Ambitioſi Clerici imago & miſeria, 802. 807. 827. 830. gravis reprehenſio, 838. 842.

Ambitioſus tumor, qua ratione reprimendus, 846

Ambitioſæ vanitatis ſchola quæ, 851.

Ambroſii Ep. Mediol. virtus, 383. humilitas animique deſmiſſio, 415. 858. mode-

- modestia singula-
ris, 818.
- Amor DEI optimum
adversus cupidita-
tem auri est reme-
dium, 929. ejus
fructus, ibid.
- Amoris proprii cœci-
tas, 1018.
- Amor pauperum, 916
- Amyraldus Mos. quā-
ti suum fecerit ho-
norem, 229.
- Anabaptistarum Mo-
nasteriens. conten-
tiones & turbæ,
614.
- Anacreon Tejus Poe-
ta quomodo perie-
rit, 8.
- Anagrammata male-
dica, 691.
- Angelici Nicol. Ve-
neti doctiss. mise-
rabilis exitus, 991.
- Angelus Politianus
de atheismo quare
fuerit suspectus,
100. ejus tristis
obitus, ibid. ce-
nodoxia, 310.
- Animæ humanæ im-
mortalitas in dubi-
um vocata à Cre-
monino, 99. Philo-
sophis Italicis aliis,
110. 172. 173.
- Animus human⁹ Æo-
liæ similis, 22.
- Animi pie-literati in-
victa constantia,
762. ad injurias
tolerandas præpa-
ratio, 769. mira
post seriam ad DE-
UM conversionem
immutatio, 44.
- Animi pseudo-litera-
ti prava dispositio,
35. quā ratione e-
mendanda, mutan-
daque sit in meli⁹?
40. 46.
- Animalia gloriæ li-
terariæ, 304.
- Animarum lucra quo-
modo expetenda
& quærenda, 1105
quam afferant vo-
lupta-

- luptatem, 1108
 Anonymus author libri de libertate philosophandi, 143.
 Anonymi cujusdam authoris pseud-irenici judicium de sectis christianorum dissentientium 961.
 Anselmi Cantuar. e-logium, 1094.
 Antonii Olysiptensis severitas in corripiendo honestati sociata, 553.554.
 Antonini insignis philosophia de laudis humanæ contemptu, 353. de tolerantia injuriarum & contumeliarum, 793.
 Apellis in Protagoram æmulum affectus singularis, 522
 Apes imaginem exhibent bonorum Scriptorum, 428. Doctorum & Professorum, 694.
 Apostasiæ causa impulsiva, ambitio, 796.
 Apostoli quanta fecerint animarum lucra, 1106.
 Appetitus honorum an prorsus sit illicitus, 840.
 Apuleus cur insimulatus fuerit magiæ? 671.
 Ardere & lucere qui literati dicantur, 199.
 Arianorum maledicta in Athanasium Episc. Alex. 673.
 Ari⁹ ex ambizioso factus hæreticus, 803.
 Aretinus PETRUS, an fuerit atheus? 111.
 divinitatem quomodo ambierit, 112
 Aristonis Poetæ casus & periculum, 910.
 Argumenta ludicra & futilia quæ sint, 1019
 Argumenta qualia tractant

- tractanda sint à literatis, 305. seqq.
- Aristotelis** Stagiritæ cenodoxia, 304. livor in philosophos alios, 275. odium in Isocratem, 447. maledicentia, 669. labyrinthus, 984.
- Aristoxeni** Peripatetici ambitio, 799.
- Arma** literator. juris sint, non furoris, 626.
- Arminii** Jacobi epitaphium memorabile, 612
- Arnoldi** de Villa novæ artes pseudo-chymica, 176. casus & periculum gravissimum, 991.
- Arrogantia**, qualis literatorum hom. sit pestis? 653. quâ ratione coercenda, ibid.
- Ars** artium quæ, 1030.
- Ars** omnium quæstuosissima, 915.
- Arte** an scientia homo sit felicior, 1064.
- Ars** nihil credendi, 116
- Artium** illiberalium magistri qui, 889.
- Artium** corruptarum causæ sunt vitia literatorum, 231. 479. 867.
- Asini** inaurati qui, 868.
- Asinii** maledicentia, inq; doctos omnes summa iniquitas, 669.
- Asperitas** quorundam Doctorum ecclesiasticorum excusabilis, 716.
- Astrologi** cur reprehendendi, 953. eorum errores gravissimi, 973.
- ATHEI** an & qui fuerint inter literatos? 93. seqq. 98. 100. 105. seqq. eorum criteria sive indicia, 114. in Sacram Scripturam horrenda effata,

effata, 142.
extrema impudentia, 148. 150. argumentū adversus eos palmarium 151. seqq. 187.

Atheorum Conversio quantæ sit difficultatis opus, 182. seq. ejus ratio & modus, 183. 184.

Atheorum libri quo loco habendi, 177. seqq. quomodo ab ipsis gentilibus proscripti fuerint, 179.

Atheismus literatorū quorundam practicus, 196. 197.

ab Atheismo ad fidem conversio memorabili exemplo illustrata, 131. 133.

Atheismus novissim⁹ dæmonis fœtus, 92. ejus descriptio, 94. seqq. progressus & incrementa, 95. criteria, 114. causæ speciales, 117. 121.

magistri & præceptores nefarii, 121. libri eum spirantes, colloquiaque, 124. 127. via ad atheismum expeditissima per concessum rationi in fidei dogmata dominium. 129. 988. quorundam item Naturalistarum assertiones, 148. 149.

Athenienses Sophistæ 578.

AVARITIA Literarum homin. 861. seqq. 869. ejus imago Cacus Vulcani filius, 862. noxa gravissima, ib. 864. 866. 875. 876. 891. seqq. 909. incurabilitas, 866. quomodo causa sit corruptarum artium avaritia, 869. nec non rixarū & contentionum 888. damna illi⁹ vitii multiplicata.

- tivaria, 890. seqq.
 remedia oportuna,
 891. seqq. 910. seq.
 914. 926.
Avaritia malorum (e-
 tiam literariorum)
 omnium fons & o-
 rigo, 899. 903. 904.
 909.
**Avaritia hominum ec-
 clesiasticorum** 902.
 seqq. ejus remedia
 salutaria, 905. 915.
 seqq. 924. 926.
Avari literati idea 863
 seq. 869. 877. summa
 stoliditas. 866. 870.
 in se ipsum sævitia,
 872. 873. conditio
 miserrima, ib. mo-
 lestiæ imensæ 895.
 foeditas abomina-
 bilis, 875. avarorū
 duo ordines 876.
 seqq. primus con-
 stans è tenacibus
 Euclionibus, 877.
 - alter ex mercenariis
 - doctorib⁹ 886. seq.
Avari cujusdam justū
 supplicium, 880.
Avaritia Scientiæ, 933
 ejus noxa & perni-
 cies, 934. seqq. quo-
 modo corrigenda
 937. seqq.
**Aviceniæ præcox ma-
 turitas**, 1024.
Aurelius Augustinus
 Cenodoxiæ morbo
 aliquandiu infesta-
 tus 347. quomodo
 ab eo liberatus, ib.
 pugna illius adver-
 sus vitia memorabi-
 lis, 66. libri ab invi-
 dis exagitati, 336.
 de prima fastūs lite-
 rarii origine judi-
 cium, 241. ingenii
 præcocitas, 1024.
 insignis humilitas,
 350. 413. mira in
 tolerandis injuriis
 æquanimitas, 768.
 ej⁹ conversio à pro-
 fanâ doctrinâ & vi-
 tâ ad seriam pieta-
 tem, 647. 1009.
 1087. certamē cum
 Hiero.

Hieronimo citò di-
 remptum, 625. quare
 dictus sit vir adaman-
 tinus, 537. quo animo
 cum fidei hostibus sit
 congressus, 651. hære-
 ticorum petitus acu-
 leis, quid regesserit,
 673. quomodo episco-
 pale reformidavit on⁹,
 829. quâ ratione gra-
 vem quandam diaboli
 (ad revelationes expe-
 tendas incitantis) ten-
 rationem superavit,
 975. supremam tan-
 dem consecutus sit fe-
 licitatem, 1087.
 Auri famēs quam noxia
 homini sit literato, 869
 contemptus & vili-
 pendium auri quam
 gloriosum, 900.
 Aurea literatorū quorūn-
 dam insania, 305.
 Authoris reprehensio sui
 ipſus, 82.
 Αὐτάρκεια literatorū, 001.
 ejus exempla, 927. 932.
 Autochiriā qui literati

perierint? 15.16.
 Autognosia oportunum
 est adverſ⁹ infelicitatē
 literar. remedium, 43.
 1066. ejus insignis u-
 tilitas in eradicanda
 invidia, 547. 567. item
 in tollendis rixis ac
 contentionibus liter.
 667. in eligendo cer-
 to scientiæ genere,
 1021. summa auto-
 gnos. necessitas, 1050.

B.

B Acculaurei SS. Theo-
 sophiæ qui? 269.
 Bajani ANDRÆ operæ
 supervacuæ, 966.
 Balduccii cujusdam in-
 gens præsumptio, 313.
 Barlæi CASPARIS de li-
 teratis atheis effatum,
 113. carmen mordax
 690. distichon memo-
 rabile Iconi Vossii ad-
 scriptum, 993.
 Barthii CASPARIS laus
 ex eruditione insigni,
 1046. in otio suo ne-
 gotium, 1047. a do-
 ctrinæ

- etrinæ profanz vani-
 tate ad pietatis studiũ
 conversio, 1047.
 Bartholini THOMÆ in-
 gens in calamitate sua
 librariâ felicitas quæ,
 1054. seqq. æquanimi-
 tas stupenda 1055. ad
 studia cœlestia à mun-
 danis conversio, 1056.
 Basilii M. invidia Epi-
 scopi sui infestatus,
 454. contentiosis quæ-
 stionibus tentatus, 644
 de rebus honorificis &
 gloriosis accusat⁹, 699
 763. pseudo- Clerico-
 rum injuriis vexatus,
 456. ejus egregia circa
 declinandam invidiã
 prudentia, 455. fuga
 honorum & dignita-
 tum, 817. detestatio a-
 varitiæ, 910. amor pau-
 perum insignis, 920.
 conversio à vanitate
 ad pietatem memora-
 bilis, 1007. 1084. su-
 prema felicitas, 1085.
 Bedæ VENERABILIS
 eruditio pietati socia-
 ta, 1094.
 Beneficiis pensandæ in-
 juria, 765.
 Berengarii Scholastici a-
 trox in D. Bernardum
 Clar. invectione, 677.
 Berneggeri MATTHIÆ
 profunda eruditio in-
 signi pietati sociata,
 1053.
 Bernardi Claravallensis
 prudentia in declinan-
 da invidia, 533.
 modestia incomparabi-
 lis, 829. exagitatio cle-
 ricorum ambitiosorum,
 832. insignis ejus su-
 premaq; felicitas, 1090.
 animi moderatio, 677.
 Biblia græca & hebraica
 præ dignitate episco-
 pali expetita à J. Wes-
 selo, 825.
 Biantis felix ἀνταρξία,
 931.
 Bibliothecarum incendia
 & ruina, 1054.
 Billij JACOBI virtus,
 388.
 Bionis

- Bionis Poetæ sales mordaces, 671.
 Bileamo qui Clerici similes sint, 838.
 Boccallini TRAJANI superba mens, 423. casus miserabilis, 225. maledicentia insignis, 686.
 Bodini opus, de rerum sublimium arcanis *αἰνῶδες*, 962.
 Bohyræi ARNOLDI labores igne absumti, 996.
 Bona temporalia quanti à literato felice sint æstimanda 930. quomodo fructuosè collocanda, 915. seqq.
 Bonarottæ Pictoris facinus horribile, 687.
 Bonasus animal, maledicorum literat. imago, 695.
 Boni Viri quâ ratione sint imitandi. 64.
 Bosii ANTONII vita dissoluta, 418 opus (quod sub Romæ subterr. tit. prodiit.) quomodo confectum, 419.
 Briffonii BARNABÆ ambitio immodica, 792. miserabilis exitus, 793.
 Brochmanni CASP. ERASMI beneficentia insignis erga pauperes, 925.
 Budæi GUIL. æmuli, 483.
 Buteonis JOH. contentio fatalis, 609.

C.

- Cacus Vulcani filius
 C imago avarorum literator. 861.
 Cadmæa literatorum victoria, 641.
 Cæstii cujusdam insignis maledicentia, 670.
 Cagnoli poetæ Italici ingens stoliditas, inanisque gloriæ amor, 312.
 Caji Navii Comædiographi jactantia & fastus, 207.
 Calliphanis poetæ fastus, 209. ostentatio, 407.
 Calvisii Sabini Cenodoxia, 407.
 Calumpnia invidiæ fœtus, 478.

- Cameronis elatio & ja-
 ctantia, 230.
 Campanellæ Thomæ in-
 felicitas atque miseria,
 18.
 Campani JOH. ANTONII
 ab invidis vexati effa-
 tum memorabile, 48.
 Cani MELCH. de Theol.
 Scholastica judicium,
 599.
 Canusini cujusdam Ar-
 chidiaconi horrendus
 ex ambitione lapsus,
 806.
 Carbonis HIER. labores
 cassi, tristisque interi-
 tus, 995.
 Cardani Hier. fastus & ja-
 ctantia 213. 308. athei-
 smus, 174. Scepticismus,
 957.
 Carneadis Sophistæ in-
 genium diabolicum,
 579.
 Carretonii jactantia, 223.
 Cartesii philosophia con-
 tentiosa, 615. 984. la-
 byrinthus periculosus,
 985. 986.
 Cassi JOH. de atheismo
 literat. querela, 128.
 Castelli Edmundi labor
 in Lexici sui hepta-
 glotti elaboratione,
 insumtus, 998. calami-
 tas varia, 999.
 Castelvetri LUD. alterca-
 tiones ludicræ, 609.
 Cassi literatorum quo-
 rundam labores, 991.
 seqq.
 Catonis, crebris vexati
 injuriis præclarum ef-
 fatum, 758.
 CENODOXIA literato-
 rum sive Studium ina-
 nis gloriæ, 303. seqq.
 ejus fons & origo 316.
 descriptio, ibid. exem-
 pla & documenta va-
 ria, 304, seqq. conatus
 impudentissimi, 320.
 justa reprehensio, 327.
 seqq. 338. Sex vitii il-
 lius literarii gradus,
 341. seq. proprietates,
 ib. & 349. effectus, 344-
 526. ejus opportuna re-
 media, 346, 355. 357-
 374.

374. 520. 531. modus
& ratio pestem illam
evitandi, 357. 369.
1029.
- Cenodoxia Scriptorum,
385. quorundā eccle-
siasticorum, 363.
- Certamina literatorum.
spiritualia, 67. 72. 74.
seqq.
- Charitas antidotum est
invidiæ liter. 513. præ-
stat scientiis omnibus
380. decet apprimè
morum pravorum cor-
rectorem 554. Docto-
rem christianū quem-
libet, 96.
- Christi Salvatoris humi-
litas, & aversatio mun-
danæ gloriæ 358. 366.
814. quomodo imi-
tanda, 815.
- Christianarum persecu-
tionum fons & origo,
574.
- Christognosia literatis
hominibus commen-
data, 49.
- Ciampoli Florentini fa-
stus & arrogantia, 221.
- Chrysofomi JOHANNIS
pugna adversus spiri-
tum Cenodoxiæ, 341.
371. calamitas à socio-
rum livore concitata,
458. 459. 54. candor
egregius, ibid. mode-
stia insignis, 818. ope-
ra in exterminanda.
Clericorum avaritia
singularis, 904.
- Chymicorum quorum-
dam artes nefariæ 174.
- Ciceronis cenodoxia &
elatio, 208. 305. repre-
hensio, 331. ambitio,
790. prudentia in cor-
ripiendo, 545.
- Civis cœlestis mores &
conversatio in terris,
926.
- Classicum ad sacrum in
vitia bellum, 66. seqq.
- Claverii JAC. cenodoxia
317.
- Clerici politico - scenici
548,
eorum ambitio quan-
tum sit malum & quam
irrequietum dæmoniū,
818.

- Clericorum** ambitiosorum artes nefariae, 804. seqq. 833. gravis eorundem reprehensio 838. 842. avarorum turpitudine, 902.
Climaci Joh. laus, 1094.
Cœnobitarum veterum mos memorabilis 292.
Cognitio sui, vid. **autognosia**.
Cognitioni rerum operam navanti quæ potissimum observanda, 1023.
Coleti Angli de Scholasticis Doctoribus iudicium, 593.
Collationes literatorum placidæ commendatæ 631.
Colmanelæ turgidi casus, 215.
Collegiorum pietatis institutio 57. utilitas insignis, 59.
Colloquiorum atheisticorum noxa, 127.
Comenii Joh. Amos. felicitas quæ, 1051. præclaræ de uno literatorum necessario cogitationes, 1051. conversio ad pietatem, ibid. vitæ exitus, 1053.
Cominzi PHIL. calamitas, 484.
Concionator fructuosus quis, 554. turgidi cuiusdam & superbi casus miserabilis, 366.
Concordiæ literariæ laus 570. raritas, 572. exempla illustria, 571. studium singulare, 654.
Confutii Philosophi Sinici opera quâ ratione vindicata sint ab interitu, 477. insignis ejus gloria & existimatio, 1073. virtutis solidæ studium, 1074. summa laus quæ, 1075.
Philosophiæ ejus practicæ specimina, ibid. 1076. seq. illustria felicitatis ejus documenta, 1077. vitæ morumque summa integritas, 1080. studium denique illius præcipuum, ibid.
CONTENTIONIS literariæ

- varia natura ac indoles, 588. 590. seqq. 627.
 pernicies summa, 573.
 576. 578. 594. 595.
 602. 612. 628. 629.
 932. exempla varia, 576. seqq. 603. seqq.
 608. seqq. remedia o-
 portuna, 617. 619.
 631. 640. 649. 650.
 662. seqq.
 Contentionū literariarū
 seminaria, 594. 802.
 differentia, 631. seqq.
 Consuetudo vitiorum in-
 olita quomodo exter-
 minanda, 87. maledi-
 cendi consuet. quam
 detestabilis, 695.
 Constantii Jac. summa
 infelicitas, 405. scri-
 ptorum cunctum jactu-
 ra miserabilis, 996.
 Convitia à literatis quo
 animo sint excipienda,
 434. 758. seqq.
 Contemptio contemptus
 literatis commendata,
 775.
 Contemptus opum, 927.
 Conversio ad DEUM se-
 ria salutare est remedi-
 um infelicitatis litera-
 ria, 43. seqq.
 Convertendi animas stu-
 dium, 1104. seqq.
 Coricii Johan. tenacitas,
 78.
 Cornelii Ep. Rom. mo-
 destia & animi demis-
 sio, 817.
 Corpora literatorum ma-
 le affecta, 31. seqq.
 Cremonini Caesaris athe-
 ismus, 99.
 Crescentis philosophi
 cenodoxia, 303.
 Critonii Jacobi mira præ-
 cocitas, 1025. 1016.
 Crucis amor literatis
 commendatus, 51.
 Cura in eradicandis vitiis
 à literato adhibenda, 70.
 CURIOSITAS literato-
 rum NOXIA, 948.
 graphica ej⁹ delineatio
 949. seqq. 971. origo
 & progressus, 950.
 summa pernicies, 952.
 954. seqq. 982. re-
 frenatio, 965. 966.
 1001. seqq.

Curiosorum literatorum
pericula gravissima,
955. seqq. 984. utpote
periculum scepticismi,
atheismi que, 955. te-
merata religionis, 960.
seqq. impudentiæ sum-
mæ, 965. deceptionis
miseræ, 977. magicæ
cum diabolo conven-
tionis, 677. calami-
tatis multivariæ, 982.

Curiositas liter. quomo-
do viam atheismo pa-
ret, 117. seqq.

Curiositas visionum &
revelationum quantos
deceperit Viros, 975.

Curiosorum quorundam
labores supervacanei,
990. 991. seqq.

Cultus divinus à literato
homine quâ ratione
instituiendus, 194

Cunæi modestia & æqua-
nimitas singularis,
641.

Currentium Clericorum
genus quam exosum
sit DEO, 840.

Cyrilli Alexandrini ze-
lus in heterodoxos,
656.

Cynthii Lucarini currus
stultitiæ, 313

Cypriani CÆCILII insi-
gnis modestia, 817. li-
beralitas erga paupe-
res, 920. suprema feli-
citas, 1084.

Cyrenaici quales olim
fuerint philos. 1060.

D.

Dæmonum scientia
qualis, 249. eorum
imperium qui subie-
rint literati, 977. seqq.

Damiani PETRI scripta
urgente livore sup-
pressa, 7.

Decanalis PAULI infelici-
tas & miseria, 405

Delectus in evolvendis
scriptoribus ecclesia-
sticis qualis adhiben-
dus, 1032.

Demetrii Episc. Alex. li-
vor in Origenem, 450.

Demetrii philosophi di-
ctum memorabile, 247

Demon-

Demonstrationis postu-
lato impudentissima, 150.

Deposita pietatis in pri-
mitiva Ecclesiâ quæ
fuerint, 932.

Detractionis literariæ
extrema nequitia, 696.
noxa ingens, 697.
poena horribilis, 721.

DEUS à literatis quomo-
do colendus, 194. seqq.
cur parcè in quosdam
sua effundat dona, 251.
superbis quomodo resistat Doctori-
bus, 253. quos homi-
nes liter diligat, 50.
quod officium illi sit
gratissimū, 62. 1103.

DEI existentia quomo-
do probetur adversus
atheos, 187. unitas,
189. providentia,
191.

DEUS piè-literatorum
scopus unicus, 1019.
quomodo respiciendus
& obtinendus, ib.

Dialecticæ usus in confi-

ctu cum liter. atheis, 186.

Diabolus qualis disputa-
tor, 41. quâ fraude
literatos ad atheismum
deducat, 116. vitiis a-
liis tentet, 86. ad con-
tentiones rixasque in-
citet, 627. nonnul-
los ad pactum execra-
bile invitet, 159. 162.
seqq. 978. quâ spe sua
mancia laetetur, 161.
168. quo stigmate
confederatos suos no-
tet, 165. miserè tan-
dem decipiat, 169.
quibus machinis ani-
mos eruditos subver-
tat, 779. quodnam
aptissimum ejus orga-
num, ibid. quam a-
maras avaris exhibeat
pilulas, 909. quâ ra-
tione decipiat per re-
velationes, 975.

Dichæi Dichæani insania
611. avaritia incom-
parabilis, 881. seqq.
Dignitas humana quam
vilis sit eîca, 788.

Dddd 5

Vris

- Dignitatum Sacrarum aucupii quid sit considerandum, 843.
- Dilherri JOH. MICH. liberalitas erga pauperes, 925.
- Diogenes sectæ Cynicæ princeps canis, 683. insignis ejus maledictia, ibid.
- Dionysius Syracusanus quantum ex institutione Platonica profecerit, 381.
- Discordiarum literarum perniciēs, 654. Doctorum christianorum disc. quam scandalosa 675.
- Discrimen inter studia vana & sana, 1002.
- Disputationes litterarum cur olim in Templo pacis habitæ, 616. unde nomen illarum tantæ expositum sit invidiæ, 636. 638. quid circa eas cavendum, 637. earum ingens utilitas, 637. malè susceptarum noxæ gravissimæ, 663.
- Disputationes Theologicæ neutiquam sunt proscribendæ, 635. eas ingressuro quid observandum sollicitè, 705.
- Disputatoris non est maledicta jaculari, 705.
- Divinationum origo è noxiâ curiositate, 972. earum species variae, 973.
- Divinis studiis cur prius invigilandum sit quàm humanioribus & secularibus literis, 1030.
- Doctores quinam querendi & audiendi, 863.
- Docendi sedata ratio, 661.
- Doctores avari & cupidi 868. mercenarii qui 887.
- Doctores scientiæ tenaces quam horribile maneant judicium, 934.
- E.
- E Bræorum memorabile effatum de signis veri Abrahamitæ, 275. de obrectatoribus, 705.
- Ecclesiæ veteris cura in alendis

alendis & sustentandis
pauperibus, 923.

Ecclesiæ Veteris Doctores quâ ratione ad summos honores pervenerint, 383. ad famæ item nominisque immortalitatem, 404. qualiter in pertinaces veritatis hostes fuerint affecti, 710. seqq. quas artes circa declinandas dignitates adhibuerint, 817. seqq. quo ordine legendi sint & consulendi, 1031.

Ecclesiasticorum quorundam hominum fastus & ostentatio, 286. cenodoxia, 360. seqq. invidia & æmulatio, 504. malevolentia, 507. vita flagitiosa, 541. contentio, 574. seqq. 580. tepor servilisque demissio, 657. extrema miseria, 660. ambitio & desiderium adscendendi, 802.

827. 828. præpostera honorum captatio, 829. seqq. 834. avaricia abominabilis, 902. 906. seqq.

Ecclesiasticis personis quid studiosè cavendum sit & evitandum, 360. 364. agendum sollicitè, 1103. seqq. earum pugna adversus cenodoxiæ spiritum quam difficilis sit & dubia, 367. rarissima inter eas avis quæ, 836.

Ecclesiasticis officiis inepti & indigni, spreto melioribus, jam olim fuere admoti, 458.

Ecclesiastica officia quibus artibus interdum obtineantur, 830. 832. 833. 834.

Ecclesiasticorum graduum multiplicatio cur noxia, 832. qui circa illorum collationem abusus irrepserint 831.

Ecclesiasticarum dignitatum

- tum aucupatores quomodo suas eluere laborent maculas, 834.
- Egnatii Baptistæ furor in Fr. Robortellum æmulum suum, 485.
- Elationis spiritus qualis satanæ angelus, 203.
292. quomodo sit abigendus, 292. 293.
- Eleemosynæ commendatio, 916. utilitas summa, 917.
- Elcemosynariorū exempla, 920 seqq.
- Eloquentiæ profanæ flumina sæpè vitiorum paludibus coinquinantur, 19.
- Empedoclis Agrigentini miserabilis exitus, 10.
- ejus factum memorabile, 853.
- Ennii Poetæ jactantia, 208.
- Ephræmi Syri studiū circa declinandos honores & dignit. 818. pia ad DEUM oratio, 1011.
- Epicteti laus præ cæteris gentilium philosophis 206. animi demissio, 208. gloriæ inanis fuga, 355. de tolerandis injuriis sententia, 739. ejus votum novissimū 1058. ex virtute felicitas insignis, 1069.
- Epiphaniæ zelus in heterodoxos, 712. liberalitas erga pauperes, 921.
- Episcopi hæredipetæ 907
- Episcopatus cruciatus, 825. quibus artibus eum nonnulli subterfugerint, 817. seqq.
- Erasmus Roterod. male notatus atheismi stigmatē, 97. quibus invidia telis fuerit expositus, 471. an sceptic⁹ evaserit, 957.
- Errantium reductori quæ sint observanda, 619.
- Eruditionis & virtutis σύγκρισις, 1100. amica conspiratio, ibid.
- Eruditio pietate destituta qualis habenda, 198
- 1063.

1063. 1099. **Exempla ingeniorum prae-**
Eruditio vera quas sibi **cocium, 1024. seqq.**
sociare virtutes soleat, **Exempla literatorum in-**
 430. est res omniū in- **feliciū, 4. seqq. 1111.**
vidiosissima, 493. **seqq. impiorum & a-**
Ethnicorum in Christia- **theorum 99. seqq. su-**
nos veteres calumniae **perborum 207. seqq. ce-**
gloriosae, 764. **nodoxorum, 305. seqq.**
Ethnici virtutum magi- **invidorum, 446. seqq.**
stri non plus justo sunt **contentiosorum 576.**
celebrandi, 1068. **maledicorum 669. seq.**
Euclesiones literati qui, **ambitosorum, 790.**
 877. **seqq. avarorum, 895.**
Eunomii turpis iactantia, **seqq. malè-curiosorum**
 281. bellè retulsa à Nys- **956. seqq. callis & su-**
 seno, **ibid.** **pervacaneis laboribus**
Eusebii Caesar. de perse- **defatigatorum, 991.**
cutionum & calamita- **Exilium literatorum ab**
tum ecclesiasticarum **invidia vexatorum,**
causa memorabile ju- **521.**
diciū, 574. **Examen librorum quale**
Eusebius Episc. Basilii M. **sit instituendum, 1037.**
æmulus, 455. **F.**
Exempli boni vis summa- **F** **Amæ contemptus o-**
que utilitas, 62. **portunum adversus li-**
Exempla literatorum fe- **voris morsus est reme-**
licium, 1038. 1067. **dium, 525.**
seqq. vid. designationē **Faseoli Professoris Pata-**
eorum pecul. sub. fin, **vinī turgidi lapsus,**
operis 220.
Faust

Fausti Manichæi malitia,
480.

Fausti Joh. pactum cum
dæmone execrabile,
163.

Felicitas à blandiente
fortuna proveniens
qualis, 912.

Felicitas humana quo-
modo à Cyrænais
Philosophis fuerit de-
lineata, 1060.

FELICIS LITERATI

imago, 40. 199. 200.

pietas erga DEUM,
194. seqq. sanctum in-

atheos odium, 181.

prudencia circa decli-

nandam & sustinendâ

invidiam, 517. seqq.

patientia, 554. humi-

litas animique de-

missio singularis, 564.

tolerantia injuriarum,

755. invicta constan-

tia, 762. 766. benigni-

tas in hostes & inimi-

cos, 765. modestia &

fuga honorum, 846.

liberalitas erga pau-

peres, 915. seqq. *avulsa*

ina insignis, 931. seqq.

vera tranquillitas, 933.

immortalitas, 1081.

FELIX LITERATUS

è periculis & casibus

literatorum atheorum,

132. 133. superbiorum,

269. invidiorum, 517.

seqq. contentiosorum,

633. 644. maledico-

rum, 727. ambitioso-

rum, 845. avarorum,

911. malè curiosorum,

1001. seqq. 1138. seqq.

Felicitium ex animo lite-

ratorum commemora-

tio, 1067. seqq.

Felices Scriptores qui, 181

191. 397. 430.

Felicitatis literariæ arca-

num, 849.

Ferini literatorum male-

dicorum mores, 702.

Fervidi Doctores qui, 660

Fidei salvificæ descriptio

48. praxis, 49. seqq.

Filiorum oblatio quam

grato DEO, 1019.

Fines Studiiorum mali, 121.

Flacii

- Flacii Illyrici lapsus ex
 contentione, 605.
 Flavitzæ ambitio extrema-
 que audacia, 804.
 Fortes qui sint inter lite-
 ratos dicendi, 634.
 Fortunæ erga literatos
 homines odium, 1. seq.
 ejus imago varia, 1062.
 Fortunæ literariæ muta-
 bilitas, 18.
 Fontes sicci quomodo di-
 cti sint hæretici, 582.
 Fratres atrati qui, 469.
 495.
 Freinshemii JOH. effatum
 de vera literati homi-
 nis felicitate memora-
 bile, 1054. laus ejus
 potissima, ibid.
 Frischlini Nicodemi mi-
 serabilis exitus, 17. 18.
 Fulgur literati superbi
 symbolum, 261.
 Fumo qua ratione similes
 ambitiosorum conatus
 813.
 Funcii JOHANNIS am-
 bitio, 793. ultimum
 supplicium, ibid.
 Futurorum notitiam qui-
 dam malè-curiosi lite-
 ratum sibi vindicant, 971.
 G.
 Allicani deistæ, 104.
 G athei, 105. seqq.
 conventicula eorundē
 nocturna, 106. seqq.
 Gassendus Petrus Scepti-
 cismo vicinus, 957.
 Gazæ Theodori casus &
 periculum ex avaritia
 miserabile, 895.
 Gentilium philosopho-
 rum fastus & superbia,
 206. justa in atheorum
 libros severitas, 179.
 180. judicium de lite-
 ratorum contentioni-
 bus, 642. de tolerandis
 injuriis sententia, 734.
 737.
 Geographorum mos no-
 tabilis, 969.
 Gerhardi JOH. liberalitas
 erga pauperes, 924.
 Gersonis CHRISTIANI
 mala fides, 706.
 Gillii PETRI infelix pe-
 regrinatio literaria,
 997.

997. captivitas & liberatio, ibid.
- Gloria literaria quomodo sit diaria, 329. qualis servitus, 327. quanti æstimanda, 323. vera gloria quomodo à literatis ambienda, 360. 381. 383. 384. obtinenda. 380.
- Gloria ex librorum editione quaesita, 385. seq.
- Gloriæ literariæ summus apex, 535. quomodo eum conscenderint. prisca Doctores Ecclesiæ, 383.
- Gloriosorum literatorum ingens miseria, 535.
- Gotofredi à Valle athei gallicani liber nefari⁹, 100.
- Gorgias Leontinus Sophistarum Patriarcha, 579.
- Græcorum calamitates unde, 74. pictores cur laude digni, 321.
- Gregorii M. opera quomodo ab interitu sint vindicata, 475. ejus studium in declinandis honoribus & dignitat. 818. beneficentia, 922. de curâ animarum adhortatio, 1105.
- Gregorii Nazianzeni injusta de throno Ecclesiæ Constantinop. deturbatio, 458. 543. in eum lividorum malignitas, ibid. ejusd. parresia, 543. memorabilis de judicorum humanorū futilitate sermo, 772. modestia insignis, 817. benignitas erga pauperes, 920. conversio à profanis ad sacra studia memorabilis 1008. summa felicitas, 1086.
- Gregorii Taumaturgi studium in vitandis honoribus & dignitatib⁹ 817.
- Grossi Bartholomæi pudenda tenacitas, 879.
- Grotii HUGONIS curiositas

- sitas & religio multi-
 formis, 963. quomodo
 ei cesserit affectata.
 Theolog. eruditionis
 laurea, ibid. 964. matu-
 ritas ej⁹ præcox, 1026.
 Gruteri J A N I laus, 1042
 felicitas ingens, 1043.
 mors placida, 1044.
 ejus opus inscriptio-
 num Romanar. quale
 subierit fatum, 996.
 seqq.
- H.**
- H**æreseos stigmate te-
 merè falsoque no-
 tati, 479.
 Hæreticorum veterum,
 contentiosus genius,
 480. dissensiones mu-
 tuæ, 583. quæstiones
 otiosæ, ibid. bella con-
 tinua, 583. ingens ma-
 ledicentia 672. ambi-
 tio infrunita, 803.
 Hafenrefferi M A T-
 THIÆ modestia insi-
 gnis, 837.
 Hannibali serò nimis sa-
 pienti qui similes sint
- literati, 943.
 Heinsii DANIELIS ser-
 mo de honorum con-
 temptu, 849.
 Helioti Nicolai præcox
 maturitas, 1024.
 Heraclitus ob virtutem
 evocatus à Dario, 382.
 ejus scepticism⁹, 1022.
 Herculei literatorum la-
 bores qui, 390.
 Hesiodi casus, 7.
 Herculi Lindio, qui lite-
 rati litent, 708.
 Hiartitæ Mauri horri-
 bilis ex invidiâ interi-
 tus, 490.
 Hilarii Pictaviensis eru-
 ditio pietati supremæ-
 que tandem felicitati
 sociata, 1088.
 Hipponacti quâ carò ste-
 terit mordacitas, 718.
 Hieron. Stridonensis pro
 tribunali divino cur-
 castigatus, 98. quorum
 invidiâ vexatus, 460.
 461. quantoperè à ma-
 levolis exagitatus, 497
 536. ejus constantia
 animi
- Eccc

- animi, 498. parrhesia
 insignis, 542. in corri-
 piendo prudentia, 545
 in feriendo Ruffino æ-
 quitas, 622. in miti-
 gando Augustino mo-
 deratio, 625. in perfe-
 rendis injuriis toleran-
 tia, 767. humilitas in-
 signis, 8, 9. studium
 philosophiæ cœlestis,
 1089. suprema ejus fe-
 licitas, 1090.
Hilarii severitas in Con-
 stantium Imp. Arianū,
 714.
Historici cur culpandi,
 953.
Hogstraten JACOBUS
 Reuchlini æmulus &
 obrectator, 470.
Homeri vita calamitosa,
 4. vitia s. 6. poenæ apud
 inferos ex mente Py-
 thagoræorum, 6.
Homines Chymicorum
 factitii, 176.
Honorum odium unde
 quidam conceperint,
 853.
Honoris apex extra vir-
 tutis regnum non in-
 venit, 776.
Honoris fugiendi causæ
 palmaris, 819. 820.
 852. seqq.
Honoris instabilitas, 827.
Honorum gravissima
 noxa, 783. 810.
 847. eorum contem-
 ptus, 812. fuga 816.
 820. 821. 848.
Honores quâ rat. mutant
 mores, 820.
Horatii Flacci jactantia,
 402.
Hostes literatorum ho-
 minum spirituales, 72.
 86. quâ ratione vin-
 cendi & superandi, 73.
 seqq.
Hostes veritatis menda-
 ciis non sunt exagi-
 tandi, 706.
Hottingeri JOH. HEN-
 RICHI casus miserabi-
 lis, 999. somnium no-
 tabile, ibid.
Humana vita similis pe-
 regrinationi, 926.
Humi-

Humilis literati imago ,
267.

Humilitas ex Ebr. senten-
tia signum genuini est
Abrahamitæ , 275. via
ad dignitates tutissima
278. verè felicitis literati
indiciu , 280. adver-
sus invidiam optimum
remedium , 522. ejus
laus summa 564. 565.
Magister supremus ,
815. gradus tres , 858.

Hussi Joh. somnium me-
morabile , 473.

Hypochondriaci cur ple-
rique sint literati , 33.
34.

J.

Iasonis certamina &
victoriæ quid litera-
tos homines edoceant,
68. 69.

Iasonis Denoris extrema
ex contentione cala-
mitas , 607.

Ignominia quæ excipiat
literatorum ambitio-
forū exaltationem 845.

Imitatio Christi literato

commendata , 814.
summa ex eadem vo-
luptas , 816.

Immortalitatis affectatio
vana , 395. sana & chri-
stiana , 398.

Impietas vitiorum omni-
um matrix , 89. quā
impudentia literatos
homines sollicitet , 90.
quibus sese prodat in-
diciis , 91. ejus species
variæ , ib. nifus abo-
minabiles , 118. pro-
pagatio per nefarios
præceptores , libros &
colloquia , 121. seqq.

Impiorum literatorum
infelicitas , 198.

Imperfectionis literariæ
argumentum 351.

Inanis gloriæ studium ,
302. seqq. vid. Ceno-
doxia , ejus exempla
varia , 304. seqq. iusta
reprehensio , 327. 328.
329. seqq. 520. 539.
1029.

Indignorum promotio
ad honores primos ,
253.

Eccc 2

INFE-

- INFELICITAS** Literatorum, p. 1. seqq. 1098
 1111. seqq. ejus fons & origo, 21. seqq. differentia, 30. remedia oportuna, 37. seqq.
Infelices literati qua ratione felices fieri queant 1098.
Infelicissimi ingenii nota 522.
Infelices Scriptores qui, 391. 397.
Ingeniorum quorundam præcox maturitas, 1024.
Ingenia optima curiositatis peste laborant, 949.
Ingenii præstantia quam sit invidiosa, 518. tenacitas quam noxia, 936.
Ingeniorum præstantissimorum horribiles exitu ruina, 213.
Ingratitudo literatorum erga DEUM, 19.
Insatiabilitas ambitiosi Clerici, 828.
Institutionis rectæ necessitas, 54. seqq.
INVIDIA Literatorum, 433. seqq. ejus natura ac indoles, 434. 499. adumbrata sub imagine serpentis, 434. morbi, 435. monstri, 436. diaboli, 437. ejus improbæ artes, 438. fons & origo, 439. 440. exempla nov-antiqua, 445. seqq. 483. 485. summa atrocitas, 443. pœna & supplicium, justissimum, 487.
Invidia vel tollenda vel toleranda, 562. ejus seminarium excussum, 518. seqq. ejus fœtus calumnia, 478. sævitia in suos clientes, 487. 490. antidotum, 513. remedium maxime oportunum, 514. 521.
Invidiâ laborantium literatorum proprietates, 446. 495.
Invidiâ urgente exagitatorum calamitates & miseria, 493. prudentia.

- tia christiana circa e-
am declinandam &
sustinendam adhiben-
da, 517. seqq. ad fu-
giendam invidiam pa-
rænesis, 512. seqq.
- Invidiæ declinandæ rati-
ones, 521. scil. osten-
tationis abdicatio, ib.
famæ contemptus, 525
lenitatis studium, 549.
patientiæ exercitium,
554. humilitatis a-
mor, 564.
- Invidia ob singularem
parrhesiam conflata,
541. quomodo supe-
randa, 545. seqq.
- Invidia quorundam ec-
clesiasticorum, 604.
seqq. ejus noxa gravis-
sima, 508. remedium,
545.
- Johannis Baptistæ insi-
gnis demissio, 816.
- Johannis Hierosolymiti-
tani in Hieronymum
odium, 461.
- Iracundiæ affectus, 73.
- Irenæi zelus in heterodo-
xos, 711.
- Isidori Hispalensis laus &
felicitas insignis, 1095.
- Isidori Pelusiota monita
adversus cenodoxiam
memorabilia, 375.
ad Clericum ambitio-
sum sermo, 842. de a-
varis judicium, 870.
curatio Clericorum
cupidorum, 905. seq.
exhortatio ad erogan-
dam eleemosynam,
919. eruditio insignis
veræ virtuti sociata,
1092. parrhesia, 1093.
summa felicitas, ibid.
- Italorum ingenia liberti-
na, 110. atheismi la-
be corrupta, ib.
- Judiciorum humanorum
futilitas, 772.
- Julianus inflatus & turgi-
dus Pelagianus, 241.
- Junii FRANCISCI conver-
sio ab atheismo ad pie-
tatem memorabilis,
133. seqq.
- Justini Martyris conver-
sio admirabilis, 1006.
charitas singularis in
reducendis erroneis

- aliis, 1007. votum pi-
entissimum, 1031. su-
prema felicitas, 1082.
- Juvenes Proteo similes, 55
- Juvenilis & senilis inge-
nii comparatio, 1027.
- Ixionis fabula ambitiosis
accomodata, 799.
- K.**
- K** Romayeri Hieron.
insignis moderatio
& æquanimitas, 654.
- L.**
- I** Abor stultorum quis,
486.
- Labores literatorum her-
culei qui 390. inuti-
les & supervacanei,
391. 989. 991. seqq.
nimii labores cur ca-
vendi, 1036.
- Labores alienos quâ rati-
one quis licitè conver-
tere possit in suos, 428.
- Labyrinthi literatorum
curiosorum, 983. quâ
ratione evitandi, 1002
- Latii Pomponii extrema
egestas, 918.
- Lamiarum stultitia, 158.
- Laus humana quam ina-
ne bonum, 531. gra-
culorum vocibus simi-
lis, 352.
- Laus futura præstat præ-
senti, 373.
- Leges prudentiæ literariæ
1014. seqq.
- Lenitatis efficacia in con-
versione atheorum
185.
- Leonici BARTHOL. fatum
rapidissimum, 405.
- Leydenſis Joh. fanaticū
regnum, 795.
- Leontii Episc. Arianī ver-
sutia, 658.
- Liberalitas erga paupe-
res, 916.
- Libertas credendi noxia,
960.
- Libertas corripiendi fla-
gitiosos, 545. pruden-
tia qualis circa eam sit
adhibenda, ibid.
- LIBRI atheismum intro-
ducentes quo numero
habendi sint, 177.
- Librorum censura quibus
committenda, 416.
- Libra-

- Librariæ helluationis de
 trimenta, 1038.
 LIBRORUM BONO-
 RUM insignis utili-
 tas, 181. 389. 394.
 398. malorum noxa
 gravissima, 391.
 Librorum helluones, 950.
 994.
 Librorum inutilium re-
 pudatio, 407. tituli
 ambitiosi, 423. seqq.
 Librorum scriptori quæ
 apprimè sint observan-
 da, 406. fugienda &
 evitanda, 385.
 Libri apud Sinas cur con-
 secrati Vulcano, 476.
 Libros æmulorum quo-
 modo tractent litera-
 ti invidi, 499.
 Libri maledici extermi-
 nandi, 729.
 Lipsii Justi autognosia
 & demissio animi, 359.
 Lisui philosophi Sinici
 oratio libris exitiosa,
 476.
 Literæ profanæ malè à
 quibusdam præferun-

tur sacris, 120

Literati qui verè sint feli-
ces, 1099.

Literarum studiis quis
aptissimus sit, 634.

Literati hominis summa
pernicijs unde, 965.
ejus vita qualis, 1002.

LITERATI HOMINES

qualiter ut plurimum
sint affecti, 31. eorum

infelicitas, 3. seqq. mi-

seria gemina, 30. seqq.

morbi epidemici, 35.

seqq. lethargus, 79.

impietas eorum mul-

tivarum, 90. 91. quo-

rundam atheismus ex-

ecrabilis, 93. seqq.

pseudo-christianism⁹,

196. 197. cenodoxia,

303. seqq. fastus &

superbia, 203. seqq.

invidia & æmulatio,

433. seqq. 442. 444.

484. 485. 486. odia

inplacabilia, 500. rixæ

& contentiones, 572.

seqq. maledicentia,

666. seqq. 1064. vid.

- maledie. ambitio, 777.
 seqq. avaritia, 861.
 seq. tenacitas scientiæ,
 933. noxia curiositas,
 948. seqq.
- Literatorum malè-curio-
 forum summa pericu-
 la, 955. seqq.
- Literati magiæ diabolicæ
 suspecti, 980. 981.
- Literatorum hominum
 idololatria, 301. seqq.
 rara pietas, 195. seq.
 quid illos efficiat pes-
 simos, 80. atheos, 116.
 seqq.
- Literatorum curiosorum
 tria genera, 953.
- Literati plerique paupe-
 res & egeni, 917. quâ
 ratione erga pauperes
 nihilominus fieri que-
 ant benefici, 918.
- Literato homini quæ via
 ab infidelitate ad fidem
 & pietatem sit ineun-
 da, 131. seqq. ejus pu-
 gna adversus vitia &
 animi labes, 66. 67. 74.
 75. maxima in ærum-
- nis felicitas, 759. in-
 corporeis afflictionib⁹
 solatium, 39. in tole-
 randis injuriis æquani-
 mitas, 754.
- Literatorum quorundam
διολογία, 15. 16. 92.
- Literatorum avarorum,
 duo ordines, 876.
- Literati ex animo infeli-
 ces, 20. de se ipsis malè
 merentes, 430.
- Literati quæstuosi & mer-
 cenarii, 887.
- Literati sub finem vitæ
 desperantis historia 15
- Literati ad honores eve-
 cti quâ ratione sint in-
 felices, 822. ab illis a-
 lienis quomodo felices,
 848. 856. egenorum.
 literat. solatia, 901.
- Literati à servitute pec-
 cati liberati imago, 52.
 ejus in vitando relapsu
 prudentia, 63. seq. pu-
 gna adversus animi vi-
 tia, 67. cura ac sollici-
 tudo maxima, 71. sum-
 ma felicitas ex amore
 DEI, 850.
- LITE-

LITERATI ex Pietate
 vera **FELICIS** imago
 varia 199. 200. quæ ipsi
 tum adversus alios,
 tum pro se scribenti
 sint observanda, 619.
 622. seqq. quinam illi
 vitandi sint adversarii,
 650. quæ fugienda
 consortia, 664. quæ ar-
 gumenta ipsi excolen-
 da, 1017. quæ ipsum
 deceat animi modera-
 tio, 657. 731. seqq. mo-
 destia, 846. liberalitas,
 915. seqq. communi-
 catio scientiæ suæ 942
 Scopus ejus palmari⁹,
 1019. stud. sancta, 1100
 unio cum **D E O** feli-
 cissima, 1012. constan-
 tia in pio proposito
 perseverantiaque fina-
 lis, 1013.
Literati piè - prudentis
 vera animi tranquilli-
 litas, 933. sollicita sco-
 pi seu finis electio,
 1017. ordinis debita
 observatio. 1029. Tem-

poris collocatio fru-
 ctuosa, 1033. seqq. stu-
 dium singulare in cu-
 randâ salute aliorum,
 1104. seqq. voluptas
 inde proveniens ma-
 xima, 1108.

Literatus sui ipsius ad-
 versarius, 627. 628.
 633.

Literatorum quorundam
 præcox maturitas,
 1024. seqq.

Lites literatorum quâ ra-
 tione sopiendæ, 649.

Litigandi studium quam
 perniciosum, 602.

Litigatoris literati cor-
 reptione, 617.

Longoli⁹ **CHRISTOPH.** ab
 invidia infestatus, 484

Lucerna ardens & lucens,
 quæ, 199.

Lucifer imago literatorū
 superbiorum, 255. dux
 liter. ambiciosorū, 800.

Lucifer Calaritanus quo-
 modo urgente spiritu
 elationis de cœlo la-
 psus sit. 210.

con-

contentionum & dissidiorum fax & tuba extiterit, 663.

Lucianistæ Parisini, 107.

Luna Solis æmula imago literati superbi, 219.

Lurani Guilelmi pactum cum diabolo, 154.

Lyricorum græcorum interitus, 992.

M

Machiavellus NIC. an fuerit atheus, 111.

Machiavellistarum libri abjiciendi, 145.

Magici effectus ab atheis quibusdam explosi negatique, 152. argumentum ab illis ad istos convincendos desumptum, 151. 156. 171.

Magiæ dæmoniacæ descriptio, 153. seqq. origo è curiositate noxia, 977. cultores literati qui, 980. 981. ejus exempla & documenta, 160. seqq. via ad eam communissima 159.

Magi cur Judicibus nocere nequeant, 170. eorum officinæ, 169.

Mantensium quorundam libelli supplices diabolo oblatis quales, 165.

R. Maimonidis virtus invidia calumniæque telis patuit, 475. scripta urgente sociorum livore quomodo fuerint exagitata, ib. 476. insignis ejus ex virtutis studio felicitas, 1072. laus egregia, ib. 1073.

Malè-curiosi literati quâ ratione coercendi, 965. seqq. 969.

MALEDICENTIA Literatorum, 666. seqq. ejus natura ac indoles, 667. 669. 681. 682. antiquitas, 669. fons & origo, 695. 701. damna & noxæ, 697. exempla & documenta varia maledicorum philosophorum gentili.

- til. 669. Poëtarum avaritia temporis, 1034.
 670. hæreticorum. Mansuetudinis liter. ef-
 672. literatorum re- ficacia, 756.
 centiorum, 683. scri- Marcelli Marchesii ge-
 ptorum variorum, 702 nius maledicus, 665.
 seqq. remedia adver- Marcionis hæresiarchæ
 sus maledicentiæ pe- superbia, 109. ambi-
 stem oportuna, 724. tio, 803.
 seqq. 731. Marini Poëtæ Italici cla-
 Maledicorum literatorū tio, 221. pericula &
 poenæ gravissimæ, 683. discrimina varia, 991.
 717. iusta reprehensio, 692. seqq. 696.
 703. 709. 723. 724. Marostici ANTONII labor
 Maledici literati meritò frustraneus, 994.
 exosi omnibus, 719. Mazzonii admiranda præ-
 eorum libri abolendi, cocitas, 1023.
 730. Menandri Poëtæ exitus
 Malorum literariorum miserabilis, 8.
 fons & origo noxia Menecratis Medici fastus
 curiositas, 982. & arrogantia, 207. à
 Malum literatorum hy- Philippo Macedone
 pochondriacum, 34. quomodo castigata,
 ejus fons & origo, ib. 249.
 Malum hypochondria- Menicuccii cujusdam ex-
 cum literat. mysticum, trema ex fastu demen-
 34. tia, 225.
 Marassæ literati Italici ar- Mercedis acceptiones nō
 rogantia, 222. omnes illicitæ, 889.
 Manutii ALDI laudabilis Methodicorum novorum
 labores supervacui,
 990.
 Miner-

Minerva unde dicta, 31.
Miracula quæ atheis sint
objicienda, 193.

— *Mirandulæ* JOH. FRAN-
CISCI PICI de inanis
gloriæ studio disserta-
tio memorabilis, 328.
seqq.

— *Mirandulæ* JOH. PICI cum
Origenomastige quo-
dam conflictus festivus
453. ejus calamitates
& pericula, 468. 1040.
apologia lividis oppo-
sita, 469. ausus her-
culeus, 592. judicium
de concertationibus
literatorum, 637. iusta
in libros suos juveniles
severitas, 728. præcox
ejus maturitas, 1025.
tentatio, 1040. su-
prema felicitas & obi-
tus, 1042.

Moderationis Theolo-
gico-literariæ verara-
tio, quatuor tradita a-
xiomatibus, 657. seqq.

Modesti literati felicitas,
180.

Molinæus CAROLUS insi-
diis invidorum patuit,
485.

Monachi Neapolitani ob
fastum æternis addicti
suppliciis, 226.

Montacutii RICH. elata
mens, 229.

Morbi literatorum cor-
porales, quâ ratione
respondeant spiritua-
libus sive eorundem
vitiis, 35. seqq. opti-
ma adversus eadem re-
media, 43. seqq.

Morelius Claud. venefi-
cii damnatus, 160.

Moroni Petri insignis
modestia, 795

Morum correctio litera-
tis commendata, 44.

Mores piè - Doctorum
quales, 1082.

Moyssis Prophetæ mode-
ratio insignis, 641.

Müllerus JOH. Regio-
montanus urgente li-
vore miserè interem-
ptus, 486.

Multum potius liter. fe-
lic.

- licib' agendum quam
multa, 1037.
- Muretus Marc. Ant. ab
invidia sociorum in-
festatus, 483.
- Musici quare reprehen-
dendi, 553.
- Mysteriorum divinorum
curiosa noxiaque in-
vestigatio, 964. quo-
modo coercenda, 965.
seqq. 967.
- N.
- N** Arcissi literati peri-
culum & casus, 798.
- Naturalistarum assertio-
nes noxiæ atheismo fa-
ventes, 148. seqq. 156.
impudentia insignis,
150. quâ ratione sit
coercenda, 151.
- Naudei judicium iniquû
de revelationibus Sa-
vonarolæ, 976.
- Neantes à molossis lacera-
tus imago literati ex fa-
ctu pereuntis, 263.
- Negotia supervacua lite-
ratis abdicanda, 88.
- Nestorii hæresiarchæ fa-
stus & arrogantia, 211.
maledicentia in Cyril-
lum Alexandr. 673.
- Nicolai Ep. Myrensis mo-
destia singularis, 817.
- Nobilis Leodiensis pactû
cum diabolo, 164.
- Nocturnâ atheorum Pari-
sinorum conventicula,
105. seqq.
- Noddonis cujusdam, ho-
minis maledici exitus
miserabilis, 721.
- Nonni Panapolitis in scri-
pta sua juvenilia mi-
nus honesta justa ani-
madversio, 730.
- Novandi cacoëthes, 606.
- Novarini Aloysii laus,
431. studium circa in-
anem gloriam evitan-
dam singulare, ib. quem
in scriptorum editione
habuerit scopum, ib.
- Novatianæ defectionis
causa fuit ambitio, 803.
- Noxia in literis ingluvies
quæ, 1035.
- Nugæ literatorum canoræ
quæ, 1014.
- Nun-

Nundinæ loquacitatis li-
terariæ, 647.

O.

O Brechtii Georgii in-
felicitas libraria ge-
mina, 993.

Obtrectationes gentili-
um christianis glorio-
sæ, 764.

Obtrectationis literariæ
genius, 676. 708.
quam irrequietum sit
dæmonium, 698.

Obtrectator sui ipsius quā
miserè perierit, 722.

Obtrectator Ambrosii
qualem habuerit exi-
tum, 721.

Oculi Reip. christianæ
qui sint literati, 939.

Oculi literatorum gemi-
ni, 201.

Officinæ librariæ quibus
scriptis sint refertissi-
mæ, 958.

Odia eruditorum impla-
cabilia, 500.

Opibus nihil fallacius,
893. 411. spinæ sunt
& scopuli, 894. flores

langvescentes, 911.

Oppiani poetæ fatum
horribile, 9.

Oratoribus quæ argu-
menta sermonum ne-
gligenda sint, 1017.
quæ verò excolen-
1017.

Oratorum turgidorum
imago, 286.

Orationis nimis comp-
litæque perniciēs,
283. 287.

Ordo in studiis quis ob-
servandus, 1030. ejus
varietas, ibid.

Oriente Collegium de
propagandâ fide evan-
gelica, 60.

Ordines duo literatorum
avarorum, 876.

Origenes Adamantius ab
invidia graviter infe-
stus, 449. illa ur-
gente depositus & ex-
communicatus, 450.

Osculo coelesti qui gau-
deant literati, 200.

Osiandri ANDR. turbu-
lentus genius, 605.

Otium

Otium literatorum negotiosum, 848.

Ovidii Nasonis de immortalitate sua literaria persuasio, 402.

Oxonienſis Academia atheiſmi labe quondam polluta, 128.

P.

PActi diabolicicū hominibus anſa & occaſio, 159. ratio & modus, 162. ſeqq.

Palæmonis Grammatici faſtus & ſuperbia, 207. cenodoxia & jaſtantia 407. invidia, 447.

Panætii Stoici prudens monitum de tolerantiâ injuriarum, 769.

Parentum quorundam carnalis intentio, 1020.

Parentes qui filios ſuos DEO in prima ætate conſecrarint, 1019. quo cum fructu, 1020.

Parrheſia immodica quantitas concitet tempeſtates, 546. 548. quâ ratione ſit coercenda

546. ſeqq.

Patientiæ chriſtiano-literariæ viſ maxima, 554. ſeqq. ejus criteria, 557. in ferendis injuriis & contumeliis alacritas, 732. ſeqq. 758.

Patrum antiquorum inſignis modeſtia, 817. ordo in eorum lectione obſervandus, 1011.

Pauli Apoſtoli ſeveritas inſigni ſociata lenitati & prudentiæ, 553. ejus ſanctum in ſeductores odium, 713.

Pauli Episc. Virduneniſis charitas erga pauperes 922.

Paulus Samofatenus immodicus gloriæ inanis ſectator, 362.

Paupertas philoſophiæ vernacula, 900. pauperum literat. ſolatia, 901.

Pelicerii Gvilelm. labor caſſus in Plinium, 998.

Pecunia dæmonis qualis 169.

169. pecuniæ litis
quomodo à liter. hom.
sit extingvenda, 913.
- Pelagianorum geni⁹ ma-
ledicus, 673.
- Peripaterici cujusdam a-
varitia, 887.
- Perpetuum mobile, 955.
- Persecutionum ecclesia-
sticarum origo, 574.
- Peruensis Theologi fastu
occæcati tragœdia, ,
216.
- Peregrinatio literaria, ,
925.
- Peregrinationes veterum
philosophorum, 1028.
- Petiliani Donatistæ male-
ledicentia, 674.
- Petrarcha FRANCISC⁹
exagitatus ab invidis,
467. ejus secessus feli-
cissimus, 851. contem-
ptus & fuga honorum,
ibid.
- Petri Blesensis virtus li-
vori patuit, 462. ejus-
dem adversus obtrecta-
torem invectiva, 463.
715. depositio injusta
& exilium, 464. summa
felicitas, 1096.
- Peuceri C A S P. casus &
periculum ex ambitio-
ne, 795.
- Pharmaca diabolica, 170.
- Philargyria literatorum,
867.
- Philautia literatorû fons
& origo infelicitatis
eorundem, 25. seqq. 42.
causa est contentionû,
576. quomodo exag-
geret injurias, 563.
optimum adversus
illam remedium, 43.
- Philippidis poetæ infeli-
citas, 9.
- Philippi M. insignis av-
tapaia. 928.
- Philippi Bonæ Spei laus,
1096.
- Philologi & philoponi li-
terati, non semper sunt
philothei, 1001.
- Philonis Jud. de origine
infelicitatis literariæ
sententia, 21. item de
literat. hom. conver-
sione, 45. virtus
ejus

- eius singularis, 1071.
 Philosophorum contentioforum hieroglyphicum, 643.
 Philosophica religio, 132.
 Philosophia quorundam quæstiosa, 868.
 Philosophia verè christiana, 814. ejus studium pie literatis commendatum, 815.
 Philosophorum veterum miræ metamorphoses, 868. recentiorum labyrinthi, 984. 985.
 Philosophorum dogmata atheismo confinia, 148.
 Phocionis periculum ex ambitione, 725.
 PIETATIS studium optimum adversus literariam infelicitatem est remedium, 50. seqq.
 ejus necessitas, 1099.
 quâ ratione doctis hominibus sit excolendū exercendumque, 43. seqq. 79. seqq. 197. seqq. 1010. 1011. seqq. 1027. seqq.
- Pietatis propagatio, 1102. seqq.
 Pietas gemma qualis, 197.
 ejus professio congenitum sciendi desiderium neutiquam extinguit, 1013. sed leges præscribit salutare, 1014. quam illa, 1015. seqq.
 Plagii literarii causa palmaria, 322.
 Plato quâ ratione impetratus à malevolis, 331. quo fine evocatus à Dionysio Syracusano, 381. quid de origine infelic. liter. statuerit, 20. quid humani in Democrito persequendo sit passus, 474. quæ laus ejus sit potissima, 1068.
 Plautus theatrici olim in Ecclesia recepti quomodo sublatis à Chrysostomo, 361. expetiti ab aliis, 362.
 Plinii Secundi cenodoxia, 359. studium imitandi viros præstantio-

- res, 65. cura in libro-
rum editione paranda
singularis, 415. otium
negotiosum, secre-
tumque museum, 848.
- Poetæ veteres cur adco
infelices 4. seqq. exitus
eorum miserabilis, i-
bid. 484. 607. fabulæ
de transformationibus
philosophorum, 868.
cassi & supervacanei
labores, 990. 992.
- Poetæ maledici, 671. si-
miles crabronib⁹, 672.
- Poetarum veterum de li-
teratis turgidis fabulæ,
254.
- Politici cujusdam de pro-
hibendis disputatio-
nibus pestilens consi-
lium, 635.
- Poloni cujusdam ex am-
bitione casus, 810.
- Pompeii fastus damnatus
à Romanis, 238.
- Pomponatius de athei-
simo quare suspectus,
173.
- Postellus GUILIELMUS
quibus fascinator sit
præstigiis, 971.
- Præceptores atheistici,
121. quomodo caven-
di, 122. 141. 152.
- Protagoræ Abderitæ ava-
ritia, 888. sceptici-
smus, 955.
- Procopii Cæsar. de indif-
ferentia religionum
turpe effatum, 147.
- Profanè doctorum homi-
num miseræ, 1000.
dementia ingens, 1042.
- Proverbium Talmudicū
de librorum condito-
ribus, 391.
- Providentia DEI quo-
modo probanda ad-
versus atheos, 191.
- Provocatores incauti,
621.
- Prudentia piè literatorū
in subjugandis hosti-
bus spiritualibus, 74.
in declinanda & susti-
nenda invidia, 517.
seqq. in scribendis tum
pro se tum adversus a-
lios libris, 619. in cor-
ripien-

ripiendis delinquenti-
bus aliis, 545.
Prudentiæ Christiano-li-
terariæ leges, 1014.
seqq.
Pseudo - politicorum li-
bri quam sint perni-
ciosi, 145. pudenda il-
lorum de religione ef-
fata, 146.
Pseudo - Prophetæ con-
tentiosi, 614. 617.
Psyllorum veterum insa-
nia, 501.
Puteani Claudii insignis
modestia, 388.
Pythagoras graviter in-
festatus ab invidiâ,
445. ejus symbolum ad
retundendam avaritiâ
litterat. memorabile,
928. laus ejus præcipua
quæ, 1067.
Pythagoricorum philo-
sophorum commen-
datio, 1067.

Q.

Quæstiones otiosæ &
inutiles, 982.
Quatuor de moderatione

Theologica axiomata,
656. seqq.

Quatuor industriæ litera-
riæ leges, 1014. seqq.

Quietis amor præpos-
terus in literato homine
culpandus, 935. 945.

R.

R Abbinorū biga ma-
lè exagitata à Chri-
stiano Gersone, 706.

Rablaſii FRANCISCI
libri pudendi, 126.
maledicentia insignis,
684.

Rami PETRI philoso-
phia contentiosa, 605.
seqq. exitus miserabi-
lis, 607.

Rationis humanæ præpo-
sterum in divina Do-
minium, 129. seqq.

Recitationes veterum,
325.

Regii Joh. Veneti doctiss.
extrema infelicitas,
990.

Regii Ludovici in scri-
ptores coævus acerbi-
tas, 685.

Ffff 2

Rela-

- Relapsus literatis conver-
sis quomodo vitandus,
83.
- Religionis contemptus,
112. indifferentia athei-
smo sociata, 147.
- Religionis sens⁹ quomo-
do in literato homin.
sensum corrumpatur,
98. frequens ejus mu-
tatio quid indicet, 114.
- Religionis mutatio, ur-
gente ambitione susce-
pta quam perniciofa,
796.
- Religionis dissidia ama-
rulentissima, 704.
- Religio Christiana quo-
modo cultores suos ad
injuriarum tolerantiam
hortetur, 741. seqq.
- Religio liter. quorundam
fucata & e mentita, 195.
- Religionis ad singulari-
tatis regulas pestilens
reformatio, 961.
- Religio prudentum qua-
lis, 115. 962.
- Religionis temerata cau-
sa præcipua quæ, 960.
- Remedia adversus mor-
bos literatorum my-
sticos, 38. seqq. utpote
conversio ad DEUM
seria, 43. autognosia,
ibid. correctio morum,
44. abnegatio sui, 51.
bona institutio, 54. no-
va Collegiorum pietatis
fundatio, 57. exemplum
laudabile, 62. pugna
adversus animi labe-
s assidua, 66. seqq.
- Remedium adversus ava-
ritiam præstantiss. 915.
- Reprehensio sui ipsius
commendata, 567.
- Res fuitiles qui laudant
præposterè, 1015.
- Resipiscentiæ vis, 45.
- Retractatio malè-scripto-
rum & dictorum pium
debet literatum, 412.
- Reuchlinus JOH. à fratri-
bus atratis infestatus,
470. invidiæ ei con-
flata causa palmaria,
471.
- Rhegineti Episcopi ava-
ri poena horribilis, 903.
- Reve-

Revelationum fallacitas,
975. quâ ratione evi-
tanda, 977.

Richardi de S. Victore,
eruditio juncta pieta-
ti, 1095.

Rigaltii Nicol. maturitas
præcox, 1026.

Rixarum Sophisticarum
& Scholasticarum con-
venientia, 587.

Robertelli philosophi &
oratoris Italici fastus
ingens, 219. lapsus i-
bid. maledicentia, 683.

Roma subterranea, seu o-
pus hoc nomine evul-
gatum quomodo sit
confectum, 419. seqq.

Romanarum inscriptio-
num opus quale fatum
subierit, 996. 997.

Ruffini Aquil. impru-
dentia in provocando
Hier. 621. sera nimis
vanaque querela, 622.

S.

Sabiniani Ep. Rom. li-
vor in decessorem
suum Gregor. M. 475.

Sabinorum somnia, 93.
Sacerdotii corrupti per-
niciēs, 544.

Sacra à literatis quibus-
dam turpiter polluta,
141. 143.

Sacra polluendi licentia
nefaria, 988.

Sacræ Scripturæ in conver-
tendis literatis atheis
efficacia, 139. 192. 193.
authoritas defensa, 142
ejus interpretatio ex
philosophia cur repu-
dianda, 985.

Sacrum in vitia bellum,
66. seqq.

Salmasii Cl. præclarum de
libris effatum, 389. ela-
tio, 227. 228. maledi-
centia, 688. odium in
D. Heinsium, 503. exi-
tus turbulentus, 503.

Salutem publicam parum
curant literati invidi,
495.

Sancta piæ-literatorum in-
excolenda & propa-
ganda virtute studia,
1190. seqq.

Ffff 3

Sani-

Sanitatis cura quibus literatis potissimum sit habenda, 1036.

Sarratonii Dominici ex avaritia interitus, 898.

Satyrarum patres deformes, 682.

Sapientiae studium quomodo fiat mercenarium, 869.

Savonarolae HIER. casus exitusque miserabilis, 465. invidia ei conflata, 466. grave è revelationibus sibi factis periculum, 975. iniquum de illis iudicium à Naudeo profectum, 976.

Scachi FORTUNATI cenodoxia, 311.

Scalichii PALLI praecox maturitas, 1023.

Scaligeri Iosephi mordacitas, 687.

Scepticae dissertationes quâ ratione introducant atheismum, 127.

Scepticismi fons & origo curiositas noxia, 955.

Scepticismus renatus quis, 986.

Sceptici veteres & recentiores, 956. eorum scoluli quomodo evitandi, 1022.

Schikardi WILHELMI fatum lugubre, 994.

Scholastici Doctores cur quibusdam dicti neosophistae, 583. eorum Theologia contentiosa, 583. 584. seqq. topicae imò scepticae nonnunquam de rebus divinis disputationes, 598. dissensiones mutuae, 596. de illis querelae quorundam gravissimae, 584. seqq.

Sciendi appetitus inordinatus, quantam post se trahat perniciem, 262.

Scientiae an inspirentur divinitus, 1027.

Scientiae generis quodnam excolendum à literato prud. 1031. 1023.

Scientia literatorum quae sit optima, 47. 53. 1065.

Scien-

- Scientiarum perfectioni - bus sit suscipiendum.
quantum operæ nostro 422. quam arduum sit
ævo impensum fuerit, & lubricum, 619.
952. 989. Scriptores librorum infe-
Scientiarum necessitas ad lices qui, 391. morda-
reducendos conver- ces & maledici, 702.
tendosque atheos, 185. seqq. cenodoxia mor-
Scientiæ humanæ tenui- bo laborantes, 385.
tas, 279. 967. 970. seqq. quomodo curan-
comparatio cum lumi- di, ibid.
- ne, 937. Scriptores sacri & Eccle-
Scientiæ tenacitas quam siastici quo ordine sint
culpabilis sit, 933. legendi, 1031.
- seqq. quomodo emen- Scriptores boni & felices,
danda, 939. 394. 401. quâ ratione
Sciopii CASP. maledicen- imitandi, 429. eorum
tia summa, 684. fatum mirabile, 387.
- Scopi seu finis certi ele- Scriptoribus librorum.
ctio literato homini quæ studiosè sint ca-
necessaria, 1017. seqq. venda, 391. seqq. ut-
Scotus JOHAN. bis mortu- potè materiæ & argu-
us, 585. à quibus & menta frivola, 392. ja-
curreprehensus, 335. ctantia turpis, 402. ni-
Scotistica subtilitates, mia in libris edendis
585. celeritas, 411. impati-
Scoti REGINALDI in ex- entia, 409. vastitas o-
plodendis effectibus perum ingens, 416.
supernaturalibus im- irreverentia, 416. ti-
pudentia, 152. 158. tulus librorum ambitio-
Scribendi negotium qui- si, 423.

- Scriptoribus librorum
 quæ diligenter sint ob-
 servanda, 409. scil-
 materia delectus, ibid.
 examen sui ipsius seri-
 um, 414.
 Scriptoribus quibusdam
 quid maximè profue-
 rit, 539.
 Senecæ examen sui ipsius
 quotidianum, 664.
 summa ejus ex animo
 felicitas, 1069. repre-
 hensio amici memora-
 bilis, 900.
 Senecionis cujusdam
 grandiora spirantis in-
 fania, 791.
 Sensus humani erroribus
 obnoxii, 151. 967.
 Serpens imago literati in-
 vidi, 434. ejus odium
 in mustelam, 442.
 Serapion Philosophus
 cur reprehensus à Se-
 neca, 285.
 Servitus miserrima quæ,
 327.
 Severi Cassii effatum me-
 morabile, 1021.
 Severitas in correptione
 peccantium quomodo
 socianda sit lenitati,
 549.
 Siderum observatio curi-
 osa, 972.
 Sigonii CAROLI concer-
 tatio liter. 608. seqq.
 ausus temerarius, ibid.
 exitus tristis, 608.
 Silentium quale doctos
 homines deceat, 562.
 ejus insignis utilitas in
 perferendis injuriis,
 734.
 Simoniacorum Clerico-
 rum miseria, 833. 903.
 seqq.
 Simonidis Philosophi a-
 varitia, 877.
 Singularitatis affectatio
 literatis viam parat ad
 atheismum, 117.
 Sinarum inane circa con-
 sequendam immorta-
 litatem studium, 396.
 eorum scientia politi-
 co-moralis, 1076.
 Sinicorum librorum stra-
 ges miserabilis, 477.
 Sme-

- Smetii Martini castus in
colligendis inscriptioni-
bus Romanis labor,
miserabilisque exitus,
996. 997.
- Societas Germanorum
frugifera, 59.
- Socrates quanta demissi-
one animi olim fuerit
conspicuus, 280. qua
arte Alcibiadis retude-
rit fastum, 238. quas
tolerarit injurias, 330.
quomodo livore ur-
gente perierit, 444. e-
jus discipuli de gene-
res, 578. mens ab o-
mni ambitu aliena,
848. summa ex virtu-
tis studio felicitas,
1067 laus ejus quæ
sit potissima, ib. mori-
turi oratio memorabi-
lis, 1068.
- Solonis felicitas literaria,
1069.
- Solus instar Solis quisnã
sit literatus, 520.
- Sophistarum Veterum
artes & contentiones,
576. seqq. mores pes-
simi, 577. odium in-
Socratem, 578. sub eo-
rum sidere qui hodie
literati nati videantur,
985.
- Sophista horribilis, 687.
- Sophistæ pseudo-christi-
ani qui, 582. seqq.
- Speßæi Jacobi moderatio
insignis, 388.
- Spiritus Christi quâ rati-
one opponendus sit.
spiritui elationis ambi-
tionisque literariæ,
816.
- Spiritus literatorum quo-
rundam familiares,
979.
- Stellæ Jul. Cæs. ambitio,
792.
- Stellæ quædam unde di-
ctæ sint erraticæ, 973.
- Stigma diabolicum, 165.
167.
- Silponis stupenda æqua-
nimitas, 931.
- Studiorum immodicorũ
noxæ

- nox gravissima, 32. seqq. 1035. seqq.
- Studia futilia & ludicra quæ, 1014. quomodo repudianda, 1016.
- Studiorum fines pessimi, 1018.
- Stufæ ALEXANDRI male-dicentia, 665.
- Stultorum labor, 486.
- laus qualis, 530.
- Stultitiæ proci qui 1065.
- SUPERBIA LITERATORUM**, 202. seqq.
- cur dicatur vitium radicale, 204. 247. ejus natura ac indoles, 204. 232. 233. 236. 237.
- fons & origo, 241. misera fatuitas, 265. exempla & documenta, varia superbiorum literat. gentilium, 206.
- christianorum, 209. seqq. damna & nocumenta exin promanantia, 251. remedia oportuna, 245. 294. 295. eorum applicatio salutaris 292. seqq.
- Superbus Literatus similis Lucifero, 255. fumo adscendenti & mox evanescenti, 230.
- igni fatuo, 257. 260.
- lunæ Solis æmulæ, 259. fulmini, 261.
- Neanti à molossis laniato, 264. homini stolido & phrenetico, 364.
- Superbus literatus quomodo DEUM ipsum impetat, 291. ejus in fastu aliorum calcando vanum studium 242. misera deceptio sui ipsius, 254. ultimus finis, 246. seria ad DEUM pietatemque conversio, 296. 297.
- Superbum cur Ebræi nuncupent incircumcisum 276.
- Superbia evidentissimum est reproborum literatorum signum & indicium, 300. dehortatio ab eadem christiana, 269. seqq.
- Syne-

Synesius cur subterfuge-
rit episcopale onus,
822. 823. ejus de ava-
rorum insipientia effa-
tum, 871.

T.

TAntalus imago lite-
ratorum ambitioso-
rum, 799.

Tassonii Poëta Italici tu-
mor & elatio, 223.

Tatiani præsumptio, 210.
ex ambitione lapsus,
803.

Temporis collocatio fru-
ctuosa, 1023.

Tenacitas literatorum,
878.

Tepor quibus maximè sit
vitandus, 659.

Terentii Afri infelicitas,
10.

Terrestrium rerum con-
temptus remedium ad-
versus livorem, 515.

Tertullianus quorum ve-
xatus sit invidiâ, 448.
ejus transitus in castra
Montani unde, 449.
parrhesia paulò rigidi-
or, 541.

Theodori Mopsvesteni
blasphemix, 178.

Theognosia vera unde
haurienda, 192.

Theologi neo-sceptici
qui, 987. 988.

Theologis vitanda ambi-
tio, 802.

Theophili Antiocheni
mira à profanæ doctri-
næ & vitæ vanitate ad
veram pietatem con-
versio, 1005.

Theophili Alexandrini
avaritia, 903.

Theosophorum Veterum
scripta simpliciora, cur
politissimis præsent-
ethnosophorum ope-
ribus, 375.

Theosophiæ cultorum
munus & officium, 61.
intentio qualis esse de-
beat, 119. scopus uni-
cus, 1019. ordo in stu-
diis, 1030. quæ tem-
poris habenda ratio,
1033.

Thesauri librarii, 497.

Theveti ANDRÆ itine-
raria cuj⁹ notæ sint, 426

Thoma.

- Thomasi JACOBI laus,
322. prudentia infi-
gnis, 326.
- Thraſones literati, 222.
282. 1064.
- Thuanus JAC. AUG. malè
vocatur atheus, 97.
- Thurvaii Angli horribi-
lis ex faſtu ruina, 215.
956. jaſtantia turpis
128. noxia curioſitas,
extremaque perditio,
956.
- Timor Domini literatis
commendatus, 195.
1003.
- Timoris Iſagogici Sacrum
magiſterium, 1004.
- Timor potius quam tu-
mor decet hominem
profundè doctum, 300
quæ ipſi timenda, 1004
- Timothei Æluri pro ob-
tinendo epiſcopatu
ſycophantica impo-
ſitura, 804.
- Tituli quales libris ſint
præfigendi, 425.
- Titius Lucretius Carus
Poëta quomodo perie-
rit, 10.
- Traiani Ducis vox ad Va-
lentem Imp. memora-
bilis, 67.
- Tranquillitas animi lite-
rati optatiſſima, 933.
1081.
- Tria literatorum curioſo-
rum genera, 953.
- Trithemius JOH. unde
magiæ ſuſpectus fuerit
981.
- Triumphatores Romani
quibus verbis olim
compellati, 784.
- Triphonis Dalmatæ ava-
ri inſania, exitusque
miſerabilis, 898.
- Turnebi laus ob inſignem
animi demiffionem,
219.
- Typographicæ artis in-
ventio & uſus, 324.
- Tyrannis ambitioſorum,
782.
- Tyrri MAXIMI profana
mens, 91. de toleran-
dis injuriis ſententia,
748. ſeqq.
V. Val-

- V** Aldi Augusti labores cassi & supervacanei, 992.
- V**alentinus unde factus sit hæreticus, 803.
- V**alla Laurentius invidiâ & contumeliis sociorum exagitatus, 472. ejus certamen cum æmulis quomodo diremptum, ibid.
- V**aninus JUL. CÆSAR atheismi apostolus, 100. ejus extrema malitia, 101. doli & technæ, ib. pertinacia, ib. exitus miserabilis, 102. sectatores, 103. libri atheismi labe corrupti, 125.
- V**ana literatorum quorundam persuasio, 951. 1064.
- V**anitas scriptorum gloriæ inhiantium, 386. honorum & dignitatum, 857. divinationum, 974.
- V**arronis TERENTII ambitio, 795.
- V**arro invidia Palæmonis quomodo fuerit exagitatus, 447.
- V**enti Cardinales quomodo animi respondeant affectionibus, 22.
- V**eritatis cognitio quorum culpa evadat difficilis & dubia, 615. titio, literato hominî minimè negligenda, 710.
- V**ertiginosi Doctores qui, 582.
- V**erulamii FRANCISCI BACONIS laus, 1044. gloria in literis quæ, ibid. candor & integritas, 1045. fama & estimatio, ibid. de infelicitatis liter. origine sententia memorabilis, 23. seqq. it. de radice atheismi, 110. ab invidia quomodo infestatus fuerit, 484. 1044. summa ejus felicitas, 1044. seqq. Ulge-

- Ugelotti TADII infelicitas extrema, 995.
- Via ad primos honores admodum tuta, sed parum trita quæ, 841.
- Vigilantia qualis adhibenda sit viro literato, 86. 519.
- Vindictæ studium à pio literato est alienum, 744. seqq.
- Virtus quale bonum, 39. ej⁹ præpostera affectatio, 29. excellentissimæ virt. indoles, 823.
- Virgilii in soluta oratione infelicitas, 1021.
- Vitæ probitas quantum ad obtinendam felicitatem literar. conducat 56. quomodo sectanda 57.
- Vitæ literatæ fugacitas, 999.
- Vitæ æmulorum suorum qui struxerint insidias, 484. seqq.
- VITIA literatorum quâ ratione causæ infelicitatis eorundem sint palmaria, 3. seqq. 11. quomodo morbis illorum respondeant corporalibus 35. seqq. qua ratione sint curanda, 66. 75. 76. neutiquam sunt attribuenta literis ipsis, 1059.
- Vitiorum febres hecticæ, 35. portæ vit. quomodo contiguæ sint virtutum aditui, 28.
- Vitii cum sanâ ratione pugna, 78.
- Vitiosus literatus bestia similis, 78.
- Vitium quale principio sit impugnandum, 81.
- Vives JOH. LUDOV. ab invidis vexatus, 471.
- Umbratica ambitiosorum literat. dignitas, 789.
- Unitas DEI quomodo demonstranda, 190.
- Unum necessarium literatis commendatum, 1002. seqq.
- Volsæi Thomæ summa ambitio & interitus, 792.
- Volu-

Voluptas piè literatorum
quæ sit maxima, 1108.

Vossii Gerh. Joh. laus exi-
mia, 1047. labores, ib.
summa ejus felicitas
quæ, 1048. de optimo
eruditionis fructu ser-
mo memorabilis, 1049

Urcei Antonii Codri ex-
trema infelicitas, 11.

ejus furor infaniaque,
12. spectro territi pœ-
nitentia, 13. de athei-
simo unde fuerit suspe-
ctus, 174.

Vulgus vile Theatrum
est, 531.

W.

Welschius ANTONIVS
quomodo effectus
sit magus, 160.

Wesseli J O H. jactantia,
309. tentationes de ve-
rit. rel. christ. circa vitæ
finem, 140. generositas
in respuendis honori-
bus & dignitat. 824.
825.

Wierus Joh. unde Magiæ
suspectus, 153.

X.

XAntippi Romani pru-
dentia in declinan-
da invidia, 521.

Y.

Yenyvenii Philosophi
ci Sinici oratio in
laudem Confutii ha-
bita, 1074.

Z.

ZAbarellæ latens a-
theismus, 99.

Zelus pius insignis Theo-
logi dos, 551.

Zelus in authores schi-
smatum & scandalorū
justissimus, 658. 660.
710. seqq.

Zeli amari & inordinati
perniciēs, 552. 663.

Zenonis Philosophi de
concertationibus lite-
ratorum sententia,
643.

Zerbi GABRIELIS, Medi-
ci avari casus exitusq;
miserabilis, 896. seq.

Zoili insignis maledicen-
tia, 670. ejus pœna
justissima, 718.

Zoilus

